

INSTITUTIONES THEOLOGICÆ

QUAS

AD USUM SEMINARIORUM

à Fusoribus suis Prælectionibus contraxit

PETRUS COLLET.

Presbyter Congregationis Missionis, Sacræ Theologiae Professor, & in Sorbona Doctor.

TOMUS PRIMUS

Continens Tractatus

I. DE ACTIBUS HUMANIS. II. DE CONSCIENTIA.
III. DE LEGIBUS. IV. DE PECCATIS. V. DE
PRÆCIPUORUM STATUUM OBLIGATIONI-
BUS, VI. DE VIRTUTE RELIGIONIS.



Post Quintam Parisiensem editionem Prima
CULMÆ IN PRUSSIA
M. DCC. LXV.

Cum Approbatione & Privilegio.

Bj Brem. C. VIII. 5

E

R

I

ARC

N



Sum

CELSISSIMO
EXCELLENTISSIMO

^{AC}
REVERENDISSIMO DOMINO DOMINO

VLADISLAO
ALEXANDRO

POMIAN à LUBNA

LUBIENSKI

ARCHIEPISCOPO GNESNENSI, LEGATO

NATO, REGNI POLONIÆ & MAGNI

-DUCATUS LITHVANIÆ

PRIMATI

PRIMO^{quē} PRINCIPI.



Opus, quod Tuâ Authorita-
te prælo mandatum est PRIN-
CEPS CELSISIME, perfe-
rum, in lucem prodire Tuô Nomine
infignitum

insignitum, patieris. Quem enim Patronum ambiret Opus junioribus Clericis instituendis, & ad dignè obeunda Pastorum Mania, in hac Regione informandis destinatum? quam Cleri Poloniarum Præsidentem, Qui & Authoritate, & Virtute & Benevolentia illud Suum fecit.

Nosti equidem PRINCEPS CELSISSIME, ac factis quotidie comprobas, in hac Provincia, quæ Te Archi Præsulem Suum, Primumquè post Regem veneratur Principem, unam ex præcipuis partem Ministerii Tui esse, iis invigilare, quibus tota inhæret Religionis Majestas, Ecclesiæ decus, Patriæ gloria, Populi vera felicitas. Quis verò ignorat? quantum ad hæc conferat in Theologia Dogmatica juniorum Clericorum institutio. Discet aliquando ab illis populus quid debeat Deo? quid Ecclesiæ? quid Patriæ? quid Animabus Suis? & non nisi ab imbutis Doctrinâ sanâ docebitur, reddere DEO adoratio-

nem

nem in Spiritu & veritate, Ecclesiæ per
custodiam disciplinæ decus adferre, Patriæ,
per observationem Legum gloriam auge-
re, Animabus Suis per Compositos mores
ad Leges DEI, Ecclesiæ & Reipublicæ
prodesse.

At non Authoritate tantum, sed & Vir-
tute, opus hoc Taum facis PRINCEPS
CELSISSIME. Forma etenim gregis fa-
ctus moribus, Tuis edoces, quomodo Cle-
ricum oporteat conversari in Domo DEI,
eruditione Tuâ demonstras quàm Sublimi
Scientiâ eum præditum esse deceat, Pie-
tate Tuâ, Tuoque pro Religione, Ecclesia
& Patria Zelò omnibus declaras, quantum
quisque debeat DEO, Ecclesiæ, Patriæ,
& Animæ Suæ; quæ Summa hujus Ope-
ris sunt.

Benevolentia denique Tua PRINCEPS
CELSISSIME vindicat sibi opus hoc, ut
potè, quod ab Authore ad usum Cleri
Gallicani conceinatum, ex Tuo Mandato
conveni-

convenienter ad Canones Sacrosancti Concilii Tridentini, nec non ad leges Regni Nostri, correctum, & Te hortatore ad Usus Cleri Provinciæ hujus reimpressum est.

Multum & Nos debemus Benevolentiae Tuæ PRINCEPS CELSISSIME at in testimonium Officiorum Nostrorum, accipe Opus hoc, quò profiteri volumus nos esse

CELSITUDINIS TUÆ

humillimos Clientes

Sacerdotes Poloni Congregationis Missionis.

PR
STA
F
R
j
v
v
S
ver
lem P
greg. M
titum,
minatio
COLLET
lids in
rum R
mensi
rit, mo
mur;
vere
presen
vetam
nes Th
typis m
pradi
Provin
re aude
exempl
ductoru
biliter
bus Ju
senti F
judica
scripta
Die X
Nostri
STA

PRIVILEGIUM REGIUM.

STANISLAUS AUGUSTUS Dei gratiā
Rex Poloniæ, Magnus Dux Lithvaniæ,
Rusiæ, Prussiæ, Masoviæ, Samogitiæ, Ki-
joviæ, Volhyniæ, Podoliæ, Podlachiæ, Li-
voniæ, Smolensciæ, Severiæ, Czerniecho-
viæquè.

*S*ignificamus præsentibus Literis nostris, quorum interest, Uni-
versis & singulis. Expositum Nobis fuisse per Venerabi-
lem PETRUM HYACINTHUM SLIWICKI Presbyterorum Con-
greg. Missionis in Regno Nostro Visitatorem, ac Theologum No-
strum, quod Ipse Institutiones Theologicas, quas ad usum Se-
minariorum è fustioribus suis prælectionibus contraxit PETRUS
COLLET ejusdem Congregationis Missionis Presbyter, jam a-
liàs in Gallia Typis mandatas, notisque ad usum Seminario-
rum Regni Nostri servientibus illustratas, in Typographia Cul-
mensi suis sumptibus prælo iterum mandare in animum induxe-
rit, modò illi Privilegium Nostrum privativum concedere dignare-
mur; Nos, qui progressum scientiarum & artium utilium promo-
vere semper intendimus, petitis hujusmodi libenter consentimus,
præsentique Privilegiò Nostrò ad Annos Triginta valiturò seriò
vetamus, & prohibemus, ne quisquam alius hujusmodi Institu-
tiones Theologicas &c. in Regno Nostro ac Provinciis ei annexis
typis mandare, aut alibi uspiam impressas absque Consensu,
prædicti Venerabilis PETRI SLIWICKI in Regnum Nostrum ac
Provincias ei annexas introducere, eoque minùs venum expone-
re audeat, & præsumat, idque sub pœna Confiscationis omnium
exemplarium contra præsens Privilegium impressorum, aut intro-
ductorum, & insuper mille Aureorum Hungaricalium irremissi-
bilitè Parti damnificatæ exsolvendorum declarantes, ab omni-
bus Judicibus Regni Nostri, ad quos de Contraventione Præ-
senti Privilegiò Nostro introducta fuerit causa, ita (ut præfertur)
judicari debere. In quorum Fidem præsentès Manu Nostra sub-
scriptas Sigillò Regni communicari jussimus. Datum Varsaviæ
Die X. Mensis Junii Annò Domini MDCCLXV. Regni Verò
Nostri Primò Annò.

STANISLAUS AUGUSTUS REX.



Pro Cancellariatu

Illmi. & Rndmi Domini Andreæ
Młodzieiowski Pro Cancell. Regni.

Sigillatum.

Antonius Sikorski Sæ. Ræ. Mus. &
Sigilli Regni Secretarius mppr.

VLADISLAUS, ALEXANDER POMIAN à
LUBNA LUBIENSKI, Dei & Apostolicae
Sedis Gratiâ Archiepiscopus Gnesnensis,
Legatus Natus, Regni Poloniae, & Magni
Ducatus Lithvaniae Primas, Primusque
Princeps.

Cum in plerisque Diacesum hujus Regni, & Magni Ducatus Lithvaniae Seminariis, praecipue verò sub directione Presbyterorum Congregationis Missionis existentibus, Sacram Theologiam, non ad calammum dictari, sed eam (quò studentium profectui, & tempori utiliùs consultum est) ex variis Authoribus explicari noverimus; Nihilque magis sollicitudini Nostrae incumbere recognoscamus. quam ut Juniores Clerici in eisdem Seminariis educandi, non tantum doctrinâ sanâ, & scientiâ Sanctorum imbuantur, verum etiam ut in tanta Sententiarum apud Theologos & Casuistas (quæ Conscientias fidelium haud raro perplexas reddit) diversitate, discant, hortante Apostolo, id ipsum sapere in Domino, efformenturque primum in doctrina, seu scientia morum unanimes, id ipsum sentientes, ac demum efficiantur in moderatione conscientiarum quasi unius labii; Inhaerendo vestigiis Reverendissimorum Galliae Antistitum, quorum Autoritate pro variis eorum Seminariis varia in iis explicanda Theologica opera prodire consueverunt, & aliquot ab annis pro eorundem Seminariorum usu prodire, in lucem Institutiones Theologicae Authore PETRO COLLET, Doctore Sorbonico, Presbytero Congregationis Missionis: Opus à Sanctissimo Domino Nostro felic. record. BENEDICTO XIV. in suis lucubrationibus saepius laudatum, post plures in Gallia editiones, in Italia reimpressum; à Viris aequè Pius ac doctis examinatum, probatum, & multis, justisque elogiis commendatum; præ cæteris verò, qui de Theologia Morali conscripti sunt libris, hunc tum collectione eorum, quæ alibi dispersa sunt, tum saniore doctrina, quæ nec molliori vitæ blanditur, nec nimis rigida disciplinæ patrocinatur, tum denique utilium magis quam subtilium questionum congerie, sententiarum delectu, ordine, ac in iis pertractandis stylo facili, & aperto refertum, & Nobis optime notum, in Seminariis hujus Regni, & Magni Ducatus Lithvaniae legendum, & explicandum judicavimus. Atque ut non tantum juvandis in perdiscenda Theologia Seminariorum Alumnis inservire, sed etiam Animarum Rectioribus in Pastoralis Ministerio prodesse possit, sufficienti numero exemplarium, quæ difficiliùs fortè de exteris Nationibus conducerentur, & conductâ non adeo prodesse, utpote ad usum Ecclesiae Gallicanae edita, reimpressionem illius in Regno Poloniae exactè & conformiter ad Jus Tridentinum adaptandam Admodum R. verendo Domino PETRO HYACINTHO SLIWICKI, Praeposito S. Cr. cis Varsoviae, & Visitatori Generali Congregationis Missionis pro Poloniam & Lithvaniam, Viro in divinis & humanis literis ac legibus optime versato, prudenti, probo, & verò Ecclesiastico committendam duximus, prout per praesentes committimus. Datum Sviacernieviciis Die 28. Mensis Martii. Anno Domini 1763.

VLADISLAUS Archi-
episcopus & Primas mppr. (L. S.)

AN-

ANDREAS IGNATIUS DE BRONIEWICE
BAJER, Dei & Apostolicæ gratia Epi-
scopus Culmenfis & Pomesanæ.

Quod dudum in votis multorum fuisse reminiscimur: ut pro legenda in Seminariis & explicanda Theologia unum aliquod, ex multis ac variis eligeretur, atque ad usum eorundem Seminariorum accommodaretur opus Theologicum; non sine solatio animi nostri nuper accepimus: plures (præeunte Celsissimo Principe Archiepiscopo nostro Gnesnensi Primæ Regni) Illustrissimos ejusdem regni nostri Antistites præcelsisse pro suis Seminariis Institutiones Theologicas Authore PETRO COLLET Presbytero Congregationis Missionis Sacræ Theologiæ Professore & Doctore Sorbonico. Nos tam pio atque prudenti Consilio non tantum suffragantes; verum etiam augendorum exemplarium gratiâ propositum nostro Culmensi Typographeo reimpresionem præfati operis meditantés, licet illo à Sanctissimo Domino nostro filic. record. BENEDICTO XIV. pluries in suis lucubrationibus memoratum & collaudatum non ignoremus, & jam pro usu Seminariorum Galliæ accomodatum ac assumptum noverimus; quia tamen in Seminariis Poloniæ magis profuturum arbitramur, & pollicemur, si ea, quæ ibidem contenta soli discipline Ecclesiæ Gallicanæ conveniunt, ad leges Sacro-Sancti Concilii Tridentini accommodentur: Oblatam Nobis hac in parte ab Admodum Reverendo Domino PETRO HYACINTHO SLIWICKI Præposito S. Crucis Varlaviæ & Congregationis Missionis per Poloniam ac Lithvaniam Visitatore operam gratissimo pectoris nostri sensu acceptantes, eundem, ut pote Virum Ecclesiastico Spiritu & zelo plenum, ac insigni prudentia & eruditione præditum, dicti operis Theologici in nostra Diocesi imprimendi Revisorem, Censorem, atque Correctorem Autoritate ordinaria eligimus, constituimus, & declaramus. Datum in arce nostra Starogrodensi Die 20. Maji Anno Domini 1763.

ANDREAS Episco-
pus mppr.

(L. S.)

APPROBATIO

Editionis prioris in Gallia.

Jussu Illustrissimi Galliarum Cancellarii legi Tractatus morales *Institutionum Theologicarum PETRI COLLET &c.* omnes quidem juxta meliores methodi analyticae formas elaboratos, hoc est: ita, ut nihil redundet aut desideretur. Omnia aliunde tam bono ordine, tam accurate ac sagaciter disposita, & exposita mihi visa sunt, ut asserere auisim, Lectorem qui legendo tempori parcere voluerit, facile cogniturum, Authorem curae aut tempori minimè pepercisse. Datum in aedibus Lexovais die 20. Junii 1744.

LE SEIGNEUR, Doctor Sorbonicus.

APPROBATIO

Editionis posterioris in Polonia.

Opus quod inscribitur *Institutiones Theologicae, quas ad usum Seminariorum è fustioribus suis Praelectionibus contraxit PETRUS COLLET Presbyter Congregationis Missionis, Sacrae Theologiae Professor & in Sorbona Doctor, ex Mandato Celsissimi Regni Primatis, & nonnullorum aliorum Regni Antistitum, specialiter autem Illustrissimi Domini Episcopi Culmensis, utpote: novae dicti operis reimpressionis LOCI ORDINARI, per me revisum ac nonnullis brevibus notis ad usum Seminariorum hujus Regni servientibus illustratum, jam alias in Gallia Typis mandatum, nunc verò quatuor Tomis in Octavo comprehensum non sine evidenti Cleri praesertim junioris in hoc Regno utilitate ac profectu Typis in Polonia mandatum iri censeo. Varaviae Die vigesima quarta Julii Anno Millesimo Septingentesimo Sexagesimo Quinto.*

PETRUS HYACINTHUS SLIWICKI

Visitator per Poloniam Congregationis Missionis.

PRÆ-

PRÆFATIO AUTHORIS.

PRODEUNT tandem aliquando, Lector Benevole, quas crebris di-
gnatus es votis expetere Theologicæ nostræ Institutiones ad u-
sum juventutis in Seminariis efformandæ. Et ego quidem necessi-
tatem compendii hujus senseram jam dudum. Non me fugiebat,
Prælectiones quas feci publici juris, prolixiores esse, & arduas ni-
mis, quam ut vel à junioribus Clericis sine expositione intelligi, vel
à Magistris per breve Seminarii curriculum, ut decet, exponi possent.
verum penes me non erat, ut malo huic quantocumque mederer.
Optarat scilicet Eminentissimus Regni Administer, quem quia vi-
vum colui ex animo, mortuum sincerè luxi; optarat, &, ut in eum
eram affectus, jussu erat optando, ut quæ Doctissimi Tournelyi labo-
ribus deerant, hæc eadem forma perficere conarer. Tentavi pro-
modulo: aspirasti conatibus nostris, Lector benignissime, & aspiran-
do moram injecisti. Dum enim editiones secundis ac tertiis curis,
ingemino, totumque per annos plures vitæ tempus studia inter,
graveque morbos, virium refecionem lance prope æquali dispersio,
en celeri cursu profluit decennium totum, antequam sextum & ul-
timum fusoris Theologiæ volumen in publicum emittere licuerit.
Nunc ubi totum opus ad exitum vergit, & jam respirare libet, vi-
ctus, né dicam, illectus reperitis plurimorum querelis successi oneri,
& labore supra cogitationem aspero volumina sex eximia molis,
triplici brevis staturæ tomo conclusi. Eadem, qua semper dicendi
methodo usus sum, sed ordine Tractatum multò feliciori; cum
penè omnes in Opere præsentis ita dispositi sint, ut ab uno ad alium
molliter ac sensim fiat progressus.

Cæteris præit Tractatus de actibus humanis, Moralis Theologiæ
basis & fundamentum. Eundem proximè excipit gemina de Actu-
um humanorum regulis dissertatio, quarum prior, (eamque, ob ar-
gumentum gravitatem brevitati conjunctam, quoribus sine fastidio fieri
poterit juvenes edoceri velim) conscientiam dirigit, posterior Le-
ges investigat. Legibus succedunt, quæ iisdem directè adversan-
tes Peccata. Hæc duplici Tractatu exposuimus quorum alter, quid-
quid ad genericam peccati rationem pertinet, alter quidquid in præ-
cipuis Christianæ Reipublicæ Statibus delinquitur media breviorē
inter & fusiorē oratione exolvit. Hæc primi voluminis materies,
cui tractatus de Religione subnectetur.

Secundi materiam constituent Dei & Ecclesiæ mandata, quibus
tamen, non nihil obstat, ipsa rerum dicendarum molis, annectam
tractatus de jure & Justitia, atque de Contractibus.

Amplam Sacramentorum materiam, licet jam à Tornelyo nostro
Compendiose exhibitam, felicius, si bene auguro, quia practice ma-
gis, complectetur tertius & quartus Tomus: ille de Sacramentis in
genere, demum de Baptismo, Confirmatione, Eucharistia & Pœni-
tencia.

P R Æ F A T I O.

rentia pertractando; hic de Ministro Pœnitentiæ ac reliquis in specie Sacramentis prosequendo, tractatibus de Indulgentiis, Beneficiis, Censuris, & Irregularitatibus integrum Theologiæ Moralis concludet opus.

In his porrò omnibus, etsi quantum fert natura compendii; nihil eorum prætermisum est, quæ ad adstruendam Ecclesiæ fidem, dici potuere, praxi tamen enixiori conatu incubuimus. Ea nimirum est, quæ plus indigent animarum Directores: hæc si deerit, vigeant inter mercatores usuræ, inter altarium Ministros simoniæ, rapinæ inter famulos, & ex una quandoque Parochia vitiorum genus omne pullulabit. O qui * *Scientiarum Dominus* es, qui *linguas infantium facis esse disertas* qui *tanquam imbres mittis eloquia Sapientiæ tuæ & indoctos quosque erudis in lege Testamenti*; Deus immortalis tantum prohibe scelus: fac ut sint Levitæ tui *secundum menses pristinos*; redde *tabernaculis Jacob & tentoriis Israël pulchritudinem antiquam*; suscita tibi Ministros fideles, qui sint secundum cor tuum; discant à te jam à juventute sua, & à Sacerdotio repulsum iri, quis scientiam repulerit; & ab eo omni repelli scientiam, qui nimis propriæ cutis amator, studium acre dies penè & noctes non continuaverit.

* I. Reg. 2. 3. Sap. 10. 22. Eccl. 39. 9. Proverb. 14. 33. Job. 29. 2. Num. 24. &c.

M O N I T U M.

Cum nostrum hoc compendium, etsi verè compendium est, nonnullis paulo fusius videatur, quædam in eo passim indicavimus, quæ in brevioris moræ Seminariis omitti possint; eaque per stellulam, boni augurii notam, expressimus. Cætera quæ memoriæ mandari oportet, designavimus per crucem. Potuissent equidem priora omnino deleri, sicque opus totum redigi ad quinque vel sex volumina. At satius visum est, servare ea, quæ candidatis nihil jam moræ facere possint, & aliquando Sacerdotibus prodesse valeant. Absit enim ut Sacerdotis scientia scientiam junioris Clerici non exsuperet. Fruere hac nostri cura, Lector, & in Opere uno duplex utrumque Opus accipe.



IN-

CAPUT I.
ARTICULU
SECTIO I.
CONCLUSIO
licitis sint
elictos,
CONCLUSIO
verò int
CONCLUSIO
do, volu
involunt
CONCLUSIO
aliquo re
dem ratio
circumstan
CONCLUSIO
peccatum,
SECTIO II.
CONCLUSIO
pliciter vo
tia verò a
CONCL. II.
CONCL. II.
CONCL. III
cibilis fr
to
CONCL. IV
prima pri
ad conclus
ART. II. L
CONCL. I. L
sitate liber
CONCL. II. L
requiritur
CONCL. III
luntario,
ationis,
CONCL. IV

INDEX

TRACTATUM ET QUÆSTIONUM.

TRACTATUS DE ACTIBUS HUMANIS.

CAPUT I. <i>De principiis intrinsicis actus humani,</i>	Pag. 2.
ARTICULUS I. <i>De voluntario & involuntario,</i>	ibid.
SECTIO I. <i>An & quatenus vis, metus & passio involuntarium causent,</i>	5
CONCLUSIO I. Nulla violentia facere potest, ut actus à voluntate eliciti, sint involuntarii; seu, voluntas cogi non potest quò ad actus elicitos,	ibid.
CONCLUSIO II. Violentia absoluta voluntarium perimit; violentia verò insufficiens, seu secundum quid, minuit duntaxat,	6
CONCLUSIO III. Quæ fiunt ex metu naturali, sunt, per se loquendo, voluntaria simpliciter in genere liberi; & in eodem genere, involuntaria secundum quid	7
CONCLUSIO IV. Concupiscentia antecedens, ordinariè loquendo, sub aliquo respectu auget, sub alio minuit voluntarium: auget quidem ratione objecti ad quod directè movet; minuit vero ratione circumstantiarum, unde etiam libertatem minuit,	8
CONCLUSIO V. Concupiscentia consequens auget voluntarium & peccatum,	9
SECTIO II. <i>An ignorantia causet voluntarium,</i>	10
CONCLUSIO I. Ignorantia consequens non affectata, facit opus simpliciter voluntarium, & involuntarium secundum quid; ignorantia verò affectata, voluntarium, siquæ & peccatum adauget.	11
CONCL. II. Ignorantia concomitans facit opus simpliciter involuntarium,	12
CONCL. III. Quælibet ignorantia, etiam juris naturalis, modò invincibilis sit & antecedens, tollit voluntarium & excusat à peccato	ibid.
CONCL. IV. Non datur ignorantia invincibilis juris naturalis quò ad prima principia, & proximas eorum conclusiones; datur verò quò ad conclusiones magis remotas,	13
ART. II. <i>De libero,</i>	17
CONCL. I. Homo lapsus non à coactione solum, sed etiam à necessitate liber est,	19
CONCL. II. Ad merendum & demerendum in statu naturæ lapsæ requiritur libertas à necessitate, nec sufficit libertas à coactione,	23
CONCL. III. Essentia libertatis in genere non consistit in solo voluntario, sed ad eam necessario requiritur indifferentia contradictionis,	27
CONCL. IV. Indifferentia ad bonum & malum, seu potentia peccandi	[a] 2

INDEX TRACTATUUM

candi non pertinet ad essentiam libertatis: pertinet tamen ad statum puri hominis viatoris,	31
CAPUT II. De principiis extrinsecis actus humani,	32
ART. I. De fine,	ibid.
ART. II. De beatitudine,	36
SECTIO I. De beatitudine obiectiva,	ibid.
CONCL. Obiectum beatitudinis non est aliquid creati: sed solus Deus,	37
SECTIO II. De beatitudine formali,	40
CONCL. I. Beatitudo non consistit in actione Dei increata	41
CONCL. II. Beatitudo non consistit in speciali illapsu Dei in essentiam animæ vel potentias ejus,	ibid.
CON. III. Beatitudo formalis in visione, amore & gaudio consistit,	42
SECTIO III. De affectionibus beatitudinis	47
PUNCTUM I. De beatitudine corporis,	ibid.
CONCL. Corpora mortuorum aliquando resurgent,	ibid.
PUNCTUM II. De Beatitudine Animæ,	54
CONCL. I. Beati tam necessariò diligunt Deum, ut ab ejus amore cessare non possint,	55
CONCL. II. Beati sunt impeccabiles, & quidem ab intrinseco,	ib.
PUNCTUM III. De iis quæ conveniunt Beatitudini tum animæ tum corporis,	57
CONCL. I. Sanctorum beatitudo æterna erit, nullique vicissitudini obnoxia,	ib.
CONCL. II. Beatitudo Sanctorum est inæqualis,	58
CAPUT III. De proprietatibus actuum humanorum,	59
ART. I. De bonitate & malitia morali Actuum humanorum,	ib.
SECTIO I. In quo consistat malitia & bonitas actus humani,	ib.
CONCL. I. Moralitas actus non consistit in solo libero,	60
CONCL. II. Regula ex cujus commensuratione desumitur moralitas, est recta ratio,	ib.
SECTIO II. An dentur actus indifferentes;	62
CONCL. I. Non dantur actus indifferentes in individuo,	63
CONCL. II. Ut actio sit ex omni parte bona, necesse non est, ut ad Deum propter se dilectum referatur, seu ut fiat ex motivo charitatis saltem initialis strictè sumptæ,	68
ART. II. De affectionibus Moralitatis,	76
SECTIO I. De principiis Moralitatis,	77
CONCL. I. Actio humana habet moralitatem suam ab objecto, spectatò in esse morali,	78
CONCL. II. Actus humani tam interni quàm exteriores bonitatem aut malitiam desumunt à circumstantiis,	79
CONCL. III. Moralitas actuum humanorum etiam desumitur à fine,	80
SECTIO II. De multiplicatione Moralitatis in eodem actu,	81
CONCL. I. In actu qui bonus est obiectivè, malus verò ratione finis, unica est moralitas, nempe finis malitia, quæ in obiectum ejus redundat, ejusque bonitatem moralem omnino destruit,	82
CONCL. II. Circumstantia venialiter mala adveniēns actui bono totam ejus bonitatem non aufert,	84
CONCL. III. Unus idemque actus potest simul habere duas bonitatis aut malitiæ species, unam ex objecto, alteram ex fine,	86
SECTIO III. De augmento Moralitatis per actum exteriorem,	87
CONC. Actus exterior, prout est mera executio actus interni, non ad-	

ET QUÆSTIONUM

adju- 31 32 - ibid. 36 ibid. sed solus 37 40 41 essen- ibid. tit, 42 47 ibid. ibid. 54 s amore 55 o, ib. tum cor- 57 stitudini ib. 58 59 ib. 60 oralitas, ib. 62 63 t, ut ad o chari- 68 76 77 to, spe- 78 nitatem 79 t fine, 80 81 ne finis ejus re- 82 ono ro- 84 ponitatis 86 87 ni, non ad-	adju- poenam essentialem, adju- poenam accidentalem, ART. III. De merito actuum humanorum, SECTIO I. De essentia & existentia meriti, CONCL. Homo per gratiam operans vere & proprie meretur, SECTIO II. De conditionibus ad meritum requisitis, CONCL. I. Ad meritum quodcumque requiritur, ut actus sit liber. etiam a necessitate, CONCL. II. Ut homo quocumque modo mereatur, requiritur opus bonum, & quidem supernaturaliter, CONCL. III. Ut opus sit meritorium, debet fieri in obsequium Dei, CONCL. IV. Ad meritum ex parte merentis requiritur status gra- tia, CONCL. V. Mereri & demereri pertinet ad statum viæ: seu ad me- ritum requiritur status viatoris, CONCL. VI. Ad meritum de condigno requiritur ex parte Dei pa- ctum de danda mercede, CONCL. VII. Ad meritum de congruo requiritur imo. opus bonum in ordine supernaturali; 2do. liberum; 3tio. ab homine viatore e- licitum; 4to. in obsequium Dei,	vel vel 88 90 ib. 91 93 liber. ib. ib. ib. Dei, 96 97 ibid. ibid. ibid. imo. opus bonum 99
---	--	--

TRACTATUS DE CONSCIENTIA.

CAPUT I. Quid, & quotuplex est conscientia,	100
CAPUT II. De conscientia erronea,	103
CONCL. I. Non peccat qui agit ex conscientia invincibiliter errante, imò peccat qui contra eam agit,	ibid.
CONCL. II. Qui conscientiam habet vincibiliter errantem, peccat, sive contra eam agat, sive non;	104
CONCL. III. Peccatum contra conscientiam invincibiliter erroneam est mortale, si conscientia dicat ipsum esse mortale; veniale ve- rò si conscientia illud non nisi veniale esse dicat, sive enim ac- tio sit bona in se, aut mala; sive mala graviter vel leviter,	105
CONCL. IV. Peccatum contra conscientiam vincibiliter errantem tale est, qualis apprehenditur materia circa quam versatur: ita ut si materia ut gravis apprehendatur, grave sit peccatum, si ut levis, leve: modò quod apprehenditur ut leve, non sit reipsa grave,	106
CONCL. V. Cum quis erroneâ conscientia laborat, alie sunt obli- gationes ex parte ipsius, alie ex parte Confessarii,	ibid.
CAPUT III. De Conscientia scrupulosa,	108
CAPUT IV. De Conscientia dubia,	112
CONCL. I. In dubio etiam negativo seu juris seu facti, pars tutior sine peccato omitti non potest,	113
CONCL. II. Qui de licitate actus positivè dubitat, ob æqualem vel pene æqualem momentorum vim, tenetur partem eligere tutio- rem, & ab agendo abstinere,	115
CAPUT V. De Conscientia probabilì,	122
CONCL. I. Non potest quis sine peccato sequi opinionem libertati faventem & minus probabilem, in concursu opinionis alterius stantis pro lege & simul probabilioris,	124
CONCL. II. Ex duabus opinionibus æque probabilibus, quarum al- tera	

INDEX TRACTATUUM

- tera favet legi, libertati altera, ea teneri debet quæ tutior est, id est, quæ stat pro lege, - 130
- CONCL. III. E duabus opinionibus licitum est eam sequi, quæ libertati favet, modò sit probabilior altera, - 133
- CONCL. IV. Ut opinio probabilior de licito teneri possit, prætermissa opinione tutiori de illicito, non sufficit quicumque probabilitatis excessus, sed requiritur notabilis, - 138

TRACTATUS DE LEGIBUS.

- CAPUT I. *De Lege in communi,* - 139
- ART. I. *De essentia & existentia Legis,* - ibid.
- ART. II. *De causis, effectibus & divisione Legis,* - 142
- CONCL. I. Lex prout est opus legislatoris præsuppositivè pertinet ad intellectum, formaliter vero ad voluntatem: prout vero est in subditis, pertinet ad eas facultates quarum est cognitio & iudicium, ib.
- CONCL. II. Promulgatio essentialis est legi, prout actu & de facto obliganti, - 144
- CONCL. III. Convenientissimum est legem in scriptis dari, haud tamen necessarium, - 145
- CAPUT II. *De Lege æterna,* - 146
- CONCL. I. Lex æterna non ineptè definitur à S. Augustino Lib. 22. contra Faustum, cap. 27. Ipsa ratio vel voluntas Dei ordinem naturalem conservari iubens, perturbari verans; seu, quod idem recidit, Actus divinæ mentis necessario dictans quid sequi aut fugere debeat creatura, cum voluntate eam obligandi, ibid.
- CONCL. II. Existit lex æterna, - 147
- CONCL. III. Si certo quodam rigore loqui velis, Deus non subiicitur legi æternæ; eadem tamen aliquo sensu licet minus proprio subiectus dici potest, - ibid.
- CONCL. IV. Contingentia tum naturalia, tum libera suo quæque modo legi subjacent æternæ, - 148
- CONCL. V. Lex æterna est lex propriè dicta, - ibid.
- CAPUT III. *De lege naturali,* - 150
- ART. I. *An sit, & quid sit,* - ibid.
- CONCL. I. Existit lex naturalis omnium mentibus ingenerata, ibid.
- CONCL. II. Lex naturalis in actu primo, ac velut in genere habitus spectata, est vis à Deo menti creatæ impressa, imperativè dictans, seu potius nata dictare quid sit faciendum vel omittendum ut consentaneum aut dissentaneum legi æternæ. Eadem vero lex in actu secundo spectata, est actuale dictamen præcipiens quid hic & nunc fieri debeat aut omiti, &c. - 151
- ART. II. *De objecto legis naturalis,* - 153
- CONCL. I. Non tantum prima principia practica per se nota, sed conclusiones etiam omnes quæ ab iis necessario derivantur, sunt totidem legis naturalis præcepta, - ibid.
- CONCL. II. Actus omnium virtutum possunt aliquo sensu dici pertinere ad legem naturæ; sed non hoc sensu quod omnes naturali lege præcipiantur, - 154
- CONCL. III. Modus virtutis ut quis sciens & volens operetur cadit sub præceptum legis naturæ, - 155
- CONCL. IV. Modus virtutis ut quis agat propter honestum finem, cadit sub præceptum legis naturæ, - 157
- CONC.

ET QUÆSTIONUM.

- CONCL. V. Modus ut quis constanter & firmiter operetur, non ca-
dit sub præceptum, 157
- ART. III. *De affectionibus legis naturalis,* 158
- §. I. CONCLUSIO I. Lex naturalis, tam quoad rectitudinem quam
quoad cognitionem, apud omnes est una, si spectetur quantum ad
prima & generaliora principia; secus si spectetur quantum ad prin-
cipia remotiora, ibid.
- CONCL. II. Lex naturalis sumpta in actu primo, non potest in hu-
manis cordibus aboleri, si vero sumatur in actu secundo, non de-
letur quidem quoad principia generaliora, sed deleri potest quoad
principia quædam obscuriora, ibid.
- §. II. CONCL. III. Nulla sunt legis naturæ præcepta in quibus De-
us dispensare possit, 161
- CAPUT IV. *De Lege divina,* 165
- ART. I. *De lege veteri,* 166
- SECTIO I. *An lex vetus bona fuerit, & perfecta,* ibid.
- CONCL. I. Lex vetus bona est, ibid.
- CONCL. II. Lex vetus multipliciter imperfecta fuit; fuit tamen in
suo ordine & gradu perfecta, 169
- SECTIO II. *De fine, materia & subiecto legis veteris,* 172
- CONCL. I. Finis proximus legis fuit institutio populi Israëliti in
iis quæ spectant ad rectitudinem naturalem, ad cultum Dei, & ad
politiæ civilem, ibid.
- CONCL. II. Finis à Deo magis principaliter in legis concessione in-
tensus, fuit spiritalis & supernaturalis felicitas ejusdem populi, tum
in hac vita per morum sanctitatem, tum altera per beatitudinem in
æternam, ibid.
- CONCL. III. Actus etiam interni præcipiebantur lege Mosaica, 173
- CONCL. IV. Lex Mosaica quantum ad præcepta ceremonialia & ju-
dicialia solos obligabat Judæos, 174
- SECTIO III. *An Lex vetus abroganda fuerit: an de facto abrogata,* 175
- CONCL. I. Lex vetus abrogari debuit, & de facto abrogata est, ibid.
- CONCL. II. Lex vetus desit etiam quoad præcepta moralia, 177
- SECTIO IV. *Quando lex vetus mortua sit,* 178
- CONCL. I. Lex vetus non desit obligare ante mortem Christi, ibid.
- CONCL. II. Lex vetus abrogata est secundum se in ipsa Christi mor-
te: ejus tamen obligatio non cessavit in morte aut resurrectione
Christi, sed paulo post, simul ac lex Evangelica sufficienter pro-
mulgata fuit, 180
- CONCL. III. Lex Evangelica cepit obligare per modum legis pu-
blica à die Pentecostes, cum in urbe regia ac veluti metropolita-
na Judæorum, facta est illius promulgatio, præsentibus Judæis qui
ex variis mundi partibus Hierosolymam confluerant, 2do. hæc
obligatio non cepit simul & eodem instanti pro toto terrarum
orbe, sed successive, prout sufficiens ejusdem legis promulgatio ad var-
ias nationes humano modo pervenire potuit; 3tio. denum pro-
mulgatio hæc non tam citò apud Gentiles quam apud judæos fa-
cta est, 181
- SECTIO V. *An Lex vetus statim ut obligare desit, inutilis fuerit,* 184
- CONCL. Lex vetus inutilis fuit, seu nullum deinceps habuit effe-
ctum, cum desit obligare, ibid.
- SECTIO VI. *An lex vetus prius mortua fuerit, quam mortifera,* 185
- CONCL. I. Lex vetus, antè fuit mortua, quam mortifera: unde le-
galia

INDEX TRACTATUUM

galia postquam cessavit Mosaicae legis obligatio, inculpatè obser-	
vari potuerunt,	186
CONCL. II. Apostoli non fite, sed sincerè legalia observarunt,	188
CONCL. III. S. Paulus Cepham non fite ac simulate, sed verè &	
ex animo reprehendit,	189
SECTIO VII. Quo præcise tempore lex vetus mortifera fuit, &c.	196
CONCL. Probabilius videtur legem evasisse mortiferam quadragesimo circiter à Christi morte anno, cum eversum fuit Templum	
Microsolymitanum,	ibid.
ART. II. De Lege Evangelica,	198
SECTIO I. De nomine, essentia & causis legis novæ,	ibid.
SECTIO II. De affectionibus Legis novæ,	201
CAPUT V. De Lege humana,	205
ART. I. De Lege humana in genere,	ibid.
SECTIO I. De essentia & auctore Legis humanæ,	ibid.
CONCL. Superiores tum civiles tum Ecclesiastici possunt condere leges quæ conscientiam obligent circa ea etiam, quæ jure divino præcepta non sunt,	ibid.
SECTIO II. De objecto seu materia legis humanæ,	209
CONCL. I. Lex humana actus internos indirectè præcipere aut prohibere potest,	210
CONCL. II. Valdè etiam probabile est actus merè internos præcipi posse vel prohiberi lege purè Ecclesiastica, id est, versante in materia quæ nec sit juris naturalis nec divini,	211
CONCL. III. Lex propriè dicta non extenditur ad actus præteritos, obligando,	212
SECTIO III. De subjecto Legis humanæ,	ibid.
CONCL. I. Peregrini non tenentur legibus patriis, dum è proprio territorio absunt; nisi absint in fraudem, aut fitione juris censeantur ipsas in proprio territorio transgredi,	216
CONCL. II. Peregrini, advenæ, & vagi tenentur legibus locorum per quæ transcant,	218
SECTIO IV. De conditionibus ad Legem humanam requisitis,	220
CONCL. I. Leges Pontificiæ non antè obligant, quam singulis in Provinciis promulgatæ fuerint,	221
CONCL. II. Lex humana non indiget populorum acceptione,	222
SECTIO V. De obligatione Legis humanæ,	223
PUNCTUM I. Unde cognosci possit an legifer sub gravi peccato obliget,	225
CONCL. I. Toties lex obligat sub mortali, quoties materia ejus gravis est & graviter præcepta,	ibid.
CONCL. II. Legislator non potest rem, omnibus bene inspectis, legem præcipere sub mortali,	226
CONCL. III. Legislator in re gravi potest sub veniali tantum obligare,	ibid.
PUNCTUM II. An ad peccatum mortale contra legem requiratur aut sufficiat contemptus,	227
CONCL. I. Ad peccatum mortale contra legem non requiritur contemptus formalis, si lex sit in materia gravi,	228
CONCL. II. Transgredi legem ex contemptu formali rei præceptæ, vel legislatoris præcise ut hominis, & prout aliquos habet defectus, non semper est peccatum mortale,	ibid.
CONCL. III. Transgredi legem, etiam in re levi, mortale est, si fiat ex contemptu legislatoris ut talis,	229

ET QUÆSTIONUM.

PUNCTUM III. *An uno actu pluribus obligationibus satisfieri possit,* 230

CONCL. Tunc solum pluribus præceptis & obligationibus uno actu satisfieri potest, cum vel impossibile est plures actus eo tempore poni, quo plura urgent præcepta; vel uno actu posito, tollitur alterius præcepti causa, vel superior eodem actu pluribus præceptis satisfieri concedit, - - - ibid.

PUNCTUM IV. *An Lex humana obliget cum gravi periculo,* 232

CONCL. I. Lex humana non semper obligat cum periculo vitæ, aut gravis incommodi, - - - ibid.

CONCL. II. Leges humanæ aliquando obligant cum vitæ periculo, - - - 233

PUNCTUM V. *An peccet qui non tollit, aut ponit impedimentum executioni legis,* - - - 236

CONCL. I. Impedimentum obstand executioni præcepti negativi tolli debet, quoties impedimentum illud consistit in occasione vel præsentia, vel absente quidem, sed proxima, - - - ibid.

CONCL. II. Si impedimentum obstat executioni legis quæ in materia justitiæ versatur, tolli absolute debet, quoties aliquid ex officio faciendum est, si verò tolli nequit, cedendum est officio: cum autem aliquid restituendum est, tolli debet, si potest. - - - ibid.

CONCL. III. Si impedimentum obstat impleti præcepti spectantis ad aliam quam justitiæ materiam, aliquando tollendum est, aliquando non. - - - 237

CONCL. IV. Impedimenta proxima quæ legis humanæ executioni obstant, removeri debent, nisi vel necessaria sint, vel tam utilia, ut melius sit, ea non tolli, quam legem servari, - - - ibid.

SECTIO VI. *De affectionibus Legis humanæ,* - - - 239

ART. II. *De variis Legis humanæ speciebus,* - - - 243

SECTIO I. *De Lege pœnali,* - - - ibid.

CONCL. I. Potest legislator condere legem purè pœnalem, quæ non obliget proximè sub peccato, - - - 244

CONCL. II. Lex quæ pœnalis est, simul adhuc in conscientia obligare potest, - - - 245

SECTIO II. *De Lege tributorum,* - - - 249

SECTIO III. *De Lege irritante,* - - - 251

SECTIO IV. *De Lege civili, Ecclesiastica, &c.* - - - 253

CAPUT VI. *De Dispensatione,* - - - 255

ART. I. *Quid Dispensatio, quotuplex, & à quo detur,* 256

CONCL. I. Legislator tum in suis, tum in prædecessorum suorum & inferiorum legibus dispensare potest; - - - 258

CONCL. II. Inferiores non possunt ordinariè in superioris sui legibus dispensare, - - - 259

ART. II. *An legitima sit Dispensatio sine causa.* 261

CONCL. I. Dispensatio sine causa est illicita, tum ei qui concedit, tum ei cui conceditur, - - - ibid.

CONCL. II. Dispensatio sine causa valida est, si concedatur à legislatore in propria lege, aut ab ejus superiore vel æquali: invalida verò est: si concedatur ab inferiore in lege superioris, v. g. à Papa in votis & juramentis, quæ sunt de jure divino; aut ab Episcopis in impedimentis matrimonii, quæ sunt legis universalis Ecclesiæ, cui inferiores sunt Episcopi, - - - 262

ART. III. *De defectibus qui Dispensationem irritare possunt,* 264

CONCL. Non quæcumque falsitatis expressio, vel suppressio veritatis dispensationem facit obreptitiam vel subreptitiam; sed tunc solum

INDEX TRACTATUUM

si cum tacetur veritas, quæ de jure, stylo vel consuetudine debet exprimi; aut allegatur falsum, cujus expressio est causa finalis ob quam superior dispensare intendit, alias non dispensaturus, 265
 ART. IV. *An cessante Dispensationis causa, cesset dispensatio,* 270
 CAPUT VII. *De lege non scripta, seu de consuetudine,* 272
 CAPUT VIII. *De lege favorabili, seu de privilegiis,* 277

TRACTATUS DE PECCATIS.

PARS PRIMA. <i>De Peccato in genere,</i>	281
CAPUT I. <i>De natura Peccati,</i>	bid.
CONCL. Id per quod peccatum formaliter constituitur, est quid positivum, non mera privatio,	282
CAPUT II. <i>De causis Peccati,</i>	286
ART. I. <i>De subiecto Peccati,</i>	ibid.
CONCL. I. Sola creaturæ rationalis, non tamen in omni statu, est subiectum peccati,	ibid.
CONCL. II. Sensualitas præcisè sumpta non est peccatum mortale aut veniale,	289
ART. II. <i>De causis efficientibus Peccati,</i>	293
SECTIO I. <i>De interioribus Peccati causis,</i>	ibid.
CONCL. I. Ignorantia potest esse causa peccati, potest & esse peccatum,	ibid.
CONCL. II. Ignorantia invincibilis excusat à toto peccato; confitens; nisi affectata sit, excusat à tanto; concomitans non excusat ratione malæ dispositionis, sed excusat ratione actus,	294
SECTIO II. <i>De exterioribus Peccati causis,</i>	298
CONCL. I. Deus non est peccati causa, quasi velit, præcipiat, aut operetur peccatum, hominemve ad illud excitet & impellat: seu, quod idem est, Deus non est efficiens, sed solum permissiva peccati causa,	ibid.
CONCL. II. Diabolus est aliquo modo causa peccati, non tamen directe sed indirectè & per accidens,	304
APPENDIX. <i>De occasionibus peccati.</i>	305
CONCL. Occasio proxima ea est, quæ sive de se, sive attenda peccantis dispositione, exponit hominem morali sive probabili peccati, periculo, non autem ea solum in qua semper, aut fere semper, aut frequenter, aut frequentius peccat,	306
CAPUT III. <i>De proprietatibus peccati,</i>	31
ART. I. <i>De unitate & distinctione specifica Peccatorum,</i>	ibid.
CONCL. I. Oppositio notabiliter diversa cum æterna lege non inducit distinctionem specificam absolutam inter peccata,	ibid.
CONCL. II. Distinctio specifica peccatorum non desumitur è diversitate præceptorum, si hæc eandem numero materiam & sub eodem motivo attingant,	313
CONCL. III. Specifica peccatorum distinctio repetenda est ex oppositione speciei diversa cum lege,	314
CONCL. IV. Tunc peccatum oppositionem cum lege specificè diversam habet, cum actio mala adversatur vel diversis virtutibus, vel diversis ejusdem virtutis officiis, vel eidem virtuti, contrario modo; vel demum eidem virtuti, diverso modo, licet non contrario	ibid.
ART. II. <i>De distinctione numerica Peccatorum,</i>	323
CONCL. I. In uno actu plures numero malitiæ aliquando continentur	

ET QUÆSTIONUM.

tur; idque contingit quoties una eademque virtus violatur relative ad plura objecta, quæ licet ejusdem sint rationis, non tamen se habent per modum unius, 323

CONCL. II. Actus qui circa idem objectum versantur, habens malitias numero distinctas, cum moraliter distincta sunt, & ut aiunt, discontinuati. Censentur autem moraliter distincti & interrupti, imo, cum prior voluntas revocatur per voluntatem contrariam; 2do. cum voluntas libere cessat ab actu, ut se alio convertat, 3tio. probabiliter etiam cum ab actu involuntarie & quasi naturaliter cessat, 326

ART. III. *An Peccata omnia sint æqualia, & secum connexa,* 328
CONCL. Non omnia peccata sunt æqualia, ibid.

CAPUT IV. *De conditionibus ad peccatum requisitis,* 329

ART. I. *De advertentia ad peccatum necessaria, ubi de Peccato Philosophico,* ibid.

CONCL. I. Ad peccandum formaliter non requiritur actualis advertentia, vel dubitatio, aut scrupulus, nè actui morali malitia inexistat, sed sufficit advertentia interpretativa, hoc sensu intellecta quòd quis animadvertere potuerit & debuerit, 330

CONCL. II. Advertentia imperfecta non sufficit ad peccatum mortale, etiamsi materia gravis sit. 333.

ART. II. *De consensu ad peccandum requisito, ubi de Dilectione morosa,* 335

CAPUT V. *De effectibus Peccati,* 343

ART. I. *De macula & offensa peccati,* ibid.

CONCL. Peccati malitia non est intrinsecè infinita, 344

ART. II. *De reatu & pœna peccati,* 346

CONCL. I. Pœna mortalis in quo quis decesserit peccato infligenda, in æternum durabit, 347

CONCL. II. Peccatum veniale per se non meretur pœnam æternam; ea tamen aliquando puniuntur, 348

CONCL. III. Ignis quo torquentur sive in inferis reprobi, sive in purgatorio animæ ibidem languentes, est materialis, non metaphoricus, ibid.

PARS SECUNDA. *De peccatis in specie,* 349

CAPUT I. *De peccato originali,* 350

ART. I. *De existentia peccati originalis,* ibid.

CONCL. I. Existentia peccati originalis est certa ex Scripturis, 351

CONCL. II. Dogma peccati originalis certò constat ex Traditione, 353

CONCL. III. Peccatum originale, licet rationi plurimùm repugnare videatur, ab ea tamen, præsertim per fidem adjuta, invictè confirmatur, 358

ART. II. *Quomodo peccatum Adæ posteris ejus communicetur,* 360

CONCL. I. Peccatum Adæ non transit ad ejus posteros per voluntatem eorum interpretativam, 361

CONCL. II. Peccatum Adæ non ex natura rei, sed dependenter à libera quadam Dei constitutione transfunditur in ejus posteros, ibid.

ART. III. *In quo sita sit natura peccati originalis,* 363

CONCL. Peccatum originale, est ipsum Adæ peccatum, toti ejus posteritati verè & intimè communicatum, 365

ART. IV. *De subjecto peccati originalis,* 366

CONCL. I. Filii Fidelium contrahunt peccatum originale, quod ipsi sicut aliis imputatur, nisi ab eo mündentur per Baptisimum, ibid.

INDEX TRACTATUUM

CONCL. II. B. Virgo peccati originalis debitum contraxit,	367
CONCL. III. Pro certo tenendum est B. Virginem sine labe originali fuisse conceptam,	368
ART. V. De penis peccati originalis,	372
CONCL. I. Parvuli post mortem nec fruuntur, nec fruuntur unquam beatitudine naturali,	ibid.
CONCL. II. Idem infantes de hac felicitatis carentia tristabuntur, & verè dolebunt,	373
CONCL. III. Incertum est an infantes illi poena sensus puniantur, ibi.	374
CAPUT II. De peccato mortali & veniali,	375
ART. I. De existentia Peccati mortalis & venialis,	ibid.
CONCL. Dantur peccata mortalia, dantur & venialia,	381
ART. II. De affectionibus Peccati venialis,	382
CONCL. I. Ex multis venialibus non constat unum mortale,	ibid.
CONCL. II. Peccatum veniale, non solum per accidens, sed & per se disponit ad mortale	383
CAPUT III. De peccato commissionis, & omissionis,	384
CONCL. I. Non datur omisso culpabilis, sine actu præcedente qui sit causa vel occasio ejus,	384
CONCL. II. Actus ex se bonus aut indifferens, qui causa est vel occasio omissionis malæ, non aliam habet maliciam quam quæ ipsi omissioni inest,	ibid.
CONCL. III. Qui scienter, vel ex ignorantia, inadvertentiæ culpabilis, ponit causam futuræ omissionis, eo ipso ejusdem omissionis malitiam contrahit	385
CONCL. IV. Omissio quæ in causa culpabilis est, est etiam culpabilis in se, quo tempore omittitur præceptum; etiam si tunc contingat hominem præ somno non esse compotem rationis,	386
CAPUT IV. De peccatis capitalibus,	388
ART. I. De Superbia,	ibid.
ART. II. De Avaritia,	394
ART. III. De Gula,	398
ART. IV. De Invidia,	402
ART. V. De Acedia, seu Desidia,	404
ART. VI. De Ira,	406

TRACTATUS DE PRÆCIPUORUM STATUUM OBLIGATIONIBUS ET PECCATIS.

CAPUT I. De obligationibus Clericorum,	409
ART. I. De obligationibus Clericorum in genere	ibid.
SECTIO I. De dotibus ad Clericalem statum præquisitis,	410
CONCL. I. Ad Clericatum prærequiritur innocentia vitæ, vel custodia diligenter, quod rarum est, vel congrue reparata, quod rarius est, teste Ambrosio,	ibid.
CONCL. II. Ad Clericalem statum prærequiritur scientia,	411
CONCL. III. Ad Clericalem statum requiritur inprimis vocatio,	414
SECTIO II. De his quæ ab homine jam Clerico fugienda sunt aut præstanda,	418
PUNCTUM I. De his quæ à Clerico vitanda sunt,	ibid.
CONCL. I. generalis. Clerici ab omni vitio purissimi esse debent, ibid.	
CONCL. II. Clerici à multis, quæ in sæcularibus non culpantur aut minus arguuntur abstinere debent, qualia sunt, imo. venatio, 2do. militia, 3tio. ludus alexæ, 4to. negotiatio, 5to. gestio negotiorum	

ET QUÆSTIONUM.

tiorum secularium, 6to. exercitium chirurgiæ, 7mo. popinarum ingressus, 8vo. luxus omnis, spectacula, comestiones, & similia, 419

PUNCTUM II. De iis quæ à Clerico præstanda sunt, 425

CONCL. I. Clerici simplices Tonsuram & habitum clericalem, qui verò sunt in sacris vel Beneficarij vestem talarem gerere debent, ibid.

CONCL. II. Clerici omnes divinis Officiis, Festis & Dominicis diebus interesse tenentur, 428

CONCL. III. Clerici omnes præsertim in sacris, Ecclesiæ ceremonias scire, & adamusim observare tenentur, ibid.

CONCL. IV. Beneficarij, & Clerici in sacris ad Officii recitationem tenentur, 429

CONCL. V. Clerici omnes ad castitatem tenentur, sed multo strictius, qui sunt in sacris, ibid.

ART. II. De obligationibus Beneficiorum, 432

SECTIO I. De Residentia, ibid.

CONCL. Beneficia quibus annexa est animarum cura, ut Episcopatus, Parochia, Vicariatus perpetuus, Abbatia, & Prioratus Regulares, residentiam exigunt jure naturali divino, ecclesiastico & civili, ibid.

SECTIO II. De pluritate Beneficiorum, 438

CONCL. Peccat mortaliter, qui plura habet Beneficia, tametsi simplicia, quando unum ad honestam sustentationem sufficit, 439

SECTIO III. De dispositione fructuum Beneficij, 440

CONCL. I. Beneficarij reddituum merè ecclesiasticorum domini non sunt, sed dispensatores; unde ex iustitia tenentur, quidquid ex iisdem redditibus superflui habent, pauperibus erogare, vel pios in usus expendere, 442

CONCL. II. Qui sufficiens habent patrimonium, possunt eo ad victum non uti, & vivere ex bonis ecclesiasticis, 447

APPENDIX. De obligationibus Confessariorum, 450

CONCL. I. In Confessario non sufficit potestas Ordinis, sed requiritur insuper potestas jurisdictionis quæ confertur vel approbatione Ordinarii, vel certorum Beneficiorum collatione, ibid.

CONCL. II. In Confessariis requiritur scientia, eaque ratione obiecti multiplex, 452

CONCL. III. Confessarius singulari eget prudentia, 454

CONCL. IV. Probitas Confessario cuilibet est summè necessaria, 459

CAPUT II. De obligationibus Religiosorum, 467

ART. I. Ad quid teneantur Religiosi ratione Professionis, 468

SECTIO I. De Stabilitate, ibid.

SECTIO II. De voto Castitatis, 473

SECTIO III. De voto Paupertatis, 475

CONCL. I. Religiosi in communi & bona possidere possunt, & eorum quæ possident eodem modo domini sunt ac Beneficarij secularium, ibid.

CONCL. II. Nemo Religiosus in particulari capax est proprietatis, ibid.

SECTIO IV. De voto obedientia, 480

ART. II. De aliis Religiosorum obligationibus, 486

SECTIO I. An Regulares Professi ad Officium & Missam teneantur, ibid.

CONCL. Religiosi ad Chorum professi & necdum in Sacris constituti, etiam extra Chorum tenentur sub mortali ad Officii recitationem, (b) 2 nem,

INDEX TRACTATUUM

nem, nisi cū iis dispensatum sit à Papa, aut aliud ferat speciale Ordinis institutum,	-	486
SECTIO II. <i>De Studiis Regularium,</i>	-	488
CONCL. I. Monachi studiis & vacare possunt, & vacare tenentur,	-	489
CONCL. II. In Monach. studiis præcautione multiplici opus est,	-	491
SECTIO III. <i>An Regulares Episcopis subiaceant.</i>	-	492
CONCL. I. Regulares Episcopis quoad ordines subsunt,	-	ibid.
CONCL. II. Pendent Regulares ab Episcopis in eo quod ad Sacramentorum, præsertim verò Pœnitentiæ, administrationem spectat;	-	493
pendent & in officio concionandi,	-	493
CONCL. III. Regulares Episcopis multipliciter subjacent quoad censuras.	-	495
CONCL. IV. Regulares quoad Festorum celebrationem Episcopis morem gerere tenentur,	-	ibid.
CAPUT III. <i>De obligationibus Judicum</i>	-	498
ART. I. <i>De obligationibus Judicum in ordine ad se,</i>	-	499
CONCL. Iudex vigere debet ingenio intelligentiâ seu, ut loquimur bono sensu, scientiâ, constantiâ & animi fortitudine, gravitate morum; debet & à lœri studio averſus esse,	-	ibid.
ART. II. <i>De obligatione Judicum in ordine ad leges,</i>	-	501
CONCL. I. Iudex secundum leges, & ordinem à legibus præscriptum sententiam ferre tenetur,	-	ibid.
CONCL. II. In casibus à lege obscure tactis, aut etiam prætermisſis Iudex habet semper fixum aliquid quod sequatur, & à quo recedere non potest pro nutu & arbitrio,	-	503
CONCL. III. Iudex potius debet duriora quæque & ipsam mortem pati, quam infontem ex allegatis & falso probatis morti addicere,	-	505
ART. III. <i>De obligatione Judicum in ordine ad eos quibus jus dicendum est,</i>	-	508
CONCL. I. Iudex iis solum jus dicere potest, in quos jurisdictionem habet,	-	ibid.
CONCL. II. Iudex dona, munera, & pensiones ab iis quibus jus dicit, accipere non potest sine gravi peccato. Unde stipendio suo, & quidem intra limites sibi permisso contentus esse debet,	-	509
CONCL. III. Iudex in dicendo jure nullam debet habere rationem personarum,	-	510
CONCL. IV. Iudex debitam in examinandis ac terminandis litibus diligentiam tenetur adhibere,	-	ibid.
CAPUT IV. <i>De obligationibus eorum qui ad Judicia concurrunt,</i>	-	511
ART. I. <i>De obligationibus Advocatorum,</i>	-	512
CONCL. Advocati scientia plurima, fidelitate, diligentia, justitia, charitate & probitate conspicui esse debent,	-	ibid.
ART. II. <i>De obligationibus Procuratorum, &c.</i>	-	516
CAPUT V. <i>De obligationibus Dominorum temporalium,</i>	-	519
CONCL. I. Domini, seu, ut aiunt, Dynastæ, Ecclesiam ejusque Ministros verbo & facto tueri debent.	-	520
CONCL. II. Dynastæ vassallis justitiam debent, & immunitatem ab oneribus indebitis,	-	ibid.
CAPUT VI. <i>De obligationibus Studentium</i>	-	523
CONCL. I. Juvenes qui studiis vacant, pietatem & virtutem impensius sectari debent,	-	ibid.
CONCL. II. Scholastici debent professoribus assiduitatem, docilitatem, reverentiam, & animum bene memorem,	-	524

ET QUÆSTIONUM.

CONCL. III. Qui Scholas adeunt, ferium sibi meritis laborem ac studium debent, & si omiserint graviter peccant,	525
CAPUT VII. De obligationibus Medicorum, &c.	527
CONCL. I. Medici singulari pericia, diligentia, charitate, pietate, propriæ utilitatis neglectu, ac fidelitate prædici esse debent,	ibid.
CONCL. II. Pharmacopolæ quorum est parare medicamina; chirurgi item quibus competit, ut medeantur, urendo, incidendo, calvariam cerebra perforando, iisdem qualitatibus prædici esse debent, quas in Medicis requisivimus,	530
CAPUT VIII. De Moderatoribus & Collectoribus tributorum,	ibid.
ART. I. De Collectoribus,	532
ART. II. De Moderatoribus & aliis qui in negotiis tributorum inique agunt,	536

TRACTATUS DE VIRTUTE RELIGIONIS.

PARS PRIMA. De Religione secundum se spectata,	541
CAPUT I. De essentia, & objecto Religionis,	ibid.
CONCL. I. Deus est objectum cui Religionis,	542
CONCL. II. Objectum materiale Religionis sunt actus omnes honesti quibus debitus Deo honos exhiberi potest,	ibid.
CONCL. III. Objectum formale Religionis est specialis illa honestas; quæ est in cultu divino, seu est ipse Dei cultus, prout excellentiæ divinæ & nostræ submissionis signum est,	543
CONCL. IV. Religio non est virtus theologica,	ibid.
CAPUT II. De affectionibus & actibus Religionis,	546
CONCL. I. Religio virtutibus theologicis est dignitate inferior, ibid.	
CONCL. II. Religio primum morales inter virtutes locum tenet, estque cæteris præstantior,	ibid.
CONCL. III. Religio una est specie virtus,	547
PARS SECUNDA. De actibus Religionis in specie,	548
CAPUT I. De Adoratione & Devotione,	ibid.
CAPUT II. De Oratione,	550
ART. I. De essentia, divisione & necessitate Orationis,	ibid.
CONCL. I. Oratio necessaria est ad salutem, tum necessitate præcepti; tum etiam, saltem communiter, necessitate medii,	552
CONCL. II. Oratio mentalis, sive meditatio, videtur etiam omnibus Fidelibus necessaria,	554
ART. II. An & qua conditione efficax sit Oratio,	556
CONCL. Oratio, si omni ex parte talis sit, qualis esse debet, triplicem habet efficaciam, merendi scilicet, satisfaciendi, & impetrandi,	557
ART. III. An Deus solus debeat orari,	562
CONCL. I. Solus Deus orari debet, ut principalis causa bonorum omnium, gratiæ præsertim & gloriæ quæ in oratione petuntur, ibid.	
CONCL. II. Soli Deo ea impendi debet oratio quæ cultum latriæ continet,	ibid.
CONCL. III. Licitum est homines, etiam dum vivant, orare: ut pro nobis precantur,	ibid.
CONCL. IV. Rectè & utiliter invocantur Sancti, qui cum Christo in cælis regnant,	ibid.
ART. IV. Qui orare possint,	564
CONCL. Impii & peccatores sæpissimè orant utiliter; nec proinde oratio impiorum novum peccatum est,	565

INDEX TRACTATUUM

ART. V. <i>Quid orandum sit.</i>	569
CONCL. I. Bona quibus abuti possumus, non sunt absolute petenda: sed conditionate tantum,	ibid.
CONCL. II. Bona quibus abuti non possumus, ut charitas & beatitudo, petenda sunt absolute & determinate,	570
ART. VI. <i>Pro quibus orandum,</i>	574
CONCL. I. Orandum est pro viatoribus omnibus, sive iusti sint, sive iniusti; sive amici, sive inimici; sive Fideles, sive non.	ibid.
CONCL. II. Neque pro Beatis qui sunt in celo, neque pro iis qui in inferno sepulti sunt, orare licitum est,	576
CONCL. II. Orandum est pro fidelibus in charitate defunctis, quibus aliquid expiandum superest,	578
CAPUT III. <i>De Horis canonicis,</i>	580
ART. I. <i>Quid sint Horæ canonice, & qui ad eas teneantur,</i>	ibid.
CONCL. I. Clerici omnes in sacris constituti, etiam si Beneficarii non sint, sub mortali tenentur ad Officii recitationem, etiam extra Chorum.	582
CONCL. II. Beneficarii ad Officii divini recitationem tenentur,	583
ART. II. <i>Qua forma recitandum sit Officium,</i>	587
ART. III. <i>Quo tempore & ordine recitandum sit Officium,</i>	591
ART. IV. <i>Quomodo recitari debeat Officium divinum,</i>	598
ART. V. <i>De Officii recitatione in Choro,</i>	607
CONCL. I. Canonici, alique Choro addicti, qui Officio non interfunt, nisi materiae levitas excuset, graviter peccant, & ad restituendum tenentur,	ibid.
CONCL. II. Non sufficit ut Canonici modeste assidue Choro assistant, sed & est necessarium, ut psallant quantum possunt & nisi faciant, ad restituendum obligantur.	610
ART. VI. <i>De causis ab Officii recitatione excusantibus,</i>	611
ART. VII. <i>Ad quid teneantur qui Officium omiserunt,</i>	614
CAPUT IV. <i>De Iuramento,</i>	617
ART. I. <i>De essentia & divisione iuramenti;</i>	ibid.
ART. II. <i>De Iuramenti usu,</i>	621
CONCL. Iuramento uti licet, si adsint requisitæ conditiones,	ibid.
ART. III. <i>De conditionibus ad licitè jurandum requisitis, ubi de peccatis in Iuramento contingentibus,</i>	624
§. I. CONCLUSIO. I. Iuramentum sole Iudicii defectu vitiosum non est, nisi veniale peccatum, modo absit contemptus, scandalumve, & periculum jurandi falsum,	626
CONCL. II. Iuramentum cui deest iustitia, seu quod sit de re mala & illicita, sapissime est peccatum mortale,	627
CONCL. III. Iuramentum assertivum cui deest veritas, id est, perjurium propriè sumptum, semper & in omni materia est peccatum mortale, nisi excuset inadvertentia,	629
CONCL. IV. Perjurium promissorium est vulgo peccatum mortale; sive absit intentio jurandi, dum exterius profertur iuramentum; sive jurans non habeat actu intentionem implendi id quod promittit: sive intentionem quidem hanc habeat de facto, sed eam postea mutata voluntate adimplere nolit, etiam in materia levi.	630
§. II. CONCLUSIO. I. Non potest privata autoritate exigi iuramentum ab eo qui certo vel probabiliter creditur perjuratorus,	632
CONCL. II. Si aliquis exigit iuramentum tanquam persona publica, secundum quod exigit ordo juris ad petitionem alterius, non videtur esse in culpa, si ipse iuramentum exigit, sive sciat cum falsum	sum

ET QUÆSTIONUM.


- sum jurare, siue verum; quia non videtur ille exigere, sed ille ad
cujus instantiam exigit; & is proinde solus peccat, 633
- ART. IV. *De juramento cum Amphibologia & restrictione,* 634
- CONCL. I. Ufus restrictionum purè mentalium semper & pro quo-
cumque casu est illicitus, siue in iudicio, siue extra; & qui iis u-
titur cum juramento, perjurii reus est, 635
- ART. V. *De causis & obligatione Juramenti,* 640
- CONCL. I. In Juramento per se stante unica solum reperitur obli-
gatio; in confirmatorio autem duplex, aut triplex, 641
- CONCL. II. juramentum de re bona obligat, secus si sit de re ma-
la, vel indifferenti nisi hæc vergat in commodum tertii, ibid.
- CONCL. III. juramentum non obligat, si fiat ex errore vel dolo cir-
ca rei substantiam, 643
- CONCL. IV. juramentum sine intentione jurandi non obligat per
se; obligat verò si adsit intentio jurandi, quamvis absit intentio se
obligandi, vel implendi id, quod juratum est, 644
- CONCL. V. Aliqua juramenti obligatio transit ad hæredes, aliqua
non transit, 645
- ART. VI. *De Juramenti promissorii interpretatione,* ibid.
- ART. VII. *De causis quæ Juramenti obligationem impediunt, vel tollunt,* 647
- CAPUT V. *De Voto,* 651
- ART. I. *Quid sit votum & quoduplex,* ibid.
- ART. II. *De causa materiali & efficiente Voti,* 654
- CONCL. I. Omnis & solus homo rationis compos vovete potest, 658
- CONCL. II. Omnia omnino vota simplicia; etiam de amplectenda
Religione, ab iis emissà qui ratione utuntur, siue aliis subditi sint,
siue non, videntur esse de se valida, 659
- ART. III. *An Votum sit opus bonum, meritorium, & obligatorium,* 660
- CONCL. I. Votum actus est honestus, & Legis Evangelicæ statui con-
veniens, ibid.
- CONCL. II. Opus quod sit ex voto, melius est eo, quod sit sine voto
& magis meritorium, 661
- CONCL. III. Hæreticum est asserere votum, non obligare, ibid.
- CONCL. IV. Votum obligat graviter in materia gravi, leviter in
levi, 662
- CONCL. V. Votum emissum ex gravi metu ad idem extorquen-
dum injuste incusso, non obligat, 663
- CONCL. VI. Votum de quo legitimè dubitatur, an emissum fuerit
impleri debet, 664
- ART. IV. *Quando, & per quos debeat Votum adimpleri,* 668
- ART. V. *Quoduplici modo tollatur Obligatio Voti,* 671
- SECTIO I. *De Commutatione Voti,* 672
- SECTIO II. *De Dispensatione Voti,* 675
- SECTIO III. *De Irritatione Voti,* 679
- §. I. CONCL. I. Pater omnia prorsus filiorum impuberum vota,
etiam de amplectenda Religione, etiam de peculio castrensi, &c.
irritare potest, 681
- CONCL. II. Parentes non possunt personalia puberum, etiam sub
patria potestate existentium vota irritare, nisi paternæ potestati
prejudicent, seu domus regimen impendant, ibid.
- CONCL. III. Omnia prorsus Religiosorum vota ab eorum Superio-
ribus irritari possunt, si sint, ut esse solent, in materia Superiori-
bus subjecta, 682
- §. II.

INDEX TRACTAT. ET QUÆSTION.

§. II. CONCL. I. Neuter conjux potest irritare alterius vota quæ non sunt in ipsius aut familiæ præjudicium: puta neuter impedire potest, quin alter voveat castitatem post mortem alterius servandam, elemosynas de bonis sibi propriis, &c.	683
CONCL. II. Potest uxor irritare vota mariti, quæ sibi vel familiæ bono præjudicant: puta votum <i>de gestando habitu Religioso, de servanda castitate</i> omnimoda. Idem de marito dicendum; qui tamen, utpotè mulieris caput, plura potest quam uxor, v. g. longiores peregrinationes vovere,	ibid.
CONCL. III. Neuter conjux omnimodam continentiam, vi cujus scilicet nequidem debitum reddat, vovere valide potest, absque alterius consensu,	ibid.
CONCL. IV. Emisum ab alterutro votum de non petendo debito conjugali, validum est: illicitum tamen, præsertim si fiat à viro,	684
CONCL. V. Votum castitatis, quod ab uno conjugum emisum est, ab alio irritari nequit,	ibid.
PARS TERTIA. <i>De vitiis Religioni oppositis,</i>	686
CAPUT I. <i>De Blasphemia, Tentatione Dei, &c.</i>	687
CAPUT II. <i>De Superstitione,</i>	690
Idolatria,	691
Divinatio,	ibid.
Observantia vana,	693
Magia,	694
Maleficium,	ibid.



TRA.



TRACTATUS

DE

ACTIBUS HUMANIS.

ACTUS humani tripliciter sumuntur: * 1mo. latè, pro iis etiam actibus qui nec liberi sunt, nec voluntarii, & ii communiter dicuntur *actiones hominis*; 2do. strictius & magis propriè, pro quocumque actu voluntario, siue liber sit, siue non; 3tio. strictissimè, pro omni & solo actu libero. Actus humanus tertio hoc sensu acceptus definitur, Actus ab hominis voluntate deliberatè seu liberè procedens. Actus autem vel immediatè à voluntate procedit, ut amor & odium, & tunc dicitur *elicitus*; vel mediatè tantùm, ut meditatio, deambulatio, & tunc dicitur *imperatus*; quia fit mediante voluntatis imperio. Porro actus elicitus aut imperatus, eo ipso quo à voluntate liberè procedit, est actus moralis, bonus scilicet aut malus, prout procedit vel consentaneè ad rectam rationem, ut amor Dei; vel dissentaneè, ut ejusdem odium: de quo infra.

Hinc colliguntur præcipuæ actûs humani divisiones. Nam dividuntur 1mo. in *elicitos*, & *imperatos*; 2do. in *bonos*, & *malos*; 3tio. boni vel sunt *naturales*, qui solis naturæ viribus produci possunt, ut naturalis Dei cognitio; vel *supernaturales*, qui non nisi gratiæ auxilio elici possunt, ut actus virtutum theologicarum. Alii sunt *interiores*, qui nullo sensibili signo manifestantur, ut oratio mentalis; alij *exterior*es, qui extrinsecus patent, ut oratio vocalis.

Sed antequam ulterius progrediamur, quædam de actuum humanorum principis præloqui necesse est. Per hæc autem

* S. Thom. 1. 2. q. 6.

principia, intelliguntur ea omnia, quæ quovis modo concurrunt ad actus humanos efficiendos, eaque duplicis sunt generis, *interna* quæ sunt in ipso homine, & *externa* quæ sunt extra ipsum.

Principia interna vel congenita sunt, vel adventitia. *Congenita* ea sunt quæ cùm à naturâ insint homini, non indigent labore comparari & industriâ; & hæc tria numerantur, intellectus, voluntas, & libertas. Intellectus & voluntas spectantur hic prout intelligunt & volunt practicè, seu in ordine ad mores: unde intellectus quatenus hic accipitur, est facultas cognoscitiva spiritualis, directrix actuum hominum ad honestatem; directrix, inquam, per synderesim & conscientiam, de quibus alibi loquemur: voluntas verò, moralis est facultas bonum prosequens, prout sibi ab intellectu proponitur. Principia *adventitia* ea sunt, quæ à naturâ non insint homini, sed vel studio & labore comparantur, ut habitus naturales, quorum investigatio ad Philosophos pertinet; vel à Deo infunduntur, ut habitus supernaturales.

Principia externa tria sunt, bonum, finis & beatitudo. In præsentī Tractatu ea omittimus quæ satis in Philosophiâ pertractantur.

CAPUT PRIMUM.

De principiis intrinsecis Actûs humani.

ARTICULUS PRIMUS.

De Voluntario & Involuntario.

VOLUNTARIUM est actus à voluntate procedens ex præviâ cognitione eorum in quibus est actio. Hæc definitio legitima est; enim imo. convenit *omni* voluntario, sive sit necessarium, ut amor Dei in beatis; sive liberum sit, ut idem amor in viatoribus: utrumque enim est à voluntate, vel, ut alii dicunt, à *principio intrinseco*; 2do. convenit *soli* voluntario quidquid enim à voluntate non procedit, aut sit eâ renitente, aut ab eâ sine rationis advertentiâ producitur, voluntarium censeri non potest: unde voluntarii rationem non habent, tum ea quæ violenta sunt; tum motus odii vel amoris quos aliquando

con-

contra propriam inclinationem experitur voluntas; tum ea quæ sunt sine ulla intellectus cognitione: Hæc autem cognitio debet esse eorum in quibus est actio: id est, circumstantiarum, quæ ad actionem pertinent; quapropter qui accedit ad alienam, quam bonâ fide conjugem suam esse credit, non peccat. Hinc etiam dormientium actiones, simpliciter involuntariæ sunt, semi-dormientium verò, semi-voluntariæ, quia in illis nulla est advertentia, in his autem semi-plena; unde in illis nullum est, in istis verò peccatum est duntaxat veniale.

... Voluntarium dividitur imo, in voluntarium simpliciter, seu purum, quod fit ex plenâ voluntatis inclinatione, absque repugnantia, & voluntarium secundum quid, seu mixtum, quod fit quidem ex voluntatis consensu, sed non sine repugnantia: talis est projectio mercium in mare meru naufragii.

2do. in voluntarium necessarium, à quo voluntas vel absolute, vel hic & nunc abstinere nequit, talis est amor quo se Deus diligit, vel quo homo sub gratiâ necessitante constitutus bonum prosequeretur: & voluntarium contingens, quod procedit à voluntate operante cum indifferentiâ ad volendum vel non volendum.

3tio. in voluntarium in se vel, ut alii dicunt, expressum, seu explicitum, quod in se ipso & immediatè volitum est, ut si quis occidat quia vult occidere; & voluntarium in causa, seu implicitum aut virtuale, quod etsi non in se, in alio tamen volitum est, quod saltè prævideri potuit, ut talis effectus causa: eo sensu voluntaria est occisio illius qui libere se inebriat, prævidens se, cum ebrius erit, homicidii capax fore. Porro ut effectus, qui ex aliqua causâ sequitur sit voluntarius, non solum physicè, sed etiam moraliter, id est, ut ad meritum vel demeritum, tria requiri solent: imo. ut operans advertat aut advertere possit effectum hunc ex hac causâ secuturum esse: hinc Noë non fuit immodestia, reus, supponitur eum nesciisse vinum, illius causam esse posse; 2do. ut effectum hunc impedire possit auferendo ejus causam: sic graviter, peccat mulier quæ etiam sine pravâ intentione, & ut morem sequatur, aperto sinu incedit, quia sic fit

* *diaboli janua*, & ruinæ occasio; 3tio ut causam hanc auferre teneatur, vel non ponere: unde non peccat Parochus qui confessionis occasione motus inordinatos invitus patitur: aut mulier cujus forma elegans sed modesta, aliis periculum creat.

4to. involuntarium formale seu directum, quod proficiscitur à voluntate per influxum positivum operante: eo sensu voluntarii sunt actus omnes quos voluntas elicit, aut imperat:

* *Tertull. de hab. mulieb.*

A 2

perat: & interpretativum seu indirectum, quod etsi non procedat à voluntate ut efficiente, ab eâ tamen dependet, sive voluntas actum ponere possit & debeat, ut cum pater non corripit filium quem delinquentem videt; sive possit quidem ponere actum, sed ad id non teneatur, ut cum quis in die non festâ vult studio vacare, dum dicitur Missa: & hæc ommissio Missæ, licet voluntaria, non est culpabilis, quia ad omissionem culpabilem requiritur, non solum ut omittens agere potuerit, sed & ut agere debuerit.

Ex his principiis evidens est, illud involuntarium censerii debere, quod fit aut sine propensione voluntatis, aut sine cognitione intellectûs. Quoniam verò propensio hæc & cognitio, plus aliquando, aliquando minus desunt, idcirco variae sunt involuntarii species, varii & gradus: unde.

Involuntarium dividitur imo. in involuntarium *privative*, cum voluntas aliquid non vult quod velle posset; & involuntarium *contrariè*, vel *positive*, quo aliquid non tantum non est volitum, sed etiam est nolitum & voluntati adversum; 2do. involuntarium contrariè duplex est: unum *simpliciter*, quod ita voluntati displicet, ut id nullo modo velit, sive impedire possit nè fiat, sive non, ut si mors inferatur alicui planè nolenti, aut si morus concupiscentiæ insurgant contra voluntatem toto affectu renitentem; alterum *secundum quid*, quod licet sub aliquo respectu voluntati displiceat, eidem tamen sub aliâ consideratione magis placeat; sic projectio mercum in mare metu naufragii facta, est secundum quid respectu mercatoris involuntaria, simpliciter tamen voluntaria est, & ut quid melius acceptatur ad vitandum majus malum.

Quæres, an involuntarium, coactum, necessarium, & violentum, sint unum & idem?

R. negat. *violentum* enim dicitur de agentibus etiam inanimatis; unde motus lapidis sursum projecti dicitur violentus, non verò involuntarius: *coactum* seu *invitum* de agentibus animatis, sive ratione careant, sine non: *involuntarium* de solo agente rationali; *necessarium* verò, de violento, coacto, & aliquâ tum voluntarii tum involuntarii speciei: *voluntarii* quidem, quia amor beatificus necessarius est, & tamen non est coactus, violentus, aut involuntarius; *involuntarii* verò, quia aliqui concupiscentiæ motus necessarii sunt; simul & involuntarii, & nonnunquam violenti & coacti.

Jam videndum quot & quænam sint involuntarii causæ. His præcipua movetur de vi, metu, passione & ignorantia: de quibus duplici Sectione dicemus.

SECTIO PRIM A.

An & quatenus vis, metus & passio Involuntarium causent.

VIS, seu violentia est motio cujus principium est ab agente extrinseco, in contrarium renitente passio: non enim ad violentum sufficit, ut quis se habeat merè negativè, alioqui justificatio parvulorum foret violenta; sed requiritur ut se habeat contrariè, id est, ut actualiter aut virtualiter reluctetur. Hic duplex est violentia *absoluta* scilicet, cum quis resistit eo omni modo quo potest; & *secundum quid*, cum quis resistit quidem, sed minus quàm posset.

Metus est futuri & instantis periculi causâ, mentis trepidatio. Metus vel *levis* est, cum timeatur malum leve, aut grave quidem, sed non verisimiliter impendens; vel *gravis*, seu absolute, seu respectivè. Metus *absolute* gravis, est mali alicujus in se gravis & instantis vehemens opinio; talis est metus diuturni carceris, exilii, jacturæ boni notabilis, &c. Metus *gravis respectivè*, est timor mali, quod etsi virum constanter non commoveat, merito tamen formidandum apparet quibusdam personis, quales sunt feminae, senes, pueri, aut homines à naturâ meticulosi. Metus quilibet vel oritur *ab intrinseco*, ut ab infirmitate; vel *ab extrinseco*, seu necessario & naturali, putà ab incendio, vel naufragio; seu libere, ut ab homine, sive is justè vel injustè metum incuriat.

Passio seu concupiscentia est animæ sensitivæ motus, prosequens bonum sensibile, aut malum sensibile fugiens. Concupiscentia triplex distinguitur. *Antecedens*, quæ præcedit consensum voluntatis, eumque allicit, ut cum visâ muliere, voluntas ad ejus desiderium moveretur: *consequens*, quæ oritur ex prævio voluntatis actu, ut cum ex desiderio voluntatis, excitatur passio in corpore; & *concomitans*, quæ ita sequitur voluntatis consensum, ut sit causa ardentioris motûs ejusdem voluntatis. Rursus concupiscentia vel est *gravis*, si rationem aliquantisper turbet, sed non ita ut tollat rationis usum, *gravissima*, si ita vehemens fuerit ut penitus perimat rationis & libertatis usum. His positis sit

CONCLUSIO I. Nulla violentia facere potest ut actus à voluntate elicit, sint involuntarii; seu, voluntas cogi non potest quoad actus elicitos.

* Prob. imo. Actus essentialiter voluntarius nunquam potest esse coactus; voluntarium enim & coactum ex naturâ rei opponuntur: atqui omnis actus à voluntate elicitus; est essen-

6 *Tractatus de Actibus humanis*
essentialiter voluntarius. Est enim, ut supponitur, à principio intrinseco cum cognitione, cum è contra coactum omne sit ab extrinseco; ergo, &c.

† Prob. 2do. Illud coactum esse dicitur, quod est à principio externo contra inclinationem voluntatis: atqui actus eliciti voluntatis nunquam esse possunt contra inclinationem voluntatis: nam ipsissima voluntatis inclinatio, non potest esse contra voluntatis inclinationem: atqui actus eliciti voluntatis sunt ipsa voluntatis inclinatio; amor v. g. nihil est aliud quàm voluntatis propensio in bonum. Ergo meritò dixit S. Anselmus * *Invitus nemo potest velle aliquid, quia non potest velle nolens velle*; veller autem nolens, si cogere-
retur ad volendum; ergo, &c.

Obj. Potest Deus in voluntate Pauli omninò reluctante producere amorem Petri: atqui in hâc hypothesi Paulus cogitur ad amorem Petri; cum jam Petrum amet contra inclinationem suam; ergo.

R. ad 1. neg. min. ad 2. dist. Tunc Paulus Petrum amat contra inclinationem suam præteritam C. contra inclinationem suam præsentem, N. Nunc enim voluntas Pauli ex nolente, per operationem Dei efficeretur: volens atqui eo ipso quo efficeretur volens, jam non veller contra inclinationem suam.

Non loquimur de actibus imperatis, qui non ab ipsâ voluntate, sed ab aliis potentis eliciuntur, ut visio, deambulatio; fatentur enim omnes voluntatem quoad illos actus cogi posse; sic fieri potest ut ambulare aut videre nolens, per vim cogar ad utrumque.

CONCLUSIO II. *Violentia absoluta* voluntarium perimit, *violentia* verò *insufficiens*, seu *secundum quid*, minuit duntaxat.

Prob. 1. pars. Actio quæ fit voluntate omninò renitente, est penitus involuntaria: atqui actio quæ fit per coactionem absolutam, fit voluntate modis omnibus renitente; ergo.

Prob. 2. pars: quia ubi voluntas non omninò resistit, ibi remanet aliqua ratio voluntarii, major aut minor prout voluntas plus aut minus resistit: atqui ubi violentia non nisi *secundum quid* infertur, voluntas non resistit omnimodè, cum supponatur penes eam esse ut magis resistat; ergo.

Hinc colliges feminam, cui interius & exterius pro viribus resistenti, prævalidus aliquis stuprum infert, nihil peccare; at verò mulier quæ interius renititur, sed non exterius quantum potest & debet, clamando, repugnando, &c. non vacat à culpâ. Et id verum esse credimus, etiamsi mulier clamando incurreret periculum mortis; quia ut femina consen-

* *De lib. arb. 6.*

tire

ture censetur, nisi manibus & toto corpore resistat quantum

potest, & ad resistantiam hanc tenetur, etiamsi stuprator minetur ipsi mortem si resistat: sic etiam consentire censetur, nisi clamet, ubi clamor creditur profuturus.

CONCLUSIO III. Quæ sunt ex metu naturali, sunt per se loquendo voluntaria simpliciter in genere liberi; & in eodem genere, involuntaria secundum quid.

Prob. 1. pars. Ibi manet voluntarium in genere liberi, ubi ex parte mentis non tollitur cognitio, nec electio ex parte voluntatis: atqui metus etiam gravis nec tollit cognitionem ex parte mentis.... Mercator enim qui suas merces in mare projicit, & earum pretium cognoscit, & vitæ periculum in quo versatur, & ipsam actionem merces projiciendi, quam libere eligit, quia plus vitam amat quam merces; ergo.

Prob. 2. Reus pejerans nè suspendatur, & puella libidini alienæ consentiens nè occidatur, gravissime peccant, tametsi agant ex metu: atqui non peccarent, nisi voluntarietas & libertas subsisterent cum metu.

Prob. 2. Pars. Quod minuit libertatem, facit ut actio in genere liberi sit involuntaria secundum quid, atqui metus libertatem minuit, ut per se patet. Hinc in Synodo Nicænâ, tolerabilior iis poena constituta fuit qui mortis metu cesserant, quam qui sponte deliquerant.

Obj. 1mo. Ea absolute & simpliciter censeri debent involuntaria, quæ sunt reluctante voluntate: sed quæ sunt ex metu gravi.... unde contractus gravi metu iniiti, non sunt validi; ergo.

R. ad 1. dist. maj. quæ sunt voluntate reluctante absolute simpliciter, C. reluctante secundum quid, N. Porro ubi est metus gravis, ibi quidem est repugnantia aliqua voluntatis: verum repugnantia & hæc inefficax est, non absoluta; & non impedit quin mens sciens & libere volens, eam amplectatur partem, quæ sibi sub aliquo respectu repugnat, unde si pars illa mala sit, peccat amplectendo.

R. ad 2. dist. contractus ex metu facti, invalidi sunt jure positivo, idque non semper, C. jure naturali, N. Sic matrimonium ex metu injusto factum, non valet jure positivo: valeret tamen ex rei naturâ, & ideo à legibus approbatur, cum sit ex metu justè incusso, qui quidem metus longè aliquando gravior est quam qui injustè incurritur.

Obj. 2do. Quod excusat à culpâ, tollit voluntarium: atqui metus gravis excusat à culpâ eum, qui v. g. nè occidatur, Missæ non interest die Dominicâ; ergo.

R. neg. min. & dico eum qui ex metu non implet ali-

quod

quod Ecclesiæ, & nonnunquam Dei ipsius præceptum, non excusari à culpâ propter defectum libertatis, sed propter celsationem ipsius legis, quæ cum tanto incommodo non obligat. Hinc si lex talis sit, ut semper obliget, semper peccabit qui eam transgredietur, etiam si ex metu omnium gravissimum agat, ut patet in eo qui ex metu fornicatur.

Dixi in Conclusionem, quæ sunt *ex metu naturali*.... sunt *involuntaria secundum quid*; ut ostenderem non omnem metum causare hujusmodi involuntarium: unde qui ex timore supernaturali gehennæ, à malo temperat, *peccanti voluntatem excludere* potest, ut docet Tridentinum, adeoque observatio legis ab eo præstita nihil habet verè involuntarii. Ratio est quod voluntas tunc tantum habeat actum nolitionis circa objectum, quando objectum illud, etsi hic & nunc ob necessitatem bonum sit, in se tamen malum appareat; ut proijcere merces, est hic & nunc mercatori alioqui morituro bonum, sed in se malum; atqui servare mandata Dei, est bonum tum per se, tum etiam abstrahendo à periculo gehennæ; idque homo timore supernaturali donatus intelligere potest; ergo necesse non est, ut ejus observatio mandatorum, involuntario mixta sit.

Dixi 2do. *per se loquendo*. quia nonnunquam, rarò tamen, evenit ut actio ex metu facta, penitus involuntaria sit, cum nempe malum imminens ita hominem perturbat, ut tollat advertentiam.

CONCLUSIO IV. Concupiscentia antecedens, ordinariè loquendo, sub aliquo respectu auget, sub alio minuit voluntarium: auget quidem ratione objecti ad quod directè movetur; minuit verò ratione circumstantiarum, unde etiam libertatem minuit.

Prob. 1. pars. Illud auget voluntarium ratione objecti, quod inflammat voluntatem, efficitque ut in objectum majori cum inclinatione feratur: atqui concupiscentia hæc præstat, ut sapius videre est in homine qui mulierem deperit; ergo.

Prob. 2. pars. Ad voluntarium perfectum requiritur non solum inclinatio voluntatis, sed etiam cognitio eorum in quibus est actio: atqui concupiscentia vehemens, cognitionem hanc imminuit; impendit enim nè mens ab objecto, in quod tendit, rapta & illecta, consideret turpitudinem actus, offensam Dei, &c.

Atque hinc sequitur libertatem concupiscentiæ imminui, nam eò majore est in homine libertas, quò plenior ad utrumlibet indifferentia; atqui indifferentiam hanc minuit concu-

piscen-

piscencia, eo ipso quo voluntatem fortius determinat in unam partem contradictionis: unde etiam concupiscencia minuit peccatum; imò ipsum aliquando penitus tollit, quatenus totaliter cognitionem aufert, *Sicut contigit in illis qui propter concupiscenciam fiunt amentes.* Ità S. Thomas 1. 2. q. 77. art. 6. & q. 6. art. 7.

Dixi ordinariè loquendo: quia fieri potest nonnunquam ut qui ex concupiscencia agit, cum aliqua repugnantia in objectum suum tendat; ut si avarus ad abutendum muliere, magnam pecuniam summam profunderere debeat, quod ei æquè durum est, ac mercatori merces suas in mare projicere.

Obj. Peccatum ex malitià gravius est peccato ex concupiscencia: atqui tamen malitia non augeat voluntarium; ergo nec concupiscencia.

R. dist. maj. gravius est, quia magis est liberum, C. gravius est ex ratione majoris aut æqualis voluntarii, N. Itaque cum peccatum malitiæ ex plenâ libertate, sine ignorantia & passione committatur, debet esse majus peccatis quæ ex infirmitate seu passione procedunt; sed non ideo plus habet voluntarii: ubi enim major libertas, ibi major indeterminatio; ubi verò major indeterminatio, ibi minus inclinationis, ac proinde voluntarii: hinc Deus voluntariè magis se amat quàm mundum existentem.

* Inst. Quod minuit liberum, minuit voluntarium: atqui ex concessis concupiscencia minuit liberum. Prob. maj. Quod minuit motum ab *intrinseco*, minuit voluntarium: sed quod minuit libertatem, minuit motum ab *intrinseco*; ergo.

R. ad 1. neg. maj. ad 2. dist. quod minuit motum ab *intrinseco*, id est, inclinationem voluntatis, minuit voluntarium, C. quod minuit motum ab *intrinseco*, id est, indifferentiam voluntatis, minuit voluntarium, N. Concupiscencia minuit quidem indifferentiam voluntatis, quia eam statim & quasi sine discursu in objectum suum trahit: sed non ideo minuit ejus propensionem, in quâ sita est ratio voluntarii; imò quòd mens avidius in objectum fertur, eò major est ejus in ipsum propensio.

† CONCLUSIO V. Concupiscencia consequens augeat voluntarium & peccatum.

Prob. quia secundùm hoc passio minuit peccatum, secundùm quod minuit liberum: atqui passio consequens non minuit liberum, saltèm moraliter, (licet ipsum physicè minuire possit,) quia passio consequens effectus est voluntatis, quæ in semetipsâ spontè, liberè, ac prævicens, ardorem mali inflammam-

flammavit; ergo *sic verum est, quòd quantò aliquis majori libidine vel concupiscentiâ peccat, tantò magis peccat.

Hinc colliges imò. eos qui ex pravo habitu peccant, gravius peccare; quia actus ex habitu spontè nutrito prodeuntes, sunt in se & in causâ liberi, eoque peiores quòd propensius feruntur in malum. Debet ergo peccator pravum habitum confiteri; unde proscripta est à Clero Gallic. an. 1700. hæc propositio; *Non tenemur Confessario interroganti, fateri alicujus peccati consuetudinem.*

Colliges 2do. motus eos qui primò primi dicuntur, quia sine rationis advertentiâ & voluntatis consensu exurgunt, non esse peccata; secus de primò secundis, ad quos scilicet advertit ratio, & quibus consentit voluntas; quia isti liberi sunt, illi non item. Hinc meritò damnata est hæc Baii propositio n. 75. *Motus pravi concupiscentiæ, sunt pro statu hominis vitii, prohibiti præcepto, Non concupisces.* Et certè non nocet sensus, ubi non est consensus; imò quod resistentem fatigat, vincentem coronat, ait S. Bernardus.

SECTIO SECUNDA.

An ignorantia causet involuntarium.

TRia hîc nobis veniunt discutienda: imò. quomodo ignorantia tollat vel causet involuntarium; 2do. an quævis ignorantia etiâ juris naturalis à culpâ excuset; 3tio. an talis detur ignorantia. Quæ ut solvantur.

Not. imò. Ignorantia latè sumpta est carentia scientiæ seu cognitionis; eaque si sit carentia cognitionis alioqui non debita, ut ignorantia jurisprudentiæ in rustico, dicitur *nescientia*, aut ignorantia *negativa*; si sit carentia cognitionis debita, ut Sacramentorum in Chistilano, vocatur strictè ignorantia, vel ignorantia *privativa*; si demùm juncta sit errori, vocatur *pravæ dispositionis*, aut *pravi habitus*.

Ignorantia strictè sumpta, spectari potest vel ratione subiecti ignorantis; vel ratione rei quæ ignoratur; vel ratione actionis quæ fit ex ignorantia.

Ignorantia ratione subiecti spectata, alia est *invincibilis*, quæ communibus naturæ vel gratiæ auxiliis vinci nequit; alia vincibilis, quæ iisdem auxiliis vinci potest: & hæc subdividi solet in *affectatam*, cùm quis, ut liberius peccet, affectat nescire id quod scire & facere tenetur, & *crassam* seu *supinam*, ut si quis directè quidem non affectet ignorare, sed vel nullâ, vel saltè debita non utatur diligentia, ut ignorantiam

* S. Thom.

rantiam

rantiam vitet. Hinc ignorantia crassa non semper ejusdem est gravitatis.

Ignorantia ratione objecti, alia est *juris*, ut si quis nesciat invalidum esse matrimonium cum affine; alia est *facti*, ut si quis legem sciens, ignoret eam quam ducit, esse sibi asfinem. Ignorantia juris pro legum diversitate diversa est: unde alia est *juris positivi*, alia *juris naturalis*.

Ignorantia in ordine ad actiones, triplex secernitur. *Antecedens*, seu invincibilis, quæ nullo modo est volita, & tamen est causa volendi id quod alioqui non vellemus: talis fuit ignorantia in Jacob cum accessit ad Liam. *Concomitans*, quæ comitatur actionem, ita ut actio adhuc fieret, etiamsi abesset ignorantia: talis est ignorantia illius qui ratus se feram occidere, occidit hostem, quem si cognovisset, nihilominus occidisset. *Consequens* demum, quæ à voluntate directè vel indirectè volita est, estque vincibilis.

Not. 2do. Multi negaverunt ignorantiam etiam invincibilem juris naturalis excusare à peccato. Sic Lutherus in cap. 12. Gen. Sic & Jansenius, qui postquam dixit * *generale Scholasticorum pronuntiatum esse, quod quidquid ex invincibili sit ignorantia, hoc ipso culpa vacat; contrarium ut dogma fidei tueretur.*

Not. 2do. Sunt aliqui Theologi qui fatentur hominem à peccato per ignorantiam invincibilem excusari, sed addunt, eam locum non habere in iis quæ spectant ad jus naturale. His positis, fit

CONCLUSIO I. Ignorantia consequens non affectata, facit opus simpliciter voluntarium, & involuntarium secundum quid: ignorantia verò affectata, voluntarium, sicque & peccatum adauget.

Prob. 1. pars. Qui vult causam, vult in illâ effectum ejusdem: sed qui agit ex ignorantia consequente, eandem vult, ut ex terminis patet; ergo vult etiam ejus effectum.

Prob. 2. pars. quia actio quæ fit ex ignorantia purè consequenti, fit contra aliquam voluntatis propensionem. Qui enim ex tali ignorantia agit, sic affectus esse supponitur, ut seclusâ ignorantia non ageret, ut cum quis non factâ sufficienti diligentia occidit amicum, ratus se feram occidere.

Prob. 3. pars. Ignorantia non affectatur, nisi ut homo liberius peccet, ergo efficit ut mala actio quæ ardentius queritur, magis sit voluntaria, majusque peccatum. Hinc gravius peccant, qui dicunt Deo: ** *Recede à nobis, scientiam viarum tuarum nolumus.*

CON-

* L. 2. de statu naturæ lapsæ cap. 6. ** Job. 21.

CONCLUSIO. II. Ignorantia concomitans facit opus simpliciter involuntarium.

Prob. Ibi non reperitur voluntarium, ubi opus nec in se, nec in suâ causâ volitum est: atqui opus ex tali ignorantia factum; nec volitum est in se, cum supponatur invincibiliter ignorari, nec in suâ causâ, nempe ignorantia ipsâ, cum nullatenus volita sit; ergo. Et certè si occiso ex tali ignorantia facta, in se voluntaria foret, occisor poënis contra homicidas latis subjaceret & ad restituendum teneretur: atqui contrarium tenent Theologi; ergo. Hinc non satis accuratum est quod aiunt, ignorantiam concomitantem, nec voluntarium facere, nec involuntarium, & adeò nec accusare nec excusare. Excusatur enim occiso hominis loco fera, licet non excusetur ferale quod inde percipitur gaudium.

CONCLUSIO III. Quolibet ignorantia, etiam juris naturalis modo invincibilis sit & antecedens, tollit voluntarium & excusat à peccato.

Prob. 1mo. ex Apostolo Rom. 1. juxta quem Gentiles inexcusabiles erant, quia cum cognovissent Deum, non sicut Deum glorificaverunt; ergo si forte Deum invincibiliter ignorassent, excusati fuissent à culpâ.

Prob. 2do. ex S. Augustino pluribus in locis. Lib. de duabus anim. cap. 12. Dicere, inquit, peccati reum teneri quemquam, quia non fecit quod facere non potuit, summæ iniquitatis est, Lib. 3. de lib. arb. cap. 18. Quid peccat in eo quod nullo modo caveri potest? cap. 19. Non tibi deputatur ad culpam, quod invitus ignoras, sed quod negligis quærere quod ignoras: atqui si ignorantia invincibilis juris naturalis non excusaret à peccato, reus teneretur homo quia non fecit quod facere non potuit; peccaret in eo quod nullo modo caveri potest, &c. ergo.

† Prob. 3tio. ex his Tridentini verbis, *Deus impossibilia non jubet, &c.* atqui si ignorantia invincibilis à peccato non excuset, Deus jubet impossibilia, & quidem physicè. Nam Deus qui omnia peccata à nobis vitari jubet, præcipit sanè ut ea vitemus quæ juxta Jansenium ex ignorantia invincibili admittimus, atqui tamen peccata hæc vitari physicè non possunt, ni cognosci possint: non possunt autem, si eorum ignorantia hic & nunc invincibilis esse supponatur; ergo jure ac meritò damnata fuit ab Alexandro VIII. propositio ista, *Tamet si detur ignorantia invincibilis juris naturæ, hæc in statu naturæ lapsæ, operantem ex ipsa non excusat à peccato formali.*

Prob. 4to. Ignorantia invincibilis juris positivi excusat à peccato; ergo & ignorantia juris naturalis. Pater ant. 1mo.

ex his Christi verbis, * *Si non venissem, & locutus fuisset eis, peccatum non haberent*; 2do. ex S. Augustino, qui expendens eadem Christi verba, responder: Judaeos, si Christus non venisset, ** *excusationem habituros fuisse, non de omni peccato suo, sed de hoc peccato, quò in Christum non crediderunt*. Plura congerere superfluum fuerit, quia nobis hoc in puncto consentit Jansenius: unde prob. consequ. Ideo juxta S. Augustinum excusantur à culpâ qui nihil unquam audierunt de Christo, quia *nec contempserunt; nec resisterunt voci Christi, sed sincere dicere possunt, Non vidimus, non audivimus*; atqui pariter qui jus naturale sibi invincibiliter ignorant transgrediuntur, legem non contempserunt, eum eam inviti ignorant; ergo.

Prob. 1to. Ideo Jansenius ignorantiam juris naturalis à peccato excusare negat, quia hæc in Adami peccato voluntaria est: atqui hæc ratio nimis probat; sic enim in peccatum imputabuntur improvisi concupiscentiæ motus, quia ab Adæ peccato profluunt; & in illo liberi fuere. Ut quid ergo qui Calvinianis in principio consentit Jansenius, iidem in consequentis non assentitur?

† Obijciunt multa ex Scripturis, ut 1mo. quòd voluerit Deus occidere Abimelech; *** eò quòd tulisset Saram, quam tamen invincibiliter ignorabat esse uxorem Abraham? 2do. quòd offerrentur sacrificia pro ignorantia etiam invincibilis; 3tio. quòd David Psal. 24. petat sibi ignosci ignorantias suas, haud profectò voluntarias, quarum capax non erat vir secundum cor Dei; 4to. quòd servus ignorans voluntatem domini, **** *vapulabit paucis*. Is tamen non ignorat voluntariè, alioque vapularet multis.

R. ad 1. locum hunc esse extra rem: nam 1mo. ignorantia Abimelech non fuit jûris, sed facti; 2do. nec ea fuit invincibilis; unde puniri meruit Abimelech, vel quia non satis inquisivit an Sara uxor Abraham foret: vel quia eam tulit invitam.

Ad 2. Ignorantia quæ Levit. 5. & Num. 15. poenis subiacet, est ignorantia caeremoniarum, adeoque juris positivi, quæ proinde in culpam moralem imputari non potuit, nisi aliquantulum voluntaria esset.

Ad 3. David utpotè homo, ex eorum erat numero qui ***** *in multis offendunt quidni ergo quædam admiserit peccata ignorantia non omninò involuntaria?*

Ad 4. Servus de quo agitur, non tantum habuit voluntatis domini sui cognitionem, quantam habent servi præcipui

* Joan. 15. ** Tract. 89. in Joan. *** Gen. 20. **** Luc. ***** Jac. 3

pui, quibus amplior domus custodia committitur: sed non ideo eam prorsus nescivit, imò credunt multi eum non vapulare *puais*, absolute, quasi à grandi peccato immunis sit, sed respective, quia mitius punietur, quàm qui plura habuit & neglexit talenta.

* Obj. 2do. S. Augustinus L. de nat. & grat. c. 17. n. 19.

Alius est, inquit, non curasse scire, quæ negligentia peccata etiam per sacrificia quadam Legis videbantur expiari; aliud intelligere velle, nec posse, & facere contra Legem non intelligendo quid fieri velit. Unde sic: Ignorantia de quâ hic loquitur Augustinus est invincibilis, cum reperiatur in iis qui intelligere volunt nec possunt etiam *adhibitâ diligentia*: atqui ignorantia hæc verè culpabilis est; tum quia per eam homo facit contra legem; tum quia alioqui sentiret Augustinus cum Pelagio, tunc tantum culpandam esse ignorantiam, cum id homo nescit quod *adhibitâ diligentia* scivisset.

R. ad 1. neg. maj ad 2. dist. reperitur in iis qui intelligere volunt, nec possunt, quia ut Pelagiani, solâ naturali diligentia intelligere volunt, nec petunt gratiam quâ discant & intelligant, C. qui absolute intelligere non possunt, N. Solutio est in sequentibus verbis: addit Augustinus, *Unde admonemur à Deo petere sapientiam, qui dat omnibus affluentem*; utique his omnibus qui sic petunt, & tantum petunt quomodo & quantum res tanta petenda est; ergo supponit S. Doctor, eos de quibus loquitur ideo intelligere non posse, quia vel non petunt, vel ut oportet non petunt gratiam & intellectum, ut discant mandata Dei.

Inst. 1mo. S. Augustinus Epist. ad Sixtum, n. 26. * *Inexcusabilis est*, inquit, omnis peccator, vel reatu originis, vel additamento etiam propriæ voluntatis, sive qui novit, sive qui ignorat; quia & ipsa ignorantia in eis qui intelligere noluerunt, sine dubitatione peccatum est; in eis autem qui non potuerunt, pœna peccati. Ignorantia de quâ hic loquitur S. Doctor expresse dicitur *inexcusabilis*: atqui ignorantia hæc invincibilis est, cum in iis reperiatur qui non audierunt, nec intelligere potuerunt.

R. 1mo. textum hunc, si quid probat, contra Jansenium probare. In eo enim manifestè agitur de ignorantia juris positivæ; en verbâ quæ præcedunt: *Dicit Dominus in Evangelio, Si non venissem, & locutus eis fuisset, peccatum non haberent hanc eos excusationem non habere asserit, quâ possint dicere, Non audivimus, &c.*

R. 2do. neg. maj, Non enim dicit Augustinus ignorantiam de quâ loquitur esse inexcusabilem, sed dicit eos qui

* 194. aliàs 107.

igno-

ignorant, nempe legem Christi, & Baptismi necessitati, esse inexcusabiles, ob reatum saltē originis, qui sine Baptismo etiam invincibiliter ignorato non purgatur. Hoc admittimus omnes contra Pelagianos, sed quid inde in gratiam Janſenii?

Obj. 3tio. Hæc Cælestii propositio, *Oblivio & ignorantia non subjacent peccato, quoniam non secundum voluntatem eveniunt sed secundum necessitatem* * damnata fuit in Synodo Diospolitana, ut error quem reprobatur S. Dei Ecclesia: atqui hæc propositio loquitur de ignorantia invincibili; loquitur enim de eâ ignorantia quæ secundum necessitatem evenit; ergo.

R. ad 1. dist. maj. propositio Cælestii damnata fuit ob suam universalitatem, & eo intellecta sensu, quod quævis ignorantia sive juris sive facti excusaret à peccato, C. secus, N. neque enim, quod Janſenio necessarium foret, de solâ juris, sed etiam de facti ignorantia loquebatur Cælestius, & utrumque perinde peccatum esse contendebat Augustinus, qui idcirco in probationem assumit tum Abimelech, qui ignorans Saram; tum Paulum, qui ** ignorans, Christum persecutus erat; ergo damnatio propositionis Cælestii, minus in nos quam in Janſenium cadit.

Ad 2. dist. propositio Cælestii loquitur de ignorantia necessaria, id est, quæ talis erat in hæreticis Cælestii principiis, C. quæ necessaria erat in rei veritate. N. Itaque cum Pelagiani gratiæ divinæ necessitatem rejicerent, existimabant, omnem ignorantiam quæ solis natura viribus vinci non potest, invincibilem esse, ideoque inculpabilem; imò ex Dialogis S. Hieronymi colligi potest, eos ignorantiam quæ facile vinci non posset, habuisse pro invincibili. Utrumque errorem reprobatur S. Dei Ecclesia, & nos cum ipsâ; ergo nihil inde contra nos.

† Obj. 4to. Tam ignorantia nobis in peccatum imputari potest, eò quod in voluntate Adami libera sit, quam nobis in peccatum imputetur homicidium, eò quod in ebrietate præcedenti liberum sit: atqui, &c.

R. neg. maj. disparitas est, quod homicidium quatenus praveri potuit & debuit, sit ex propria nostra voluntate voluntarium saltē in causâ; ignorantia verò invincibilis, nec in se, nec in causâ, voluntaria sit propria voluntate; & certè hæc ratio probaret indeliberatos concupiscentiæ motus voluntarios esse, & in peccatum imputari, quod est hæreticum.

CONCLUSIO IV. Non datur ignorantia invincibilis juris naturalis

* An. 415. ** Lib. 3. contra Julian. c. 19. L. 3. de lib. arb. c. 18.

turalis quoad prima principia, & proximas eorum conclusiones; datur verè quoad conclusiones magis remotas.

Prob. 1. pars. Illud invincibiliter non ignoratur, cujus cognitio sine difficultate ullâ haberi potest: atqui talis est cognitio primorum juris naturalis principiorum, &c. An enim homini laborandum est ut detegat alteri faciendum non esse, quod sibi fieri nolit; an sudandum est, ut ex hoc principio proximas hæc conclusiones deducat, ergo non debeo furari, occidere, decipere mendacio?

Obj. imo. Apostolus Rom. 9. *Peccatum, inquit, non cognovi nisi per legem. Nam concupiscentiam nesciebam, nisi lex diceret, Non concupisces.* Unde sic: Concupiscentia adversatur legi naturali: atqui tamen Judæi, in quorum personâ loquitur Apostolus, ignorabant invincibiliter eam esse peccatum; ergo.

R. neg. min. nam nè vocula quidem una est in textu Apostoli, quæ indicet ignorantiam de quâ loquitur, esse invincibilem. *Quis enim ignorat,* ait S. Hieronymus Ep. 151. *homicidium, furtum, & omnem concupiscentiam esse malum?* Quapropter Egyptii, qui furtum approbasse dicuntur, non ignoraverunt ejus malitiam, nisi quia ignorare voluerunt.

Prob. 2. pars. Ea invincibiliter ignorantur, quorum cognitio nè quidem cum magnis naturæ & gratiæ auxiliis haberi potest: atqui multæ sunt conclusiones à primis juris principiis oriundæ, quarum cognitio nè cum magnis quidem naturæ & gratiæ auxiliis haberi potest; cum circa eas dividantur acutissimi simul & piissimi Ecclesiæ Patres & Doctores: sic S. Thomas putat Judicem posse morti addicere eum quem innocentem novit, quod S. Bonaventura negat; sic posterior admittit actus indifferentes, quos prior rejicit.

Et verò si quælibet ignorantia juris naturalis vinci possit, maximè per orationem, atqui falsum consequens; cum majora Ecclesiæ lumina, dies noctesque orando & studendo consumpserint, nec tamen eas quas optabant cognitiones obtinuerint.

Obj. Ea ignorantia invincibilis cenferi non debet, quam homo de facto vinceret si veller, atqui ignorantiam cujuscumque juris naturalis de facto vinceret homo si veller. Homini enim præsertim iusto non deest gratia sufficiens: quâ qui uteretur, omnem detegendi veri obicem superaret.

R. imo. argumentum hoc ad ignorantiam facti totum transferri posse; facile enim dicitur hominem si gratiâ ut par est utatur, novas à Deo illustrationes accepturum esse quibus errorem quemlibet devincat.

R. 2do. ad neg. min. ad 2. dist. Non deest gratia quâ peccatum formaliter sumptum deviter; C. peccatum etiam materialiter, N. Porro peccatum quod ex ignorantia prorsus invincibili committitur, non est peccatum nisi materialiter, nec impedit quominus æterna salus obtineri possit. Imò sunt qui credant Deum quarundam rerum cognitionem homini subtrahere, quia mavult ut propter cognitionis defectum non peccet nisi materialiter, quàm ut occasione cognitionis suæ formaliter delinquat.

Ergo, inquires cum Vendroch; melior est conditio ignorantis quàm cognoscentis, cum hic formaliter, ille solum materialiter peccet.

R. meliorem esse juxta nos, quatenus à peccato eximit, sicut melior est juxta Jansenistas, quatenus si non à toto, saltem à tanto excusât.

ARTICULUS SECUNDUS.

De Libero.

Libertas in genere est exemptio & immunitas à subjectione & servitute: hinc totuplex est libertas, quotuplex servitus à qua quis solvi & liberari potest; sed quadruplex præcipuè distinguitur, nimirum libertas à peccatis, quæ hominem facit sanctum, à miseria, quæ beatum; à coactione, quæ sponte volentem; & à necessitate, quæ verè liberum reddit. Libertas à peccato & miseria, non sunt præsentis instituti.

Libertas à coactione, seu spontaneitatis, est immunitas ab omni violentiâ contra voluntatis propensionem illatâ: hæc competit ei omni qui non coactè sed spontè agit, etiam ex necessitate naturali agat: hoc sensu Pater in divinis liberè Filium generat.

Licet à necessitate, quæ etiam electionis, indifferentiæ, vel arbitrii dicitur, ea est, quæ omnem necessitatem tam interiorem seu naturæ, quàm exteriorèm seu coactionis excludit, eo sensu liber est, qui potest agere vel non agere, hoc medium eligere vel non eligere. Quia verò electio unius præ alio multipliciter fieri potest; ideo libertas à necessitate multipliciter subdividitur: alia est enim contradictionis ad agendum vel non agendum; amandum; v. g. vel non amandum; alia contrarietatis, ad agendum hoc vel ejus oppositum, amandum, v. g. vel odio habendum; alia disparitatis,

tatis, ad agendum hoc vel illud, sed non oppositum, v. g. ad orandum aut studendum.

Libertati opponitur necessitas, quæ est determinatio ad unum, eaque multiplex distinguitur: nam imo. alia est *necessitas coactionis*, quæ est vis alicui contra propriam inclinationem illata, & hæc in voluntatem non cadit; alia est *necessitas inclinationis*, quæ est impulsio & motus interior ita determinatus ad unum, ut voluntas ab eo abstinere non possit. Hæc necessitas iterum duplex, alia *naturalis inclinationis*, seu *natura*, quæ scilicet menti congenita est, & provenit à principio intrinseco ad unum invincibiliter determinante: talis est in Deo se amante, & in homine beatitudinem in communi prosequente; alia *inclinationis adventitia*, quæ oritur à motu accidentali quo mens invincibiliter determinatur ad aliquid, sive *immutabiliter*, ut contingit Beatis, qui ex visione Dei ad amorem ejus jugiter accenduntur: sive *mutabiliter* & transitorio, ut contingit in systemate eorum qui duas admittunt delectationes, terrenam & cœlestem, quæ successivè simul & invincibiliter ad malum & ad bonum trahunt.

2do. alia est necessitas *antecedens*, seu *absoluta*; quæ vel rationis & voluntatis usum antecedit, ut in motibus primò primis, vel consensum hunc ita exprimit ut eam voluntas denegare nequeat: alia necessitas *consequens* seu *hypothetica*, quæ liberam voluntatis determinationem sequitur: sic necessè est me loqui, si ad loquendum me determinaverim.

3tio. necessitas alia est *specificatio*, cum voluntas ita ad unam speciem actûs determinatur, ut in speciem oppositam ferri non possit: sic Christus ita ad bonum determinatus erat, ut peccare non posset; alia *exercitii*, cum quis non solum ad hanc speciem actûs, sed etiam ad hunc numero actum ita determinatur, ut non modò non possit ad oppositum ferri, sed neque etiam ab isto possit abstinere: sic Deus ad amorem sui necessariò rapitur. Hæc necessitas exercitii circa unum, non impedit libertatem circa alia ejusdem generis, sic Deus, qui seipsum necessariò amat, liberè diligit creaturas.

4to. Alia est necessitas *physica*, cum voluntas ita vult unum, ut aliud hîc & nunc velle non possit; alia *moralis*, cum eadem voluntas ita ad unum trahitur, ut non nisi cum magnâ difficultate, quæ tamen actu & de facto vinci potest; in aliud ferri possit.

Nunc tria quærentur: imo. utrùm homo sit liber libertate indifferentiæ; 2do. utrùm hæc indifferentiæ liberitas, ad meritum vel demeritum requiratur in præsentî naturæ lapsæ

statu;

statu; 1
ratur ind
Circa pri
derant
vel à con
derant.

Circa l
ritum &
natione l
est, ait J
sive ab i
possit.

Circa
seu quot
ritum n
tiâ cons
tum co
vantur,

Conc
etiam i

Pro
ad Ca
tim in
ejus, i
& dom
catum
appetit

Josue
servire.

sunt pe
habet,

T. Ec
illum i

si volu
tibi ag

Ante
rit ei,

locus i
fer, ut

ris ma
ad vit

tui co
vitam

* L

statu; 3tio. an ad essentiam & quidditatem libertatis requiratur indifferentia.

Circa primum post alios plures erraverunt Calviniani, Lutherani, & Ianseniani, qui hominem vel à gratiâ ad bonum vel à concupiscentiâ ad malum necessariò moveri contenderunt.

Circa secundum erraverunt iidem Ianseniani, quatenus meritum & demeritum unâ cum invincibili ad unum determinatione subsistere posse crediderunt. Ut peccet homo, *satis est*, ait Iansenius * quod plenâ voluntate feratur in malum, *sive ab ista diligendi malî necessitate se expedire possit, sive non possit.*

Circa tertium non tantùm inquiritur an libertas ut sic, seu quoad substantiam & prout abstrahit ab iis quæ ad meritum necessaria sunt, solâ spontaneitate, & sinè indifferentiâ constituatur: sed & an ad eam requiratur indifferentia, tum contradictionis, tum contrarietatis, quæ omnia ut solvantur, sic

CONCLUSIO I. Homo lapsus non à coactione solum, sed etiam à necessitate liber est.

Prob. 1mo. ex Scripturâ * Genes. 4to. sic loquitur Deus ad Caim: *Nonne si bene egeris recipies? sin autem male, statim in foribus peccatum aderit: sed sub te erit appetitus ejus, id est appetitus ad peccatum provocans tibi subicietur, & dominaberis illius: atqui si homo ad unum, v. g. ad peccatum necessariò determinaretur, nec bene agere posset, nec appetitui, quò fertur ad malum, verè dominaretur.*

Iosue 24. *Optio vobis datur, eligire hodie quod placet, cui servire debeatis, utrùm diis an Domino: atqui, in his quæ sunt penitus determinata ad unum, electio seu optio locum non habet*, ait S. Thomas, 1. 2. q. 13. art. 2.

†. Eccli. 15. *Deus ab initio constituit hominem & reliquit illum in manu consilii sui, adjecit mandata & præcepta sua: si volueris mandata servare, conservabunt te Apposui tibi aquam & ignem: ad quod volueris, porrige manum tuam. Ante hominem vita & mors, bonum & malum: quod placuerit ei, dabitur illi.* Eò loci vera exprimitur libertas: atqui locus ille restringi non debet ad Adam antequam lapsus esset, ut restringitur à Calvino: imo. quia hæc verba, *Si volueris mandata servare*, idem sunt cum verbis Christi, *Si vis ad vitam ingredi, serva mandata*: hæc autem & præsentī statui conveniunt, & libertatem maximè indicant; quia si Deus vitam æternam promitteret sub conditione operum quæ in nostrâ

B 2

* L. 4. de statu naturæ lapsæ c. 44.

nostrâ potestate non essent, non tam ad bonum excitaret, quàm illuderet; 2do. quia Augustinus agnoscit his Ecclesiastici verbis *apertissimè* exprimi* *liberum humanâ voluntatis arbitrium*, 3tio. quia idem sacer Scriptor sic loquitur de homine iusto: ** *Erit illi gloria æterna, qui potuit transgredi & non est transgressus, facere mala & non fecit*; atqui hæc verba demonstrant hominem licet constitutum sub gratiâ quâ gloriam meretur, & malum amplecti, & Dei mandata transgredi posse; ergo.

Prob. 2do. ex Concilio Constantiensi Sess. 8. ubi proscrip-
ta fuit hæc Wiclefi propositio 17. *Omnia de necessitate ab-*
solutâ eveniunt, & Tridentino Sess. 6. Can. 5. *Si quis li-*
berum hominis arbitrium post Adâ peccatum, amissam & ex-
tinctum esse dixerit anathema sit, & Can. 4. eodem
feriuntur anathemate qui dixerint, *liberum hominis arbitrium*
non posse gratiâ dissentire si velit; atqui in systemate san-
ctenii non potest homo gratiâ dissentire, neque id velle po-
test, aut saltèm non id aliter potest quàm possint Beati in
cælis visionem Dei suspendere, quod utique non possunt.

* Prob. 3tio. ex Augustino quem temerè & constanter ob-
ji-
ciunt Novatores S. Doctor Librum de grat. & lib. arb. non
alio fine conscripsit, quàm ut utrumque simul admitti debere
ostenderet: *** *Quoniam*, inquit, *sunt quidam qui sic gratiam*
defendunt, ut negent hominis liberum arbitrium hinc ali-
quid scribere curavi. Lib. 2. de nup. & concup. c. 3. *Li-*
berum, inquit, *in hominibus esse arbitrium, utique dicimus: non*
hinc estis Cælestiani & Pelagiani, ista quippe Catholica fides di-
cit; ergo conveniebat Augustinus cum Pelagianis de liberi ar-
bitrii substantiâ, nec ab iis differebat, nisi quia gratiæ necessi-
tatem impugnabant.

† Prob. 4to. communi sed efficaci ratione S. Thomæ. Si
homo non esset liber, **** *frustra essent consilia, exhortationes,*
præcepta, prohibitiones, præmia & pœnæ. Vel enim homo de-
terminatus esset ad implenda præcepta, vel ad ea non implen-
da: si primum, frustra præciperentur quæ necessariò facienda
essent, ut frustra præciperetur Beatis ut Deum ament; si se-
cundum, frustra prohiberetur ut ea vitaret, à quibus non pos-
set abstinere; ergo.

Obj. 1mo. Ille non est liber qui non habet in potestate vias
suas: atqui homo Jerem. 10. v. 23. *Scio, Domine, quia*
non est hominis via ejus, nec viri est ut ambulet, & dirigat
gressus suos; ergo.

* De grat. & lib. arb. c. 2. ** Eccl. 31. *** Cap. 1. ****
1. p. q. 81. art. 3.

R. cum S. Thomà dist. min. Homo non habet in potestate vias suas quoad executionem & exitum, quia sæpe accidit ut ea quæ sibi proposuit, executioni mandare nequeat; C. non habet quoad intentionem, propositum, mediorum electionem, subd. non habet solus & sine Dei auxilio, C. cum ope divinâ, N. Solutionem hanc non obscurè indicat alius Scripturæ locus: *Cor hominis disponit viam suam, sed Domini est dirigere gressus ejus.*

Inst. 1mo. Ille nullo sensu vias suas habet in potestate qui captivatur sub lege peccati: atqui ex Apostolo Rom. 7. homo captivatur sub lege peccati.

R. dist. min. captivatur quoad sensum; quia rebelles concupiscentiæ motus, etiam invitus experitur, C. quoad consensum, N. De concupiscentiâ enim perinde ac de gratiâ verum est id quod dixit Augustinus Lib. de spir. & lit. c. 34. *Consentire, vel dissentire propriæ volentis est.*

Inst. 2do. Ille captivatur etiam quoad consensum, qui non facit quod vult, facit verò quod non vult: atqui ex Apostolo ibid. *Non enim quod volo bonum hoc facio, sed quod nolo malum hoc ago; ergo.*

R. dist. min. Homo non facit quod vult in sentiendo, quia sentit motus quos sentire nollit, C. non facit quod vult in consentiendo, id est consentit necessariò N. Pergit Apostolus: *Si quod nolo illud facio, jam non ego operor illud; ergo motus illi ad peccatum non imputantur, nec proinde sunt verè liberi.*

Inst. 3tio. Ille non facit quod vult etiam in consentiendo, cujus non est velle, nec currere: atqui ex Apostolo Rom. 11. *non est volentis, neque currentis.*

R. dist. non est volentis solius, C. non est volentis cum gratiâ Dei, N. Homo eger quidem gratiâ Dei ad bonum supernaturale, quod solis suis viribus operari nequit; at gratiæ huic dissentire potest si velit, ut ait Tridentina Synod. ubi suprâ,

* Obj. 2do. S. Augustinum pluribus in locis, Sic in Epist. ad Vitalem: *Liberum arbitrium ad diligendum Deum primi peccati granditate perdidimus.* Enchir. c. 30. *Libero arbitrio malè utens homo, & se perdidit & ipsum.*

Responso. dist. Homo perdidit liberum arbitrium, id est libertatem à peccato & miseriâ C. libertatem indiffentiæ subd. quoad aliquid, quia libertas ejus per peccatum vulnerata est, & imminuta, C. amisit simpliciter & quoad substantiam, N. Solutio est ipsius S. Augustini, qui mentem suam disertè explicat. Lib. 1. contra duas Epist. Pelag. c. 2. *Quis nostrum dicat quòd primi hominis peccatò perierit liberum*

arbitrium de humano genere? Libertas quidem perit per peccatum, sed illa quæ in paradiso fuit habendi plenam cum immortalitate iustitiam, &c. Et verò non aliter homo juxta Augustinum libertatem perdidit, quàm semetipsum: atqui homo semetipsum non perdidit quoad substantiam, ita ut desierit esse homo; ergo.

Inst. 1mo. Libertas quoad substantiam importat indifferentiam ad bonum & malum: atqui hanc homo per peccatum amisit ex Augustino. Cum ei incumbat dura peccandi necessitas * *Quia peccavit, ait Doctor, secuta est peccantem peccandi dura necessitas.*

R. ad 1. neg. min. ad 2. dist. Homini incumbit dura necessitas, moralis tamen & absolute vincibilis, C. invincibilis, N. Pelagiani rejecto peccato originali existimabant hominem *pari momento se ad vitia vel virtutes movere*; ut errorem hunc confuter Augustinus, totus ubique contendit per Adæ peccatum investam esse aliquam peccandi necessitatem: verum S. Doctor necessitatem hanc esse duram & prementem, nullibi invincibilem esse dicit, imò eam vinci posse docet pluribus in locis. Sic Lib. 2. de Actis cum Felice c. 8. *Consuetudo*, inquit, *quantumvis roborata ab homine superari potest* & Lib. 1. Operis imperf. *Ut non adsit ista necessitas peccandi, donat ille cui dicitur, De necessitatibus meis erue me.*

† Obj. 3tio Ille non est liber, qui necessario sequitur id quod eum amplius delectat: atqui homo necessario sequitur juxta id August. *Quod amplius delectat, secundum id operemur necesse est.*

R. 1mo. mirum esse quòd Iansenius toties ac tam confidenter locum hunc S. Augustini citaverit; is enim textus desumptus est ex Commentario in Epist. ad Galat. quem S. Doctor scripsit an. 394. atqui eo tempore versabatur Augustinus adhuc Presbyter in errore Semipelagianorum, prout fatentur omnes; quomodo igitur jam tunc credere potuit gratiam ita esse efficacem, ut necessario consensum voluntatis alliceret?

R. 2do. dist. min. Homo, necessario sequitur id quod eum amplius delectat delectatione deliberatâ, C. indeliberatâ, subd. sequitur necessario, sed necessitate improprie dictâ, C. necessitate proprie dictâ, N. Delectatio duplex: alia quæ omnem voluntatis consensum præcedit, eumque allicit & excitat: alia deliberata, quâ mens in objecto sibi suaviter proposito liberè conquiescit. Verum quidem est quòd homo necessario agat secundum id quod deliberatè eum magis delectat; quod enim deliberatè hominem magis delectat, est id quod præ alio eligit: porro necesse est ut id homo amplectatur, quod præ alio

* L. 2. de per. just. c. 5.

eligit,

eligit, & hoc est quod docere solent Philosophi, cum aiunt voluntatem semper sequi ultimum iudicium practice practicum, quod utique nisi sequeretur, non esset ultimum. Verum hæc necessitas consequens est & hypothetica, quia sequitur liberam determinationem voluntatis, quæ è diversis objectis illud liberè elegit quod eligere maluit. Jam verò quòd Augustinus de tali delectatione loquatur, vel hinc patet, quòd, ut jam dictum est, Augustinus adhuc esset in errore Semipelagianorum, qui ultra modum libertatis defensores erant, prout ipse agnoscit Jansenius.

Quòd si Augustinus intelligatur de delectatione indeliberate dicendum est necessitatem quam ex hac delectatione sequi docet S. Doctor, non esse veram, sed improprie dictam necessitatem, quæ à mente semper vinci potest, ut colligitur ex textibus Augustini suprâ adductis. Sed de his ubi de Gratiâ.

CONCLUSIO II. Ad merendum & demerendum in statu naturæ lapsæ requiritur libertas à necessitate, nec sufficit libertas à coactione. Ità definierunt Innocentius X. & Alexander VII. contra tertiam Jansenii propositionem. Præverat S. pius V. damnando hanc 67. Baii assertionem, *Homo peccat etiam damnablem in eo quod necessario facit.*

Prob. 1^{mo}. ex Scripturis. Illud ad merendum requiritur, unde Scriptura meritum hominis repetit; atqui ex libertate, prout veram quamcumque necessitatem excludit, hominis meritum repetit Scriptura. Sic Eccli. 31. meretur homo gloriam, quia potuit transgredi, & non est transgressus, facere mala & non fecit; sic I. Corinth. 7. bene facit & laude dignus est qui non habens necessitatem, sed è contra potestatem habens suæ voluntatis, judicavit in corde suo servare virginem suam. Sic demum demeretur Cain, quia appetitus sui, quem coercere poterat, non dominatur; ergo.

Prob. 2^{do}, ex Augustino, in quo præcipuè confidit Jansenius, quasi verò S. Doctor aliud senserit quàm antiqui Patres, aut magnæ esse possit authoritatis, si ab unanimi eorum sententiâ recederit.

Sed absit ut non sit noster Augustinus. Lib. de nat. & gr. c. 65. hæc S. Hieronimi verba refert. *Liberi arbitrii nos condidit Deus, nec ad virtutem nec ad vitia necessitate trahimur; alioquin ubi necessitas, nec corona est, moxque ea quasi indubia approbat his verbis: Quis non agnoscat? Quis non toto corde suspiciat? Quis aliter conditam humanam neget esse naturam?* atqui S. Hieronimus constanter sensit ad meritum requiri veram ab omni necessitate immunitatem; ergo idem sensit Augustinus.

Lib. de 2. animab. cap. 11. *Peccatum est voluntas retinendi vel consequendi quod iustitia vetat, & unde liberum est abstinere Etiamne hi libri obscuri mihi scrutandi erant, unde discerem neminem vituperatione suppliciove dignum, qui id non faciat, quod facere non potest?* En juxta S. Doctorem ille solum peccat, vituperationemque & supplicium meretur, cui liberum est abstinere à peccato, quique id quod non fecit, facere potuit; ergo pessimè dixit Janfenius, quod * *Augustinus nihil omnino curat, an talis peccandi libertas adsit, sive non adsit, sed ei abundè satis esse quod peccator plenà voluntate feratur in malum.*

Lib. 3. de lib. arb. c. 18. *Quis peccat in eo quod nullo modo caveri potest? Peccatur autem, caveri igitur potest. Et alibi ** Habemus liberum voluntatis arbitrium, & eo solo peccamus.*

Idem expressè docet S. Thomas q. 6. de malo. *Quidam, inquit, posuerunt quòd voluntas hominis ex necessitate moveretur ad aliquid eligendum, nec tamen ponebant quòd voluntas cogeretur..... Hæc autem opinio est hæretica; tollit enim rationem meriti & demeriti in humanis actibus est etiam annumeranda inter extraneas Philosophiæ opiniones, quia non solum contrariatur fidei, sed subvertit omnia principia Philosophiæ moralis. Hæc S. Doctoris censura adversus tertiam Janfenii propositionem quasi prophetice lata videtur.*

† Prob. 3tio. ratione. Actus humani sunt actus morales, atqui si ad meritum & demeritum sufficiat ratio voluntarii, jam actus illi non erunt morales. Actus enim ideo morales dicuntur, quia regulis morum subjacent, & ab iis dirrigi possunt: sed actus purè spontanei, morum regulis subiacere non possunt. Actus enim qui regulæ subjiciuntur, non debent esse invariables secundum se, frustra enim applicaretur regula actioni, quæ aliter fieri non potest, sed actus purè voluntarii sunt secundum se invariables; sunt enim ad unum necessariò determinati, ut patet in amore beatitudinis in communi; ergo.

Obj. 1mo. Ad merendum, &c. sufficit vera libertas: atqui ubi est immunitas à coactione, ibi est ex S. Augustino vera libertas. Prob. min. ex Lib. de duab. animab. Libertas, inquit, *animi motus cogente nullo ad aliquid* Lib. de verâ Relig. c. 14. ad peccatum requirit duntaxat S. Doctor, ut sit voluntarium, ergo.

R. dist. min. ubi est immunitas à coactione latè sumptâ, seu ubi est spontaneitas tum strictè tum latè sumptâ, ibi est libertas, C. ubi est immunitas à coactione strictè sumptâ, seu merâ & pura spontaneitas, ibi est libertas, N. Sicut coactio, ita & spontaneitas dupliciter sumitur, strictè & latè. Coactio

* L. 1. de statu nat. lapsæ c. 24. ** Lib. 2. c. 1.

strictè sumpta est necessitas ab extrinseco; coactio latè sumpta est necessitas ab intrinseco: unde spontaneitas strictè accepta, est quid idem ac propensio voluntatis excludens quidem necessitatem ab extrinseco, non autem eam quæ ab intrinseco oritur; spontaneitas verò latè sumpta, excludit determinationem invincibilem ad unum, undecumque hæc oriatur; adeoque veram agendi vel non agendi potestatem importat. Fa-teor itaque quòd juxta SS. Patres, ibi sit libertas ubi est vel immunitas à coactione latè sumptà, vel quod idem est, spontaneitas latè accepta: sed nego quod juxta eosdem SS. Patres, eo ipso subsistat alicubi libertas, quo ibidem reperitur immunitas à coactione strictè sumptà, seu mera & pura spontaneitas. Immunitas enim à coactione strictè sumptà, seu à vi exterius illatà, secum compatitur veram peccandi necessitatem sub impulsu concupiscentiæ; veram quoque bene agendi necessitatem sub impulsu gratiæ: atque nullibi docuerunt SS. Patres, hominem si verè necessitetur sive à gratià, sive à concupiscentià, eam habere libertatem quæ ad meritum vel demeritum sufficiat; imò contrarium expresse tradiderunt, ut pater ex allatis supra probationibus; ergo.

Obj. 2do. Ex Augustino pluribus in locis, * *illud nos habere in potestate*, adeoque & in libertate dicimur, quod cum volumus facimus; sed ea quæ maximè necessaria sunt, facimus cum volumus & quia volumus: an non enim bonum in communi amamus, quia volumus?

R. dist. maj quòd cum volumus facimus, ità ut possimus nec velle nec facere, C. secus, N. Ut indubia sit solutio, satis est quòd Augustinus voluntatis nomine non intelligat generaliter & latè facultatem volendi, prout solum voluntarium exprimit, sed strictius facultatem volendi liberè: atqui res ità est. Ipse sibi interpret erit S. Doctor; ** *Hoc, inquit, quisque habere in potestate dicitur, quod si vult facit, si non vult non facit*, id est quod ex æquo facere potest vel non facere: nam peccati reum dicere eum, qui non fecit quod facere non potuit, summæ iniquitatis est & insaniæ; ut alibi tradit Augustinus.

* Obj. 3tio. ex S. Thomà in 2. dist. 4. q. 1. art. 1. *Actus sunt in genere moris, ex hoc quod sunt voluntarii*: sed actus purè spontanei sunt voluntarii; ergo.

R. cum Thomistis, *** S. Thomam in hoc textu sumere voluntarium pro libero, non autem pro spontaneo.

Inst. Ubi est necessitas naturalis, ibi non est nisi voluntarium

B₅

* L. 3. de lib. arb. c. 34. ** L. de spir. & lit. c. 31. L. de anim. c. 11. & 12. *** Gonet. 117.

rium strictè sumptum pro spontaneo: atqui ubi est necessitas naturalis, ibi est ex S. Thomâ libertas. *Necessitas naturalis, ait, non aufert libertatem voluntatis.*

R. ad 1. neg. min. ad 2. dist. Necessitas naturalis non aufert libertatem voluntatis spectatâ quoad potentiam, C. spectatâ quoad actum, N. Itaque si S. Thomas hoc unum dicere velit, eam facultatem quâ aliquos actus necessariò eligit, v. g. amorem beatitudinis in communi, non obstante hac necessitate, remanere liberam circa alios actus, protectò jam nihil facit contra nos qui hoc sponte fatemur: atqui hanc esse mentem S. Doctoris patet imò. quia loquitur de libertate potentia, non de libertate actûs: *Necessitas naturalis, ait, non repugnat voluntati, non aufert libertatem voluntatis; 2do. quia libertatem per indifferentiam alibi differtè exprimit: * Ad libertatem arbitrii pertinet, inquit ut aliquam actionem facere possit, vel non facere: & hoc Deo ipsi convenit, bona enim quæ facit, potest non facere.*

Quòd si D. Thomas intelligatur de libertate actûs, aliter distinguì potest cum Cajetano: necessitas naturalis quoad specificationem non aufert libertatem etiam ratione actûs, C. necessitas naturalis quoad exercitium non aufert libertatem, N. Sic necessitas quâ fertur homo in amorem beatitudinis in exercitio hujus amoris liber sit: etsi enim non possit homo beatitudinem odisse, potest tamen de eâ actu non cogitare, & amoris actum erga illam non exercere, ut expressè tradit S. Doctor.

† Obj. 4to. Christus circa mortem subeundam non fuit liber à necessitate, cum non potuerit transgredi preceptum à Patre acceptum de morte subeundâ: atqui tamen Christus meruit, sibi quidem ** *nomen quod est super omne nomen*, nobis gratiam & gloriam; ergo.

R. neg. maj & dico Christum in morte subeundâ fuisse liberum, nec tamen potuisse transgredi mandatum Patris. Ut enim verè fuerit liber absque eo quòd Patris præceptum transgredi posset, satis est quòd mandati hujus dispensationem petere potuerit: atqui dispensationem hanc petere potuit Christus, quod ipse clarè dicit Math. 26. *An putas quin non possim rogare Patrem meum, & exhibebit mihi modò plus quam duodecim legiones Angelorum?* His enim verbis vult Petro probare se liberè mori: atqui id non probaret si verba hæc alium haberent sensum.

* Obj. 5to. Gratia per se efficax ad omnes & singulos pietatis actus est necessaria: atqui gratia per se efficax destruit libertatem à necessitate, solamque relinquit immunitatem à

* In 1. dist. 25. q. 1. art. 1. ad 2. ** Philipp. 2.9. coa-

coactione. Ea enim gratia omnem propriè dictam libertatem destruit, quæ est necessaria consensus humani causâ: atqui gratia per se efficax..... Ea enim gratia, necessaria est humani consensus causâ, quæ essentialem habet cum voluntatis consensu connexionem, & ex qua tam impossibile est ut consensus non sequatur, quàm impossibile est ut proprietates non sequantur ex rei essentiâ: atqui talis est gratia efficax per se & ex naturâ suâ, ut patet ex terminis; ergo.

R. datâ maiore quæ ad alium Tractatum pertinet, resp. inquam ad 1. & 2. neg. min. ad 3. dist. Gratia per se efficax essentialem habet cum effectu suo connexionem, id est, habet ex se & vi propriâ virtutem eliciendi infallibiliter consensus humani, C. id est consensum hunc necessariò parit, eo modo quo ex essentiâ fluunt rei proprietates, N. Itaque ambiguum est gratiæ per se efficacis nomen, aliterque ab Hæreticis, aliter à Catholicis intelligitur, Gratia efficax, juxta Novatores, ita voluntatem movet, ut ei dissentire nequeat; juxta Catholicos gratia non est per se efficax, nisi quatenus ex se vim habet efficiendi ut voluntas infallibiliter consentiat, licet eadem voluntas completam & expeditam habeat dissentendi potestatem: nam motio Dei, ut ex S. Thomâ docet Sylvius, * efficit ut mens infallibiliter operetur, non autem tollit à voluntate potentiam non operandi. Sed de his pleniùs in Tractatu de Gratiâ.

† CONCLUSIO III. Essentia libertatis in genere non consistit in solo voluntario; sed ad eam necessariò requiritur indifferentia contradictionis. Est contra Iansenium L. 6. de gratiâ Chr. per totum, Henricum à S. Ignatio Tom. 1. Lib. 2. & alios quosdam qui pro se S. Thomam & Thomistas ambigiosè citant; sed perperàm, cum nullus possit dici verè Thomista, qui negat indifferentiam ad libertatis essentiam pertinere, ut optimè notat Gonet, Tom. 3. p. 119.

* Prob. imò. ex S. Thomâ q. 24. de verit. art. 3. Oportet, inquit, dicere in Deo liberum arbitrium inveniri; similiter & in Angelis, non enim ipsi ex necessitate volunt & infrâ ad 4. Voluntas divîna se habet ad opposita, non quidem ut aliquid velit & postea nolit; nec ut possit velle bonum & malum..... sed quia potest hoc velle & non velle: atqui si S. Thomas credidisset spontaneitatem solam ad veram libertatem requiri non dixisset Deum idèò esse liberum, quia potest hoc velle & non velle, & quia quod vult ex necessitate non, vult, &c. sed facilem hanc & obviam attulisset rationem, Deus liber est, quia quæ etiam necessariò vult, spontè vult, & non coactè.

† Prob. 2do. Damnata sunt à Pio V. Gregorio XIII. &

* L. 2. p. 10. art. 4.

Urbanò

Urbano VIII. hæc Baii propositiones, *Quod voluntariè fit, etsi necessitate fiat, liberè tamen fit & iterùm: Sola violentia repugnat libertati hominis naturali*; atqui si essentia libertatis in solo voluntario consistat, ex propositiones præcisè sumptæ censuram non merentur.

Prob. 3tio ad veram & propriè dictam libertatem requiritur ut agens actus suos in potestate suâ habeat, & eorum dominus sit, ut indicat tum id Genes. 4. *Sub te erit appetitus tuus, & tu dominaberis illius*; tum id Apostoli I. Corint. 7. *Non habens necessitatem, potestatem autem habens suæ voluntatis*; atqui actus à solâ coactione immunes, non sunt in potestate & dominio agentis, ut malè contendit Iansenius: imo. ex S. Thomâ 1. p. q. 82. art. 1. *sumus domini nostrorum actuum, secundum quod possumus hoc vel illud eligere*: sed qui ad unum necessariò fertur, quantumvis spontaneè, non potest hoc vel illud eligere; ergo nec actionis suæ dominus est, nec liber; * 2do. ex S. Augustino: * *Hoc quisque habere in potestate dicitur, quod si vult facit, si non vult non facit* seu, ut loquitur S. Clemens Alexandrinus Lib. 4. Strom. sub finem, *Id est in potestate nostrâ, cujus ex æquo sumus domini, & ejus quod ei adversatur, ut philosophari vel non, credere vel non*: atqui de eo quod homo necessario facit dici non potest, quòd illud faciat si vult, aut non faciat si non vult. Quis enim præter Iansenium serio dixerit Deum amare se, si vult, non amare, si non vult: quis dixerit Patrem & Filium qui maximâ spontaneitate Spiritum Sanctum spirant, eundem habere sub potestate suâ & dominio?

Prob. 4to. Certum est Manichæos, Wiclefsum, Calvinum, Lutherum, & alios id genus Novatores, veram homini eripuisse libertatem: atqui falsum hoc erit, si libertas in spontaneitate solâ consistat. Nemo enim negavit unquam aut negare potuit, voluntatem non nisi volendo velle. *Voluntas, ait Lutherus, Lib. de libero arb. merâ lubentiâ & pronitate, ac sponte suâ vult & facit, non coactè pro naturâ voluntatis, quâ si cogeretur voluntas non esset, nam coactio potius est: ut sic dicam, voluntas, & Calvinus Lib. 2. de lib. arb. Si coactioni opponitur libertas, liberum esse arbitrium & fateor. & constanter assevero. ac pro hæretico habeo quisquis scitis sentiat.*

† Prob. 5to. ex Augustino. Conciliatio libertatis cum gratiâ ** *ita est..... difficilis..... ut quando asseritur Dei gratia, liberum arbitrium putetur auferri: sed si libertas propriè dicta in solo voluntario consistat, difficultas hæc quæ tot magni nominis Doctores attrivit, jocularis est & fictitia; nec ullus*

* L. de spir. & de lit. c. 31. ** L. de Grat. Chr. n. 32.

erit qui postquam prima Philosophia elementa saluaverit, facile non concipiat voluntatem à gratiâ motam spontaneè operari. Imò an non ipsæ mulierculæ facile percipiunt Beatos in cœlis Deum ex tota voluntatis propensione diligere, ita ut & necessariò diligant, & tamen non diligant inviti?

Obj. 1mo. Actus qui est in potestate nostra, verè liber est: sed actus quilibet eo ipso quo voluntarius est, est in potestate nostra. Prob. min. 1mo. ex S. Augustino: * *Hoc est, inquit, in potestate nostrâ, quod cum volumus facimus*, & alibi: *Quòd si fieri non potest ut dum volumus, non velimus voluntas igitur nostrâ, nec voluntas esset, nisi esset in nostrâ potestate, Porro quia est in potestate, libera est nobis. Non enim est nobis liberum, quod in potestate non habemus, aut potest non esse quod habemus*; ergo ex S. Doctore actus omnis eo ipso quo est à voluntate, est in potestate nostrâ, & eo ipso quo est in potestate nostrâ, non potest non esse liber.

R. ad 1. neg. min. ad 2. dist. cum Thomistis: illud est in voluntate nostrâ quod cum volumus facimus, id est, quod facere possumus vel non facere, quòdque cadit sub electionem & determinationem voluntatis, C. id est, quod sponte facimus licèt necessariò, N. Itaque locutus est S. Augustinus juxta communem cogitandi & loquendi modum: porro cum dicitur nos facere aliquid *cum volumus*, aut *si volumus*, quæ duo promiscuè usurpantur ab Augustino, subintelligi solet, juxta communem hominum sensum, etiam illud non facere ** *cum nolumus*, aut *si non volumus*, ita ut penes nos sit velle aut nolle, facere aut non facere prout libet, ut alibi docet S. Augustinus. Hinc bene dicitur Deum posse annihilare mundum cum volet, & si volet, sed malè prorsus diceretur Patrem posse generare Filium cum vult, & si vult, quia, ut optimè notat S. Thomas 1. q. 21. art. 2. ad 2. *actus naturales non sunt*, nec esse dicuntur *in potestate naturalis agentis, cum natura sit determinata ad unum*.

* Obj. 2do. Patres docent hominem liberè operari, eo ipso quòd spontè agit & non coactè; ergo libertas ut sic consistit in solâ immunitate à coactione.

Prob. ant. ex S. Augustino, qui eodem Lib. 3. de lib. arb. cap. 4. ait homines quorum peccata præscit Deus, justè puniri, quia Deus *neminem ad peccandum cogit*. Hinc apud Ecclesiæ Doctores, voluntarium seu spontaneum & liberum sunt omnino synonyma; unde S. Prosper; *** *Liberum arbitrium, est rei sibi placitæ spontaneus appetitus*, & S. Damascenus Lib. 3. de

* Lib. 1. Retract. c. 22. L. 3. de lib. arb. c. 3. T. 1. p. 613

** Lib. de spir. & lit. c. 31. *** L. contra Collat. c. 9. alias 28

de fide cap. 14. *Arbitrii libertas nihil aliud est quàm voluntas: id est; animi motus cogente nullo*, ut loquitur Augustinus Lib. de duabus animabus cap. 1. ergo eo ipso, quòd creatura non cogitur, sed *cogente nullo*, & spontaneè aliquid facit, eo inquam, ipso verè libera est.

R. dist. ant. docent Patres hominem operari liberè cùm non operatur coactè, id est, cùm non operatur necessariò, C. id est, cùm immunis est à coactione strictè sumptà, N. Coactionis nomen multipliciter sumitur: 1mo. *strictè* pro vi illà internà & planè impossibili, quā voluntas invita prorsus ac reluctans adigeretur ad volendum; hoc sensu coactum sumitur à Philosophis ac Theologis, cùm definitur, Id quod est à principio extrinseco, renitente in contrarium passio; 2do. *minus* pro determinatione necessariā ad unum, seu pro simplici necessitate libertati oppositā: hoc sensu *coactionis* nomen à Patribus sumi consuevit, ut pridem animadvertunt Eckius, Bellarminus, aliique Catholici cum Calvinianis disputantes. Sic autem à S. Augustino sumptum esse non semel, nè ipse quidem Jansenius inficari potest; cùm enim, v. g. dicit S. Doctor Lib. 1. Retract. c. 15. n. 3. primos parentes peccati reos teneri, quia *nullo cogente* peccaverunt, & *tentator suavit ut hoc fieret, non coegit*; idem est, teste Jansenio, ac si diceret, reos fuissè primos parentes, quia peccaverunt sinè ullā prorsus necessitate; 3tio. *latissimè* pro vi quādam morali, quæ nec strictè voluntatem cogit, cùm id sit impossibile, nec eam necessariò ad unum determinat, cùm adhuc ad illud flectere se possit. Sic si nauticus excuset se quòd alicujus merces in mare projecerit, indubiè dicet se *coactum* fuissè mortis periculo; sic si quis avarus mendicorum turbæ mortem minitanti nisi pecuniā dederit, crumenam porrigat, dicetur *coactè* agere, tametsi actio ejus immunis sit tum à rigidā illā coactione, tum à simplici necessitate physicā, cùm voluerit pecuniam largiri, & itā voluerit ut contrarium velle posset.

Non minor est harumce vocum *sponte*, *volens*, ambiguitas: cum enim spontaneum opponatur coacto, tot *spontanei* quot *coacti* species esse debent; unde spontaneum sumitur 1mo prout excludit internam violentiam, quæ voluntati unquam inferri potest; 2do. prout excludit necessitatem physicam; 3tio. prout excludit eam necessitatis speciem quæ moralis dicitur. Hæc distinctio usque adeò certa est, * ut Jansenius ipse fateatur, ex mente Augustini *sponte* ac *volentem* eum agere, qui nullā necessitate ad agendum impellitur; eum verò dici posse *cogi*, & agere non *volentem*, qui timore compulsus aliquid facit.

* L. 4. de statu nat. lapsa c. 21

Neque verò id cuiuslibet mirum videri debet, quia cum barbaræ, quibus nunc utimur voces *necessitari*, & *necessitare*, in usum non esset, quod per eas exprimimus, per *coactionis* nomen exprimebatur: unde Patres qui aiebant, hominem esse liberum quia non cogitur, quia sponte fertur in objectum, id unum volebant, hominem esse liberum, quia sine necessitate in objectum fertur. Quapropter non aliter de Protoparente & Angelis loquebantur ut eorum libertatem exprimerent, ut patet ex citato S. Augustini textu, & aliis pluribus quos citat De-champs de hæresi Janfen. Lib. 3. disp. 2. cap. 16.

CONCLUSIO IV. Indifferentia ad bonum & malum, seu potentia peccandi non pertinet ad essentiam libertatis; pertinet tamen ad statum puri hominis viatoris.

Prob. 1. pars ex S. Thomâ in 2. dist. 25. q. 1. art. 1. ad 2. *Ad rationem liberi arbitrii non pertinet ut indeterminatè se habeat ad bonum vel malum & ideo ubi perfectissimum est liberum, ibi in malum tendere non potest, quia imperfectum esse non potest. Sed hoc ad libertatem arbitrii pertinet, ut actionem aliquam facere vel non facere possit; & hoc Deo convenit, bona enim quæ facit, potest non facere, nec tamen malum facere potest, quæ S. Doctoris ratiocinatio paucis sic reddi potest: In Deo circa bona quæ nobis facit, vera est libertas: atqui in Deo nulla est indifferentia ad malum, quia malum facere non potest; ergo.*

Prob. 2. pars: imo. Illud pertinet ad libertatem hominis viatoris, per quod ea libertas tum in Scripturis, tum in Conciliis & Patribus explicari solet, atqui libertas hominis ut nunc est, explicatur per potestatem extendendi manum ad bonum & malum. Unde S. Hieronymus Epist. 146. *Solus Deus est, ait, in quem peccatum non cadit, cetera cum sint liberi arbitrii, in utramque partem, suam possunt flectere voluntatem; ergo.*

2do. Si potentia peccandi non sit pars libertatis nostræ, neque etiam potentia non peccandi, seu abstinendi à peccato, ejusdem libertatis pars erit, atqui potentia abstinendi à peccato est pars libertatis, nostræ, ut fateri debent qui contra nos sentiunt, nisi libertatem constituere velint, quæ sit sine potentiâ tum peccandi, tum abstinendi à peccato. Major prob. quia libertas circa unum è contradictoriis involvit libertatem circa alterum, ut salva sit utrius optio, secundum id S. Thomæ: *Si operari est in potestate nostrâ, oportet etiam quoddam non operari sit in potestate nostrâ, & è converso; ergo si potentia abstinendi à peccato sit pars libertatis nostræ, potentia peccandi debet esse pars ejusdem libertatis.*

Dices: Voluntas in quâ residet libertas non habet pro objecto

eto nisi bonum; ergo circa peccatum versari non potest; ergo peccandi potentia non est pars libertatis.

R. dist. Voluntas habet pro objecto bonum ut abstrahens ab honesto, utili, & jucundo, C. bonum quod necessario sit honestum, N. Solutionis veritatem docet infelix & frequens experientia.

CAPUT SECUNDUM.

De principiis extrinsecis Actus humani.

† **A**ctus omnis fit propter finem: finis omnis est bonus, aut spectatur ut talis; finis simpliciter ultimus est etiam summum bonum & beatitudo. Unde hic differi posset de bono, de fine & de beatitudine, quæ, ut supra dictum est, tria sunt externa actuum humanorum principia. Quia verò consideratio boni prout à fine & beatitudine distinguitur, ad Philosophos pertinet, non loquemur nisi de fine & beatitudine.

ARTICULUS PRIMUS.

De Fine.

Finis prout hic sumitur, definitur à Theologis, *Id cuius gratiâ fit aliquid*, sive est bonum per se, cuius obtinendi gratiâ assumitur medium: imo est bonum, verum scilicet vel apparens, quia voluntas non potest amare, nisi id quod sibi bonum videtur; malum enim quâ malum voluntatem non allicit, sed avertit potius & fugat; 2do. est bonum per se, id est, per se & propter se conveniens; si enim spectaretur ut conveniens propter aliud, jam non esset finis, bene verò illud aliud ad cuius asssecutionem conveniens foret; 3tio. *cuius gratiâ fit aliquid*, seu assumitur medium; id est, illud omne quod ad finis asssecutionem inservire posse judicatur.

Hinc patet 1mo. finem esse primam omnium hominis operationum causam, quatenus est principium tum consultationis, quâ de mediis mediorumque delectu disquiritur, tum operationis quâ ejusmodi media actu adhibentur. Patet 2do. bonum & finem non reciprocari, quia licet finis omnis sit saltè apparenter bonus, cum alioqui non appeteretur, non omne tamen bonum est finis, sive quia multa sunt bona quorum gratiâ nihil fit, ut patet in scientia quam pauci habere student; sive quia medium omne licet bonum, non est tamen finis.

Quæres 1mo. quomodo dividatur finis.

R.

R. imo. finis alius est *quis*, estque res illa & objectum, quod per media consequi intendimus, unde dicitur finis *ut res*, vel finis *objectivus*. Alius est *cui*, estque suppositum cui quaritur, res quæ est finis *qui*. Alius est *quo*, estque possessio finis *objectivi*; seu actio quæ finis *objectivus* possidetur, si Deus est finis *objectivus* hominis; visio beatifica est finis *quo*, vel, ut alii dicunt, finis *formalis*, ac demum homo est finis *cui*.

2do. Finis alius est *operis*, estque res illa ad quam opus ex se ordinatur; sic finis eleemosynæ est sublevatio pauperis: alius est *operantis*, estque res illa in quam operans ordinat id quod facit; sic finis dantis eleemosynam est aliquando vanitas, aliquando aliud. Finis operis dicitur etiam *internus*, estque idem cum objecto, finis verò operantis dicitur *externus*.

3tio. Finis alius est *ultimus*, quem ita intendit voluntas ut in eo sistere velit; sive in eo sistere debeat, & tunc dicitur finis *ultimatus*, qualis est solus Deus; sive in eo sistere non debeat, sed ulterius progredi, & tunc dicitur *ultimus respectivo*, talis est pecunia respectu avari. Alius est finis *intermedius*, & is est ad quem actio ita refertur, ut ipse ad ulteriorem finem referatur.

Quæres 2do. quot sint effectus finis.

R. multos numerari: præcipuos recensemus. Primus est *voluntio* seu *amor* finis, qui tamen per se non sufficit, ut agens sibi bonum aliquod actu proponat tanquam finem, unde insuper requiritur *intentio*, quæ est actus mentis, efficaciter tendere volentis in bonum per media consentanea; qui proinde saltem virtualiter propositum inquirendi & adhibendi media, sine quibus finis obtineri non potest. Quapropter tertius finis effectus est *deliberatio* seu *consilium* consistens in actu, quod mens inquirat media, eorumque cum fine proportionem ponderat. Sine eo consilio desiderium finis, mera est velleitas: hinc illud Eccli. c. 37. *Ante omnia opera verbum verax præcedat te, & ante omnem actum consilium stabile*. Sed attende consilium hoc non esse querendum à peccatoribus; quia cum iudicet unusquisque prout affectus est, pessimè erga ultimum finem affecti sunt, qui à Deo per criminum habitus discedunt, vix alia de thesauro suo proferre possunt quàm mala; hinc iterum illud Eccli. c. 8. *Cum fatuus consilium non habeas; non enim poterunt diligere nisi quæ eis placent*. Quartus finis effectus est *electio*, seu actus quo voluntas ex pluribus mediis unum aliis præfert in ordine ad finem intentum. Actus autem ille liber est, etiam cum unicum præsto est medium, quò ad finem perveniat, quia electio talis mediis omitti potest: hinc

Moral. Tom. I.

** C

Quæ-

peccat qui vitam aliter quam pejurio servare non valens, pejerat, quia & finem & medium omittere potuit.

Quæres 3tio. an voluntas possit ex duobus mediis eligere minus bonum.

R. affirmat. cum Scotistis: 1mo. quia in tali casu neutrum medium proponitur ut necessarium; ergo voluntas potest relicto meliori minus bonum eligere, cum sit etiam bonum, utile, & fini proportionatum, adeoque natum sit mentem movere; 2do. quia si supponantur duæ viæ à Lutetiâ Versalias conducentes, quarum altera longa sit, difficilis & aspera; altera brevior & facilis, possunt ut Conclusionis hujus veritatem ostendam, primam eligere posthabita faciliiori; atqui tunc eligam medium quod meo etiam iudicio minus bonum est; ergo.

At inquires. in quo libertatis mea, erit motivum quo voluntas mea ad sic agendum determinabitur.

R. id quidem verum esse, sed nihil inde concludi potest quia ostensio libertatis se tenet ex parte voluntatis, non ex parte medi, nec facit ut desinat representari ut minus bonum.

Instabis; non potest voluntas eligere medium minus bonum nisi repudiet melius cognitum ut tale: atqui voluntas non potest repudiare.....Voluntas enim non repudiat nisi malum, sicut non prosequitur nisi bonum: atqui medium melius ut tale, nec est nec iudicatur esse malum; ergo.

R. dist. min. Voluntas non potest medium melius repudiare positivè, id est, per odium, ac detestationem, esto: non potest repudiare negativè, id est, non amplecti, non sequi, N. voluntas enim quibuslibet positis mediis remanet libera & indifferens; ergo potest omittere id omne quod sibi proponitur ut bonum privatum, quia nullum bonum privatum ex se voluntatem necessariò determinare potest. * Ità docet simul & profundè probat Angelus Scholæ hisce verbis: * *Quia defectus cuiuscumque boni habet rationem non boni; ideo illud solum bonum quod est perfectum, & cui nihil deficit, est tale bonum quod voluntas non potest non velle, quod est beatitudo: alia autem qualibet particularia bona in quantum deficiunt ab aliquo bono, possunt accipi ut non bona; & secundum hanc considerationem possunt repudiari vel approbari à voluntate.*

Fatendum tamen est electionem ut recta sit & honesta prudenter fieri debere: ut verò prudenter fiat, necesse est ut medium quod eligitur sit efficacius & idoneum magis ad finis consecutionem; atque id præsertim verum est in moralibus. In his enim electio debet esse actus virtutis: electio autem medii minus idonei rejecto aptiori, non est virtutis actus; cum

* 2. 2. q. 10. art. 2.

virtus se
medium
Electio
applicatio
nihil etiam
fructus, q
dicit, & fr
Dei c. 2
per seip
mus. U
ut frui m
nomine
in finem
vatio; est
amati &
Lib. 10.
Dices
vitarum
nis, sed
sed etia
R. a
fines,
magni
hominis
fructus,
inherere
venerit,
Secun
habere, c
sunt par
ad ulterio
tur; & in
perficiunt
quitor ter
ginationi
quibus u
animam
sint medi
cum anir
docet Pl
rum & la
vità und
penitus,

virtutem secundum rectam rationem eligat, quod non facit qui medium minus idoneum praeferat aptiori.

Electionem mediorum sequitur *usus*, seu ipsa mediorum applicatio; neque enim satis est si media speculative eligas, nisi etiam iisdem uti velis & utaris de facto. Usus sequitur *fruitio*, quae est quies in fine possessio. Hinc usus est circa media, & fruitio circa finem, juxta id Augustini L. 11. de Civ. Dei c. 25. *Ea redicimur furi, quae nos non ad aliud referenda, per seipsam delectas; uti vero ea re quam propter aliud quarimus. Unde temporalibus magis utendum est quam fruendum, ut frui mereamur aeternis.* Ceterum quies illa, quae fruitionis nomine intelligitur, est quidem cessatio motus quo tenditur in finem, sed non ideo est mera operationis cujuscunque privatio; est enim vitalis actus voluntatis, quae in possessione boni amari & obtenti suaviter *conquiescit*, ut docet Augustinus ibid. Lib. 10. c. 10.

Dices: Potest vir justus prudenter frui & conquiescere in virtutum actibus atque tamen actus virtutum non sunt ultimus finis, sed media ad ipsum: ergo licitum est frui non solum fine, sed etiam mediis.

R. actus virtutum non esse pura media, sed media simul & fines, quibus licitum est frui. Ut intelligatur solutio quae est magni momenti, quia, ut docet Augustinus, ** non est alia vita hominis vitiosa atque culpabilis, quam male utens, & male fruens*, sciendum est quod juxta S. Augustinum, *frui est amore inhaerere alicui rei propter seipsam: uti autem, quod in usum venerit, ad quod amas, obtinendum referre.*

Secundum hoc principium ea censentur puri medii rationem habere, quae per se nullatenus appetibilia sunt; ea vero non sunt pura media, sed etiam finis rationem habent, quae licet ad ulteriorem finem conducant, per se tamen appeti merentur; & in hoc ordine sunt ea omnia quae naturam rationalem perficiunt, & reddunt sui possessione verè meliorem. Hinc sequitur temporalia quaecumque, quantumvis sensibus aut imaginationi placeant, ut fama, honor, divitiae, pura esse media quibus uti licitum sit, non frui, quia haec in ordine ad Deum animam non perficiunt. At verò christianae virtutis actus, licet sint media ad ultimum finem, sunt etiam fines, quorum possessio cum animam meliorem efficiat, propter se expeti meretur, ut docet Psalter his verbis, Mandata Dei *** desiderabilia super aurum & lapidem pretiosum, &c.* Sed quia opus justitiae in hac vitam undique perfectum esse nequit, justus in eo non quiescit penitus, sed *quemadmodum desiderat cervus ad fontes aquarum*

C2

ita

* Ubi supra. L. 2. de doct. Chris. c. 3. & 3. ** Psalm. 18.

ita fontem eum desiderat quem qui semel degustavit, non scit in æternum. Fons ille, ipse est ultimus finis ac vera beatitudo, de quâ nunc differendum.

† ARTICULUS SECUNDUS.

De Beatitudine.

Beatitudo definitur à Boëtio, *Status omnium bonorum aggregatione perfectus*, qui ut talis, *totaliter satiat & quietat appetitum*, ut docet S. Thomas.

Beatitudo multipliciter dividitur: nam 1^{mo}. alia est *naturalis*, quæ naturæ rationali secundum se sumptæ convenit, & quam creatura solis naturæ viribus assequi potest; estque status bonorum naturalium aggregatione perfectus. Alia *supernaturalis*, quæ naturæ virēs excedit, & solis gratiæ auxiliis comparari potest.

2^{do}. alia est *via*, quâ homo Deo conjungitur per amorem cujus capax est in præsentī vitæ; alia *patriæ*, quâ homo unâ, continuâ & sempiternâ operatione, bono increato conjungitur, per visionem scilicet essentiae divinæ ut in se est, &c.

3^{tio}. alia est *essentialis*, quæ versatur circa primum objectum beatificans, putâ essentiam divinam; alia *accidentalis*, quæ occupatur circa objecta inferiora, v. g. humanitatem Christi.

4^{to}. alia est essentialiter tantum perfecta; alia quæ omnibus numeris completa est. Priorem habent animæ Beatorum statim post mortem, cum nihil eis purgandum restat; posteriorem non habebunt, nisi relumptis post resurrectionem corporibus.

5^{to}. alia est *objectiva*, estque res illa cujus possessione satiatur appetitus hominis; alia *formalis*, & hæc nihil aliud est quam operatio, quâ cum summo voluptatis sensu apprehenditur & possidetur summum bonum, seu res illa quæ beatitudo objectiva nuncupatur. De hac utraque, ejusque proprietatibus potior hic nobis sermo.

SECTIO PRIMA.

De Beatitudine objectiva.

Usque adeo circa veram hominis beatitudinem divisi fuerunt inter se Gentiles, ut ducentas octoginta quatuor eâ de re opiniones numeret post Varronem S. Augustinus Lib. 16. de Civit. Dei. Ex tamen opiniones ad tres classes reduci possunt, pro triplici bonorum regere quæ distinguuntur, &

quo-

quorum alia dicuntur *bona fortuna*, ut divitiæ, honores, potestas, & quæ sub iis continentur; alia *corporis*, ut robur, pulchritudo, voluptates; alia demùm *animæ*, ut virtutes & scientiæ. Si ergo semel probatum fuerit, nullum ex hisce bonis ad veram hominis felicitatem sufficere, jam radicitus amputabuntur omnes antiquorum errores; quod ut magis & positivè fiat, diserte statuendum erit quodnam tandem sit illud objectum, quò creatura rationalis plenè satiari potest. Sit

CONCLUSIO. Objectum beatitudinis non est aliquid creati, sed solus Deus.

Prob. 1mo. Objectum veræ beatitudinis tale esse debet, ut appetitum hominis plenè & perfectè satiet; ubi enim non est plena hæc satiety, ibi esse non potest status bonorum omnium complexione perfectus, adeoque nec beatitudo: atqui solus Deus hominis appetitum plenè satiare potest. Tunc enim tantùm omnimodè satiatur hominis appetitus, quando nihil superest quod optare possit: atqui quandiu voluntas Deum non possidebit, tandiu supererit aliquid quod optet; semper enim exoptare poterit bonum summum & increatum, & ipsum dubio procul eò exoptabit magis, quò ardentius creato bono adhæserit, quia eò plùs sentitur nihilum creaturæ, quò vividius dilecta est. Ità exemplo suo perinde ac verbis docuit Salomon, qui omnia bonorum genera diù & studiosè expertus, in has ab Operis sui limine voces erumpit: * *Vanitas vanitatum, & omnia vanitas*; unde Librum suum his concludit verbis, *Deum time, & mandata ejus observa, hoc est enim omnis homo. Ergo*, ait S. Bernardus Serm. 20. in Cant. *si hoc est omnis homo, absque hoc nihil omnis homo*.

* Prob. 2do. Si beatitudo hominis in aliquo bono creato consistat, vel in bonis fortunæ, vel in bonis corporis, vel in bonis animæ, vel demùm in horum omnium congerie: atqui nullum ex his dici potest.

1mo. quidem non consistit in bonis fortunæ: objectum enim beatitudinis veræ, debet esse homine ipso superius, constans ac stabile, ejusque desiderii satiativum, alioqui nec verè perficit, nec solidè hominem beat: atqui ex qualitates non conveniunt fortunæ bonis, quæ, ut loquitur S. Bernardus, ** *possessa onerant, amata inquinant, amissa cruciant*; & quæ hominem magis possident quàm ab eo possideantur; unde Psaltes divites avaros appellat *viros divitiarum*, neque dicit divitias virorum: atque id senserunt veteres Philosophi, quorum aliqui ut Crates, omnia ideo bona sua dimisere; ergo.

2do. Nec consistit in honoribus, in voluptatibus corporeis, &c. 1mo. quia hæc omnia non animam perficiunt, sed corpus

* Ecclesi. c. 1. ** Epist. 105.

cum tamen vera felicitas hominis, eidem convenire debeat secundum partem ejus nobilissimam, animam nempe, non secundum corpus; hæc enim brutorum potius quam naturæ intellectualis propria est; 2do. quia bona hæc sunt * *vapor ad modicum parens, & transiens quasi umbra*. Hinc tot Reges, Regumque amici, ut Aman, Sejanus, aliisque innumeri, qui quod magis in altum sublatis fuerant, eò lapsu graviore corruerunt. Unde Psaltes: ** *Vidi impium superexaltatum & elevatorum sicut cedros Libani; & transivi, & ecce non erat! quæsi vi eum, & non est inventus locus ejus; & Sapiens Eccli. 10. v. 12. Rex hodie est, & cras morietur.*

Confirm. In his non consistit vera hominis felicitas quibus potest quis abundare simul & miserrimus esse: atqui potest quis bonis, honoribus & deliciis abundare, simul & miserrimus esse, quia simul potest nullam in animâ pacem sentire, mortis metu cruciari torqueri insatiabili fame ampliora quam quæ habet bona assequendi, &c. ergo.

3tio. Non consistit vera felicitas in bonis animæ: 1mo. quia nē ipsa quidem christianæ virtutes hominem reddunt immunem à morbis, doloribus, egestate, tentationibus, aliisque miseriis, atqui tot miseriarum sensus cum vera felicitate non comparitur. Certè enim tam crudeliter animam pungunt hujus vitæ calamitates, ut Apostolos ipsos qui pro Christo libentissimè patiebantur, *** *tæderet vivere*; 2do. vera felicitas excludit timorem ac tremorem: atqui homo magnis etiam animi bonis locupletatus, semper timere debet nē ab iis excidat, & ipsis in perpetuum spoliatur, quod aliis pluribus & fortè Salomoni ipsi contigit.

4to. denum nec consistit beatitudo in horum omnium bonorum congerie, quia hæc etiam conjuncta nec hominem ab omnibus miseriis eximere, nec appetitum satiare possunt; ergo, ait Augustinus Lib. 4. Conf. c. 12. *Quid vobis adhuc & adhuc ambulare vias difficiles & laboriosas? Non est requies ubi quæritis eam; Quærite quod quæritis: sed ibi non est, ubi quæritis. Beatam vitam quæritis in regione mortis, non est illic. Quomodo enim beata vita, ubi nec vita?*

† Obj. 1mo. Facultas finita per finiti boni possessionem satiari potest: atqui voluntas humana, facultas est finita; ergo creati boni possessione satiari potest. Et verò beatitudo formalis etiam in visione aut amore Dei consistere supponatur, est aliquid creati & finiti: atqui tamen formalis beatitudo appetitum nostrum quietat; ergo.

R. dist. min. Facultas finita tum intrinsecè, tum extrinsecè satiari potest per adeptionem boni finiti, C. facultas intrinsecè,

* Jacobi c. 3. Sap. 3. ** Psalm. 36. *** II. Cor. 1. fini-

finita, infinita verò extrinsecè & objective, N. Porro voluntas hominis, etsi finita intrinsecè, & quoad substantiam, est tamen infinita ratione objecti circa quod occupari potest: 1mo quia nunquam tot appetit, quin plura in infinitum appetere possit; unde non nisi infinito bono quietari potest: 2do. quia illud præcipuè bonum desiderat, quod bona cetera exclusis quibuscumque malis complectitur; cum ad illud ipsâ sui constitutione ordinata sit. Unde illud Augustini, cujus veritatis unusquisque sibi conscius esse potest: ** Fecisti nos ad te, Domine, & inquietus est cor nostrum donec requiescat in te.*

Ad aliud objectionis membrum, dico operationem in quâ consistit formalis beatitudo, non satiare appetitum præcisè prout ipsa est aliquid creati, & animi operatio, sed quatenus secum involvit bonum increatum; & quia conjungit id quod in homine præcipuum est, cum bono infinito quod est Deus.

Inst. 1mo. Facultas intrinsecè finita non potest ad sui satisfactionem exigere idem objectum quod requireret facultas intrinsecè infinita: atqui facultas finita idem exigeret objectum, si solo infinito satiaretur; ergo.

R. dist. Non potest exigere idem objectum & eodem modo, C. idem diverso modo, N. Appetitus infinitus non solum exigeret objectum infinitum, sed etiâ exigeret illud attingere totaliter, adæquatè & infinito, modo nec aliter quàm sic attingendo satiaretur. Appetitus verò finitus, etsi exigit objectum infinitum, quia in finito quocumque nihil apprehendit unde innata sibi fames satiari queat, non tamen exigit eidem uniri nisi modo finito, quia unionem infinitam utpotè impossibilem velle non potest.

Inst. 2do. Si voluntas exigit objectum infinitum, & illud non nisi finito modo attingat, supererit, etiam aliquid quod voluntas appetere possit, nempe idem objectum perfectiori modo attingibile; ergo non satiabitur voluntas nisi objectum hoc modo illo perfectiori attingat.

R. ad 1. neg. ant. Ut enim creatura rationalis omnimodè satiatur, sufficit ut Deum cognoscat & amet quantum cognoscere & amare debet: atqui creatura tamen Deum modo infinito non attingat, eum tamen attingit quantum debet, & hoc sensu quantum potest; ergo nihil habet amplius quod debeat, adeoque & quod possit exoptare.

Inst. 3tio, Actiones specificantur ab objectis; ergo actio quæ Deum attingit vel nulla est, vel est infinita.

R. dist. Actio specificatur ab objecto quantum ad aliquid, puta quia actio eò est dignior & nobilior, quò objectum dignius & nobilius attingit, C. actio specificatur ab objecto quantum

tum ad omnia, ita ut actio sit infinita, sancta, minus honesta, prout circa objectum infinitum, sanctum, minus honestum versatur, N. certè ex vulgari axiomate, *Quidquid recipitur ad modum recipientis recipitur*; ergo si agens finitum sit, limitatum, &c. actio ejus, etsi circa objectum infinitum versetur, finita erit, & limitata.

Obj. 2do. Illud non est beatitudo hominis objectiva quod ab homine possideri non potest: atqui Deus ab homine possideri nequit.

R. neg. min. nam possidere Deum nihil est aliud quam ipsi per cognitionem & amorem adharere; sic enim facultates sua possident objecta: atqui creatura rationalis potest Deo adharere..... imò magis ei utpotè mentibus nostris præsentiori adharere potest, quam cuilibet alteri objecto; ergo.

Inst. imo. Inter facultatem quæ possidet, & objectum quod possideatur, aliqua debet esse proportio: atqui Deum inter & facultatem creatam nulla est proportio.

R. dist. min. nulla est proportio ratione finiti & infiniti, C. nulla est proportio ratione habitudinis N. Deus à creaturâ infinitò distat intervallo, unde sub hoc respectu nulla est utriusque convenientia seu proportio; sed non ideo negandum est creaturam habere proportionem habitudinis cum Deo, hæc enim proportio necessariò inter ea reperitur, quorum unum est intelligendi & amandi capax, alterum verò intelligibile & amabile: atqui creatura rationalis, ut talis, capax est intelligendi & amandi, Deus verò est summè intelligibilis, hominemque illuminat ad cognitionem suam, & accendit ad amorem, ergo.

Inst. 2do. proportio habitudinis fundatur in proportionem entitatis; atqui Deum inter & creaturam nulla est proportio entitatis; ergo nec habitudinis.

R. neg. min. est enim inter Deum & hominem proportio entitatis, non solum quia ambo sunt substantiæ; hæc enim proportio nimis est remota, ut sufficiat ad fundandum proportionem habitudinis; sed quia ambo sunt substantiæ, quarum alia est intelligens, alia intelligibilis, ut jam dictum est, alia capax amandi, alia dignissima quæ amatur, & amari volens; ergo.

SECTIO SECUNDA.

De Beatitudine formali.

Hic præcipuè quæritur in quo consistat formalis beatitudo patriæ; & de hoc triplex est præcipuè opinio.

Prima eorum est qui censent animam beatificari formaliter per

per actionem Dei increatam ipsi unitam. Pro hac sententiâ citatur Hugo Victorinus.

Secunda eorum est qui beatitudinem reposuerunt in illapso quodam speciali Dei in essentiam animæ, ex quo anima substantialiter sanctificatur, & quasi in Deum transformatur, eo ferme modo quo ferrum candens in ignem. Itâ sentire perhibetur Henricus Gandavensis.

Tertia caterorum est Theologorum qui beatitudinem formalem repouunt in operatione animæ. Verùm & hi quoque inter se dividuntur. Thomistæ enim operationem hanc putant esse visionem Dei intuitivam; Scotistæ verò eam in solo amoris actu constituunt; alii in utroque actu, alii in gaudio quod inde resultat. Ut de his mentem nostram aperiamus, sit

* CONCLUSIO I. Beatitudo non consistit in actione Dei increatâ.

Prob. Beatitudo formalis est vitalis possessio summi boni, quâ homo intrinsecè beatus efficitur: atqui vitalis Dei possessio est essentialiter modificatio hominis; talis autem modificatio nec est, nec esse potest actio increata: ut ex terminis ipsis evidens est; ergo.

Confirm. Non magis actio increata Dei potest hominem formaliter beatum efficere, quàm Christi iustitia possit eundem hominem formaliter iustum reddere: atqui dici non potest hominem per Christi iustitiam reddi formaliter iustum: quia quod intrinsecè iustificat, intrinsecus inharere debet; porrò Christi iustitia, sicut & increata Dei operatio animæ nostræ intrinsecus inharere non possunt; ergo.

Obj. Beatitudo est summum hominis bonum: sed actio creata, utpotè finita, summum hominis bonum esse non potest; ergo.

R. neg. min. Actio enim creata, eo ipso quo Deum possidet, quantum possideri debet, vocari potest summum hominis bonum, quia est adeptio & fruitio summi boni.

CONCLUSIO II. Beatitudo non consistit in speciali illapso Dei in essentiam animæ vel potentias ejus.

Prob. Illapsus ille, vel consistit in intimâ Dei mentibus creatis præsentia; vel in aliquâ Dei circa easdem mentes operatione: atqui neutrum dici potest. Non. 1. nam Deus est creatoris omnibus bonis & malis intimè præsens per immensitatem suam: neque tamen creaturæ omnes sunt beatæ. Non. 2. hac enim operatio vel bearet mentes nostras per seipsam, & hoc dici non potest, quia alioqui beatitudo hominis consisteret in actione Dei increata, quod ex dictis falsum est; vel easdem bearet per affectum, in ipsis productum atqui nullus effectus

in hominis animâ productus eam beare formaliter potest, si supponatur, ut supponitur ab Henrico, distingui ab amore & cognitione: amore enim & cognitione seclusis, nullus est Dei in animâ effectus, qui vitalis sit, nulla autem est formalis beatitudo sine actu vitali; ergo.

Obj. Vera beatitudo tria exigit: 1mo. ut facultates animæ Deum per operationes suas possideant; 2do. ut ipsa animæ substantia Deo impleatur; 3tio. ut beatitudo, quatenus forma omnium præstantissima, subjectum habeat perfectissimum: atqui hæc duo posteriora fieri non possunt, nisi per illapsum divinitatis in ipsam animæ substantiam; ergo.

R. neg. min. nam 1mo. anima satis impletur ipsâ Dei substantiâ cum ei perfectè per amorem inhaeret, eumque possidet inseparabiliter! 2do. beatitudo formalis, utpotè in operatione consistens, illud duntaxat pro subjecto exigit, quod operationis subjectum esse potest: atqui ipsa animæ substantia operationis subjectum esse nequit; ergo beatitudo in ipsâ animæ substantiâ residere, &, ut aiunt, *subjectari* non potest.

CONCLUSIO III. Beatitudo formalis in visione, amore & gaudio consistit.

Not. Visio intuitiva est cognitio terminata ad Deum ut in se est, & facie ad faciem, unde visio *intuitiva* difert ab *abstractiva*, quâ objectum absens per ideam tantum repræsentatur. Amor fructivus ille est quo summo & incommutabili bono tanquam præsentis ac possessio adhæremus. Gaudium denique beatificum est intimus ac suavissimus creatæ mentis sensus, quo mens adeo sibi conscia est se bene esse, ut nihil ultra expetat. His præmissis.

Prob. Conclusio. In eo constitit beatitudo formalis, quod ideam ejus primariò & essentialiter ingreditur: atqui prædicti tres actus ideam beatitudinis primariò & essentialiter ingrediuntur. Beatitudo enim concipi nequit, quin concipiatur summi boni possessio ita plena ut mens nihil ultra expetat: atqui talis summi boni possessio concipi non potest sine visione, amore & gaudio. Nam 1mo. eatenus mens possidet summum bonum, possessione scilicet vitali, quatenus ei intimè conjungitur & adhæret: atqui ut mens intimè & vitaliter conjungatur & adhæreat Deo, requiritur tum visio quæ intellectum summo vero intimè conjungit, tum amor qui efficit ut voluntas summo bono plenè adhæreat; ergo primò requiruntur cognitio & amor; præsertim cum visio sola voluntatem non satiet, nec solus amor intellectum satiare possit, nec beatus dici possit vel is qui non amat id quod videt, vel is qui non videt id quod amat, 2do. requiritur

ritur etiam gaudium, & quidem essentialiter. Gaudium enim, ex dictis, est suavissimus ille sensus quo posito mens ita contenta est, ut nihil ampliùs petat: atqui sensus ille necessariò ingreditur essentialiter beatitudinis formalis, cum eo secluso intelligatur aliquid deesse, cujus absentia beatitudinem tollit; ergo.

* Confirm. 1mo. Vel gaudium ingreditur primariò & essentialiter notionem beatitudinis, vel dicendum est cum adversariis, gaudium esse solùm proprietatem quæ necessariò fluit à beatitudine jam essentialiter per ipsam Dei possessionem completa; atqui gaudium pro solâ beatitudinis proprietate haberi non potest: nam præcisâ per intellectum proprietate, adhuc intelligitur remanere essentia rei: atqui præcisò per intellectû gaudio, & posità quavis Dei possessione non intelligitur beatitudo formalis adequata: sic quantumvis avarus peccuniæ tenaciter inhærens, supponatur divitiis affluere; non erit hæc suâ possessione beatus beatitudine naturali, nisi in eâ suaviter conquiescat & lateatur; ergo à pari, qui Deum possidet, non redderetur ex hæc possessione beatus beatitudine supernaturali, nisi in eâ suaviter conquiesceret.

† Confirm. 2do. Formalis miseria non consistit solùm in mali possessione, si ita loqui fas est, imò nec in dolore, sed insuper requiritur molestia ex mali perpeffione orta: unde Martyres qui superabundabant gaudio in omni tribulatione, non erant verè miseri; ergo à contrario formaliter beati non sunt qui de bono possesso non gaudent.

Obj. 1mo. cum Scotistis, Beatitudo non potest reponi nisi in actione possessiva: atqui visio non est actio Dei possessiva; ergo.

R. 1mo. neg. maj. neque enim necessum est ut id omne quod ad essentiam beatitudinis concurrat, sit actio; affectio enim quâ mens summo bono possesso ac præsentè, suavissimo delectationis sensu perfunditur pro passivâ haberi potest, & de facto ut talis habetur à multis tum Philosophis tum Theologis, & tamen eâ seclusâ non intelligitur beatitudo: ergo modificationes tum activæ, tum etiam passivæ ad beatitudinis essentiam concurrere possunt.

R. 2do. dist. min: Visio non est possessiva Dei quatenus amandi, Deus enim sub hoc respectu non nisi à voluntate possideri potest, C. non est possessiva Dei ut intelligibilis, N. Porro mirum non est si intellectus & voluntas ex æquo occupentur circa Deum; cum possessio ejus sistere debeat motum omnis facultatis vitalis, ac proinde intellectûs & voluntatis.

Inst. 1mo. Actio Dei possessiva debet esse quadam fructuosâ atqui visio Dei non est fructuosâ; cum frui sit solius voluntatis.

R.

R. dist. min. Visio Dei non est fructio strictè sumpta, C. latè sumpta, N. Fructio strictè sumpta est actus voluntatis in objecto amato sibi suaviter complacentis, & hæc visioni competere non potest. Fructio latius sumpta est unio facultatis cuiuslibet cum objecto suo sibi præsentem, per actionem ei propriam, quo sensu dicitur oculus objecto suo frui, cum ei obicitur aliquid quod mille varios trahit colores. Hoc fructiois genus intellectui competit, cum aliquo etiam modo sensibus competat.

Inst. 2do. Nulla facultas Deo frui potest, nisi ipsum attingat ut summum bonum: atqui intellectus non potest Deum attingere ut summum bonum. Bonitas enim ut bonitas, solius est voluntatis objectum.

R. ad 1. dist. maj. nisi ipsum attingat ut summum bonum hominis, C. ut summum bonum voluntatis, N. Homo duplici pollet facultate, voluntate scilicet & intellectu: voluntas non attingit Deum ut bonum intellectus, nec intellectus eundem attingit ut bonum voluntatis, sed utraque eum attingit ut summum hominis bonum, una quidem cognoscendo, altera verò amando; ergo posito quòd vel intellectus, vel voluntas eum non attingeret, homo careret aliquo eorum quæ ad veram & adequatam beatitudinem requiruntur.

R. ad 2. dist. Bonum ut bonum est objectum solius voluntatis, prout est prosequendum, C. prout est cognoscendum, N.

Obj. 2do. cum Thomistis: Scripturæ beatitudinem in visione evidenter reponunt. Psalm. 16. *Satiabor cum apparuerit gloria tua.* Joan. 14. *Si quis diligit me manifestabo ei meipsum, &c.* ergo.

R. fateri ipsummet Gonetum nihil ex Patribus aut Scripturis colligi posse quo metaphysica hæc controversia dirimi possit: 1mo. quia alibi loquuntur non de visione, sed de amore solùm & gaudio, quæ tamen, juxta Thomistas, non sunt essentia beatitudinis; 2do. quia nullibi desiniunt in visione solâ sitam esse beatitudinis essentiam; imò nec desiniunt, an id, quò hominem beari declarant, sit essentia beatitudinis, vel mera ejus proprietas.

Inst. 1mo. Ea solùm actio constituit essentiam beatitudinis, quæ est quid primum in re: atqui visio seu cognitio est quid primum in beatitudine: est enim prior tum amore, tum gaudio; ergo.

R. dist. min. Visio est quid primum in beatitudine, ut pars essentia, C. ut tota essentia, N. Visio non aliter est quid primum in beatitudine, quam animalitas in homine: atqui animalitas non est ita quid primum in homine, ut tota sit hominis

nis essentia: ergo nec visio tota est beatitudinis essentia, licet sit quid primum in eâ. Ratio ulterior est, quod cum essentia ex variis partibus physicis aut metaphysicis composita sit, una ex aliis debet cæteris prior esse aliquo prioritatis genere: sic genus prius est differentia per quam contrahitur, & tamen genus non est tota rei essentia.

Inst. 2do. Illud est quid primum in re tanquam essentia tota, unde fluunt cætera, quæ ad rem pertinent: atqui ex visione Dei fluunt omnia quæ ad beatitudinem pertinent, amor scilicet & gaudium; ergo.

R. dist. maj. Amor & gaudium fluunt ex visione, id est, eam præsupponunt, eo ferè modo quo differentia supponit genus quod contrahit & determinat, C. id est, dimanant à visione, ut proprietates ab essentia, N. Prius quidem est cognoscere quàm amare, sed non ideo amor est proprietas ab intellectu dimanans: quidquid enim fluit ab intellectu, est cognitio, sicut quidquid fluit à voluntate est amor, &c.

Obj. 3tio. contra tertiam Conclusionis partem quæ est de gaudio. In eo non consistit beatitudinis essentia, quod est solum proprietates ejus: atqui gaudium est solum proprietas beatitudinis. Illud enim est non nisi proprietas, quod supponit rem essentialiter completam: atqui gaudium supponit beatitudinem essentialiter completam. Tunc enim ponitur tota beatitudo, cum ponitur possessio Dei adæquata: atqui positis visione & amore ponitur possessio Dei adæquata, & quæ beat omnes animarum potentias; ergo.

R. ad 1. & 2. neg. min. Possessio enim boni est quasi materia beatitudinis, voluptas verò quæ ex illâ possessione percipitur, est quasi ejus forma: atqui res quæ ex materia & forma constare debet, non est essentialiter completa per positionem solius materiæ: sic v. g. quantumvis avarus ingentes auri argentique acervos possideat, non intelligitur beatus esse, nisi intelligatur degustare voluptatem pecuniarum suarum possidendarum: ergo beatitudo nunquam intelligitur omnimodè perfecta, nisi possessioni boni addatur ille suavitatis ac lætitiæ sensus, sine quo nemo verè felix esse intelligitur; & qui consequenter ipsam beatitudinis essentiam ingreditur.

Ad 3. neg. maj. Non enim ad beatitudinem sufficit sola possessio in operatione intellectus & voluntatis consistens, sed requiritur sensus quo mens status sui dulcedine perfusa nihil ultra exspectat. Is verò sensus est gaudium ipsum.

Obj. iterum. Si beatitudinis essentia reponatur in gaudio, vel in gaudio *directo*, quo Beati gaudent quod Deus infinitas habeat perfectiones; vel in gaudio *reflexo*, seu concupiscentiæ quo

quo gaudent de bonis propriis, & quòd Deum adèd perfectum possideant: atqui neutrum dici potest. Non 1. nam tale gaudium ab ipso Dei amore non distinguitur; non 2. nam beatitudo Deum pro objecto habere debet; sed gaudium reflexum non habet pro objecto Deum ipsum; ergo.

R. beatitudinem consistere tum in gaudio directo, posito quòd gaudium illud idem sit cum amore Dei, quòd tamen non admittitur ab omnibus; tum in gaudio reflexo, quia mens non solum beata est quia Deus est summè bonus, sed quia Deus est summum ejusdem animæ bonum; ergo mens gaudere potest, non solum de Deo, sed etiam de suâ Dei possessione.

Quares an aliqua sit præsentis vitæ beatitudo, & in quo consistat.

R. imo. Perfecta & completa beatitudo vitæ præsentis non comperitur quia, ut ait Job, * *Militia est vita hominis super terram*; & hæc militia tam acris est, tamque perpetua, ut vix liceat respirare. Non est nobis pax ab insidiis diaboli, qui continuò ** *circuit querens quem devoret*; non à lege peccati quæ est in membris nostris; non à tentationibus, quæ quòd dulciores, & intimas magis, eò crudeliores insidias struunt; non à conscientia quæ pungit, & remordet; non à metu judicii qui angit; non à morbis, afflictionibus, calumniis, &c. atqui in militia quæ nihil pacis habet, stare nequit vera felicitas; ergo dicant Christiani cum Apostolo, *** *Infelix ego homo quis me liberabit de corpore mortis hujus?*

R. 2do. In hocce statu agnosci debet aliqua beatitudo inchoata & imperfecta: imo. quia Scriptura quæ neminem fallit, quosdam jam à præsentis tempore beatos esse prædicat. Psalm. 111. *Beatus vir qui timet Dominum*. Psalm. 118. *Beati immaculati in viâ*. Matth. 5. *Beati pauperes spiritu, beati mites*, &c. 2do. quia beatitudo consistit in summi boni possessione: atqui homo, licet imperfectè, summum bonum possidere potest, juxta id Christi: **** *Si quis diligit..... Pater meus diliget eum, & ad eum veniemus, & mansionem apud eum faciemus*; & I. Ioan. 4. *Qui manet in charitate, in Deo manet*. Hinc Apostolus gaudium sanctum & jùge Fidelibus præcipit his verbis: ***** *Gaudete in Domino semper, iterum dico gaudete*,

R. 3tio. Vitæ hujus beatitudo in sinceræ charitatis actibus, & sanctâ quæ iisdem inhaeret lætitiâ consistit.

Prob. Beatitudo consistit in actu, quo perfectius & delectabilius possidetur summum bonum: atqui actus ille, est actus chari-

* Job. 7. ** I. Petr. 1. *** Rom. 7. **** Joas. 14. ***** Phil. 4.

charitatis:
fidei m
Deum ta
charitatis
charitaten
nim Spir
est gaudiu
dio esse n

Q Uan
men
statuit ut
præmio
corporis;
convenit

A re
gravatur
Conc
contra
sæculo
nantur,
Prob.
meus vis
sum circ
Sadduca
legis q
Iaac, d
um. Qu
(quam
nem cor
sæ non
tu quasi
ticeps,
cemus.
Idem
mnes q
* Ga

charitatis: imo. quidem per hacce actum Deus perfectiori possideatur modo, quàm per alium quemlibet: quia nulla virtus Deum tam nobiliter attingit quam charitas; 2do. per eundem charitatis actum possideatur Deus modo delectabiliore: quia per charitatem possideatur cum majori pace & gaudio. * *Frustrum enim Spiritus qui per charitatem cordibus nostris dominatur, est gaudium & pax.* Unde Aug. in Psal. 76. *Charitas sine gaudio esse non potest; ergo.*

SECTIO TERTIA.

De affectionibus Beatitudinis.

Quamquam, si propriè loqui velimus, beatitudo ad solas mentes pertinet, quia tamen Deus in miserationibus dives, statuit ut corpus, quod laborum particeps fuit, suas etiam in præmio partes habeat, idcirco dicemus 1mo. de beatitudine corporis; 2do. de beatitudine animæ; 3tio. de iis quæ utrique conveniunt.

PUNCTUM PRIMUM.

De Beatitudine corporis.

Ad corporis beatitudinem duo sunt necessaria: 1mo. resurrectio ejus; 2do. immunitas ab incommodis quibus nunc gravatur, & quæ certas dotes exigit. Quæ ut exponantur, sit.

CONCLUSIO. Corpora mortuorum aliquando resurgent. Est contra Sadducæos, eosque omnes qui cum felicem in altero sæculo vitam sperare non audent, saltè id sibi persuadere conantur, nec ullam esse infelicem quam timere debeant.

Prob. 1mo. ex Script. Job. cap. 19. Scio quod Redemptor meus vivit, & in novissimo die de terra surrecturus sum; & rursum circumdabor pelle meâ, &c. Matth. 22. Christus expressè Sadducæos confutat his verbis: De resurrectione mortuorum non legis quod dictum est à Deo dicente vobis: Ego sum Deus Isaac, & Deus Jacob? non est Deus mortuorum, sed viventium. Quæ verba non animæ tantum immortalitatem probant, (quam præcipuè impugnabant Sadducæi). sed & resurrectionem corporum; tum quia animæ à corporibus perpetuò avulsæ non nisi dimidiatam felicitatem obtinerent, essentque in statu quasi violento; tum quia per quam justum est ut quod particeps, fuit laboris, sit etiam præmii particeps, ut statim dicemus.

Idem ex professo docet Apostolus I. Corinth. cap. 15. Omnes quidem resurgemus, sed non omnes immutabimur. In

* Gal. 5.

men-

mento, in ictu, oculi in novissima tuba, canet enim tuba & mortui resurgent incorrupti.

Prob. 2do. ex fidei nostræ Symbolis quæ resurrectionem corporum expressè profitentur. Symbolum Apostolicum, quod meritò censetur Apostolorum fœtus, *Credo, inquit carnis resurrectionem.* Constantinopolitanum, *Expecto resurrectionem mortuorum;* concinit celebre Symbolum sub Athanasii nomine vulgatum, his verbis: *Ad cujus adventum omnes homines resurgere habent, &c.*

* Prob. 3tio. rationibus quibus in ejusdem veritatis confirmationem usi sunt SS. PP. eorum enim auctoritatem adducere superfluum esset, cum omnes egregiæ huic Tertulliani sententiæ subscripserint, * *Fiducia Christianorum, resurrectio mortuorum.* Si mortuorum resurrectio futura non sit, vel quia Deus non potest, vel saltè quia non vult suscitare mortuos: atqui neutrum dici potest. Non primum. Qui enim ** *ex nihilo molitus est cuncta* indubie poterit carnem in nihilum perductam exprimere de nihilo. Non secundum: 1mo. quia resurrectio nulli creaturæ nocet: non animæ, quæ si corpori corruptibili uniri potuit, multò magis poterit eidem uniri cum induerit incorruptionem; non ipsi corpori, cui è contra multum accidit lucri, quòd immortalitate donetur; 2do. quia resurrectio carnis nullatenus est indigna Deo: imò valde congruit ejus bonitati, sapientiæ & justitiæ, tum quia æquum est ut pars hominis quæ ejusdem merito vel demerito cooperata est, ejusdem pœnis aut præmiis consocietur; tum quia intolerandum videtur quòd caro carne Christi saginata, Sacramentis delibuta, vas & templum Dei, Christi membrum, martyrii honores animæ promerita, &c. non alià donetur sorte quam canes & jumenta.

† Obj. 1mo. multa veteris Testamenti loca quibuscum conciliari nequit fides resurrectionis. Sic Eccle. 3. *Unus interitus est hominis & jumentorum, & æqua utriusque conditio: sicut moritur homo, sic & illa moriuntur, &c.* Psalm. 1. *Non resurgent impij in judicio.* Daniel c. 12. *Multi de his qui dormiunt in terræ pulvere, evigilabunt;* ergo saltè resurrectio universalis futura non, est.

R. ad 1. Vel loquitur hic Salomon in personâ impiorum, & secundum cæcæ carnalisque rationis judicium, ut censent Interpretes multi, quo sensu dicit Apostolus I. Corint. 15. *Manducemus & bibamus, cras enim moriemur.* Vel si in propria personâ loquitur, significat tantum hominem in miseriis, potissimum verò in morte, quæ miseriarum cumulus

* L. de resurrect. carn. ** Tertull. ibid.

est

est, convenire, cum belluis; non autem contendit æquam ex omni parte esse, tum belluæ tum hominis conditionem.

Ad 2. Resurgent & iusti, & impii; verum impii in *judicio* & *concilio iustorum* non resurgent, sed atterentur & causâ cadent.

Ad 3. Vox, *multi*, sumitur hîc pro omnibus, ut cum Rom. 5. v. 19. dicit Apostolus multos per Adæ inobedientiam peccatores constitutos fuisse. Fortè autem dixit Daniel *multos*, & non omnes, ut significaret immensam multitudinem resurgentium, quæ comprehensura sit omnes homines quotquot unquam fuerunt aut futuri sunt: omnes enim aliquando pauciores sunt quàm multi, ut si quatuor vel quinque sunt in Scholâ & scribant, *omnes* dicentur scribere, sed non *multi*.

* Obj. 2do. Resurrectio carnis noceret animæ Sanctorum, quandoquidem anima corpori unita, minus haberet perfectionis, & plus impedimentorum, quàm ab eo separata; ergo tùm Deus Sanctis suis benè velit, probabile non est quòd eorum corpora è tumulto suscitaturus sit.

R. neg. ant. & probat. ut enim animadvertit S. Thomas. *Ceteris paribus perfectior est status animæ in corpore, quàm extra corpus*; quia anima in corpore est pars compositi ad cujus complementum à Deo ordinata est. Cum ergo unaquæque res eatenus divinam perfectionem magis imitetur, quo plenius possidet quicquid exigit naturæ suæ conditio, sequitur quòd anima hominis corpori suo unita plùs habeat perfectionis, quàm si ab eodem separata sit. Adde quòd corpus post resurrectionem animam aggravaturum non sit, quia nec morbis nec corruptioni obnoxium erit.

† Quæres 1mo. utrùm anima resumptura sit idem numero corpus quod habuit in terris.

Negant Sociniani qui nos cum corporibus à nostris specie diversis resurrecturos docent, sicque carnis resurrectionem negant; sed contrariùm est de fide, &

Prob. 1mo. ex adducto textu Libri Job. *Rursùm circumdabor pelle meâ, & in carne meâ videbo Deum meum, quem visurus sum ego ipse, & oculi mei conspècturi sunt, & non alius*. Sed si anima idem numero corpus non resumeret, homo non acciperet *rursùm* pellem suam, sed novam: non videret iisdem oculis, sed aliis; ergo.

Prob. 2do. ex Apóst. I. Cor. 15. *Oportet corruptibile hoc induere incorruptionem*: atqui si corpora resurgentium non eadem essent quæ fuerunt in terris, corruptibile hoc non indueret corruptionem, sed *aliud*.

Prob. 3tio. quia in Symbolo profitemur *carnis resurrectionem*:
Moral. Tom. I. § D unde

unde Eutychius qui corpora nostra instar aëris & venti futura esse contendebat, à S. Gregorio tunc Diacono convictus, *pellem manūs suā ægrotus tenebat dicens: Confiteor quia omnes in hac carne resurgemus*, ut ipse refert S. Gregorius Magnus I, 14. Moral. c. 32. atque id demum definiit Concilium Lateranense sub Innocentio III. Can. 1. *cujus hæc sunt verba: Omnes mortales cum suis propriis corporibus resurgent quæ nunc gestant.*

Prob. 4to. ratione. Resurrectio est *ejus quod cecidit iterata resurrectio*: atqui ad hanc resurrectionem requiritur ut corpus quod per mortem cecidit, idem numero resurgat; alioqui non esset secunda ejusdem corporis resurrectio, sed assumptio novi; ergo.

Obj. Apost. I. Corint. 15. v. 37. *Quod seminas, non corpus quod futurum est seminas, sed nudum granum.* & v. 44. *Seminatur corpus animale; surget corpus spiritale*; ergo corpus quod resumitur ab animâ, non est idem corpus quod habuit in terris.

R. neg. conseq. nam Apostolus non utitur comparatione grani in herbam renascentis, ut ostendat diversitatem substantiæ, sed tantum ut ostendat diversitatem conditionis & qualitatis, prout requirebat questio hic proposita, *Quali corpore veniunt*. Unde sensus est, quod quemadmodum seminatur nudum granum, nascitur verò granum herbâ & aristis ornatum atque vestitum, ita corpus nostrum seminatur seu sepelitur mortale, sed resurget gloriâ vestitum & immortalitate.

* Quares 2do. an omnia humani corporis membra resurrectione sint.

R. Electi cum membris omnibus resurgent.

Prob. tum quia Philipp. 3. *Christus reformabit corpus humilitatis nostræ, configuratum seu simile corpori claritatis suæ.* & I. Corint. 15. *Qualis cælestis, tales & cælestes*: atqui Christus integer surrexit absque ullo defectu; ergo integri resurgent electi. Tum quia resurrectio est opus a Deo particulatim operante procedens; ergo in eâ nullus esse potest defectus, vel ex parte virtutis quæ infinita est, vel ex parte materiæ quæ Creatoris voci docilis obtemperat. Membra porro quorum nullis erit usus, saltem inservient ad hominis perfectionem, quod sufficit ut resurgant.

Quod spectat ad reprobos, etsi probabilis sit sententia S. Bonaventuræ existimantis deformitates quæ sunt per diminutionem, ab iis esse auferendas remansuras verò illas quæ sunt ex indebitâ membrorum compositione, non minus tamen probabilis est sententia S. Thomæ, juxta quem reprobi non resurgent

furgent
ter ex c
suade
ocul;
quibus p
rebunt i
passibilita

¶ Quæ
mediate
prius mo
minio si
R. cu
cit hæc
fidem, t
mnes m

Prob.

non via

Statutu
necalia

quid o
Pro

mines
Deipa

Pro
runt n
ros à m
ergo.

* Ob
deret m
mnes m

2do.
num de

pocal. n
missi su

3tio.
quidem

græci, s
tameu i

ferri de
tur, ut

sonæ, q
bie dixit

buntur.

4to.
* Ca

furgent cum iis deformitatibus quæ non sequuntur naturaliter ex communibus corporis humani principiis. Atque id suadet quia ex Apocal. 1. Christum Judicem *videbit omnis oculus*; ergo etiam oculi reproborum qui cæci fuerint, & quibus proinde restituetur visus; At si istis careant, non sic carebunt iis qui humano corpori naturales sunt, ut gravitas, passibilitas tarditas, &c.

† Quæres 3tio. an transitus ad immortalitatem futurus sit mediante morte, seu an qui vivent in terris ipsâ judicii die, prius morituri sint quàm judicandis; uno verbo, an omnes omnino sint morituri.

R. cum S. Thomâ Lect. 8. in cap. 15. Epist. I. ad Cor. *Licit hæc litera; scilicet Non omnes moriemur, &c. non sit contra fidem, tamen Ecclesia magis acceptat primam; scilicet quod omnes moriemur, sive resurgemus.*

Prob. 1mo. ex Script. Psal. 88. *Quis est homo qui vivet & non videbit mortem?* II. Reg. 14. *Omnes morimur.* Heb. 9. *Statutum est hominibus semel mori, &c.* atqui verba tam generalia non alio quàm generali sensu intelligenda sunt, nisi quid obster; ut nihil obstat in præsentia.

Prob. 2do. quia probabile non est ullos unquam fore homines qui melioris sint conditionis quàm ipsa fuerit Virgo Deipara; atqui hæc mortua est; ergo.

Prob. 3tio. In adventu summi Judicis, tot vel plures erunt mali quàm boni: atqui vix credi potest malos fore liberos à maledictione propter peccatum illatâ, morte nimirum; ergo.

* Objiuntur quædam: 1mo. *Enoch translatus est nè videret mortem.* Heb. 11. idem de Eliâ certum est; ergo non omnes morientur.

2do. Num. 16. Dathan & Abiron dicuntur *vivi* in infernum descendisse; ergo mortui non sunt. Dicitur etiam Apocal. 19. de Antichristo & ejus Pseudopropheta, quod *vivi missi sunt in stagnum ignis.*

3tio. Ubi legimus in Epistolâ I. ad Corinthios, * *Omnes quidem resurgemus, sed non omnes immutabimur*, Codices græci, syri & arabes habent, *Non omnes quidem dormiemus, omnes tamen immutabimur.* Hæc autem lectio lectioni Vulgatæ præferri debet; quia extra morem Apostolici sermonis esse videtur, ut S. Paulus de reprobis agens utatur verbo primæ personæ, quale istud est, *Non omnes immutabimur*: quare indubie dixisset, *omnes quidem resurgent, sed non omnes immutabuntur.*

4to. cum idem Apostolus I. Thessal. 4. dixisset: *Mortui qui*

* Cap. 15. v. 51.

D 2

in

in Christo sunt resurgent primi, adjecit: *Deinde nos qui vivimus, qui relinquimur, simul rapiemur cum illis*; quibus verbis significat futurum ut in Judicis adventu, mortui qui in Christo dormierunt, statim resurgant; deinde verò iusti qui tunc vivant, (& in quorum personâ loquitur Apostolus cum ait, *Nos qui vivimus*) iis qui jam à mortuis surrexerint conso- ciati, unâ cum ipsis in regnum Christi transferantur.

510. Idem adstruunt hæc Symboli verba: *Venturus est judicare vivos & mortuos*: si vivos; ergo non omnes mortui erunt.

R. hæc momenta, tamen opinionem nostræ oppositam, & apud Græcos Patres satis receptam, probabilem faciant; unde fatemur eam nec erroris nec temeritatis inculsari posse; hæc, inquam, momenta non sunt omni exceptione ma- jora.

Ad 1. Translatus est Henoch nè videret mortem eo tempo- re alii eam videre solent, nempe post certum annorum or- dinem, non autem ut eam penitus evaderet. Hinc con- stans est Fidelium omnium opinio, quòd Henoch & Elias crudelitatis Antichristi sevitiâ in suâ adhuc mortali carne passuri sunt; ut docet S. Greg. Lib. 14. Moral. cap. 12. id- que patet ex cap. 11. Apocal.

Ad 2. Dathan & Abiron vivi descenderunt in abyssum; sed vivi non pervenerunt ad gehennam, quia terrâ præmente suf- focati sunt. Sic Apocal. 19, Antichristus ejusque Propheta dicuntur vivi descendisse in stagnum ignis, tamen certò con- stet Antichristum esse moriturum, quandoquidem * *Dominus Jesus eum interficiet spiritu oris sui*.

Ad 3. R. imo. neg. ant. etsi enim Codices quidam græci habent, *Non omnes dormiemus*, alii tamen multi habent, *Omnes quidem dormiemus*, quæ lectio cum lectione vulgatâ coincidit. Imò ut monet S. Hieronymus Ep. 152. ad Minerium, lectio quæ nobis objicitur, non erat olim in omnibus græcis Co- dicibus, imò nec in plurimis, sed in nonnullis.

Nec nocet quod contra vulgatam nostram lectionem obji- citur. Quia non rarò S. Paulus de re bonis perinde ac malis communi differens, in primâ personâ loquitur, ut Rom. 14. *Omnes stabimus ante tribunal Christi*; & II. Corint. 5. *Omnes nos manifestari oportet ante tribunal Christi*; ergo lectio vulga- ta optimè retineri potest, præsertim cum Tridentina Syno- dus velit standum esse Vulgatæ.

R. 2do. neg. conseq. neque enim objecta lectio habet, *Non omnes moriemur*, sed, *Non omnes dormiemus*: atqui dormire, in hâc Scripturæ phrasi, non est mori simpliciter, sed mortis somno teneri, quasi quâdam quiete quæ mortem consequatur,

* II. Thess. 2.

&

& diu perduret. Quapropter qui reperientur *viventes* in adventu Domini, morientur quidem, sed quia statim reviviscunt, somnum mortis non capient ergo negare potuit Apostolus eos dormituros esse, licet negare non potuerit eosdem esse morituros, cum ipse generaliter pronuntiet statutum esse hominibus *mori*.

Ad 4. dicendum eos etiam qui vivi reperientur, quique ab Apostolo dicuntur rapiendi *obviā Christo*, morituros esse vel in ipso raptu, vel ante raptum per ignem conflagrationis, qui ut docet S. Thomas in suppl. q. 74. bonos purgatione indigentes probabit & purgabit; vivos verò quoscumque reperiet, exstinguet, ut gustatā morte, alii in vitam, alii in iudicium resurgant.

Ad 5. imo. per *mortuos* quos iudicabit Christus, intelligi possunt, ii qui jam mortui sunt; per *vivos* verò ii qui nunc vivunt, & in posterum vivent; 2do. per *mortuos* intelligi possunt ii qui ante diem iudicii mortui fuerint, per *vivos* verò, non eos quidem qui vivent ipso iudicii tempore, quando quidem nulli tunc erunt qui vivant, sed qui adhuc vivunt *quando iudicii jam nunc futuri signa apparere incipient*, ut ait eie B. Thomas.

† Queres 6to. quot futura sint corporum beatorum dotes.

R. Dos corporis est dispositio quaedam seu qualitas supernaturalis ab animā beatā in corpus gloriosum dimanans, quæ illud eidem animæ perfectè subjectum facit. Quatuor autem huiusmodi dotes Sanctorum corporibus inexistunt, nempe impassibilitas, subtilitas, agilitas & claritas, juxta hos versus:

Clari, subtiles, agiles, impassibilesque,

Omnes quadruplici pollebunt dote Beati.

Quas quidem dotes ex hoc S. Pauli loco depromunt Theologi: *Seminatur corpus in corruptione, surget in incorruptione. Seminatur in ignobilitate, surget in gloriā. Seminatur in infirmitate, surget in virtute. Seminatur corpus animale, surget corpus spiritale, I. Cor. 15.*

Imo. Quidem corpus Beatorum erit incorruptibile, adeoque & impassibile, secundum id Apocal. 21. *Absterget Deus omnem lacrymam ab oculis eorum, & mors ultra non erit, neque clamor, neque dolor erit ultra.*

Abstinet tamen ut Beati ab iis passionibus immunes sint, quæ subjectum delectant. Hinc oculi reficientur visione sacræ Christi humanitatis, &c. Aures demulcebuntur laudis perpetuæ quam dicent Deo nostro omnes servi ejus, Tob. 13.

2do. Corpora Beatorum fulgentia erunt claritate juxta id Matth. 13. *Iusti fulgebunt sicut sol in conspectu Dei.* Quibus

consonat id Apostoli I. Cor. 15. *Christus reformabit corpus humilitatis nostræ configuratum corpori claritatis suæ.*

De hac claritate, quæ est qualitas supernaturalis quâ corpus Beatorum reddetur luminosum ac simile crystallo, hæc docent Theologi: imo. erit inæqualis; quia orientur à redundantia gloriæ animarum, quæ, ut infra dicam, inæqualis erit; 2do. claritas hæc naturaliter videri poterit etiam ab oculo non glorioso, quia lux & fulgor naturaliter habent quoddam visum moveant.

3tio. Summa erit horum corporum agilitas, adeo ut ad animæ nutum ab uno loco ad alium imperceptibili tempore transire possint sine labore, lassitudine, & molestia. Hanc doctem exprimunt hæc Sapientiæ verba cap. 3. *Fulgebunt justi, & tanquam scintilla in arundinetis discurrent.* Hæc dote Christus apparuit Discipulis post Resurrectionem, eandemque in cœlos conscendit. Specimen aliquod fuit Daniel: ult. & 8. Actor. ubi Habacuc & Philippus alium in locum subito translati fuere.

4to. Demum mira erit gloriosi corporis subtilitas, siue hæc constet in mutuâ corporum penetratione; siue, ut D. Thomas placet, ea sita sit in dote quæ corpus perfecte subiciat animæ, sine necessitate somni, cibi, potus, &c.

Circa corpora reproborum docet S. Thomas imo. hæc cum suis deformitatibus resurrectione non esse, quia resurrectio est opus Dei, qui sicut ab initio humanam naturam creavit integram, sic & integram reparabit; 2do. hæc incorruptibilia fore eo incorruptibilitatis genere quod mortem eorum impediat; & hoc est fidei: nam * *in diebus illis quærent homines mortem, & non invenient eam*; 3tio. eadem fore passibilia, quod etiam de fide est: nam *ubi erit fletus & stridor dentium*, Luc. 13, 4to. reprobi nullâ claritate gaudebunt, cum per æternitatem totam mansuri sint in ** *terrâ miseriæ & tenebrarum, ubi umbra mortis & nullus ordo, sed sempiternus horror inhabitat*; 5to. nec certe agiles erunt, cum *ligatis manibus ac pedibus* projiciendi sint in tenebras exteriores, Math. 22.

PUNCTUM SECUNDUM.

De Beatitudine animæ.

Circa hoc punctum duo hic inquirenda: imo. an Sancti Deum diligant necessario; 2do. an, & unde sint impeccabiles. Sic cum Thomistis.

* Apoc. 9. v. 6. ** Job. 10.

CONCLUSIO I. Beati tam necessariò diligunt Deum, ut ab ejus amore cessare non possint.

Prob. I. Corint. 13. *Caritas nunquam excidit*, adeoque Beati Deum jugiter & perpetuò amant: atqui voluntas Beatorum ab hocce actu cessare non potest. Voluntas enim quæ rectæ rationis dictamen sequitur, non potest cessare ab actu, nisi intellectus in eo deprehendat aliquam mali rationem, aut in ejus cessatione speciem majoris boni: atqui voluntas Beatorum rectæ rationis dictamen necessariò sequitur; aliunde verò fieri non potest ut ratio Beatis proponat motiva quibus ab amore Dei ut malo aut minùs bono avertantur; ergo.

Confirm. Clara Dei visio non compatitur judicium erroneum: atqui erroneum fore: judicium quo mens judicaret sibi melius esse cessare ab amore Dei; ergo.

Oj. Caritas viæ & caritas patriæ sunt ejusdem speciei, & intensiois; imò charitas viæ est aliquando intensior caritate patriæ, ut patet exemplo amoris quo B. Virgo in terris adhuc constituta, Deum prosequabatur: atqui tamen amor viæ non est necessarius quoad exercitium; ergo nec amor patriæ.

R. 1mo. argumento hoc probari amorem patriæ nequidem necessarium esse quoad specificationem, cum amor viæ quoad specificationem necessarius non sit; atqui nè ipsi quidem Scottistæ contendunt amorem patriæ ita Beatis liberum esse, ut Deum possint odisse si velint.

R. 2do. dist. maj. sunt ejusdem speciei, sed non eodem nituntur principio, C. secùs, N. amor enim patriæ regulatur per lumen gloriæ & visionem beatificam, quæ Deum ut summum bonum necessariò proponunt, adeoque ut necessariò diligendum: at verò amor viæ hisce principiis non nititur, ut per se evidens est.

Inst. Amor viæ fundatur in cognitione per fidem habitâ: sed cognitio habitâ per fidem, tam necessariò repræsentat Deum ut summè diligendum, quàm cognitio beatifica; ergo vel amor viæ erit necessarius, vel si sit liber ut est de facto, liber erit amor patriæ.

R. neg. min. visio enim beatifica duo habet: 1mo. quòd semper repræsentet id quod repræsentandum est; 2do. quòd obijci non possit. Primum competit fidei, quia nihil proponit nisi veri; at secundum non competit eidem, tum quia fides potest penitus excidere, ut cum quis sit infidelis; tum quia oculi mentis ab eâ averti possunt, ut de facto avertuntur ab iis qui dilexerunt magis tenebras quàm lucem, Ioan. 3. 19.

CONCLUSIO II. Beati sunt impeccabiles, & quidem ab intrinseco.

Prob.

Prob. 1. pars: 1mo. ex. S. Fulgentio Lib. de fide ad Petrum cap. 23. *Firmissimè tene*, inquit, non jam posse quemlibet SS. Angelorum in deterius commutari, quia sic acceperunt æternam beatitudinem quâ Dei stabiliter perfruuntur, ut eâ carere non possint: atqui beati homines eam quoque acceperunt beatitudinem quâ carere non possunt; ergo cum hæc æternæ beatitudinis possessio efficiat ut Angeli peccare non possint, idem in aliis Sanctis præstabit.

* Prob. 2do. quia, ut bene S. Thomas Lib. 4. contra Gent. c. 12. *voluntas creata peccare non potest, quin præcesserit in intellectu error & incogitantia*: atqui in intellectum Beatorum nec error nec incogitantia irrepere possunt. Non error, quia qui vident Deum, in ipso nihil vident nisi veri. Non inadvertentia, quia qui necessariò attendunt ad Deum cujus amore inebriantur, necessariò attendunt ad id omne quod à peccato avertere potest; qui autem necessariò attendunt ad id quod à peccando detertere potest, per incogitantiam peccare non possunt: atqui Beati necessariò attendunt ad Deum, qui solus & totus omnes animæ eorum potentias occupat; ergo.

† Dices Angeli peccare possunt, juxta id Job. 4. *In Angelis fuit reperit pravitatem*. Et verò Daniel 10. referuntur pugna ac discordiæ inter Angelos variis Regnis præsidentes, excitari; ergo.

R. ad 1. neg. min. ad 2. dico 1mo. hæc verba non esse ipsius Job. sed amici ejus Eliphaz, qui ut probaret innocentes nunquam à Deo affligi, quod falsum est, multa parùm accurata congerit: unde cap. 42. de eo conqueritur Deus, quodd non sit locutus rectum sicut Job. Dico 2do. hæc verba intelligi de Angelis viatoribus, quorum alii Deo firmiter adhærere, alii verò in justitiâ stabiles non fuerunt, & ii sunt in quibus Deus reperit pravitatem.

* Quod objicitur è cap. 10. Danielis non multum urget: tum quia censent Interpretes multi, eum Perfarum Principem qui restitit Gabrieli viginti & uno diebus, esse Cyrum Regem tum quia alii hoc intelligunt de malis Angelis bonorum curas impedire volentibus; tum denique quia ipsi etiam boni Angeli hoc sensu inter se pugnare possunt, quodd aliquando pro diversis Regnis sibi commissis quadam à Deo petunt pugnantia, aut de iisdem Dominum consulunt. Hæc autem possunt sine peccato fieri, sicut sine peccato fit ut duorum Regnorum contra sese invicem dimicantium Sacerdotes, unusquisque pro Principe suo victoriam exorent.

Prob. 2. pars, quia beatitudo necessario includit amorem beatificum: atqui peccatum cum amore beatifico compati non potest

potest. Nam per peccatum, si mortale sit, homo *avertitur* à Deo tanquam à fine ultimo; si verò veniale, saltem *divertitur*, ut aiunt Theologi: atqui hæc aversio, aut diversio à Deo cum amore beatifico, nec compatitur, nec compati potest ex naturâ rei. Nam per amorem beatificum, utpote continuum, homo convertitur continuò in Deum tanquam ultimum finem: atqui ab intrinseco repugnat ut qui in aliquid continuò & necessariò fertur, ab eodem averti aut tantillum subduci possit ergo.

PUNCTUM TERTIUM.

De iis quæ conveniunt Beatitudini tum animæ tum corporis.

DUO hic investiganda: 1mo. an beatitudo semel obtenta possit amitti; 2do. an sit in omnibus æqualis.

Circa primum erravit Origenes, docendo beatitudinem alterius vitæ non fore perpetuam, sed ei successuram esse damnationem, cui vicissim succedat beatitudo; ita ut Beati damnentur, & damnati evocentur ad gloriam. Sic contra errorem hunc.

CONCLUSIO I. Sanctorum beatitudo æterna erit, nullique vicissitudini obnoxia. Est de fide.

Prob. 1mo. ex Scrip. 5. *Iusti in perpetuum vivent.* Matth. 25. *ibunt hi in supplicium, æternum: Iusti autem in vitam æternam.* Joan. 22. *Gaudium vestrum nemo tollet à vobis.* I. Petri 2. Beatitudo vocatur *hæreditas incorruptibilis, incontaminata, & immarcescibilis*: atqui ii omnes textus, si naturaliter & in obvio sensu intelligantur, ut intelligi debent, quia nihil obstat, beatitudinis æternitatem exprimunt; ergo.

* Prob. 2do. ex PP. S. Cyprianus in exhortat. Martyr. *Mors, inquit, Martyribus infertur, sed immortalitas sequitur vita temporalis extinguitur, sed æterna reparatur;* ergo Sanctorum beatitudo æterna est & immortalis. S. Augustinus, ut ceteros omittam: *Tunc, inquit, * plena erit, certa, secunda, sempiterna felicitas.* Et hoc est quod profiteamur his Symboli verbis, *Vitam æternam.*

† Prob. 3tio. ratione. Beatitudo talis esse debet ut omne Beati desiderium expleat, & ab eo omne mali genus excludat: atqui hoc præstare non potest, nisi sit immarcescibilis. Si enim amitti possit, non minor erit Beatorum anxietas, quam eorum qui in terris positi gestant thesaurum quo spoliari possunt; imò major, quia Beati cum melius norint conditionis suæ pretium, magis angentur ejusdem amittendi metu: at-

* Lib. 22. de Civ. c. ult.

qui

qui sollicitudo hæc & anxietas cum verâ beatitudine compari non possunt; ergo.

CONCLUSIO II. Beatitudo Sanctorum est inæqualis. Est de fide contra Jovinianum, qui ut æqualia peccata, sic & æqualia merita, & parem consequenter mercedem faciebat.

Prob. 1mo. Joan. 142. *Domo Patris mei mansiones multe sunt* I. Cor. 3. v. 8. *Unusquisque propriam mercedem accipiet secundum laborem suum.* Ibid. c. 15. v. 41. *Alia claritas solis, alia claritas lunæ, & alia claritas stellarum sic & resurrectionis mortuorum.* II. Cor. 9. *Qui parce seminat, parce & metet.* Sed ubi variae sunt mansiones, ubi merces labori respondet, ubi maior est & minor claritas, ibi beatitudo est inæqualis.

Prob. 2do. ex Patribus. S. Polycarpus Judicem supplicia intentantem alloquens: *Merita mea, aiebat, doloris assumptione pensabo. Quanto graviora pertulero; tanto præmia majora percipiam.* S. Hieronymus eâ de re expressè scripsit contra Jovinianum.

Obj. Operarii de quibus loquitur Christus Matth. 20. non eodem modo laboraverant, sed alii aliis ociùs: atqui tamen omnes eodem modo remunerati sunt; omnes enim acceperunt eundem denarium; ergo.

R. 1mo. neg. maj. Etsi enim dispar fuerit laboris diuturnitas, supponi potest eos qui senius operi manum admovent, tanto cum fervore & diligentia laborasse ut ceteros adæquaverint: certè primi Fideles qui horâ solùm undecimâ in vinea Domini laboraverunt, statim ut à gentilitatis tenebris emerferunt, intra modicum tempus tales impietate progressus fecere, ut sanctiora Synagogæ tempora penè statim adæquaverint, & sic *inbevi multa* expleverint tempora; ergo non minùs quàm alii laboraverunt, nec minori sunt mercede donandi.

R. 2do. dist. min. Omnes eodem modo remunerati sunt, quoad substantiam rei per denarium significatâ, C. quoad gradum & perfectionem, N. Omnes quidem vitam habebunt æternam, at non omnes eundem in eâ gradum consequentur, sed alia erit claritas Solis, alia Lunæ, &c. Nequè tamen alius alii invidet, quia ut bellè notat Augustinus, ** Tam nollet esse unusquisque quod non accepit, quàm nec in corpore vult oculus esse qui est digitus.* Beati nempe sunt vasa alia aliis capaciora, sed usque adeò plena ut superfluant, nec ampliùs quàm quòd habent valeant continere. Ceterùm parabolæ non ita pressè urgeri debent, alioqui enim sequeretur in cœlis esse murmur & mutuam offensionem.

* Quæres quid sit aureola Beatorum.

* Lib. 22. de Civ. c. 30.

R.

R. Præmium essentiale quo donantur Beati vocatur *aurea* five *corona aurea*: tum quia Beati regnant in cælo, suæ autem sunt Regibus coronæ; tum quia regnum cœleste certaminibus & victoriis obtinetur. Ab aureâ dicta est *aureola*, id est, parva corona, & hæc definiri potest, Gaudium accidentale à Beatis de singulari quâdam victoriâ perceptum, & in corpus speciali fulgore redundans. Dico, *ex singulari quâdam victoriâ*, non enim quodlibet opus sanctum meretur aureolam, sed solum insignis victoria de hoste: Hæc verò triplex est, ut & triplex est hostis, mundus scilicet, carô, & diabolus. Vincunt mundum Martyres contemptu mortis, quo malo nullum gravius à mundo inferri potest. Vincunt carnem virgines cum ejus illecebris resistunt, & de hoste domestico ac petulanti, gloriôsè triumphant. Vincunt diabolum Doctores, alique verbi ministri & interpretes, cum eum è cordibus hominum quibus potenter dominatur, ejiciunt atque deturbant.

Ex his aureolis potior judicari solet aureola martyrii, quia *pugna Martyrum secundum se est fortior, & vehementius affligens*; aureola verò secundum se debetur victoribus.

CAPUT TERTIUM.

De proprietatibus Actuum humanorum.

PER proprietates actuum humanorum intelligimus cum Valentiam, tum quædam eorum attributa, ut sunt malitia & bonitas; tum ea quæ bonitatem & malitiam sequuntur, ut meritum & culpa. De culpâ alibi dicemus, cetera hic discutenda veniunt.

ARTICULUS PRIMUS.

De bonitate & malitiâ morali Actuum humanorum.

DICEMUS 1mo. quid sit bonitas & malitia moralis in genere 2do. an omni & cuilibet actui conveniat; 3tio. unde repetenda sit.

SECTIO PRIMA.

In quo consislat malitia & bonitas actûs humani,

IN actu humano duplex esse considerari potest, scilicet esse *physicum* seu *naturale* & esse *moris* seu *morale*. Esse physicum est ipsa entitas actionis nudè & simpliciter spectata, quatenus

tenus est aut esse potest extra nihil; esse verò morale, seu moralitas actus, est ejusdem habitudo ad certas regulas, quibus si conformis sit, aut difformis, bonus dicitur aut malus in ordine morum. Sit.

* CONCLUSIO I. Moralitas actus non consistit in solo libero. Prob. tum quia actus concipitur liber, antequam concipiatur moralis; tum quia concipitur liber, prout deliberatè proficiscitur à voluntate; moralis verò, prout elicitur consentaneè aut dissentaneè ad rectam rationem.

Omne tamen liberum est morale, sicut omne morale est liberum quia quicquid liberè producitur etiam in naturalibus aut artefactis, non solum juxta artis aut naturæ regulas, sed etiam juxta rationis leges produci debet, secundum id Apostoli, * *Sive manducatis, sive bibitis, sive aliud quid facitis, omnia in gloriam Dei facite*, de quo infra. Utinam verò artifices tantum insudarent, ut juxta rationis quam ut secundum artis regulas operarentur.

Obj. In eo sita est moralitas. quo posito ponitur, & quo sublato tollitur: atqui posita libertate ponitur, moralitas v. g. actus imputatur in malum, qui eadem sublata libertate definit imputari; ergo.

R. dist. maj. quo posito tanquam essentiâ rei ponitur moralitas, C. quo posito tanquam prærequisito, N. Itaque ad morale prærequiritur liberum, unde sublato libero tollitur morale; sicut sublato voluntario tollitur liberum, quia ad liberum prærequiritur voluntarium: non magis tamen morale in solo libero consistit, quàm liberum in voluntario solo; quia sicut voluntarium & liberum diversis conceptibus objectivis concipiuntur; sic liberum & morale diversis representantur ideis.

† CONCLUSIO II. Regula ex cujus commensuratione desumitur moralitas, est recta ratio. Ita vulgò Theologi:

Prob. ex S. Augustino Lib. de utilitate credendi c. 12. ubi sic: *Rectum factum nullo modo esse potest, quod non à rectâ ratione proficiscitur.*

Porro recta ratio duplex est: una *increata*, quæ in mente divinâ existit, & lex æterna dici solet; altera *creata*, quæ est lumen a Deo creaturæ rationali impressum, seu ipsa legis æternæ cognitio indicans quid faciendum sit, aut fugiendum aut quid simpliciter bonum sit. Ut enim bene notat Sylvius hic q. 19. art. 4. actus, ut bonus sit, non necessariò conformis esse debet alicui legi præcipienti, (aliòquin facere ea quæ sunt consilii non esset bonum) sed necesse est & sufficit ut sit conformis ratione vel præcipienti ut fiat, vel judicanti posse bene fieri, simulque præscribenti quomodo fieri debeat. Utraque

que hæc ratio actuum nostrorum regula est, ita tamen ut ratio creata, per se regula non sit, sed prout substat legi æternæ. Unde S. Thomas 1. 2. q. 71. art. 6. *Regula voluntatis humana est duplex; una propinqua & homogenea, scilicet ipsa ratio humana; alia verò est prima regula, scilicet lex æterna, quæ est quasi ratio Dei.*

*Obj. 1mo Motus concupiscentiæ indeliberati, non sunt mali, nec imputantur: atqui tamen repugnant supremæ rationi: ergo disconvenientia cum supremâ ratione non est malitiæ regula, adeoque nec bonitatis.

R. dist. maj non sunt mali formaliter, C. non sunt mali, vel potius inordinati materialiter & objective, N. Ut intelligatur solutio, notandum est quod duplex distinguitur moralitas: una objectiva, quæ se tenet ex parte &c. actûs secundum se solum consideratis; altera *formalis*, quæ non tam dicit ordinem ad objectum ipsum, quàm ad agentem ut bene vel malè *morum*. Recta ratio utriusque hujus moralitatis regula est, unde quod ei repugnat, eâ parte quâ repugnat, habet aliquid mali: sed quia, repugnantia hæc aliquando involuntaria est, ut in iis qui vel non quod volunt faciunt, vel invincibili laborant ignorantia, ideo non semper imputatur ad culpam, sed aliquando ad meritum, ob bonam fidem agentis qui rectam rationem sibi sequi videtur, dum etiam ab ea deficit.

Obj. 2do. ex S. August. Enchir. c. 101. *Aliquando bonâ voluntate homo vult aliquid quod Deus non vult..... ut si bonus Filius patrem velit vivere, quem Deus bonâ voluntate vult mori;* ergo saltè aliquando ratio Dei & ratio hominis non sunt regulæ bonitatis actionis; cum ambæ nonnumquam à se invicem dissentiant.

R. neg. conseq. & disting. probat nonnumquam ratio Dei & ratio humana dissentiant in objecto materiali, seu in re volita, C. in objecto formali, seu in modo volendi, N. Itaque dissentiant quadantenus Dei & hominis voluntates, cum Deus vult ut moriatur aliquis, quem filius ejus vivere desiderat; sed reipsâ plûs inter se congruunt quàm primâ fronte videatur: 1mo quia vult Deus ut filius patris sui mortem avertat quantum potest: is ergo cum optat ut pater non moriatur, divinæ voluntati consentit; 2do. quia filius non optat vitam patris nisi conditionatè & absolutè cupit, ut fiat voluntas Dei; ergo & ex hac etiam parte voluntas hominis cum Dei voluntate congruit.

SECTIO SECUNDA.

An dentur Actus indifferentes.

NOt. 1mo. actus indifferens is esse dicitur qui nec bonus est nec malus moraliter.

Not. 2do. Actus humanus de quo solo hic agitur, utpotè qui solus deliberatus sit, dupliciter considerari potest, *in specie* scilicet, & *in individuo*. Actus humanus in specie, est actus spectatus comparatè ad objectum duntaxat, abstrahendo à fine, & cæteris circumstantiis: v. g. Deum precari, furari, deambulare, quorum primum etiam ratione objecti spectatum, bonum est, secundum verò malum, tertium denique indifferens, ita ut possit bonum esse vel malum. Actus verò spectatus in individuo, est actus prout à parte rei ponitur, & comparatè ad objectum, finem, & omnes circumstantias.

Certum est dari actus indifferentes in specie, qui spectati seorsim à fine quo fiunt, nihil boni continent aut mali moralis cum eorum objectum non pertineat ad mores. Hinc illud S. Hieronymi Epist. 89. *Bonum est continentia, malum est luxuria. inter utrumque indifferens ambulare.* Sed graviter controversitur, an dentur aut dari possint actus indifferentes in individuo. Affirmant Alensis, S. Bonaventura, Gabriel, Almainus Vasquez, & Scotus cum suis in 2. dist. 41. alii plures negant, eo nixi fundamento, quod omnes actus nostri, nisi in bonum finem referantur, sint verè mali. Sed hic recrudescit controversia: cum enim finis omnis à creaturâ distinctus, sit Deus ipse, saltè sub conceptu confuso, quaritur quâ ratione actio ut ex parte finis bona sit, debeat ad Deum referri; de quo non una est omnium opinio.

1mo. enim censent aliqui, actionem, ut bona sit, ad Deum referri debere ex caritate habituali & iustificante, unde sequitur omnes peccatoris actiones totidem esse peccata. Ità Joannes Hus, inter cujus propositiones damnata est hæc à Concilio Constant. Sess. 15. ** Si homo est vitiosus, & agat quidquam, tunc agit vitiosè; & si est virtuosus, & agat quidquam, tunc agit virtuosè: quia sicut vitium quod crimen dicitur, sive peccatum mortale, insicit universaliter actus hominis vitiosus; sic virtus, sive charitas vivificat omnes actus hominis virtuosus.* Eandem ex parte errorem si non sensu, de quo judicet Deus, saltè verbis exprimere visus est Quenellus, cujus propositio 45. sic habet: *Amore Dei in corde peccatorum non amplius regnante, necesse est ut in eo carnalis regnet cupiditas, omnesque actiones*

* Lib. 10m. 12. p. 130.

ejus corrumpat. Quenello præverat Baius, cujus 35. propositio sic habet: *Omne quod agit peccator, vel servus peccati, peccatum est.* Baio autem præverat Lutherus, qui citatam Joannis Hus propositionem expendens aiebat: *Hic articulus est à Catholicis concedendus.* Haud tamen eum concessit sacra Facultas Parisiensis, quæ anno 1521. doctrinam hanc reprobavit: haud concessit Ecclesia tota, quæ docet aliquid boni à peccatoribus ipsis, aliquid venialiter mali à justis aliquando prodire.

2do. Docent alii, malam esse actionem omnem quæ virtualiter saltem ad Deum non refertur ex motivo caritatis, sive perfectæ, sive imperfectæ hoc est quæ non refertur ad Deum propter se dilectum. Ità Janfenius Lib. 3. de statu nat. laps. c. 17. & alibi passim: *Nullum, inquit, omnino fieri potest opus bonum, hoc est sine peccato, nisi in Deum propter se dilectum referatur.* Eadem? nisi forte pejor fuit Quenelli sententia, ut patet ex textu citato; eamque acriter defendunt ejus alleclæ.

2do. Cæteri Theologi negant eum qui ex caritatis proprie dictæ motu non operatur, semper peccare. Sententiam hanc non adstruimus, nisi paucis: quia ex iis quæ circa opera Infidelium moraliter bona docuit Doct. Tournely, facile colligitur quid hic sentiendum sit. Sit itaque.

CONCLUSIO I. Non dantur actus indifferentes in individuo. Ità præter D. Thomam & Thomistas docent Bellarminus, Suarez, Valentia, &c.

Prob. 1mo. ex SS. Patribus August. Lib. 2. de peccat. meritis, &c. cap. 18. *Mirum, inquit, si voluntas potest in medio quodam ità consistere, ut nec bona, nec mala sit. aut enim justitiam diligimus, & bona est; aut si omnino non diligimus, non bona est, sed mala & pessima.* Et Epist. 82. alias 19. *Cavendum est, nè sicut Philosophi, facta quædam hominum media dicamus inter rectè factum & peccatum: quæ neque in rectè factis, neque in peccatis numerentur.* † Unde sic: Actio indifferens ea est, quæ nec bona est, nec mala, quæ inter rectè factum & peccatum media est: atqui ex S. Augustino nulla debet admitti actio hujuscemodi, sed è contra cavendum est nè admitatur. Atque id ità manifestum est, * ut Vasquez qui contra nos pugnat, ingenuè fateatur SS. Augustinum, Prosperum, Fulgentium & Thomam, sibi adversari; ergo.

Prob. 2do. Actio spectata in individuo, est actio quæ fit propter aliquem finem; quæ enim non fit propter finem, est actio spectata in specie: atqui actio quæ fit propter finem non potest esse indifferens. Eatenus enim: talis actio posset esse indifferens, quatenus fieret propter finem qui nec bonus esset

* Vasq. disp. 52. n. 33.

nec malus: atqui impossibile est ut actio aliqua fiat propter finem qui nec bonus sit nec malus. Nam finis omnis vel est Creator, vel creatura: sed actio quæ fit propter Creatorem, ut agens in eo conquiescat, fit propter bonum finem; actio verò quæ fit propter creaturam finè ordine ad Deum, ut voluntas in illâ solâ conquiescat, fit propter malum finem. Sic malum est comedere etiam finè excessu, aut opus conjugii exercere propter solam voluptatem: unde damnata sunt ab Innocentio X. ex propositiones *Comedere & bibere usque ad satietatem ob solam voluptatem, non est peccatum. Et Opus conjugii ob solam voluptatem, exercitum, omni penitus caret culpa & defectu veniali;* ergo.

* Prob. 3tio. Omnis actio otiosa est moraliter mala: atqui omnis actio quæ ad debitum finem non ordinatur est otiosa; ergo Major & minor seorsim probanda veniunt.

Prob. itaque major. Non minus actio otiosa, est moraliter mala, quàm verbum otiosum, imò magis, cum in actione otiosâ tempus tam inutiliter occupetur quàm in verbo otioso, & aliunde jactura rei otiosæ major sit quàm damnum verbi otiosi, quod inter creata quæcumque minimum reputari solet; unde S. Hieronymus in Psal. 16. *Si de verbis otiosis redditur ratio, quantò, magis de operibus;* atqui verbum otiosum est moraliter malum, quandoquidem reddent homines de eo rationem in die judicii; non solum propter discussionem, ut remunerariè respondent quidam ex adversariis, sed propter condemnationem, ut patet ex verbis Christi immediate sequentibus * *Ex verbis tuis justificaberis, & ex verbis tuis condemnaberis,* Unde Tertullianus Lib. de patientiâ cap. 4. *Traditum est in doctrinâ Christi, manere nos omnis vani & supervacanei dicti reatum;* ergo.

Prob. min. nempe quòd omnis actio eo ipso quo ad debitum finem non refertur, otiosa sit. Et id quidem evidens est ex terminis: actio enim non dicitur otiosa eo quòd malum habeat finem; ergo ideo solum otiosa dicitur, quia caret debito fine. Et hoc plerique Patres docent: Otiosum verbum, ait S. Hilarius, est verbum ineptum & inutile. S. Gregor. Homil. 6. in Evang. *Otiosum verbum, inquit, est quod utilitate relictum, aut ratione justæ necessitatis caret.* S. Bernardus Lib. de triplici custodiâ &c. *Otiosum verbum est, quod nullam rationabilem causam habet;* ergo pariter actio otiosa ea est quæ debito fine caret. Unde Matth. 20. operarii dicuntur otiosi, non quia nihil prorsus agerent, sed quia nihil efficerent utile, & quod ad debitum finem posset ordinari.

† Prob. 4to. Si teneatur homo omnes actus suos ad Deum refer-

* Matth. 22.

refer-

referre, jam certum est non dari actus indifferentes, quia boni erunt qui ad hunc finem referentur, mali verò qui non referentur: atqui tenetur homo actus suos omnes ad Deum referre. Qui enim *omnia* generatim & indistinctè, qui actiones etiam minimas in gloriam Dei facere tenetur, ille omnes actus suos ad Deum referre tenetur: atqui tenetur homo *omnia* generatim Prob. min. ex celebribus S. Pauli verbis I. Corinth. 10. *Sive manducatis, sive bibitis, sive aliud quid facitis, omnia in gloriam Dei facite*: atqui hæc verba nullam nè minimam quidem actionem excludunt, quæ non debeat ad Deum referri. Et si potus ipse & esus, & aliud quid simile, ad Dei gloriam ordinari debet, quanto magis aliæ majoris momenti actiones?

At, inquit, verba hæc merum sunt consilium.

Contra 1mo. Apostolus utitur verbo imperativo, *facite*, nihilque addit quo indicet se consilium merum dare; ergo censendus est præceptum dedisse, præsertim cum id patiatur materia, nec ullæ obstant circumstantiæ; 2do. in dubio ad mores pertinente pars tutior tenenda est; 3tio. in hisce verbis verum agnovèrè præceptum Patres. Sic Augustinus Lib. de corrept. & gr. c. 3. *Præcipit Apostolus dicens: Omnia vestra in charitate fiant*. S. Maximus Homil. 2. de gratiis &c. *Christianus semper debet Patri ac Domino suo laudes dicere, & in ejus gloriam omnia procurare, sicut ait B. Apostolus: Sive manducatis, sive bibitis, &c.* S. Thomas 1. 2. q. 21. art. 4. *Deus, inquit, est ultimus finis hominis. Est autem debitum ut ad finem ultimum omnes actus referantur.* † Non negamus S. Bonaventuram nobis hîc cum suâ Scholâ adversari; sed nec opinionem nostram in articulum fidei transformari volumus.

* Obj. 1mo. S. Hieronymum ubi suprà: *Bonum est continentia, malum luxuria, utrumque indifferens ambulare hoc non est bonum nec malum; sive enim feceris, sive non feceris, nec justitiam habebis, nec injustitiam.* Unde sic: Actiones de quibus hîc loquitur S. Doctör verè sunt indifferentes, cum nec ad meritum seu justitiam, nec ad demeritum sive injustitiam imputentur: atqui actiones illæ non solum considerantur in specie, sed etiam in individuo; hæc enim vox, *feceris*, denorat exercitium actionis in individuo, cum actus non possit fieri nisi in individuo & singulari.

R. 1mo. Transeat major, quæ efficaciter non probatur, quia potest aliqua actio nec ad meritum nec ad demeritum inservire, & tamen non esse indifferens, si nempe sit solum moraliter bona.

R. 2do. Dato quod Hieronymus, hîc ex propriâ sententiâ
Moral. Tom. I. † E loqua-

loquatur quod certum non est; neg. min. etsi enim loquatur S. Doctor de actione prout à parte rei exercetur, non respicit tamen nisi objectum ejus, & abstrahit tum à fine tum à circumstantiis; ut ab iis abstrahat, cum ait bonum esse continentiam, quæ tamen, ut in conjugatis, aliquando mala esse possent: unde sensus ejus est, *sive feceris, sive non*, id est præcisè quia fecisti vel non fecisti, nec justitiam habebis nec injustitiam; quamvis aliunde laude vel vituperio dignus sis, prout ex rationabili causâ, & ex bono fine, atque in debitis circumstantiis fecisti, vel non. Et verò S. Doctor in Epist. ad Ctesiphont. postquam hæc retulit verba quibus Pelagius Ecclesiæ dogma de gratiæ ad actus singulos necessitate quasi ridiculum explodere nitebatur: *Si voluero curvare digitum, movere manum, sedere, stare, ambulare, discurrere, sputa jacere semper auxilium Dei mihi necessarium erit*. Sic vividè respondet: *Audi ingrater, imo sacrilege, Apostolum prædicantem: Sive manducatis, sive bibitis, &c.* ergo vult S. Doctor, ut non deambulatio solum, sed & actus omnium maximè animales; ad Dei gloriam referantur.

† Atque hinc colliges, eum peccare qui solius voluptatis causâ comedit; flores odoratur, campum innumeris varium coloribus respicit, musicæ cantibus demulcetur, uxore utitur, &c. Ià docet Augustinus Lib. 10. Confess. c. 33. Cum inquit, *mihi accidit, ut me amplius cantus quàm res quæ canitur moveat, me peccasse confiteor*. & Lib. de bono conjug. cap. 7. *Reddere debitum conjugale nullius est criminis, exigere autem ultra generandi necessitatem, est culpæ venialis*. Concinit S. Thomas in 4. dist. 31. q. 2. art. 2. *Duobus solis modis conjuges absque omni peccato conveniunt, scilicet causâ procreandæ prolie, & debiti reddendi; alias semper ibi est peccatum ad minus veniale*.

Obj. 2do. 2do. Actus qui nec bonitatem nec malitiam contrahunt ex objecto, fine & circumstantiis, sunt indifferentes in individuo: atqui dantur hujusmodi actus. Actus enim qui fiunt ad sublevandam levem naturæ indigentiam, ut ambulare, sputa ejicere, ad ignem frigoris abigendi gratiâ accedere, sunt actus quorum 1mo. objectum nec bonum est nec malum moraliter; 2do. finis est etiam indifferens: qui enim ad ignem frigoris expellendi gratiâ accedit, per se loquendo non plùs meretur, quàm qui non accedit; 3tio. circumstantiæ sunt & supponuntur esse indifferentes; ergo.

R. ad 1. neg. min. ad 2. neg. actus de quibus agitur esse ratione finis indifferentes: vel enim fiunt propter solam voluntatem, & tunc includunt culpam venialem, ut ait S. Thomas, vel

vel fiunt ut corpus ad functiones suas magis habile reddatur, & ideo mens promptius & melius ea quæ officii sui sunt peragat, & tunc sortiuntur bonitatem à fine quem operans ultimè intendit; ergo quocumque modo considerentur, non sunt indifferentes.

Inst. Si prædicti actus boni esse possent, possent voveri; rursus si forent mali, deberent poenitentes se de iis accusare: atqui neutrum dici potest. Non 1. nam ridiculum esset & stultum vovere v. g. deambulationem ad sublevandam levem naturæ indigentiam. Non 2. nemo enim est qui se de iis accuset; nemo qui antequam quæstionem hanc in Scholis tractari audierit. crediderit se, spuendo, vel emungendo nares peccare, nisi hæc honestum in finem referret; nemo qui his solis absolutionem impendere auit: & id fatentur Thomistæ ipsi cùm candidè loqui volunt; ergo.

R. neg. primam partem majoris, quæ moraliter loquendo falsa est, quia non omne bonum voveri potest. sed id tantum quod est melius: porro ii etiam actus qui boni sunt, non sunt semper meliores quàm ipsorum omissio. Sic tamen matrimonium sit per se bonum & optimum, haud tamen communiter loquendo voveri potest, quia excludit statum virginittis qui Deo acceptior esse solet. Dixi moraliter loquendo, quia sicut matrimonium in quibusdam raris casibus voveri potest, sic & actus de quibus loquitur objectio, ob quasdam causas quæ raro occurrunt voveri possent.

Ad 2. partem respondet Goner his verbis: *Quia similes actus ut plurimum sine deliberatione ex solâ imaginatione sunt, & si fiant cum consilio & deliberatione rationis. ad sanitatem vel honestam recreationem, vel naturæ quietem & solatium virtualiter referuntur, regulariter sunt materia dubia, & ideo prudens Sacerdos raro debet his solum absolutionem impendere, sed mone- re poenitentem ut de aliis, licet jam confessis, quæ certò scit- fuisse peccata, se accuset.* Adde quòd multi ex iis qui Deum verè timent, sæpius in die actus suos omnes Deo offerunt, & oblationem hanc identidem repetunt, nè interrumpatur: multi etiam se ut peccati reos habent cùm illud pietatis officium omiserunt.

Obj. 3tio. Illa opinio admitti non debet, quæ jugum imponit quod portari non potest: atqui talis est opinio nostra. Quis enim hominum potest in singulis actibus. iis etiam qui animales sunt, ut spuerè, rectum finem sibi semper proponere?

R. neg. min. Non enim requiritur relatio *actualis*, quâ homo in actibus singulis de ultimo fine cogit; sed sufficit relatio *virtualis*, quæ nimirum etiam cùm desit esse præsens actu,

manet virtute actualis præbita, quæ nec revocata est per actum contrarium, putâ peccatum, nec interrupta per longiorem temporis moram: atqui talis relatio ad quam satis est ut homo aliquoties in die suum bene operandi propositum renovet, viro Christiano onerosior videri non debet, cum eò usque progressi sint vel ipsi Gentiles, ut eorum aliquis dixerit: *Niratio jubeat, digitum exere, peccas.*

Obj. 4to. Qui bonâ fide existimat dari actus indifferentes in individuo, & deambulando nullum sibi bonum finem proponit, nec peccat cum agat juxta opinionem cujus falsitas inculpate ignorari potest, nec bene agit, cum nec actu nec virtute bonum finem intendat; ergo.

R. neg. ant. Fieri enim nequit ut hâc occurrat saltem prædictæ ignorantia invincibilis, quia ratio fide præsertim adjuncta evidenter dicitur nemini unquam esse licitum otiose & inutiliter operari. Nec dubium esse quin hoc in praxi secutus sit S. Bonaventura, qui se suosque actus pluries in die ad Deum referebat.

Obj. 5to. In Concilio Constantiensi damnata est hæc Joannis Hus propositio, *Nulla sunt opera indifferentia: sed hæc est divisio immediata humanorum operum, quòd sint vel virtuosâ, vel vitiosa;* ergo admitti debet hæc contradictoria: aliqui sunt actus indifferentes.

R. dist. ant. damnata est in sensu Joannis Hus, C. in sensu Catholicorum qui noster est, N. Contendebat Joannes Hus omnem & quemlibet actum, virtuosum esse vel vitiosum, prout elicitur ab homine justo, vel peccatore; quia, inquebat, *vitium seu mortale peccatum inscit universaliter actus hominis vitiosi, & virtus vivificat omnes actus hominis virtuosos.* Hanc hæresim meritò proseripxit Synodus Constantiensis. quia inter vitiosa hominis mali, & virtuosâ hominis justi opera, dantur actus aliqui medii qui nec justi sunt, tamen si fiant ab homine justo, cum is aliquando venialiter peccet: nec vitiosi, tamen si fiant ab impio, quia is nonnunquam piè agere potest. At eadem Synodus circa propositionem ipsam absolutè sumptam non pronuntiavit, cum quæstiones inter Ecclesiæ Catholicæ Theologos illasâ fide agitaras dirimere non intenderit.

Conclusio II. Ut actio sit ex omni parte bona, necesse non est ut ad Deum propter se dilectum referatur, seu ut fiat ex motivo charitatis saltè initialis strictè sumptæ. Imò sententia quæ relationem hanc requirit, *falsa est & erronea*, ut loquitur Gonet tom. 4. disp. 1. de necessitate grat. art. 3. Assertionis nostræ præcipua indicare fundamenta sufficiet; sed antea monere volo, duo hæc quæ aliquibus synonyma videntur, operari

pro-

propter Deum
quæ ultim
ipsi Deo
eum prop
Prob. ut
ratione fin
tur charit
bi dimissi
bertas nisi
Prob. mi
1560. die
num. 4. L
opus liber
mnata e
est hereti
non pote
Tota hæ
Romanis
ante gr
probavi
nâ sup
renova
fidei p
claman
fidem m
nè initi
morale
nis; pro
tatis act
† Pro
elicitâ,
tuita op
Cans. 3
ternæ m
ab Alex
cedis in
ret, quæ
Intenti
ut cele
Prob
tionem
dinis
conmu
spe ve
A

propter Deum propter se dilectum, & operari propter Deum tanquam ultimum finem, mihi omnino distincta videri: actus enim spei Deum attingit ut ultimum finem, nec tamen tendit in eum propter se, id est, propter absolutam ejus bonitatem.

Prob. itaque imo. Si ut actio ex omni parte, atque etiam ratione finis bona sit, & penitus immunis à peccato, requiratur charitatis supernaturalis influxus, omne opus liberi arbitrii sibi dimissi peccatum erit saltè veniale; & ad nihil valebit libertas nisi ad peccandum: atqui falsum omnino consequens. Prob. min. imo. quia inter propositiones Baianas quas an. 1560. die 27. Junii notavit Facultas Parisiensis, hæc propositio num. 4. *Liberum arbitrium ex se non potest nisi peccare, & omne opus liberi arbitrii sibi dimissi est peccatum mortale vel veniale*, damnata est sub hac censura, *Hæc propositio pro utraq[ue] parte est hæretica* Ista itè[m], *Homo faciendo quod in se est peccat, & non potest non peccare faciendo quod in se est*, sic confixa est Tota hæc propositio est hæretica; 2do. quia proscrip[ta] est à Romanis pontificibus hæc Baii propositio, *Liberum arbitrium ante gratiam nihil valet nisi ad peccandum*. Hanc etiam reprobat Alexander VIII. Omne quod non est ex fide Christiana supernaturali, peccatum est; 3tio. quia cùm doctrinam hanc renovasset Monachus quidam Theologiæ Professor, hanc ab eo fidei professionem exegit, (nemine in Senonensi Provincia reclamante) Episcopus Altiissiodorensis anno. 1811. *Recognosco fidem non tam esse necessariam ad actus moraliter bonos, ut sine initiò fidei & caritatis non possit fieri nllum opus bonum morale ordinis naturalis, quod non sit peccatum saltem ommissionis; propterea quod non referatur ad Deum per aliquem charitatis actum saltem inchoatum*.

† Prob. 2do. Si omnis actio finè charitatis actualis influxu elicitæ, sit peccatum, peccabit qui solius æternæ mercedis intuitu operabitur: atqui falsum consequens ex Trid. Sess. 6. Can. 31. *Si quis dixerit justificatum peccare, dum intuitu æternæ mercedis bene operatur, anathema sit*. Hinc damnata est ab Alexandro VIII. ista propositio, *Quisquis etiam æternæ mercedis intuitu Deo famulatur, caritate si caruerit, vitio non caret, quoties intuitu licet beatitudinis operatur: & hæc iterum, Intentio quâ quis detestatur malum & prosequitur bonum, merè ut caelestem obtineat gloriam, non est recta nec Deo placens*.

Prob. 3tio. ex Concilio Trid. quod declarat ** illam contritionem imperfectam, quæ attritio dicitur, quoniam vel ex turpitudinis peccati consideratione, vel ex gehennæ & pœnarum metu communiter concipitur, si voluntatem peccandi excludat cum spe veniæ, non solum non facere hominem hypocritam & magis

* An. 1690. ** Sess. 14. c. 4.

peccatorem; verum etiam domum Dei esse; & Spiritus sancti impulsus quo penitens adjutus viam sibi ad justitiam parat. & alibi: * Si quis dixerit gehennæ metum, per quem ad misericordiam Dei de peccatis dolendo confugimus vel à peccando abstinemus, peccatum esse, aut peccatores peiores facere; anathema sit. Unde sic: Timor de quo agitur in prædictis textibus, non includit initium charitatis strictè sumptæ: atqui tamen timor ille ex omni parte bonus est; ergo ut actio ex omni parte bona sit, sufficit impulsus & motio Spiritus sancti à caritate distincta.

Major pater imo. quia Synodus Tridentina explicans quo motivo moveatur ille qui timet, non assignat caritatem, sed considerationem turpitudinis peccati, aut gehennæ metum; ergo, saltèr communitè loquendo, attrito ex his solùm motivis nascitur, non autem ex præstanti caritatis strictè sumptæ motivo.

* 2do. Quia Lutherus contra quem editus est prædictus Canon, in expositione Articulorum quos Leo X. condemnaverat, ac proinde diu ante Tridentinam Synodum, declaraverat attritionem quæ hominem magis peccatorem fieri censebat, non eam esse quæ ex Dei amore proficiscitur. Sic enim loquebatur an. 1520. in assertionem omnium Articulorum per Bullam Leonis X. damnatorum: ** Si dixerint se loqui de contritione in charitate factâ, jam Articulus nihil ad me! non enim unquam sic docui. & supra: Doceo contritionem quantumlibet magnam, nisi fiat amore justitiæ; & (ut ipsimet Catholici dicunt) in charitate Dei, non esse veram sed simulatam & infra: Donec ab amore legis incipiant penitere, se se hypocritas esse sciant. Ergo ea solùm contritio Luthero displicuit, quæ non concipitur ex amore iustitiæ, & ex charitate Dei; ergo contritio quæ juxta Patres Tridentinos, quibus ignota non erat Lutheri apologia, supernaturalis est, & quatenus talis ad justitiam conducit, non includit amorem caritatis. Et verò propositio quam reprobavit Synodus Trid. totidem de verbis sumpta est ex Sermone secundo *** Lutheri de Pœnit. ubi nè uno quidem verbo indicat eum à se reprobari timorem qui caritate habituali destitutus sit. Estto Novator plus aliquando in hoc puncto erraverit; sed varias erronei systematis partes reprobare potuit Synodus Tridentina, & de facto reprobavit Canonibus VII. & VIII.

† 3tio. quia usque adeò loquuntur Patres de timore qui amorem non includit, ut dilectionis nomen è Concilii decreto, quale primò conceptum erat, eradi voluerint. Cùm enim, ut

* Sess. c. 8. ** Tom. 2. Edit. Ihenæ an. 1557. fol. 116.

*** Tom. 1. fol. 13.

refert Palavicinus Lib. 12. c. 10. prius decretum statueret attritionem ortam ex eo timore qui servilis dicitur, sufficere ad Sacramenti Pœnitentiæ constitutionem, cum sine aliquo dilectionis in Deum motu vix esse quæat: monuit Emilianus Tuderamus Episcopus, falsò dici huiusmodi dolorem sine amore vix unquam concipi posse, &c. Quamobrem, ait Palavicinus, decretum sicut nunc extat, reformatum est.

4to. Quia propositio hæc, Attritio quæ ex gehennæ metu concipitur sine dilectione benevolentia Dei propter se, non est bonus motus & supernaturalis, ab Alexandro VIII. damnata est, indubiè quia Tridentino adversabatur; ergo pro certo habendum est timorem, de quo loquitur Synodus Tridentina, abstrahere ab amore Dei propter se.

Nunc probanda est minor, nimirum timorem hunc prout ab amore præscindit. esse ex omni parte bonum. Probatur autem sic: Timor de quo loquuntur Patres Tridentini, non facit hominem hypocritam & magis peccatorem: atqui si timor ille non esset ex omni parte bonus, sed malus defectu legitimi finis, jam hominem faceret magis peccatorem. Peccatum enim peccato additum, facit hominem magis peccatorem: atqui timor ille esset peccatum, defectu scilicet boni finis, peccatum est juxta Augustinum; ergo.

Et verò quod non est caritate, necessariò est ex cupiditate, juxta adversarios, apud quos * non sunt nisi duo amores unde volitiones & actiones omnes nostræ nascuntur, &c. atqui timor de quo agimus non est à caritate; ergo superest ut sit à cupiditate, sive ab eo amore qui eo ipso quo omnia propter Deum non agit, malus judicari debet.

Obj. 1mo. Peccat quisquis non implet magnum illud præceptum, ** Diliges Dominum Deum tuum ex toto corde tuo, &c. atqui præceptum illud non implet. qui omnes actus suos ad Deum non refert ex motivo caritatis: sic enim aliquam cordis sui. motuumque suorum partem subtrahit præcepto quod omnes humani cordis motus comprehendit & exigit; ergo.

R. 1mo. argumentum hoc advesus eos à quibus proponitur militare. Docent enim eum quod in actione suâ tenue aliquod charitatis initium, ac debiliores amoris hujus scintillas habet, eatenus ab omni peccato immunem esse: sed qui nascentia solum charitatis primordia habet, nec agit nisi ex debiliore ejus scintilla, non potest dici tantum ac tale præceptum implere. An non enim magnam cordis sui partem Deo subtrahit, qui nonnisi exiguam ejusdem portionem Deo porrigit. Annon Modus diligendi Deum, est diligere sine modo, ut bellè docet

E 4

* Prop. 44. Quest. nel. ** Luc. 10. 27.

S. Bernardus? An non consequenter præceptam extensi transgressus judicabitur, qui loco ignis exstuantis quo flagrare debet, nonnisi levem quæ vix foris prodit. flammam experietur?

R. 2do. dist. maj. peccat qui Deum non diligit quantum potest, & secundum mensuram & naturam gratiæ quam Deus ipsi largitur, aut nisi obicem poneret. largiretur, C. secus N. sic distincta min. neg. conseq. Ut intelligatur solutio, & infinita adversariorum declamationes convellantur, duo sufficiunt quorum veritatem agnoscunt ceteri præter Jansenianos Theologi: 1mo. ut Deus non jubeat impossibilia, sed simul præceptum & auxilium, legem & misericordiam afferat; 2do. ut non omnis quæ homini conceditur gratia, eundem ad idem objectum ferat, sed alia aliquando ad fidem, alia ad timorem, alia ad charitatem magis aut minus provectam, &c. Atqui hæc duo pro certis & inconcussis haberi debent: 1mo. enim Deus non jubet impossibilia; *nec enim impossibile aliquid potuit imperare qui justus est*, ait S. Casarius Arelat. 2do. non omnis gratia ad eundem effectum proximè ordinatur: hæc excitat ad timorem, illa ad initium fidei, alia inspirat amorem Dei propter se, alia amorem Dei ut est bonum nobis conveniens, uno verbo, ut docet S. Augustinus L. 1. ad Bonifacium cap. 19. & L. de nat. & grat. c. 67. Deus hominas voluntates ad bonum faciendum movere *miris & multis modis*, qui facile explicari non possunt. Unde colligere est quàm malè contendat autor Examinis theologici omnem & quamlibet veram Christi gratiam, esse charitatem propriè dictam, saltè inchoatam; quo semel posito systemate, Mahumetani, Athei, ceterique Infideles qui *sinè Deo* vivunt, si quid à Deo gratiæ recipiant, ut eos aliquando saltè recipere in confesso est etiam apud nobiliores S. Thomæ discipulos, charitatis illius eximiam quæ Deus castè & gratuito propter seipsum diligitur participes esse dicendi sunt, quod quàm absurdum sit nemo est qui non intelligat.

His positis, proposita difficultas facile evanescit. Dato enim quòd per præceptum *Diliges*, teneatur homo singulos suos affectus ad Deum referre, ad id non teneretur, nisi secundum præfentes quas habet vires. aut quas haberet, nisi poneret obicem gratiæ: atqui homo non semper habet gratiam charitatis strictè sumptæ quæ Deum propter se diligit, sed aliter & aliter movetur à multiformi gratiâ Dei; ergo non definit tunc adimplere præceptum de diligendo Deo, quia illud impletur ab iis etiam qui sinè charitate agentes ad charitatem se disponunt, juxta id S. Thomæ: ** Non est impossibile. hoc præceptum obser-*

* 1.2. q. 100. art. 10.

vare, quod est de actu charitatis, quia homo potest se disponere ad charitatem habendam. &c.

Inst. Quod teneor facere ex præcepto charitatis, hoc teneor facere ex motivo charitatis: atqui.

R. neg. maj. nam ex præcepto charitatis teneor credere & sperare, aliasque dispositiones ad charitatem necessarias habere, & tamen non teneor hosce actus elicere ex motivo charitatis. Sic die Dominicâ ad sacrum obligatus præcepto religionis, teneor eodem præcepto electo surgere nec tamen teneor surgere ex motivo religionis.

Obj. 2do. citata Apostoli verba, * *Sive manducatis; sive bibitis; &c.* & iterum: *Omne quodcumque facitis in verbo aut opere, omnia in nomine Domini Jesu Christi:* atqui hæc verba præceptum continent generale, & illud quidem impleri nequit, nisi homo actus suos ad Deum referat ex proprio charitatis motivo. Prob. min. ex S. Thomâ 1. 2. q. 100. art. 10. ad 2. *Sub præcepto charitatis;* inquit, *continetur ut diligatur Deus ex toto corde ad quod pertinet ut omnia referantur in Deum; & ideo præceptum charitatis homo implere non potest, nisi etiam omnia referantur in Deum;* ergo.

R. neg. min. & dico 1mo. præceptum Apostoli generale non esse; alioqui enim extendi debere ad omnes prorsus homines, atque etiam ad Infideles negativos; quod dici nequit, cum illi qui de Christo nihil unquam audierunt, peccare quidem possint cum actus suos saltém implicitè non referunt ad Deum creatorem, quem invincibiliter ignorare non possunt sed peccare non possint eisdem actus non referendo, seu non faciendo in nomine Domini Jesu Christi, quem invincibiliter ignorant. Ita Estius & Sylvius.

Dico 2do. cum S. Thomâ ibid & Sylvio, hominem Christianum teneri omnes actus suos in Deum referre, nec teneri tamen semper ad eos ex caritatis motivo referendos. Præceptum enim de diligendo Deo, non debet confundi cum præcepto de referendis ad Deum omnibus actionibus; quia præceptum istud, *Diliges Dominum Deum tuum,* non continet universalitatem quam continet istud, *Omnia in gloriam Dei facite:* & propterea præceptum dilectionis, cum sit affirmativum & sinè universalitate, non pro semper obligat; præceptum verò de referendis omnibus ad Deum, licet sit affirmativum, quia tamen continet universalitatem actionum, obligat pro omni tempore quo aliquid deliberatè operamur; alioquin non omnia in gloriam Dei essent referenda, cum ad eum non referentur quæ fierent eo tempore quo præceptum non obligaret.

Ad 2. dist. textum S. Thomæ, pertinet ad præceptum cha-

* I. Cor. 10. Colossi. 3. 27. *Es* *omni* *motu* *charitatis*

iuratis ut omnia referantur in Deum ex motivo charitatis,
 quando actu urget præceptum charitatis, C. pertinet semper
 ita ut semper urgeat præceptum charitatis, N. Fateor itaque
 quod juxta S. Thomam omnia ad Deum ex motivo charitatis
 referri debeant, quoties urget præceptum charitatis unde qui
 cum urget charitatis præceptum honorat parentes, & eos non
 honorat ex charitate, peccat; & quidem mortaliter, ut docet
 ibid. S. Doctor in arg. *Sed contra.* Sed nego & constanter ne-
 go quod juxta S. Thomam, vel præceptum, charitatis obliget
 semper, vel qui ex motivo charitatis non agit, quo tempore
 non obligat præceptum charitatis peccet saltem omissionis
 peccato. Utrumque invictè patet, imò. ex scopo S. Doctoris
 qui eo loci totus est ut probe modum charitatis non cadere
 sub præcepto divinæ legis id est, divinam legem impleri ali-
 quando posse absque eo quod impleatur ex motivo charitatis;
 2do. ex ipso quem adversarii adducunt & truncant S. Thomæ
 textu; sic ille: *Ad 2. dicendum quod sub præcepto charitatis*
continetur, ut diligatur Deus ex toto corde: ad quod pertinet ut
omnia referantur in Deum; & ideo præceptum charitatis imple-
re homo non potest, nisi etiam omnia referantur in Deum. Sic
ergo qui honorat parentes. tenetur ex charitate honorare, non
ex vi hujus præcepti, quod est, Honora parentes; sed ex vi hu-
jus præcepti, Diliges Dominum Deum tuum ex toto corde tuo.
Et cum ista sint duo præcepta affirmativa non obligantia ad
semper, possunt pro diversis temporibus obligare: & ita potest
contingere, quod aliquis implens præceptum de honoratione pa-
rentum, non tunc transgrediatur præceptum de omissione modi
charitatis. Ex quibus duo colliges, 1mo. Janfenianos, qui cen-
tiens textum hunc S. Thomæ citant, centies eundem corrumpere,
cum cautè supprimant posteriora hæc ejus verba, & cum
ista sint præcepta affirmativa, non obligantia ad semper; &c.
 2do. indubium esse quod in doctrinâ S. Thomæ possit quis
 absque ullâ delicti specie parentes alio quàm charitatis motivo
 honorare; idque fieri quoties quis parentes honorat, cum actu
 non obligat præceptum charitatis, quod utpotè affirmativum
 non semper obligat: tunc enim neque peccat contra præceptum
 honorandi parentes, quos de facto honorat: neque contra præ-
 ceptum charitatis, quod tunc supponitur non obligare. Et ve-
 rò si docuisset S. Thomas hominem hunc quacumque factâ
 hypothese peccare cum parentes non honorat ex motivo cha-
 ritatis, censuisset eum pro tunc mortaliter peccare, cum juxta
 ipsum ibid. quicumque non servat præceptum charitatis; peccet
 mortaliter; & à fortiori credidisset alias quæ minùs honestæ sunt
 hominis actiones, totidem esse mortalia peccata. Quis porrò
 tam erroneam opinionem S. Thomæ attribuere audeat. Inst.

Inst. S. Thomas Lect. 3. in c. 3. Epist. ad Coloss. verum agnoscat præceptum in his S. Pauli verbis: *Omne quodcumque facitis in verbo aut in opere, omnia in nomine D. N. J. Christi facite.* Quidam, inquit, dicunt quod hoc est consilium, sed hoc non est verum: atqui præceptum illud sine charitatis alicujus motu impleri non potest; secundum id ejusdem Apostoli I. Cor. 16. *Omnia vestra in charitate fiant;* ergo.

R. neg. min. quia potest quis operari in nomine Christi, & tamen non agere ex motivo charitatis strictè sumptæ, ut patet in iis qui actum fidei vel spei eliciunt; aut aquæ frigidæ potum tribuunt intuitu mercedis æternæ.

Nec nocet illud: *Omnia vestra in charitate fiant,* tum quia locum hunc intelligunt aliqui de amore secundum dictamen rectæ rationis ordinato, ut notat Estius: tum quia alii, ut idem Estius, restringunt hæc verba ad solos Fideles quibus annuntiata fuit lex Christi: sic tamen ut contra Apostoli legem non peccent mali Christiani, qui propter Deum fide cognitum elemosynam indigenti largiuntur, ita Deum ut finem spectantes ut in illo opere, nihil Deo anteponant, aut æquent, ad quod necessum non est ut homo agat ex impulsu charitatis strictiùs sumptæ; tum quia si verba hæc de charitate propriâ intelligantur, nihil aliud sunt quam præceptum affirmativum non obligans pro semper.

Ut ergo solvantur omnes S. Pauli textus. dicendum est imo eos si negativè accipiantur, obligare pro semper; quia nihil unquam facere licitum est quod adversetur amoris divini, aut quo creatum creatori præponatur vel æquetur; 2do. eisdem si sumantur affirmativè, vel sumi in sensu charitatis strictiùs acceptæ, vel eo sensu quod omnia hominum opera ad honestum finem ordinari debeant. Si primum, melius quidem est si quis actionem suam actu in Deum ordinet, ut ipse conformiter ad S. Bonaventuram docet S. Thomas in dist. 40. art. 5. ad 7. at id non est præcepti, nisi pro tempore quo illo quis tenetur actum suum in finem ultimum referre, ibid. dist. 41. q. 1. art. 2. ad 4. & tunc, quidquid dicant Jansenistæ, qui primum Decalogi præceptum ad nihil penè redigunt, dum illud tueri & extollere videntur, qui non agat ex motivo charitatis; mortaliter peccabit, ex eodem S. Thomâ 1. 2. q. 100. art. 10. Si secundum est quidem illud præcepti, quia semper necesse est honestum finem eligere, at nihil inde contra nos.

Obj. tandem plures S. Augustini, aliorumque Patrum rextus, in quibus quidquid à charitate non profuit, sterile & defectuosum esse perhibetur. Sic Augustinus L. de spir. & lit. cap. 14. *Nec enim fructus est bonus, qui de charitatis radice*
non

non surgit. L. 4. contra Julianum cap. 3. *Sine amore Creatoris, nullis quisquam bene utitur creaturis.* S. Gregorius Hom. 27. in Evang. *Nec habet aliquid viriditatis ramus boni operis, si non manet in radice charitatis; ergo.*

R. 1mo. SS. PP. similibus usos esse verbis, cum alias virtutes. earumque actus commendaverunt. Sic S. Gregorius Hom. 13. in Evang. *Nec opus bonum est aliquid sine castitate.* Vach! quoties textum hunc citassent Quenelliani, si S. Pater pro *castitate* dixisset *charitate*? Non minus expressè de humilitate locuti sunt, ut videre est in omnibus Libris qui de eâ virtute dis-ferunt.

R. 2do. nihil è voce *charitatis* quâ usi sunt SS. Doctores, multominus è voce *amoris & dilectionis* colligi posse, quia voces illæ in eorum Operibus usurpantur 1mo. ad exprimendam charitatem habitualement, cujus tamen influxus ad actionem, ut à peccato vacet, sine hæresi requiri non potest; 2do. ad exprimendum non solum eum voluntatis motum quo mens Deum propter se diligit, sed etiam quemcumque bonum animi affectum etiam naturalem. *Charitas*, ait Augustinus Serm. 349. * *alia est divina, alia est humana; alia humana licita, alia illicita..... Ut ergo breviter insinuem, licita est humana charitas, quâ uxor diligitur; illicita quâ meretrix vel uxor aliena..... licitam ergo charitatem habet; humana est, sed, ut dixi, licita est. Non solum autem ita licita est ut concedatur; sed ita licita, ut si defuerit, reprehendatur, &c.* His præmissis.

R. 3tio. dist. Quod sit sine charitate defectuosum est. ** si fiat positivè contra charitatem, ut si quis frui velit creaturâ, C. defectuosum est si simpliciter fiat sine charitate, subd; si fiat sine charitatè latè sumptâ pro quolibet bono motu, & tendentiâ in debitum finem, C. si fiat sine charitate strictè sumptâ, iterum dist. defectuosum est quatenus nec meretur de condigno, nec ad æternæ vitæ comparisonem sufficere potest, C. defectuosum est, id est verè peccatum, N. Nè unus quidem est ex iis textibus quos careratim citant Ethica amoris, & alii, cui solutio hæc applicari non possit.

ARTICULUS SECUNDUS.

De affectionibus Moralitatis.

PER affectiones moralitatis intelliguntur hîc 1mo. ejus principia: 2do ejusdem multiplicatio; 3tio. denique augmentum ipsius.

* Tom. ** Vid. S. Thomam l. 2. q. 23. a. 7.

SECTIO PRIMA.

De principiis Moralitatis.

Prinicipia moralitatis sunt ea omnia ex quibus fit ut actus bonus sit, aut malus, aut indifferens. Hæc tria recenseri solent scilicet objectum, finis, & circumstantiæ; quod an bene fiat, ut expendamus.

* Not. 1mo. objectum non sumi hîc in totâ suâ latitudine pro eo omni quod voluntati objicitur, sic enim comprehendere etiam finem & circumstantias; sed strictè & propriè, pro re omni aut personâ quæ primo & per se ab actu attingitur. Hoc sensu res aliena est objectum furti, Deus objectum charitatis, & proximus homicidii. Porro cùm objectum dupliciter concipi possit, vel materialiter & physicè, prout est ens aliquod positum extra nihil, vel moraliter prout ab agente attingitur modo qui rectæ rationi consentit, aut ab eâdem discrepat manifestum est objectū à quo actus moralitatem desumit, non accipi physicè, sed moraliter. Ceterum multi refert, siue objectum intrinsecè & ex naturâ suâ rationi conforme, ut amor Dei: an extrinsecè tantum & vi legis positivæ, ut abstinentiâ à certo carni genere quia in primo casu objectum est invariabile, adeo ut sit semper bonum aut malum, ut patet in actu charitatis, aut odii iniusti! in secundo autem casu idem objectum bonum aliquando, aliquando malum ex circumstantiis evadere potest.

† Not. 2do. circumstantia actûs, est accidens quoddam moraliter efficiens actum humanum jam constitutum in suo esse tum physico, tum morali. Est 1mo *accidens*, quia est quid extrinsecum entitati actûs, quæ sine tali accidente concipi & subsistere potest, sic locus sacer est circumstantia furti; 2do. *moraliter efficiens* &c. id est, modificans actum in ordine ad rectam rationem, adeoque ipsi conferens aliquid bonitatis vel malitiæ accidentalit; alioqui posset quidem esse circumstantia actûs humani quâ physicus est, sed non quâ moralis. Sic eleemosynam dare inimico, est circumstantia moralis, quæ actionem facit magis acceptam Deo; sed eleemosynam dare dexterâ manû vel sinistrâ, nec nocet nec prodest moribus; 3tio. *jam constitutum etiam in suo esse morali*; quia objectum actûs dat ipsi primam moralitatem, & idcirco circumstantia non nisi secundam dare potest. Circumstantiæ actionis quas latius prosequemur agendo de Peccatis septem recensentur hoc versu exprimi solitæ: *Quis, quid, ubi, quibus auxiliis, cur, quomodo, quando.*

Not. 3tio Licet finis una sit è præcedentibus circumstantiis expref-

expressa vocabulo *Cur*, de fine tamen particulariter agunt Theologi, quia ab eo, ut qui præcipuè moveat, præcipua desumitur moralitas. Ceterum finis de quo agitur in præsentī, non est finis operis, is enim non distinguitur ab objecto; sed est finis operantis, quique extrinsecus vocari solet. His positīs.

CONCLUSIO. I. Actio humana habet moralitatem suam ab objecto, spectato in esse morali.

Prob. 1mo. Ab eo actio suam habet moralitatem, à quo habet ut bona sit aut mala, tum in genere, tum in specie: atqui ab objecto habet actio ut bona sit vel mala, tum in genere, si objectum concipiatur generaliter ut rectæ rationi conveniens aut dissentiens, juxta id Osæ 9. *Facti sunt abominabiles sicut ea quæ dilexerunt*; tum in specie, si objectum consideretur ut bonum aut malum in hac vel illa specie; ergo.

* Confirm. Ab eo sumitur specifica moralitas actūs, ratione cujus quædam virtutes & vitia, ac proinde eorundem actus, à se invicem specio differunt: atqui quædam virtutes sicut & vitia ac proinde ipsorum actus, à se invicem specio differunt ratione objecti circa quod versantur. Sic virtutes theologice specio differunt à moralibus, quòd theologice Deum habeant pro objecto, non autem morales: sic etiam homicidium & adulterium specio distinguuntur, eo quòd illorum objecta specio discrepent; ergo actus moralis suam moralitatis speciem desumit ab objecto, ac proinde bonitas moralis quæ ab objecto desumitur est bonitas specifica, quia per eam actus constituitur in certâ specio.

Quòd autem moralitas non sumatur ab objecto in *esse rei*, sed in *esse moris* spectato, sequitur ex iis quæ prænotata sunt & patet, quia diversi actus voluntatis quorum alter bonus sit, alter malus, possunt ferri in idem objectum secundum *esse rei*, & entitative spectatum. Sic eadem pecunia potest esse objectum furti & restitutionis: eadem femina, objectum adulterii, & actūs conjugii, &c.

Obj. 1mo. Moralitas actūs non sumitur ab eo quod nullam habet moralitatem: atqui dantur objecta quæ nullam ex se ipsis moralitatem habent, ut videre est in deambulatione quæ ratione sui nec bona est nec mala; ergo.

R. 1mo. conc. totum, quia cùm dicimus moralitatem desumi ab objecto, intelligimus eam desumi ab objecto quando de se bonum est aut malum; si verò sit indifferens, moralitas repentina est, vel à fine, vel à circumstantiis quæ efficiunt ut qui objectum illud amplectitur, hic & nunc bene vel male agat.

R. 2do. neg. min. quia indifferentia ipsa haberi potest pro specie moralitatis. Illud enim est species moralitatis quod subijcitur

bjicitur legi; atqui indifferentia legi subjicitur, scilicet permittenti, quatenus lex permittit ut vir prudens amplectatur objectum quod ex se malum non est. *Quidam* actus, ait S. Thomas 1. 2. q. 92. *ex genere suo sunt indifferentes, & respectu horum lex habet permittere.*

Obj. 2do. Amor proximî mali, est actus bonus: sed proximus malus est objectum malum, ergo actus non desumit bonitatem ab objecto.

R. dist. maj. Amor proximi mali ut proximi; est actus bonus, C. proximi ut mali, N. Porro proximus quâ proximus, est objectum bonum.

Duo hic notanda: 1mo. ut actus sit bonus moraliter, necesse est ut voluntas saltêm confusè feratur in objectum ut bonum & honestum. Hinc qui ex solo humanæ æstimationis comparandæ desiderio reddit alteri quod suum est, facit quidem actum objective bonum, sed non bonum moraliter, quia non agit propter ipsam honestatem, sed propter solam delectabilitatem, à quâ actus habere non potest quòd sit moraliter bonus; 2do. ut actus sit moraliter malus, non requiritur ut ipsa objecti malitia directè intendatur: alioqui nemo aut penè nemo peccaret, cùm omnes delectationem quærant, nulli aut fermè nulli malitiam velint; quam plerique ab actu malo, si fieri posset procul abesse vellent.

* CONCLUSIO. II. Actus humani tam interni quàm exteriores bonitatem aut malitiam desumunt à circumstantiis.

Prob. 1mo. ex Marc. 12. ubi *vidua pauper* quæ in gazophylacium *misit duo minuta*, præfertur divitibus qui summas majores dederant; ergo actio viduæ hujus ex paupertatis circumstantiâ nobilior & sanctior facta est. Atqui idem de sincero ejus desiderio dicendum videretur.

Prob. 2do. Si circumstantiæ nullam actibus etiam merè internis moralitatem impertirent, Ecclesiæ clavibus subijci non deberent, quia actus ex iis nec melior fieret nec deterior: * atqui tamen subijci debent ex Tridentino, ubi dicitur *eas circumstantias in confessione explicandas esse, quæ speciem peccati mutant: quòd sinè illis peccata ipsa à penitentibus integrè non exponantur.* Et hæc ratio ostendit ipsas etiam actuum internorum circumstantias in confessione aperiri debere neque enim iis suppressis poenitentes peccata sua satis exponerent. An enim satis peccati sui gravitatem exprimeret, qui significans se iniqua circa uxorem proximi habuisse desideria, reticeret se ea voluisse in templo Domini implere?

Prob. 3tio Dantur actus alii aliis meliores aut peiores, licet idem habeant objectum, eundemque finem: atqui tales actus

necessariò bonitatis aliquid aut malitiæ defumunt ex circumstantiis. Minor patet, prob. maj. Actio illius qui nummum furatur in templo, pejor est quàm si extra templum fieret; pariter actio pauperis qui pauperi alteri eleemosynâ erogat, ceteris paribus sanctior est, quàm actio divitis: atqui tamen actio illius qui in Ecclesiâ furatur, non aliud habet objectû, quàm si furaretur, extra. Utrobique enim intendit alieni boni possessionem, &c.

Obj. Quod dat moralitatem intrinsecam actui, debet esse eidem actui intrinsecum: atqui plures sunt circumstantiæ quæ actui non sunt intrinsecæ, ut locus & tempus; ergo plures saltem sunt circumstantiæ quæ nullam actui moralitatem tribuunt.

R. neg. maj. Objectum enim est actui extrinsecum, & tamen moralitatem intrinsecam eidem communicat. Ratio ulterior est, quia ordo quem actus dicit ad objectum aut circumstantias est eidem actui intrinsecus, sive essentialiter, sive non: porro ex ordine hoc intrinseco, nascitur moralitas intrinseca.

CONCLUSIO III. Moralitas actuum humanorum etiam defumitur à fine.

Prob. ab eo defumitur moralitas actûs, quod facit actum ex indifferente bonum vel malum, ex malo pejorem, ex bono malum, vel meliorem: atqui finis facit actum 1mo. ex indifferente bonum vel malum: sic deambulatio mala est si fiat luxûs ostendendi causâ, bona verò si fiat ut quis liberiùs deinceps Deo famuletur; 2do. facit actum ex malo pejorem, ut si quis furetur quo possit lautius vino indulgere; 3tio. facit actum ex bono malum, ut si quis jejundet eo finè ut hominibus appareat jejunans, 4to. facit actum ex bono meliorem, ut si quis eleemosynam erogat ut peccata sua redimat.

Quæres an actus malus bonum in finem relatus definat esse malus: an v. g. peccet qui mentitur ut innocenti vitam conservet. Ut solvatur difficultas,

Dico 1mo. actum hunc esse reipsâ malum, & prob. 1mo. quia Apostolus Rom. 3. eos damnat qui dicunt, *Faciamus mala, ut eveniant bona*; 2do. quia ad malitiam moralem satis est, ut desit vel unicum eorum quæ debentur actui, secundum vulgatum id *Bonum ex integrâ, causa malum ex quolibet defectu*; ergo ubi medium est malum, actus simpliciter malus est.

At inquires: Ex Matth. 6. *Si oculus tuus fuerit simplex, totum corpus lucidum erit*: atqui per oculum intelligitur intentio, actio verò per corpus, Hinc recepta hæc sententia, *Quidquid agant homines, intentio judicat omnes*.

R. ex hoc Scripturæ textu nihil concludi contra nos, quia intentio non est simplex nisi cum est recta, non est autem re-

cta

ca nî
intendit
Christus.
eulim
Instab
mentien
eligi men
R. neg
spectu tu
tes: ade
malo abs
Dico
nem bon
Præverat
dicitur q
ulterior e
catum: p
nor est
quod in
delegitur

Duo
ut u
oppositas
am, alian
ex aliâ p
actus pos
as bonitat
Nor. 1
posse succ
Sic potes
onem har
licitus fir
co, cum
est in esse
Nor. 2
concurer
observare
ta S. Ang
nora dilig
Nor. 3
cumstanti
Moral.

cta nisi bonus finis intendatur & bene: atqui bonus finis non intenditur bene, nisi cum per media licita intenditur: unde Christus Joan. 16. eos damnavit qui Apostolos persequabantur, *exillimantes obsequium se praeferre Deo.*

Instab. E duobus malis eligendum est minus: ergo si vel mentiendum sit, vel auferenda innocenti vita, potest & debet eligi mendacium.

R. neg. conseq. neque enim proximi mors, est malum respectu tui, cum non nisi mendatio vitam ejus conservare potes: adeoque non teneris inter duo mala eligere, sed ab omni malo abstinere.

Dico 2do. Minuitur tamen malitia actus mali, cum ad finem bonum dirigitur. Ita S. Thomas 2. 2. q. 110. art. 2. Praeiverat S. Augustinus Lib. contra mendacium c. 8. ubi *pejor dicitur qui concupiscendo, quam qui miserando furatur.* Ratio ulterior est, quia peccati gravitas desumitur ex affectu ad peccatum: porro ubi actus malus bonum ad finem ordinatur, minor est ad peccatum affectus; quia tunc non tam amatur id quod in peccato placere solet, quam ratio utilitatis quae in eo detegitur relativè ad bonum quod procurare potest.

SECTIO SECUNDA.

De multiplicatione Moralitatis in eodem actu.

DUO hic quaruntur: 1mo. an unus & idem numero actus, ut una eademque elemosyna, possit simul habere duas oppositas moralitatis species, id est, bonitatem simul & malitiam, aliam quidem ex unâ parte, v. g. ex objecto, aliam autem ex aliâ parte, putà ex fine; 2do. an saltèm unus idemque actus possit duas habere moralitates ejusdem generis, v. g. duas bonitatis aut malitiae species. Ut certa ab incertis secernantur.

Not. 1mo. Conveniunt pene omnes, eundem numero actum posse successivè esse moraliter bonum & malum, & è contra. Sic potest aliquis velle vesci carnibus tempore licito, & volitionem hanc eo etiam tempore continuare quo carniem esus illicitus sit: atqui tunc unus est idemque actus in genere Physico, cum ut supponitur, interruptus non sit; & tamen diversus est in esse moris, transitque ab unâ moralitatis specie in aliam.

Not. 2do. Certum etiam, est eum qui è duobus quae simul concurrerent praeceptis, graviore neglecto sciens & volens minus observaret, eliciturum esse actum simpliciter malum; quia juxta S. Augustinum vult Deus *ut potius potiora, & minus minora diligamus;* ergo.

Not. 3tio. & id quoque extra controversiam est 1mo. circumstantiam moraliter malam totum actum vitare, ut si quis

non celebret Sacrum nisi lucri intuitu; 2do. actionem intrinsicè & ratione objecti malam, non posse ullà cohonestari circumstantiâ, unde statim inferebamus eum semper peccare qui mentitur ut proximo vitam conserve. Quæstio igitur procedit de intentione aliave circumstantiâ venialiter malâ, an totam actûs cui jungitur substantiam itâ corrumpat, ut in eo actû unico solùm reperiatur moralitas, eaque mala, quæ totam objecti de se boni bonitatem auferat. Quæ difficultas ut solvatur.

Not. 4to. malam circumstantiam actioni de se bonæ dupliciter annecti posse: 1mo. *antecedenter*, cùm in actum influit ut causâ ipsius, si quis v. g. jejundet ut laudetur ab hominibus; 2do. *concomitanter*, cùm actioni de se bonæ & bonum in finem directæ accedit in operis decursu aliquid mali, ut si quis inchoato bonum in finem jejuniò, gloriam inanem inter jejunandum concipiat, vel aliqua veniali impatientiâ, tedio parvo, distractione afficiatur. His præmissis, sit.

CONCLUSIO I. In actû qui bonus est objectivè, malus verò ratione finis, unica est moralitas, nempe finis malitia, quæ in objectum ejus redundat, ejusque bonitatem moralem omnino destruit. Itâ S. Thomas in 2. dist. 38. q. 1. art. 4.

Prob. 1mo, ex Scriptura. Qui orant, jejunant, sublevant pauperes, ut videantur ab hominibus, * *receperunt mercedem suam, vani vanam*, ut breviter explicat S. Augustinus: ** atqui si mala intentio non vitaret substantiam eorum orationis, jejuniû, &c. possent aliam mercedem recipere, ut per se patet.

At, inquires, actus prædicti fiebant ex hypocrisis, quæ cùm peccatum sit mortale, non mirum est si vitiet illud omne cui admisceatur.

R. Hypocrisis quam increpat Christus, multoties saltèm debuit esse venialis, cùm qui humanæ laudis intuitu operantur, sæpe non peccent nisi venialiter. Et certè cùm verba Christi generalia sint & indistincta, cur absque necessitate retringentur ad eam solam hypocrisim quæ peccatum est mortale?

Prob. 2do. Si actio illius qui ob vanam gloriam mendico stipem erogat, bona esset, utique ratione objecti: atqui hæc actio nè ratione quidem objecti bona est. Ut enim hæc actio non sit etiam objectivè bona, sufficit ut objectum actionis hujus non sit eleemosyna simpliciter. Sed eleemosyna prout ad malum finem relata, quæ ut talis non potest esse moraliter bona: atqui res itâ se habet. Hæc enim actio cùm sit electio, habet pro objecto medium non in se simpliciter, sed ut conducens ad finem; ergo objectum ejus non est purè eleemosyna, sed eleemosyna materialiter sumpta & prout peccati instrumentum, quod sanè malum est.

* Obj.

* Matth. 6. ** Conc. 12. in P salm. 118.

* Obj. 1mo. Ibi duplex est moralitas, ubi bonitas objecti non destruitur per malitiam finis: atqui in actu eleemosynæ ob vanam gloriam datæ bonitas objecti non destruitur per malitiam finis. Finis enim utpotè extrinsecus objecto, bonitatem ejus destruere non potest; ergo.

R. ad 1. neg. min. ad 2. dist. maj. Finis est quid extrinsecum in genere entis, C. in genere moris, N. Quod enim transit in rationem objecti specificantis, non est objecto extrinsecum in ratione moris: atqui finis malus transit in rationem objecti specificantis. Tunc enim objectum intenditur ut medium; adeoque ut habens ordinem ad malum finem; quod autem consideratur reduplicativè ut ordinatum ad malum, non nisi pro malo haberi potest.

† Inst. Qui instante præcepto dandi eleemosynam, eam erogat ex motivo inanis gloriæ, implet præceptum, & melius facit quàm qui nihil dat: atqui nec præceptum impleret, nec melius ageret quàm alter, si eleemosyna ejus ex malo fine vitaretur: præcepta enim non nisi per actus bonos implentur, &c.

R. dist. maj. qui pauperi ex vanæ gloriæ motivo succurrit, implet præceptum *materialiter*, quatenus materiam seu substantiam actûs lege præcepti ponit, C. implet præceptum *formaliter*, & adæquatè, quasi illud omne faciat quod Deus fieri præcepit, N. Undè licet minùs peccet quàm qui nihil dat, si tamen propriè loqui velis, non melius facit, quia neuter formaliter bene facit; & ideo comparativum *melius* est de subjecto non supponente.

* Ergo, inquires, in tali eleemosynâ duplex erit malitia, una ex fine vitiante, altera ex objecto vitiato: atqui hoc ridiculum est, alioqui in omni ferè actu duplex simul occurreret peccatum.

R. Aliqui fatentur hîc duplicem reperiri malitiam, ob rationem in objectione allatam; sed alii unicam tantùm admittunt, vanæ scilicet gloriæ, quæ totam hanc actionem vitiat, ad instar fermenti quod totam farinæ cui injicitur massam corrumpit: unde ut in massâ non alia est corruptio quàm fermenti, sic & in hujusmodi actionibus una solùm est malitia quæ finem afficit intrinsecè, & objectum extrinsecè.

Obj. 2do. Ex opinione nostrâ sequitur 1mo. hominem justum qui martyrium ex aliquo gloriolæ motu subiret; omnium caritatum esse merito, imò peccatum; 2do. eum qui ex eodem motivo Baptismum susciperet, gratiâ donandum non esse; atqui absurdum consequens; alioqui vix homo ullum eliciet opus quod bonum sit, cum vix ulla sit è nostris actionibus

cui

cui non aliquid misceatur imperfecti, & quasi pannus menstruatus sit: omnes iustitiæ nostræ, Isaia 44.

R. neg. min. neque enim absurdum est ut qui verum martyrium non subit, Martyrii gloria & aureolâ frustretur. Unde S. Hieronymus in c. 1. Epist. ad Galat. *Martyrium ipsum, si ideo fiat ut admirationi & laudi habeamur à fratribus, frustra sanguis effusus est.* Imò aliqui existimant profusionem vitæ & sanguinis in tali casu esse peccatum mortale, quia licet inanîs gloriæ secundum se sit tantum veniale, vitam tamen ex inanîs gloriæ motivo prodigere, est mortale, sicut se absque aliquo bono sine morti exponere.

Pariter qui ex malo sine Baptismo se donari permetteret, characterem reciperet, non autem gratiam quæ certas prærequirit dispositiones in adultis, ut alibi docent Theologi.

Neque tamen animis cadendum est: tum quia iuvante gratiâ facile est se suæque in Deum referre; tum quia non omnis circumstantia mala operi bono adveniens suam ipsi malitiam communicat, ut statim dicemus, sed ea tantum quæ est actionis causâ, quam agens sibi proponit, quæ virtutis actus eligit ut medium ad iniquitatem, quæ peccatum exercet sub pietatis umbrâ, &c.

Quod obijciatur ex Isaia, nihil probat: non enim loquitur Prophetâ de iustitiâ eorum qui sincerè Deum timent; sed de exteriori Judæorum impiorum iustitiâ seu justificatione, ut loquitur S. Paulus Heb. 9. hæc autem iustitia cum mera esset hypocrisis & dolus, Deo placere non potuit.

† CONCLUSIO II. Circumstantia venialiter mala adveniens actui bono, totam ejus bonitatem non aufert. Itâ communior & probabilior opinio.

Prob. 1^{mo}. Si quævis circumstantia venialiter mala in ipsos etiam virtutis actus irrepens, totam eorum bonitatem extinguat, vix ullus erit actus meritorius; quia vix ullus est actus bonus in viris etiam sanctis, licet cautè vigilantibus, qui non aliquâ vitiosâ circumstantiâ, teporis v. g. tardii, impatientiæ, gloriæ, &c. veluti terreno habitu obnubiletur: atqui falsum & nimis durum consequens, imò & Patrum doctrinâ, & solito ac suavi summi provisoris agendi modo repugnans. Etsi enim Sancti se servos esse inutiles fatentur, haud tamen despondent animum, sed bonis operibus incessanter insistant, scientes quòd scrutator renum & cordis separabit pretiosum à vili, & itâ bonorum operum sordes velut paleas igne Purgatorii examinabit, ut quòd inde supererit, pro auro mundo habiturus sit.

Prob. 2^{do}. à priori. Idem sit de ceteris actibus judicium, ac de actu illius qui sic comparatus est ut nolit quidem prædicare nisi

nisi propter DEI gloriam, aut elemosinam dare nisi propter sublevationem pauperis à DEO præceptam, & qui ad illa opera promptius determinari solet & velut inescari proprii amoris titillatione: atqui sic prædicans, sic succurrens pauperi, edit opus bonum, quamvis non omni ex parte desecratum. Illud enim opus est verè bonum, in quo agens iuvante gratiâ bonum sibi proponit finem, & in eum tendit medio proportionato: atqui hoc contingit in proposito casu, bonum enim est gloriam DEI per verbi ministerium procurare; ergo.

At, inquires, malitia circumstantiæ supervenientis bonum hoc corrumpit.

R. neg. ant. mala enim circumstantia, de quâ loquimur, non influit in bonum actum, neque est ejus causa efficiens aut finalis præcipua. Quapropter quod hic dicitur circumstantia, non tam est circumstantia, quam actus planè diversus, qui secundum se malus est, dum alter secundum se bonus est, licet hocce confortio minuat ejus bonitas.

* Obj. 1mo. Quod recta rationis dictamini consentaneum non est, bonum esse nequit: atqui objectum de se quidem bonum sed mala vitiarum circumstantia, eo ipso desinit consentaneum esse rectæ rationi. Recta enim ratio præcipit ut bonum bene fiat: sed bonum quod malis vestitur circumstantiis bene non fit; ergo.

R. ad 1. dist. min. Objectum de se bonum desinit rectæ rationi consentaneum esse, si ordinetur in malam circumstantiam ut purum medium, C. si quaratur præcipue propter bonitatem suam intrinsecam, subd. non est rectæ rationi consonum, nec bene fit omnino & adæquatè, C. nulla ex parte consonat rectæ rationi & fit malè penitus; N. Itaque si bonum opus assumatur ut medium purum vanitatis & peccati, haud dubium est quin actio secundum se totam vitietur, & eò pejor sit quod bonitas iniquitatis ministra constituitur; sed si circumstantia habeat se per modum accessorii, nec impediatur quominus agens, rem rei que honestatem præcipue intendat, tunc, etiam pro certo tenendum videtur, actionem hanc etsi imperfectam, non omni sua justitia excidere. Quis enim credat eum qui ex justa necessitate, & ut DEO validius servire queat, cibum sumens, non nihil insidians voluptati indulget, iis illicò annumerandum esse qui contra DEI gloriam agunt? Si res ita sit, dicendum est cum Calvinianis, nullam moraliter loquendo esse hominis actionem quæ peccatum non sit.

Inst. Si talis actus esset aliqua ex parte bonus, idem actus esset simul meritorius & demeritorius. Falsum consequens.

R. neg. maj. Tunc enim non tam unus est & idem actus, quam actus duo qui se invicem committantur.

Obj. 1mo. Actus bonus est actus virtutis sed actus virtutis nulla potest esse ratione malus.

R. dist. min. Actus virtutis, id est, actus prout à virtute procedit non potest esse malus, C. id est, actus prout est à voluntate quæ deficit, aut à malo habitu qui se ingerit, non potest aliquid sordidum contrahere, N. Quæstio non est, an actus virtutis prout à virtute procedit malus esse queat; sed utrum imminui possit per aliquam circumstantiam malam, v.g. gloriam inanem, nec tamen quoad substantiam tolli. Hoc secundum asserimus, seu potius contendimus hominem qui gratia motus aliquid agit, & simul cupiditate irrepenit laceffitus, eidem paulò plus indulget sensu scèpius exposito, peccare quidem dum malo titillanti consentit, sed nihilominus aliquid promereri; quia non desinit in bonum finem per bonum medium tendere.

CONCLUSIO III. Unus idémque actus potest simul habere duas bonitatis aut malitiæ species, unam ex objecto alteram ex fine.

Prob. 1mo. Malitia & bonitas actus summuntur ex ejus difformitate vel conformitate cum ratione: atqui unus idémque actus potest multis simul modis rationi difformis esse vel conformis. Cùm enim quis furatur ut se inebriet, duplex in eo actu reperitur deformitas, alia quidem ex objecto, re scilicet aliena quæ tollitur, alia ex fine, ebrietate nimirum quàm fur intendit; ergo à pari cùm quis eleemosynam tribuit pauperi ut peccata sua redimat, duplex in eo actu occurrit bonitas, alia misericordiæ, altera verò pœnitentiæ.

Prob. 2do. Ideo, juxta Vasquem, in actu qui bonus est ratione objecti & finis, duplex non est bonitas, quia bonitas objecti destruitur per ejus relationem ad ulteriorem finem; quatenus talis objecti bonitas non est voluta ratione sui, sed ratione alterius: atqui hæc ratio, ejusque probatio nullius est momenti. Si enim bonitas objecti destruat ex ejus relatione ad finem ulteriorem, non erit majoris meriti eligere ad finem charitatis opera excellentioris virtutis, quàm alterius minùs eximie, imò quàm actus de se indifferentes: quia cùm bonitas moralis hujusmodi objectorum pro nihilo reputetur, sed desumatur tota à fine qui semper idem remanebit, perinde valebit jejunium unius diei ac actus Martyrii, quod absurdum est.

Dices: Qui opus aliquod pietatis eligit propter pœnitentiam, opus illud non appetit propter se, sed ut medium ad pœnitentiam: atqui medium ut medium non habet rationem boni honesti.

ni honesti, quæ soli fini convenit, sed tantum boni utilis; ergo qui tale opus eligit, nullam in eo invenire potest bonitatem quam finis.

R. neg. min. nam, ut bene ait Angelicus Doctor in 1. dist. 1. q. 2. art. 1. ad 3. *non est inconveniens ut aliquid propter se ametur, & tamen ad alterum ordinetur.* Et ratio est, quia id quod ad aliud ordinatur, ut eleemosyna ad satisfactionem pro peccatis, suam propriam honestatem atque bonitatem habere potest: unde non habet rationem puri medi, qualis est in medicina quæ non nisi ob sanitatem diligitur, sed finis intermedi; ac proinde est bonum utile prout ordinatur ad aliud, & bonum honestum ratione sui; ergo duplicem necessariò habet bonitatem, aliam ratione finis, aliam ratione sui.

† SECTIO TERTIA.

De augmento Moralitatis per actum exteriorem.

QUÆRITUR an executio actus exterioris, * v. g. erogatio actualis eleemosynæ superaddat aliquid bonitatis, efficaci ejusdem actus desiderio. Idem respectu malitiæ de futuro furtoque voluntate dicendum. Ut status quæstionis plenius intelligatur.

Not. 1mo. Certum est apud omnes, actum exteriorem interiori conjunctum veram habere bonitatem vel malitiam, quia tunc est liber & rationi conformis aut difformis. Unde in Evangelio præcipiuntur aut prohibentur, commendantur aut vituperantur actus exteriores; cum tamen Christus non præcipiat aut laudet nisi quod bonum est, nec prohibeat aut vituperet nisi quod moribus bonis adversatur.

Not. 2do. Certum est etiam actum internum sæpè diutius continuari propter actum exteriorem. Sic qui vult homicidium perpetrare, ejusdem homicidii voluntatem protrahit, dum media ad scelus suum, arma, comites, occasionem inquit: de hac additione, ut potè quæ accidentalis sit, non movetur difficultas.

Not. 3tio. Certum etiam est actum interiorem sæpè augeri & intendi per exteriorem. Sic v. g. actualis voluptas quæ ex ebrietate aut impuris criminibus dum sunt, misere percipitur, fornicationis, aut excessivi potus affectum intensiorem seu ardentiorum efficere solet. Neque de hac intensione controvertitur, sed potius de extensione; seu quæritur an bonitas aut malitia formalis actus exterioris, diversa sit à bonitate vel malitia actus interioris à quo imperatur, adeò ut melior sit actio illius

F4

qui

* S. Thom. 1. 2. q. 20.

qui eleemosynam dat de facto, quàm ejus qui eam dare vult non potest defectu facultatis vel occasionis. Sit.

CONCLUSIO. Actus exterior, prout est mera executio actus interni, non adjungit ei bonitatem aut malitiam in ordine ad primum vel poenam essentialem, adjungit tamen in ordine ad primum vel poenam accidentalem. Ita S. Thomas in 2. dist. 40. q. 1. art. 3.

Prob. 1. pars: imo. ex Scriptura quæ non minùs laudat aut redarguit, quæ quis sincerè & plenè facere voluit, quàm si de facto ea fecisset. Sic Genes. 22. dicit Deus ad Abraham: *Quia fecisti hanc rem, & non pepercisti Filio Tuo unigenito propter me, benedicam tibi;* & tamen Abraham de facto filium suum non occiderat. Matth. 5. *Omnis qui viderit mulierem ad concupiscendum eam, jam mæchatus est eam in corde suo.* Quæ verba expendens S. Bernardus Epist. 77. cap. 2. ait: *Quid planius, inquit, quàm quòd voluntas pro facto reputatur, ubi factum excludit necessitas.*

Prob. 2do. Si actus exterior aliquem bonitatis gradum superadderet actui interno, posset quis alium privare aliqua bonitate morali & per consequens præmio essentiali quod ipsi correspondet; potest enim quis per vim impedire nè alter Sacro intersit, aut eleemosynam det pauperi: atqui falsum consequens; alioqui dona gratiæ & gloriæ, fortunæ vicibus & furum violentiæ obnoxia forent, ut & ipsa exteriora bona; ergo.

Prob. 2. pars: imo. ex communi Theologorum sensu, qui post S. Thomam * docent eos qui sola voluntate Martyres sunt, posse quidem mereri æquale & majus præmium essentiali, quàm qui re ipsa pariuntur pro Christo, quia possunt majori affici charitate; non tamen præmium accidentale quod suprà aureolam vocavimus, quia hæc non rependitur nisi exteriori passioni.

* Prob. 2do. Præmium essentiali est conjunctio animæ ad Deum per visionem & amorem fructivum; præmium verò accidentale est gaudium de quocunque bono creato: sed qui actum externum, v. g. eleemosynam posuit, de ejus positione gaudebit in Coelis, qui verò ponere voluit & non potuit, de positione ejus gaudere non poterit: ergo licet ambo conveniant in præmio essentiali, different tamen in accidentali. Idem à contrario dicendum de reprobis, qui licet conveniant in poena essentiali, quæ est separatio à Deo, different tamen in accidentali, quia qui actu defacto peccaverunt, cruciabuntur non de eo solum quod malè voluerunt, sed de eo etiam quod malè fecerunt; & de omnibus malis quæ externas suas iniquitates consecuta sunt.

* In 4. dist. 40. q. 3. art. 3.

† Obj.

† Obj. 1mo. Qui voluit furari aut adulterari & non potuit, de omissione hac Deo gratias habere debet: atqui nulla esset ratio cur tales ageret gratias, si actus exterior nihil superadderet mali; ergo.

R. neg. nun. est enim semper cur Deo gratias habeat qui abstinuit ab opere quod animo conceperat: tum quia* *vix fieri potest ut voluntas opere externo non augeatur*, tum quia opus externum accidentali poena non ab hominibus solum punitur, sed à Deo; tum quia actu exteriori generantur pravi habitus qui ad similes actus inclinant, incurritur infamia, irregularitas, &c.

Obj. 2do. Si actus exterior nihil conferat ad bonitatem, tantum recipit gratia qui Martyrium sincere quarit, quam qui illud subit re ipsa; item qui Sacramentis resciri optat, quam qui iisdem actu rescitur; aut qui jejunare vult & non potest, quam qui jejunit de facto: atqui hæc falsa sunt, præsertim de Sacramentis quæ percepta gratiam conferunt ex opere operato, quam in voto solum non conferunt.

R. neg. maj. Ratio est, quia Martyrium ex singulari Dei privilegio & velut ex opere operato plus proficit cum revera sustinetur, quam cum desideratur. Idem à fortiori dicendum de Sacramentis, quorum actuali receptioni alligata est ex Christi institutione gratia quædam particularis, quæ ex eorundem desiderio non producit. De hac efficacia quæ certis operibus à Deo indita est non loquimur, sed de opere operantis, quod si solitarie sumatur, non plus meretur præmii essentialis cum operi externo conjungitur, quam cum ab eodem involuntarie separatur.

Quod si quæras cur martyrio dum actu tolleratur, hæc privilegia data fuerint, recurrendum est ad simplex Dei beneplacitum. Potest tamen hæc afferri convenientia, quod per actuale Martyrium homo privetur vitæ & statu in quo amplius mereri possit, non autem per solum Martyrii desiderium, unde æquum fuit ut Deus qui ab homine non vincitur in benefactis, ex sua parte compensaret, id quod homo ex alia sibi præripere videtur; & hæc compensatio in aliis Sanctis occurrit; etiam enim qui stipem dare non potuit, de ea data lætari non possit, gaudebit tamen & remunerabitur de mœrore quem inde percepit.

Ad id quod additur de jejunio, fateor seriam jejunandi vocationem non minus gloriam mereri quam ipsum jejunii exercitium; sed cautè cavendum meliorem tamen esse conditionem illius qui reverà jejunit, quam qui solum vult jejunare: tum quia actus exercitus efficit ut bona voluntas diutius continueatur & sæpe intendatur; tum quia homo licet per solum jejunii desiderium mereatur, per illud tamen aut alia similia non satisfacit

* *Sylvius.*

tisfacit eodem modo ac per ipsum jejunium, quia ad satisfactionem requiritur opus quatenus poenale, seu vera poenae permissio, quæ in solo actu interiori, eodem modo non occurrit.

Obj. 3tio. Ideo juxta nos opus externum non addit novam actui interno malitiam, quia non est imputabile secundum se, sed duntaxat in causâ in quâ sola liberum est: atqui fundamentum hoc omnino ruinosum est. Quod enim in se ipso prohibitum est, imputabile est secundum se ipsum: atqui opus externum ut tale prohibitum est, & alio quidem præcepto quam quo veritum est ipsius desiderium: si enim dictum est. *Non concupisces uxorem proximi tui*, dictum est *Non machaberis*. Et verò si externum opus novam non aderet malitiam, non tenerentur illud confiteri, quia declarato actu interiori tota actus malitia sufficienter declararetur: atqui hoc repugnat usui & judicio totius Ecclesiæ:

R. ad 1. neg. min. & dico opus externum non addere novam actui interiori malitiam, quia non est imputabile, seu malum malitiâ diversâ ab eâ quam habet efficax ejusdem operis desiderium; potuisse tamen & debuisse prohiberi, quia reipsâ malum est, & variis obnoxium augmentis & effectibus quæ in solo ejus desiderio non reperiuntur.

Quod spectat ad confessionem, dubio procul aperienda est actus externi circumstantia: 1mo. quia ex hac declaratione magis aperitur efficacia & gradus malæ voluntatis; 2do. quia alia peccatis quæ in corde consummantur, aliâ iis quæ foris prodeunt remedia applicari debent; 3tio. quia actus exterior inducit censuras, onus restituendi & similia quæ ex solo actu interiori non consequuntur.

ARTICULUS TERTIUS.

De merito Actuum humanorum.

Videndum 1mo. quid & quotuplex sit meritum, * & an homo mereri possit; 2do. quænam sint actionis meritorie conditiones.

SECTIO PRIMA.

De essentiâ & existentiâ Meriti:

Meritum hic definitur: Opus bonum, præmio seu retributione dignum. Sed quia retributio bono operi multis modis deberi potest: multiplex distinguitur meriti genus: aliud de congruo, cum præmium debetur non ex obligatione justitiæ

S. Thom. 13. c. 2. q. 114.

stitia, sed ex decentiâ quâdam & liberalitate, ac, ut ita dicam, ex honestate præmiantis; aliud de condigno, cum præmium debetur tanquam merces ex iustitiâ. Si opus cui ex iustitiâ debetur merces habeat æqualitatem cum mercede, sine gratia ex parte remunerantis, erit meritum de condigno rigorosum, si verò operis valor & dignitas, remunerantis gratia nitatur, erit meritum de condigno ordinario. Quæritur an homo mereri possit. Quæstio non movetur de merito rigoroso, quod soli Christo competit; actiones enim nostræ in gratia fundantur, suntque dona Dei, & aliunde ita ipsi debitæ sunt ut omnes sibi vindicare possit; agitur ergo de merito simpliciter quidem dicto, sed tamen minus rigorosè sumpto, sit.

CONCLUSIO. Homo per gratiam operans verè & propriè meretur. Est de fide contra Protestantes.

Prob. 1mo. Merces respondet merito propriè dicto, juxta id Augustini Epist. 194. *Quod est merces operanti, hoc militanti stipendium*: atqui Scriptura variis in locis docet reddendam esse à Deo mercedem justorum operibus. Math. 5. *Merces vestra copiosa est in Cælis*; ergo Scriptura docet æquivalenter hominem mereri. Imò ex eo sum Calvino meriti nomen admittit expressè, ut Eccl. 1mo. *Misericordia faciet locum unicuique, secundum meritum operum suorum*. Jam verò meritum simpliciter & absolute dictum, significat meritum de condigno ordinario, quia meritum de congruo non est veri nominis meritum; aliunde autem meritum rigorosum puræ creaturæ non convenit; ergo.

Confirm. Quod datur à Deo ut justo Iudice, quod datur ex iustitiâ, illud datur ob meritum de condigno: atqui vita æterna datur..... juxta id Apostoli II. ad Timor. 4. *Reposita est mihi corôna iustitiæ, quam reddet mihi Dominus justus Iudex*.

*Prob. 2do. ex Patribus S. Cyprianus Lib. de unit. Eccles. *Præceptis Dei obtemperandum est, ut accipiant merita nostra mercedem*. S. Augustinus cit. Epist. 194. n. 6. & 20. *Nullane sunt merita justorum? Sunt planè, quia iusti sunt; sed ut iusti fierent, merita non fuerunt..... Sicut merito peccati tanquam stipendium redditur mors, ita merito iustitiæ tanquam stipendium vita æterna*. Quæ verba si quid, certè meritum propriè dictum significant.

† Obiciunt Novatores 1mo. quòd omnia justorum opera sint peccata, adedque nihil mereri possint; 2do. quòd hominis merita, Christi meritis detrahant.

Sed utrumque planè falsum est. Quomodo enim opera quæ Deus fieri districtè jubet; quæ eo inspirante fiunt, quorum ipse est merces magna nimis, peccata dici possunt? 2do. quomodo

modo merita quæ vim totam suam habent à meritis Christi, & quæ sine ejus influxu nulla sunt, ejusdem gloriam diminuire possint? Certè hinc maximiè commendatur virtus Christi, quod non solum mereri poterit, sed etiam suis meritis vim nobis ad merendum obtinere.

Objicit 2do. Wollebius meriti conditiones hoc expressas disticho: *Da tua, sed quæ non debes; proportio & adfit.* * *Non aliter meritum dixeris esse tuum:* atqui homo 1mo. nihil potest dare quod suum sit, cum nihil habeat quod non acceperit; 2do. nihil indebitum, cum innumeris titulis se totum suæque Deo debeat; unde ii etiam qui omnia sibi præcepta fecerunt, dicere debent: ** *Servi inutiles sumus; quod debuimus facere fecimus;* 3tio. nihil mercedi proportionatum, quia ex Rom: 8. *Non sunt condignæ passionibus nostræ ad futuram gloriam.*

R. Hoc argumento probari quidem opera nostra non eodem esse modo meritoria ac opera Christi, seu de rigore justitiæ, non autem ea veram ex Christi gratia dignitatem non habere, cui posita Dei ordinatione merces debeatur: hoc autem meriti nomine intelligimus cum universâ Traditione, ut bene ostendit Illustrissimus Bossuet in Lib. cui titulus, *Exposition de la Doctrine de l'Elgise*, &c. num. 7. Vid. Trid. Sess. 6. c. 16.

Textus Lucæ quem confidentius jactant Heterodoxi, nihil omnino probat: loquitur enim Christus de iis qui solâ præceptorum sibi impositorum executione contenti, nihil ultra in Dei gloriam operantur, & consilia negligunt. Ii porro præsertim se pro inutilibus servis habere debent; quia inutilis servus dici solet, non is solum qui nihil facit, sed & is etiam qui expleto penso suo, alia negligit per quæ Domino suo placere posset, aut qui quæ facit, non facit nisi quia facienda sunt, non autem cordis magno & animo volenti: quo sensu ait Apostolus: *** *Si Evangelizavero, non est mihi gloria: necessitas enim mihi incumbit;* sed *si volens* seu promptè & alacriter hoc ago, mercedem habeo. Etsi ergo secundum has explicandi rationes ex humilitate & justitia agnoscere debemus nos servos esse inutiles, haud tamen omni merito & utilitate caremus. Unde juxta S. Crhylostomum: cum dicimus: *Servi inutiles sumus*, dicit Christus, *Euge serve bone & fidelis;* unde etiam II. ad Timot. 2. qui se emundaverit à peccatis dicitur *vas in honorem & utile Domino.* Quorum omnium hæc est ratio & conciliatio, quod **** *tanta est erga omnes homines Dei bonitas, ut eorum velit esse merita, quæ sunt ipsius dona:* reipsâ enim nobis qui natura servi sumus, poterat Deus quod vellet præcipere, nihil rependere mercedis.

SECTIO

* *Comp. Christ. Theol. p. 107.* ** *Lucæ 27.* *** *1. Cor. 9.*
v. 16. **** *Trid. suppl.*

SECTIO SECUNDA.

De Conditionibus ad Meritum requisitis.

EX conditionibus ad meritum requisitis alia se tenent ex parte actus meritorii; alia ex parte hominis merentis; alia demum ex parte Dei apud quem meretur. Si de merito condigno agatur, necesse est ex parte actus ut sit liber, bonus, & in obsequium Dei; ex parte operantis, ut sit & viator, & in statu gratia; demum ex parte Dei, ut operi & operanti certam promiserit mercedem. Ad meritum de congruo nec opus est statui gratia, nec promissione Dei. Quae omnia ut paulò fusiùs confirmantur, sit.

CONCLUSIO I. Ad meritum quodcumque requiritur ut actus sit liber, etiam à necessitate. Est de fide.

Prob. Merito debetur merces: atqui debitum non oritur nisi ex eo quòd unus dat alteri id quòd suum erat; jam verò eatenus potest homo Deo aliquid dare quòd suum sit, quatenus dat ei aliquid ejus dispositio in sua libertate est; ergo.

Obj. Potest Deus acceptare ad vitam aeternam opera etiam necessaria; & id de facto fecit, cum mortem SS. Innocentium licet non liberam accepavit ad martyrium; ergo ad meritum non requiritur ut actus sit liber.

R. neg. conseq. Si enim Deus actibus necessariis aliquid promississet, ii tamen actus reipsa meritorii non essent, nec vita eis redderetur tanquam merces, sed ut donum purè gratuitum. Unde Infantes pro Christo occisi, non magis dici possunt martyrii aureolam promeruisse, quàm qui accepto Baptismate moriuntur, vitam aeternam mereantur.

CONCLUSIO II. Ut homo quocumque modo mereatur, requiritur opus bonum, & quidem supernaturaliter.

Prob. 1mo. pars. Opus quòd bonum non est; vel est malum, vel indifferens: atqui neutrum mereri potest vitam aeternam. * Non 1. nam *stipendia peccati mors*. Non 2. tum quia opus indifferens mera est chimera; tum quia si quòd esset hujus generis opus, illud non prämio magis quàm poenâ dignum foret.

Prob. 2. pars 1mo. ex Concilio Trid. Sess. 6. Can. 1. 2. & 3. & cap. 16. ubi docetur quòd sine Christi gratia & virtute, quae bona hominum opera semper antecedit; & comitatur & subsequitur, eadem opera nullo pacto Deo grata & meritoria esse possent; 2do. quia inter medium & finem, meritum & prämium, quadam esse debet aequalitas & proportio; atqui inter opus naturale & prämium supernaturale nulla est proportio; ergo.

* Rom. 6.

Quae res

Quæres 1mo. an opus ut meritorium sit de condigno, debeat esse supererogationis.

R. negativè, imò contraria opinio erronea est 1mo. quia juxta Tridentinum, nihil justificatis de est *quominus plenè illis operibus quæ in Deo sunt factæ vitam æternam verè promeruisse censeantur*: atqui ea etiam opera quæ supererogationis non sunt, sed præcepti in Deo sunt facta; ergo per ea homo vitam æternam promeretur; 2do. Lucæ 6. dicitur, *Diligite inimicos vestros & erit merces vestra multa*: atqui hic promittitur & rependitur merces iis etiam operibus quæ sunt præcepti; non enim consilii solus est inimicorum dilectio; ergo.

Quæres 2do. an actus cujuslibet virtutis, sit in homine justo de condigno meritorius; an non potiùs ad meritum de condigno requiratur ut actus sit à charitate elicitus aut imperatus.

Multiplex est Theologorum eâ de re sententia. Prima eorum est qui docent opus quodlibet hominis justî moraliter bonum, etiam in ordine naturali, esse de condigno vitæ æternæ meritorium.

Secunda eorum est qui cum Suare censet nullum opus quod duntaxat sit moraliter bonum, vitæ æternæ meritorium esse, nisi in finem supernaturalem referatur, secus si ad eum finem referatur seu per charitatem seu per aliam virtutem infusam.

Tertia sententia, pergit Gonet, asserit nullum actum virtutis infusæ, & multo minùs virtutis moralis acquisitæ, esse de condigno vitæ æternæ meritorium absque aliquo imperio seu relatione saltèm virtuali charitatis, eique soli deberi præmium essentiale beatitudinis: *aliis autem virtutibus, nisi ab illa impendentur, præmium duntaxat accidentale concedi*. His positis, breviter.

* 1mo. Habitualis in finem supernaturalem relatio, sive concomitantia habitûs charitatis non sufficit ut actus virtutis acquisitæ, seu ut opera quæ solùm sunt moraliter bona, sint æternæ vitæ meritoria.

Prob. 1mo. ex Tridentino, * *quod postquam dixit Christum in ipsos justificatos jugiter influere virtutem, quæ bona eorum opera semper antecedit, & comitatur & subsequitur, addit, sine quâ nullo pacto Deo grata & meritoria esse possent*: atqui opera etiam moraliter bona hominis justî non sunt ex virtute quâ Christus in ea influat.

Prob. 2do. Dantur in homine justo verba & facta otiosa: atqui si charitatis concomitantia singulas hominis justî actiones dirigeret in Deum, jam homo justus otiosè non ageret; quia is solùm agit otiose, cujus actio caret sine debito, nullum autem

* Sess. 6. c. 16.

tem iusti opus debito careret sine. Quandoquidem ex ipsâ sub-
jecti ratione in DEUM dirigeretur; ergo.

Obijciunt rmo. quòd merces promittatur ei omni * qui
fecerit voluntatem DEI: hanc autem voluntatem facit qui vir-
tutum etiam naturalium actus elicit; 2do. quòd iustus se sua-
que omnia saltem aliquando per actum charitatis in DEUM re-
tulerit, & aliunde ita sit in DEUM affectus, ut actualiter in DE-
UM referret id omne quod agit, si de eo referendo cogitaret.
Sed hæc non urgent: unde.

Ad 1. dist. Et omni qui fecerit Voluntatem DEI promittitur
merces essentialis aut accidentalis, idque si agat modo merce-
di proportionato, C. secus, N. In objectis Scripturæ locis sup-
plenda est conditio quam alibi diserte exprimit Christus, ut
nempe non quibulvis operibus promittatur merces, sed iis quæ
sunt in Nomine Christi. Sic Math. 19. *Qui reliquerit Patrem
& Matrem . . . propter Nomen meum, vitam æternam possidebit.*
& Marci 9. *Quisquis potum dederit vobis calicem aquæ in No-
mine meo, non perdet mercedem suam.*

Porro non agit modo mercedi proportionato, qui non nisi
opus naturale elicit.

Ad 2. dici posset relationem præteritam & moraliter inter-
ruptam, non satis habere virium, ut actus purè naturales ad
meriti supernaturalis dignitatem elever. Idem à fortiori di-
cendum de relatione merè possibili, & quæ de facto nec exi-
stet, nec exiitit. Fatendum tamen, non deesse insignes Tho-
mistas qui ad hoc ut homo in singulis suis actibus de condigno
mereatur, existiment sufficere actum illum quo homo in pri-
mo justificationis suæ instanti, se suæque omnia in DEUM retu-
lit ex charitate, ut paulò pòst ostendam.

† R. 2do. Illa omnia hominis iusti opera sunt vitæ æternæ
meritoria, quæ actu vel virtute fiunt ex imperio charitatis, sive
sint actus virtutis infusæ, sive acquisitæ.

Prob. Quia nihil hujuscemodi operibus deest quominus me-
ritoria sint, cum fiant in gratiâ & ex gratiâ, quatenus à chari-
tate imperari supponuntur. Et verò si homo dum manducat &
bibit, hæc ad DEUM propter se dilectum referre potest; quidni
propter hæc remuneretur?

R. 3tio. Ea solum hominis iusti opera de condigno meren-
tur præmium essentialis seu possessionem DEI, quæ à charitate
imperantur: cetera verò quæ aliquid meriti habent, nonnisi
præmium accidentale merentur.

Prob. 1mo, ex S. Thomâ, qui in cap. 3. Epist. 1. ad Co-
rinth. hæc expendens verba, *Unusquisque propriam mercedem
accipiet secundum suum laborem*, hæc habet. *Præmium laboris*

* Matth. 12.

nostri attenditur primò secundum formam charitatis, cui respondet merces essentialis secundò ex specie operis, & huic respondet aliqua prerogativa præmii accidentalis. Qui textus opinionem nostram integre complectitur.

Prob. 2do. Quæ vitam æternam merentur, merentur etiam charitatis augmentum: atqui soli actus à charitate elicit aut imperati ejusdem augmentum mereri possunt: tum quia id habitibus omnibus commune est, ut non augeantur nisi per actus proprios; tum quia actus aliarum virtutum non sunt perfecti satis, adeoque tale augmentum de condigno mereri non possunt.

Alias omitto probationes, quarum aliæ nimis probant, aliæ vix quidquam. Imò multi ex nobilioribus S. Thomæ discipulis opinionem modò propositam ità explicant, ut justus per singula quæ facit bona opera mereri debeat; quia, inquit, ut actio à charitate imperata censeatur, ac proinde de condigno vitam æternam mereatur, sufficit actus ille quo homo in primo instanti justificationis, diligendo Deum ex charitate, totam suam vitam retulit in ipsum, omnesque actus suos, ad eum referribiles. Cum enim bonorum actuum operatio sit executio talis propositi, virtualiter ipsum includit, nisi per peccatum mortale talis intentio revocetur vel interrumpatur. Ita Gonet disp. 2. art. 5. in fine §. 6. sed quidquid sit de eâ expositione semper hortabor eos qui thesauros meritorum cumulare volent, non modò ut ex imperio charitatis singula quantum poterunt operentur; sed & ut suos quoscumque actus persæpe ad Deum referant, quia non constat eosdem sufficienter sanctificari per relationem quæ in primo justificationis instanti fieri supponitur. Plus sanè post S. Bonaventuram in 2. sent. dist. 41. a. 1. q. 3. exigit his verbis Cardin. Belarminus: *Non sufficit, ut opus virtute referri dicatur ad Deum, si quis ad initium anni, vel mensis, vel etiam diei, generali quâdam intentione referat omnia sua futura opera in Deum, sed necesse est ut illud ipsum opus particulare referatur in Deum, quod postea faciendum est.* Et tunc etiam si homo de Deo non cogitet, opus illius in Deum virtualiter referetur.

CONCLUSIO III. Ut opus sit meritorum debet fieri in obsequium Dei.

Prob. Meritum respicit retributionem, prout à certâ personâ debitam: atqui merces nec debetur, nec à certâ personâ exigi potest, nisi actio ad ipsam dirigatur, & in ejus obsequium cedat. Unde S. Thomas hic q. 21. art. 3. *Retributio secundum justitiam fit alicui ex eo quòd agit in profectum vel nocumentum alterius.*

CONCLU-

Concl
stans gra
neus
de Regi
agari.
Prob.
sere fruct
in me ma
quia is (c
peccator
fructum,
opera om
vocantur
Prob.
promissio
milit. N
diaz per
& hæc de
Concl
seu ad r
Prob.
nus tua
nec scia
Mortui.
tuum op
Venit no
lignum,
manere i
mereri po
ex præce
impetrant
CONCL
te Dei p
Prob.
hæc habe
juxta mer
gratiâ ma
pactum a
tio magis
gratuita
Prob.
obligatio
habeat ad
Moral.
* I. Jo

CONCLUSIO IV. Ad meritum ex parte merentis requiritur status gratiæ. Est contra Baium, qui propositione inter damnatas 13. docet opus bonum citra gratiam adoptionis factum, esse Regni Cælestis meritum, additque id nonnisi a Pelagianis negari.

Prob. 1mo. Joan. 15. *Sicut Palmes*, ait Christus, *non potest ferre fructum à semetipso, nisi manserit in vite; sic nec vos, nisi in me manseritis*: atqui homo peccator non manet in Christo quia is solum manet in Deo, * *qui manet in charitate*; ergo peccator quandiu est in statu peccati mortalis ferre non potest fructum, eum præsertim qui vitam æternam mereatur. Hinc opera omnia etiam superuaturalia quæ sine gratia habituali sunt, vocantur mortua.

Prob. 2do. Ad meritum requiritur ex parte remunerantis promissio: atqui Deus non nisi iustificatis vitam æternam promittit. Nam vita æterna promittitur ut hæreditas: atqui hæreditas pertinet solum ad filios, juxta id Apost. Rom. 8. *Si filii, & hæredes*.

CONCLUSIO V. ** Mereri & demereri pertinet ad statum viæ: seu ad meritum requiritur status viatoris.

Prob. ex Scripturâ. Eccle. 9. *Quodcumque facere potest manus tua instanter operare, quia nec opus, nec ratio, nec sapientia, nec scientia erunt apud inferos, quò tu properas. & iterum: Mortui... non habent ultra mercedem*. Eccli. 14. *Ante obitum tuum operare iustitiam*; quia nempe, ut ait Christus Joann. 9. *Venit nox quando nemo potest operari*. Eccle. 11. *Ubi ceciderit lignum, ibi erit*. Si autem homo eo in statu debeat perpetuo manere in quo eum mors apprehenderit, nihil post mortem mereri potest: hinc Beati non merentur, licet eorum rationes ex præcedentibus meritis & divinâ acceptance vim habeant impetrandi.

CONCLUSIO VI. Ad meritum decondigno requiritur ex parte Dei pactum de dandâ mercede.

Prob. 1mo. ex Concilio Senonensi in decr. fidei c. 16. ubi hæc habet: *Facit tandem omnis misericordia locum unicuique juxta meritum operum suorum, non absolutâ condignitate... sed gratiâ magis & liberali repromissione*: atqui si bona opera citra pactum æternæ vitæ meritoria forent, mercedis hujus retributio magis rependeretur absolutæ eorum condignitati, quàm gratuita Dei repromissioni; ergo.

Prob. 2do. Meritum de condigno ex parte hominis, inducit obligationem mercedis ex parte Dei; cùm quisquis mereatur jus habeat ad id quod meretur: atqui Deus ex suâ solum promissione

Moral. Tom. I.

† G

* I. Joann. 4. ** S. Thom. 22. q. 13. art. 4.

sione ad remunerandum hominem obligari potest. Prob. min. ex S. Augustino Serm. 158. *Debitor factus est Deus, non à nobis aliquid accipiendo, sed aliquid quod ei placuit promittendo. Aliter enim dicimus homini, Debes mihi, quia promissum mihi: & aliter dicimus, Debes mihi, quia dedi tibi.* Eadem fermè habet in Psalm. 109. Unde sic; Ex Augustino qui constituitur alterius debitor, & obligatus ad aliquid ei reddendum, constituitur debitor vel accipiendo vel promittendo: atqui ex eodem Augustino Deus non potest constitui debitor hominis aliquid ab eo accipiendo; cum homo nihil Deo dare possit quod ab eo non acceperit: ergo super est ut constituatur debitor promittendo.

Prob. 3tio. Quia nulla alia potest reddi ratio præter ordinationis & promissionis divinæ defectum, cur 1mo, non mereamur nobis de condigno perseverantiam & auxilia efficacia, sicut vitam æternam; 2do, cur animæ defunctorum non mereantur in Purgatorio, aut animæ Patrum antiquorum non mereantur in limbo, per bona opera quæ tunc ab iis fiebant, quæque non minus præmio erant proportionata, quàm quæ nunc à nobis eliciuntur; idem dicendum de Enoch & Eliâ, quos bene multi nunc non mereri contendunt.

*Obj. 1mo. Falsum est ad rationem meriti de condigno, necessarium esse ut inducat obligationem remunerandi; ergo ruit totum præcedentis assertionis fundamentum. Conseq. patet; prob. ant. Obligatio hæc neque necessaria est ad rationem meriti ut meritum est, cum non requiratur ad meritum de congruo; neque ad rationem condigni ut condignum est; cum ratio condigni nihil aliud dicat quàm æqualem præmio valorem, qui à promissione ut potè actioni meritoria extrinsecâ non pendet.

R. ad 1. neg. ant. Ad 2. dico obligationem remunerandi necessariam esse, si non ad rationem meriti ut sic, aut ad solam condignitatem, saltèm ad rationem meriti prout est de condigno: quia juxta nos mereri vitam æternam condignè, est mereri mercedem, non quæ retribui posset, sed quæ defacto retribuenda est. Ad hoc autem requiritur acceptatio Dei, ejusque promissio.

Ad 3. dist. Ratio condigni nihil dicit quàm valorem, si condignum sumatur intrinsecè pro solo rei prætio quod ad vitam æternam acceptari potest vel non, C. si sumatur intrinsecè & extrinsecè, prout ad ea de facto acceptatur, N. Hic porro meritum accipimus pro opere quod certò & infallibiliter coronandum est, nisi per peccatum subsequens retractetur: atqui nullum opus aliunde quàm ex promissione Dei habere potest ut certò & infallibiliter coronetur; ergo. † Obj.

† Obj.
ma
circa qu
R. ne
eat dibi
sed poti
peccata
carores
agitur, I
ris homi
injusti, re
homo q
constitu
re nequ
tum, qu
CON
opus bo
homine
quia fir
ad præ
absolu
Cornel
aliquid
Eti
rum de
interven
veniam
congruo
te pro in
assidua
reatur, &
congruo
rer don
nem don
De ob
ruit Tou

* In P

† Obj. 2do. Se habet bona actio in ratione meriti, sicut mala in ratione demeriti: atqui opus malum poenam meretur citra quodlibet DEI pactum; ergo.

R. neg. maj. Disparitas est, quod qui peccat DEUM non faciat sibi debitorem, cum DEUS non obligetur ad puniendum; sed potius se DEO, divinaque justitiæ debitorem faciat, unde peccata dicuntur *debita*, quatenus ex iis acquirit DEUS jus peccatores puniendi ob injuriam sibi illatam. At cum de merito agitur, DEUS ipse sit debitor, & in eum jus quadantenus acquirit homo, ita ut juxta Augustinum dicere possit: * *Feci quod jussisti, redde quod promissisti*. Itaque sicut à se tantum habet homo quod peccet, ita & se DEI debitorem sine ullo pacto constituere potest: at verò DEUM ipsum sibi debitorem efficere nequit, nisi ex parte DEI præcedat talis debiti fundamentum, quod est ipsa DEI promissio sub operis conditione.

CONCLUSIO VII. Ad meritum de congruo requiritur imo. opus bonum in ordine supernaturali; 2do. liberum; 3tio. ab homine viatore elicitum; 4to. in obsequium DEI. Ratio est, quia sine his conditionibus nullam opus DEUM movere potest ad præmii supernaturalis retributionem. Non requiritur verò absolute status gratiæ sanctificantis, aut promissio DEI; ** cum Cornelius suis elemosynis & orationibus meruerit & obtinuerit aliquid quod DEUS ipsi non promiserat.

Esti verò conditiones earum non absolute requirantur ad meritum de congruo, haud tamen negandum est eas aliquando intervenire: nam Ezech. 18. v. 21. DEUS peccatori pœnitenti veniam promittit, quam peccator utpotè nondum justus de congruo solum mereri potest. Pariter Jacobi 5. dicitur, *Orate pro invicem ut salvemini: multum enim valet deprecatio justis assidua*; ubi requiritur status justitiæ ad hoc ut quis alteri mereatur, & tamen homo qui aliis meretur, meretur solum de congruo. Denique apud omnes constat hominem sibi non mereri donum perseverantiæ, nisi sit justus; constat quoque neminem hoc aliter mereri quam de congruo.

De objecto meriti non dicemus hoc loco, quia de eo differt Tournellii abbreviator in Tract. de Gratiâ.

TRA-

* In Psal. 83. ** Actor. 10.



TRACTATUS DE CONSCIENCIA.

Morum regula duplex, *exterior*, lex scilicet, de quâ subinde differemus; & *interior*, nempe conscientia, & synderesis, quibus dirigitur intellectus moralis. Materiam hanc, quæ Theologiæ moralis basis est ac fundamentum, & cujus ope solvuntur casus omnes dubii, id est, innumeri propè, ab accuratâ rerum definitione & divisione auspicabimur.

CAPUT PRIMUM.

Quid, & quotuplex Conscientia.

Anima rationalis voluntate constat & intellectu, quas inter facultates ille est ordo, ut voluntas intellectui subdit; & sine præviâ ipsius cognitione operari nequeat: intellectus autem vel eas attingit veritates quæ ad mores nihil faciunt, & vocatur *speculativus*; vel circa eas veritates occupatur quæ moribus bene instituendis inserviunt, & vocatur *præcticus* seu *moralis*. Intellectus moralis vel attingit prima & generalia morum principia, v. g. *Omnia quæcumque vultis ut faciant vobis homines, & vos facite illis*, Matth. 7. & tunc *synderesis* seu *synteresis* vocatur; vel principia hæc in casu particulari applicat, monetque quid hic & nunc faciendum sit, aut quid bene factum sit vel malè, & tunc dicitur *conscientia*. Unde synderesis definiri potest, Primorum bene vivendi principiorum cognitio. Conscientia verò, Judicium actuale præcticum dictans quid in particulari faciendum sit aut omittendum, quidve fieri aut omitti debuisset.

1mo. Quidem est *judicium*: unde pertinet ad eam adimi facultatem ejus est judicare, intellectum nempe, ut plures volunt; quamquam aliqui conscientia motus, ut arguere & remordere, ad intellectum revocari faciliè non possunt.

2do. Iudicium *actuale*: & sic distinguitur à synderesi spectatà prout est habitualis ac velut ingenta generalium principiorum cognitio: ipsa enim actualis primorum principiorum cognitio, est verè synderesis, & habitus esse non potest.

3tio. Practicè *practicum*: conscientia enim non cognoscit solum sed dirigit, nec dirigit modo solum generali, ut synderesis quam ideo apellant aliqui iudicium *speculativè practicum*, sed hic & nunc: unde.

4to. Additur, *dictans quid in particulari, &c.* quibus verbis iterum distinguitur conscientia, tum à synderesi, tum à prudentià generali: synderesis enim versatur circa prima principia practica, prudentia ex iisdem principiis generales Conclusiones deducit, conscientia verò ea ad particularem materiam applicat. In hac v. g. ratiocinatione, *Non est faciendum aliis id quod nobis nolumus fieri; ergo non est retinendum id quod est alterius; ergo non est retinenda sed restituenda hæc pecunia quæ per usuram parva est, Ideoque est aliena*: prima propositio pertinet ad synderesim, secunda ad prudentiam universalem, tertia ad conscientiam, quæ ideo vocatur à S. Antonino *concludens scientia*.

5to. Denique, *dictans quid debuisset fieri*: conscientia enim non versatur solum circa futura, sed etiam circa præterita, vel ea approbando, ut II. Corint. 1. *Hæc est gloria nostra testimonium conscientia nostræ*; vel ea redarguendo, qualis est conscientia damnatorum quorum *vermis non moritur*.

Hinc colliges 1mo. synderesim esse quidem internam actum humanorum regulam, sed magis remotam, cum generaliter tantum legem proponat; conscientiam verò, licet sic secundaria, prout à synderesi dependet, esse regulam proximam & immediatam, quia legem applicat in particulari; 2do. synderesim esse regulam infallibilem, quia versatur circa universalia principia quæ per se nota sunt; conscientiam verò errori obnoxiam esse, quia fieri potest ut bona principia malè applicet, aut ad legem non satis attendat, prout docet S. Thomas quod lib. 8. q. 6. art. 1.

Conscientia multipliciter dividitur: nam 1mo. ratione sui, seu iudicii quod fertur, dividitur in præcipientem, consulentem, & permittentem. Prima dictat aliquid esse de præcepto, secunda ostendit aliquid esse de consilio; tertia aperit aliquid merè permissum esse, nec consuli, nec prohiberi.

2do. Ratione objecti dividitur in veram, quæ etiam bona & recta dicitur; & malam, quæ falsa & erronea nuncupatur. Conscientia vera ea est quæ dictat licitum esse, vel illicitum, quod reverà licitum est aut illicitum: erronea verò, quæ è con-

trario dicitur licitum esse quod lex prohibet, aut illicitum quod lege omni permittitur. Et hæc vel est orronea vincibiliter, seu ex errore qui expelli potuit & debuit: vel invincibiliter, seu ex errore qui expelli non potuit, de quo supra pag. 14.

3tio. Ratione principii vel assensus, dividitur in certam, & incertam. *Certa*, seu *tuta*, ea est quæ quis prudenter & sine formidine saltim rationali judicat hic & nunc aliquid bonum esse vel malum: talis fuit conscientia Jacob accedentis ad Liam, quam prudenter judicabat esse uxorem suam. *Incerta*, quæ ab aliis dicitur *non tuta* & *dubia*, est ea quæ quis ita judicat aliquid esse licitum, ut simul judicet illud posse esse illicitum: unde in eo qui talem habet conscientiam reperitur hæsitatio ac indeterminatio mentis judicium suum circa utramque contradictionis partem suspendentis, adeoque non uni potius quam alteri parti assentientis. Mens autem suspensa manet, vel quia pares & æqualis utrinque ponderis rationes ei occurrunt, quibus quasi in æquilibrio continetur, & tunc dicitur *dubia positivè*; vel quia nulla ei occurrit assentiendi vel dissentendi ratio, & tunc dicitur *dubia negativè*. Tunc tamen melius diceretur nesciens, vel ignorans: neque enim quærenti an Turca saltem vel dormiat, legitimè respondeat aliquis, *Dubio*; sed melius, *Nescio*; alioquin iterum interrogatus quam habeat dubitandi rationem, nihil respondere potest. Imò conscientia quælibet dubia, non nisi improprie conscientia vocatur; conscientia enim debet esse definitum aliquod animi judicium & dictamen; ubi autem mens suspensa manet, ibi definitum esse judicium non potest.

4to. Dividitur in scrupulosam, & latam. *Scrupulosa*, ea est quæ mens levibus nixa fundamentis judicat, aut timet, nè quid mali subsit in actione bonâ vel indifferenti, putâ nè peccet ambulando super paleas quæ decussatim positæ crucem efformant. Conscientia scrupulosa differt 1mo. à rectâ, ut per se patet; 2do. à dubiâ, in hæc enim est suspensio judicii, non in illâ; 3tio ab opinione, quia opinio oritur ex fundamentis non contemnendis. Conscientia *lata* ea est quæ mens exilibus fulta ratiunculis licitum esse putat id quod malum esse deprehendi facile potest, aut quæ grave peccatum pro levi habet. Utraque conscientia species ad erroneam pertinet; sicut & conscientia tum *pharisaica* quæ magna parvi, & parva magni facit; tum *cauteriata*, quæ propter longam in malo consuetudinem, ita obdurit, ut vulnus suum non sentiat.

5to. Dividitur in probabilem, & improbabilem: Hæc vel nullis vel levissimis rationibus innititur, illa gravi quidem motivo nititur, sed tamen fallibili; unde dicitur fundari in opinio-

ne

Suppon
recta
Talis en
rationi c
materiâ
Suppo
dam co
dos; non
quia ip
Quæ
am leg
servan
CON
liter e
Prob
esset u
fallum
6. art.
sive ex
quis sc
exculan
mutand
actio, si
si quis
sarium
caminof
tem, qu
Sed e
unde n
santer c
quod tu
pium. E
debuera
cularent
interiori
Prob.
Vid

ne probabili. De his conscientia speciebus, potissimum verò de probabili, sigillatim tractandum. Sit itaque.

CAPUT SECUNDUM.

De Conscientiâ erroneâ.

Suppono 1mo. licitum non esse agere contra conscientiam rectam quæ præcipit aliquid boni, aut prohibet aliquid mali. Talis enim conscientia vel est ipsamet ratio recta, vel eidem rationi conformis in re non liberâ: atqui à rectâ ratione in materiâ necessariâ discedere non licet; ergo.

Suppono 2do. licitum esse agere contra conscientiam rectam consulentem. Sic licet non servare virginitatem, nubendo; non servare paupertatem, ut eam servant Religiosi, &c. quia ipsamet recta ratio dicitur hæc fieri posse aut omitti.

Quæstio igitur est 1mo an peccet, qui conscientiam erroneam sequitur; 2do an quale sit ejus peccatum; 3tio. quid observandum cum eo qui erroneâ conscientiâ laborat. Sic

CONCLUSIO I. Non peccat qui agit ex conscientiâ invincibiliter errante, imò peccat qui contra eam agit.

Prob. 1. pars: quia ut quis in hoc casu peccaret necessum esset ut ignorantia invincibilis non excusaret à peccato; atqui falsum consequens ex dictis. Hinc S. Thomas Quodlib. 8. q. 6. art. 15. **Error conscientiæ quandoque habet vim absolvendi, sive excusandi; quando scilicet procedit ex ignorantia ejus quod quis scire non potest, vel scire non tenetur.* Neque solum vim excusandi habet error, sed & actionem materialiter malam immutandi in actum virtutis, virtutis, inquam, illius cujus esset actio, si objectum à parte rei haberet se ut apprehenditur: unde si quis ut innocenti vitam servet, æquivocationibus ut necessarium credat, actum eliciet misericordiar, non autem vel peccaminosum à quo *absolvit* error inculpat, vel indifferenter, quia is fingi nequit.

Sed cave privilegia hæc non esse nisi erroris verè inculpati, unde nec ex erroneâ conscientiâ, nec ex fine laudabili excusantur culpa eorum qui Officium seculare vel Ecclesiasticum, quod ut par est obire non valent, etiam non quaesitum suscipiunt. Eorum enim error saltè in causâ voluntarius est: quia debuerant coram Deo pensare quid valerent, quid ferre recusarent hameri; debuerunt viri Prudentis, qui eos ex plenâ interioris hominis manifestatione cognosceret, iudicium sequi.

Prob. 2. pars. Ille peccat qui vult peccatum; sed qui agit

**Vid. sup. pag. 15*

con-

contra conscientiam etiam errantem vult peccatum. Ille enim vult peccatum, qui facit id quod iudicat esse peccatum: atqui agens contra conscientiam, &c.

Confirm. ex Apost. Rom. 14. *Omne quod non est ex fide, peccatum est*: atqui hæc Apostoli verba significant id omne esse peccatum, quod est contra conscientiam dictamen: prout aperte ostendit contextus, in quo agitur de iis qui cibos quosdam præ aliis prohibitos esse credentes, iis tamen vescabantur: *Qui verò sic discernit inter cibos, ait Apostolus, si nihilominus manducaverit, damnatus est, quia non ex fide. Omne autem quod non est ex fide, peccatum est.*

Hæc tamen secunda pars intelligi debet de actione vel omissione liberâ: unde qui Missam audire non valens, crederet se ex hac omissione reum, haud tamen reus esset.

CONCLUSIO II. Qui conscientiam habet vincibiliter errantem, peccat, siue contra eam agat, siue non. Peccat quidem contra eam agendo, ut patet tum ex probationibus modo allatis, tum ex cap. 13. *De restit. spoliat.* ubi generaliter dicitur: *Quidquid sit contra conscientiam, ædificat ad gehennam.* Peccat quoque agendo secundum ipsam; quia tenetur & potest eam deponere, cum error supponatur vincibilis. Unde non sequitur ex thesi nostrâ hominem quandoque in statu tam perplexo constitui, ut siue agat siue non, peccet: debet enim & potest errorem suum deponere, siue peritiores consulendo, siue rem profundius inspicendo, siue statuendo ex principiis generalibus quid factu opus sit. Quod si non suppetat satis temporis ut error per sapientum consultationem, aut plenius rei examen deponatur, tunc eliciendus est actus contritionis de prior ignorantia peccato, eaque eligenda pars in quâ minùs apparet esse malis; & sic culpa ulterior non imputabitur, quia error è vincibili fiet invincibilis, cum & actu excuti nequeat, & causa ejus retractata fuerit & quantum hîc & nunc fieri potest à peccato recedatur.

Quæres 1mo. an conscientia plus obliget quàm præceptum Superioris.

R. vel conscientia est recta, vel dubia, vel erronea.

Si primum, major est obligatio conscientiam, quàm cuiuscunque præcepti humani, juxta id Act. 4. *Obedire oportet Deo magis quàm hominibus.*

Si Secundû, subditus qui dubitat rectum ne sit an malum, id quod sibi à Superiore præcipitur, eidem obsequi debet; v. g. si præcipiat Superior ut subditus ob morbum cujus gravitas dubia est, à jejunio vel Horis abstineat. Ratio est, quia vir prudens debet in ambiguis obsequi iudicio Superiorum, quos Deus sui

loco

loco posuit, & quos Dei loco subditus agnoscit & colit; ergo inferior dubium (quo perseverante agere non posset) deponere tenetur, nè ejus scrupulis & ambiguitatibus cassa & inanis reddatur autoritas Superioris; & nè multis scandali & ruinæ detur occasio.

Si tamen superior ea præcepti alioqui gravis allegaret motiva, quæ post serium coram Deo examen debilia viderentur tum inferiori ipsimet. tum aliis, qui ad minus tam graves essent, quàm ipse Superior; non illicò parendum esset, sed quandoque resistendum: purà si Superior parum solidè prober sibi competere jus quædam per se, vel per alios Sacramenta ministrandi secularibus. Et ratio est quia non hic dubium duntaxat, sed opinio militaret contra Superiorem. Unde patet in criticis hujusmodi circumstantiis habendam esse rationem tum personæ præcipientis, tum præcepti impositi, tum mali aut boni, quod inde proximo eventurum sit.

Quòd si conscientia subditi sit erronea, sed invincibiliter, ità ut nullæ appareant rationes quibus ea deponi possit, sequendum est dictamen conscientiæ, & relinquendum Superioris præceptum. Si v. g. subditus vidit aliquam legem Pontificiam, quæ revocata quidem est, sed cujus ipse revocationem non cognoscit; Superior verò qui contra eam aliquid jubet, ignorat legem hanc aliquando latam fuisse; subditus conscientiam suam non autem Superioris præceptum sequi debet, quia lex illa proponitur menti inferioris tanquam vinculum quod nec tolli potest ex parte Superioris, qui in lege Pontificià dispensare non potest; nec ex parte subditi, qui cùm ignorantia invincibili laboret, errorem suum deponere nequit.

Si verò conscientia subditi erronea quidem sit, sed tantùm vincibiliter, subditus eam deponere tenetur & Superioris mandatum adimplere; sequitur ex dictis.

* Quares 2do. an gravius peccet qui agit contra conscientiam errantem, quàm qui secundùm eam operatur.

R. neutrum esse simpliciter altero gravius, sed pro diversitate materiæ unum aliquando gravius esse, aliquando aliud. Si, v. g. credas te teneri ad mentiendum, ut proximi vitam conserves, & non mentiaris, reus eris homicidii, quia omittis rem gravem ad quam te obligari putas; si verò mentiaris, non nisi officiosum, ac proinde veniale mendacium committes. Sed si è contra credideris teneri te sub veniali ad furandum ut succurras pauperi, venialiter tantùm peccabis non furando; mortaliter verò si gravem summam subripias.

† CONCLUSIO III. Peccatum contra conscientiam invincibiliter erroneam est mortale, si conscientia dicat ipsum esse

mortale: veniale verò si conscientia illud non nisi veniale esse dicat, sive interim actio sit bona in se aut mala, sive mala graviter vel leviter.

Prob. quia in hisce actionibus tale est peccatum, quale voluntas ipsum vult: atqui voluntas vult peccatum aut grave aut leve, cum fertur in objectum quod iudicat esse graviter aut leviter malum; ergo qui spuit in Templo peccat mortaliter, si conscientia dicit id esse peccatum mortale; venialiter verò, si dicit peccatum esse veniale: & nullatenus, si dicit, quòd verà est, nihil ibi esse peccati.

CONCLUSIO IV. Peccatum contra conscientiam vincibiliter errantem tale est, qualis apprehenditur materia circa quam versatur: ita ut si materia ut gravis apprehendatur, grave sit peccatum; si ut levis, leve: modò quod apprehenditur ut leve, non sit reipsa grave.

Prob. 1. pars. Peccatum actionis quæ fit contra conscientiam errantem, nascitur ex modo quo voluntas vult idem peccatum: ergo si voluntas vult peccatum quod mens ex errore iudicat esse in materia gravi, graviter peccabit, &c.

Prob. 2. pars. Materia gravis sufficit ad peccatum mortale, nisi error conscientie tollat consensum; atqui error vincibilis, utpote voluntarius, consensum hunc tollere non potest; ergo scholasticus qui credit se mortaliter peccare, si levem summam parentibus furetur, mortaliter peccat; & adhuc mortaliter peccat, si grandem summam furando existimet se leviter solum peccare, quia is error facile deponi potuit.

Quòd si conscientia errans, dicit quidem aliquid esse malum, sed non determinet sitne mortaliter malum, an venialiter duntaxat; peccat mortaliter quisquis contra conscientiam hanc operatur. Ratio est, quia censetur velle peccatum actioni suæ conjunctum quaecumque illud sit.

Ceterum, qui contra conscientiam erroneam peccat non incurrit censuras & poenas quas incurrit qui contra conscientiam rectam agit. Si quis, v. g. Laicum percutiat quem Clericum credit, non subiacet excommunicationi quam incurrunt qui scienter percutiunt Clericum. Pariter irregularitatem non contrahit qui celebrat credens falsò se esse excommunicatum.

CONCLUSIO V. Cum quis erronea conscientia laborat, alia sunt obligationes ex parte ipsius, alia ex parte Confessarii.

Quod spectat ad eum qui erronea conscientia laborat, tenetur eam deponere, non temerè sed prudenter. Conscientiam temerè deponit, qui ad ejus dictamen non advertit, sed vel aliò convertit animum; vel mediis improporionatis utitur. Sic enim non deponitur conscientia, sed ex levitate contemnitur,

ut ab iis sit qui dicunt Deo, Job. 21. *Recede à nobis, scientiam viarum tuarum nolumus.* Conscientiâ erroneâ prudenter deponit, qui mediâ ad hunc finem idonea allūmit. Ea verò sunt humilis & frequens oratio, exacta discussio rei totius, lectio Librorum qui de hâc materiâ solidè tractant, consilii à viris doctis & qui Deum timent petitio; quæ mediâ sic adhiberi debent, ut si prius non sufficiat ad alterum recurratur; & tunc si adhuc perseveret error, censetur invincibilis.

Moner tamen Sylvius, non teneri hominem totam adhibere diligentiam, quæ humanitùs potest adhiberi; unde necesse non est ut consulantur tot directores quot ab aliquibus consuluntur; sed sufficit ut viri aliquot pii perinde ac eruditi, & laxiorum opinionum minimè sequaces interrogentur. Imò generaliter loquendo debet pœnitens obedire Confessario, Parochio, aut Superiori, cum præcipiunt ut conscientiæ dictamen tanquam erroneum contemnatur; ii enim sunt lumen à Deo concessum, quod deficiente rationis nostræ lumine sequi debemus. Si tamen pœnitens timorata sit conscientiæ, & aliunde noverit se scientiam habere Confessarii scientiæ parem aut superiorem, non tenetur, nec debet sententiam illico mutare, sed actionem suspendere, donec studio, oratione & multorum consilio rem diligentius indagaverit.

Quod spectat ad Confessarium cum homine qui erroneâ laborat conscientiâ tractantem, certum est ei maturè & graviter esse procedendū. Aliquando enim tenetur monere pœnitentem de errore, aliquando eundem monendo peccat. Et quidem tenetur eum monere, cum pœnitens interrogat an talis actio sit peccatum necne: Confessarius enim doctor est eorum qui in tenebris sunt: ergo eos saltè cum illuminari volunt, erudire debet. Adde quòd qui Confessarium interrogat, aliquid habeat in mente dubii ac proinde non laboreat ignorantia invincibili: porrò cum ignorantia vincibilis est, pœnitens moneri debet, quia non posset per eam excusari. Et hoc verum est, etiam si Confessarius prævideat monitionem suam pœnitenti profuturam non esse, quia eadem urgent rationes,

Quòd si pœnitens ignorantia invincibili laboreat aliquando moneri debet, aliquando non.

Debet quidem moneri 1. mo. si spes emendationis affulgeat; 2. do. si ignoret mediâ vel mysteria ad salutem necessaria; 3. tio. si ignorantia ejus versetur circa principia juris naturalis, non primaria solum quæ invincibiliter ignorari non possunt, sed secundaria: tum quia hæc non faciliè ignorantur invincibiliter; tum quia eorum ignorantia faciliè fit vincibilis ob malitiæ suspicionem quam actio de se mala & inhonesta ingerere solet: unde

unde adolescens qui pollutionis malitiam invincibiliter ignoraret, (quod fieri posse multi negant) de peccati hujus gravitate monendus foret. Ratio est, quia præterquam talis ignorantia diù durare non potest, homo ille majori cum remorsu peccabit, consuetudinem suam aliis Confessariis aperiet, remedia ejusdem coercendæ edocebitur, & aliquando tandem meliorem ad frugem poterit adducere. 4to. si error invincibilis in boni communis dispendium vergat. Hinc invalidè ordinatus moneri debet, quia bonum publicum particulari præferendum est. Idem dicendum mihi videtur, si poenitentis error grave privatis damnum ingeneret: postulat enim charitas & sæpe justitia ut grave proximi damnum, cum id fieri potest, avertamus.

Certum in hoc triplici casu adhibenda est monitio, etiam si nihil ab eâ sperari legitimè possit. Extra hos, similisve casus, temperandum est à monitione, cum hæc nociva magis quàm utilis futura esse prævidetur, adeò ut poenitens qui hætenus materialiter tantum peccavit, deinceps formaliter peccaturus præsentatur, Confessarii monita spernendo. Ratio est, quia extra citatos casus in quibus agitur de re ad salutem poenitentis, vel commune bonum necessariâ, nemo ad actum inutilem & à fortiori ad actum periculosum tenetur. Hinc non est monendus poenitens de nullitate matrimonii, si subsit legitimus timor, nè eâ cognita dispensationem non petat, sed pergat maritaliter habitare cum eâ quam sciet uxorem suam non esse aut è contra si præsumatur eum non sine prolis periculo, & proximi offensione, ab uxore sibi invisâ discessurum esse.

CAPUT TERTIUM.

De Conscientiâ scrupulosâ.

Quandoquidem ea est scrupulosi hominis calamitas, ut pax animæ ejus continuò perturbetur, ita ut apertum à pietate aut etiam à sanitate mentis excidendi periculum subeat, idcirco præsentem materiam breviter quidem, sed quàm exactè poterit fieri, pertractabimus. Sed antè notandum est, nomine scrupulorum non hic eos à nobis intelligi, qui ex iusto Dei timore non mortalia solum, sed & venialia peccata, imò eorum suspensionem vitare enixè satagunt, ii enim non scrupulosi, sed verè timorati dicendi sunt. Pariter nec ii pro scrupulosis haberi debent, qui ob peccata præterita malè vel leviter confessi anxii sunt: sed ii demùm scrupulosi judicandi sunt.

sunt, qui ex motivo parvi vel nullius momenti judicant aliquid prohibitum esse vel præceptum, adeoque qui *illic trepidaverunt timore ubi non erat timor*, Psalm. 13.

Quæres 1mo. quibus signis possit homo se scrupulosum judicare.

R. Hæc afferri solent: 1mo. si cum salutis suæ studiosus sit, sæpè tamen dubitet, & in uno vel multis capitibus anxie alios interroget. Itèm si variis inquietetur cogitationibus circa fidem castitatem, aliasque virtutes contra quas datâ occasione peccare nollit; 2do. si non nisi cum timore & anxietate viri etiam prudentis decisiones sequatur; 3o. si confessiones ex vero conversionis desiderio & sincerè factas repetere velit, iisque aliquid semper defuisse credat; 4to. si viri pii & in materiis ad mores spectantibus versari, dubia eius pro scrupulis habent; tunc enim, etiam si alia desint signa, pro scrupuloso se habere debet; 5to. si judicet id quod in aliis excusat à culpâ, sibi illicitum esse; si de omnibus ferè quæ ad se pertinent dubitare soleat, &c.

Quæres 2do. quænam sint scrupulorum causæ.

R. Aliæ sunt *ab intrinseco*, v. g. frigida complexio, ideoque formidolosa; 2do. immoderate austeritates quæ caput & postea animum infirmant; 3tio. abundantia proprii iudicii, quæ relictis etiam saniorum consiliis, cerebri sui visionibus præfractè adheret; 4to. subtilitas ingenii quod dubitandi rationes invenit; easdem verò præ agitatione suâ solvere non valet; 5to. defectus iudicii, tentationem à consensu, veniale à mortali non discernentis; 6to. superbia, amor proprius, & confusa quædam inclinatio in eo nos constituendi statu in quo Deo reddamus quidquid ipsi debitum est.

Aliæ sunt *ab extrinseco*, ut 1mo conversatio cum scrupulosis; 2do. lectio Casuistarum qui satis non penetrantur; 3tio. & sapiens astutia diaboli, qui jugam Dei suave in asperum transvertere nititur, ut hominem à virtutis à viâ, celebratione Missæ, à participatione Sacramentorum averrat, aut conjiciat in desperationem; de quo vide apud Lugo historiam juvenis cujusdam nobilis, quoad cetera quidem prudentis, sed plus æquo scrupulosi, qui * cum confessionem generalem totius vitæ facere vellet, per quindecim dies se ad illam præparavit, & plurima folia de suis peccatis scripsit, quibus legendis multi dies non suffecerunt. Sed neque his contentus novum adhuc examen instituit. Quo facto, cum jam per dies aliquot confiteri capisset Valli soleti..... in eas tandem angustias, confessionis occasione, redactus est, ut ipsemet pugione letaliter se percussisset, Deo tamen providente ut ante mortem posset confiteri, 7to.

* Disp. 16. de Panit. sect. 14.

permisso Dei, qui peccata hominis Præterita plectere, futura augere præmia, superbiam ex talentis nascituram moderari curat.

Quæres 3tio. quæ sint scrupulorum remedia, quam itè cum scrupulosis agendi rationem servare debeant Confessarii.

R. varias à variis regulas afferri: nos aliquot exhibebimus desumptas ab autore non laxo.

I. Confessarius scrupulosos monere debet quòd scrupulosi sint, ideòque secundùm scrupulosorum regulas curandi: hoc autem pœnitens & Confessarius ex signis suprà relatis cognoscere poterunt. Porro qui scrupulosus judicatur ab iis quibus interiora sua sapiùs manifestavit, iisdem fidem habere debet, tamen vir sit doctus: scrupulosus enim rarò vel nunquam scrupulosum se credit, saltèm in actu singulari, nec judicat levia esse momenta quibus hic & nunc inquietatur.

II. Inculcanda est scrupuloso necessitas obedientiæ cactæ: quæ sola tanti mali remedium esse possit. Quapropter nisi obedientiam hanc totam spondeat, aut eam assequi seriò conetur, dimittendus est tamquam cujus plaga insanabilis sit. Hæc verò obedientia hinc suadebitur: 1mo. quòd scriptum sit Prov. 3. *Nè innitaris prudentiæ tuæ, & nè sis sapiens apud te ipsum.* Quæ sententia præsertim apud scrupulosos valere debet, qui cùm, quatenus scrupulosi, cerebrum habeant paulisper læsum, seipsos dirigere non possunt, sed ab aliis dirigi debent; 2do. quòd iudicium suum aliorum iudicio antepone-re, animi, sit elati, & contra modestiæ, prudentiæ, humilitatisque regulas peccantis: 3tio. quòd hanc obedientiâ sæpè remuneraverit Deus, & propter eam homines à scrupulis liberaverit.

III. Inculcandum est homini scrupuloso id Gersonis, *Debent scrupulosi audaciter contra scrupulos operari; aliàs nunquam pacem habebunt.* Non quòd licitum sit scrupuloso contra scrupulum quem retinet, operari, si per scrupulum intelligatur verum iudicium, tamen si futilibus causis innixum; sed quia potest & debet scrupulosus scrupulum suum explodere, non disputando, non rationes intrinsecas opponendo sed utendo rationibus extrinsecis, quæ ab autoritate Confessarii, vel Pastoris desumuntur; aut quæ eruuntur è principiis, quæ in casibus prope aut omnino similibus, à viro pio & erudito exposita fuere.

IV. Qui scrupulosum dirigit, epikeia seu rationabili legum etiam divinarum interpretatione uti debet, ostendendo scrupulosos non teneri ad observandas leges quas sine magnâ anxietate & molestiâ, adeoque sine gravi difficultate observare non possunt. Hinc qui magnas in Horarum lectione anxietates patitur, & continuò formidat nè hunc vel illud versiculum omi-

mise-

miser
ste, q
bli
eum q
is qu
V. Sc
imparit
sensile,
no, ut ill
tine debe
mentem
ia verum
stimaret
buille.
VI. S
aliquid
nè ab(q
bent, si
prehend
quenter
quia p
saltèm
quis de
torquen
Nec
quia, ex
nis integ
modo o
fello, ut
Ceteri
timorata
laxioris,
sceleru fu
fessiones
periculum
scrupuli,
mulus he
trahitur.
Et ha
da sunt
occurrunt
gendum
men auct
tiatur dir

miserit, repetere non debet, nisi certò de hâc omissione confiteri, quia præceptum Ecclesiæ tanto cum incommodo non obligat. Hanc regulam extendit Henricus à S. Ignatio ad eos etiam qui memoriter recitant, quod difficilius admitterem pro iis, qui malefidam memoriam à naturâ sortiti sunt.

V. Scrupuloti qui dubitant an cogitationibus blasphemiarum aut impuritatis consenserint, præsumere debent se reipsâ non consensisse, saltè si timorati sint & eò usque abhorreant à peccato, ut illud rarò vel nunquam deliberatè admittant. Idem sentire debent qui ita scrupulosi sunt, ut quidquid sibi venit in mentem commisitisse se credant. Et hoc ait citatus Theologus, ita verum est, ut procedat etiam in casu quo scrupulosus existimaret posse jurare se hisce cogitationibus consensum præbuisse.

VI. Scrupulosi qui circa præteritas confessiones verentur nè aliquid omiserint, nè circumstantias debitè non exprefferint, nè absque necessario dolore fuerint confessi, repetere non debent, si, post mediocrem diligentiam, defectum certò non deprehenderint. Monendi sunt insuper, si timorati sint & frequenter consiteantur, sufficere iis examen valdè mediocre; quia præceptum faciendi examen plusquam mediocre, tunc saltè cessat, cum id exigit iustissima causa, qualis ea est ut quis deviter molestissimas anxietates quibus alioqui sine dubio torqueretur.

Nec refert quòd aliqua forè peccata hinc omitti continget; quia, ex communi Doctorum sensu, ad materiale confessionis integritatem non tenentur, qui eam absque notabili incommodo observare non possunt; neque enim instituta fuit Confessio, ut hominum conscientias discruciet, sed ut sublevet.

Ceterum hac de eo scrupulorum genere dicta sunt, qui timoratae sunt conscientiae: sunt enim scrupulosi quidam vitae laxioris, qui in omne malum faciliè prouunt, & paulò post scelerum furis & remorsu agitantur, & iis permitti debet ut confessiones præteritas repetant (nisi ex istâ repetitione incurrant periculum de novo peccandi.) Ratio est quia talibus profane scrupuli, quatenus superbiam evertunt, vivaces passionum stimulos hebetant, & injiciunt frenum quo mens à peccato retrahitur.

Et hæc sunt quæ scrupulorum morbo à Confessariis adhibenda sunt curationes: alias alii recensent quæ meditantur faciliè occurrunt, ut quòd plerumque cum scrupulosis benignè agendum sit, ne afflictis addatur afflictio nova; aliquando tamen austerè tractandi sint, ut discant parere. Item non patitur director ut sæpius ad se recurrant, eosque etiam non audi-

auditos dimittat, quia recursus illi & colloquia, nova sunt scrupulorum propago. Neve etiam permitat eos abstinere à frequentandis, ut decet, Sacramentis, ne priventur gratia sacramentali quæ peccandis conscientii plurimum infervit.

Quod ad pœnitentes scrupulosos attinet, & ii quoque propria suæ paci allaborare debent: unde imo. sollicitè cavere debent omne peccatum; 2do. frequenter orare, & alia edere pietatis exercitia, præsertim actus amoris & fidei in Deum; multum enim eo nomine peccant scrupulosi, quòd Deum pro exactore austeriori habent; 3tio. cavere otium & vagas cogitationes quæ scrupulis janua aperiunt; adeoque labori sedulo incumbere, ei præsertim qui plus animum juvat, si aliunde nihil habeat mali; 4to. scrupulorum causas evertere, ita ut superbus prudentiæ suæ non innitatur; timidus meditetur bonitatem Dei; melancholicus Medicorum arte bilem atram expellat; 5to. directoris consilium sequi sinè examine; directorem quem pium & peritum, sive per se, sive per alios esse resciverit, non mutare facile, neque alios interrogare malène an benè casum hunc solverit; haud credere Confessarium non satis intellexisse casum sibi propositum, &c.

CAPUT QUARTUM.

De Conscientiâ dubiâ.

Licet conscientia dubia non sit propriè conscientia, cum ad conscientiam requiratur judicium, & mens dubitans non judicet, sed potiùs suspendat judicium, de eâ tamen hîc agimus, quia nullibi commodiùs de eâ agere licet.

Dubium dividitur imo. in negativum, & positivum, de quibus jam suprà: ubi notandum est eos allucinari qui cum Tamarino sentiunt. dubium * propriè dictum tunc solum contingere, dum vel nullæ occurrunt rationes, sive pro unâ, sive pro alterâ parte contradictionis, vel non occurrunt nisi leges: nam imo. qui dubitat sinè ratione, non tam dubium habet quàm nescientiam, ut ibid. animadvertimus; 2do. qui graves habet rationes circa utramque partem contradictionis, eo ipso conscientiam habet verè dubiam, non autem probabilem, ut malè contendunt adversarii. Tunc enim propriè homo est in statu dubitantis, cum mens ejus inter duas contradictionis partes ita est suspensâ, ut non magis ad unam partem quàm ad aliam inclinet per assensum; atqui ubi momenta sunt æqualia aut quasi æqualia, [sive gravia sint, sive levia, mens non

* Sup. 144.

magis in unam contradictionis partem quam in aliam ferre se potest per assensum; ergo necessum est eam fluctuantem & suspensam ac proinde verè dubiam remanere, eo fermè modo quo necesse est stateram remanere suspensam & æquilibrium, dum æqualia in utràque bilance sunt pondera.

Dividitur 2do. in dubium *purè speculativum*, quo quis dubitat de re, quæ ad mores non pertinet, v. g. de causâ fluxûs maritimi, *speculativè practicum*, quo quis dubitat an aliqua actio vel omissio in genere, sit licita vel non, v. g. an die festo pingere liceat, necne; & *practicè practicum*, quo dubitatur an actio aliqua hîc & nunc cum omnibus circumstantiis suis fieri possit: v. g. an hoc die festo liceat mihi pingere ad exornandam Ecclesiam.

Dividitur 3tio. in dubium juris, & dubium facti. Dubium *juris* est illud, quo quis dubitat, an extet lex seu publica seu privata, quæ aliquam actionem præcipiat aut vetet, vel saltè an ea lex legitima sit & obligatoria: ut cùm quis ambigit an Ecclesiæ vel voti lege teneatur ad jejunandum tali die; an Superior talem conscientiæ casum sibi reservare potuerit. Dubium *facti* est illud, quo quis certus quidem est de lege, sed dubitat de facto, quod legem respicit, ut cùm quis dubitat an votum olim emissum adimpleverit: an Titia quam vult ducere, sit sibi affinis vel consanguinea. Idem dubium sub diverso respectu esse potest dubium facti & juris: vel saltè ex dubio facti sæpè nascitur dubium juris. Dubitat quis v. g. an matrimonium liberè contraxerit, en dubium facti; ideoque dubitat an in hoc casu teneatur ad reddendum debitum, en dubium juris. His præmissis, duo hîc expendenda sunt; imo. an in dubio negativo seu juris seu facti pars tutior tenenda sit; 2do. an idem dicendum in casu dubii positivi. Sit

CONCLUSIO I. In dubio etiam negativo seu juris seu facti, pars tutior finè peccato omitti non potest. Hoc tamen dubium satis facillè potest excuti.

Prob. 1. pars: 1mo. quia *Quod non est ex fide peccatum est*: atqui implicat ut quicumque in dubio etiam malè fundato agat, agat ex fide seu persuasione quòd actio sua licita sit, cùm actu dubitet an non sit illicita; ergo.

Prob. 2do. quia peccat qui vult ponere opus quod judicat posse esse malum, & offensam Dei: atqui operans in tali dubio vult ponere opus &c.

Obj. Si peccet homo cùm id facit de quo dubitat an sit peccatum necne, quisquis de actionis suæ bonitate certus non erit, non poterit operari: atqui falsum consequens; alioqui

homo suspensus remanebit, cum certitudinem in moralibus habere nequeat.

R. dist. maj. non poterit homo agere, nisi habeat certitudinem moralem, C. physicam aut metaphysicam, N. Certitudo triplex, metaphysica, physica, & moralis. Certitudo metaphysica est adhesio mentis ei veritati quæ etiam per omnipotentiam Dei aliter se habere non potest: sic certus sum, me esse, dum cogito. Certitudo physica est adhesio mentis alicui veritati, quæ secundum consuetas naturæ leges aliter habere se nequit, tametsi absolute aliter se habere possit; sic certus sum hominem qui in ignem conjicitur dolorem pati. Certitudo moralis est adhesio mentis ei veritati quæ licet aliter esse possit etiam sine miraculo, spectatis tamen circumstantiis omnibus, prudenter & sine probabili timore judicatur talis esse qualis apprehenditur. Talis est certitudo plebis quæ Parochi minime suspecti catechesibus credit: licet enim non desint exempla eorum, qui à Parochis decepti fuere, ea tamen rariora sunt & remotiora, quam ut prudenter timeri debeant; & si timerentur, jam nullus esset dubiorum finis, nulla ex dubio emergendi via. Fatemur certitudinem physicam aut metaphysicam non esse homini necessariam, cum in iis quæ ad mores spectant neutra soleat reperiri: at moralem certitudinem quæ dubium excluditur, requiri contendimus: imo, quia sine illâ exponeret se homo periculo peccandi, faciendo id quod malum esse posse cognosceret; 2do. quia talis certitudo facile haberetur ab iis, qui fidei vel etiam rationis lumen consulunt, aut saltè seipsis peritiores consulere non detrectant.

Prob. 2. pars, quod scilicet dubium negativum satis facile excutitur, aded ut qui dubitabat, prudenter opetari possit. * Prob. prudenter agit qui nullas habet rationes non agendi, aut saltè tam leves habet, ut eas tanquam leves & inanes scrupulos abjicere debeat: atqui negativè dubitans nullas habet rationes non agendi, &c. statim ergo ac animadvertit, se rebus ut decet ponderatis, nullum deregere motivum quod persuadeat actionem de quâ dubitat, reipsâ malam esse, circa eadem tranquillus esse potest.

† Confirm. Qui ignorat invincibiliter actionis alicujus malitiam, actionem hanc tutâ conscientia exercere potest: sed qui post sufficientem inquisitionem, nihil in actione aliquâ advertit mali, ejusdem actionis malitiam ignorat: dubium enim negativum, ut supra dixi, non tam est dubium quam ignorantia, & ignorantia hac involuntaria est, cum sufficienti rerum examine superari nequit.

Hinc conjux quæ ex credulitate *levi & temerariâ*, non autem

pro-

prohibil
ma cre
ditum
Conc
qualem
eligere
* Pro
quam co
quid ag
bitat an
ejus illic
nim me
partem
altera p
apparere
parte ju
altera,
cum r
veram
videns
vident
† Pr
quasi d
riculo
qui scie
quàm n
diat nim
solicitu
quod x
Dei sic
quod ju
leges; 3
est ex fu
qui que
tante i
distat il
Prob
debemus
riarum
dicto, d
ex S. T

* Lib

14. ***

probabili & discretâ, de matrimonii sui validitate adeoque de illicitâ debiti exactione dubitat, potest conscientiâ levis & temerariæ credulitatis explosâ, non solum reddere, sed etiam exigere debitum conjugale. Itâ Innocentius III. c. 44. De sent. excomm.

CONCLUSIO II. Qui de licitate actûs positivè dubitat, ob æqualem vel penè æqualem momentorum vim, tenetur partem eligere tutiorem, & ab agendo abstinere.

* Prob. 1mo. ex ipsis Gentilibus qui regulam hanc posuere, quam commendat Tullius, * *Bene præcipiunt qui vetant quidquid agere quod dubites æquum sit, an iniquum*: atqui verè dubitat an actio sua iusta sit vel iniqua, qui non minores circa ejus illicitatem rationes habet, quàm circa licitatem. Tunc enim mens verè dubitat, cum inter utramque contradictionis partem irâ suspensâ manet, ut non magis pro unâ quàm pro altera parte judicium ferre possit: atqui cum rationes utrinque apparent æquales, mens non magis pro unâ quàm pro alterâ parte judicium ferre potest. Nam judicium ferre pro unâ præ alterâ, est unam ut veram alteri ut falsâ præponere, atqui cum rationes utrinque sunt æquales, mens unam partem ut veram alteri ut falsâ præferre non potest: sicut cum ratio evidens pro unâ parte militat, non potest intellectus contra evidentiâ hanc judicare; ergo.

† Prob. 2do. ex Scripturis, quæ præcipiunt 1mo. ut homo *quasi à facie colubri fugiat peccatum*, ejusque committendi periculo se non exponat: atqui hanc agendi rationem non servat, qui sciens & volens facit id quod tam probabiliter judicat esse quàm non esse peccatum; 2do. ut homo mandata Dei custodiat *nimis*, id est, cum exquisitâ sollicitudine; atqui cum hâc sollicitudine Dei mandata non custodit, qui vult facere id quod æquè probabiliter est quàm non est contra mandata Dei; sicut artium leges exquisitè non servat, qui facit, id quod judicat tam esse posse, quàm non esse contra easdem leges; 3tio. ut homo pro peccato reputet id *omne quod non est ex fide*, seu ex conscientiâ dictante non esse peccatum, atqui quod sit ex conscientiâ dubiâ non sit ex conscientiâ dictante illud non esse peccatum, sed ex conscientiâ quæ, tam dictat illud esse quàm non esse peccatum; ergo.

Prob. 3tio. ex Jure secundum quod *in dubiis semitam debemus eligere tutiorem*: sed qui versatur in æquali contrariarum opinionum probabilitate, versatur in vero & propriè dicto, dubio, ut patet tum ex dictis initio hujus Articuli: tum ex S. Thomâ, qui expressè id docet q. 14. de veritate art. 1.

H₂

ergo

* Lib. 1. De Offic. ** Eccli. & 21. *** P salm. 117. ** Rom. 14. *** C. 11. 18. 24. De homic.

ergo tam dubius est qui graves pro utraque parte rationes æquales habet, quam qui nullas; ergo si agat in sensu composito dubitationis id, *de quo dubitat esse mortale, mortaliter peccat*, ait S. Augustinus 1. p. tit. 3. c. 10.

* Prob. 4to. Qui probabiliter dubitat an peccatum quod commisit mortale sit, an non; item an turpi cogitationi consenserit necne, hoc confiteri debet ex unanimi Ecclesiæ consensu, ut ipse fateatur Caramuel; ergo & qui dubitat an hæc actio sit mala, ab eadem abstinere tenetur.

Prob. 5to. Non minus cautè ac prudenter in salutis negotio procedendum est, quam in negotiis temporalibus: atqui in dubio circa res temporales pro imprudenti haberetur, qui partem minus tutam eligeret, dum eligere tutiorem potest; qui v. g. assumeret escam quam dubitat veneno infectam esse dum aliam veneni expertem præ manibus haberet; ergo.

† Obj. 1mo. Deus non obligat, nisi ad abstinendum ab iis quæ lege suâ prohibentur; atqui si pars tutior amplectenda sit in dubiis, quæ aded frequentia sunt inter homines, abstinendum erit à multis quæ nullâ Dei lege prohibentur; ergo.

* R. 1mo. retorq. argumentum. Deus obligat ad abstinendum ab iis quæ lege suâ prohibentur, atqui si teneri possit pars libertati favens contra legem, de quâ sæpè etiam cum verè existit, dubitatur, sæpè fiat ut non abstineat homo ab eis quæ Dei lege prohibentur; ergo.

† R. 2do. dist. min. Si pars tutior amplectenda sit, abstinendum erit à multis quæ non prohibentur lege Dei directâ C. lege Dei reflexa, N. ut voces moram non faciant, per legem Dei *directam* eam intelligo de quâ dubitatur an existat necne, & quæ reipsâ aliquando non existit à parte rei; legem verò *reflexam* eam dico, quæ præcipit: ut in his dubii casibus amplectatur homo id quod minùs ipsum exponit periculo peccandi. Fateor quòd posita opinione nostrâ sit abstinendum à multis quæ lege directâ non prohibentur, quia sæpè dubitamus ubi non dubitaremus si minoribus tenebris involveremur: sed contendendo hominem non abstinere tunc nisi ab eo à quo abstinendum esse præcipit lex reflexa & generalis; quia illa præcipit ut in dubio id omittamus, quod grandis; id sectemur, quod nulli est obnoxium periculo.

* Obj. 2do. Quilibet prudenter & inculpate judicare potest eam partem de quâ dubitat an prohibita sit, non esse prohibitam. Fieri enim potest ut viri docti & prudentes judicent partem hanc reipsâ prohibitam non esse: atqui fieri etiam potest ut homo aliquis ea omnia percipiat motiva ex quibus viri illi & docti prudentes judicant partem hanc non esse prohibitam; ergo

ergo fieri potest ut homo ille sicut & illi, prudenter iudicet licitum sibi esse partem hanc amplecti.

R. ad 1. neg. ant. ad 2. dist. min. Fieri potest ut homo percipiat omnia motiva ex quibus viri illi prudenter iudicant, &c. sed fieri non potest ut motiva hæc ipsum moveant eodem modo quo ipsi per motiva hæc moventur, C. & motiva hæc eundem in ipso ac in illis effectum producant, N. Itaque motiva quæ menti meæ præsentia sunt, possunt viros pios in varios assensus inculpate distrahere: sed ad hoc necesse est ut ex hisce motivis alia aliis graviora & verisimiliora iisdem viris piis videantur, alioqui non essent extra statum dubii: verum motiva hæc intellectui meo modo longè dispari obijciuntur, nempe ut omnino æqualia; ergo iisdem motivis, quandiu talia remanebunt, determinari non possum ad iudicandum hanc contradictionis partem veram esse præ alterâ; ergo in hoc casu eam debeat partem amplecti quæ magis à periculo peccandi removeret, licet alii qui in eodem dubii casu non sunt, eam possint partem amplecti quæ longè probabilior ipsis videtur, ut ex dicendis constabit.

† Obj. 3tio. Canones qui dicunt tutiorem partem in dubiis esse amplectendam, consilii sunt, non præcepti.

R. neg. ant. imo. quia Canones illi his utuntur verbis, *Via tutior est eligenda, semitam debemus eligere tutiorem. Quod certius existimamus, tenere debemus*: atqui verba hæc, si quæ unquam, præceptiva sunt; 2do quia citati Canones præcipiunt ut pars tutior teneatur, eo quod * in altero nullum, in reliquo vero magnum periculum timeatur. atqui amplecti id quod nullum habet periculum, eo relicto in quo magnum timetur, non est consilii, sed præcepti ergo.

§ Inst. Saltè dici potest hanc regulam procedere in dubiis facti, non juris; vel in dubiis in quibus rationes probabiles sunt pro lege, nullæ, vel non nisi leves pro libertate.

R. neg. ant. nam regula de tutiori parte amplectendâ procedit in omni casu in quo timendum est nè quis periculo peccandi se exponat; id autem timendum est in dubio juris sicut & in dubio facti.

Quod additur regulam hanc intelligi in dubiis in quibus rationes nullæ vel solum leves sunt pro libertate, perinde falsum est. Atque id patet ex cap. 44. *De sent. excomm.* in quo præcipit Innocentius III. *ut cum conscientia alterius conjugum pulsat animum ex credulitate probabili & discretâ, quamvis non evidenti & manifestâ, quod conjugium suum ob aliquod impedimentum dirimens, sit nullum, debitum quidem reddere possit, sed postulare non debeat, nè in alterutro vel contra legem conju-*

gii, vel contra iudicium conscientiae committat offensam. Atqui Pontifex non juberet reddi debitum, ut vitaretur peccatum contra legem conjugii; nè probabiliter quidem validi; nec illud exigi prohiberet, si nullitas ejusdem infirmis & penè nullis rationibus probaretur; ergo regula tutiorem amplectendi partem tunc etiam urget, cum momenta quæ libertati favent nec nulla sunt, nec contemnenda.

Obj. 4to. Si in dubio de licitate actionis, ab eâ esset abstinendum; lex dubia certam pareret obligationem: atqui id fieri nequit. Lex enim quæ invincibiliter ignoratur, non potest parere veram obligationem: atqui lex dubia ignoratur invincibiliter; cum dubium deponi non possit.

R. ad 1. diff. maj. Lex dubia non potest parere obligationem certam petitam ex parte ipsius legis de quâ dubitatur, C. petitam ex parte legis generalis quæ vetat nè quis exponat se periculo peccandi, N. Cum enim dubito an hæc vel illa lex obliget, necne, certe non dubito an in hoc casu eam debeam partem amplecti quæ magis à peccato removeat; adeoque etsi lex de quâ dubito supponatur non esse satis nota, lex illa generalis partem tutiorem tenendi, non potest supponi non esse satis nota, cum vel ipsi Gentilibus innotuerit, ut ex dictis patet. Ad 2. neg. min. Qui enim legem ignorat invincibiliter, invincibiliter etiam ignorat malitiam actionis suæ: sed qui positivè dubitat de malitiâ actionis oppositæ legi, malitiam hanc invincibiliter non ignorat, cum ignorantia invincibilis prudens & probabile dubium necessariò excludat.

† Obj. 5to. Si tam strictè urgeat effectum istud, *In dubiis pars tutior tenenda est*, nullius erit usus celebre hoc axioma, *In dubiis melior est conditio possidentis*

Resp. regulam hanc, *In dubio melior est conditio possidentis*, valere posse in materiâ justitiæ, non autem in aliis, in quibus proinde adhiberi debet regula, hæc, *In dubio pars tutior est eligenda*; vel hæc saltem, *Pro eo standum est, pro quo stat præsumptio*.

*Antequam proberetur solutio, not. 1mo. possessio est occupatio rei tanquam suæ: unde is rem aliquam possidere dicitur qui eam veluti suam retinet & servat.

Not. 2do. Autores qui principium illud, *Melior est conditio possidentis*, non solum in materiâ justitiæ, sed in aliis quoque extra justitiam materiis locum habere putant, duplicem distinguunt possessorem, legem scilicet. & hominis libertatem. Possessio, inquit, stat pro lege contra libertatem, dum constat de lege, & dubitatur de eo per quod tollitur obligatio legis; contra vero possessio stat pro libertate contra legem, dum constat

stat

stat de
gatio leg
de immo
carnes, &
vero dub
Veneris,
die Jovis
implere
bertates;
pletionem,
dubius v
Not.
45. Juris
quod pla
Dico
valere in
Probi.
su favor
for non
habere
alter:
merito
contra
quisque
de in
ditio p
pro quo
Quo
tia imp
frigidi
sed dub
summa
Et id n
giditati
conjugi
eo ipso
cum sp
experie
conjug
su dici
teneatur
mabitur
jam en

stat de libertate, & dubitatur de eo per quod introducit obligatio legis. Hinc, juxta eos qui dubitant an sonuerit hora duodecima inter Sabbatum & Dominicam, non potest comedere carnes, quia lex abstinentiæ est in possessione die Sabbati, qui verò dubitat an sonuerit duodecima inter diem Jovis & diem Veneris, potest carnibus vesci, quia libertas est in possessione die Jovis. Pariter, aiunt, qui dubitat an votum emiseric, illud implere non tenetur, quia dubitat de lege, non autem de libertate; qui vero certus est de voto, sed dubius de ejus adimplerione, ipsum adimplere tenetur, quia certus est de lege, dubius verò de libertate.

Not. 3tio. præsumptionem haberi ab assuetis, juxta regulam 45. Juris in 6. *Inspicimus in obscuris quod est verisimilius, vel quod plerumque fieri consuevit.* His præmissis,

Dico 1mo. regulam, *In dubio melior est conditio possidentis,* valere in materiâ justitiæ. Itâ Theologi omnes.

Prob. 1mo. ex consensu Gentium omnium quæ in pari casu favorabilius excipiunt possessionem, quàm eum qui possessor non est; 2do. quia possessor ultra rationes quas æquales habere supponitur, habet pro se possessionem quam non habet alter; atqui ex hac possessione melior est ejus conditio; quia meritò præsumitur meum esse quod apud me est: etsi enim contrarium evenire potest, communius tamen evenit ut unusquisque rem suam non apud alios, sed apud se conservet: unde in materiâ ipsius justitiæ cum hac regula, *Melior est conditio possidentis,* concurrat hac alia, regula. *Pro eo standum est, pro quo stat præsumptio.*

Quod dictum est de materiâ justitiæ, locum habet in materiâ impotentiae, statuitur enim cap. 5. *De frigid. & malefic.* ut frigidi quorum perpetua coeundi impotentia certa non est, sed dubia, per triennium experiantur an matrimonium consummare possint, non obstante dubio de matrimonii nullitate. Et id meritò concessum est, tum quia non aliter de vero frigiditatis impedimento constare potest; tum quia magna in conjugii esset incertitudo, si conjuges, de impotentia sua dubii, eo ipso ab omni attentatione copulae abstinere deberent, etiam cum spes aliqua adest copulam perficiendi post temporalem experientiam. Hic casus cum fundetur in jure quod habent conjuges, ad justitiam revocari potest; imò in utroque hoc casu dici potest quod aliquatenus teneatur pars tuior, quia ea teneretur quæ plura vitat inconvenientia. Et verò vel consummabitur matrimonium, vel non. Si primum, lauderetur Deus, jam enim de ejus validitate constat. Si secundum, inculpate

tentatum est quidquid tentatum est, cum sponsi non aliâ quam experimenti hujus conditione à se invicem separari possent.

† Dico 2do. Prædicta regula, *In dubio melior est conditio possidentis*, seu libertatis, ut interpretantur Probabilistæ nullius est utilitatis in aliis præter justitiam materiis: unde vel dubium excuti debet ope hujus regulæ, *Pro eo standum est*, aut alterius, si quæ sit, similis; vel si excuti nequit, *pars tutior omnino tenenda est*.

* Prob. Ut in dubio de legis existentia melior esset conditio possidentis, ad sensum Probabilistarum, possessio esse deberet pro libertate: atqui in dubio de existentia legis possessio non est pro libertate. Nam possessio libertatis est jus rem hanc vel illam faciendi pro arbitrio: atqui in dubio an existat lex, homo nunquam habet jus faciendi pro nutu quidquid libuerit. Cum enim obligatio sit proprietas essentialis legis; qui de lege dubitat, eo ipso dubitat an non sit obligatus ad hoc potius quam ad illud; ergo non habet jus, id, quod libuerit, faciendi; ergo non est verè possessor libertatis; ergo axioma quod possessori meliorem attribuit conditionem, homini de lege dubitanti inservire non potest; ergo etiam si homo qui certus est diem S. Martini v. g. non esse festivam, certò habeat jus laborandi vel non; ille tamen qui cum fundamento dubitat, an dies illa festis annumerata non sit, non habet certò idem jus, sed de eo dubitat; ac proinde in tali dubio possessio non stat pro libertate ipsius.

† Confirm. Ideò in materiâ justitiæ possessio dubium tollit, vel saltèminuit, quia legitimè præsumitur possessorem esse verum rei quam penès se habet dominum, quatenus moraliter loquendo meum est, non alienum quod apud me est: atqui possessio quæcumque fingatur, præsumptionem hanc quæ libertati faver in aliis præter justitiam materiis facere non potest. Sic, v. g. qui dubitat an voverit castitatem, & ex consequenti an uxorem ducere possit, quantumvis fingatur libertatis suæ possessor, nullam tamen indè habet præsumptionem ex quâ inferre possit se non vovisse; ergo.

Obj. Possessio libertatis sufficit, ut quis dubium deponat, & certam sibi conscientiam efformet in materiâ ipsâ legis naturæ. Nam uxor quæ dubitat de matrimonii (sui validitate, debet) marito petenti reddere debitum; atqui hoc ideo solùm potest, quia libertatem suam possidet.

R. ad 1. neg. ant. ad 2. neg. min. Vera enim ratio cur uxor teneatur debitum reddere, est: quia è duobus malis illud eligi debet quod Ecclesiæ judicio minus est: porrò minus est malum reddere debitum in dubio, quàm denegare; reddendo enim

enim ad summum laderetur virtus castitatis, denegando verò laderetur iustitia, exponeretur maritus blasphemia, periculo, incontinentia, suspitionis, &c.

Et certè si licentia reddendi debitum fundaretur in possessione libertatis, uxor non solum posset debitum reddere, quod permittit Ecclesia, sed etiam illud exigere, quod tamen Ecclesia prohibet. Accedit quòd etiam statuat Ecclesia, ut dubitans reddat debitum dum possessio stat pro lege contra ipsum, v. g. cum malà fide matrimonium contraxit, & alter contrahens qui sinè periculo moneri non potest de rationibus dubitandi, perseverat in bonà fide; ergo possessio libertatis non est causa, cur reddatur debitum, sed necessitas è duobus malis id quod gravius est evitandi.

Ex his principiis solvi possunt innumeræ quæstiones. v. g. quòd qui dubitat an comederit aut biberit post mediam noctem, non possit Eucharistiam recipere; an inchoaverit annum 22. non possit sacros Ordines suscipere; an voverit, teneatur adimplere votum; an voverit sex aut octo jejunia, teneatur ad octo; an incurrerit censuram, obligetur ad abstinendum ab iis à quibus abstinere debent qui eandem censuram incurrerunt, quia in his omnibus pars tutior est tenenda; nisi dubium excuti possit ope regulæ alicujus qualis est ista: *Pro eo standum est, pro quo stat præsumptio*. Ex eà enim meritò quis inferet se vel non emisisse votum, vel non admisisse tali tempore tale scelus cui annexa sit censura; quia non consuevit hujusmodi rerum oblivisci; sed potius circa eas plurimum habere anxietatis.

Quæres 1mo. quale peccatum committat, qui facit id quod bonè vel malè dubitat esse peccatum; 2do. an etiam peccet qui dubio invincibili laborat.

R. ad 1. Peccatum ex dubio commissum, ejusdem esse speciei ac gravitatis, quæ à dubitante apprehenduntur. Sic qui agit dubitans an pejeret, vel mentiat, peccat in genere perjurii, vel mendacii; quia vult interpretativè perjurium aut mendacium, cum unusquisque velit illud peccatum cui se exponit. Atque hinc sequitur peccatum, ejus eandem habere gravitatem quam in eo esse credit; quia gravitas periculi, cui se exponit, responderet dubio ipsius, cum non peccet nisi ratione dubii sui.

R. ad 2. peccare eum etiam qui laborat dubio invincibili. Ratio est, quia is certam sibi conscientiam formare non potest, quòd actio sua licita sit; & tamen hæc conscientia certitudo ad vitandum peccatum necessaria est.

CAPUT QUINTUM.

De Conscientia probabilis.

Cum conscientia probabilis in opinione probabili tota fundetur, ante omnia explicandum est quid sit opinio, quid probabile, &c.

Opinio definitur à S. Thomâ, *Actus intellectus qui fertur in unam partem contradictionis cum formidine alterius*. Vel, ut ait S. Bonaventura, *Assensio unius partis cum formidine alterius*. Opinio, prout est *assensus*, differet à dubio, in quo suspenditur assensus; prout vero juncta est cum formidine, differt tum à scientia, tum à fide divinâ, quæ omnem errandi formidinem ab assensu excludunt.

Probabile est id quod licet non sit certò verum, est tamen verisimile; hinc opinio probabilis definiri potest: Actus quo mens ob motivum grave, sed tamen fallibile, prudenter judicat aliquid esse licitum vel illicitum: 1mo. est *actus quo mens judicat*: opinio enim, prout à dubio distinguitur, verum mentis judicium includit; 2do. *ob motivum grave*, id est, quod licet non habeatur absolute pro vero, tantam tamen veritatis speciem habeat, ut prudenter judicetur esse verum: unde si motivum opinionis quæ opinioni meæ adversatur, sit vel gravius, vel æquale, opinio mea non erit veri nominis opinio, quia nullum mihi superpetet motivum ex quo efformare possum prudens judicium de honestate & licitate actionis; 3tio. sed tamen *fallibile*, cum opinio differat tum à scientiâ, tum à fide; 4to. *prudenter*; ad quod necesse est 1mo. ut homo serium instituat examen quo & suæ, & oppositæ etiam partis rationes expendat, imò & solvat, 2do. ut motivum ex quo judicat nec Scripturæ, nec communi Patrum sensui, nec Ecclesiæ definitionibus, aliisve ejusdem generis momentis adversetur. Hinc merito proscripta est ab Innocentio XI. propositio, sequens *Generatim dum probabilitate sive intrinsecâ, sive extrinsecâ quantumvis tenui, modò à probabilitatis finibus non exeat, confisi aliquid agimus, semper prudenter agimus*. Hæc item ab Alexandro VII. *Si liber sit aliquis junioris & moderni, debet opinio censeri probabilis, dum non constet rejectam esse à Sede Apostolicâ tanquam improbabilem*.

Opinio spectata ratione fundamenti quo innititur, alia est probabilis *intrinsecè*, cujus probabilitas desumitur ex momentis verisimilibus in ipsâ rei naturâ fundatis; alia probabilis *extrinsecè*, cujus probabilitas desumitur ex Doctorum vel testium autho-

ritate:

ritate: hæc tamen Doctorum autoritas non movet, nisi in quantum præsumitur conjuncta rationibus quibus ii ad tenendam hanc opinionem determinati fuerint; unde probabilitas extrinseca non tam ex numero Doctorum metiendâ est, quàm ex eorum merito, probitate, doctrinâ, studio, diligentia, & communi prudentum æstimatione.

Opinio ad opinionem comparata, alia est probabilior, alia tutior, alia communis, alia communior.

Opinio *probabilior* ea est, quæ, spectatis rationum pondere & gravitate autoritatis, verisimilior apparet.

Opinio *tutior* ea est, quæ magis removel à periculo peccandi: unde opinio tutior stat pro lege: eamque hîc & nunc obligare declarat; cùm è contra opinio *minùs tuta* faveat libertati, quatenus negat hominem ulla, quæ hîc & nunc obliget, lege impediri ab agendo id quod volet. Hinc opinio tutior & probabilior multum à se differet, quia cùm securiras opinionis desumatur ex distantia ejus à peccato, probabilitas verò ex majori veritatis apparentia, fieri potest ut opinio minùs probabilis sit tutior, & ut probabilior sit minùs tuta. Sic opinio quæ docet Beneficiarium habentem bona patrimonialia, ex iis, non autem ex Ecclesiasticis, vivere debere, tutior est, quia qui eam sequitur non peccat: est tamen minùs probabilis, quia minùs est fundata: è contrario, opinio quæ docet eundem Beneficiarium posse è bonis Ecclesiasticis vivere, probabilior est; & minùs tuta, quia minùs removel à peccato. Quæ verò docet Beneficiarios superfluum redditùs Ecclesiastici pauperibus ex justitia largiri debere, aut tres contractus esse illicitos, tutior est simul & probabilior, adeoque quæ docet oppositum, est simul minùs tuta, & minùs probabilis.

Opinio *communis* illa est, quæ habet pro se decem aut octo Autores, non quoscumque, sed graves; non æquo rigidiores, non etiam laxiores, & qui rem non cursim, aut alios instar ovium sequendo, sed ex professo & intimè tractaverunt.

Opinio *communior* est ea, quam major numerus post idem ac serium examen amplectitur. Ac proinde *minùs communis* ea est quæ à paucioribus tenetur.

Hinc cautè notandum, quòd licèt ex duabus opinionibus quæ secum conferuntur, altera probabilior dicatur, altera verò minùs probabilis, non indè tamen concludendum sit, eam quæ minùs probabilis dicitur, esse verè & absolutè probabilem in concursu oppositæ probabilioris. Nam illud solum verè probabile dicendum est, quod per assensum prudentem approbari potest, quodque nititur fundamentis tam gravibus, ut per ea sufficienter elidantur oppositæ opinionis motiva, adeò ut rebus maturè

maturè & sinè passione perpenſis, poſſit homo prudenter judicare partem hanc eſſe alià veriorẽ: atqui opinio minùs probabilis hæcẽ conditiones nec habet, nec quã talis habere poſteſt; ergo opinio hæc non eſt verè & proprie probabilis, ſed abuſivè tantum & nomine tenuis.

His expoſitis, cùm opinio quæ favet libertati, & ut talis minùs eſt tuta, tripliciter comparari poſſit cùm opinione quæ favet legi, & ſic tutior eſt, nempe ut minus probabilis cum probabili, ut æquè probabilis cum æquè probabili, ut probabilior cum minùs probabili; idèò triplex hic proponitur quæſtio: 1mo. utrùm liceat amplecti opinionem minùs probabilem *de licito*, ſeu quæ libertati favet, declarando rem aliquam fieri poſſe ut licitam, in concurſu alterius opinionis probabilioris *de illicito*, ſeu quæ favet legi, declarando rem illam eſſe illicitam, & ut talem fieri non poſſe; 2do. utrùm non liceat ſaltèm amplecti opinionem quæ favet libertati, cùm ipſa æquè eſt probabilis ac oppoſita quæ favet legi; 3tio. demum, an ad minùs non liceat amplecti opinionem quæ favet libertati, cùm oppoſita quæ favet legi minùs eſt probabilis. Quarta addi debet quæſtio, an nimirum liceat amplecti opinionem libertati faventem, quæ oppoſitam vincit probabilitate, cùm exceſſus quo alia aliam vincit, levis eſt, non autem notabilis. His præmiſſis, ſit

CONCLUSIO 1. Non poſteſt quis ſinè peccato ſequi opinionem libertati faventem & minùs probabilem, in concurſu opinionis alterius ſtantis pro lege, & ſimul probabilioris. Sequitur ex dictis Capite præcedenti: ſed quia res eſt ſummi momenti.

Prob. 1mo. ex Script. Deuter. 26. *Dominus Deus præcipit tibi ut facias mandata hæc atque judicia; ut custodias & impleas ex toto corde tuo, & totà animà tuà.* Quibus conſonat id Euangelii, * *Diliges Dominum Deum tuum ex toto corde tuo; & ex totà animà tuà, & ex omnibus viribus tuis* ** ſed qui ſententiam minùs probabilem amplectitur, non diligit Deum ex totis viribus. Ille non diligit Deum ex totis viribus, qui ea tranquillè facit vel omittit ex quibus iudicat, & quidem probabilius Deum graviter offenſum iri: ſed qui ſententiam minùs probabilem libertati faventem contra præceptum amplectitur, ea facit vel omittit. . . Novit enim longè ſecurius eſſe ad vitandam Dei offenſam, ut oppoſitæ adhæreat ſententiæ, quæ ut tutior, penitus removeret à peccato; & ut probabilior, prudenter iudicatur eſſe verior, imò & ſola vera, prout ex dicendis conſtabit: atqui tamen non ei adhæret ſententiæ, &c.

Eccle. 3. 27. *Qui amat periculum, peribit in illo: ſed qui ſequitur in praxi opinionem minùs probabilem in concurſu probabilioris,*

* *Lucæ 10. 37.* ** *Matth. 22.*

babilioris, periculo manifestè se exponit. Est enim ei locus timendi nè legem transgrediatur, si fortè ea existat: atqui tunc longè probabilius est eam existere quàm non existere; ergo.

* Prob. 2do. Illa opinio penitus rejicienda est, quam Ecclesia tota per sexdecim secula ignoravit, aut non cognovit nisi ut improbandam: atqui talis est opinio quæ partem minùs tutam & veri minùs similem in praxi teneri posse docet.

1mo. Quidem per sexdecim secula Ecclesiæ incognita fuit: tum quia adversarii nè unum quidem traditionis textum citare possunt qui faciliè non solvatur, ut infra ostendemus; tunc quia Antonius de Corduba, insignis è familiâ Fratrum Minorum Theologus, postquam statuit partem tutiorem esse tenendam, cum pars opposita vel minùs, vel æqualiter solum est probabilis, subiungit, *Et in hoc omnes Theologi consentiunt.* Porro Corduba scribebat an. 1571.

2do. Eadem opinio prædamnata fuit à SS. Patribus (licet satis raro, quia nec nata erat, nec inter Christianos nascitura esse prævidebatur.) S. Augustinus L. 2. de doct. Christ. c. 8. hunc modum à viro prudenti in Scripturis canonicis teneri vult, *ut eas quæ ab omnibus recipiuntur Ecclesiis præponat eis quas quædam non accipiunt, in his verò quæ non accipiuntur ab omnibus, præponant eas quas plures gravioreque recipiunt, eis quas pauciores minori que autoritatis Ecclesiæ tenent: si autem alias invenerit à pluribus, alias à gravioribus, quamvis hoc facile invenire non possit, æqualis autoritatis eas habendas putat:* atqui si Scriptura probabilior eligenda est & præferenda minùs probabili, nulla est ratio cur opinioni minus probabili non sit præferenda opinio probabilior; ideò enim Scriptura probabilior minùs probabili præfertur, quia sequenda est sententia probabilior præ minùs probabili, unum enim formaliter includitur in altero.

Idem S. Doctor Epist. 154. *Si quis, inquit, bonum putaverit esse quod malum est, & fecerit hoc putando, utique peccat; ergo à fortiori peccat qui facit id quod non judicat esse bonum, sed verisimilius esse malum.*

S. Thomas Quodl. 9. art. 15. expendens an licitum sit plures Præbendas habere, ait id periculose determinari... *quia Theologi Theologis, & Juristæ Juristis inveniuntur contraria sentire:* atqui si liceret opinionem minùs probabilem in concursu probabilioris eligere, nullum esset in decisione hujus quæstionis periculum, propter diversas doctorum opiniones: posset enim quisque eam quam mallet tenere sine periculo peccati; quia, juxta Caramuellum, opiniones benigniores, etsi aliquando sint minùs probabiles, per accidens tamen sunt semper utiliores & securiores.

Et quolib. 8. art. 13. *Si inquit, ille qui possidet plures, Præbendas*

bendas in quandam dubitationem inducitur ex contrarietate opinionum, & manente tali dubitatione plures Præbendas habeat, periculo se committit; & sic procul dubio peccat, ut potè magis: amans Beneficium temporale quàm propriam salutem. Sed qui sequitur opinionem minùs probabilem, non potest non induci in aliquod dubium de ejus veritate, cum fortiora sint motiva quæ eam falsam esse convincunt, quam quæ adstruunt eandem esse veram; ergo periculo committit se, & sic procul dubio peccat.

Prob. 3tio. quia rejici debet doctrina, quæ constanti Romanæ Ecclesiæ traditioni adversatur: atqui talis est doctrina probabilissimi.

Prob. min. 1mo. quia RR. Pontifices hoc semper principii instar habuerunt, in his quæ dubia sunt, tenendum esse id quod certius existimamus; ergo à fortiori senserunt in his quæ sunt veri minùs similia, & proinde plusquam dubia, partem certiorum seu probabiliorem sequendam esse.

2do. quia eo etiam tempore quo infeliciùs grassata est probabilitatis novitas, eam nec in decisionibus, nec in Libris suis secuti sunt Cardinales, & si qui eam aliquando secuti fuere, ut Pallavicinus, ab eadem ante obitum recesserunt.

† 3tio. quia Sedes Apostolica si non omnem omnino Probabilimum, at eum certè qui communior erat, tam in se quàm in horrendis quæ inde scaturiebant propositionibus reprobavit. Has enim quatuor propositiones damnavit Innocentius XI. Prima. *Non est illicitum in Sacramentis conferendis sequi opinionem probabilem de valore Sacramenti, relictâ tutiore, nisi id vetet lex, conventio, aut periculum gravis damni incurrendi, &c.* Unde sic: Ideo illicitum est opinionem minùs probabilem sequi in conferendis Sacramentis, quia periculum est nè violetur lex divina præcipiens ut Sacramenta tali modo conficiantur aut conferantur: atqui periculum etiam est nè is qui opinionem tutam minùs, minùsque probabilem sequitur in aliis materiis ad mores spectantibus violet legem Dei, qui mandata sua mandavit custodiri nimis; ergo. Secunda propositio sic habet: *Probabiliter existimo Judicem posse judicare juxta opinionem etiam minùs probabilem:* atqui non minùs prohibitum est homini judicare contra legem Dei in his quæ ad æternam salutem spectant, quàm Judici judicare contra jus alterius hominis, in his quæ temporalia, solum bona respiciunt. Si enim opinio minùs probabilis de jure alieno non efficit ut res de quâ litigatur, ad eum potius pertineat qui minùs habet juris: certè nec opinio minùs probabilis efficere potest; ut actio de cujus licitate disputatur, præsumatur licita esse, sed e contra. Tertia propositio his concepta est verbis, *Generatim dum probabilitate*

sive

sive intrinsecâ, &c. ut suprà pag. 22. atqui admissâ ut admitti debet, hujus propositionis centurâ, dicendum est partem longè probabiliozem semper esse tenendam; pars enim huic parti opposita non nisi *tenuem* habere potest probabilitatem: porro fallum est ex centurâ, quòd prudenter operetur qui *ex tenui probabilitate*, tametsi verâ, operatur. Quarta propositio hæc est *Ab infidelitate excusabitur Infidelis non credens, ductus opinione probabilis*: atqui si opinio minùs probabilis favens hæresi, v. g. quæ, ut norant omnes, difficillimis aliquando rationibus sese tueretur, à peccato contra fidem non excuset, nulla est ratio cur opinio minùs probabilis in aliis spei, charitatisque materiis excuset eos qui ipsam sequuntur; ergo opinio probabilior ut in materia fidei, sic & in aliarum virtutum materiis est necessario tenenda.

* At, inquires; Ecclesia Romana partem minùs tutam non rarò amplexa est: sic cap. 2. *De cognat. spirit.* statuit Alexander III. ut vir aut mulier qui sive ex ignorantia, sive ex malitia filium suum de sacro Fonte susceperunt, non separentur ab invicem, sed alter alteri debitum reddat. Ratio autem hujus decisionis quæ libertati favet contra legem, hæc ibidem affertur quòd *quidam humaniùs sentientes statuerunt* conjuges non esse tunc separandos; quæ ratio probabilior videri non potest....

R. ad 1. neg. ant. Ad 2. dico 1. materiam de quâ hic agitur, esse ex iis in quibus Papa dispensare potest, imò & in quibus dispensare debet, cum non aliter amoveri potest periculum peccandi, ut amoveri nequit cum conjuges *ad continentiam servandam non possunt induci*, quod supponit Alexander III. Dico 2do. Pontificem amplexum fuisse partem quæ probabilior erat, ut patet ex ratione quam subjicit, *quia si ex ignorantia id factum est, eos ignorantia excusare videtur: si ex malitia eis sua fraus patrocinari non debet vel dolus*. Verè enim in his materiis excusatur qui aut ex ignorantia probabilis juris vel facti; verè etiam statuitur, ut qui ex malitia propriam prolem baptisavit, licet jam debitum petere non possit, illud tamen reddere debeat, quia alioqui fraus sua eidem patrocineretur. Adde quòd ante Alexandrum III. variæ essent leges circa hoc punctum: quis verò dubitet eum qui in his omnibus dispensare potest; potuisse benigniorem amplecti?

Prob. 4to. ratione: 1mo. enim si liceret sequi opinionem minùs probabilem minùsque tutam in concursu probabilioris, maximè quia talis opinio esset verè probabilis: atqui implicat quòd opinio minùs tuta, minùsque probabilis verè & propriè maneat probabilis. Nam ex definitione Probabilistarum, opinio verè & propriè probabilis est ea quæ nititur gravi & solido fundamen-

fundamento, quòdque sufficiat ad obtinendum assensum ab homine probo & erudito: atqui sententia minus probabilis non nicitur gravi & solido fundamento.... Nam illud solum fundamentum satis solidum est & grave ut viri pii pariter & eruditi assensum extundat, cujus momenta non modò non superantur à contrariis, sed etiam eorum vim sensibilibiter elidunt; adeò ut opinio hæc excludat prudentem peccandi metum: atqui vis tota quâ niti potest sententia minus probabilis, nedum oppositam vincat, imò ab eadem vincitur quàm plurimum; ergo.

2do. Constans est apud omnes, & à multis Pontificibus confirmata hæc veritas, *In dubiis semitam debemus eligere tutiorem*: atqui hoc uno axiomate lis tota dirempta videtur. Si enim qui judicat opinionem dubiam & minus tutam, non possit eam amplecti, non licebit à fortiori minus tutam minùsque probabilem tenere. Non enim licet amplecti opinionem quæ non solum dubia judicatur, sed & magis quàm dubia: sed qui judicat opinionem minus probabilem, eam judicat dubiam & magis quàm dubiam. Dubia enim judicatur opinio, quæ non magis ad veritatem quàm ad falsitatem judicatur accedere: sed qui judicat opinionem minus probabilem, judicat eam magis ad falsitatem accedere quàm ad veritatem; si enim eam æquè ad utramque partem accedere putaret, non jam minus probabilem, sed dubiam haberet; ergo.

† 3tio. Nemini licet agere imprudenter, & uti staterâ mendaci: sed qui sequitur opinionem minus probabilem se gerit imprudenter, & utitur statera mendaci. Ille enim se gerit imprudenter, qui eandem pro animâ diligentiam non adhibet, quàm pro corpore, sed qui opinionem sequitur minus probabilem, non eadem erga animam sollicitudine utitur, ac erga corpus. Qui enim noller sumere cibum quem longè probabilius venenatum existimaret; vel qui unius Medici minus periti, duorum peritiorum judicio, opinionem non præponeret, ille plus corpori consulit quàm animæ: atqui quisquis sapit semper abstinere à cibo quem probabilius venenatum existimat citius habebit finem pluribus Medicis, quorum verisimiliora sibi videntur momenta, quàm uni qui minus probabiliter discurret; ergo.

Obj. 1mo. *Jugum Christi est suave*: * sed qui negant benignas opiniones teneri posse, jugum Christi asperum faciunt.

R. dist. maj. Jugum Christi est suave, quia tale per gratiam efficitur, C. quia unicuique licitum est facere quod velit, atque id etiam quod probabilius judicat esse peccatum, N. Itaque suave est Christi jugum, quia *quidquid durum est in præceptis, ut sit leve charitas facit*, ut docet Augustinus Serm. 96.

* Matth. 11.

sed

sed non ideo jugum Christi leve est sensu Probabilistarum, qui mendacem faciunt Christum dicentem arctam esse Cœli viam, & paucos qui per eam ingrediantur. Et verò an ideo jugum Christi asperum facimus, quia contra laxiores Casuistas docemus falsum esse quòd homo nullo unquam vitæ suæ tempore teneatur clicere actus fidei, spei, & charitatis; aut quòd licitum sit jurare falsum cum restrictione mentali; aut quòd copula soluta cum conjugatâ consentiente marito non sit adulterium, aliaque id genus horrenda, quæ vel ipsis Gentilibus improbarentur, & quæ cum sint Probilissimi fructus, quàm mala sit arbor illa facile demonstrant?

Obj. 2do. Falsum est opinionem Probabilistarum ab antiquis Patribus rejectam esse; nam S. Leo Epist. 2. ad Rusticum, *In his, inquit, quæ dubia sunt, vel obscura, id noverimus esse sequendum, quòd nec præceptis evangelicis contrarium, nec decretis SS. Patrum videtur adversum esse*; atqui opinio verè probabilis nec adversa est Patribus, &c.

Confirm. Romani Pontifices aliquando dispensarunt in voto solenni castitatis: atqui pars tutior & probabilior negat cum S. Thomâ dispensationem hanc valere.

R. neg. min. intellectam de opinione, prout eam adversarii probabilem appellant; talis enim opinio & Evangelio & Patribus manifestè repugnat. Ii enim docent in dubio an actio mala sit, ab eâ declinandum esse, incedendumque per viam tutiorem, ut ex dictis patet; & patebit ex dicendis: atqui hæc doctrina opinioni Probabilistarum directè adversatur; ergo.

Ad confirmationem petitâ de dispensationibus quas aliquando concessere RR. Pontifices, dico 1mo. eos opinionem secutos esse, quam alibi probabiliorum esse ostendimus; 2do. etiamsi opinio hæc reipsâ minùs probabilis esset, haud inde sequitur eam minùs probabilem visam fuisse iis, qui eam tenuerunt. Hic autem non expendimus, an homo aliquando amplecti possit opinionem quæ minùs in se probabilis est, hoc enim tam certum est, quàm certum sit hominem aliquando inculpate falli; sed utrùm eam possit opinionem sequi quam omnibus maturè ponderatis judicat ipse minùs esse tutam, minùsque versimilem.

* Obj. 3tio. Si probabilissimi opinio tam mala sit & horrenda, sequitur 1mo. quòd Deus Ecclesiam suam per unum ferimè seculum deseruerit, permittendo ut ea ubique doceretur; 2do. quòd mortaliter peccaverint qui sententiam illam in praxi tenuere, & à fortiori qui eam docuerunt: atqui utrumque absurdum est.

R. neg. maj. quoad 1. partem. Probabilissimus enim, qualescunque
Moral. Tom. I. † I cumque

cumque fecisse progressus supponatur, pro communi Ecclesiæ fide haberi nunquam potuit: 1mo. quia nunquam ab Apostolicâ Sede probatus fuit; imò Ecclesiâ Romana tum in Rorâ, tum in Congregatione Concilii, tum in Pontificiis Decisionibus probabiliorem partem tota eo tempore amplexa est, ut testatur Prosper Fagnan: in singulari dissertatione de hac materiâ; 2do. quia ab eodem Probabilismo abhorruerunt S. R. E. Cardinales. *Prolixus essem, ait Cardinalis Aguirius in Præfat. ad Tomos Concil. Hispanic. si omnes DD. Cardinales Probabilisimi illius laxi inimicos, & tutiorum aut saltè palàm probabiliorum sententiarum tenaces, tam factis quàm scriptis, jam vitâ functos nominare vellem. Inter tam multos eorundem qui usque modo sanctitate aut doctrinâ insigni floruerunt, vix credo, invenietur aliquis qui ita senserit aut docuerit. Itane verò Ecclesiâ Romana omnium mundi Ecclesiarum magistra, eam amplexa est opinionem quam vix ejus Cardinalium aliquis tenuit? Mito Episcopos, Parochos, & Theologos qui animadverso tandem Probabilismo commento, in ipsum, quasi factâ conjuratione insilierunt; ergo Deus Ecclesiæ suæ semper præsto fuit, cum ei semper concesserit viros graves qui Fideles ab errore revocarent. Et verò deseruitne Deus Sponsam suam per sæcula sexdecim per quæ Antiprobabilismum viguisse ostendimus?*

R. ad 2. partem, Deus me judicem non constituit, nec meum est eos condemnare quos abundantia bonæ fidei excusare potuit. Interim vix ac nè vix quidem eos hodie excusarem à peccato, qui Probabilismum tot, à tempore Alexandri VII. virorum pietate & scientiâ insignium Operibus solidè confutatum renovare auderent, cum misera hæc opinio iis qui rem accuratè & coram Deo, nec decipere nec decipi volentes, perpendunt, probabilis videri non possit.

† CONCLUSIO II. Ex duabus opinionibus æquè probabilibus, quarum altera favet legi, libertati altera, ea teneri debet quæ tutior est, id est, quæ stat pro lege.

* Prob. 1mo. ex toto Capite præcedenti. In dubiis saltè extra materiam justitiæ pars tutior est eligenda: atqui cum momenta duplicis circa eandem rem opinionis æquè probabilis alicui proponuntur, necesse est eum esse in dubio, *sicut necesse &c.* imprimendum est cum ex duobus viris ejusdem omnino authoritatis, alter asserit Regem esse Parisiis, alter eum abesse; ergo si scienter agat id de quo sic dubitat, permanente dubitatione, mortaliter peccat, ut suprâ diximus ex S. Antonino.

Prob. 2do. Non potest homo opinionem sequi nisi cum ei persuasum est eam esse veram, alioqui non ageret *ex fide*, quod peccatum est: sed qui duas inter opiniones æquè probabiles ver-

satur,

fam per
se; cum
Præ
del qui a
quâ no
tendendi
bene hab
Prob.
ventu am
errorem,
probabili
regulas d
de saluti
rationum
casu uni
mus, dic
Hæc pri
tentiam
Obj.
risregu
recepta
favend
favores
nimum
est id q
R. ac
nus stat
agitur d
de licito
or opini
figenda
prodest
pars tuti
nigniore
periculo
verò op
innocen
tutius est
lo cond
terpretat
altera Ju
* Con
innitatis
* Reg

satur, persuasum habere non potest hanc præ alterâ veram esse; cum nullam habeat rationem ex quâ hoc judicare possit.

† Prob. 3tio. Peccat qui se exponit periculo DEUM offendendi: sed qui agit cum rationibus quæ tam persuadent aliquid esse quàm non esse offensam DEI, exponit se periculo DEUM offendendi; perinde enim se habet ac si diceret, Sive DEUS hoc bene habeat, sive non, placet mihi ut illud peragam; ergo.

Prob. 4to. Autoritate Cleri Gallicani; qui in generali Conventu anni 1700. sic loquebatur: *Abfit verò ut probemus eorum errorem, qui negant licere sequi opinionem vel inter probabiles probabilissimam: sed ad rectum usum probabilium opinionum has regulas à Jure præscriptas agnoscimus. Primum, ut in dubiis de salutis negotio, ubi æqualia utrinque animo se se offerunt rationum momenta, sequamur id quod tutius, sive quod est in hoc casu unice tutum: neque id consilii sed præcepti loco habeamus, dicente Scripturâ, Qui amat periculum, in illo peribit. Hæc prima regula. Altera... ut nemini liceat eligere eam sententiam quam non veritati magis consentaneam duxerit.*

Obj. 1mo. Ea opinio admitti non debet, quæ sanctiores Jurisregulas evertit: atqui opinio nostra... Eæ enim ab omnibus receptæ sunt regulæ; * *Cum sunt partium jura obscura, reo favendum est potius quàm actori.* Hæc item, *Odia restringi, favores convenit ampliari.* Atque ista demum, *In obscuris minimum est sequendum.* Juxta nos autem in obscuris sequendum est id quod est rigorosum magis.

R. ad 1. neg. min. Ad 2. receptæ sunt eæ regulæ, quatenus statuunt ut pars mitior teneatur in dubiis facti, & cum agitur de poenâ infligendâ, C. receptæ sunt in dubiis ubi agitur de licito & illicito, N. Itaque statuunt quidem Jura, ut mitior opinio teneatur cum agitur de poenâ criminibus dubiis infligenda; sed hæc dispositio nobis non nocet, imò plurimum prodest: fundatur enim in regulâ, quæ præscribit ut in dubiis pars tutior teneatur: quia tutius est in hisce dubiis partem benigniorem sequi. Qui enim illam sequitur, se solum exponit periculo non condemnandi, vel mitius puniendi reum; qui verò oppositam sequeretur, exponeret se periculo damnandi innocentem, aut reum ultra meritum puniendi: atqui longè tutius est exponere se periculo absolvendi reum, quàm periculo condemnandi innocentem; ergo in re dubiâ benigniorem interpretationem sequi non minus justus est quàm tutius, ut habet altera Juris regula.

* Confirm. quia, ut solidè animadvertit Fagnan: in cap. *Nè innitaris*, de *Constit.* n. 103. *Pars tutior in foro conscientie est*

etiam favorabilior; negari enim non potest quin utilius & favorabilius sit incedere per viam tutam quam per viam periculo sam.

† Obj. 2do. Licitum est sequi sententiam verè & solidè probabilem: atqui sententia alteri tutiori & æqualiter probabili opposita, remanet verè & solidè probabilis; altera enim nullam alteri probabilitatem tollit, neque elidit momenta ejus.

R. dist. maj. Si hæc sententia solidè probabilis non impugnetur aliâ non minùs probabili & tutiori, C. secus, N. cum enim in proposito casu supponatur opinio tutior nixa fundamento non minùs gravi, opinio minùs tuta non potest magis judicari vera ob rationes quibus nititur, quàm falsa ob rationes opinionis oppositæ; ergo necessum est ut intellectus inter utramque anceps & suspensus maneat: atqui in hoc dubii statu, nihil melius fieri potest quàm si pars securior teneatur, & servetur præceptum generale verans nè quis se peccandi periculo exponat, ergo.

Obj. 3tio. Potest Confessarius contra propriam opinionem magis tutam, & magis vel æquè probabilem absolvere pœnitentem, cui Confessarii opinio rebus bene pensatis, minùs probabilis appareret: atqui hoc est practicè sequi opinionem minùs vel æquè probabilem in concursu tutioris; ergo.

Antequam solvatur hæc admodum practica difficultas, not. 1mo. Confessarium doctum in casu singulari non controverso, nec posse nec debere sequi opinionem pœnitentis, quam credit falsam vel minùs probabilem, præcipuè si opinio faveat ipsi pœnitenti; 2do. si pœnitens sit doctus & timorata conscientia, Confessarius verò minùs instructus, posse hunc amplecti opinionem illius, quam falsam vel minùs probabilem credit: quia sicut minùs doctus doctiorem consulere, ejusque judicio adherere potest extra tribunal, sic & intra illud potest; cum præsertim certus est sic affectum esse doctiorem ut amorem Dei & Ecclesiæ omnibus præponat; 3tio. idem esse, si par sit pœnitentis & Confessarii pietas & doctrina, sed Confessarius probè sciat se ex inordinato timore & scrupulo, rigidioribus ut plurimum adherere sententiis. Si tamen re aliàs tranquillè perpensa, perpensis itèr rationibus quibus unice innititur pœnitens, opinionem ejus quæ minùs tuta est, minùs etiam probabilem judicaret Confessarius, quam e contra pœnitens solum judicaret æquè probabilem, aliter sentiendum esset.

Quæstio igitur est, quid facto opus sit, si pœnitens opinionem suam multò probabiliorem & veram judicare pergat; & eum tunc absolvi debere credimus cum Gonzale, Adriano, Soto, Navarro, Comitolo, Cabassut. Lib. 3. cap. 13. & aliis pluribus: 1mo. quia absolvi quis debet quoties suâ culpâ absolutione

tionem ind
indignus,
babilium,
valiorum
docti doc
posset; q
ret. Sicut
le eanden
R. neg
babilem,
babilior,
facit Co
non ade
am opin
coartata
Ita Adri
Conc
qui qua
* Pro
humani
haberi
variabi
veritat
si non
biliore
certitud
actione
toninus
† Pro
1690. d
vel inter
da cert
posita,
probabi
ut sic,
nem; e
* Pro
probab
sarium
sum co
Theolo
Docton
Ut qui
gerant

tionem indignus non est; non est autem absolute culpabiliter indignus, qui opinionem suam rebus serio perpenſis iudicat probabiliorē opinionem Confessarii, quem sapius ingenio, & suā vel aliorum scientia vincit; 2do. quia cum in materia morum docti doctis quotidie adversentur, nemo unus alium absolvere posset; quia quem errare crederes, is te vicissim erroris argueret. Sicut ergo ægre ferres tibi negari absolutionem, sic & ille eandem sibi denegari merito conquereretur. His positis,

R. neg. min. Aliud est enim sequi opinionem minus probabilem, aliud permittere, ut quis eam sequatur, quæ sibi probabilior, mihi verò minus probabilis videtur. Hoc, non illud facit Confessarius de quo in objectione: & merito; quia non adeo de se præsumere debet, ut totum mundum velit in suam opinionem, quæ forsitan erronea seu falsa est, concludere seu coarctare, quasi ipse solus videat. & scientia obitura sit cum eo. Ita Adrianus q. 5. de Confess. dub. 7.

CONCLUSIO III. E duabus opinionibus licitum est eam sequi quæ libertati favet, modò sit Probabilior altera.

* Prob. 1mo. ex S. Thoma 2. 2. q. 70. art. 2. *In actibus humanis, inquit, super quibus constituuntur iudicia, non potest haberi certitudo demonstrativa; eo quòd sint circa contingentia & variabilia: & ideo sufficit probabilis certitudo quæ in pluribus veritatem attingat, etsi in paucioribus à veritate deficiat:* atqui si non liceret sequi opinionem minus tutam etiam alia probabiliorē, non sufficeret probabilis certitudo, sed vel opus esset certitudine omnimoda quæ nunquam à veritate deficit, vel ab actione abstinendum esset. Idem post Gersonem docet S. Antoninus 1. p. tit. 3. 3. c. 10.

† Prob. 2do. ex censura hujus propositionis quam anno 1690. damnavit Alexander VIII. *Non licet sequi opinionem vel inter probabiles probabilissimam:* atqui si requireretur perfecta certitudo vel evidentia veritatis extra omnem formidinem posita, ut volunt adversarii, non liceret opinionem quantumvis probabilem sequi, cum tutior non est: opinio enim probabilis ut sic, annexam necessariò habet aliquam falsitatis formidinem; ergo.

* Prob. 3tio. Si non possit homo sequi sententiam longè probabiliorē in concursu tutioris & minus probabilis, necessarium erit ut eam semper sequatur quæ tutior est: atqui falsum consequens. Prob. min. 1mo. quia sic evertitur omne Theologiæ moralis studium. Ut quid enim laborant & sudant Doctores, ut è diversis opinionibus eam stabiliant quæ verior est? Ut quid Patrum & Casuistarum Libros evolvunt? Ut quid congerunt argumenta quæ vix unquam sunt demonstrativa? Imò

ut quid eruditi consuluntur à rudibus an talis contractus iniri possit, &c. Jam enim antè omne studium & consultationem norunt omnes tutius esse, si ab his absteineatur; 2do. imponitur humeris hominum jugum adeò grave, ut Christi jugum esse non possit: si enim pars tutior sit semper tenenda, præscriptio legitima non erit titulus ad rem retinendam sufficiens, quia tutius est rem illam domino priori restituere. Eàdem de causa nihil supra sortem exigi poterit ratione lucri cessantis. Pariter qui unum contritionis actum elicit in ordine ad Sacramentum, tenebitur secundum elicere, & deinde tertium, quia hoc tutius est, fierique potuit ut primus non sufficeret, &c. Meminerint ergo adversarii cum Gersone, * *nimiam in opinionibus rigiditatem plus Fidelium animabus nocere quam prodesse*: ponderentque id Ecces. c. 7. *Noli esse multum justus, neque plus sapias quam necesse est, nè oblupeſcas*; id est, ne in continuo inevitabilium timorum concursu, certitudinem semper quaritans, in stupiditatem mentis incidas.

† Obj. 1mo. Nemo prudenter se exponit errandi periculo, cum periculum vitari faciliè potest: sed qui sequitur opinionem minus tutam, etsi probabiliorem, exponit se periculo errandi.

R. dist. maj. Nemo prudenter se exponit periculo errandi formaliter, C. errandi materialiter, subd. periculo probabili & quod contemni non debeat, C. periculo quod à viro etiam prudente contemni debet, N. Sicut enim Judex prudenter condemnat eum qui à duobus tribusve testibus accusatur, quia statuant Jura omnia, ut *in ore duorum testimonium stet omne verbum*, unde & prudenter contemnit periculum incidendi in errorem qui tunc non nisi materialis esse potest; ita intellectus qui est judex veritatis, prudenter judicat veriolem & reipsa veram esse opinionem quæ momentis longè gravioribus innititur, & prudenter contemnit errandi periculum quod hic subesse potest, quia melius est interdum errare plerumque assequendo veritatem, quam semper manere in statu dubii & suspensionis.

Inst. 1mo. Ille se exponit periculo errandi & peccandi formaliter, adeoque actu errat & peccat formaliter, qui facit id de quo dubitat an peccatum sit, necne: sed qui sequitur partem minus tutam, facit, &c. Quamdiu enim actionis honestas non est certa, tamdiu ejus inhonestas est dubia; atqui actionis minus tutæ licet probabilioris honestas non est certa; alioqui opinio opposita esset improbabilis, quod est contra hypothefin.

R. ad 1. neg. min. Implicat enim eum qui judicio absoluto, & ob momenta longè graviora judicat aliquid esse verum & tutum, esse in statu dubii, quia dubium est suspensio judicii.

Quòd

* Lib. 4. de vir. spir. lact. 4.

Quòd si quis omnino contendat opinionem etiam gravio-
rem non excludere omne dubium, dicendum erit cum Gersono,
obligationem omittendi id de quo dubitatur non habere lo-
cum, nisi quando dubium est *vehemens*, & magis aut saltem
æquè inducit mentem credere quòd aliquid est moraliter illicitum,
sicut quòd est licitum. Secus est ubi mens plus inclinatur & ju-
dicat quòd est licitum quàm illicitum, quamvis non habeat usque-
quaque certitudinem evidentem aut fixam, quia nec hoc ipsum
requiritur.

Ad 2. dist. maj. Actionis honestas est dubia, quandiu non
est certa moraliter, C. quandiu non est certa Metaphysicè, N.
Porro actionis quæ opinione probabiliori nititur, honestas est
moraliter certa; quia ad certitudinem moralem satis est ut
propter motiva vehementia & clarè præminencia motivis par-
tis oppositæ, sibi quis persuadeat rem esse honestam: hæc au-
tem certitudo, quæ sola in rebus moralibus possibilis est, suf-
ficit ut homo tutè operetur, prout docet S. Antoninus.

Inst. 2do. Illius actionis honestas non est moraliter certa,
sed verè dubia, quam qui judicat esse honestam, simul judicat
fortè esse inhonestam: sed qui judicat actionem minùs tutam
de qua loquimur esse honestam, simul judicat eam fortè esse
inhonestam: necessariò enim dicit: *Probabilius est actionem
hanc esse honestam, fortè tamen est illicita.*

R. dist. min. simul judicat actionem hanc esse inho-
nestam, inhonestate materiali & non imputabili, C. formali &
imputabili, N. Eo enim ipso quo quis prudenter dicit: Actio
hæc mihi longè videtur verisimilior, nec ullum habeo momen-
tum quo sufficienter moveri possim ad assentiendum opinioni
oppositæ, statim dicere potest: Ergo etiam si opinio hæc in se
falsa foret, nihil, eam sequendo, committam mali, quia labo-
ro ignorantia quæ virum prudentem excusare debet; alioqui
nunquam possem celebrare, nunquam absolutionem petere à
Confessario, quia nunquam sum Metaphysicè certus mihi ad-
esse dispositiones ad utrumque necessarias, nec repugnare Me-
taphysicè ut decipiat eum opinor me iis non esse destitutum.

† CONCLUSIO IV. Ut opinio probabilior de licito teneri pos-
sit, prætermisâ opinione tutiori de illicito, non sufficit qui-
cumque probabilitatis excessus sed requiritur notabilis.

Prob. 1mo. quia fieri potest ut excessus probabilitatis quo
opinio libertati favens superat eam quæ stat à lege, sit adeò
levis, ut moraliter pro nullo haberi debeat, juxta id vulgatum,
Parum pro nihilo habetur: atqui in hac hypothesi utraque opi-
nio est moraliter æqualis: in æqualitate autem morali quæ
dubium parit, lex libertati præferenda est, non libertas legi, ut
suprà probatum est.

* Prob. 2do. E duobus quæ formari possunt judiciis, illud alteri præferendum est quod sanius est, tum subjectivè, tum objectivè; atqui judicium quod in præsentī casu inclinat in favorem legis, sanius est: 1mo. subjectivè; vereri enim debet homo, nè tenuis ille probabilitatis gradus quo libertas videtur legem superare, non tam sit à parte rei, quam in imaginatione quæ amore proprio delusa, libertatem repræsentat ut probabiliorem quam in se sit, 2do. objectivè, quia in causa pari aut ferè pari, lex DEI melioris debet esse conditionis quam hominis libertas, adeoque huic anteponi.

Quæres quo in gradu esse debeat ille probabilitatis excessus, vi cuius libertas contra legem teneri potest.

R. Excessum non esse notabilem, nisi æquivalet testimonio duorum aut trium testium: unde si æquivalet solum testimonio unius, non magis sufficiet, ut libertas legi divinæ præferatur; quam sufficiat testis unus ut quis bono possessio spoliatur. Non minus etiam habet lex DEI ex conditione suâ ut præferatur libertati, quam homo ex possessione suâ ut de bono quod præ manibus habet non deturbetur. Addo in materiâ probabilitatis spectanda esse & actionis individua naturam, & ejusdem actionis eliciendæ motiva. Sic gradus probabilitatis qui sufficiunt ut negotiator certum ineat contractum, meo sanè judicio non sufficerent, ut venator sagitter aliquid, quod probabilius feram esse judicat, quam hominem.

† Ut gravi huic controversiæ finem faciamus, quædam expediendæ sunt difficultates, quod ut fiat.

Quæres 1mo. an communiter loquendo autoritas unius tantum doctoris sufficiat ad reddendam opinionem in materiâ morali probabilem; & in praxi tutam.

Resp. negat. 1mo. quia ex S. Thomâ Quodlib. 3. art. 10. *In his quæ pertinent ad fidem & bonos mores, nullus excusatur si sequatur opinionem erroneam alicujus Magistri.*

2do. Quia si doctoris unius gravis suffragium sufficiat ad reddendam aliquam opinionem in praxi tutam, tutæ erunt in praxi opiniones omnes à junioribus Casuistis assertæ; sunt enim ii, judicio quidem suo & mutuo, viri graves, docti, verè sagaces, &c. atqui absurdum consequens. An enim quia sic pluribus Casuistis placuit, licitum erit puellæ procurare abortum ante factis animationem, ut infamiam devitet? An concubinario retinere concubinam, nè eâ dimissâ vitam agat tristiores? An reo Judicem interimere, cum iniquam ab eo sententiam veretur?

Excipit Gonetus ab hâc regulâ, doctores ita toti probatos Ecclesiæ, ut eorum autoritas aliorum multorum rationibus & authori-

authoritati præponderet Talis, inquit, est S. Thomas: tum quia doctrina ejus à pluribus Academicis, & summis Pontificibus ut tutissima & inconcussa approbata est, tum quia S. Doctor nihil profert, quoddam vel Scriptura & Patrum testimonio non corroborer, vel efficaci aliquâ ratione, saltém quantum materia patitur. Quia tamen iisdem utuntur rationibus Scotistæ, ut probent rursus esse Seraphyci Doctoris assertiones, hic limitationem hanc cum omni humilitate, & salvâ quæ tantis Magistris debetur, semperque à me exhibebitur reverentiâ, apponi debere puto, ut scilicet cum illi Patres vel à se invicem, vel ab aliis ejusdem auctoritatis dissentiant, tunc examinandum sit, an unus alterum rationum & auctoritatum numero & pondere vincat. Arque illud eò videtur æquius, quoddam juxta Sylvium & alios, quædam aliquando asseruerit S. Thomas, quæ retractasset si non ante ad cælestem patriam raptus esset, quàm ultimam Summæ suæ manum imposuisset. Quia verò tale examen ad omnes pertinet.

Quæres 2do. quæ præscribi possint regulæ iis qui circa difficultatem aliquam dubii sunt & ancipites.

Resp. triplex distingui posse hominum genus: alii sunt illiterati & rudes, ut plebei; alii docti & eruditi, qui magnam moralis scientiæ notitiam, studio & praxi sibi comparaverunt; alii inter utrosque medii, obvios casus ita decidere valent, ut in difficilioribus qui non raro occurrunt, hæreant, aut saltém hærerè debeant.

Illiterati, quia nihil est quod melius faciant, Parochi, Confessarii sui consilium sequi debent: unde si discant aliquid veritum esse, ab eo abstinere tenentur; sin audiant aliquid esse licitum, illud sine scrupulo facere possunt. Quoddam si è duobus æquè piis ac doctis quos interrogaverint, aliud aliud respondeat, debent id quod tutius est amplecti. Peccarent tamen etiam plebei, Parochi aut Confessarii decisionibus adhærendo: 1mo. si, ut sæpè contingit, hunc ideo præ aliis elegissent, quia noverrant eum laxioris esse doctrinæ; 2do. si justam haberent rationem suspicandi eum non docere *viam Dei in veritate*, sive ex ignorantia, sive ex incuria, sive ex præsumptione; ut si Parochus, aut director se Superioribus suis Pastorum Capiti unitis doctiorem esse verbis aut aliter significet.

Viri docti, vel qui Librorum & ingenii satis habent, ut de malitia vel bonitate actionis judicent, eam sequi debent opinionem quam omnibus ritè & coram Deo ponderatis, vel tutam magis, vel certè probabiliorem judicaverint, prout supra diximus.

Ii denum qui mediocri sunt vel ingenio, vel scientiâ. (quod qui

qui seipſos non fallunt faciliè intelligent, ſive eos audiendo qui ampliorem habent in ſpirituum diſcretionem experientiam, ſive ſua cum aliorum ſtudiis & progreſſibus ſtudia comparando) debent viros ſcientiæ & pietate graves, nec rigidioris, nec laxioris moraliſ ſuſpectos interrogare. Quòd ſi Theologos evolvant, ei ſententiæ adhærebunt quam magni & intacti nominis doctores ſuſtinent, oppoſitam opinionem vel non citando, vel uno ore rejiciendo ut falſam aut longè minus conſonam veritati. Si quando contingat ut autor quem conſulunt, fateatur opinionem ſuam quæ libertati faver, minus eſſe communem quàm quæ faver legi, tunc generaliter loquendo eam rejicient; quia vir parum peritus vix aliam ſequi poteſt regulam quàm authoritatis, quæ tunc eidem deſſe ſupponitur: ubi autem doctores duo ejuſdem fermè meriti varias in partes ſcinduntur, ea tenenda erit quæ tutior videbitur. Ceterùm ſentit unuſquiſque; hîc afferri non poſſe regulas ita generales ut nullam patiantur exceptionem.



TRA-

✠

T

I

Præſer
rior
de lege
lege na
quintum
tum, de
conſuetu
vilegio.

D
le
ca

L
Ex
ab eo q
Dic
prum en
ſit, ſed
prum, c
per ſe t
Dic
legib. J
tur. Ad
eſſe no
* S.



TRACTATUS DE LEGIBUS.

PRæsents hujus Tractatûs in quo agitur de lege,* quæ exterior est regula morum, octo erunt Capita: primum, ager de lege in communi; secundum, de lege æternâ; tertium, de lege naturalis; quartum, de lege divinâ, tum veteri, tum novâ; quintum, de lege humanâ, sive civili, sive Ecclesiasticâ; sextum, de dispensatione; septimum, de lege non scriptâ, seu de consuetudine; octavum denique, de lege favorabili, seu de privilegio.

CAPUT PRIMUM.

De Lege in communi.

Dicendum hîc 1mo. de essentiâ & existentiâ legis; 2do. de causis ejus, ejusque conditionibus & divisione.

ARTICULUS PRIMUS.

De essentiâ & existentiâ Legis.

Lex propriè sumpta pro regulâ morum definitur: Præceptum commune, justum & stabile, ad bonum publicum ab eo qui communitalis curam habet promulgatum.

Dicitur 1mo. *præceptum*. vox locum habet generis, præceptum enim latius patet quàm lex; cùm lex omnis præceptum sit, sed non è contra, ut statim patebit. Lex quatenus præceptum, differt à consilio, quod, tamen recta sit agendi regula, per se tamen non obligat.

Dicitur 2do. *publicum* seu commune; quia ex c. 8. ff. De legib. *Jura non in singulas personas, sed generaliter consueuntur.* Ad hoc tamen ut præceptum legis rationem habeat, necesse non est ut omnibus communitalis partibus cujuscunque

*S. Thom. 1. 2. q. 90.

conditionis sint, imponatur: sunt enim leges pro nobilibus, pro plebiis.

Dicitur 3tio. *justum*: ad veram enim legem oportet 1mo. ut bono communi prosit; 2do. ut iis solum imponatur qui legislatori subjacent; 3tio. ut constituat proportionem in onerum distributione, adeo ut ii minus graventur, qui minus habent facultatis: porro ubi tria hæc concurrunt, ibi necessario reperitur justitia.

Quatuor hic annotanda, 1mo. legem non ideo esse injustam, quia mala quædam permittit: quædam enim sunt mala, quæ sine incommodo mali, ipsis, graviori impediri non possunt; 2do legem justam dici, non quia solos justitiae actus præcipit, sed quia nihil præcipit, nisi quod licito modo ad bonum commune ordinetur; 3tio. cavendum ne lex facile arguatur iniquitatis; quia quæ privatis videntur duriora, gravissimis quandoque de causis constituta sunt; 4to. in dubio de honestate vel justitiâ legis, legem servari debere; præsumptio enim est pro legislatore, cujus utpotè possidentis conditio melior est, nec per inferioris dubium tolli potest.

Dicitur 4to. *stabile*, lex enim omnis debet esse perpetua seu positivè, si nunquam revocanda sit, quo sensu perpetua est lex Evangelii; seu negativè, si durare debeat donec circumstantiarum mutatio exigit eam abrogari, quo sensu perpetua erat Lex Mosaica, & Principum Constitutiones.

Dicitur 5to. *ad bonum publicum*; lex enim * *nullo privato commodo, sed pro communi utilitate conscripta* esse debet. Et verò legislatores nihil habent potestatis nisi quod ipsis datum est desuper: porro Deus suam Principibus potestatem non concessit ut privatis serviant commodis, sed ut subditorum, quos pro filiis habere debent, commoda procurare nitantur.

Dicitur 6to. *ab eo qui curam habet communis*, id est, qui habet potestatem jurisdictionis, quâ possit coercere refractarios, transgressores punire, &c. quæ potestas non privatis in privatos, sed vel communitati soli vel iis qui curam ejus habent, competit. Porro communitas duplex est: *perfecta*, quæ sufficit sibi ad assequendum finem ad quem instituta est, nempe ad conciliandam & servandam tranquillitatem publicam, ut Ecclesia, Regnum, Provincia sui juris; & *imperfecta*; quæ per se solam finem hunc assequi non potest, ut familia, parochia, &c. Sola communitas perfecta leges propriè dictas condere potest; non autem imperfecta quæ per se solam procurandæ earum executioni non sufficit.

Dicitur 7mo. *promulgatum*, id est; enuntiatum & intimatum

* 1. 2. *dist.* 4.

iis

iis à quib
non pote
Obj.
re superi
am conf
Resp.
jam amp
sancita ut
focato &
bant, ab
verentur,
obligare.
quibulda
bus inveni
ne Clerici
videatur
etiam co
scandalo
etiam Cl
cessi tota
privatus
lex ref
injuria
ut in on
satio, qu
Obj.
parte leg
potest, i
tributoru
num cor
cundum
tollit, &
neas & c
Resp.
bonum e
justum es
ut ex se
Superiori
dicis non
prescripi
Ad 2.
dinari ad
sauros c
semetipsi
* Deut

iis à quibus servari debet; lex enim nili innotescat, custodiri non potest. Sed de hoc infra.

Obj. 1mo. Si lex justa esse debeat, ii pro quibus lex evaserit superflua, jam non tenebuntur ad ejus observantiam: falsum consequens.

Resp. legem, si fiat superflua respectu totius communitatis, jam amplius non obligare. Hâc de causâ lex ab Apostolis sancita ut Gentiles recens ad fidem conversi abstinerent à suffocato & sanguine, ne Judæi qui ab esu sanguinis abhorrebant, ab ineundâ cum iisdem Gentilibus communionem removerentur, hæc, inquam, lex, utpotè jam pridem inutilis, desit obligare. Verùm si lex quæ communitati utilis esse perseverat, quibusdam tantùm privatis superflua fiat, hæc ab iis etiam quibus inutilis est, servanda erit. Undelicet statutum quo caveretur nè Clerici extra peregrinationis casum comedant in tabernis, videatur inutile respectu Clerici qui à tabernario amico, fortè etiam consanguineo invitatus apud ipsum pranderet secluso scandalo & servatis temperantiæ legibus, illud tamen ab hoc etiam Clerico servari debet, quia finis ejusdem statuti in Dicecesi totâ subsistit, exigitque rectus ordo ut pars toti cohareat, & privatus Clericus à communi disciplina non recedat. Quòd si lex respectu privati alicujus non superflua, solùm sed etiam injusta evadat, jam executioni mandanda non erit; tunc tamen ut in omnibus servetur ordo, petenda erit à Superiore dispensatio, quæ ab eo etiam erit concedenda.

Obj. 2do Si lex ad commune bonum referri debeat, vel ex parte legislatoris; vel ex parte legis ipsius: atqui neutrum dici potest. Non 1mo ut omnes fatentur. Non 2do. nam leges tributorum sunt veræ leges: atqui tamen non cedunt in bonum commune. Idem dicendum de legibus Regum Juda, secundum ad, I. Reg. c. 8. *Hoc erit jus Regis..... filios vestros tollet, & ponet in curribus suis..... agros quoque vestros & vineas & oliveta optima tollet; &c.*

Resp. ad 1. neg. min. & dico legem ut *licita* sit debere ad bonum commune dirigi ex parte legislatoris: qui * *juste quoddam justum est* facere debet; ut verò *valida* sit, & obliget, satis esse ut ex se ipsâ ad bonum commune tendat: neque enim mala Superioris intentio magis legi nocet, quàm mala dispositio Judicis noceat sententiæ quâ hominem verè reum ex legum præscripto condemnat.

Ad 2. neg. min. & dico 1mo. legem tributorum mediâ ordinari ad bonum commune: quatenus Princeps ex tributis thesauros comparat quibus & subditos ab invasoribus tueatur, & semetipsum in eo statu sustentet qui decet Reipublicæ Caput.

* Deut. 16.

Dico

Dico 2do. leges de quibus agitur in objecto I. Reg. textu, fuisse meras usurpationes, quas Deus aliquando severè puniit, ut patet exemplo Achab & Jezabel III. Reg. c. 21. Ità SS. Clemens, Gregorius, & alii complures. Sentiant tamen nonnulli, jus de quo hîc loquitur Samuel fuisse legitimū, & ordinatum ad bonum commune, non quidem absolutè, sed relativè ad Judæos, qui cū duræ cervicis essent, despoticè gubernandi ac perpetuā quadam pœnâ mulctandi erant.

† Quod spectat ad legis existentiam, hæc certissima est, tum ex sacris Scripturis in quibus lex vetus & nova recensetur; tum ex omnium Gentium historiis, quæ leges legumque conditores commemorant; tum ex ipsâ peccati naturâ, quæ legem legisque transgressionem supponit, * *ubi enim non est lex nec prævaricatio.*

ARTICULUS SECUNDUS.

De causis, effectibus & divisione Legis.

Quadruplex distinguitur legis causa: efficiens quæ dat principium legi: finalis quæ est ratio cujus intuitu lex fertur; formalis quæ est ipsa ratio legis constitutiva; & materialis tum *circa quam*, tum *in quâ*. Prima non differt ab objecto legis; secunda idem est cum legis subiecto.

Causa legis efficiens est ille omnis qui perfectæ communitati præest: finalis est bonum commune; materialis id omne quod lege præscribitur. Superest igitur ut dicamus de causâ subiectivâ & formali. Sit

* CONCLUSIO I. Lex prout est opus legislatoris præsuppositivè pertinet ad intellectum, formaliter verò ad voluntatem: prout verò est in subditis: pertinet ad eas facultates quarum est cognitio & judicium.

Prob. 1. pars Illud præsuppositivè ad intellectum pertinet, quod præviā intellectus cognitionem requirit: atqui lex ex parte legislatoris..... debet enim legislator variā media, mediiorumque cum fine proportionem cognoscere; ergo.

Prob. 2. pars 1mo. ex Scripturis quæ legem nomine voluntatis exprimunt. Sic Psalmo. 39. *In capite libri scriptum est ut facerem voluntatem tuam* hoc est ut statim additur *legem tuam*: II. Machab. cap. 1. *Det vobis cor omnibus ut.....faciatis ejus voluntatem*, id est, legem ipsius.

2do. Lex est actus quo legislator subditos obligat: atqui solus voluntatis actus subditos obligare potest. Quantumcumque enim legislator cognoscat aut judicet melius esse ad commune

mune bonum ut hoc fiat, quam istud, non tamen censetur legem ferre, nisi cum vult ut id quod bonum iudicavit; à subditis executioni mandetur. Hinc subditi dum legibus obtemperant, voluntati Principis obsequi dicuntur; imple verò Princeps dum legem statuit, his utitur verbis quæ voluntatis actum arguunt: *Sic volo, sic jubeo, &c.*

Obj. 1mo. Lex Psal. 4. & 118. sæpè vocatur *lumen super nos signatum, lux, lucerna illuminans*: atqui hæc soli conveniunt intellectui.

Resp. dist. maj. lex relativè ad hominem cui imponitur, est lumen, quod nempe homo sequi debet, C. lex relativè ad legislatorem à quo imponitur, subdist. est lumen præsuppositivè, quia multas intellectus cognitiones prærequirit, C. est lumen formaliter, N.

Obj. 2do. Si lex sit voluntas, vel erit voluntas efficax, vel inefficax: neutrum dici potest. Non 1. alioquin divina lex suum semper haberet effectum, cum voluntas Dei efficax semper impleatur. Non 2. si enim voluntas inefficax sufficiat ad constituendam legem, jam lex non distinguetur à consilio; qui enim consilium dat, vult saltèm inefficaciter ut illud impleatur.

R. neg. min. & dico ad legis constitutionem requiri efficacem voluntatis actum, non quidem de ipsâ legis executione, aliàs divina lex semper impleretur, ut bene arguit objectio; sed de subditorum obligatione: hæc autem subditos obligandi voluntas in iis qui leges condunt reperitur.

Conclusio nostra de legibus positivis, sive Dei sive hominum, præcipuè intelligitur: an verò lex æterna & naturalis sint etiam voluntatis actus, ambigitur. Certè lex æterna, si sumatur pro exemplari quod Deus ipse consulere & sequi tenetur, prior videtur omni voluntatis actu; si verò sumatur pro quodam Dei imperio ordinem servari volentis, ad voluntatem necessariò pertinet. Lex autem naturalis, potius est natura ipsa rationalis, quàm actus voluntatis aut intellectus.

Prob. 3. pars: Lex prout est in subditis duo importat: 1mo. cognitionem eorum quæ nobis præcipiuntur; (unde lex respectu subditorum quædam est idea directiva) 2do. iudicium practicum, quòd hæc nobis exequenda sint; ergo lex, prout in nobis existit, idem habet subiectum quòd cognitio & iudicium ad intellectum pertineat, ut volunt Peripatetici; sive ad voluntatem, ut recentioribus Philosophis placet.

† Quod spectat ad formalem legis causam, hæc ejusdem definitione continetur: circa quam duo supersunt inquirenda, 1mo. an promulgatio sit de essentiâ legis; 2do. an lex in scriptis ferri debeat.

Ut

Ut solvatur prima quaestio, tria praenotanda sunt, 1mo. promulgatio legis est intimatio seu propositio ejusdem, iis facta à quibus legislator eam adimpleri vult; 2do. lex spectari potest vel in actu primo, prout aptitudinem habet ad obligandum; vel in actu secundo, prout reipsa & de facto obligat, 3tio. hic solum agitur de legibus positivis: lex enim naturalis vel promulgatione non eget, vel per ipsam sui singulis hominum mentibus impressionem satis promulgata est. His positis, sit.

CONCLUSIO II. Promulgatio essentialis est legi, prout actu & de facto obliganti.

Prob. 1mo. Illud est essentialis legi prout actu obliganti; sine quo lex nec esse nec concipi potest ut actu obligans: atqui sine promulgatione Lex enim ut obliget, debet dari ut regula, ac proinde innotescere: atqui lex non innotescit nisi per promulgationem, cum per eam solum eo intimetur modo qui obediendi necessitatem inducit; ergo.

Prob. 2do. Si quæ lex sine promulgatione obligaret, maxime lex divina, quæ plus per se roboris habet quam quælibet hominum leges: atqui lex omnis divina ante semper promulgata fuit quam obligaret, lex quidem vetus per Moysen, lex verò nova ope Christi & Apostolorum; ergo.

Obj. 1mo. Promulgatio legis supponit eam jam in esse suo constitutam. Lex enim est regula, promulgatio autem est ejusdem applicatio: atqui regulæ applicatio, regulam jam constitutam praesupponit.

Resp. ad 1. neg. ant. non enim loquitur de lege prout est simpliciter imperium quoddam in mente legislatoris existens, & ex se habens virtutem obligandi quasi in actu primo; sed de eadem prout actu obligat & dirigit, quo sensu essentialiter necessarium est ut iis applicetur qui per eam dirigi & regulari debent. Unde patet solutio ad 2. lex enim in actu secundo non est solum regula, sed regula prout applicata iis qui eandem sequi debent; ac proinde apud eosdem promulgata, cum non nisi ipsa promulgatione applicetur.

Obj. 2do. Si ad valorem legis necessaria sit ipsius promulgatio, ii solum ad ejus executionem tenebuntur qui notitiam illius habuerint: atqui falsum consequens. Si enim Rex legem ferat, quæ irritetur contractus sine certâ formalitate factus, contractus ille invalidus erit, etiam si ab iis factus fuerit qui nullam legis hujus notitiam habuerint; ergo.

Resp. dist. maj. ii solum tenebuntur quo ad culpam, C. quoad validitatem aut nullitatem contractuum, N. itaque qui legem sine suâ culpâ ignoratam non servat, immunis est à culpâ: sed non ideo validi sunt contractus quos fecit contra

reno-

tenorem
trahendu
vincibi
An pro
mandat,
acceptatio
dendum
* Con
dari, hau
Prob.
cognoscit
eam tran
aldem se
mani in
Prob.
quo lex
bligare.
datum j
configna
sunt
† Qu
solent.

Ratio
vel mali
imperant
per quo
mor poe
Lex di
de quib
Quari
Resp.
cum Dec
tuor legi
cietas ho
in homi
quam vo
verò in
luntas, q
homo no
Deo soci
ad finem
rigeretur
Moral

tenorem legis; quia ignorantia non facit ut homo sit ad contrahendum habilis. Sic non peccat adultus qui ex errore invincibili baptisatur in vino; sed non ideo valide baptisatur.

An promulgationis necessitas ad leges etiam Pontificias extendatur, expendam agendo de legibus humanis, ubi etiam de acceptatione legum, earumque materiâ differetur. Jam expendendum an lex scribi debeat: quâ de re sit.

* CONCLUSIO III. Convenientissimum est legem in scriptis dari, haud tamen necessarium.

Prob. 1. pars: 1mo. quia sic melius, firmius, ac universalius cognoscitur quid lex ferat, faciliusque redargui possunt qui eam transgrediuntur; 2do. quia saniores legum conditores easdem scribi voluerunt. Sic Deus ipse in tabulis lapideis, Romanis in æreis, leges suas inscripserunt.

Prob. 2. pars: Illud non est necessaria legis conditio, sine quo lex obligare potest: atqui lex etiam non scripta potest obligare. An enim non obligabitur populus, si Princeps mandatum iustum promulgari jusserit, nec voluerit ipsum literis consignari? ergo merito dictum est dist. 4. cap. 2. *Leges constituuntur, cum solemniter promulgantur.*

† Quod spectat ad effectus legis, ii sequenti versu exprimi solent.

Præcipit ac prohibet, permittit; punit, honorat.

Ratio est, quia actus qui sub legem cadunt, vel sunt boni, vel mali, vel indifferentes. Porro boni, si qui necessarij sunt, imperantur; mali vetantur, indifferentes permittuntur: id verò per quod legislator ad legum observationem inducit, est timor poenæ, & mercedum repromissio.

Lex dividitur in æternam, naturalem, divinam, & humanam de quibus sigillatim infra.

Quæritur 1mo. an hæc divisio legitima sit.

Resp. affirmat. Duplex enim est hominis societas; alia cum Deo, alia cum homine: atqui neutra sine prædictis quatuor legibus foveri potest. Non prima, nam ut foveatur societas hominis cum Deo, necessaria est in Deo lex æterna. & in homine lex naturalis: æterna quidem in Deo, secundum quam velit ut homo nunquam ab ordine aberrer; naturalis verò in homine, quâ ipsi intimetur & nota fiat hæc Dei voluntas, quâ item bonum à malo discernat, &c. Cum autem homo non naturalem tantum, sed & supernaturalem cum Deo societatem habeat, necessaria fuit lex supernaturalis, quæ ad finem suprâ intellectus & voluntatis suæ vires positum dirigeretur interius & exterius; & hæc est lex quam divinam

Moral. Tom. I.

§ K

voca-

vocamus. Non secunda, ut enim foveretur hominis cum homine societas, debuit id omne averti quo pax humana perturbari posset; ergo necessum fuit ut obviam iretur dolis & fraudibus, ut certæ contractibus apponerentur conditiones, ut improbi pœnis crimini suo proportionatis punirentur, &c. atqui ad hoc necessariae erant humanae leges; lex enim naturalis hæc omnia non præscribit; quæ verò ex iis præscribit, non præscribit semper modo evidenti & qui ab omnibus percipi facile possit: ergo.

* Queritur 2do. an lex fomitis de quâ loquitur S. Paulus Rom. 7. pro verâ lege admitti debeat.

Resp. negat. nam. lex fomitis est propensio appetitûs sensitivi in ea quæ sensibus placent, etiam repugnante ratione; quæ quidem propensio dicitur fomes, quia vitiorum fomentum ac materiam subministrat: atqui hæc propensio nec est nec esse potest lex vera: 1mo. quia lex est aliquid rectæ rationi consentaneum: fomes autem repugnat *legi mentis*, seu rectæ rationi; 2do. quia lex est obligatoria, ita ut peccent qui eam non sequuntur: atqui non peccat qui non sequitur membrorum legem, imò peccat qui eam sequitur.

Quòd si lex sumatur latius pro eo, quod ad aliquid inducit, fomes potest hoc sensu lex dici; quia sicut lex inducit ad bonum faciendum, ita fomes inducit ad peccandum. Verùm hæc legis acceptio admodum impropria est.

CAPUT SECUNDUM.

De Lege æternâ.

Expendemus 1mo. quid sit lex æterna; 2do. an existat: 3tio. an quidquid est in mundo eidem subiaceat, &c. Sit.

CONCLUSIO I. Lex æterna non ineptè definitur à S. Augustino Lib. 22. contra Faustum, cap. 27. *Ipsa ratio vel voluntas Dei ordinem naturalem conservari jubens, perturbari vetans*; seu quod in idem recidit, Actus divinæ mentis necessariò dictans quid sequi aut fugere debeat creatura, cum voluntate eam obligandi.

Prob. In re obscurissimâ ea potest definitio admitti, quæ satis aperit in quo lex æterna cum aliis legibus conveniat, & in quo etiam differat tum ab iisdem, tum à nonnullis Dei actibus quibuscum posset confundi: atqui talis est allata definitio: 1mo. enim explicat id quod lex æterna cum aliis legibus commune habet, id nimirum quòd sit actus rectæ rationi conform-

formis, bonum naturæ intendens eamque in finem suum per legitima media ordinans; 2do. explicat id quo lex aeterna distinguitur non solum à lege naturali & humanâ, quæ non sunt mentis divinæ actus; sed etiam à lege positivâ divinâ, quæ & multa non necessaria præcipit. & Deo volente mutari posset: cum lex aeterna nihil præcipiat nisi necessarium, & omnino invariabilis sit; 3tio. denique per eandem definitionem distinguitur lex aeterna, sive ab ideis Dei, sive ab ejus providentiâ. Ab ideis quidem, quia ideæ versantur circa res ut repræsentandas, lex vero circa easdem ut gubernandas; à providentiâ verò, quia providentia respicit singulos diversimodè, alia Petrum, alia Paulum: lex verò respicit universos, quia est commune præceptum.

CONCLUSIO II. Existit lex aeterna.

Prob. Lex aeterna ex dictis est constant & necessaria voluntas res omnes suos in fines ordinandi secundum ideas quas Deus mente gerit: atqui hæc voluntas in Deo admitti debet; vult enim Deus omnia esse ordinatissima: ut ait Augustinus L. 1. de lib. arb. Hinc Sap. 3. *Attingit à fine ad finem fortiter & disponit omnia suaviter.*

* CONCLUSIO III. Si certò quodam rigore loqui velis, Deus non subicitur legi aeternæ; eidem tamen aliquo sensu licet minus proprio subjectus dici potest.

Prob. 1. pars: imò. quia lex strictius sumpta est regula vim habens obligandi imò & ens defectibile suos in fines dirigendi; atqui Deus nulli potest regulæ subiacere quæ vim habeat illum obligandi & multò minus dirigendi quasi qui deficere possit; ergo 2do. quia si Deus aeternæ legi subiceretur, profectò legi aeternæ jam existenti, jam latæ, jam obliganti: atqui nec concipitur lex ante Deum existens, nec ab alio lata, nec consequenter obligans; ergo.

Prob. 2. pars: Qui necessariò sequitur certam agendi formam, ille aliquo sensu dici potest legem sequi, legem, inquam, sibi non superiorem, sed sibi perfectè identificatam: atqui Deus sic se habet. Sic necessariò præfert Deus hominem bruto, justum impio. Sic & necessariò bonum amat, & malum odit; ergo.

Obj. Qui tenetur non mentiri, stare promissis suis, &c. ille subiacet propriè legi: subiacet enim sicut & ipse homo: atqui Deus tenetur non mentiri, &c.

R. dist. Qui tenetur propter aliquam legem Superioris, quæ ipsi imperet, C. qui tenetur propter necessariam suæ voluntatis rectitudinem N. Dicitur itaque potest quòd Deus non sit sine lege, quia ipse sibimet sua lex est, sed minus propriè legi sub-

bijci diceretur. quia nec Superiorem habet, nec deficere potest.
 CONCLUSIO IV. Contingentia tum naturalia, tum libera
 suo quoque modo legi subjacent æternæ.

Prob. 1. pars. Contingentia naturalia ea sunt quæ nec cognitione pollent, nec libertatis usu fruuntur: atqui hæc legi æternæ subjacent. Ea enim legi subjacent æternæ, quibus Deus certos præscripsit limites extra quos non feruntur, quæ faciunt verbum Dei, id est, voluntatem ejus, quæ Deo cum timore obsequuntur, atqui hæc omnia præstant creaturæ irrationales. Nam ex Psal. 148. *Ignis, grando, nix, glacies, spiritus procellarum, faciunt verbum ejus.* Baruch 3. *Qui emittit lumen, & vadit; & vocat illud, & obedit illi in tremore.* Job. 38. *Dixit: Usque huc venies, & non procedes amplius & hic confringes tumentes fluctus tuos;* ergo creaturæ irrationales subjacent legi æternæ, non quidem prout præceptiva est, cum ex rationis defectu sint incapaces præcepti sed prout est directiva; quia per eam constanter & ordinatè diriguntur.

Prob. 2. pars. Contingentia libera sunt actiones humanæ morales; seu bonæ, seu malæ, seu didifferentes: atqui eæ omnes æternæ legi quatenus etiam præceptivæ subjacent: imo. bonæ, cum idè formaliter bonæ sint, quia cum lege æternâ congruunt sive immediatè; sive mediatè; 2do. indifferentes, seu, ut hic debet intelligi, quæ non cadunt sub præceptum; eæ enim ex hypothesi quod fiant, necessariò debent bene fieri ac proinde lege æternâ prohibentur malè fieri; 3tio. malæ; quia æternâ lege vetantur, & cruciatum mentis eadem lege præscriptum includunt, secundum id Augustini Lib. 1. Confess. c. 12. *Jussisti Domine; & sic est, ut pœna sua sibi sit omnis inordinatus animus.*

Obj. Si res ita sit, Beati in cœlis, & in inferis reprobi legi æternæ subjacent atqui falsum consequens. Ii enim soli subjiciuntur legi æternæ, qui meriti demeritique capaces sunt atqui nec Sancti mereri possunt, &c.

R. ad 1. neg. min. sentiunt enim Beati id omne quod agunt divinæ rationi congruere, & contrarium experiuntur reprobi; ergo utrique divinæ legi subjacent.

Ad 2. neg. maj. ex eo enim quod Sancti & reprobi nec meriti nec demeriti capaces sint, sequitur quidem eos aliter æternæ legi subjacere, quàm eidem subjaceant viatores: at non sequitur eos legi huic subtrahi; sed potius ipsos eidem necessariò vel infallibiliter conformes esse aut diffformes.

CONCLUSIO V. Lex æterna est lex propriè dicta.

Probata. Lex in genere definitur, Præceptum justum, stabile, &c. atqui hæc definitio legi æternæ competit: imo.

qui-

quidem lex æterna est præceptum iustum & stabile: cum constanter decernat quid agendum sit aut omittendum, ut creaturæ ad suum finem perveniant; 2do. est præceptum ad bonum commune; commune enim universi bonum est pax & ordo, efficiens ut unaquæque res suo sit in situ: atqui lex æterna communi illi rerum omnium paci studet; 3tio. denique præceptum illud manat à Deo, qui communitatis totius curam habet, resque omnes ad fines sibi convenientes dirigit; ergo,

† Quæres 1mo. an lex æterna sit omnibus nota.

R. 1mo. legem æternam viatoribus perfectè notam non esse, si sumatur prout est in se; quia sic est ipsa Dei ratio, seu ipse Deus, qui *habitat lucem inaccessibilem*. I. Timot. 6.

R. 2do. legem æternam aliquo modo dici posse omnibus notam in effectibus suis, hoc est in cognitione veritatum, vel eorum quæ fieri postulat ordo. Nemo enim est, qui facilè & statim non animadvertat, an bene quid vel malè fecerit: atqui non alià de causâ advertit homo se malè vel bene egisse, quàm quia monetur interiùs hoc vel illud rectæ rationis dictamini congruere vel adversari. quod dictamen ab ipsâ lege æternâ dimanat, ergo.

Quæres 2do. utrùm lex humana ab æternâ derivetur.

R. 1mo. Lex humana à lege æternâ emanat virtualiter.

Prob. Tunc lex dicitur à lege æternâ virtualiter emanare, quando & potestas obligandi quæ est in lege, & ipsius æquitas, à Deo ejusque lege æternâ dimanant: atqui omnis legum potestas, earumque iustitia, à Deo & æternâ ejus lege dimanant: 1mo. quidem potestas leges ferendi & per eas obligandi est à Deo, quia hæc potestas in se iusta est, ac proinde fluit à lege æternâ quæ est iustitiæ totius fons & origo; 2do. humanæ legis æquitas est quoque à lege æternâ; cum ideo lex quævis iusta sit, quatenus iudicat secundùm æternæ legis præscriptum. Unde Augustinus Lib. 1. de lib. arb. c. 6. *Te videre arbitror in illa temporali lege nihil esse iustum atque legitimum, quod non ex hac æternâ sibi homines derivaverint.*

Utramque hanc rationem involvit brevis iste textus: * *Per me reges regnant*; id est, à me suam habent auctoritatem suamque leges condendi potentiam: & *legum conditores iusta decernunt*, id est, in tantum iusta præcipiunt, in quantum legum se se conformant.

R. 2do. Lex humana quatenus humana, seu prout vetans aliqua, quæ ex se mala non sunt, non derivatur ab æternâ lege formaliter.

Prob. Ea solum lex à lege æternâ formaliter emanare dicitur, quæ præcipit aut prohibet id quod jam vetitum erat aut

* Prov. 8.

K3

præ-

præceptum lege æternâ: atqui lex humana multa jubet aut vetat, quæ nunquam verita sunt, aut præcepta per legem æternam. Lex enim humana jubet, v. g. tale tributum à subditis reddi, vel vetat extra regnum tranſvehi pecuniam: atqui lex æterna neutrum præcepit aut vetuit; alioqui utrumque eſſet peccatum, etiam independentè à lege Principis, quod ſaltèm in multis caſibus falſum eſt; ergo.

Dices: Si lex humana derivaretur ab æternâ etiam virtualiter, obligaret jure divino, non humano ſolùm; atqui falſum conſequens.

R. neg. ſequelam: Eæ enim ſolùm leges jure divino obligant, quas Deus per ſe & immediatè tulit; quæ verò ab hominibus liberè feruntur, non obligant jure divino niſi mediatè, quatenus poteſtas eas condendi & per eas obligandi venit à Deo.

Quæres 3tio. an etiam lex naturalis ab æternâ fluat.

R. Legem naturalem, ſi ſumatur, ut ſolet, pro judicio ſeu dictamine rectæ rationis, monentis hoc vel illud eſſe faciendum, derivari à lege æternâ. Duplici enim modo poteſt lex una ab æternâ lege derivari, formaliter, & virtualiter ut notatum eſt: atqui lex naturalis utroque modo ab æternâ lege derivatur: 1mo. quidem formaliter, quatenus vetat id quod vetat lex æterna, v. g. furtum, & ſimilia; 2do. virtualiter, quia quidquid habet juſti lex naturalis, quidquid roboris ad obligandum, hoc habet à lege æternâ, quæ eſt lex per eſſentiam.

CAPUT TERTIUM.

De Lege Naturali.

ARTICULUS PRIMUS.

An ſit, & quid ſit.

Lex naturalis concipitur ut dictamen rationis præſcribens quid agendum ſit, quid fugiendum; unde ſit.

CONCLUSIO 1. Exiſtit lex naturalis omnium mentibus ingenta.

Prob. 1mo. ex Rom. 2do. ubi ſic: Cum gentes quæ legem non habent, naturaliter ea quæ legis ſunt faciunt, ejuſmodi legem non habentes ipſi ſibi ſunt lex; qui oſtendunt opus legis ſcriptum in cordibus ſuis, teſtimonium reddente illis conſcientiâ

tiâ ipsorum, & inter se invicem cogitationibus, anxiantibus aut etiam defendentibus. Unde sic. Lex quæ independenter à quâcumque lege positivâ bonum indicat, & ob malum remordet, est ipsa lex naturalis: atqui existit apud eos etiam, qui positivas leges non habent, lex bonum indicans, &c.

Prob. 2do. ex S. Augustino, Lib. 2. Confess. n. 9. *Furtum certè punit lex tua, Domine, & lex scripta in cordibus hominum, quam nè ipsa quidem delet iniquitas. Quis enim fur æquo animo furem patitur?*

Prob. 3tio. Deus homini non deest in necessariis: atqui defuisset, si denegasset legem naturalem; cum sine eâ ad finem suum nec dirigere se, nec ab aliis dirigi posset; ergo

Obj. Si adulterium & similia naturali lege prohiberentur, Deus ea non prohibuisset lege positivâ, cum nihil frustra faciat: atqui falsum consequens.

R. neg. maj. inanis enim non est lex positiva, quia per eam legerunt homines in tabulis, * *quod in cordibus..... legere nonlebant*, ut ait S. Augustinus. Adde quòd homines ad legis naturalis transgressionem proni, pœnarum metu coerceri debuerint; has autem pœnas in specie non lex naturalis sed positiva præscribit.

* CONCLUSIO II. Lex naturalis in actu primo, ac velut in genere habitus spectata, est vis à Deo menti creatâ impressa, imperativè dictans, seu potius nata dictare, quid sit faciendum, vel omitendum, ut consentaneum, aut dissentaneum legi æternæ. Eadem verò lex in actu secundo spectata, est actuale dictamen præcapiens quid hic & nunc fieri debeat aut omitti, &c.

Prob. Illa sufficiens est legis naturalis definitio, quæ essentialiam ejus per genus & differentiam propriam exprimit: atqui talis est nostra definitio. Per eam enim lex naturalis convenit cum ceteris legibus, quæ etiam præcapiendo dictant, quid faciendum sit aut fugiendum, per eandem verò hæc ipsa lex à quibusvis legibus distinguitur. Et quidem 1mo. à lege æternâ quæ Deo inexistit; cum lex naturalis, utpotè mentibus creatis impressa, iisdem inexistat; 2do. à legibus positivis, sive Dei, sive hominum: tum quia hujusmodi leges non sunt menti inditæ à naturâ, sed adventitiæ tum quia leges positivæ multa præcipiunt aut prohibent quæ ex naturâ rei nec conveniunt æternæ legi, nec ab eâ discrepant; ergo.

Obj. 1mo. Lex naturalis est unum & idem cum lege æternâ; est enim sancta, & invariabilis, quod soli æternæ legi competit: ergo.

R. ad 1. neg. ant. Lex enim naturalis est vis, seu motio & im-

* In Psalm. 57

K4

pres-

pressio nobis indita: atqui hæc motio à lege æterna dimanat, ut rivus à fonte: ergo non idem est cum ipsâ.

Ad 2. nego. conseq. ex eo enim quod lex naturalis sit sancta & invariabilis, sequitur quidem quoddam idem habeat objectum ac lex æterna; non autem quoddam eadem sit utriusque essentia; essentia enim legis æternæ est ratio Deis essentia verò legis naturalis est lumen intellectûs creati.

Obj. 2do. Lex naturalis non potest esse *imperativè dictans*, quin verum includat præceptum; atqui hoc dici nequit. Vel enim præceptum illud erit hominis ad alium hominem; vel hominis ejusdem ad seipsum; vel Dei ad hominem: atqui nulum ex his dici potest. Non 1. quia præceptum hominis ad hominem est lex humana, non naturalis. Non 2. quia præceptum est superioris ad subditum: idem porro respectu sui superior & inferior esse non potest. Non 3. præceptum enim Dei ad hominem pertineret ad legem æternam, quæ juxta nos distinguitur a lege naturali.

R. ad 1. neg. min. Ad 2. dico præceptum quod in lege naturali includitur, esse præceptum quo Deus dicit homini ut legi æternæ se conformet, v. g. colendo parentes, nemini damnum inferendo, &c. unde præceptum illud ex parte Dei est lex æterna, & se habet ut *quod*, ex parte verò hominis est lex naturalis, & se habet ut *quo*; non quidem, ut quo homo sibi metipsum præcipit, sed ut quo Deus homini præcipit. Unde duo sequuntur: 1mo, legem æternam & naturalem à se distingui; 2do. legem naturalem legitimo sensu dici posse præceptivam;

† Quæres, an & quomodo distinguantur lex naturalis, conscientia, & synteresis,

R. Hæc tria à Theologis distingui solent: 1mo. quia conscientia potest esse erronea, non autem lex naturalis; quia lex eò ipsò quod lex est, errori obnoxia esse nequit; 2do. quia lex naturalis, sicut & quælibet alia, non respicit, nisi futura; conscientia verò est etiam de præteritis: unde eos, qui malè egerunt, remordet. Differt etiam synteresis à lege naturali, quod hæc ordinem dicat ad legislatorem, non verò synteresis quæ concipitur tanquam generalis primorum bene vivendi principiorum cognitio absque aliâ ullâ relatione. Hæc discrimina quæ satis metaphysica sunt, non impediunt quin lex naturæ, synteresis, & conscientia sæpè confundantur.

ARTICULUS SECUNDUS.

De objecto Legis naturalis.

Objectum legis naturalis est id omne, quod eâdem præcipitur; quaritur quoddam illud sit, an principia morum, an virtutes, & virtutum modus. Ut solvatur prima quæstio.

Not. inter principia quibus homo practicè dirigitur, alia esse primaria, alia verò secundaria. Primaria ea sunt, quæ à quovis attendente ex solâ terminorum notiâ intelliguntur & approbantur: tale est istud, *Quod tibi fieri non vis, alteri nè feceris*, quod plures primum in moribus principium esse volunt. Secundaria ea sunt quæ ex primariis colliguntur, sive per unam, sive per plures consequentias plus aut minus evidentes. Sic ex hoc principio, *Alteri nè feceris*, &c. evidenter inferet unusquisque; ergo non est furandum. Sed non ita facilè colligit; ergo nè ab ipsis quidem divitibus exigi potest *interesse* pro mutuo. His præmissis, quaritur quænam principia practica sint de jure naturali, an primaria solum, an etiam secundaria. Sit

CONCLUSIO I. Non tantum prima principia practica per se nota, sed conclusiones etiam omnes, quæ ab iis necessario derivantur, sunt totidem legis naturalis præcepta.

Prób. 1mo. Ea sunt vera legis naturalis præcepta, ad quæ ex naturâ rei obligamur, & independentèr à quâcumque lege positivâ: atqui non modò ad ea quæ primâ propositione practicâ continentur, sed & ad ea etiam quæ aliis propositionibus ab istâ necessario deductis continentur, obligamur ex naturâ rei, &c. Si enim ad ea non obligaremur ex natura rei, sed solum per liberam Dei vel hominis voluntatem, sublatâ vel mutatâ hâc voluntate possemus obligari ad oppositum: atqui implicat hominem obligari posse ad aliquid oppositum conclusioni quæ è primariis juris naturalis propositionibus necessario colligitur: alias enim conclusio hæc necessario sequeretur à lege naturali & simul liberè: necessario quidem, ut supponimus; liberè verò, quia alia planè opposita colligi aut saltè practicè teneri posset; ergo.

* Prob. 2do. Ideo conclusiones magis remotæ non essent de lege naturali, quia per discursum eliciuntur ab aliis: atqui hæc ratio nulla est. Ad obligationem enim legis impertinens est, quòd ea percipiatur per discursum sive unum, sive multum. Si enim hæc propositio, *Non furaberis*, est de lege naturali, licèt ab hoc deducatur principio, *Alteri nè feceris*, &c. quidni

hæc propositio, *Usuram non exercebis*, dicatur esse de lege naturali, tametsi per plures discursus eruat ex istâ *Non exiges, id quod exigendi jus non habes*, seu quod idem est, *Non juraberis*.

† Confirm. Apostolus Rom. 13. præcepta hæc, *Non falsum testimonium feres, non concupisces, & si quod est aliud mandatum, in hoc verbo instaurari ait: Diliges proximum tuum sicut te ipsum*; ergo supponit conclusiones, quæ minùs aut magis remotè ab aliis conclusionibus ad legem naturæ pertinentibus eruantur, ad eandem legem non minùs ac ipsa principia pertinere.

Obj. Illud propriè loquendo non pertinet ad legem naturæ, quod non est omnibus notum ut rectum. atqui tales sunt veritates quæ remotè solum eruantur à primariis legis naturæ principiis, ut quod usura sit per se mala; hoc enim multis populis incognitum est: ergo.

R. neg. maj quia principia juris naturæ non ideo talia dicuntur, quia sunt ab omnibus cognita, sed quia tam necessariam habent cum primis ejusdem juris naturalis principiis connexionem, ut independentè ab omni lege positivâ & ex natura rei vera sint, sive interim eorum veritas facilè aut difficilè cognoscatur.

Ut solvatur secunda difficultas, an scilicet virtus & virtutis modus, cadant sub legem naturæ, notand. 1mo. aliquid sub legem naturæ dupliciter cadere possè: 1mo. ita ut lege naturali præcipiatur aut prohibeatur; 2do. ita ut non præcipiatur quidem lege naturali, sed naturæ maximè congruat.

Not. 2do. per modum virtutis intelligi certas condiciones, quæ actui virtutis inesse debent, ut actus ille benè & perfectè eliciatur. Ear verò condiciones vel sunt extrinsecæ, ut quod actus virtutis cujuslibet eliciatur ex motivo charitatis; vel intrinsecæ, ut quoddam qui virtutis alicujus actum elicit, eundem eliciat 1mo. sciens; 2do. volens vel eligens, & propter hoc eligens, id est, propter peculiarem virtutis honestatem; 3tio. firmiter & immobiliter. His positis, sit.

* CONCLUSIO II. Actus omnium virtutum possunt aliquo sensu dici pertinere ad legem naturæ; sed non hoc sensu, quod omnes naturali lege præcipiantur.

Prob. 1. pars: Quæ naturam maximè perficiunt, possunt hoc sensu dici cadere sub legem naturalem: atqui tales sunt actus virtutum omnium, & licet ex his multæ sint, ad quas utpotè supernaturales, natura sibi relicta inclinationem non habet, certum tamen est naturam nostram per id maximè perfici; ergo hoc saltem sensu dici potest quoddam cadant sub legem naturæ.

Prob.

Prob. 2. pars: quia multæ sunt virtutes, ut virginitas, paupertas evangelica, quæ sine peccato possunt omitti, & quæ in omni statu locum non habuissent; ergo eæ virtutes non præcipiuntur lege naturali, quæ quidquid præcipit, necessario præcipit.

Quæres an lex naturæ prohibeat omnes actus vitiosos.

R. ex actibus vitiosis alios esse tales, quia sunt prohibiti, ut certis temporibus carnes comedere; alios verò prohibitos esse, quia sunt ex se vitiosi, ut blasphemia. Secundi lege naturæ, necessario prohibiti sunt: primi verò ut qui non nisi ex lege positiva vitiosi sint, per se non prohibentur lege naturali; nisi hoc sensu quod prohibeantur lege, cui lex naturalis obsequi juber.

† CONCLUSIO III. Modus virtutis ut quis sciens & volens operetur, cadit sub præceptum legis naturæ.

Prob. quia cum lex præcipit ut aliquis virtutis actus exerceatur, à fortiori præcipit ut exerceatur actus humanus: atqui ad hoc necesse est ut qui operatur, agat sciens & volens; ergo modus virtutis, ut quis sciens & volens agat, cadit sub præceptum legis tum naturalis, tum positivæ; ratio enim nostra prout utraq; concludit.

Hinc qui ebrius dat stipem, aut invito solvit debitum, non satisfacit hic præcepto justitiæ, ille præcepto charitatis: ambo tamen immunes sunt, hic à restitutione, ille ab elemosynâ, quia subtracta est utriusque materia, cum jam redditum sit proximo id quod ei sive ex charitate, sive ex justitiâ reddendum erat. Illud autem in allatis casibus ebrium inter & invitum est discriminis, quod invito animo debitum solvens peccet, quia in voluntate alterius bona retinet; ebrius autem non peccet, nisi quatenus exposuit se periculo nullum ex actione suâ fructum coram Deo referendis; quod peccatum in ebrietate voluntaria satis involvitur.

Quæres, an præcepto satisfaciatur, qui sciens & volens elicit actum præceptum, sed eum non elicit ut præceptum. Triplex hic fingi potest suppositio: 1mo. audit quis Missam die festo, sed ex devotione, non autem ut obediat Ecclesiæ, quia diem hunc festum esse nesciebat; 2do. audit quis Missam die quam festivam esse noverat, sed non vult præcepto satisfacere, quia vult eidem satisfacere, aliam, puta solemnem, Missam audiendo; 3tio. demum audit quis Missam, sed positivè vult non satisfacere præcepto.

R. cum S. Thoma in primo casu impleri præceptum prout docet communis Fidelium praxis, * qui licet expressam non habuerint adimplendi præcepti voluntatem; ab eo immunes se

* 2. 2. q. 104. a. 3. ad 2.

credunt cum rem præceptam executi fuere. Ratio est, quia tunc ponitur actus quem religio imperat, & in iis, qui eum ponunt, reperitur generalis satisfaciendi intentio, ultra quam nihil requirit Ecclesia in huiusmodi casibus.

At, inquires, qui obligatus ad restituendum pauperibus aureum, hunc iisdem erogaret nihil de obligatione sua cogitans, adhuc teneretur ad restituendum de novo; ergo à pari.

R. neg. consequ. quia actus præceptus ei, qui pauperibus restituere debet, est restitutio: sed qui gratis donat, ut donat, qui restituere non intendit, non ponit actum restitutionis, sed liberalitatis; ergo adhuc manet obnoxius restitutioni. Crederem tamen, ait Habert, Clericum qui non advertens se quosdam Beneficii fructus non fecisse suos, largas interim Ecclesiæ vel pauperibus fecit eleemosynas, eâ persuasionem quod Beneficiarii ex iustitiâ teneantur dare superfluum pauperibus, à restituendo immunem fieri: is enim verè restituit omne quod debet, supposito quòd eleemosynas quas fecit, adæquent id quod debebat ratione fructuum malè perceptorum. Addo eum qui intenderet restituere, si quid fortè debeat, quod sibi exciderit è memoria, non teneri ad novam restitutionem; quia quod donat, re ipsa datur per modum restitutionis saltè conditionatæ: hic autem sufficeret intentio generalis, neque necesse foret ut ea toties renovaretur, quoties homo aliquid donaret.

R. 2do. in tertio casu non satisfieri præcepto. Non enim satisficit præcepto, nisi per obedientiam & subjectionem saltè interpretativam respectu legis & legislatoris: sed qui expressè vult non satisfacere, hanc obedientiam non habet; alioqui consistere posset obedientia cum expresso actu nolendi obedire, quod repugnat.

R. 3tio. in secundo casu, de quo major est difficultas, non videtur præcepto satisfecisse, qui Missam audivir nolens satisfacere, sed alii adesse volens, cujus auditione satisfaceret; 1mo. quia *actus hominis ultra intentionem ejus non operantur*: atqui ex hypothesi homo ille non habet intentionem satisfaciendi; ergò revera non satisfacit; 2do. ideo qui de præcepto Ecclesiæ non cogitat, satisfacit ponendo actum ab Ecclesia præceptum, quia affectum saltè interpretativum habet legem adimplendi: atqui repugnat in terminis, ut qui vult expressè non satisfacere, affectum hunc habeat; 3tio. qui ad Sacrum audiendum tenetur ex voto, non satisfacit voto, si velit non satisfacere, quia scilicet ipsi liberum est prorogare voti obligationem: atqui non minùs liberum est homini prorogare obligationem legis de audienda Missa; neque ullum exhiberi potest Ecclesiæ præceptum, quo obligetur quis ad satisfaciendum legi

de

de audienda Missa, vel de annua communione, per primam cui aderit Missæ auditionem, aut per primam quam faciet tempore Paschali Communionem. Et verò quare negaret mihi Ecclesia solatium satisfaciendi præcepto suo in ipso Paschatis die? aliud est de eo qui Missam audit nesciens eam hâc die præcipi. Is enim generalem habet, quam habent fideles omnes, intentionem implendæ legis, si quæ posita sit.

Hic duo addendo: 1mo. qui utcumque renitens actum lege præceptum exequitur, non semper est transgressor præcepti, ut patet in pueris qui Missam piè audiunt, quam non audissent, nisi parentum minis coacti; 2do. Clericus qui officium recitavit, sed minus piè quàm optasset, quique novam Horarum recitationem sibi proponit ut præcepto satisfaciat; si postea suo vel alieno consilio novæ recitationis voluntatem abjiciat, non peccat, quia cùm tempore recitationis interpretativam saltè satisfaciendi voluntatem habuerit, reverà satisfecit novumque ejus propositum nihil in actu præcedente immutare potuit.

CONCLUSIO III. Modus virtutis ut quis agat propter honestum finem, cadit sub præceptum legis naturæ.

Prob. Lex naturæ ita præcipit virtutis actus, ut omni ex parte boni esse debeant: sed actus virtutis ex omni parte boni esse non possunt, nisi fiant propter bonum finem. Unde qui ob vanam gloriam erogat stipem mendico, ponit quidem materiam præcepti, sed non definit peccare, saltè contra eam legis partem quæ præcipit ut bonum bene fiat. Quòd si actus temperantiæ, v. g. non propter ipsam virtutis honestatem, sed propter honestatem virtutis alterius, putà religionis, eliciatur, actus ille non desinet esse bonus, nisi quid aliud obsit.

CONCLUSIO IV. Modus ut quis constanter & firmiter operetur, non cadit sub præceptum.

Prob. Modus ut quis constanter & firmiter operetur, habitum supponit: atqui ad satisfaciendum præcepto non requiritur ut quis agat ex habitu. Alias qui semel malus est nunquam posset habitum bonum comparare; quia actus omnes qui habitum præcederent essent mali, cùm nullus eorum fieret ex habitu; ergo.

An modus charitatis cadat sub præceptum pro quocumque actu, ita ut peccet quisquis ex charitatis propriè dictæ motivo non agit; expendi supra pag. 56.

ARTICULUS TERTIUS.

De affectionibus Legis naturalis.

Affectiones legis naturalis sunt unitas ejus & indelebitas ex parte hominis; immutabilitas verò seu ex parte legis ipsius seu ex parte DEI. Tria hæc duobus paragraphis exequemur.

§. I.

Certum est legem naturalem, licet plura contineat præcepta, esse tamen unam 1mo. unitate finis: quia universa ejus præcepta in id unum tendunt, ut unaquæque creatura destinatum sibi finem attingat; 2do. unitate principii, quia ab uno auctore, DEO scilicet, dimanant. Difficultas est, utrum eadem lex apud omnes una sit, tam quoad cognitionem; quam quoad rectitudinem; seu an ejus principia ab omnibus cognoscantur ut vera, & justa. Sit.

* CONCLUSIO. I. Lex naturalis, tam quoad rectitudinem, quam quoad cognitionem, apud omnes est una, si spectetur quantum ad prima & generaliora principia, secus si spectetur quantum ad principia remotiora.

Prob. 1. pars: Quia prima principia practica sunt similia primis principiis speculativis, nec majori quam ista discursu indigent: atqui prima principia speculativa ab omnibus ratione præditis cognoscuntur, & judicantur vera; ergo & practica.

Prob. 2. pars: Si lex naturæ apud omnes una foret, etiam dum spectatur quoad principia remotiora, omnes omnino homines ac præcipue justii de eorum veritate convenirent: atqui certum est ne ipsos quidem Ecclesiæ Doctores, semper inter se consensisse de remotioribus legis naturæ consecrariis, unde eorum quidam id damnavere, quod alii approbant. * Hinc supra diximus remotiores juris naturalis conclusiones invincibiliter ignorari posse.

† CONCLUSIO II. Lex naturalis sumpta in actu primo, non potest in humanis cordibus aboleri. Si verò sumatur in actu secundo, non deletur quidem quoad principia generaliora, sed deleri potest quoad principia quædam obscuriora. Tres sunt partes.

Prob. 1. pars: Lex naturalis in actu primo, est ipsamet natura rationalis, prout vim accepit à DEO quæ bonum à malo discernat, & judicet unum rejecto alio teneri debere: atqui quandiu homo sanæ mentis est, tandiu hanc bonum à malo discenden-

* Supra pag. 16.

discernend
merius fi
intellige
natur. f
in puni
am: por
et reman
Prob. 2
Domine
dem delet
Unde S.

Nar
Qui
U
Fur
Da

Unde
naturæ
omnia
gustine
princip
& virtut
obumb
est, ait
Obj.
eorum &
sed qui
morum
R. n
gustios
graves a
Dei cog
runt; se
eris mer
vellent,
Prob
principi
bona, q
pabiliter
onis rati
clesia D

* Ro

discernendi vim habet, quantumvis omni vitiorum cœno immerſus ſit, ſicut ſemper vim habet veritates ſpeculativas intelligendi, quantumvis ignorantia tenebris involutus ſupponatur. Hinc, S. Auguſtinus L. 8. de Geſeſi ad lit. c. 23. *Nunquam ita punit Deus voluntatem malam, ut naturæ perimat dignitatem*: porro perimeretur humanæ naturæ dignitas, ſi nulla in eâ remaneret impreſſio dictans quid agi debeat, quid devitari;

Prob. 2. pars. Ex S. Auguſtino L. 2. Confell. c. 4. *Lex tua, Domine ... ſcripta eſt in cordibus hominum, quàm nè ipſa quidem delet iniquitas. Quis enim fur æquo animo furem patitur?* Unde S. Proſper:

*Nam quis erit, modò non pecus agri, aut bellua ponti,
Qui vitiiis adeo ſolidè oblectetur apertis,
Ut quod agit, velit ipſe pati? Mendacia fallax,
Furta rapax, furioſum atrox, homicida cruentum,
Dannat, & in mæchum gladios diſtingit adulter.*

Unde ſic: Si in aliquibus delerentur pœnitus primaria legis natura principia, maximè in impiis & atheis qui vitam per omnia ſoluta agentes, nullius ſunt conſcientiæ; atqui, ex Auguſtino, nè in his quidem penitus extincta ſunt legis naturalis principia cùm vitium quod ipſi perpetrant, in aliis deſteſtentur; & virtutem quam non colunt, laudent; ergo lex naturæ poteſt obumbrari, quia non eſt Deus: extingui non poteſt, quia à Deo eſt, ait Tertulianus Lib. de animâ cap. 41.

Obj. Sap. 2. quidam eſſe dicuntur quos excæcavit malitia eorum & Rom 3. *Non eſt intelligens, non eſt requirens Deum; &c.* ſed qui excæcati ſunt, nihilque intelliguntur, ignorant prima morum principia; ergo.

R. neg. min. Hæc enim non ſic accipienda ſunt, quaſi flagitioſi homines omnem boni & mali notitiam exuerint; cùm graves aliquândo patiantur conſcientiæ remorſus, * & *juſtitiam Dei* cognôſcant, etiam cùm in omnia ſclerum genera prorunt; ſed quia eò tandem deveniunt, ut frontem gerant mulieris meretricis, unde nolunt *erubeſcere*. ** Erubeſcerent ergo ſi vellent, ſed præ malitiâ ſuâ nolunt.

Prob 3. pars. Legem naturalem in cordibus deleri quoad principia remotiora, nihil eſt aliud, quàm quædam admitti ut bona, quæ ex naturâ rei mala ſunt, & viciffim; ſi hoc fiat culpabiliter, ex paſſione aut pravâ conſuetudine; ſive (quæ deleti-onis ratio minùs propria eſt) hoc fiat inculpabiliter, ut cùm Eccleſiæ Doctores circa quædam moraliſ diſciplinæ capita in va-

rias

* Rom. 1. ** Jerem. 2.

rias opiniones sciuntur incerti: atqui docent experientia & historia non raro evenisse, atque etiamnum evenire, ut quæ quibusdam mala videntur, hæc ab aliis admittantur ut bona & licita; ergo.

§. II.

Mutatio legi alicui multis modis accidere potest; 1mo. per *additionem*, cum ei nova lex superadditur: 2do. per *interpretationem*, vel epikeiam, cum vel explicatur, vel etiam corrigitur aliquod ejus præceptum; 3tio. per *subtractionem* cum aliquid quod prius erat de lege, de eâ esse desinit. Hæc autem subtractio multipliciter contingit: 1mo. per *derogationem*, cum pars legis tollitur, alterâ vim suam retinente; 2do. per *abrogationem*, cum lex omnino tollitur, sive per definitionem materiae, sive per revocationem superioris, vel consuetudinis contrariæ præscriptionem; 3tio. per *irritationem*, cum lex necdum perfecte obligans aboletur; 4to. per *dispensationem*, cum obligatio legis relaxatur respectu personæ particularis, ex causa quæ sola non sufficeret obligationi tollendæ, aliàs foret interpretatio legis.

Certum est 1mo. novas leges, Mosâicam v. g. & Evangelicam legi naturali superadditas fuisse. At hæc non est vera mutatio legis naturalis, quæ semper prohibet id quod ab initio prohibuit, semper id permittit quod ab initio permisit, licet nunquam impedierit quominus terreni legislatores, res quasdam de se indifferentes, prohiberent aut præciperent.

Certum est 2do. legem naturalem, nullâ, si propriè loqui velis egere interpretatione; cum ab omni ambiguitatè semper immunis sit. Nec est quod objiciatur legem hanc prohibere homicidium, quod tamen in quibusdam casibus licitum est: neque enim homicidium lege naturali prohibetur pro casibus in quibus necessarium est, sed solum cum sit autoritate privata, &c.

Certum est 3tio. neque etiam mutari posse legem naturalem per subtractionem. Hæc enim subtractio, vel ab intrinseco foret, quatenus lex naturæ ex utili fieret noxia, quod admitti nequit; vel foret ab extrinseco, quatenus humani legislatores eandem legem vel ex toto vel ex parte tollerent: at id etiam admitti nequit, quia lex naturalis id solum verat, quod essentialiter malum est; nemo autem hominum efficere potest, ut rem essentialiter malam peragere licitum sit. Tota igitur quæ moram injicere possit quæstio, in eo est an Deus in lege naturali dispensare possit; est autem in præsentî dispensatio: relaxatio legis

legis in casu in quo eadem lex alioqui obligaret, & pro quo proinde constituta erat. Sit.

CONCLUSIO. Nulla sunt legis naturæ præcepta in quibus Deus dispensare possit.

Prob. Dispensare aliquem à lege naturali, est eidem permittere ut faciat aliquid quod lege naturali prohibitum est: atqui Deus nemini permittere potest, ... Quòd enim lege naturali prohibitum est essentialiter, repugnat rectæ rationi: atqui Deus nemini concedere potest, ut faciat actionem rectæ rationi essentialiter adversam. Jam enim actio hæc esset simul recta & non recta secundum se totam: 1mo. esset recta, quia fieret ex Dei dispensatione, quæ non potest esse recta rationi difformis; 2do. tamen recta non esset quia esset essentialiter mala, cum lex natura id solum prohibeat, quod essentialiter malum est.

* Confirm. 1mo. Si Deus in lege naturali dispensare potest, maximè quia, ut Ochamo placuit, quòd ea præcipitur, bonum non est nisi quia præceptum est; quod verò ea prohibetur, idèò malum est, quia veritum: atqui hoc evidenter falsum est. Quæ enim antecedenter ad quodlibet præceptum Dei liberum, congruunt cum attributis tum Dei, tum creaturæ rationalis, ante omne præceptum liberum bona sunt: atqui ante quodlibet liberum Dei præceptum, quædam sunt quæ conveniunt necessariò cum attributis tum Dei, tum creaturæ rationalis. Etsi enim nullam positivam legem tulisset Deus, veracitas in verbis quâ mendaciū excluditur, congrueret cum veracitate Dei, essetque creaturæ rationali bona, à contrario mendacium eidem Dei veracitati repugnaret, nec proinde congrueret creaturæ rationali, cujus perfectio tota in eo est, ut Deum quam proprius fieri potest, referat.

† Confirm. 2do. Si mendacium non repugnat essentialiter Deo, sed sit quid ei indifferens, quidni possit Deus, ipsum præcipere? quidni possit ipse mentiri: quidni supponatur de facto mentitus in iis quæ per Scripturas revelavit? Jam verò si horrenda hæc suppositio non repugnat, certum est nihil esse quo nobis de mysteriorum veritate constet: hæc enim præcipuè cognoscuntur ex Scripturis, quæ ex hypothesi ut verum sic & falsum proponere poterunt.

Obj. 1mo. Lex naturalis vetat nè occidatur insons: atqui Deus Abrahamum ab hac lege dispensavit ergo.

R. 1mo. neg. maj. Lex enim naturalis non vetat simpliciter & absolute nè occidatur insons, sed nè occidatur autoritate privata. Porro qui alium occidit, autoritate Dei ipsius, qui vitæ & necis dominus est, eundem non occidit autoritate privata; ergo non magis agit contra legem naturalem, quam

contra eandem si agat tortor, qui jubente Magistratu sicarium necat; nec magis iussio filium immolandi Abrahæ imposita, dispensatio vocari potest, quàm iussio suspendendi homicidam à magistratu facta, vocetur dispensatio: non vocatur autem, aliqui homines in lege naturæ dispensarent, quod nemo admisit. Huic solutioni, quæ omnes adversariorum cavillos tollit, firmiter inhærendum est.

R. 2do. cum aliis, dist. min. Deus dispensavit cum Abraham dispensatione improprie dictâ, C. proprie dictâ, N. Dispensatio proprie dictâ, est relaxatio legis in casu, in quo manentibus iisdem circumstantiis, & eadem materia, lex aliqui vigeret, & de facto obligat eos omnes, qui in iisdem sunt circumstantiis. Dispensatio improprie dictâ est remissio legis, vel potius est ejus non obligatio, ob mutationem materiæ vel circumstantiarum, in quibus neminem obstrinxit aut obstringere potuit. Esto itaque Deus dispensaverit dispensatione improprie dictâ cum Abraham, quia eo ipso quo hominem occidi iussit, mutavit materiam præcepti, *Non occides*, quo ea solum vetatur homicidii species, quæ sit autoritate privatâ; at certè non dispensavit dispensatione proprie dictâ, quia non iussit nec approbavit homicidium, in iis circumstantiis, in quibus lege naturali prohibitum est. Hoc enim, ut toties dixi, prohibitum non est, nisi cum sit à non habente potestatem: porro implicat ut cui Deus aliquid præcipit, ejusdem exequendi potestatem non habeat; ergo.

* Dixi, *Esto dispensaverit dispensatione improprie dictâ*. Sicut enim posita hac lege *Nemo nisi infirmus utetur vino per Quadragesimam*: qui verè infirmus est vino uti potest absque eo, quod etiam improprie à lege dispensatus dicatur; quia lex lata non fuit generaliter, sed cum exceptione: sic etiam is, cui à Deo præceptum est, ut alium hominem occidat, nè improprie quidem dispensatus dici debet; quia lex naturalis non dicit simpliciter, *Non occides*, sed dicit, *Non occides*, nisi legitima potestas, vel vitæ servandæ necessitas id exegerint.

† Inst. Ille proprie dispensat in præcepto non occidendi innocentem, qui autoritate suâ licitam facit occisionem, quæ aliàs foret illicita: atqui Deus jubendo infontem occidi, licitam fecit autoritate sua occisionem, quæ aliàs fuisset illicita.

R. neg. maj. quia solâ materiæ mutatio seclusâ dispensatione efficit ut licitum sit, id quod aliàs erat illicitum, potèr Deus vel iudex cum aliquem necari jubent, mutant materiam legis naturalis. Hæc enim materia est non quævis occisio, sed occisio injusta: quod autem à Deo, aut à iusto iudice præcipitur, non est injustum.

Obj.

Obj. 2do. Furtum, usura & fornicatio prohibentur jure naturali: atqui tamen in his dispensavit Deus: in primo, permettendo, Judeis ut Ægyptiorum bona auferrent, Exod. 11. in secundo, permettendo iisdem ut pecuniam suam darent alienigenis ad usuram, Deuteron. 23. in tertio demum, præcipiendo Oseæ ut fornicariè ad meretricem accederet, Oseæ 1.

R. neg. min. & ad 1o dico spoliationem Ægyptiorum ab Hebræis, furtum dici non posse: quod enim ii rapuerunt non alienum erat, sed suum, tum titulo *donationis* sibi factæ à Deo, qui bona temporalia, pro nutu ab aliis in alios transfert: tum titulo *mercedis*, continuis quibus oppressi erant laboribus debita, nec hactenus reddita ab Ægyptiis.

Ad 2. iniqui non erant Judæi aliquid suprà sortem recipiendo, sive quia hoc ipsis à Deo donatum erat, sive quia hoc recipiebant ab hostibus suis, quibus non fortunas modo, sed & vitam eripere potuissent.

Ad 3. nego Oseam esse fornicatum. Verè enim jubente Deo in uxorem duxit eam quæ prius fornicaria fuerat, ut in hunc locum docet S. Hieronymus.

Inst. Voluit Deus ut Propheta faceret * *filios fornicationum*: atqui filii fornicationum non essent, qui è legitimo matrimonio procreati fuissent.

R. filios hujus mulieris vocari filios fornicationum, vel quia præcepit Deus Propheta ut filios ab illâ muliere fornicariâ genitos adoptaret; prout insinuant hebræi, græci, multi & latini, Condices: vel quia nati sunt ex muliere quæ antè fuerat fornicaria; quâ de causâ serpens ex Moïsis virgâ productus, vocatur virga, Exod. 7.

Obj. 3tio. Lex naturæ verat 1mo. conjugium fratris cum sorore; 2do. polygamiam, quæ cum pace familiarum & bonâ liberorum educatione componi non potest; 3tio. matrimonii dissolubilitatem; atqui tamen tria hæc à Deo permixta sunt ante Evangelium.

R. neg. maj. & dico nullum ex his legi naturæ adversari, saltè cum eadem occurrunt circumstantiæ, propter quas tria hæc in usu fuerunt, id est, Dei mandatum, aut permissio, & necessitas sive absoluta, sive Dei ipsius judicio verè sufficiens. Nam 1mo. cum propagari deberet humanum genus, nec plures Deus mares aut feminas condidisset, necesse fuit ut sorores fratribus commiscerentur; 2do. cum juxta consilia Dei multiplicari deberet gens Israëlita, licitum esse debuit uni marito plures simul uxores ducere, Præsertim cum Deus incommodis quæ inde exoriri poterant, satis mederetur; 3tio. denique lex naturalis non impedit quin Deus, qui supremus

est corporum dominus, matrimonium dissolvere possit. Sed de his ubi de Matrimonio.

Quares obiter 1mo. quid sit jus gentium; 2do. an ad jus naturale revocari debeat, an ad positivum; 3tio. an merè concessivum sit, an non potiùs præceptivum.

R. ad 1. Jus gentium est illud quod usu exigente & humanis necessitatibus, gentes humanæ sibi constituerunt.

Ad jus gentium pertinet, Sedium occupatio, edificatio, munio, bella, captivitates, servitutes, postliminia, fœdera, paces, induciæ, legatorum non violandorum religio, connubia inter alienigenas prohibita. Item manumissiones, rerum divisio, commercia, contractus venditionum, & alii similes. Ità habetur Inst. Lib. 1. tit. §. 2.

R. ad 2. Jus gentium reduci debet ad jus positivum.

Prob. 1. Jus gentium est illud quod exigente usu, & favente ratione homines sibi constituerunt, & quo omnes fere gentes utuntur: atqui tale jus positivum est, non naturale. Jus enim naturale non constituitur ab hominibus, sed ipsis à natura inseritur; aliunde non solùm ferè apud omnes gentes, sed apud omnes prorsus gentes viger ejus exercitium, nisi obsint passionis ergo.

Prob. 2do. Quidquid præcipitur jure naturali, adedè indispensabile est, ut omitti sine peccato non possit: atqui non ità est de eo, quod jure gentium inducitur; nam manumissiones, servitutes, contractus venditionis, bonorum divisio, ab humanâ voluntate pendent, possentque absolute omitti sine peccato; ergo.

Obj. S. Thomas 1. 2. q. 95. a. 4. in exemplum juris gentium adducit justas emptiones, venditiones, &c. atqui hæc ad jus naturale necessariò pertinent.

R. quod quamvis juris naturæ, sit ut venditiones ac emptiones quæ fiunt, justè fiant; non tamen juris est naturæ ut venditiones & emptiones fiant inter homines diversarum nationum, nisi hoc juris naturæ esse dicatur, quatenus ad id à natura plurimum inclinamur.

R. ad 3. Jus gentium non est simpliciter concessivum, sed verè præceptivum.

Prob. 1mo. quia vera lex non est merè permissiva, sed etiam præceptiva: atqui jus gentium est vera lex, ex S. Thomâ & Jurisconsultis; ergo.

Prob. 2. Si jus gentium non esset verè præceptivum, non peccaret quis ipsum violando: atqui falsum consequens. Nam receptio legatorum, & libertas celebrandi commercia, pertinent ad jus gentium, eoquè solo, non jure naturali sunt introducta:

ducta:
commen-
tum de
re pecca-

L Ex d
1 m
consilia
tur; 2do
naturale
præscrib
perveniat
est tam
eà de fr

Lex
purè p
indiffer
tat qu
erant;
quantum
2do.

Ut hæc
per leg
sive ant
suo tra
Moise

vetitum

9. & ci

Quæ

R. al

sensu q

propter

videatur

pus ull

sitas ali

Quor

legis in

dum el

ducta: sed qui legatos non reciperet, aut laderet libertatem commercii, posito communi Regum & populorum consensu, tum de receptione legatorum, tum de libertate commercii, verè peccaret, eique justè bellum indiceretur; ergo.

CAPUT QUARTUM.

De Lege divinâ.

Lex divina positiva de quâ hic loquimur, sumitur dupliciter: 1mo. latè, quo sensu significat non præcepta solùm, sed consilia etiam, minas, & cetera quæ divinis in libris continentur; 2do, propriè pro peculiaribus præceptis ad finem supernaturalem spectantibus; & sic accepta definitur: Decretum Dei præscribens hominibus modum quo ad finem supernaturalem perveniant. Unde prædicta lex magnâ est utilitatis; sed non est tamen absolute necessaria, cum quidam Gentiles absque eâ de facto salvati fuerunt.

Lex divina dividitur 1mo, in legem purè positivam, & non purè positivam. Prima, ea præcipit aut vetat quæ ex se sunt indifferentia, ut circumcisionem. Secunda, ea præcipit aut vetat quæ jam antè jure naturali præcipiebantur, aut prohibita erant, ut adulterium; & hæc non differt à lege naturali, nisi quantum ad modum quo intimatur.

2do. in veterem seu Mosâicam, & novam seu Evangelicam. Ut hæc divisio retineatur tanquam adæquata, necessum est ut per legem antiquam intelligantur præcepta omnia, quæ Deus sive ante Moïsem, sive post Moïsem usque ad Christum populo suo tradidit verbo aut scripto. Certum est enim Patriarchas Moïse antiquiores, non fuisse sine omni lege; cum diu antè vetitum iis esset, nè carnem cum sanguine comederent, Genes. 9. & circumcisio non esset ex Moïse, sed ex patribus, Joan. 7.

Quæres, an epikeia cadat in legem divinam.

R. aliquo sensu cadere, aliquo non cadere; 1mo. cadit hoc sensu quòd lex divina verbis tam generalibus concipiatur, ut propter universalitatem hanc in aliquo casu particulari deficere videatur. Sic lex quæ generatim vetat, nè die Sabbati fiat opus ullum servile, hanc patiebatur interpretationem, nisi necessitas aliud fieri postulet; ut constat, ex I. Machab. cap. 2.

Quoniam verò per epikeiam sapè intelligitur emendatio legis in certis casibus, quos legislator non prævidit; ideò dicendum est, epikeiam hoc sensu non cadere in legem divinam, quia

quia licet noluerit Deus acceptiones omnes legibus suis apponere, optimè tamen prævidit casus omnes in quibus futurum erat, ut restrictione indigerent: cur verò lex divina vulgò non obliget in extremà necessitate, in quâ tamen obligare posset Deus, si absolutâ potestate uti vellet; ratio hæc merito afferitur, quòd Deus qui *disponit omnia suaviter*, infirmitati nostræ accommodare se voluerit, & eum legislatoribus humanis exhibere modum, quem in condendis suis legibus subsequi debent. His præmissis dicendum 1mo. de lege veteri; 2do. de lege nova.

ARTICULUS PRIMUS.

De Lege veteri.

PER veterem legem, eam hic intelligimus quæ populo Israëlito data est; hæc triplici nomine vocatur: *vetus*, ut distinguatur à lege Evangelicâ; *Mosaica*, quia Moysi data est & per eum promulgata; & *lex simpliciter*, quòd juberet quidem aut prohiberet, sed per se gratiam non conferret. De hæc lege multa quærantur, putà an bona fuerit, an Deum habuerit autorem, &c.

SECTIO PRIMA.

An lex vetus bona fuerit, & perfecta.

Legem veterem malam fuisse & à malo Deo traditam sensere plures, præcipuè verò Manichæi, contra quos sit.

CONCLUSIO I. Lex vetus bona est.

* Prob. 1. pars. Ea lex est bona, cujus sanctitatem ubique celebrat Scriptura, quam viri pietate insignes utriusque Testamenti executioni mandaverunt, quæ præcipit virtutem, & prohibet peccatum, quæque sancita fuit in fœdus Deum inter & homines: atqui lex vetus 1mo. celebratur ut recta, *immaculata, convertens animas*, Psal. 18. & Rom. 7. *Lex quidem sancta, & mandatum sanctum, & justum, & bonum*; 2do. eam impievèrè quorquot in utroque Testamento floruerunt religione ac pietate. In veteri, Patriarchæ, Prophetæ, Moyses, Samuel, ac præcipuè David qui continuò psallebat: * *Lex tua meditatio mea est: legem tuam non sum oblitus*. Ipsam executioni mandavit Christus, qui de se ait Matth. 5. *Non veni solvere legem sed adimplere*: quique voluit circumcidi, Sabbatum servare, celebrare Pascha, &c. 3tio. lex eadem virtutem præcipit, & malum vetat; cum in eo tota sit, ut homines ad Deum adducar, ut

* Psalm. 118.

hono-

honorentur parentes; ut non adhibeatur mensura & mensura; 4to. lex antiqua sancita est in fœdus Deum inter & homines initum. Deut. 26. v. 17. *Dominum elegisti hodie, ut sit tibi Deus, & ambules in viis ejus, & custodias ceremonias illius, & mandata, atque judicia, & obedias, ejus imperio; ergo.*

† Confirm. Lex quæ secundum omnes sui partes est à Deo, non potest esse nisi sanctissima: atqui lex vetus Prob. minimum ex Deuter. ubi sic loquitur Moïses: *Hæc sunt præcepta, ceremoniæ, & judicia: quæ mandavit mihi Dominus Deus vester;* tum ex Luc. 24. ubi Christus, *Neceſſe est, inquit, impleri omnia, quæ scripta sunt in lege Moïsi & Prophetis, & Psalmis de me.* Et verò si vel una Scripturæ pars homini tribuatur, nutabit tota ejus fides; cum definiri nequeat quæ pars divinâ sit, quæ humana.

Obj. id Ezech. 20. *Dedi eis præcepta non bona, & judicia in quibus non vivent ergo.*

R. imo. cum S. Hieronymo, textum illum intelligi debere non de lege veteri, sed de iniquis Gentilium præceptis, quæ a Deo data dicuntur, quia Deus gentes tradiderat desideriis suis propter peccata earum. Et verò Deus leges suas opponit præceptis quæ vocat non bona: *Dedi eis præcepta mea quæ faciens homo, vivet in eis.* Posset quoque textus intelligi pro futuro, juxta phrasim Hebræis familiarem, ita ut dedi, idem sit ac dabo, id est, permittam ut sub leges idololatrarum cadant, easque legi meæ anteponant.

R. 2do. cum S. Augustino, dist. Præcepta legis antiquæ non erant bona, id est, per se non sufficiebant ad justificationem, ideoque erant imperfecta. C. non erant bona, id est, quidpiam habebant rationi difforme, N. *Fortè, ait S. Doctor Epist. 82. n. 14. propterea non dixit mala, sed tantum non bona, id est, non talia ut illi homines boni aut fiant sine illis boni non fiant.* Et ista quoque est solutio S. Gregorii Lib. 28. Moral. cap. 9. ubi docet legem veterem dici non bonam, comparatè ad legem novam; quia *bona quasi bona non sunt comparatione meliorum.*

- Inst. Ea lex fuit absolute mala, quæ ideo cessavit quia culpa non vacabat; atqui lex vetus ideo cessavit. Nam ex Heb. 8. *Si illud prius Testamentum culpa vacasset, non utique secundus locus inquireretur.*

R. dist. Non vacavit culpâ improprie sumptâ quatenus deficiebat à perfectione novæ fidei, ut umbra à veritate, C. culpa proprie dictâ, N. *Quid ergo dicemus, ait Apostolus Rom. 7. Lex peccatum est? absit.* Eatenus igitur culpa erat in lege veteri, vel quia culpas & animæ peccata non sanabat; vel quia erat

erat peccati occasio, quatenus nitimur in vetitum. Hinc S. Paulus, *Occasione accepta peccatum per mandatum operatum est in me omnem concupiscentiam.*

Inst. 2do. In eâ lege fuit culpa propriè dicta, cui deerat id quod est in lege præcipuum, nempe ut sit salutifera, quæque è contra fecunda erat peccatorum leges: atqui talis fuit lex verus. Nam ex Apostolo Rom. 5. *Lex subintravit ut abundaret delictum.* & I. Cor. 3. *lex dicitur ministratio mortis, ministratio damnationis; ergo.*

R. dist. Lex fecit ut abundaret delictum, occidebat, erat mortis ministratio, occasionaliter, & quidem occasione sumptâ ex parte hominis, C. ex instituto legis & sine legislatoris, quasi ex professo cupiditati fomenta præberet, N. eorum igitur malorum lex fuit occasio, sicut quotidie superiorum mandata peccati occasio sunt, quatenus concupiscentiam frâni impatientem irritant; non autem quasi hominem de se ad peccatum impellant. Adde quod hominibus sub lege veteri constitutis non deessent *salutis auxilia*, quæ licet per legem non darentur, *simul tamen cum lege* conferebantur, prout docet S. Thomas 1. 2. q. 98. art. 2. Hinc impium est, quod docet Janfenius, *gratiam supernaturalem * repugnasse scopo legis; statum veteris Testamenti non attulisse Judæis gratiam sufficientem, sed potius impedientem;* adeo ut non modò lex non afferret *iustitiæ facilitatem,* sed potius *** eam difficiliorem fecerit, & quasi muro quodam interposito impossibilem.* Quæ errorum portenta renovavit Quesnellus Prop. 6. & 7.

Inst. 3tio. Ea lex verè & per se erat peccati causa, cujus præcepta pietati adversabantur; quæ vindictam fovebat, & illud permittebat quod leges humanæ meritò prohibent: atqui talis erat lex verus: imò, enim pietati adversa erat, * cum vetaret nè mortuis redderetur officium sepulturæ, & præciperet pro immundo haberi eum qui tetigisset hominis mortui cadaver; 2do. fovebat vindictam, cum oculum pro oculo, dentem pro dente erui fineret; unde Christus Matth. 5. eam abrogavit; 3tio. permittebat quod meritò verant leges Principum, puta ut domini necatores servos suos, quia eos pecuniâ suâ emenant, Exod. 21. v. 20. & 21.

R. neg. min. Ad 1. sunt qui putent eos qui mortui tentorium ingrediebantur, non fuisse immundos; cum aliqua erat vel tentorium illud ingrediendi, vel mortui cadaver tangendi necessitas; idque, inquit, colligitur ex historiâ Tobîæ, quem laudat sacer textus, quia **** mortuis atque occisis sepulturam*

* L. 3. de Gr. Christ. cap. 5. & 7. ** Ibid. Lib. 1. cap. 8. Num. 19. **** Tob. 1. 40. & 12.

sollicitus exhibebat. Alii verò ex necessitate contrahendi immunditiam legalem nihil contra legis antiquæ sanctitatem colligi posse respondent: tum quia immunditia hæc peccatum non erat; tum quia per opera etiam iusta & necessaria contrahipoterat, sicut nunc à Judicibus reum morti iuste & sanctè addicentibus contrahitur irregularitas; tum denique quia immunditia illa non vacabat mysteriis. Inde colligere erat 1mo. vitandos esse peccatores, quorum mortui veræ sunt imagines; 2do. eos ad sacrificia Deo exhibenda inhabiles esse, qui immunditiam spiritualem, quæ per exteriorem significabatur, gererent; ergo immunditia legalis Mosaica legis sanctitatem arguit, nedum injustitiam probet.

Ad 2. neg. ant. Ea enim lex concupiscentiam non fovebat, quæ vindictæ & furoris, *non fomes sed limes* erat: talis porrò erat ex Augustino lex rationis, de quâ agitur in objectione; prohibebat enim nè qui læsus ab alio fuerat, asperiori uteretur vindictâ; sicque rudi populo primus lenitatis gradus constituebatur. Et verò lex Mosaica ab ultione & odio avertere conabatur, ut patet ex his verbis Exodi 23. & Levitici 19. *Non quæres ultionem, nec memor eris injuriæ civium tuorum.* Quod ergo dicit Christus: *Audistis quia dictum est: Odio habebis inimicum,* non debet intelligi de lege Mosaica, quasi hæc odium inimicorum præscriberet. sed de iniquis Phariseorum traditionibus, qui ex eo, quod sæpè in Scripturis præcipiatur amor in amicos, malè colligebant ibidem præcipi odium inimicorum.

Ad 3. nego permissam fuisse heris servorum occisionem. Equidem heris servos necantibus nulla pœna constituta erat, quia consulendum erat dominis, in quos plerumque insurrexissent servi, nisi pœnarum mortisque ipsius metu compressi fuissent: at non idèò propriè ipsis licitum erat servos occidere: 1mo. quia reus judicabatur dominus, in cujus manu sub virgis expirasset servus; 2do. quia lege aliâ præceptum erat, ut Judæi proximos diligenter; inter proximos autem non infimum habent locum, qui vicinitatis servitutisque titulo nobis coniunguntur.

CONCLUSIO II. Lex vetus multipliciter imperfecta fuit; tamen in suo ordine & gradu perfecta.

Prob. 1. pars. Illa lex imperfecta erat, quæ multis caruit perfectionibus, quæ in lege novâ concurrunt: atqui lex vetus. Lex enim quæ in Scripturâ vocatur inutilis, infirma, ad salutem insufficiens, multis caruit perfectionibus, quæ legi novæ non desunt: atqui lex vetus 1mo. vocatur infirma & inutilis heb. 7. *Reprobatio fit præcedentis mandati propter infirmitatem ejus & inutilitatem;* 2do. lex vetus erat ad salutem in-

sufficiens, quia per se non dabat vires ad allequendum finem suum, neque ad præcipuos suos actus. Unde Apostolus Hebr. 7. *Nihil ad perfectum adduxit lex.* * & Rom. 8. *Lex spiritus vitæ in Christo Jesu liberavit me à lege peccati & mortis... quod impossibile erat legi, &c.* Hinc S. Augustinus Tract. 3. in Joan. n. 14. *Lex inquit, minabatur, non opitulabatur; jubeat, non sanabat; languorem ostendebat, non auferebat.*

† Confirm. mam 1mo. * *Lex per Moysen data est, gratia & veritas per Jesum Christum facta est;* ergo lex nova ratione promulgatoris superat antiquam; 2do. ratione subditorum: lex enim Evangelica pro omnibus lata fuit, *Ite, docete omnes gentes* Matth. ult. lex Mosàica non nisi pro Judæis; 3tio. ratione durationis, nam *lex vetus posita est, donec veniret semen;* lex nova usque ad mundi finem consistet. Matth. ult. *Ecce ego vohiscum suum omnibus diebus, usque ad consummationem sæculi;* 4to. ratione modi: lex Mosàica in lapidibus descripta est, lex nova in hominum cordibus inscribitur; 5to. ratione materiæ: lex vetus tantam complectebatur præceptorum multitudinem, ut vocetur ab Apostolorum Principe, ** *jugum quod neque patres nostri, neque nos portare potuimus* ✱ lex nova pauciora habet præcepta, eaque longè faciliora.

Obj. Lex quæ multos habuit & peperit justos, sterilis & egenâ dici non potest: atqui lex vetus... Prob min. ex censurâ hujus Quesnelli propositionis num. 65. *Moyses, Propheta, Sacerdotes & Doctores legis mortui sunt, absque eo quodd ullum dederint filium, cum non effecerint nisi mancipia per timorem.*

R. dist. maj. Lex quæ habuit & per se peperit justos egenâ non est, C. lex quæ non per se, sed per merita Mediatoris venturi justos peperit, egenâ non est, N. Justî Porro qui sub lege vixerunt, non per ipsam legem, sed per merita Christi justitiâ consecuti sunt: *** *Bibebant illi de spirituali consequente eos petrâ; petrâ autem erat Christus* Eadem ergo fides & nostra & illorum fuit; quoniam hoc illi crediderunt futurum; quod nos credimus factum.

Nec nocet censura propositionis 65. Quesnelli. Hæc enim meritò damnata fuit, quia licet lex neminem per se justificaret, certum tamen est collatas cum eâ fuisse gratias non timoris solum, quò Israëlita mancipia fierent, sed & amoris, quo constituerentur Filii Dei: 1mo. quia timor ipse quo Moyses & Prophetæ Judæos adimplebant, ad justitiâ conducebat, juxta id Eccli. 2. *Qui timent Dominum, sanctificabunt animas suas;*

2do.

* Joan. 12 ** Act. 15. *** 1. Corin. 10.

✱ Judæi numerant præcepta affirmativa 218. negativa 365. id est, præcepta simul 583. alii numerant præcepta 613.

1do. quia Doctores sive antiquæ sive novæ legis non efficiunt *servos* aut *filios*, nisi per instructionem & documenta: atqui falsum est quod Moïses non nisi metum & tremorem edocuerit Judæos; ubique enim ad amorem hortatur: *Et nunc Israël*, ait Deut. 10. *quid Dominus Deus tuus petit à te, nisi ut diligas eum?* Hinc, juxta Augustinum Lib. de morib. Eccles. *Utrumque*, (amor & timor) *in utroque Testamento est*; ergo falsò docet Quesnellus Moïsem & Prophetas non nisi *servos* effecisse per timorem.

At, inquis, non ipse Moïses, sed gratia DEI filios pariebat. Ità profectò: sed quid inde? An legis novæ Doctores ex semet-ipsis & sine gratiæ auxilio filios DEO parturiunt? nequaquam sanè. Hæc igitur quorundam Quesnelli defensorum evasio planè ridicula est. Damnent nobiscum eos qui contendunt negata fuisse à DEO Judæis auxilia quibus salubriter timerent, & amarent, & nihil inter nos supererit controversiæ.

* Prob. 1. pars Conclusionis. Legis alicujus perfectio non absolutè consideranda est, sed cum proportionè ad eos quibus imponitur; unde lex quæ puero præciperet ea quæ virorum propria sunt, perfecta non esset: atqui lex vetus iis quibus imponebatur, proportionata erat; sive spectentur ut homines, præcipiebat enim quidquid ad cognitionem & cultum veri DEI necessarium est; sive spectentur ut talis populus quia completebatur ea omnia quæ ad rectitudinem vitæ tam moralis quàm humanæ & politicæ desiderari possunt: aliunde multa importabat præcepta; quia populus ille duræ cervicis gravi præceptorum sarcinâ indigebat; ergo lex vetus eum habuit perfectionis gradum quem habere debuit.

Prob. 2do. inductione 1mo. Quia hujus legis ope Judæi præ ceteris Gentibus magnitudinem & sapientiam DEI edocti sunt: Psalm. 147. *Qui annuntiat verbum suum Jacob.... Non fecit taliter omni nationi*, Rom. 3. *Quid ergo amplius Judæo est? multum per omnem modum. Primum quidem, quia credita sunt illis eloquia Dei*; 2do. quia lex non solum prohibebat omne peccatorum genus, sed virtutes necessarias præcipiebat; præcipuè verò dilectionem DEI, quod temerè nimis à quibusdam negatum est, contra citatum Deuter. textum, *Et nunc Israël quid Dominus Deus tuus petit à te, nisi ut diligas eum?* 3tio. quia si lex vetus non omninò fuit lex amoris, fuit saltem timoris: porro ex cap. 1. Eccli. *Initium sapientiæ timor Domini*; 4to. quia homines per eam legem de infirmitate suâ convicti ad Mediatorem Christum recurrabant, &c.

Possent hic expendi an lex vetus per Angelos data fuerit, an per ipsam DEI Filium, qui sub corporeâ specie incarnationi suæ prælude-

præluderet verum, quæstionis hujus solutio satis habetur in Tract. de Trinitate.

† SECTIO SECUNDA.

De fine, materia & subjecto Legis veteris.

Hic inquirimus quis fuerit legis antiquæ generatim sumptæ finis sive proximus, sive remotus: circa quod, sit.

CONCLUSIO I. Finis proximus legis fuit institutio populi Israëliti in iis quæ spectant ad rectitudinem naturalem, ad cultum DEI, & ad politicam civilem.

Prob. Quia triplex apud Judæos erat Genus præceptorum, alia erant moralia, alia ceremonialia, alia demùm judicialia: atqui moralia ad rectitudinem naturalem, ceremonialia ad cultum DEI, judicialia ad politicam administrationem spectabant; adeò ut per hæc tria simul sumpta quilibet Judæus convenienter ordinaretur circa seipsum, circa DEUM, & circa proximum; ergo.

CONCLUSIO II. Finis à Deo magis principaliter in legis concessione intentus, fuit spiritalis & supernaturalis felicitas ejusdem populi, tum in hac vitâ per morum sanctitatem, tum in altera per beatitudinem æternam. Ità ceteri contra Jansenium.

Prob. Homines in utrâque vita beati efficiuntur, cum declinant à malo, justitiam sectantur, æternam damnationem fugiunt, æternam vitam adipisci nituntur: atqui hæc omnia à Judæis præstari voluit Deus, cum legem ipsis concessit; unde lex illa vocatur Psalm. 18. *immaculata, & convertens animas.* Ibidem, *In custodiendis illis mandatis retributio multa esse dicitur, eaque non temporalis solum, sed & æterna, juxta id Tobiae cap. 2. Fili sanctorum sumus, & vitam illam expectamus, quam Deus daturus est his qui fidem nunquam mutant ab eo.* Cum autem qui vult finem, velit & media ad ejus consecutionem necessaria, pro certo tenendum est DEUM gratias quibus utrumque hunc finem obtinere possent, nunquam denegasse Judæis, de quo alibi.

Duo hic sponte confitemur unde objectiones solvi possunt: 1mo. populum carnalem sapè ad bonum boni temporalis intuitu accensum fuisse, à malo autem supplicii metu revocatum; 2do. gratias quæ Judæis sub lege politis concedebantur, parciores fuisse, quàm quæ dantur Christianis; easque non vi legis, sed ob merita Christi aliquando venturi fuisse collatas. At non inde colligendum est Judæos non aliis quàm temporalibus motivis ad bonum inductos fuisse, iisve negata fuisse auxilia supernaturalia, quibuscum piè & salubriter bonum operati, &

ri, & à malo declinare possent: alioqui jam Judaica natio non debet vocari gens DEO cara, gens electa, sed potius misera & reprobæ congeries victimarum, quæ ad perditionis diem impinguebantur: quod quàm impium sit, sentiet quisquis Jansenii affecta non fuerit.

Quod spectat ad materiam legis, hîc præcipuè quæritur, an ipsi etiam actus interni hâc lege præciperentur: cui quæstioni ut satisfiat, sit.

CONCLUSIO III. Actus etiam interni, præcipientur Lege Mosaicâ.

Prob. 1mo. Quia Lex vetus præcipiebat quidquid erat necessarium ad vitam æternam, quæ ipsius erat finis, ut modò dictum est: atqui ad justificationem & vitam æternam, actus interni sunt maximè necessarii; ergo necessum fuit ut actus interni antiquâ lege præciperentur.

Prob. 2do. Lex vetus præcipiebat actum amoris DEi *ex toto corde, totâ animâ, & totâ fortitudine*, Deuter. 6. item dolorem de peccatis, Levit. 16. prohibebat quoque odium proximi, concupiscentiam uxoris aut rei alienæ, Levit. 19. & Exod. 2do. atqui ii actus sunt maximè interni; ergo.

Obj. Ex hâc nostra conclusione sequitur, actus fidei, spei, & charitatis lege veteri præceptos fuisse: atqui hoc falsum est. Alioqui enim lex Mosaica, jam fuisset perfecta, & par justificationi conferendâ; contra id Apostoli Galat. 2. *Si ex lege est iustitia, ergo gratis Christus mortuus est.*

R. ad 1. neg. min. ad 2. neg. maj. Licet enim lex præciperet tum fidem futuri Messia adventûs, Deuter. 18. & Gen. 44. tum actus spei & charitatis quibus DEUs speraretur ut *merces magna nimis* & ut talis super omnia diligeretur, non desinebat tamen esse imperfecta: 1mo. quia hujusmodi actus non eliciebantur per ipsas legis vires, sed per gratiam Christi; 2do. quia lex illa carebat Sacramentis quæ iustitiam ex opere operato conferrent.

Jam dicendum de subjecto legis antiquæ, seu de iis qui eadem lege obligabantur; quod ut melius intelligatur, sciendum est in veteri lege tria fuisse præceptorum genera, moralia, ceremonialia, & judicialia, juxta illud Deut. 5. *Loquor tibi mandata mea, & ceremonias, & judicia.*

Præcepta moralia sunt ea quæ potissimùm spectant ad mores juxta justitiæ regulas componendos. Præcepta hæc, quæ in Decalogo habentur, tamen si sint de lege naturæ, legi veteri ascribuntur, quòd in ea renovata fuerint.

Præcepta ceremonialia, sunt ea quibus certi ritus ad DEi cultum ordinati præscribuntur, dividuntur in sacrificia, Sacramenta, & festivitates.

Sacrifici-

Sacrificium triplex distinguitur in lege, scilicet holocaustum, hostia pacifica, & sacrificium pro peccato. In holocausto tota comburebatur victima, ita ut nihil inde humanos in usus cederet. Hostia pacifica offerebatur vel ad obtinendum à Deo aliquod beneficium; vel in gratiarum actionem pro eodem jam obtento. Sacrificium pro peccato offerebatur pro peccatis quibusdam exterioribus, furti v. g. perjurii, calumniae, &c.

Sacramenta, alia erant multitudini communia, ut circumcisio, esus agni Paschalis, purificationes ab immunditiis legalibus, & expiationes à peccatis; alia erant propria ministrorum Synagogæ, ut consecratio Sacerdotum, esus panum propositionis, &c.

Festivitatum genus apud Judæos triplex: aliæ ordinariæ erant, Sabbatum nempe & Neomenia; aliæ singulis annis revertebantur, ut Pascha, Pentecostes, festum tubarum, expiationum, scenopægiæ seu tabernaculorum, & dedicationis; aliæ nonnisi post plures annos, ut annus Sabbaticus & Jubilæus, Levit 23. & 25.

Præcepta judicialia, sunt ea per quæ publica & politica res administrabatur. Aliæ erant Principum ad subditos, aliæ subditorum ad se invicem: quædam populi Israëlitiçi ad extraneos, aliæ ad suos domesticos.

Certum est omnes populos, præceptis moralibus, non præcisè quatenus legis veteris, sed quatenus legis naturalis erant, fuisse subditos. Inde est quod peccaverint graviter Gentiles, qui nedum Deum glorificaverint, quod solo naturæ lumine faciendum esse noverant, exarserunt in desideriis suis. Quæstio est, an etiam ceteri præter Hebræos populi, ceremonialibus & judicialibus præceptis subjacerent. Sit.

CONCLUSIO. Lex mosaïca quantum ad præcepta ceremonialia & judicialia solos obligabat Judæos.

Prob. Lex non obligat, nisi eos quibus imponitur: atqui lex verus non erat imposita ceteris præter Judæos populis. Hinc Deus in ferenda lege soli loquitur populo Israël. Deut. 1. *Hæc sunt verba, quæ locutus est Moïses ad populum Israël.* & cap. 4. *Quæ est alia gens sic inclita, ut habeat ceremonias ac iusta iudicia.*

Confirm. Si lex Mosaïca omnes obligasset, nemo tunc temporis sine illius observatione salutem suam potuisset consequi: atqui falsum consequens, ut patet exemplo tum Job, qui certe Israëlita non erat; tum Naaman Syri, qui ut legitur Lib. IV. Reg. cap. 5. veri Dei cultor, nec tamen Mosaïca legis sectator evasit.

Obj. 1mo. Quicumque subduntur Regi, subduntur & legi ejus:

ejus: atqui omnes homines subduntur DEO qui legem antiquam tulit; ergo, &c.

R. neg. maj. Quia pendet à Rege ut legem ferat vel pro omnibus, vel solum pro quibusdam familiaribus & amicis, quales erant Judæi respectu DEI.

Obj. 2do. Si lex vetus solos obligaverit Judæos, Gentiles qui sine eâ salvari poterant, melioris fuere conditionis quam Judæi; cum hi, non illi intolerabili legis jugo obruerentur: atqui absurdum consequens.

R. neg. maj. Pejor enim conditio non est repetenda à præceptorum multitudine, sed ab impedimentis quæ à salute remouent: hæc verò longè majora in Gentilibus fuere quam in Judæis quos lex arctius conjungebat DEO, & à malo retrahebat.

Ceterum Gentiles ad observationem legis Mosaicæ obligati sunt quoties voluerunt aggregare se populo Judæorum, eorumque Religionem amplecti, ut patet ex cap. 12. Exodi: *Si quis peregrinorum in vestram voluerit transire coloniam, & facere pharse Domini, circumcidetur prius omne masculinum ejus, & tunc ritè celebrabit, erisque sicut indigena terræ.* * Porro quisquis circumcissus erat, ad totius legis Mosaicæ observantiam tenebatur, sicut ad totius Evangelicæ legis custodiam tenetur quisquis baptisatus fuerit.

SECTIO TERTIA.

An Lex vetus abroganda fuerit: an de facto abrogata.

Negant acriter Judæi; negarunt & aliâ viâ Cereintus & Ebion, qui legem Mosaicam perpetuò duraturam, & unâ cum Evangelio servandam esse, docuerunt. Contra eos omnes sit.

CONCLUSIO I. Lex vetus abrogari debuit, & defacto abrogata est.

Prob. 1. pars. Ea lex abrogari debuit, cujus abrogationem prædixerunt Prophetæ: atqui Prophetæ... Illi enim legem Moïsis abrogandam esse prædixerunt, qui polliciti sunt tædus antiquum rescissum iri, & novum sacrificium abjectis veteribus instituendum esse; *translato enim ** Sacerdotio, necesse est ut legis translatio fiat:* atqui Prophetæ imo. prædixerunt antiqui testamenti rescissionem. Sic enim legitur cap. 31. Jeremiæ: *Ecce dies venient, dicit Dominus, & feriam domui Israël & domui Juda fædus novum, non secundum pactum quod pepigi cum Patribus eorum... sed hoc erit pactum quod feriam cum domo Israël... dabo legem meam in visceribus eorum.* Porro, ut bene discurrebat Apostolus Hebr. 8. *dicendo novum fædus, veteravit*

* Galat. 3. ** Hebr. 7.

vit prius: quod autem antiquatur & senescit, propè interitum est: 2do. non minus evidenter prædixerant Prophetae abolitis legis antiquæ sacrificiis, quæ extra Hierosolymam offerri non poterant, successurum aliud in orbe toto offerendum. Sic Malachia 1. *Non est mihi voluntas in vobis, dicit Dominus, & munus non suscipiam de manu vestra: ab ortu enim solis usque ad occasum magnum est nomen meum in gentibus, & in omni loco sacrificatur & offertur nomini meo oblatio munda.* Huc facit quod dicitur Danielis 9. *In medio hebdomadis deficiet hostia & sacrificium; ergo.*

Prob. 2. pars, * Quia legem Moïsis abrogatam esse fateri coacti sunt, vel ipsi acerrimi ejus zelatores, Judæi nempe, qui licet ad Christum conversi, eandem perpetuò observandam esse crediderant. Patet id ex Actuum cap. 11. ubi Petrus, ut compescat murmur eorum qui offensi erant quòd cum Gentilibus commercium haberet, narrat quò pacto Spiritus Sanctus in Gentiles descenderit: *His auditis, ait sacer textus, tacuerunt & glorificaverunt Deum, dicentes: Ergo & gentibus penitentiam dedit Deus ad vitam.* Renovata deinceps Antiochiæ pro iisdem servandis legis antiquæ ritibus contentio, Concilii quod Hierosolymis habitum est autoritate compressa est. Igitur, Actor. 15. convenerunt Apostoli & seniores videre de verbo hoc, an nimirum legalium observatio continuari deberet; & re sollicitè discussâ, hoc tandem decretum emiserunt: *Visum est Spiritui Sancto & nobis, nihil ultra imponere vobis oneris quàm hæc necessaria, ut abstineatis vos ab immolatis simulacrorum, & sanguine, & suffocato, & fornicatione.* † Totus in ea adstruenda veritate fuit S. Paulus, præsertim in Epist. ad Galat. cap. 5. *Nolite iterum iugo servitutis contineri. Ecce ego Paulus dico vobis, quoniam si circumcidamini, Christus nihil vobis proderit, &c. ergo.*

Porro abolita est lex vetus, 1mo. quia opere constructo rejicitur exemplar tanquam inutile, & accedente realitate vanescit figura: atqui lex vetus erat futurorum figura, exemplar, & umbra: *Umbra habens lex futurorum bonorum, non ipsam imaginem rerum,* ait Apostolus Hebr. 10. & I. Corinth. 10. *Omnia in figurâ continebant illis;* 2do. quia lex instituta fuit instar prædagogi quo Judæi * ad Messiam adducerentur: atqui jam advenit Messias; ergo nunc inutilis est lex; ergo reprobari debuit propter hanc inutilitatem, ut latè probat Apostolus Hebr. 7.

Obj. 1mo. Lex in æternum duratura, nec abrogata est, nec abrogari debuit: atqui lex vetus in æternum durare debuit ex Baruch. cap. 4. ergo.

* Galat. 3.

R. neg.

R. neg. min. Lex enim dicitur in æternum durare: 1mo. quia diu duratura erat, quo sensu ipsi colles dicuntur æterni; 2do. quia res, quæ per veteris legis Sacramenta & ceremonias figurabantur, in perpetuum duraturæ sunt.

Obj. 2do. Silex vetus abrogata fuerit, utique à Christo ipso: atqui id dici nequit; quandoquidem Christus non venit * *solvere legem, sed adimplere*; ergo.

R. ad 1. neg. min. *Ipsè est enim Christus qui ... legem mandatorum decretis Evangelicis evacuavit, ut duos populos Judaicum & Gentilem reconciliet &c.* Ephes. 2.

Ad 2. dist. Christus non venit solvere legem, id est, non venit eam violare dum vixit ejus obligatio, C. non venit solvere, id est, abrogare, subd. non venit abrogare quoad præcepta moralia, secundum se sumpta, imò hanc potius adimplevit, & accuratius à suis adimpleri fecit, C. non venit abrogare quoad judicialia & ceremonialia, N. Quamquam & hanc sic abrogando simul adimpleverit, ut appositè explicat Theophilactus similitudine pictoris, qui dum inchoata & quibusdam tantum lineamentis adumbratae imagini extremam apponit manum, & colores superinducit, priorem imaginem aboler, non tam dissolvendo quàm perficiendo.

Major est difficultas an lex vetus quoad moralia præcepta deserit.

Certum est præcepta moralia, quatenus legis naturalis præcepta sunt, abrogari non potuisse, quia lex naturæ indispensabilis est. Sed quæritur an etiamnum observari debeant, non solum vi legis naturæ, sed insuper vi legis Mosaicæ Affirmant aliqui, contra quos sit.

CONCLUSIO II. Lex vetus desit etiam quoad præcepta moralia.

Prob 1mo. quia sinè necessitate distingui non debet, ubi non distinguit Scriptura: atqui cum Scriptura de veteris legis abrogatione loquitur, non distinguit inter hanc vel illam ipsius partem; sed dicit simpliciter legem desisse ubi ** *venit plenitudo temporis*; & postquam venit *** *semen cui promiserat Deus*; ergo.

* Prob. 2do. Obligatio inutilis admitti non debet: atqui inutile est quòd Christiani ad legis naturalis observantiam vi legis Mosaicæ obligari dicantur; sufficit enim obligatio tum legis ipsius naturæ, tum legis Evangelicæ, quæ eadem obligatio confirmata est; ergo.

† Obj. 1mo. Præcepta de rebus necessariis sunt immutabilia: atqui præcepta moralia legis antiquæ sunt de rebus necessariis;

Moral. Tom. I.

M

fariis;

* Matth. 5. ** Galat. 4. *** Ibid. 3.

fariis; ergo non possunt mutari, sed semper subsistere debent.

R. dist. maj. Sunt immutabilia in se ipsis, C. sunt immutabilia hoc sensu, quod necessario præcipiantur certâ lege positivâ, N. Hæc enim sicut liberè sancita est, sic potuit liberè post certum tempus revocari.

Obj. 2do. Ex dictis Christus non venit abrogare legem quoad præcepta moralia; ergo lex quoad præcepta moralia etiamnum vigere debet.

R. dist. ant. Non venit abrogare quoad præcepta moralia materialiter & secundum se sumpta, C. quoad præceptâ moralia formaliter sumpta, id est, prout veteri lege imperabantur, N. Uno verbo præcepta moralia semper vigent, sed nunc non vigent vi legis Mosaicæ, sed vi legis naturalis & Evangelicæ. Unde obiter colliges promissionem pietati erga parentes alligatam ab Apostolo Ephes. 6. si eadem sit cum promissione factâ in lege veteri, non ab illâ lege habere vim suam, sed à lege novâ in qua confirmata est.

SECTIO QUARTA.

Quando lex vetus mortua sit.

Lex mortua est cùm desit obligare Judæos pro quibus solis condita erat; quod cùm non contigerit antequam Christus nasceretur, quia ex Galat. 5. lex data erat *donec is veniret*; superest ut lex cessaverit vel ante Christi mortem, vel in ejus morte, vel aliquantò post. Quæ tripartita difficultas, ut solvatur distinctius, sit.

CONCLUSIO I. Lex vetus non desit obligare ante mortem Christi. Ità ceteri Theologi contra paucos, qui censent præceptum circumcisionis obligare desisse statim, ac Christus Baptismum instituit.

Prob. 1mo. Illa lex non cessavit ante mortem Christi, quam Christus servavit, & servari usque ad mortem præcepit: atqui Christus... Minor patet 1mo. ex Matth. 5. *Non veni solvere legem, sed adimplere*; 2do. ex Matth. 8. ubi præcipit Christus ut leprosus quem mundaverat, se se ostendat Sacerdoti, & munus lege præscriptum offerat; 3tio. ex Matt. 23. ubi idem Christus Sacerdotii Mosaici auctoritatem agnoscit & commendat his verbis: *Super Cathedram Moïsis sederunt Scribæ & Pharisei: omnia ergo quæcumque dixerint vobis facite*. Denique pridie quàm pateretur Christus, ait Lucas cap. 22. *Venit dies azymorum in quâ necesse erat occidi Pascha*: id autem necesse non fuisset, si Christus Moïsis legem jam abrogasset.

Atque hinc colligitur præceptum circumcisionis ante Christi mortem

mortem sublatum non fuisse, etiam si jam tunc institutum fuerit Baptisma. Si enim sublata esset ante Christi passionem circumcisio, tota lex simul abrogata fuisset, cetera Mosaica legis praecepta non nisi in lege circumcissionis fundabantur; juxta illud Apostoli, * *Testificor omni homini circumcidenti se quoniam debitor est universae legis faciendae.*

* Prob. 2do. Hebr. 7. *Translato Sacerdotio, necesse est ut & legis translatio fiat;* ergo à contrario, non translato Sacerdotio necesse est ut lex perseveret, alioqui daretur Sacerdotium sine lege, quòd implicat: atqui Sacerdotium legis Mosaicae non fuit translatum ante Christi mortem. Quandoquidem novum Sacerdotium quod debuit succedere antiquo, non est confirmatum, nisi ipsa Christi morte, juxta illud Hebr. 9. *Testamentum in mortuis confirmatum est, alioquin nondum valet dum vivit qui testatus est;* ergo.

† Hinc colliges ante mortem Christi viguisse simul Evangelium & legem antiquam, ita tamen ut lex esset in praeceptis & Evangelium in consilio; unde obligabat circumcisio, nondum autem Baptismus. Quare si tunc Judaeus prolem baptisasset, infans quidem salutem consecutus fuisset, sed pater peccasset contra praeceptum circumcissionis: si verò Gentilis infantem baptisasset, necesse non fuisset ut eum circumcideri curavisset, quia Gentiles legis antiquae praeceptis non subiacebant.

* Obj. 1mo. Non magis vigere potuit circumcissionis praeceptum, stante Baptismi consilio, quam posito virginitatis consilio, vigere possit matrimonii necessitas: atqui posito virginitatis consilio, nulla est aut esse potest necessitas matrimonii; ergo.

R. neg. maj. & paritatem. Virginitas enim & matrimonium, simul subsistere non possunt ut supponit objectio: at verò circumcisio & Baptismus simul aliquandiu servari potuerunt & debuerunt; quia stante lege veteri, stare debuit ejusdem legis janua: hæc autem janua non erat Baptismus, sed sola circumcisio, quæ etiam si fortè non debebat peccatum originale, primario constituta erat ad discernendum populum Dei à ceteris populis; unde iis etiam applicabatur, quibus jam deletum erat peccatum originale.

Confirm. Judæi usque ad Christi mortem debuerunt celebrare pascha; ergo usque ad Christi mortem debuit vigere circumcisio; cum solis circumcisis licita esset celebratio pascha; ex cap. 12. Exodi v. 48.

Obj. 2do. Colere Deum signis intrinsecè falsis, malum est, & illicitum: atqui instituto Baptismo, circumcisio signum erat omnino falsum; significabat enim futuram id quod jam præsens erat; ergo.

* Galat. 5.

R. 1mo. Objectio hæc probaret legem ante mortem Christi, non mortuam solum, sed & mortiteram fuisse: quod nè adversarii quidem asserere audent.

R. 2do. dist. min. Circumcisio sumpta ut signum Messiae prout aliquando venturi, erat signum falsum. C. sumpta ut sumi debebat, pro signo spiritualis circumcisionis, vel resurrectionis, N.

† Obj. 3tio. * *Lex & Prophetæ usque ad Joannem*; ergo saltè in Baptismate Joannis mortua est lex.

R. neg. consequ. sensus enim objecti textus, est vel quòd ad Joannem usque Prophetæ prædixerint Christum ut deinceps venturum; Joannes verò ipsum præsentem indicaverit dicens: *Ecce Agnus Dei*, vel quòd lex tempore Joannis ægrotare cœperit paulò post moritura; quia tunc incipiebat prædicari Christus novæ legis autor futurus; unde ibidem habetur: *Lex Prophetæ usque ad Joannem, ex eo regnum Dei evangelisatur, &c.*

Ut explicetur secunda quæstio superius proposita, an scilicet lex vetus in ipso mortis Christi puncto cessaverit; Notandum est cessationem legis dupliciter intelligi posse: 1mo. ità ut lex abolita sit, tum in se, tum quoad vim obligandi; 2do. ità ut lex in se quidem abolita sit, nondum tamen obligare desierit, quia nondum promulgata erat ejus abrogatio. Sic

CONCLUSIO II. Lex vetus abrogata est secundum se in ipsâ Christi morte; ejus tamen obligatio non cessavit in morte, aut resurrectione Christi, sed paulò pòst, simul ac lex Evangelica sufficienter promulgata fuit.

Prob. 1. pars. Tunc cessavit lex vetus, quando cessavit ejus Sacerdotium; * *Translato enim Sacerdotio, necesse est ut & legis translatio fiat*; atqui Sacerdotium Aaronicum cessavit in morte Christi. Tunc enim cessavit Sacerdotium vetus, cum institutum est novum, & Christus completè Sacerdos fuit: atqui hoc contigit in morte Christi; quia tunc Christus præter potestatem sacerdotalem, quam semper habuit completam, corporis sui sacrificium obtulit Patri suo, & ** *unà sui oblatione consummavit in sempiternum sanctificatos.*

Prob. 2. ex eodem Apostolo Hebr. 9. *Ubi testamentum est, inquit, mors necesse est intercedat testatoris; testamentum enim in mortuis confirmatum est*; ergo novum testamentum confirmatum est, id est suum habuit valorem in morte Christi; ergo ex tunc *veteravit*, seu *abolevit prius*, hoc est *vetus testamentum*, ut ait Apost. Hebr.

Prob. 2do. pars. Lex vetus non antè desit obligare, quàm obligare cœperit lex nova; atqui lex nova non obligavit statim

* Hebr. 7. ** Hebr. 10.

tim in
ficien
gata, n
legis E
dicatam
Judeos R
non pot
omnino
impruden
Obj. 1
mâ; lex
abrogata
ipsâ Chri
R. ne
secundum
rit effect
secundum
quia tan
ejus non
Saltè
lùm ex
tur lex
bligat,
R. n
esse dic
dum pr
Dei volu
obligare
ergo eju
Super
antiquæ
do quo
bligatio,
Conc
legis pul
metropo
sentibus
conflux
instanti
ejusdem
pervenit
apud Ge
Prob.
do com

tim in ipsâ Christi morte. Non enim obligavit, nisi cùm sufficienter promulgata est; non est autem sufficienter promulgata, nisi cùm prædicata est necessitas Baptismi, qui est janua legis Evangelicæ: porro quis dicat necessitatem Baptismi prædicatam fuisse toti mundo, in ipsâ Christi morte? Quis credat Judæos Romæ, aut longius distantes, jam sinè Baptismo salvari non potuisse: ergo supponere legem, eâ quâ Christus obiit die, omnino fuisse abrogatam, est supponere abrogationem hanc imprudenter factam esse; quod Christo injuriosum est.

Obj. 1mo. Secunda pars assertionis nostræ pugnat cum primâ: lex enim quæ abrogata est, non obligat, & lex quæ obligat, abrogata non est; ergo si lex vetus unâ cum Sacerdotio suo in ipsâ Christi morte desierit, non potuit deinceps obligare.

R. neg. ant. Sicut enim lex in Consilio principis abrogata secundùm se, servat tamen vim obligandi & eisdem ac antea parit effectus, donec abrogatio promulgata sit; sic & lex vetus desinit secundùm se & radicaliter; & tamen non desinit quoad effectum, quia tandiù permanet legis prioris effectus, quandiù abrogatio ejus non est publicè denuntiata.

Saltèm, inquires, lex vetus post Christi mortem obligavit solum ex conscientia erroneâ, quia nempe necdum cognoscebatur lex nova: atqui lex quæ ex conscientia solum erroneâ obligat, verè non obligat; ergo.

R. neg. maj. 1mo. quia alioqui populus omnis in errore esse diceretur, cùm legem à Principe secreto conditam & necdum promulgatam ignorat, quod nemo dixerit; 2do. quia Dei voluntas erat, ut lex vetus, etsi fundamentaliter everfa, obligare & operari pergeret, donec lex nova promulgaretur; ergo ejus obligatio in erroneâ conscientia non fundabatur,

Superest expendendum, quo igitur præcisè tempore desierit antiquæ legis obligatio: quam difficultatem solvemus stabiliendo quo tempore incœperit obligatio legis novæ: hujus enim obligatio, sustulit obligationem illius, sit.

CONCLUSIO III. Lex evangelica cœpit obligare per modum legis publicæ à die Pentecostes, cùm in urbe regiâ ac veluti metropolitana Judæorum, facta est illius promulgatio, præsentibus Judæis, qui ex variis mundi partibus Hierosolymam confluerant; 2do. hæc obligatio non cœpit simul & eodem instanti pro toto terrarum orbe, sed successivè prout sufficiens ejusdem legis promulgatio ad varias nationes humano modo pervenire potuit; 3tio. demùm promulgatio hæc non tam cito apud Gentiles quàm apud Judæos facta est. Tres sunt partes.

Prob. 1. pars. Tunc solum obligare cœpit lex nova, quando communitati sufficienter propolita est, & promulgata: atqui

non ante Pentecosten promulgata est lex Evangelica, sed in ipsâmet festi hujus solemnitate.

Primo enim promulgata non est ante Pentecosten. Hæc enim promulgatio vel facta fuisset ante passionem Christi, vel in ipsâ Passione, vel tempore Passionem inter & Pentecosten medio: atqui nullum ex his dici potest. Non 1. quia lex nova novum est testamentum, quod ante Passionem aperiri non potuit, quia *in mortuis*, id est, in morte Christi confirmandum erat. Non 2. quia tempore Passionis dispersæ erant oves gregis pastore percusso, nec proinde cogitabant de promulgandâ novâ lege. Non 3. quia baptisma futurum erat legis novæ janua: atqui baptismi præceptum non nisi in puncto Ascensionis Christi impositum est; cum dixit Salvator: *Ite docete omnes gentes, baptisantes eos*; si ergo lex nova promulgata sit, utique post Ascensionem Domini: hoc autem dici nequit, quia Christus in altum ascendens præcepit Apostolis ut solitarii sederent quoadusque induerentur virtute ex altro.

* Obj. Fides in Christum, unum est è præceptis novi Testamenti: atqui fides in Christum obligavit ante mortem Christi ergo lex nova obligavit ante mortem Christi.

R. dist. maj. Fides unum est è præceptis novi Testamenti simul & antiqui, C. novi Testamenti præceptum proprium, N. Fides in Mediatorem omni tempore necessaria fuit: unde quod per fidem credimus olim impletum fuisse, hoc Prophetæ & Patriarchæ aliquando implendum esse crediderunt; ergo fides in Christum novo Testamento antiquior est, adeoque inter ejus præcepta numerari non debet.

† Inst. Baptismi præceptum promulgatum est Joan. 3. his verbis, *Nisi quis renatus fuerit, &c.* & statim urgere coepit: atqui Baptismo initiati omnibus legis evangelicæ præceptis adstringuntur; ergo lex evangelica diu ante Pentecosten obligare coepit.

R. neg. maj. Citata enim Christi verba quæ privatim dicta sunt, non induxerunt actualementem Baptismi suscipiendi necessitatem, sed ad tempus quo præceptum Baptismi imponendum erat, referebantur; ut & hæc verba, *Nisi manducaveritis carnem filii hominis*, non significabant Eucharistiæ susceptionem actu necessariam esse, sed eam aliquando necessariam futuram esse.

Ergo pro certo tenendum est legem novam in ipso Pentecosten die fuisse promulgatam. Et certè tunc nova lex promulgata fuit, quando præsentem ingenti hominum multitudine ex omni natione quæ sub cælo est, Apostoli sic Dei magnalia loqui coeperunt, * ut simul fidei in Christum ac Baptismi necessitatem declararent: atqui hæc omnia contigerunt cum com-

* Act. 2.

pleren-

plerentur dies Pentecostes: unde cum multi ad Petri prædicationem compuncti corde, quærerent quid sibi faciendum esset, non iis injungit Apostolus Mosaicæ legis observantiam, sed novam prædicat legem his verbis: *Pœnitentiam agite, & baptisetur unusquisque vestrum in nomine Jesu Christi in remissionem peccatorum vestrorum.*

Prob. 2. pars, nimirum quod obligatio novæ legis non simul cœperit pro toto orbe. Lex enim quæ sufficienter promulgata non est; non obligat: atqui lex uno instanti pro toto orbe sufficienter promulgata non fuit. Cum ejus notitia non potuerit in ipso die pentecostes ad ultimos usque mundi fines pervenire; ergo licet hæc obligatio in illâ die pro Hierosolyma locisque vicinis inceperit, non tamen pro locis omnibus inceperit.

Prob. 3. pars, quæ etiam sequitur ex dictis. Lex enim Evangelica prius eos obligavit, ad quos prius pervenit, aut humano modo potuit pervenire: atqui prius pervenit ad Judæos, cum iis prius quàm Gentilibus annuntiata fuerit, secundum id sancti Pauli Act. 13. *Vobis oportebat primum loqui verbum Dei, sed quoniam repellitis illud, & indignos vos judicatis vitæ æternæ, ecce convertimur ad gentes: sic enim præcepit nobis Dominus, &c.*

Obj. Legitur Act. c. 9. quod ubi primum Paulus Hierosolymam advenit, loquebatur Gentilibus & disputabat cum Græcis. atqui hæc verba indicant Gentilibus statim ac Judæis prædicatum fuisse Evangelium; ergo.

R. 1mo. neg. min. Objecta enim verba ad summum probant quosdam fuisse Gentiles quibus Evangelium tam citò annuntiatum fuerit quàm Judæis. Hic porro non negamus legem Christi quibusdam Gentilibus aliquando simul & Judæis prædicatam fuisse; sed comparamus communitatem, ut ita loquar, Gentilium cum Judæorum communitate, & dicimus iis citius quàm illis generaliter loquendo annuntiatum fuisse Evangelium, quod ex dictis patet. Ceterum si quibusdam Gentilibus prius annuntiata sufficienter fuerit lex nova quàm Judæis, haud dubium est, quin eâ prius quàm Judæi obligati fuerint.

* R. 2do. Vox hæc *Gentibus*, deest in Græco multisque Latinis exemplaribus; 2do. Gentiles illi poterant esse proselyti, id est, Religionem Judaicam professi; per Græcos autem intelligi possunt Græcizantes, id est, Judæi inter Græcos nati, qualis erat ipse S. Paulus.

† Hunc ergo, quantum conjicere licet, in Evangelii promulgatione ordinem servarunt Apostoli, quem præceperat ipsis Christi.

Christus Act. 1. *Eritis mihi testes in Ierusalem, & in omni Iudæa, & Samariâ, & usque ad ultimum terræ.* Atqui id ex Apostolorum historiâ probari facillè potest. Act. 2. Petrus Judæis Evangelium prædicat. Act. 8. Discipuli dispersi Samaritanos edocent. Denique Act. 23. Judæis legem novam rejicientibus Apostoli convertuntur ad Gentes.

SECTIO QUINTA.

An Lex vetus statim ut obligare desit, inutilis fuerit.

Quæstio non movetur de præceptis moralibus, hæc enim utiliter quovis tempore impleta sunt, si non quatenus lege veteri, saltèm quatenus lege naturali & Evangelicâ imponantur.

Quæstio etiam non est, an præcepta sive ceremonialia, sive judicialia legis Mosaicæ ex opere operantis utilia fuerint, quamdiu non fuere mortifera; si enim res etiam indifferentes utiliter fieri possint, cum sunt ad gloriam Dei, à fortiori opera quæ ex se honesta erant & religiosa, utiliter exerceri poterunt. Quæstio igitur est, an in hypotheti eorum, qui aliqua legis veteris Sacramenta ex opere operato gratiani contulisse putant, ut non pauci de circumcisione docent, an, inquam, eadem perseveraverit iis in signis efficacia, postquam Promulgatâ sufficienter Christi lege, cessavit eorum obligatio; quâ de re sit.

CONCLUSIO. Lex vetus inutilis fuit, seu nullum deinceps habuit effectum, cum desit obligare.

Prob. Lex vetus desit obligare, cum lex nova sufficienter promulgata est: atqui lex vetus debuit esse inutilis, cum lex nova satis promulgata fuit. Lex enim nova evasit necessaria, statim ut sufficienter promulgata est: atqui lex vetus facta est inutilis, cum lex nova necessaria evasit: lex enim nova non fuisset necessaria & in præcepto, si lex vetus perinde ac antea suam servasset efficaciam; ergo.

Obj. 1^{mo}. Si lex vetus inutilis fuerit, statim ac desit obligare, desit multis remedium adversus peccatum originale, quia multi legem Baptismi etiam publicè promulgatam ignorare potuerunt: atqui hoc pugnat contra misericordiam Dei; ergo.

R. Remedium illud iisce temporibus defuisse, sicut nunc nostro tempore deest illis, qui nihil de lege Evangelicâ audierunt; nunc autem deest per accidens, aut ex defectu causarum secundarum; non autem per se, & ex intentione Dei; Deus enim Baptismum instituit pro omnibus, eumque omnibus applicari vult vere & sincere. Unde Deus in institutione Baptismi se habet

bet, ut
pionis
pionis
aliqui
accidens
applicare
redempt
fu. Veru
Obj.
dus par
tracta in
ergo sub
de inutil
R. ne
invalida
cipibus a
sint id
nium in
libello
tractan
fidem,
cendus
An
L Ex d
tifer
Cernu
quidem
ingredi
Cernu
haud ta
lege Eva
trimoni
dicialia
eundem
Cernu
mortifer
valerint
inutilis f

bet, ut rex qui captivos redempturus pretium propriæ redemptionis in propriâ cujusque manu omnibus opportunè & importunè vocatis & invitatis consignaret, pretium verò infantulorum patribus aut aliis committeret: atqui etiam si contingeret ut aliquis parentum vel ex negligentia, vel propter aliquod accidens pretium illud non reciperet, aut receptum solvere & applicare nolleret, non desineret sincera esse regis de omnium redemptione voluntas; ergo idem dicendum in proposito casu. Verùm hæc pertinent ad Tractatum de Gratia.

Obj. 2do. Lex vetus eisdem nunc, ac ante Christum, effectus parit apud Judæos; cùm matrimonia à Judæis nunc contracta in gradibus lege veteri prohibitis, omnino nulla sint; ergo subsistit lex vetus quoad præcepta judicialia, nec proinde inutilis est.

R. neg. ant. & dico matrimonia Judæorum non esse nunc invalida vi legis Mosâicæ, sed vi legis hamanæ, quæ à Principibus approbatur. Unde cùm Principes restituere non possint id quod Christus absolute revocavit; sequitur matrimonium inter Judæos contractum, non posse nunc dato repudiî libello dissolvi, ideoque matrimonium cum aliâ deinceps contractum, nullum esse. Quapropter si talis vir convertatur ad fidem, separandus erit à secundâ conjuge, & ad primam reducendus, si tamen hæc converti velit, de quo alibi.

S E C T I O S E X T A.

An Lex vetus prius mortua fuerit, quàm mortifera.

LEX dicitur mortua, cùm nullam habet vim obligandi; mortifera verò, cùm jam sine peccato observari nequit.

Certum est apud omnes imo præcepta moralia nè nunc quidem mortifera esse aut mortua, cùm quisquis vult ad vitam ingredi, eadem servare debeat.

Certum est 2do. præcepta judicialia, licet nunc mortua sint, haud tamen esse mortifera: nam ex iis præceptis quædam in lege Evangelicâ retinentur, ut sunt aliqua impedimenta matrimonii, decimæ fructuum, &c. Ratio est, quod præcepta judicialia non ordinabantur nisi ad politicam utilitatem; ergo ad eundem usum acceptari possunt ab iis, qui potestatem habent.

Certum est 3tio. præcepta ceremonialia jam dudum esse mortifera; sed quæstio est, an statim ac mortua evaserunt, evaserint etiam mortifera, ita ut circumcisio v. g. eo ipso quo inutilis fuit, jam non potuerit sine peccato observari.

Gravis olim super illo negotio Augustinum inter & Hieronymum exarsit controversia. Contendebat Hieronymus imo legalia statim post mortem Christi fuisse mortifera iis, à quibus in Dei cultum serio observabantur; unde inferebat Apostolos iisdem usos fuisse non sincerè, & ut cultum Deo exhiberent, sed simulatoriè, & nè Judæis scandalo forent. Augustinus è contrà legalia post passionem Christi mortua quidem ferebatur, sed negabat statim mortifera fuisse, unde ea ab Apostolis observata fuisse aiebat, * *non simulatione fallaciæ, sed compassione misericordiæ*, quâ fiebat ut Apostolus vere diceret, 1. Cor. 9. *Factus sum Judæis tanquam Judæus, ut Judæos lucrificarem.*

2do. Hieronymus post Origenem, Didymum, Chrysostomum & alios illustres viros existimabat Petrum nullius omnino peccati reum fuisse, cùm Antiochiæ gentes judaizare coëgit, unde inferebat eum non nisi simulatoriè à Paulo reprehensum esse: Augustinus verò post Cyprianum & Ambrosium docebat eundem Petrum, defectu attentionis ad scandalum, quod ex suo legalium usu oriturum esse prævidere debuit, peccasse venialiter, ac proin serio fuisse correptum.

Ex his patet tria hic à nobis esse discutienda: 1mo. an legalium observatio eodem tempore mortua simul & mortifera evaserit; 2do. an Apostoli sincerè legalia observaverint; 3tio. an Petrus à Paulo verè reprehensus fuerit, an tantum ex pacto & consensu utriusque, ut Hieronymo placuit. Sit igitur:

CONCLUSIO I. Lex vetus antè fuit mortua, quàm mortifera unde legalia postquam cessavit Mosàicæ legis obligatio, inculpatè observari potuerunt.

* Prob. Ea observatio non potest censeri mortifera, quæ nullâ lege prohibita erat, imò quam suâ agendi ratione permittebant Apostoli: atqui talis erat legalium observatio, etiam post Christi mortem, & ablatam legi Mosàicæ vim obligandi: imo, quidem nulla lege prohibita erat: cùm S. Hieronymus in colligendis undecumque argumentis adèd solers, nullam unquâ citare potuerit Dei vel Ecclesiæ legem, quâ hæc legalium observatio prohiberetur; 2do. eandem legalium observationem ipsâ suâ agendi ratione comprobarunt Apostoli; & inter alios SS. Petrus Paulus & Jacobus Ecclesiæ Hierosolymitanæ Antistes. Petrus quidem, cùm per longum tempus ab omni cibo per legem vetito constanter abstinerit, ut patet ex celebri visione quæ refertur cap. 10. Act. Paulus verò qui Timotheum filium ** *mulieris Judææ fidelis patre gentili circumcidit*, ne Judæi qui erant in illis locis, conquererentur quòd Paulus virum gentilem sibi adscivisset in socium; Denique S. Jacobus; is enim

* Epist. 40. & 75. ** Act. 16.

autor fuit Paulo ut cum quatuor viris Nazareatīs votum habentibus, abraſo capite ſiſſeret ſe coram Sacerdote Levitico: *Sanctifica te cum illis & ſcient omnes quia ambulas & ipſe cuſtodiens legem.* Ubi obiter nota, legalium obſervantiam, licet Jacobo maximè licita viſa fuerit, ab eo tamen pro neceſſariâ ad ſalutem habitam non fuiſſe, ut patet ex iis quæ ibid. ſubjiciuntur: *De his autem qui crediderunt ex gentibus non ſcripſimus, judicantes nihil ab iis exigendum eſſe, quàm ut abſtineant ab idolis, immolato, & ſanguine & fornicatione.*

† Confirm. 2do. quia Apoſtoli omnes in Concilio Hieroſolymitano ſtatuērunt ut Chriſtiani ad tempus abſtinerent à ſanguine & ſuffocato: hæc autem abſtinentia una erat ex ceremoniis legalibus; ergo Apoſtoli non judicarunt mortiferam eſſe obſervantiam legis antiquæ, ſtatim ac mortua fuit ejus obligatio.

* Confirm. 2do. quia obſervantia legalium primis illis temporibus quaſi neceſſaria erat; cùm finè eâ vitari non poſſent graviffima incommoda, nimirum remotio Judæorum à fide & contemptus ſacrorum veteris Teſtamenti rituum. An enim ad Religionem Chriſtianam, quam vix pati poterant, facile adduci poſuiſſent Judæi, ſi jam à primo paſſu deferenda omnino fuiſſet lex vetus, cujus Deum eſſe authorem meritò exiſtimabant? An non in animum ſibi induxiſſent Gentiles, Moïſis legem nihil habere ſacri, cùm Chriſtiani ab eâ non minùs quàm à nefariis Gentilium ſuperſtitionibus recederent? ergo ut ſuaviter oſtenderetur Judaicos ritus non rejici ut per ſe malos, utque conciliarentur Judæorum animi, eorum ritibus aliquandiu utendum fuit, donec Judæi ipſi conſideratis legalium onere & inutilitate, ab iis ſenſim finè ſenſu avocarentur.

† Obj. 1mo. Quod tollit fructum mortis Chriſti, mortiferum eſt: atqui legalium obſervatio..... Prob. minor. ex Galat. 5. ubi ſic *Ecce ego Paulus dico vobis, quoniam ſi circumcimini, Chriſtus vobis nihil proderit,*

R. ad 1. neg. min. ad 2. diſt. *Chriſtus nihil prodeſt iis qui circumciduntur eâ intentione quâ circumcidebantur Galatæ, C. qui circumciduntur alio fine, quo v. g. Paulus circumcidit Timotheum, ut nempe oſtenderetur legem Moïſis malam non eſſe, N. Galatæ à judaiſantibus quibuſdam malè edocti, circumciſionem non neceſſariam minùs in novâ lege quàm in veteri exiſtimabant. Errorem hunc meritò proſcribit Apoſtolus, ut Chriſti redemptionis everſum; at nec damnavit nec damnare potuit ſapientem œconomiam quâ identidem obſervabantur ritus Moſaici, ut cognoscerent Judæi falſum omnino eſſe quod malevoli quidam evulgaverant de præcipuis Evan-*

* *Act. 21.*

gelii

gelii præconibus, eos nimirum ritus Moyſis non minùs detestari, quàm Gentilium abominaciones.

* Obj. 2do. Non licebat eos usurpare ritus qui vel ipso suo usu falsi erant: atqui ritus Moſaici, ipso suo usu falsi erant; cum ſignificarent venturum Meſſiam, qui jam mortuus erat.

R. diſt. min. Ritus illi vel ipso usu falsi fuiſſent, ſi iis uſi eſſent Judæi ad ſignificandam Chriſti mortem ut nondum impletam, ſed implendam aliquando, C. ſi alio fine & quidem legitimo iis utebantur, N. Porro Apoſtolorum ſiſis erat, ut Judæos lucrifacerent, ut Synagogam cum honore ſepelirent, ut oſtenderent ſibi perſuaſum eſſe Judaicam Religionem toto cœlo à profanis Gentilium ceremoniis diſſerre, nè ſi ab aliâ ſicut ab iſtis pariter defeciſſent, lex Moyſis *improbata potiùs quam terminata videretur*, ut advertit Auguſtinus

† CONCLUSIO II. Apoſtoli non fictè, ſed ſincerè legalia obſervarunt.

* Prob. 1mo. ex his S. Lucæ verbis. * *Dixerunt Paulo Jacobus & ſeniores: Hoc fac quod tibi dicimus: ſunt nobis viri quatuor votum habentes ſuper ſe. His aſſumptis, ſanctifica te cum illis & ſcient omnes quia quæ de te audierunt, falſa ſunt, ſed ambulas & ipſe cuſtodiens legem..... Tunc Paulus aſſumptis viris, poſterâ die purificatus cum illis intravit in Templum, annuntians expletionem dierum purificationis, donec offerretur pro unoquoque eorum oblatio; atqui in hoc textu nè umbra, quidem eſt ſimulationis. Non dicit Jacobus, Finge, ſimula; ſed, *Fac quod tibi dicimus*; addit Jacobus & *ſcient omnes* Porro, ait ſubtiliter Auguſtinus, Epift. 82. ſi Paulus legalium obſervantiâ tantùm ſimulaturus erat, non diceret ei Jacobus: Et ſcient omnes; ſed diceret, *Et putabunt omnes quoniam quæ de te audierunt falſa ſunt.**

† Prob. 2do. Ea ſimulatio Apoſtolis imputari non poteſt, quæ mendacium includit, & grave in animis Chriſtianorum ſcandalum peperiſſet. atqui talis fuiſſet ſimulatio, quàm Apoſtolis imputabat Hieronymus: 1mo. quidem ſimulatio hæc verum fuiſſet mendacium. Verè enim mentitur, qui per facta perſuadere nititur ſe certis ritibus velle colere Deum, quem ſcit iſdem utpotè mortiferis coli non poſſe; 2do. eadem ſimulatio grande ſcandalum peperiſſet. Ibi enim eſt grave ſcandalum, ubi, qui aliis exemplo præeſſe debet, eoſdem exemplo invitât ad faciendum quaſi licitum, id quod in corde ſuo malum eſſe judicat: atqui in ſententiâ Hieronymi, hæc fuit Apoſtolorum conditio. Quandoquidem qui Apoſtolos legalia obſervantes videbant, neceſſariò judicare debuerunt, bona adhuc eſſe legalia, cum à viris tam piis obſervarentur.

* Act. 21.

* Obj.

* Obj. 2do. Si ex sententiâ Hieronymi sequitur Apostolos mendacii reos fuisse, idem sequitur ex sententiâ S. Augustini. Prob. sequela. Apostoli juxta Augustinum legalia observantur ex œconomiâ, &c. non autem ex animo servandi legem tanquam adhuc obligantem; atqui tamen Apostoli simulabant se legem observare quasi adhuc obligantem, idque a Judæis Judæisantiis credi permittebant. Minor patet ex Act. cap. 21. *Sanctificate cum illis & scient omnes quia quæ de te audierunt falsa sunt, sed ambulas, & ipse custodiens legem; ergo.*

R. ad 1. neg. ant. ad 2. neg. min. quæ malè probatur ex objecto actuum textu; Judæi enim non calumniabantur duntaxat Paulum, quòd legem non servaret, vel eam jam cessasse prædicaret, sed etiam quòd illam quasi malam rejiceret, idèdque separationem & apostasiam ab eâ doceret, ut innuunt hæc verba, *audierunt de te quòd discessiorem doces à Moysè.* Ut autem calumniam hanc refutaret Paulus, non necesse fuit ut legem exequeretur quasi adhuc obligantem, satis fuit si eam exequeretur ut nondum mortiferam.

Inst. Judæi qui querebantur de Paulo quo ad legalia, erant Judæi, qui Evangelio credebant, ut patet ex cit. cap. 21. aut atqui Judæi fideles non sunt calumniati Paulum, quòd legem rejiceret ut malam; ergo Paulus non servavit legem, ut ostenderet se eam non habere pro malâ, sed ut simularet se eâ obligari.

R. neg. min. & dico cum interpretibus Judæos fideles, non omnes quidem, sed plures judæisantium calumniis circumventos, paulò facilius credidisse legem Moysis ab Apostolo rejici, ut nunc absolutè malam. Quam calumniam ut Paulus refelleret, Nazareatûs votum emisit.

† Obj. 2do. Ille simulatoriè implevit legalia, qui factus est Judæis tanquam Judæus: atqui S. Paulus, &c.

R. neg. maj. Si enim Paulus simulatè legalia licèt mortifera observasse dicatur, quia Judæis tanquam Judæus factus est, dicendum erit eum impios Gentilium ritus observasse, quia ibidem addit se omnia omnibus factum esse. Quapropter Judæis hoc sensu Judæus factus est Paulus, quòd lege nondum mortifera legalia observabat, non ut necessaria, sed ut quæ absolutè servari possent donec sepulta esset Synagoga.

* CONCLUSIO III. S. Paulus Cepham non fictè ac simulatè, sed verè & ex animo reprehendit.

Prob. 1mo ex simplici facti narratione, prout habetur cap. 2. Epist. ad Galatas. *Cum autem venisset Cephas Antochiam, in faciem ei restitit, quia reprehensibilis erat; priusquam enim venirent quidam à Jacobo, cum gentibus edebat; cum autem venissent subtrahebat & segregabat se timens eos qui ex circum-*
cissione

cisione erant; & simulationi ejus consenserunt ceteri Judæi, ita ut & Barnabas duceretur ab eis in illam simulationem. Sed cum vidissem quod non recte ambulant ad veritatem Evangelii, dixi Cephæ coram omnibus: Si tu cum Judæis sis gentiliter vivis & non judaice, (vixerat enim gentiliter qui cum Gentilibus non profelytis, cibos sine distinctione manducaverat) quomodo gentes cogis judaisare? Id est, quomodo exemplo tuo impellis Gentiles conversos, ad credendum legalia adhuc servari debere, dum temetipsum vident judaisantem, & ab eorum mensâ juxta Moysis præceptum, recedentem: atqui si S. Paulus simulatè tantum Cepham reprehendisset, falsa esset hæc D. Pauli narratio à capite ad calcem. Supposito enim pacto quod Paulum inter & Cepham intercessisse volebat Hieronymus, jam Cephas nullatenus reprehensibilis erat, jam falsum erat quod non recte ambularet ad Evangelii veritatem, &c.

Prob. 2do. ex Patribus qui ante Augustinum scripserant, & quorum auctoritate, Origenis aliorumque qui ab Hieronymo objiciebantur, auctoritatem frangebat Augustinus. Tertullianus Lib. 5. contra Marcion. cap. 3. *Paulus reprehendit Petrum, non recto pede incedentem ad Evangelii veritatem.* S. Cyprianus Epist. 71. *Nec Petrus, inquit, quem primum Dominus elegit, & super quem ædificavit Ecclesiam suam, cum secum Paulus de circumcisione disceptaret despexit Paulum, &c.* Addit ibidem Petrum patientiæ exemplum tribuisse. Quanam verò ea fuisset patientia, si reprehensio hæc ex utriusque pacto facta esset?

Suffragatur ipse S. Hieronymus, qui palinodiam cecinisse videtur: nam Lib. 1. contra Pelagium cap. 8. inter alia testimonia quibus probat nullum esse Episcopum qui reprehendi non possit; profert Petri exemplum: *Si, ait, ipse Apostolus dicat de Petro, quod non recto pede inceserit in Evangelii veritate, & in hoc tantum reprehensibilis fuerit, ut & Barnabas adductus fuerit in eandem simulationem, quis indignabitur id sibi denegari quod princeps Apostolorum non habuit.*

Obj. 1mo. Paulus non potuit seriò reprehendere in Cepha id, quod ipse non semel fecerat: atqui Paulus non semel observarat legalia, putà cum circumciderat Timotheum, & sibi Nazaræorum more caput totonderat.

R. dist. Paulus, observarat legalia in circumstantiis planè disparibus, C. in iisdem, N. Paulus enim ità servavit legem, ut semper vescendo cum Gentilibus satis ostenderit legem non esse necessariam. At verò Cephas minus prudenter se gessit, quia in civitate quæ Gentilium erat, non Judæorum, cum Gentilibus manducabat priusquam Judæi Ierosolymis huc advenissent;

sens; sed statim post eorum adventum à Gentilium mensâ se subduxit, prout jubeat lex Moysis, sicque priorem suam agendi rationem corrigens, occasionem præbuit Gentib; exillimandi necessarium adhuc esse servare legem, quæ Judæos à Gentilium convictu abstinere jubeat. Ergo longa est inter utriusque Apostoli agendi rationem disparitas, petita à diversitate circumstantiarum, è quibus actuum humanorum bonitas & malitia aestimari solent.

Et verò si usquam in legalium observatione deliquerit S. Paulus, maximè cum circumcidit Timotheum; atqui ne tunc quidem deliquit, Aliud enim est legem aliquam simpliciter & sine affectatâ quâdam religione observare, aliud ipsam implere scrupulosè. S. Paulus legalia quidem non semel observavit, sed absque ullâ prorsus affectatione, neque magis ex ipsius agendi ratione colligi poterat, legis observationem esse necessariam, quàm ex eo, quòd quispiam feriali die interfuit Sacro sine affectatione, concludi possit, necessariam esse hâc die Missæ auditionem. Equidem Timotheum semi Judæum circumcidit, sed quia ejus auxilio usurus erat ad conversionem Judæorum, qui nequidem eum receperunt, si circumcissus non fuisset, at nullum inde ingenerari potuit, scandalum Gentilibus, qui cum nossent Paulum nusquam adduci potuisse, ut Titum, aut alium quemvis purè Gentilem circumcidi permitteret, noverant, & nosse debebant circumcisionem ab eo necessariam non judicari. Verùm alia fuit Cephæ agendi ratio, quia cum recessit à mensâ Gentilium quibuscum antea vescebat, prius suum factum corrigere affectavit, sicque hominibus adhuc in fide infirmis, & quos multi ad judaïsandum impellebant, tacitè persuasit omnem cum Gentilibus convictum esse prohibitum Judæis; & hæc Petri simulatio tam infelicem habuit exitum, ut Judæi omnes, qui cum eo erant, in eandem inciderint culpam, adeò ut Barnabas ipse à torrente cum aliis traheretur.

Obj. 2do. Apostoli post acceptam Spiritûs sancti gratiam die Pentecostes non peccaverunt: atqui si Petrus verè fuisset reprehensibilis, verè peccasset; ergo Petrus non fuit reprehensibilis.

R. Apostolos post Pentecosten non ampliùs peccasse mortaliter, quia fuerunt confirmati *in gratiâ*; sed peccare potuisse venialiter, quia non fuerunt confirmati *in bono*. Porro peccatum S. Petri fuit *veniale conversationis vitium, non doctrinæ*, ut loquitur Tertullianus Lib. 4. contra Marcion. c. 3. imò Cephæ ab omni culpâ etiam veniali excusant aliqui Doctores cum Baronio ad an 51.

Quares an Cephas à S. Paulo reprehensus, idem sit cum Petro.

R. duplex à prioribus Ecclesiæ seculis ad nostra usque tempora fuit eâ de re opinio. Prima, quæ semper fuit communior, Petrum à Cepha non distinguit: secunda Cepham hunc aliquem è Christi Discipulis esse propugnat. Præcipua utriusque opinionis momenta referemus quàm breviter & sincerè licebit.

Prima opinio probatur 1mo. ex unanimi pene Patrum consensu, Tertulliani præsertim, Cypriani, Chrysostomi, Augustini, Hieronymi, quibus concinit, S. Gregorius Magnus, S. Petri, suæque Sedis prærogativarum studiosus assertor, * *Sunt nonnulli, inquit, qui non Petrum Apostolorum principem, sed quemdam alium eo nomine; qui à Paulo sit reprehensus; accipiunt; qui si Pauli studiosius verba legissent, ista non dicerent.*

Prob. 2do. quia usque adeo certum erat prioribus Ecclesiæ seculis Cepham quem Paulus reprehendit, à Petro non distingui, ut multi magnæ antiquitatis codices in Pauli textu pro Cephâ quem nunc legimus, legerent Petrum. Ità & olim legerunt Tertullianus, Hieronymus, Augustinus, ità & nunc habent multi codices.

Prob. 3tio. quia characteres quos Cephæ attribuit Paulus, nonnisi Apostolo Petro competunt. En ejus verba Gal. 2. *Cum cognovissent gratiam quæ data est mihi Jacobus & Cephas & Joannes qui videbantur columnæ esse, dextras dederunt mihi & Barnabæ societatis:* atqui hæc soli Petro, non autem ignoto cuiuspiam Discipulo convenire possunt. An enim Discipulus ille diceretur columna Ecclesiæ? An eo nomine cum Jacobo & Joanne præcipuis Christi Apostolis recenseri posset? An satisfuisset Paulo si ostenderet se in Apostolatûs societatem receptum fuisse ab aliquo qui ipse non erat Apostolus?

Respondent secundæ opinionis patroni, ad 1. Patres in huiusmodi factis quæ ad dogma non pertinent, decipi posse. Et verò, inquirunt, an quia Patres unanimi ferè consensu docent Antichristum è Tribu Dan oriturum esse, aut mundi finem post sex annorum millia futurum esse, non ideò licebit ab hæc opinione recedere?

Addunt Patres non esse unanimes in hoc puncto; cum Cepham pro mero discipulo habuerint S. Clemens Alexandrinus, Dorotheus Tyri, qui ambo scribebant in Oriente, ubi certior haberi ejus dissidii memoria potuit. Eandem opinionem ætate suâ à pluribus admissam fuisse, testes sunt ii etiam quibus minimè probata est, ut Chrysostomus, Hieronymus, Gregorius Magnus; pro eâdem stabat autor Chronici Alexandrini, eamque persuasibilem ac probabilem esse fatebatur Ecumenius.

Respondent ad 2. quòd præter vulgatam lectionem quæ ab Ecclesiâ approbata est, innumeri melioris notæ codices Græci,

* L. 18. Moral. in Job. n. 10.

præsertim verò Alexandrinus, annis 1300. antiquior, Cephæm habent, non Petrum; atque lectio hæc genuina est; certè enim; ut bene notat Calmetus ipse, si primævi codices Græci Petrum habuissent, non autem Cephæm, nulla unquam de utriusque identitate fuisset in Ecclesiâ dissensio.

Tertia probatio, quæ præcipuum est opinionis hujus fundamentum, nec ipsa omni exceptione major est; quod enim hæc dicit S. Paulus de Cephâ, de insigni aliquo Discipulo intelligi potest, nec forè de Apostolo bene intelligeretur. An enim accuratè satis de S. Petro, qui juxta Augustinum, *petra est illa quam non vincunt superbæ inferorum portæ*, an, inquam, de tali ac tanto Apostolo accuratè satis diceretur, quòd *videbatur columna esse*, aut, ut habetur y. 2. quòd *videbatur esse aliquid* Profectò vox immunitiva, *videbatur*, multò melius convenit alicui non infimi nominis Discipulo, qui cùm magnam Antiochiæ existimationem haberet, columna videri potuit & dici. Et verò Cephæ tanti æstimabatur, ut Corinthii eum & Apollo viderentur S. Paulo æquiparare, cùm dicerent: *Ego quidem sum Pauli, ego autem Apollo, ego verò Cephæ*. * Quo ex textu colligere est Cephæm de quo loquitur Paulus, multa præclare fecisse apud Corinthios, ac proinde distinguì à Petro, qui nunquam Corinthi prædicavit.

Quod spectat ad momenta opinionis, quæ Cephæm à Petro distinguit, hæc prob. 1^{mo}. ex ipso Pauli textu quocum magis coheret, sic ille Galat. 2. *Cùm vidissent quòd creditum est mihi Evangelium præputii; sicut & Petro circumcisionis: qui enim operatus est Petro in Apostolatam circumcisionis, operatus est & mihi inter gentes. Et cùm cognovissent gratiam quæ data est mihi Jacobus, & Cephæ & Joannes, qui videbantur columnæ esse, dexteras dederunt mihi & Barnabæ societatis..... Cùm autem venisset Cephæ Antiochiam, in faciem ei restiti, quia reprehensibilis erat. Prius enim quàm venirent quidam à Jacobo, cum gentibus edebat: cùm autem venissent, subtrahebat & segregabat se, timens eos qui ex circumcisione erant. Et simulationi ejus consenserunt cæteri Judæi. ita ut & Barnabæ duceretur ab eis in illam simulationem. Sed cùm vidissem quòd non rectè ambulant ad veritatem Evangelii, dixi Cephæ coram omnibus; Si tu cùm Judæus sis, gentiliter vivis, & non judaicè, quomodo gentes cogis judaisare? atqui in his verbis multa sunt quibus fictitia Petri cum Cephæ identitas subverti videtur.*

1^{mo}. Enim vix credibile est quòd Paulus scribens ad Galatas qui ab ipso longis locorum intervallis diffiti erant, & qui-

* 1. Cor. 1.

bus proinde nihil ambigui scribendum erat, eundem Apostolum ter Petri nomine expressum, statim Cephæ nomine expresserit, præsertim cum Petrus hoc nomine solitarie posito nunquam donatus fuerit ab iis qui hætenus Evangelium scripserant.

2do. Nec credibile est S. Petrum, qui ubique propter primatum primo loco ab Evangelistis recensetur, non nisi post Apostolum Jacobum; (si tamen fuit is Apostolus,) imò post fratres Domini qui Apostoli non erant, à Paulo appellatum fuisse; quod tamen dicendum est in sententiâ eorum, qui Cephæ confundunt cum Petro. En S. Pauli verba I. Cor. 9. *Nunquid non habemus potestatem mulierem sororem circumducendi, sicut & ceteri Apostoli, & fratres Domini, & Cephæ.* Ubi pondera Cephæ non minus à ceteris Apostolis distingui, quàm à fratribus Domini.

3tio. nec satis credibile est Paulum, tam acriter, & publicè, suum, & rotius Ecclesiæ principem reprehendisse, quem tot aliis modis ob eximiam ipsius humilitatem, ad veritatis viam reducere poterat.

4to. Nec probabile est eum Petrum qui tot abhinc annis cum Gentilibus palam & apertè in ipso Judææ medio manducaverat, * quique viriliter responderat, id à se iussu divino factum esse, eo usque veritum fuisse Judæos aliquot, ut cum Gentilibus Antiochiæ comedere ausus non sit; & quos, quæso, supponitur timuisse Judæos à Jacobo minore, Hierosolymæ Episcopo missos, id est, Judæos coram quibus centies fecerat S. Petrus in ipsis Hierosolymis, id quod adversarii supponunt eum Antiochiæ facere ausum non fuisse.

Prob. 2do. quia Petrus Antiochiæ non erat, cum Paulus Cephæ reprehendit. Vel enim, ut fatentur omnes prorsus, Cephæ à Paulo reprehensus est paulò ante Concilium Hierosolymitanum, de quo Act. 15. vel paulò post illud: atqui neutro illo tempore Petrus Antiochiæ erat. Et quidem imò. Petrus Antiochiæ non erat eo tempore, quod Concilium Hierosolymitanum præcessit, (quo tamen tempore Cephæ à Paulo reprehensum fuisse crediderunt & Augustinus, quo præcipue nituntur adversarii, & alii non pauci cum ipso.) Ille enim Antiochiæ tunc temporis non erat, ad quem Hierosolymæ cum aliis Apostolis commorantem ascenderunt Paulus & Barnabas, ut eos super ortâ Antiochiæ de legalibus controversiâ consulere: atqui ex Act. 15. ** *Paulus & Barnabas ascenderunt ad Apostolos* ideoque ad Petrum, ut etiam patet ex v. 7. ut eos super hac legalium questione consulere; ergo Petrus tunc temporis Antiochiæ à Paulo redargui non potuit 2do. neque

* Act. 10. ** Vide Act. 14. & 15.

etiam

etiam post Concilium Hierosolymitanum adfuit Antiochiæ S. Petrus ut à Paulo reprehenderetur. Sic enim habetur Act. 15, *Illi* Saulus, Barnabas, Silas, & Judas, à Concilio, legatorum instar ad perferendum ejusdem Concilii decretum *dimissi, descenderunt Antiochiam; & congregatâ multitudine tradiderunt Epistolam* Judas autem & Silas *facto ibi aliquanto tempore, dimissi sunt cum pace à fratribus ad eos qui miserant illos* Post aliquot autem dies Paulus *profectus est, traditus gratiæ Dei à fratribus*. Unde sic. Si Petrus post Hierosolymitanum Concilium reprehensus Antiochiæ fuerit à Paulo, vel antequam Judas & Silas Hierosolymam reversi essent; vel postquam eo reversi fuere: atqui neutrum dici potest. Non primum; alioqui enim contigisset Petri reprehensio durante illo *aliquanto tempore* quo iidem Judas & Silas Antiochiæ remanserunt: atqui Petrus Antiochiæ reprehendi non potuit per illud aliquanti temporis spatium. Siquidem Petrus toto eo aliquanto tempore remansit Hierosolymis, prout patet ex Act. 15. ubi expressè legitur exacto illo *aliquanto tempore* Judam & Silam remissos fuisse *ad eos qui miserant illos*, id est, aiunt hîc Fromondus & alii, ad Petrum, Jacobum & Joannem, qui proinde tunc adhuc erant Hierosolymis; ergo stat Petrum nullo aliquanti hujus temporis momento potuisse Antiochiæ redargui.

Neque etiam potuit Petrus Antiochiæ reprehendi postquam Judas aliique Concilii legati ex Antiochiâ reversi sunt Hierosolymam. Ad hoc enim necesse esset ut Petrus satis habuisset temporis, non solum ad perveniendum Antiochiam antequam ex eâ profectus esset Paulus, sed etiam ad faciendum id omne, quod fecit Cephas Antiochiæ; quodque in eo reprehendit Paulus: atqui res ita se non habet. Nam iter Petri Antiochiam usque, & cetera quæ S. Pauli reprehensionem induxerunt, plures exigunt dies quàm octo vel decem, ut per se patet, cuius attendenti: atqui tamen Paulus post discessum Judæ aliorumque Concilii legatorum, vix egit Antiochiæ dies decem. Prob. min. ex textu Actuum Paulus *post aliquot* à profectioe legatorum *dies*, discessit Antiochiâ; atqui hâc loquendi formulâ, *post aliquot dies*, vix plures quàm decem dies intelligi possunt, saltem apud Lucam. Siquidem Act. 1. v. 5. hæc verba, *non post multos hos dies*, quæ idem valent, ac ista, *post aliquot dies*, non significant nisi decem dies, ut è diverso, Act. 13. v. 30. verba quibus Christus Dominus *per multos dies* post resurrectionem suam visus fuisse dicitur, significant dies quadraginta; ergo Paulus antè discessit Antiochiâ, quàm Petrus eò pervenire posset, etiam si statim à legatorum reditu profectus diceretur,

quod utique gratis diceretur; ergo Petrus à Paulo tunc temporis reprehendi non potuit.

Hæc sunt præcipua partis utriusque momenta, circa quæ unusquisque in sensu suo abundet, modò fides & charitas maneant. integræ,

† SECTIO SEPTIMA.

Quo præcisè tempore Lex vetus mortifera fuerit, &c.

Certum est apud Catholicos omnes, legem veterem nunc esse mortiferam; idque expressè definiit Innocentius III. cap. 3. *De Baptismo*. Quæritur quo tempore id evenierit. Fa-
tentur omnes, mathematicè definiri non posse diem, mensem, vel annum: videndum ergo an non probabiliter saltèm & confusè tempus illud determinari possit. quâ de re sit.

CONCLUSIO Probabilius videtur legem evasisse mortiferam quadagesimo circiter à Christi morte anno, cum eversum fuit Templum Hierosolymitanum.

Prob. Eo potissimum tempore lex vetus debuit fieri mortifera, quo & lex nova sufficienter promulgata erat. & nulla jam erat necessitas utendi indulgentiâ erga Judæos, tamdiu divinæ vocationi rebelles: atqui utrumque contigit circa excidium Templi Hierosolymitani: imo, quidem tunc sufficienter promulgatum erat Evangelium, secundum id S. Pauli Rom. 1mo. *In omnem terram exivit sonus eorum & Collos: Evangelium pervenit ad vos, sicut & in universo mundo est;* 2do. nulla jam erat necessitas œconomix cum Judæis servandæ. Everso enim funditus Templo, nullus debebatur honos Synagogæ, cum hæc jam extincta esset, dispersi totum per orbem Judæi, trucidati Sacerdotes, &c.

Hinc colligit Maratius, remedium legis naturæ eodem tempore mortiferum evasisse: tum quia nullum est tempus, quo commodius dici possit mortiferum evasisse; tum quia sicut circumcissioni sic & remedio legis naturæ successit Baptismus; ergo quo tempore mortifera evasit circumcisio, eodem mortiferum fieri debuit naturæ legis remedium.

Obj. Si post sufficientem Evangelii promulgationem lex vetus mortifera evasisset, Apostoli ab omnibus ejus caremoniis abstinuissent: atqui nedum abstinuerint, quasdam ex ipsis renovaverunt; cum Act. 15. præceperint ut abstinere ab immolatis simulacrorum, & sanguine, & suffocato: quod decretum & hætenus rigide servatur à Græcis, & in Ecclesiâ Latinâ plurimè seculis observatum est.

R. dist. maj Si lex vetus mortifera evasisset, Apostoli ab ejus

jus cæremoniis abstinuissent, id est, nec eas renovassent in quibus sita erat summa Religionis Judaicæ; nec eas quas renovabant, vi legis Mosaicæ observari voluissent, C. id est, nullas omnino adoptare potuissent, N. Itaque Apostoli non potuerunt eas Mosis ceremonias servare, quibus servatis ipsam Mosis Religionem servari necesse erat: unde sacrificia & Sacramenta Mosis, neque ab Apostolis, promulgato jam Evangelio, retenta fuere; neque nunc restaurari possunt, quia in Ecclesiâ Christi non nisi unum esse potest sacrificium, sicut unus est Sacerdos, nec plura esse possunt Sacramenta, quàm quæ instituit Christus. Nihil tamen obstat quominus quidam ritus apud Judæos, imò etiam apud Gentiles usurpati, ab Apostolis adoptari potuerint, v. g. vestes, vasa, & alia id genus: verùm hæc nec servari debuerunt, nec de factò servata fuerunt vi legis Judaicæ, quæ abrogata erat, sed vi novæ Pastorum Evangelicorum constitutionis.

Quæres imò. an lex vetus Gentilibus conversis priusquàm Judæis mortifera facta sit.

R. negat. Legis enim observatio nec magis perniciofa erat, nec magis prohibita Gentilibus quàm Judæis. Et verò si hæc alicubi Gentilibus prohibita fuisset, utique in Concilio Hierosolymitano, ubi ex professo tractatum est de legalium usu: atqui nulla ibi facta est prohibitio respectu Gentilium, sed solum declaratum est legis onus iisdem necessarium non esse. Porro qui onus non imponit, non prohibet ejus acceptionem. Hinc nusquam quidem permisit Apostolus, ut observatio hæc admitteretur quasi necessaria; ad voluntariam ejus professionem pro illo tempore nullibi reprobavit.

Fatendum tamen legalium observationem per accidens antè Gentilibus mortiferam esse potuisse quàm Judæis; quia cum nimis onerosa forent, præsertim circumcisio, facilius potuissent Judæis occasionem præbere existimandi durum hoc legis onus non portari nisi ab iis qui necessitatem ejus agnoscerent: quo in casu à legalibus abstinendum erat ob imminens scandalum periculum.

Quæres 2do. quo jure lex vetus facta sit mortifera.

R. præcipua saltèm legis Mosaicæ capita jure divino mortifera facta essent. Quia lex Evangelii per se excludit præcipuos Moyse ritus, ut patet in Aaronis Sacerdotio, & sacrificiis quæ cum unico Christi sacrificio ubique à Sacerdotibus novæ legis offerendo compati non possunt. Idem patet quoad ritus judiciales: nam permissio vel dandi libellum repudii, vel plures simul uxores ducendi stare non potuit cum restitutione matrimonii in pristinum statum, & cum lege quâ Christus venit nè

quis uxorem suam dimitteret. Udde longè probabilius videtur hujusmodi leges, quæ Evangelio directè repugnabant, promulgatâ sufficienter Christi lege mortiferas evasisse; ceteras verò leges quibus specialiter per Evangelium non derogabatur, durasse quandiu duravit Judaicæ Reipublicæ status.

Quod spectat ad alias ceremonias minùs principales, dici potest eas jure solùm Ecclesiastico abrogatas fuisse; unde vasa, vestes, & similia quæ in lege veteri usurpabantur, in novâ admitti possunt, saltèm ex parte; non quidem vi primæ institutionis quæ cessavit, sed vi autoritatis Ecclesiæ.

ARTICULUS SECUNDUS.

De Lege Evangelica.

DUæ erunt hujus articuli Sectiones. Prima legis novæ nomen, essentiam & causas expendet. Secunda affectiones ejusdem investigabit.

SECTIO PRIMA.

De nomine, essentiâ & causis Legis novæ.

LEX Christi multis donatur nominibus. Dicitur 1mo. lex nova; vel ab effectu, quia hominem per gratiam renovat; vel à tempore, quia est ultima lex à Deo data: 2do. vocatur *lex fidei*, Rom. 3. *lex Spiritus vitæ*, Rom. 8. *lex gratiæ*, vel simpliciter *gratia*, Joan. 1. *Gratia & veritas per Jesum Christum facta est*; 3tio. *lex libertatis*, &c. 4to. novum Testamentum, quia adveniente Christi lege, omnia innovata sunt, secundùm id II. Corint. 5. *Vetera transferunt, ecce facta sunt omnia nova*; 5to. *lex Evangelica*, quia, ut ait Autor Operis imperfecti in Matth. *Evangelium est bonum nuntium: bona autem hominibus nuntiantur, quando promittitur eis beatitudo cælestis, peccatorum remissio, adoptio filiorum, mortuorum resurrectio, immortalis vitæ, &c.*

Lex nova definiri potest: Lex à Christo data & ab Apostolis promulgata, quæ conjunctam sibi gratiam supernaturalem habet.

Dicitur 1mo. *lex*. Ibi enim est lex vera, ubi vera imponuntur præcepta ad bonum communitatis ordinata, & in perpetuum servanda; atqui Christus hujusmodi præcepta suis imposuit. Joan. 6. *Nisi manducaveritis carnem filii hominis*. Matth. 28. *Euntes docete omnes gentes, baptisantes eos ... docentes eos servare omnia quæcumque mandavi vobis*. Hinc patet quàm absurdè

absurdè docuerint Calvinus & Lutherus nullam à Christo legem esse sancitam.

Dicitur 2do. à Christo data &c. quæ vox locum habet differentia: *lex enim verus per Moysen data est, gratia & veritas Evangelii per Jesum Christum*, DEUM & hominem cum hominibus amicè conversantem facta est.

Dicitur 3tio. *conjunctam sibi gratiam habens, &c.* Lex enim Christi *virtus Dei est in salutem omni credenti*, Rom 1. in quem locum sic scribit S. Anselmus: *Virtus est, quia gratiam præstat per cujus auxilium valeamus facere quæ præcepit.*

Obj. 1mo. Si Evangelium esset vera lex præceptiva, Christiani essent sub lege: atqui ex Apostolo, * *Non sunt sub lege, seu sub gratia.* unde II. Cor. 3. *Ubi Spiritus Domini, ibi libertas*, scilicet ab obligatione legis; ergo.

R. dist. maj. essent sub lege Christi, C. sub lege Moysis, N. itaque Apostolus eam hic legem excludit, quæ timoris erat non amoris, & quæ innumeris referta erat caeremoniis & sanctionibus, at nusquam negavit Christum vera dedisse præcepta, stabilia & perpetua quibus Christiani obedire teneantur; imò præcepta hæc ubique commendat. Eadem responsio ad textum è II. Cor. 3. petum.

Obj. 2do. Discrimen legis Christi desumi non potest ex eo quod ipsi commune fuit cum antiquâ lege: atqui gratiam habuisse sibi annexam, commune fuit etiam antiquæ legi; ergo.

R. neg. min. Etsi enim gratia non defuerit Judæis, meritò tamen legis utriusque discriminè ex parte gratiæ desumitur: 1mo. quia longè parcius erat mensura gratiæ in veteri Testamento, nunc autem multò diffusior; 2do. quia gratia Judæis concessa non fuit data vi hujusce statûs, in quo nondum solum erat redemptionis nostræ pretium, sed vi legis novæ ejusque authoris Christi, à quo & per ejus merita conferebatur.

Quod spectat ad causas novæ legis, extra dubium est Christum, unicam esse ejus causam efficientem: neque verò, quidquid malè senserint aliqui, ex Scripturâ vel Traditione ostendi potest ullam, à Joanne latam esse legem, quæ Christianos obliget: nam Baptismus ab ipso institutus, de quo uno moveri potest difficultas, erat potius dispositio ad Baptismum Christi, quam Sacramentum, quod Fideles suscipere tenerentur.

Causa verò materialis, seu materia novæ legis, sunt præcepta tum moralia tum caeremonialia. Et quidem 1mo. lex Christi multa continet præcepta moralia, quæ scilicet spectant ad mores secundum veritatem & æqui regulas dirigendos, tum in ordine ad DEUM; tum in ordine ad proximum. Nam 1mo. in ordine ad DEUM præcipit fidem, Matth. ult. *Qui non credide-*

* Rom. 6;

rit, condemnabitur; charitatem, Luc. 10. *Diliges Dominum Deum tuum, &c.* 2do. in ordine ad proximum, omnia legis naturalis erga ipsum præcepta paucis his complectitur, * *Omnia quaecumque vultis ut faciant vobis homines, & vos facite illis;* ergo lex nova non unum fidei præceptum continet, ut falsò prædicant pseudo-reformati, sed multa præcepta, quorum alia sunt juris naturalis, ut amor Dei & proximi; alia juris positivi divini, ut fides Eucharistia, cujus prædicatio pendebat à libera Dei dispositione.

2do. Lex Christi præcepta habet caeremonialia, quæ nempe ad externum Dei cultum, Sacramenta, & sacrificium pertinent. Sic præcipit ut Baptismus cum aquâ & sub certâ verborum formâ conferatur; ut Eucharistia in pane & vino, atque talibus verbis conficiatur, &c.

At Christus judicialia sicut Moyses præcepta non dedit; sed Principibus liberum reliquit, ut ea statuerent, quæ sibi ad publicam tranquillitatem potiora viderentur, modò contra fidem & mores nihil sancirent. Quin & si Ecclesia, prout est communitas spiritalis, exigat leges judiciales, quibus exterius dirigatur, has tamen Christus ferre per semetipsum noluit, sed curam hanc & potestatem Pastoribus commisit, quia leges judiciales pro temporum & occasionum varietate mutari sæpè expedit, non expediebat autem ut leges à Christo latæ mutarentur.

Causa formalis legis novæ, ejus definitione continetur: sed hic quaritur quomodò lex nova tradita sit.

Communis & vera sententia est legem Mosaicam in eo differre ab Evangelicâ, quòd illa scriptò tradita sit in tabulis lapideis; hæc verò per Spiritum Sanctum in hominum cordibus insculpta sit. Ità expressè S. Augustinus Libr. de spir. & lit. c. 17.

At, inquires, utraque lex scriptò tradita fuit, vetus quidem à Moyse; nova verò ab Evangelistis.

R. Legem novam duo complecti; imò, & præcipuè gratiam & charitatem in cordibus diffusam, quâ impellimur & juvamus ad bene operandum; 2do. externas bene operandi leges. Lex nova quoad primum non tradita fuit, sed insculpta, præcipuè in solemnibus ejus promulgatione facta die Pentecostes: tunc enim tanta in Discipulos effluxit gratiæ copia, ut vi illius nova lex sine scripto conservari potuisset, ex S. Irenæo.

Quod spectat ad secundum, lex nova scriptò quidem tradita est, sed per accidens, ut ità loquar, non per se, ut lex verus. Enim verò lex Mosaicâ prius juxta Dei ordinationem, scribi debuit quàm dari: contra verò lex Christi antè data est, sive vivæ vocis oraculo, sive in die Pentecostes, quàm scripta, cum

* *Matth. 7.*

nec

nec sta
litis in
pta fuer
scribend
les agen
partem
se tradit
Hic no
legem n
naturam
dicans q
Causa
de ejus

Vari
par
* Qu
tur ab
R.
tura no
tempor
infirmi
ter est i
decebat
demptio
ne adim
erat Sp
erat glori
+ Qu
ratura s
R. ac
cepisse
minibus
novam
triarcha
Et qu
datur e
dum p
duratur
R. 2

nec statim, sed aliquot post Christi mortem annis, ab Euangelistis in lucem edita fuerit, nec *per se*, si ita loqui fas est, scripta fuerit, sed quasi *per accidens*, quatenus ad Fidelium præces scribenda fuit Christi vita, & contra Cerynthi & Ebionis hæreses agendum; ergo lex nova, nec secundum potissimam sui partem quæ est gratia, nec secundum præcepta sua scripto per se tradita fuit, ut tradita est lex Mosaica.

Hic notandum legem novam aliter nobis esse inditam, quam legem naturalem: hæc indita est, ut aliquid quod ad hominis naturam pertinet; illa ut supernaturale donum, non solum indicans quid agendum sit, sed adjuvans ad implendum.

Causa finalis legis novæ manifesta erit ex iis, quæ paulò post, de ejus effectibus dicenda sunt.

SECTIO SECUNDA.

De affectionibus Legis novæ.

Varias legis novæ affectiones discutiunt Theologi; quas ut paucis expediamus,

* Quæres 1mo. an conveniens fuerit ut lex nova non daretur ab initio mundi.

R. affirmat. 1mo. quia gratia naturam imitatur: atqui natura non statim à principio aliquid ad perfectum adducit, sed temporis progressu; 2do. quia expediebat ut homo sibi relictus infirmitatem suam agnosceret; 3tio. quia lex nova principaliter est ipsa S. Spiritus gratia in nos abundè effusa; atqui non decebat, ut hæc gratiæ abundantia conferretur, antequam redemptio nostra per Christi passionem in temporum plenitudine adimplendam, consummaretur, juxta id Joan. 7. *Nondum erat Spiritus datus, tam abundè scilicet, quia Jesus nondum erat glorificatus.*

† Quæres 2do. quando inceperit lex nova, & quandiu duratura sit.

R. ad 1. legem novam si sumatur prout gratiam importat, cœpisse ab initio mundi: quia ab initio mundi collata est hominibus gratia, quæ cum debeat Christum novæ legis auctorem, novam ad legem pertinet. Hinc juxta Augustinum, veteres Patriarchæ *nondum nomine, sed reipsâ fuerunt antea Christiani.*

Et quia gratia quæ Sanctis cum Deo Regnantibus confertur, datur etiam per merita Christi, hinc est quod lex nova secundum præcipuum sui partem sumpta, per totam æternitatem duratura dicitur.

R. 2do. legem novam non uno tempore secundum omnes
sui

suū partes incepisse: sic Baptismus fuit ante Eucharistiā, Eucharistia ante Pœnitentiā.

R. 3tio. Legem novam, si sumatur prout est præceptiva, dū raturam esse usque ad finem mundi.

Prob. Quia nulla legi novæ potest succedere lex eādem præstantior, sive ex parte authoris, qui ipse est unigenitus DEI Filius; sive ex parte sacrificii, quia nullum Eucharistiā dignius institui potest; sive ex parte Sacramentorum, quia nostra sæcundissimi sunt salutis fontes, &c.

Quæres 3tio. an dispensatio cadat in legem novam.

Not. non hic inquiri an DEUS in lege hāc, prout positiva est dispensare possit: ut enim eam liberè tulit, sic & ab eā quoddam pro nutu eximere posset, quos ab æterno eximere decrevisset. Verū dispensatio hæc non præsumitur, nisi miraculis, aut aliā viā non minus efficaci proberetur. Tota igitur quæstio est, an homo in lege DEI dispensare possit.

R. negat. inferior enim dispensare non potest in lege superioris, nisi specialem ab eo dispensandi potestatem receperit: atqui potestas in lege divinā dispensandi nemini concessa fuit à Christo, & nè ipsi quidem S. Petro, ut statim patebit; ergo.

* Confirm. Præcepta legis novæ vel sunt de rebus sæcundum se necessariis, ut est amor DEI; vel de rebus quæ non nisi ex instituto Christi necessariæ sunt, ut Baptismus, & alia Sacramenta; atqui nulla est hominum potestas quæ in his dispensare possit. Non in primis, quandoquidem nè ipse quidem DEUS in his dispensare potest. Non in secundis, præcepta enim legis novæ de rebus per se non necessariis, sunt præcepta de actu fidei; circa hoc vel illud mysterium, de Sacramentis vel aliquando recipiendis, vel taliter administrandis: atqui nec Pontifex, nec Ecclesia dispensare possunt, ut quis alia utatur materia, quàm quæ instituta est à Christo, v. g. aquā in Baptismate; aut ut quis non teneatur ad credendum iis quæ à Christo revelata sunt; ergo.

† Obj. 1mo. Hæc Christi verba Matth. 16. *Quodcūque ligaveris super terram, erit ligatum & in Cælis, &c.* continent potestatem dispensandi in lege divinā, cū generaliter dicta sint, & nihil excipiant: atqui verba hæc ad Petrum ejusque successores pertinent; ergo.

R. neg. maj. & dico verba hæc licet generaliter prolata, cū exceptione tamen intelligenda esse, prout ab Ecclesiā ipsā semper intellecta sunt. Et certè si nulla ibi admittenda foret exceptio, omnia legis novæ puncta solvi possent, sicque posset Ecclesia mutare vel tollere sacrificium à Christo institutum, posset mutare Sacramentorum substantiam, contra Tridentinum

Sess.

Sess. 11. cap. 2. & Apostolum qui II. Cor. 10. docet potestatem à Christo Apostolis concessam non fuisse in destructionem, sed in adificationem.

Obj. 2do. Papa dispensat in multis quorum obligatio juris est divinit ut 1mo. in votis; 2do. in juramentis; 3tio. in ministro Confirmationis, qui licet ex institutione Christi Episcopus esse debeat, aliquando tamen per Apostolicæ Sedis dispensationem simplex fuit Sacerdos, ut docet Concilium Florentinum; ergo.

R. neg. antec. Ad 1. & 2. fateor quòd Papa & sæpè Episcopi dispensant in votis & juramentis: at non ideo dispensant in lege naturali vel divinà servandi votum, sed mutant materiam, eamque mutatione hâc subtrahunt divinæ legi, quæ non obligat ad servandam Deo promissionem, cui Deus per se aut vicarium suum renuntiavit. Sic homo qui promissioni sibi ab alio factæ, & juramento confirmatæ renuntiat, non dispensat in lege naturali quæ fidem datam servari jubet, sed relaxatâ promissione materiam mutat, eamque legi subtrahit: vel si mavis, tollit conditionem, sub qua sola lex obligabat. Lex enim non obligat absolutè ut promissio quævis servetur; sed conditionatè, nimirum, ut servetur, nisi promissarius, aut qui vices ejus gerit, eidem renuntiet.

Ad 3. Episcopus non ità Confirmationis minister à Christo institutus est, ut ministerium illud nunquam simplici Presbytero committi possit; sed ità ut ei nunquam, nisi à Papâ, gravibusque de causis conferri possit; prout alibi dicemus.

Quæres 4to. an interpretatio cadat in legem novam.

R. Non cadit interpretatio per epikeiam; cadit verò interpretatio improprie dicta seu doctrinalis.

Prob. 1. pars, quia lex Christi in omnibus obligat casibus, in quibus eam Christus obligare voluit; nec ullus est, qui quæpiam in iisdem casibus ab obligatione ejus eximere auit.

Prob. 2. pars: tum quia sæpius explicant SS. Patres sensum & verba legis novæ; tum quia exponunt Doctores quo tempore & quibus in circumstantiis obligent quædam novæ legis præcepta: sic v. g. alii præceptum Confessionis, prout divinum est, post commissum mortale peccatum, alii non statim obligare interpretantur.

Quæres 5to. quæ sint legis novæ à veteri discrimina.

R. 1mo. utramque legem non distingui quoad substantiam, sed tantum prænes accidentia.

Prob 1. pars: quia illæ leges non differunt quoad essentialiam, quæ habent eundem authorem, eundem finem, & eadem præcepta primaria: atqui lex vetus & nova 1mo. eundem ha-

bent

bent authorem, DEUM scilicet, qui * *Patribus in Prophetis, novissime verò locutus est nobis in Filio*; 3tio. eundem finem, tum proximum, nempe cultum DEI, & cordis puritatem; tum remotum, scilicet vitam æternam; 2do. eadem præcepta primaria, fidei scilicet per charitatem operantis, quæ est ** *legis plenitudo*.

Prob. 2. pars: 1mo. quia lex vetus imperfectior erat, quasi pedagogus quo Judæi tanquam parvuli dirigebantur; 2do. quia secundaria legis utriusque præcepta plurimum discrepant, ut patet in præceptis ad Sacramenta & sacrificia pertinentibus; 3tio. quia lex vetus non nisi Judæos, lex Evangelica orbem totum obligat; 4to. quia fidei mysteria, Trinitatis, v.g. Incarnationis, &c. clarius in novâ lege, quàm in veteri proponuntur; 5to. quia spiritus legis antiquæ, timoris erat, novæ verò amoris; 6to. quia major est in novâ lege præcepta implendi facilitas, quàm in veteri, 7mo. quia lex nova iustificat, vetus non item. Circa duas posteriores differentias.

Queritur 1mo. an re ipsâ lex nova sit facilior veteri.

R. affirmat. Lex enim nova spectatur vel prout præcipit actus exteriores, vel prout est lex gratiæ & amoris. Si primum, lex nova facilior est veteri; hæc enim ob præceptorum multitudinem jugum importabile vocatur Act. 15. cum lex nova legi naturali paucissima superaddat præcepta. Si secundum, summa est legis novæ facilitas præ veteri: nam lex nova est lex amoris; porro *in eo quod amatur, aut non laboratur, aut si laboratur, labor amatur*: ait Augustin. Lib. de bono viduit. cap. 21.

Dices: Præceptum Confessionis, prohibitio polygamix, matrimonii indissolubilitas, onera sunt adeò gravia ut propterea multi Infideles à Christianismo deterreantur.

R. 1mo. Præcepta hæc per abundantiam gratiæ facilia reddi, prout prædixerat Isaias cap. 10. *In die illâ.... computrescet jugum à facie olei*; 2do. pondus legis non expendi ab uno, aut altero præcepto, sed ex totâ præceptorum collectione. Porro quis neget sexcenta circiter legis Mosaicæ præcepta, è quibus multa erant, quorum transgressores morte plectebantur, graviora esse lege Christi, quæ pauca admodum præcepta continet, è quibus vix tria aut quatuor, quæ nonnihil habent difficultatis, ut Confessio, tantum aliunde pacis afferunt & solatii, ut pœna iis annexa pro nihilo fermè debeat computari.

Queritur 2do. an lex nova præcisè vi præceptorum iustificet.

R. negat. si enim à præceptis legis novæ separaretur gratia, nihil magis posset lex Evangelica, quàm vetus; & nihilominus quàm

* Hebr. 1. ** Rom. 13.

quàm ista esset litera occidens. Hinc S. Augustinus Lib. de spir. & lit. cap. 4. *Doctrina*, inquit, *quâ mandatum accipimus litera est occidens, nisi adfit vivificans spiritus*. Ubi per literam intelligitur qualibet scriptura extra homines existens, etiam moralium præceptorum, qualia continentur in Evangelio, prout docet S. Thomas q. 106. art. 2.

CAPUT QUINTUM.

De Lege humana.

DUO erunt hujus Capituli Articuli: primus de lege humana in genere; secundus, de variis ejusdem speciebus.

ARTICULUS PRIMUS.

De Lege humana in genere.

DE lege humanâ ut sic multa expendenda sunt: 1^{mo}. quid sit, & à quo condi possit; 2^{do}. quodnam sit ejus objectum; 3^{tio}. quod subjectum; 4^{to}. quæ conditiones; 5^{to} quinquam effectus; 6^{to}. quæ affectiones.

SECTIO PRIMA.

De essentia & authore Legis humanæ.

LEX humana est præceptum commune justum & stabile, ab iis qui curam vel politicæ, vel Ecclesiasticæ communitatis habent, promulgatum.

Certum est ex toto corpore Juris, tum civilis tum canonici, existere leges humanas; sed controvertitur Catholicos inter & Hæterodoxos, an earum leges justè conditæ sint. Negarunt Waldenses, Wiclefus, & Lutherus, qui Lib. de captiv. Babylon. Clamo fidenter, ait, *Christianis nihil ullo jure posse imponi legum, sive ab hominibus, sive ab Angelis, nisi quantum volunt, liberi enim sumus ab omnibus*. Contra eos omnes sit.

CONCLUSIO. Superiores tum civiles, tum Ecclesiastici, possunt condere leges, quæ conscientiam obligent circa ea etiam, quæ jure divino præcepta non sunt.

Prob. 1. pars de Superioribus secularibus, Ex Script. Luc.

20. *Reddite quæ sunt Cæsaris, Cæsari:* ubi Christus legem de tributis ab ethnico Principe latam, in materiâ quæ jure divino præcepta non erat, servari mandat, eamque in robore fuisse supponit. Rom. 13. *Qui resistit potestati, Dei ordinationi resistit, qui autem resistunt, ipsi sibi damnationem acquirunt..... ideo necessitate, subditi estote non solum propter iram, seu pœnam, sed etiam propter conscientiam.* Unde sic: Leges de quibus in hoc textu agitur, latae erant ab Imperatoribus paganis, qui nec de onerandâ subditorum conscientiâ, nec de renovandis veri Dei legibus cogitabant: atqui tamen leges illæ obligabant etiam in conscientiâ, ita ut qui ipsis resistebant, Deo ipsi resisterent, & idcirco damnationem sibi acquirerent æternam; ergo.

Prob. 1. pars de Superioribus Ecclesiasticis. Id nunc potest Ecclesia quod olim fecit; neque enim ad unum tempus restricta est potestas eidem à Christo concessa: atqui Ecclesia olim condidit leges multas circa ea quæ in lege divinâ non continebantur. Nam 1mo. in Concilio Jerosolymitano edita est ab Apostolis lex, quâ gentes ad fidem conversæ, jussæ sunt abstinere à suffocato & idolotytis: atqui lex illa obligabat in conscientiâ, quidquid contradicat Calvinus: hæc enim verba, *Videtur est Spiritui sancto & nobis, nihil ultra imponere vobis oneris, quam hæc necessaria,* veram important obligationem; quia quod non obligat; non imponitur ut onus necessarium; 2do. S. Paulus I. ad Timoth. 3. & ad Titum 1. legem condidit quâ vetitum est ne bigami & neophyti ad Episcopatum assummerentur, &c.

Eadem veritas patet ex constanti agendi ratione Ecclesiæ, quæ diversas diversis temporibus leges sanxit. Sic indixit jejunium quadragesimale, communionem paschali tempore faciendam, eosque qui secus facerent, gravissimis mulctavit pœnis quæ gravissimum peccatum supponunt.

* Denique idem confirmat ratio. Ecclesiæ enim est perfecta societas; cui proinde competere debet potestas gubernandi subditos; ubi enim non est gubernator, corrumpit populus: * atqui potestas gubernandi, potestatem ferendi leges importat. Occurrendum enim est abusibus qui sensim irrepunt: viri nequam exterioribus pœnis coercendi sunt; hæc autem sine legum auxilio fieri non possunt; ergo.

† Obj. 1mo. Ex potestate humanas leges condendi hæc sequuntur: 1mo. aliquid divinis mandatis ab homine addi posse; 2do. Christianos alium à Christo legislatorem habere posse: atqui hæc duo repugnant Scripturis. Primum quidem: nam Deut. 12. ait Deus: *Quod præcipio tibi, hoc tantum facito; nec addas quidquam nec minuas.* Secundum, quia Jacobi 4. dicitur,

citur,

citur,
ergo,
R.
niitur.
id est,
cit is q
ipse præ
leges, u
dam ide
..... ut
num per
Ad
partem
Prov. 8
violat, l
Obj.
in foro
inferior
scientia
R. c
perior
volunt
ipse C
Qua
sunt leg
R. n
bet. Ex
se in G
non vi
Regum
Quæ
R. 1
Christo
bent; e
condere
Quer
nem pr
Ecclesiæ
procura
Magnu
finitioni
R. 20
quidem
ligandi,
* 1.

citur, *Unus est legislator & Judex, qui potest perdere & liberare;* ergo.

R. neg. min. cujus probatio manifesto Scripturarum abusu nititur. Unde ad 1. præcipit Deus, ut nihil legi suæ addatur, id est, nihil ei contrarium. Hoc sensu S. Paulus anathema dicit iis qui aliquid prædicaverint, præter, id est, contra id quod ipse prædicaverat. Hinc Apostolus ipse non paucas instituit leges, ut statim dixi. Hinc Judæi licet legibus gravati quædam identidem divinæ legi leges addiderunt: sic *Judas statuit ut ageretur dies dedicationis Altaris ab anno ad annum per dies octo, ** quæ certè lex gravis erat momenti.

Ad 2. Unus est legislator primarius: at ille potestatis suæ partem aliquam inferioribus ministris communicat, juxta id Prov. 8. *Per me reges regnant, &c.* unde qui hominis legem violat, legem æternam & divinam simul transgreditur.

Obj. 2do Judex inferior non potest inducere obligationem in foro Judicis superioris: atqui legislator humanus Judex est inferior; ergo inducere non potest obligationem in foro conscientię, quod Dei ipsius forum est.

R. dist. maj. non potest inducere obligationem in foro superioris, præter aut contra voluntatem superioris C. secundum voluntatem superioris, & ordinem ab eo constitutum, N. Porro ipse Christus dixit: *Qui vos spernit, me spernit.*

Quæres 1mo. an summus Pontifex & Imperator ferre possint leges civiles quæ totum orbem obligent.

R. negat, quia neuter terrenam mundi totius ditionem habet. Ex quo colliges jus Cæsareum seu commune, nullam per se in Galliis vim habere; unde sicubi obligat, ut in Occitaniâ, non vi authoritatis imperatoriæ, sed quia à populis illis ex Rëgum consensu receptum est.

Quæres 2do. cujus sit Ecclesiasticas leges condere.

R. 1mo. potestatem hanc non competere Laïcis, cum à Christo iis solum concessa sit, qui oves Domini pascere debent; ergo sicut Ecclesiastici ut sic non possunt civiles leges condere, sic nec Laïci Ecclesiasticas.

Quemadmodum tamen Ecclesia civilium legum executionem pro viribus procurare nititur; sic & Principes seculares Ecclesiasticarum constitutionum observantiam piè & sanctè procurant. Unde tot laudibus cumulati fuere Constantinus Magnus, Theodosius, alique Principes, qui suam Ecclesiæ definitionibus submissionem in alios transmutare satagebant.

R. 2do. Multi sunt, qui leges Ecclesiasticas ferre possint, & quidem 1mo. S. Pontifex: tum quia data est S. Petro potestas ligandi, atque adeò obligandi, ut patet ex Math. 16. *Tu es*

* 1. Mach: 7.

Petrus

Petrus quodcumque ligaveris super terram, erit ligatum & in calis. Tum quia ei competit potestas ferendi leges, cui data est potestas Ecclesiæ gubernativa: atqui hæc data est S. Petro ejusque successoribus, per hæc Christi verba Joān. 21. *Pasce oves meas.*

2do. Episcopus leges seu statuta in Episcopatu suo ferre potest: Episcopus enim est ordinarius Ecclesiæ rector, & ex eorum numero quos posuit Spiritus sanctus Episcopos regere Ecclesiam Dei; ergo particulares quibus Diocesis sua aliquando indiget, leges edere debet.

Etsi Patriarchæ & Archi-Episcopi subditis suis, si quos habent, leges imponere possint; neutri tamen pro tota, cui præsumt Provinciâ leges ferre possunt *sine consilio & voluntate omnium comprovincialium Episcoporum*; alioqui gradus sui periculo * subjacebunt, & quod egerint irritum & inane habebitur.

3tio. Abbates, & inferiores Prælati qui jurisdictionem Episcopalem habent, leges condere possunt. Ratio est, quia potestati quasi episcopali, quibus ii omnes fruuntur, annexa est potestas leges condendi.

4to. Concilia generalia, nationalia, provincialia, aut diocesana leges ferre possunt; at iis legibus non tenentur aliæ Nationes, Provinciæ aut Dioceses.

Quares, quæ sit in condendis legibus autoritas Capituli Sede vacante.

R. Capitulum Ecclesiæ Cathedralis, (non autem Collegiatæ) ferre posse statuta tandiu duratura donec ab Episcopo revocentur. Ratio est, quia Capitulum succedit in jurisdictionem Episcopi, ex cap. unico *De majorit. & obed.* in 6. ergo id omne potest quod Episcopus, nisi id sibi specialiter prohibitum sit; porro condere leges est de Episcopi potestate, neque Capitulo specialiter prohibitum invenitur. Prohibitum tamen est Capitulis, nè quid innovent in bonis ad Ecclesiam pertinentibus, putà ne bona hæc, communiter loquendo, alienent, donent, aut aliter distrahant.

Quod spectat ad Capitulum vivente Episcopo, certum est ipsum, jure saltèr communi, nullas leges conficere posse quæ Diocesim obligent: potest tamen de minoribus ad se pertinentibus condere statuta quibus singula Capituli membra obligentur, aded ut qui ea transgressi fuerint, decretis contra transgressores poenis subjaceant. Ratio est, quia Capitulum etiam sine Episcopo spectatum, est integrum corpus, Decano, aut alio quovis Præposito tanquam capite, ceterisque Canonicis ut membris constans; ergo rationem habet communitatis

* 11. q. 3. c. 7.

satis perfectæ, ut quibusdam legibus se regat. Idem de Com-
munitatibus inferioribus dicendum est.

SECTIO SECUNDA.

De objecto seu materiâ Legis humanæ.

Certum est 1mo. legem omnem humanam versari in ma-
teriâ honesta; lex enim quæ aliquid præciperet inhonesti,
eo ipso vera lex non esset. Sufficit tamen ut legis materia sit
honestâ extrinsecè id est, ut ad finem honestum, scilicet bo-
num commune referri possit. Hinc lex humana, non solum
virtutis actus imperare potest, sed & multa præcipere quæ de
se sunt indifferentia, puta ut arma certo tempore ferantur,
vel non, quia armorum gestatio, vel depositio ad publicæ rei
bonum conducere potest.

* Certum est 2do. non omnem materiam honestam huma-
nâ lege præcipi. Virginitas enim, jejunium in pane & aquâ,
etiam materia sint verè laudabilis, imprudenter tamen omnibus
præciperentur, quia essent jugum quod plerique homines por-
tare non possent. Atque hinc colligere solent Doctores, legis-
latorem politicum omnia vitia prohibere nec posse, nec de-
bere, saltem sub pœna coactiva: omnia enim mala cavere non
omnium est, non etiam multorum, sed perfectorum. Hæc ta-
men non impediunt, quin in Religione multa prohibeantur, quæ
alio in statu licita sunt.

Certum est 3tio. propriam civilium legum materiam esse
res temporaneas, propriam verò legis canonicæ materiam esse
res spirituales: quia nec Principibus laicis concessa est pote-
stas Ecclesiâ dirigendi; nec Ecclesiæ pastoribus præcisè sum-
ptis, datum à Christo est regna moderari: unde S. Athanasius
in suâ ad Constantinum Apologiâ; *Tibi Deus imperium com-
misit, nobis quæ sunt Ecclesiæ concedidit. Et quemadmodum
qui tuum imperium malignis oculis carpit, contradicit ordinatio-
ni divinæ; ita & tu cave ne quæ sunt Ecclesiæ ad te trahens,
magno crimini obnoxius fias.*

Non me fugit Principes multos varia emisisse decreta ad
spirituale Ecclesiæ regimen spectantia: at nihil inde contra nos:
1mo. quia à facto ad jus non valet illatio; 2do. quia statuta
ab iis circa res spirituales emissæ, eatenus aliquid roboris ob-
tinuere, quatenus expresso vel tacito Ecclesiæ consensu confir-
ma sunt: inde Zenonis Henoticon, Ecthesis Heraclii, Typus
Constantis, palam rejiciuntur, quia ab Ecclesiâ reprobata sunt;
3tio. quia religiosi, qui variis temporibus florere Principes,

id unum, decreta hæc condendo, intendebant, non ut Ecclesiæ leges indicerent, sed ut latas ab eadem Ecclesia, & servarent ipsi, & à suis servari curarent; quod nedum ipsis vitio verum possit, magnæ è contra laudis argumentum est.

† His præsuppositis, duo hîc disputari solent: 1mo. an lex, humana ad actus internos se extendat; 2do. an actus præteriti ejusdem legis materia esse possint. Non loquor de actibus externis, aut de actibus futuris; ii enim ex omnium confesso sunt humanæ legis materia, cum omnium maximè dirigi & coerceri possint. Ut solvatur prima difficultas de actibus internis.

Not. 1mo. Actus interni dupliciter cadere possunt sub legem: *directè*, cum præcipiuntur aut prohibentur per se & ratione sui, & *indirectè*, dum non prohibentur aut præcipiuntur nisi ratione actus externi cui conjunguntur.

Not 2do. Actus interni, vel cum externis conjuncti non sunt, ut oratio purè mentalis; vel cum iisdem conjuncti; & ii bifariam conjuncti esse possunt: 1mo. *per se*, cum actus internus, vel est causa actus externi, quo sensu volitio efficax furandi connectitur cum furto exteriori; vel est conditio necessaria ad actum exteriorem in genere moris consideratum, & sic connectitur dolor internus cum confessione, intentio baptisandi cum externa actione baptisantis; 2do. *per accidens* tantum, cum actus externus ab interno separatus, non desinit humanus esse aut moralis: sic intentio orandi DEUM ad obtinendam castitatem, accidentaliter est orationi, quæ sublata hæc intentione non desineret humana esse & moralis. His positis, sit.

CONCLUSIO I. Lex humana actus internos indirectè præcipere aut prohibere potest.

* Prob. 1mo. Lex humana præcipere potest actus qui humani sint, honesti, & in tali genere honestatis: sic quotidie præcipiunt Prælati ut Fideles DEUM exorent ad obtinendam pacem: atqui hoc præcipiendo, indirectè præcipiunt actus internos. Actus enim non potest esse humanus, & in tali genere honestus, nisi proficiscatur à voluntate bene disposita, & in talem effectum tendente: atqui voluntatis exercitium, bona ejus motio, desiderium hujus vel illius finis, sunt actus verè interni; ergo.

† Prob. 2do. Si Ecclesiæ actus internos præcipere non posset; qui actum simpliciter exteriorem poneret, satisfaceret Ecclesiæ præcepto: atqui falsum consequens; ut pater ex censure hujus propositionis: *Qui facit confessionem voluntariè nullam; satisfacit præcepto Ecclesiæ; ergo.*

Confirm, ex Bulla *Vineam Domini*, ubique acceptata. quæ definiit

definiit eos duntaxat Apostolicis contra Janſenium Conſtitutionibus ſatisfacere, qui ex animo & interius famoſas quinque Propoſitiones in ipſo Janſenii ſenſu condemnant. Si enim id ex animo & interius fieri debeat; ergo Eccleſia actus interiores præcipere poteſt.

CONCLUSIO II. Valdè etiam probabile eſt actus merè internos præcipi poſſe vel prohiberi lege purè Eccleſiaſtica, id eſt, verſante in materia quæ nec ſit juris naturalis nec divini.

Prob. 1mo. ex textibus ſapè citatis, *Qui vos audit, me audit*, Luc. 10. *Quodcumque ligaveris ſuper terram, erit ligatum & in calis* Matth. 16. *Obedite præpoſitis veſtris*, Hebr. 13. atque verba hæc non diſtinguunt inter actus internos & externos; ergo de utriſque generaliter intelligi debent. præſertim cùm ſenſus generalis, utpotè Eccleſiæ favorabilis, extendi debeat, nedum reſtringi.

Prob. 2do. Si Eccleſia actus internos præcipere non poſſit, præcipere non poterit ſuperior meditationem myſterii alicujus ſingularis. atque hoc repugnat experientiæ. Sic Nicolaus IV. in Regula tertii Ordinis S. Franciſci à Leone X. confirmata inſungit quotidie Fratribus examen conſcientiæ, qui actus merè eſt interior: ſic præcipit Eccleſia ut qui Subdiaconatu donari volunt, caſtitatis propoſitum emittant; ergo.

Obj. 1mo. De iis Eccleſia leges ferre nequit, de quibus non judicat: atque Eccleſia non judicat de occultis, ex cap. 33. *De ſimonia*; ſed ſolùm de manifeſtis ibid. cap. 34.

R. diſt. min. Eccleſia non judicat de internis & occultis, judicio forenſi, & coactivo, C. non judicat directivè, expendendo an ſecundùm ſe bona ſint, ut præcipiantur; an mala, ut prohibeantur, N. Itaque de occultis non judicat Eccleſia, ea agitando in foro exteriori, teſtes citando, partes audiendo: nihilominus tamen expendere poteſt Eccleſia an occulta quædam ita bona ſint aut mala, ut imperari debeant aut prohiberi. Atque hoc patet 1mo. quia actus exteriores occulti, verè prohibentur ab Eccleſia, & quidem ſub pœna cenſuræ, & tamen de iis Eccleſia in exteriori foro judicare non poteſt; 2do. quia ſicut Deus dare potuit Eccleſiæ poteſtatem ferendi leges quæ obligent in conſcientia, tamen nemo hominum de conſcientia judicare poſſit: ſic & ei dare potuit poteſtatem ferendi leges de actibus internis, tamen nemo hominum de iis judicare poſſit judicio coactionis.

* Inſt. Lex debet eſſe medium efficax ad bonum commune: ſed lex quæ non judicat judicio forenſi & coactivo, non poteſt eſſe medium efficax, ſed inermis; ergo.

R. neg. min. quia ut lex dicatur efficax, ſufficit ut vel tranſ-

gressores exterius punire possit; vel iis poenam à Deo comminari; vel demum homines ad id quod æquum est & iustum dirigere.

† Ut solvatur secunda difficultas, an actus præteriti legis materia esse possint, sit.

CONCLUSIO III. Lex propriè dicta non extenditur ad actus præteritos, obligando.

Prob. 1. pars: tum ex cap. ult. *De constitutionibus*, ubi dicitur *leges & constitutiones dare formam futuris, non autem ad præterita facta trahi*; tum quia lex propriè dicta, est essentialiter regula operandi; atqui regula operandi non potest ad actus præteritos extendi; quia cum facti sint, infecti esse nequeunt.

Dixi, *obligando*, quia etsi legissator nunquam efficere possit ut actus qui sine culpa factus est, fiat per legem postea latam culpabilis, potest tamen facere ut idem actus poenæ impropriè dictæ subiaceat: sic cum lata est lex qua filii illegitimi constituebantur irregulares, irregularitatem contraxere qui antelegem illegitimi erant.

Dixi 2do. lex propriè dicta, quia si lex sumatur pro doctrina declarante, eum v. g. qui talem culpam commisit, censuram tali Canone latam incurrisse; utique ad actus præteritos extenditur.

SECTIO TERTIA.

De subiecto Legis humanæ.

Subjectum humanæ legis dicitur quisque eidem obedire debet. Porro ii de quibus dubitari potest an lege humana, sive civili, sive Ecclesiastica teneantur, duas in classes dividi possunt: alii sunt indigenæ, quales sunt ipsi legissatores, pueri, amentes, Religiosi; alii verò sunt alienigenæ. Circa indigenas,

Quæres 1mo. an legislator suis legibus obligetur.

Certum est 1mo. Principem non absolutum, (qualis est v. g. Dux Venetorum inter Senatores, Maropolita inter Comprovinciales Episcopos) teneri legibus quas una cum communitate, aut præcipua ejus parte tanxit. Ratio est, quia leges illæ supponuntur latæ a communitate, quæ est supra quaecumque ejusdem partes singulariter spectatas, & cui consequenter omnes ejusdem partes obedire tenentur.

Certum est 2do. Principem non teneri legibus quarum materia ad eum non spectat: ut si Rex venerit ne quis gladium ferat. Patet id ex terminis: unde quæstio movetur de aliis legibus. Quare

R. Principem etiam absolutum teneri propriis legibus quoad vim directivam, non autem quoad coactivam.

Prob. 1. pars: tum ex jure canonico, ubi cap. 6. *De constit.* statuitur ut quod quisque juris in alterum statuit, ipse debeat uti eo; tum ex jure civili juxta quod, * *digna vox maiestate regnantis est, legibus obligatum se principem profiteri.* Hinc S. Ambrosius Epitt. 32. sic alloquitur Valentinianum. *Quodcumque præscripsisti aliis, præscripsisti etiam tibi leges enim Imperator fert, quas primus ipse custodiat.*

Prob. 2do. quia leges non feruntur nisi ad bonum commune: atqui Princeps non minus tenetur ad promovendum illud bonum, quàm subditi; porro non promovent commune bonum, qui dicunt, & non faciunt, sed plus nocent exemplo, quàm verbis prosint.

Hinc sequitur Principem qui proprias leges transgreditur in materia gravi, mortaliter peccare, idque etiam seculis scandalo, & damno subditorum. Ratio est, quia naturalis æquitas notabiliter violari nequit sine peccato mortalis hanc autem æquitatem violat, qui in materia sibi cum aliis communi, gravia aliis onera imponit, quæ nè ipso quidem digito moveret. Unde graviter peccabunt & Papa, si non jejundet cum aliis; & Episcopus, si in die quam festam instituit, sacro non interfuit.

Prob. 2. pars: tum quia omnis pœna imponitur invito, & à superiore: atqui legislator respectu sui ipsius nec invitatus nec superior esse potest. Tum quia legislator qui ipse non exequitur quod aliis præcipit, non peccat propriè nisi contra legem naturalem; lex autem naturalis non decernit pœnas, quæ legibus positivis decernuntur.

Hinc colliges Episcopum qui sub pœna suspensionis ludum aleæ prohibuit, peccare quidem si alea ludat, non autem incurrere pœnas quas aliis indixit. Unde nec eas, juxta multos, incurreret Clericus cum eodem Episcopo ludens, quia censureretur Episcopus dispensare.

Quæres 2do. an Infideles Ecclesiæ legibus teneantur.

R. Infideles nunquam baptisati, ut Turcæ, Evangelicis legibus, non autem Ecclesiasticis; baptisati verò, ut Pseudoreformati, utrisque tenentur.

Prob. 1. pars, quia lex Evangelica omnibus omnino hominibus imposita est à Deo, cui omnes prorsus subditi sunt; ergo Infideles tenentur lege Baptismi, imò & Eucharistiæ, non quidem tempore ab Ecclesia determinato, sed aliquando, quia susceptio ejus, juris est divini, non Ecclesiastici. Non peccant

O;

tamen

* Lib. 4. c. de Legib.

tamen, quandiu ignorantia invincibili laborant, sicut non peccat subditus, qui facit contra legem Regis inculpabiliter ignoranti.

Prob. 2. pars, quia Infideles foris sunt, id est, extra Ecclesiam, in quam non intratur nisi per Baptismum: porro de iis qui foris sunt non judicat Ecclesia, ex Apostolo I. Corinth. 5. Hinc nec peccat, nec censuris subjacet Infidelis, imò & Catechumenus, qui in die prohibita vescitur carnibus, & cui proinde carnes possunt à Christianis ministrari, modò Infidelis escam hanc non perat in contemptum Ecclesiae, quod sapè contingere potest.

Prob. 3. pars, quia omnes baptisati, eo ipso sunt Ecclesiae subditi nec magis à legibus ejus eximuntur, quàm subditi contra legitimum Principem rebelles.

Quæres 3tio. quid sentiendum de infantibus, amentibus, & ebriis.

R. 1mo. pueros ante usum rationis, & perpetuò amentes nullis subjici legibus: quia neutri sunt obedientiae capaces. Unde quòd utrique interdicti tempore Christiana privantur sepultura, vel sit in poenam aliorum, vel ob incapacitatem loci, in quo nemo propter interdictum tumulari debet.

Hinc colliges non peccare pueros qui ante septennium, vel potius ante usum rationis, quæ aliis ferius; aliis ocius advenit, Missæ non interfunt, aut carnes manducant diebus prohibitis; itèm nec peccant qui iis carnes præbent. An verò sicut non peccant iidem infantes, ante rationis usum Monialium domos ingrediendo, ità etiam non peccent Moniales quæ eos apud se introducunt; an itèm immunes ex sint ab excommunicatione lata contra introducentes in claustra personas alterius sexus, controversitur. Ego quidem tales ingressus à Confessariis severè prohibendos esse existimo: 1mo. propter periculum; nam & ipsos alterius sexus infantes tenere deosculari, ut tunc sæpius contingit, periculi plenum est; & cum illa ætacula, sermonis ac vitii ignara peccatur impunius; 2do. quia Cardinalis S. Severinæ major Pœnitentiarius, & Clemens VIII. ea de re consulti responderunt excommunicationem ab iis incurri qui hujusmodi infantes intra sepra Monasterii recipiunt. Ex rationes à fortiori locum habent in amentibus pubertatem nactis, quorum præsentia majoris in Monasterio mali causa esse posset.

Peccant etiam qui amentes ad jurandum provocant: tum quia lubenter audire blasphemias, quæ ab aliis evomuntur, peccatum est; tum quia blasphemia intrinsecam habet deformitatem, quæ licèt materialis sit in fatuo, formalis est in eo qui alium ad eam inducit, & ipsi tanquam principali agenti attribuitur

buitur.
modi ad
Non pec
diebus fe
perpetuò
Quod
certo hab
bligari; q
ligari pos
audire, à
quadam
non tene
nentur a
finaxim
Resp.
Subjici E
Ratio
legem e
id non
cut & i
ignorant
nes app
to excu
An h
definit
non ead
est omni
ut quis
buldam
Quar
R. ob
Clerici f
cus. H
potestati
Dixi,
per sona
Sanctio
20. Pra
bus, qua
ferunt P
atigalib
berent
Ecclesiæ
autem
n poss

buitur. Eadem ratio adhuc efficacior est pro parvulis qui huiusmodi actibus non sine animarum suarum periculo assuescerent. Non peccarent verò qui perpetuò amentem ad opera servilia diebus festis inducerent, quia hæc nec in se mala sunt, nec perpetuò amentibus prohibita.

Quod spectat ad pueros qui rationis usum attigerunt, pro certo haberi debet eos lege naturali, divina, & Ecclesiastica obligari; quia cum utantur ratione, legibus dirigi, ac proinde ligari possunt: unde peccata confiteri semel in anno, Missam audire, à carnibus prohibitis abstinere tenentur. Sunt tamen quædam Ecclesiæ leges tam arduæ aut tanti momenti, ut iis non teneantur pueri etiam rationis usum adepti. Sic non tenentur ad jejunium ante virilem ætatem: sic etiam ad sacram sinaxim non admittuntur ante 10. aut 12. annos.

Resp. 2do. ebrios, & qui ad tempus delirant, non desinere subijci Ecclesiæ legibus.

Ratio est, quia & subditi sunt legislatori, & per se loquendo legem ejus intelligere possunt eique obsequi, licet per accidens id non possint, atqui hoc sufficit ut ejus legibus teneantur; sicut & iisdem tenentur qui eas ignorant, etsi non peccent cum ignorantia invincibili laborant. Hinc peccant qui ebrio carnes apponunt, quia licet ebrius ob rationis defectum à peccato excusari possit, non tamen qui actioni ejus cooperantur.

An homini ad tempus insanienti carnes ministrari debeant, definiendum est ex pii & periti medici sententia. Certè ut non eadem est amentium omnium conditio, sic nec eadem est omnium Ecclesiæ jejuniorum ratio; pluraque requiri videtur ut quis à jejuniis hebdomadæ sanctæ, quàm ut ab aliis quibusdam jejniis solvatur.

Quæres 4to. an Clerici legibus obligentur.

R. obligari, salvò tamen ipsorum privilegiò. Ratio est, quia Clerici sunt veri cives, quibus sicut aliis præest Princeps politicus. Hinc generaliter dixit Apostolus Rom. 13. *Omnis anima potestatibus sublimioribus subdita sit.*

Dixi, salvò ipsorum privilegiò: nam *immunitas Ecclesiæ & personarum Ecclesiasticarum, Dei ordinatione, & Canonicis Sanctoribus constituta est*, ex Trid. Sess. 25. de Reform. cap. 20. Præcipua Clericorum immunitas est exemptio à vestigalibus, qua non obstante, Clerici de Ecclesiæ bonis nonnihil conferunt Principibus, tum ut ea Cleri subventionem, pauperes, vestigalibus quibus solvendis impares sunt, saltem ex parte liberentur: tum ut Principes hostibus suis, quorum triumphus Ecclesiæ ruina esse solent, bellum felicitate indicant: Principes autem alium in finem redditibus sibi ab Ecclesia concessis non possunt.

An & quousque Monachi legibus Episcoporum obligentur, expendam in Tract. de præcipuorum statuum obligationibus.

Jam expendendum an alienigenæ teneantur legibus locorum in quibus versantur. Porro per alienigenas hic intelliguntur peregrini, advenæ, & vagi. Peregrinus is dicitur, qui extra locum domicilii sui moratur ad tempus, cum animo ad sua redeundi. Advena, qui extra patriam suam domicilium fixit. Vagus, qui nullum habet domicilium fixum, ut milites. Sit

CONCLUSIO I. Peregrini non tenentur legibus patriis, dum à proprio territorio absint; nisi absint in fraudem, aut fictione juris censeantur ipsas in proprio territorio transgredi.

Prob. Qui legibus aliquem ligat, debet in ipsum habere jurisdictionem: atqui hanc legislator extra proprium territorium non habet; jurisdictio enim non nisi mediante territorio personas afficit: unde lex differt à præcepto quod immediatè personas ligat. Atque hinc prodit tritum illud,

*Cum fueris Romæ, Romano vivito more.
Cum fueris alibi, vivito sicut ibi.*

Dixi 1mo. nisi absint in fraudem. Nemini enim fraus sua patrocinari debet. Unde qui è territorio suo ubi jejunatur, in aliud eo animo se transfert ut carnibus vesci possit, peccat mortaliter, & censuris, si quæ contra transgressores lata fuerint subjacet: & verò quâ ratione servari posset ordo, si cuique licitum esset Ecclesiæ leges fugiendo eludere?

Dixi 2do. aut nisi censeantur eas in proprio territorio transgredi. Hinc peccant, & censuris, si quæ lata fuerint, obnoxii sunt, 1mo. Clerici qui fruuntur Beneficio residentiam exigente, & tamen in alia Diocesi manent; 2do. Canonici qui ad Capitulum vocati, accedere recusant; 3tio. qui contra loci sui leges in aliud territorium frumenta transferunt, aut locum peste infectum frequentant; 4to. qui ubicumque sint, contra legem suam Principi arma ferunt. Ratio est, quia actio quæ territorio damnum infert, in ipso verè peragi censetur. Unde qui contra Regni legem, aliò frumenta transfert, se habet, ut qui corpore existens extra territorium, emissâ sagittâ hominem in territorio suo positum interimat; is enim homicida cum alterius territorio injuriam inferat, in eo peccatum consummare censetur, & sic censuram, si in eo lata esset, incurreret.

Ex Conclusionem nostram sequitur 1mo. eum qui bona fide egreditur Parisiis, ubi diebus sequentibus jejunium erit & dies festus,

feſta, ſequē Carnurum traſfert, ubi neutrum in uſu eſt, nec jejunii, nec Miſſæ audiendæ legibus teneri; atque id verum eſſet, etiamſi lex jejunii eſſet Eccleſiæ penè toti communis: unde qui tranſit Mediolanum, ubi primis quatuor Quadrageſimæ diebus non jejunatur, non tenetur ad jejunium; 2do. Gallum qui clauſtine matrimonium contraheret iis in locis in quibus receptum non eſt Tridentinum, valida tamen contracturum eſſe, niſi quid aliud obſtaret; 3tio. immunem quoque à proprii territorii legibus eſſe eum qui in loco localiter exempto commoratur. Ratio eſt, quia locus ille non eſt in territorio, niſi materialiter; non autem formaliter, ut locus legi ſubjectus. Quod ſi locus non eſſet exemptus ſecundùm ſe, ſed tantùm ratione perſonarum quæ ibi degerent, ut eſſe ſolent Monafteria Religioſorum exemptorum, qui ibidem exiſterent, non deſinerent territorii legibus ſubjacere.

Sed quid dicendum de eo qui Verſaliis, ubi viget feſti vel jejunii lex, egreditur, paulò poſt aduenturus in Diaceſim Carnutenſem, ubi neutra lex viget.

R. Eum teneri ante diſceſſum, Miſſam audire ſi poſſit, & prævideat ſe alibi non auditurum. Ratio eſt, quia præceptum quod actu obligat, actu impleri debet, ſi poſſit. Unde docent ſaniores Theologi, viatorem qui prævidet futurum ut annuam confeſſionem facere nequeat, niſi ante ſolitum tempus confeſſatur, teneri ad confeſſionem antequam proficiſcatur.

At, inquit, qui prævidet futurum ut ſequenti Cinerum die jejunare non poſſit, nec tenetur jejunare die præcedenti; ergo. à pari.

R. neg. parit. Nam dies præcedens Cineres non eſt dies jejunii; dies autem diſceſſus ex hoc territorio, eſt dies feſta in eodem territorio, ut ſupponitur; hæc ergo ſimilitudo ſolùm probat diſcendentem è territorio, non teneri audire Sacrum die præcedenti non feſtiva, ſi prævideat ſe impotentem fore ad illud audiendum die ſequenti feſtiva.

Sed hic notandum eſt, aliam eſſe conditionem incolæ loci ubi Feſtum celebratur, aliam viatoris qui hunc in locum advenit. Prior longè graviùs tenetur: & in eum cadunt quæ mox diximus; poſterior verò, ſi v. g. proficiſci quotidie ſolet hora quinta aut ſexta, non tenetur moram trahere longiorem, v. g. ad horam uſque nonam, licèt prævidet ſe in loco ad quem pergit, non auditurum eſſe Miſſam. Discrimen inter utrumque ſumitur ex communi hominum exiſtimatione, ſecundùm quam ad plùs tenetur incola quàm viator, quia incola territorii ſui legibus permanentè adſtringitur, viator verò non niſi tranſitoriè. Et verò, viator non tenetur ad permanendum

in loco

in loco illo, sed solum supposita presentia tenetur ad implendam legem, si tunc implere possit. Hinc pernoctasse in loco unde itineris tui ratio bona fide ordinata, te aliquot antequam Missa celebretur, horis advocat, non videtur sufficere ut Sacro interesse tenearis.

Etsi verò peregrinus non tenetur sive ad audiendam Missam, sive ad exequenda alia hujus generis præcepta affirmativa, quæ iter ejus nimium retardarent; teneretur tamen præceptis negativis quibus aliqui actus prohiberentur, ut esus carniû, & opus serviles; quia hæc præcepta in transitu servari possunt, nec ullam injiciunt moram.

Quod spectat ad hominem qui è proprio territorio ubi jejunatur, paulò post transmigraare debet in aliud ubi licita est carniû comestio, dicendum est eum non modò non posse vesci carniû, sed nequidem jentare, priusquàm ex illo territorio exierit, nisi aliunde excusetur ob longitudinem vel molestiam futuri itineris. Ratio est, quia quilibet tenetur legibus salutem negativis territorii quandiu in eo est: unde sicut immunis es à jejunii lege, etsi ab uno & minùs quadrante ingressus sis in territorium ubi non jejunatur; ità & eadem non manducandi lege teneris, etsi uno post quadrante discessurus sis è territorio ubi viger jejunii lex.

CONCLUSIO II. Peregrini, advenæ, & vagi tenentur legibus locorum per quæ transeunt.

Prob. 1mo. Quia peregrini advenæ & vagi, sentiunt commodum, quatenus à patriis legibus immunes sunt; ergo & onus sentire debent, obsequendo legibus locorum in quibus actu degunt.

Prob. 2do. Ut peregrini & vagi subjaceant legibus locorum in quibus actu degunt, satis est ut legislator sufficientem in eos jurisdictionem habeat: atqui hanc habet. Si enim non habeat, vel quia non vult, vel quia non potest: atqui vult & potest: 1mo. quidem vult; cum id meritò censetur velle, quod conducit ad territorii pacem; quæ profectò non parum turbaretur, si peregrini laborarent, aut epularentur, cum incolæ precibus vacant aut jejunio; 2do. potest etiam legislator suam in vagos & peregrinos jurisdictionem exercere, cum ad subjectionem transitoriam sufficit transitoria presentia; sicut ad transeuntem à patriis legibus exemptionem sufficit brevis & transiens absentia.

Prob. 3tio. Specialiter de vagis, qui si à locorum per quæ transeunt, legibus immunes sint, quasi exleges erunt, nullumque habebunt superiorem, saltem particularem; quod in Ecclesia, quæ singulis Christi ovibus generaliter & specialiter invigilat, locum habere nequit; ergo.

Obj-

Obj.

go legibus

R. neg

6, ubi licet

19. Edictum

lieu du d

le d'élit au

en une au

tendra do

ens, ibide

teits; & id

scopo-cuj

mas; * ne

ministrati

Obj. 2

subjacere

berent: co

Graciam

consequi

R. ne

enali &

nis, ut

se jueret

Gracis

cus qui

pertinen

Latinus,

non pote

taum ad

qui eccl

Obj. 3

teits; ergo

R. neg

hil in te

omnibus

regimen

Præte

Querit

ubi non

um vige

R. ne

beret; qu

plere po

Obj. 1mo. Peregrinus in territorio alieno puniri nequit; ergo legibus ejus non subiacet.

R. neg. ant. Cujus falsitas patet 1mo. ex cap. 18. III. q. 6. ubi sic: *Ibi causa agatur, ubi crimen admittitur*; 2do. ex art. 19. Edicti Caroli IX. ann. 1563. *Si le delinquant est pris au lieu du delit son procès sera fait & jugé en la Jurisdiction où le delit aura été commis, sans que le Juge soit tenu de le renvoyer en une autre Jurisdiction, dont l'accusé ou le prisonnier se prétendra domicilié.* Hinc Presbyter Parisiensis qui Aureliâ transiens, ibidem peccat, illic ab Ordinum executione suspendi potest; & idem est de Religioso etiam exempto, quem ab Episcopo-cujus in Diocesi delinquit, corripere potest docet S. Thomas, * *nisi forte delinquat in re aliquâ exemptâ, puta in administratione bonorum alicujus Monasterii exempti.*

Obj. 2do. Si peregrini locorum per quæ transeunt legibus subjacerent, Sacerdotes Græci per Occidentem transeuntes, deberent consecrare in panem azymio, ut Latini; & Latini qui per Græciam transeunt, uti deberent pane fermentato: atqui falsum consequens.

R. neg. maj. Ratio est, quia ad servandam in Ecclesiâ Orientali & Occidentali pacem sancitum est à Patribus Florentinis, ut unusquisque ubicumque degeret, Ecclesiæ suæ ritum sequeretur: unde etiam Romæ fermentato pane utuntur ii Græci qui in hac urbe domicilium suum fixerunt. Imò Græcus qui celebrat in Ecclesiâ apud Latinos sitâ, sed ad Græcos pertinente, non potest licite consecrare in azymis; sicut nec Latinus, si apud Græcos celebret in Ecclesiâ quæ Latinorum sit, non potest fermentato uti, quia libertas azymum aut fermentatum adhibendi non est concessa nisi peregrinis; & iis quidem qui ecclesiasticis ritui suo appropriatam non habent.

Obj. 3tio. Episcopus peregrinorum vota relaxare non potest; ergo neque illos legibus suis adstringere.

R. neg. consequ. Disparitas est, quod votorum relaxatio nihil in territorium confert boni; at verò quod leges loci ab omnibus servantur, multum conducit ad pacificum territorii regimen.

Præter casus supra discussos, quidam hîc proponi solent. Queritur itaque 1mo. an qui totâ die versatus est in Diocesi ubi non jejunatur, & sub noctem accedit in aliam ubi jejunium vigeat possit canare.

R. negat. & dico eum solâ collatione contentum esse debere; quia fit subditus legi loci, eamque saltem ex parte implere potest: à contrario qui è loco jejunii sub noctem accedit in locum

* 2. 2. q. 67. artic. 1. ad 2.

in locum ubi carnibus vesci licitum est, potest ibidem carnes manducare.

Quæritur 2do. An qui peracto Parisiis jejuniio quadragesimali accedit Londinum, ubi ob veterem quem sequuntur sty-lum nondum absoluta est quadragesima, teneatur cum incolis loci jejunare; item an denuò ad Communionem Paschalem obligetur.

R. ad 1. affirmative, tum ob rationem mox allatam; tum quia qui potest sentire commodum, debet & onus sentire: porro fieri potest ut qui ultra tempus lege præscriptum, quadragesimam continuat, anno sequenti minus jejunet quam lege constitutum sit, puta si Londino ubi necdum jejunium incipit, adveniat in Galliam ubi jam à diebus 15. jejunatur. Hinc colligo, eum qui Parisiis jejunavit in vigiliâ S. Matthæi quæ die suâ contigit, adhuc teneri ad jejunandum sabbato in Diæcesi vicina, ubi Festum hujus Apostoli in Dominicam proximè sequentem transfertur: eâ tamen lege ut si anno sequenti Carnui vivat, cum Parisiis jejunatur, & postea Parisios adveniat, ab omni jejuniio immunis sit. Haud tamen crediderim eum in cujus territorio hodie jejunatur, posse extra illud prandium carniū acceptare; modò etiam acceptaturus fuisset, si jejunii lex non viguisset in ipsius territorio; sola enim necessitas, non autem voluptas mera, a jejunii lege dispensare potest; neque æquum videtur, ut cum hinc Ecclesia ad jejunium invitat, inde verò amici ad epulas, istorum voci non sine illius offensione obediatur.

R. ad 2. negat. Tum quia Communion Paschalis unico actu consummatur; tum quia non ita est certo tempori annexa, ut non possit aliquando anticipari. Unde consensurus navim ubi deest Sacerdos, potest & debet Paschali officio ante tempus paschale defungi.

SECTIO QUARTA.

De conditionibus ad Legem humanam requisitis.

Suppono 1mo. conditiones ad legem in genere necessarias. ad legem humanam requiri, quia quod competit generi, & in specie locum habere debet.

Suppono 2do. legislatoris intentionem, hanc esse debere ut obliget, unde etiam necessum est ut imperativè loquatur, aliàs non erit lex, sed consilium: hinc verba hæc, *Hortamur, monemus*: non sufficiunt ad legem; bene verò hæc, *Præcipio, jubeo, mando*. Hæc voces, *prohibeo, veto, interdico, nemini liceat, nemo possit, caveant omnes, abstineant, &c.* ad legem negratiam

gativam sufficiunt. si tamen quædam ex iis usurpentur in regulis quæ nullatenus obligant, non tam legem quam exhortationem continere judicanda sunt.

His itaque suppositis, duo supersunt inquirenda? 1mo. an sicut aliæ, sic & ipsæ Pontificiæ leges non prius obligent, quam promulgatæ fuerint; 2do. an, & quæ lex humana indigeat acceptari.

Circa primum censent aliqui legem Pontificiam, obligare statim ut Romæ cum formalitatibus consuetis promulgata est. Contrarium censent, ait Illust. de Marca, omnes ferè Galli, Germani, & Hispani, quibuscum sit.

CONCLUSIO. Leges Pontificiæ non ante obligant, quam singulis in Provinciis promulgatæ fuerint.

Prob. Ea ad Ecclesiasticæ legis valorem necessaria est conditio, cujus defectu multæ sunt Ecclesiæ leges quæ certis in locis non vigent: atqui defectu promulgationis multæ sunt leges, quæ in Gallia, Germania, aliisque ditionibus non vigent. Sic Bulla *In Cæna Domini*, & multæ Tridentinæ constitutiones, quæ ad disciplinam pertinent, nihil in Galliâ roboris habent, quia nusquam ibi publicatæ sunt: sic matrimonia clandestina hodieque valent iis in locis in quibus nunquam promulgata sunt prædictæ Synodi decreta; ergo.

* Confirm. Regimen ecclesiasticum regimine civili suavius esse debet, minusque dominationem sapere. juxta id Luc. 22. *Reges Gentium dominantur eorum vos autem non sic:* atqui contrarium coningeret, si legem statim ac Romæ promulgata est, in Gallia, Hispaniâ, extremisque mundi Christiani partibus ratam statim, & promulgatam censeretur oporteret; quandoquidem politici Principes majori cura arcerent, quidquid subditorum suorum pacem turbare posset, quam id averterent Ecclesiæ Principes; ergo.

Obj. 1mo. Papa leges quæ orbem totum obligent concedere potest; sed si leges ejus promulgatione indigeant, jam inanis erit hæc potestas.

R. Magnam dubio procul esse Romani Pontificis auctoritatem, sed discretionis & justitiæ regulis temperatam: unde nec intendere potest, ut Regna quæ probatas habent consuetudines, ab iis discedant; nec exigere ut leges suæ etiam piæ iis in locis promulgentur ubi confusionem & turbas parerent, nedum malo mederentur.

Obj. 2do. Si ad vigorem legum ecclesiasticarum necesse sit eas promulgari, Canones fidei qui in Conciliis determinati sunt, poterunt ab iis non admitti apud quos nondum promulgati fuerint: pariter ii qui à Papâ Sanctorum fastis adscripti sunt, poterunt

terunt pro Sanctis non haberi donec eorum canonizatio publicata fuerit: atqui utrumque falsum est; alioqui non eadem esset ubique fides, non eadem de Sanctis existimatio, quod repugnat; ergo.

R. neg. maj. Ratio est, quia quod semel ad fidem pertinere declaratum, est, ubique necessario tenendum est verbum DEI, unde ei adhaerendum est statim ac certo quacumque via cognoscitur; idem proportionem servata de iis dicendum qui inter Sanctos referuntur. Sed alia est legum ad disciplinam spectantium conditio: ex enim non eodem modo locis omnibus conveniunt, nec necessario pro locis omnibus feruntur; ergo randiū incertum est, an pro hac vel illa Provincia feruntur, donec ibicum ordinariis solemnitatibus promulgatae sint.

Ut solvatur altera pars propositae quaestionis, an scilicet humana lex de qua sola agitur, debeat acceptari, non quidem ab omnibus, quia alioqui nulla lex valeret, sed saltem à saniori parte, notandum quod multiplex est status: Monarchicus, in quo unus imperat, ut apud Francos: Aristocraticus, in quo soli Optimates dant iusta, ut apud Venetos, Democraticus, in quo rerum summa penes populum est; Monarchico Aristocraticus, in quo Princeps una cum Primatibus praest. Cuius est in iis locis in quibus ligata est Superioris potestas & à quorundam v. g. Primatum consortio pender, non valere leges quae ab uno ferrentur inconsultis aliis. De his quae ad nos non pertinent non loquimur; sed quarimus, an qui vel populis imperat, ut Monarcha: vel communitatem habet tibi immediae subditam, ut Episcopus, possit ferre leges quae sine consensu sanioris partis communitatis obligent. Sit.

CONCLUSIO. Lex humana non indiget populorum acceptatione.

Prob. Si lex indigeret acceptari, jam potestas legislativa plus esset penes subditos quam penes Principem: is enim tribueret quidem materiam legis, at subditi approbatione sua tribuerent legi vim obligandi in qua consistit ejus essentia: atqui falsum & absurdum consequens: merito igitur proscripta est ab Alexandro VII. & à Clero Gallico propositio ista: *Populus non peccat, etiamsi absque ulla causa non recipiat legem à Principe promulgatam.*

Obj. 1. mo. Si lex non pendeat ab acceptatione, poterit esse vera lex cui tota communitas repugnet: atqui falsum consequens. Lex enim cui repugnaret tota communitas, non esset ad bonum commune, sed potius ad detrimentum multitudinis, quod legis essentiae repugnat; ergo.

R. ad 1. neg. min. ad 2. neg. maj. Fieri enim potest, ut populus

populus magna ex parte repugnet legi quæ ad bonum commune ordinetur: sic Israëlitarum plerumque contra Dei leges, ut quæ sibi duriores viderentur, obmurmurabant; ergo lex quæ contradictionem magnam experietur, non desinet esse vera lex, Supponimus enim eam ferri de rebus quæ ad bonum Reipublicæ conducunt; ideòque poterit Princeps ejus transgressores pacis coercere, intuitu utilitatis quæ ex eadem lege sequetur, victâ tandem iniqua populi rebellionē.

Si tamen prævideret Princeps legem suam, habitâ ingeniorum ratione, plus allaturam mali quàm boni, satius, imò aliquando necessarium foret executionem ejus non urgere, & Deum ipsum imitari, qui quædam Judæis permisit, primavæ institutioni minus consentaneas; tunc autem lex invalida fieret non defectu acceptionis populi, sed voluntate Principis qui pacis amore, eidem legi derogaret.

Obj. 2do. Consuetudo potest legem abrogare: atqui consuetudo æquivalet non acceptioni.

R. dist. maj. Consuetudo legitimè præscripta potest legem abrogare, C. consuetudo quævis, N. Ideò autem consuetudo legitimè præscripta legem abolet, quia Princeps tunc consentit ut lex sua in desuetudinem abeat; nihil autem mirum, si lex non obliget, cùm Princeps eam tacitè revocat.

Ex Conclusionē nostrâ sequitur, peccare eos qui sine legitimâ causâ legi promulgatæ resistunt, quia resistunt legitimæ Potestati. Non peccarent tamen 1mo. si legis executionem differrent, quia Principi repræsentassent incommoda ex lege secutura; 2do. si legislator inobservatæ legis conscius, transgressiones quas facillè coercere posset, dissimularet, quia *qui tacet, consentire videtur*; 3tio. si inscio etiam Principe lex à majori & saniori parte communitatis non servetur post legitimam præscriptionem; 4to. si quia non servatur à majori parte, nec à minori parte sine gravi incommodo servari potest. Hinc Barbitonsor diebus etiam Dominicis artem suam exercere potest, si in eo sit loco ubi homines ejusdem professionis & laxioris conscientiæ, clientes ei suos abriperent, non sine gravi familiæ suæ incommodo.

SECTIO QUINTA.

De obligatione Legis humanæ.

LEx humana saltè ordinariè obligat, alioqui non esset lex sed consilium. Dubitari tamen potest an lex in præsumptione fundata obliget: quod dubium ut solvatur, duplex distinguendi debet præsumptio, alia periculi moralis, alia facti.

Præsum-

Præsumptio *periculi moralis*, ea est quâ legislator præsumit in tali actu esse aut fuisse aliquid repugnans substantiæ ejusdem actûs v. g. dolum, timorem, defectum consensûs aut judicii, quia plerumque ita accidit in tali casu. Præsumptio *facti* ea est quâ præsumitur actus tali modo factus, quo reipsâ factus non est.

Lex fundata in præsumptione periculi, obligat & suum habet effectum, etiam si id quod timeri poterat, non intervenerit in particulari casu. Unde lex quæ irritat professionem ante annos 16. emissam, obligat etiam si puer professus ingenium haberet suprà ætatem maturum. Pariter lex quæ statuit ut votum à filio impubere factum, possit à patre ejus irritari, vim suam habet etiam in conscientia, etsi constet puerum perfectum hâc in ætate judicium habuisse.

Ratio est imo. quia hujusmodi leges non tam fundantur in simplici præsumptione periculi, quàm in judicio certo periculi ut sæpe aut aliquando contingentis: atqui judicium hoc semper verum est: semper enim verum est v. g. matrimonia clandestina esse plena periculi; semper verum est professionem ante tempus factam à puero, quem fortè post aliquot annos statûs sui pænitebit, gravibus obnoxiam esse incommodis; 2do. quia legislator vult & velle potest ut lex sua obliget iis etiam in casibus ubi non intervenit malum quod timeretur; quia scilicet nisi lex generaliter omnes, & in quibuscvis casibus obliget, efficaciter removeri non potest malum quod timeretur. Nemo enim est eorum præsertim qui aliquid vividè desiderant, qui facilè & falsò sibi non persuadeat periculum quod aliis imminet, sibi non imminere; adeoque multi, imò plerique existimarent legem pro aliis esse latam, non pro se; unde paulò post omnia redirent incommoda, quæ legislator remove. voluit. Atque hinc alibi colligam non valere testamenta, in quorum celebratione omisæ sunt formalitates à legibus requisitæ.

Verùm si lex fundetur in præsumptione *facti*, quod reipsâ factum non sit, dicendum est eam non obligare. Ratio est, quia tunc tollitur fundamentum legis: neque superior intendit obligare, cum nulla est obligandi ratio. Hinc si judex Ecclesiasticus, etiam interpositâ excommunicatione, sponsam quæ matrimonio sui nullitatis conscia est cum viro habitare præcipiat, debet hac potius excommunicationis sententiam humiliter sustinere, quàm per carnale commercium peccatum operari mortale, ex cap. 44. *De sentent. excomm.* His præsuppositis, seorsum tractanda sunt cætera quæ ad hanc materiam pertinent. Unde sit.

PUNCTUM PRIMUM.

Unde cognosci possit an Legifer sub gravi peccato obliget.

Duo hic præstanda sunt: 1mo. assignanda est regula generalis ex quâ dijudicari possit, an & quando legislator censetur graviter obligare; 2do. expendendum est an in materia levi graviter, an e contra in gravi leviter solum obligare possit. Sit.

CONCLUSIO. I. Toties lex obligat sub mortali, quoties materia ejus gravis est & graviter præcepta.

Prob. 1mo. Quia in hoc casu nihil deest legi, sive ex parte rei præceptæ, sive ex parte præcipientis, qui in materiâ gravi graviter obligare potest, & potestate suâ uti præsumendus est, cum nulla adest contrarii præsumendi ratio: 2do. quia lex humana divinam imitari solet: hæc autem graviter obligat in materiâ gravi, leviter in levi.

Porro materia censetur gravis, 1mo. quando etsi de se levis sit, gravis tamen est in ordine ad circumstantias. Hinc graviter prohibetur est Clericis ne tabernam ingrediantur, vel habitus induant seculares, quia alioqui grande statui Ecclesiastico dedecus inurunt. Hinc graviter peccat miles, qui è castris uno instanti egreditur, quia militarem disciplinam, quæ summi est momenti, malo, quod alii statim sequerentur, exemplo labe facta.

2do. Materia censetur gravis, cum pro tali habetur, sive ex communi prudentum judicio, sive ex consuetudine bene fundatâ: unde si vel in Ecclesiâ, vel in hac aut illâ communitate lex quæpiam à viris timoratis & doctis spectetur ut gravem inducens obligationem, judicandum est eam sub mortali obligare. Quapropter cum probi omnes legem jejunii vel audiendæ Missæ certis diebus, habeant pro gravi, nemo sensatus gravitatem hanc in dubium vocare potest.

Jam verò materia censetur graviter præcepta: 1mo. cum legislator utitur verbis, quæ grave præceptum exprimunt, ut si quid præcipiat sub indignatione Dei, aut Sanctorum; sub interminatione divini judicii; in virtute obedientiæ, quæ sibi promissa sit, &c. 2do. cum graves pro transgressione pœnas infligit, vel comminatur, (nam gravis pœna etiam incurrenda, gravem culpam præsupponit;) ut cum lex fertur sub pœnâ censuræ, servitutis, exilii, infamiæ, amissionis magnæ summæ; 3tio. communia etiam verba quibus uti solent legislatores, ut *ordinamus, prohibemus, teneantur, nemo possit*, & æquivalentia, videntur continere præceptum sub mortali culpâ obligans, saltè si subist

materiæ gravitas. Hæc item firmiter, distinctè præcipimus, materiam gravem & seriò præceptam indicare solent, nisi ob sit legitima in contrarium interpretatio, quod vix alibi contingit quam in Religionibus, in quibus id solum sub mortali præcipi solet, quod præcipitur *in vim obedientiæ*, aut *sub pænâ gravis censure*. Hæ voces *monemus hortamur*, consilium ac directio- nis formam magis continent quam præceptum.

CONCLUSIO II. Legislatores non potest rem, omnibus bene in- spectis levem præcipere sub mortali.

Prob. 1mo. Quia talis lex injusta foret, utpotè quæ non congrueret legi divinæ; cum hæc res leves sub reatu peccati mortalis non prohibeat, ut patet de furto levi, & mendacio jocosio; 2do, quia si lex civilis rem levem sub pænâ capitis prohiberet, non solum injusta, sed & ridicula foret; ergo à for- tiori injusta esset, si rem levem sub æternæ damnationis pænâ imperaret.

At, inquires, Deus esum pomi, rem sanè levissimam, sub pec- cato mortali prohibuit. Reges quoque sub gravissimâ triremi- um pænâ prohibent nè columbæ occidantur.

R. esum pomi rem quidem fuisse in se & præcis circum- stantijs levissimam; sed magnam fuisse in ordine ad finem à Deo intentum, qui is erat ut Adam tot gratis instructus in uno puncto, eoque facili submissionem suam profiteretur.

Idem dicendum de legibus humanis, quæ sub gravibus pæ- nis quædam in speciem levia prohibent: v. g. nè columbæ oc- cidantur, nè in bello rusticorum olera rapiantur, nè Religiosi colloquia cum mulieribus habeant: hæc enim non ita exilia sunt, quin gravem bonis & honori dominorum, militari disci- plinæ, & Sanctis Religionum Institutis injuriam faciant.

CONCLUSIO III. Legislatores in re gravi potest sub veniali tan- tum obligare.

Prob. 1mo. Quia multæ Regularium constitutiones sub pec- cato solum veniali obligant in materiâ alioqui gravis peccati capaci, qualis est auditio Missæ: atqui constitutiones illæ sunt veræ leges, ex omnium confesso; ergo.

Prob. 2do. Lex cujus obligatio tota pendet à legislatoris vo- luntate, non obligat nisi prout vult legislator: atqui legis hu- manæ obligatio tota pendet à legislatoris voluntate. * Alioqui enim vel penderet à jure naturali, vel à gravitate materiæ. Non primum, quia lex naturalis docet parendum esse superiori, quan- tum præcipit superior; ac proinde sub levi, cum superior sub levi solum obligare intendit. Non secundum, illa enim ma- teria licet in se gravis, per se sub gravi non obligat, quam le- gislator posset absolutè sub consilio solum proponere, vel eri- am sub

am sub pænâ: atqui legislator materiam hanc posset aut sub consilio solum, aut sub pænâ, non autem sub ullâ culpa proponere; ergo potest eam solum sub culpâ veniali proponere, quæ & timoratas conscientias pungat, & eas tamen in gravis lapsus discrimen non adducat.

† Prob. 3tio. Vel possibilis est lex quæ sub veniali solum obliget in materiâ gravi, vel impossibilis est. Si primum, vera est assertio nostra: si secundum, eo ipso lex de quâ loquimur, invalida erit, quia legislator vult solum facere legem quæ leviter obliget, & non aliam; ergo.

* Obj. 1mo. Si legislator sub veniali solum in materiâ gravi obligare possit, poterit nunc sub majori peccato veniali, nunc sub minori, in eadem materia prorsus invariata obligare: atqui falsum consequens. Alioqui poterit etiam facere ut non magis reus sit qui legem transgreditur actu intensissimo, quàm qui remissione: atqui hoc repugnat ipsis naturæ legibus, juxta quas eò quis gravius peccat, quò magis intensè fertur in peccatum.

R. ad 1. neg. min. ad 2. neg. maj. Si propositio intelligatur ut intelligi debet de unâ eademque lege: etsi enim qui actu parùm intenso aleâ ludit Annecii, ubi aleæ ludi sub gravibus censuris prohibentur, gravius peccare possit, quàm qui actu longè intensiori luderet in Diœcesi, ubi idem ludus sub veniali solum peccato prohiberetur, semper tamen verum erit è dubio personis uni eidemque legi subjectis eam gravius peccare quæ actu intenso, quàm quæ remisso legem transgreditur, ut ex se evidens est.

† Obj. 2do. Non potest subditus in materia levi graviter obligari; ergo nec leviter in gravi.

R. neg. conseq. Disparitas est, quòd gravis materia sit levis obligationem capax; levis verò gravem obligationem suscipere nequeat.

PUNCTUM SECUNDUM.

An ad peccatum mortale contra Legem requiratur aut sufficiat contemptus.

DUO hic quærentur: an scilicet ad peccandum mortaliter, contemptus vel requiratur in materia gravi, vel in materia levi sufficiat, quæ ut solvas.

Not. 1mo. Contemptus inordinatus, de quo hic agitur, est Actus mentis quo quis scienter & positivè rem vel personam minoris æstimat, quàm exigit ejus meritum & dignitas.

Dixi, *scienter & positivè*: quia si quis vel negativè se gerat, neque aspernando, neque æstimando, præsertim cum ad po-

sitivè æstimandum non tenetur, vel bona fide alterius meritum minoris æstimet, quàm in se sit, non centerur contemptor: unde contemptus prout hic sumitur, est actus injustitiæ; quia qui alium contemnit, jus ipsius violat, de ejus æstimabilitate detrahendo. Huic autem injustitiæ peccato admisceri potest peccatum aliud contra religionem, si Deus; contra pietatem, si parentes; contra reverentiam & observantiam, si Prælati & Superiores contemnuntur.

Not. 2do. Contemptus inordinatus duplex distinguitur: alter materialis seu virtualis, quo quis rem vel personam aliis quidem postponit, sed absque eo quoddam aliam cum alia compareret, aut præferre intendat; quo sensu aiunt post D. Thomam Theologi, Deum mortali quodlibet peccato contemni: alter formalis, quo quis directè & expressè rem aut personam minoris æstimat aut æstimare velle videtur, quàm eam æstimari debere cognoscit. Unde infert Van-roy, legem ex contemptu propriè dicto non violari, nisi cum quis eam transgreditur eo fine ut lex, vel legislatoris autoritas in contemptum veniat.

Not. 3tio. Contemptus formalis, alius cadit in personam legislatoris, alius in rem ab ipso præceptam, alius in ipsam ejus legem; quanquam lex vix aliter contemni potest quàm in ordine vel ad rem quæ præcipitur, vel ad eum qui præcipit: porro qui præcipit, contemni potest vel formaliter, ut legislator & superior; vel materialiter, ut quidam homo.

Not. 4to. Contemptus personæ pugnat contra justitiam, etsi contra alias virtutes pugnare possit, ut dictum est. Contemptus verò rei præceptæ pertinet ad speciem vitii oppositi virtuti præceptæ: v.g. contemptus orationis, ad speciem irreligiositatis. His præmissis, sit

CONCLUSIO I. Ad peccatum mortale contra legem non requiritur contemptus formalis, si lex sit in materia gravi.

Prob. Ad peccatum mortale duo sufficiunt, materiæ gravitas, & plena voluntatis consensio: atqui hæc sæpè reperiuntur sine contemptu formali; ut cum quis peccata confitendo unum aliquod reticet præ timore; ergo.

Confirm. ex censurâ propositionis 23. ex iis quas damnavit Alexander VII. an. 1665. *Frangens jejunium Ecclesiæ ad quod tenetur, non peccat mortaliter, nisi ex contemptu vel inobedientia hoc faciat, puta quia non vult se subicire præcepto.* Sanè si semel admittatur hæc opinio, pleraque peccata mortalitè evanescent.

CONCLUSIO II. Transgredi legem ex contemptu formali rei præceptæ, vel legislatoris præcisè ut hominis, & prout aliquos habet defectus; non semper est peccatum mortale.

Prob. 1. pars. Ad peccatum mortale requiritur gravis deordinatio: atqui hæc non necessario reperitur in contemptu rei minimæ; unde non videtur graviter reus, qui ex quodam contemptu silentium non servat, aut leve mendacium profert; tunc enim materiam parvi æstimat, non quia præcepta est, sed quia parva est.

Duo tamen hic cavenda: 1mo. nè ex contemptu rei ad contemptum legislatoris deveniatur; 2do. nè contemptus rei gravem in doctrinâ errorem involvat. Sic graviter peccaret qui jocosum mendacium contemneret, quia arbitraretur peccatum veniale non displicere Deo.

Prob. 2. pars. Ideo contemptus legislatoris peccatum mortale in re etiam levi aliquando inducit, quia eo contempto censetur contemni autoritas ejus prout à Deo est: porro qui legislatorum non ut talem contemnit, sed ut hominem defectibus suis obnoxium, non ideo autoritatem ejus contemnit, ut supponimus; sed tantum quandam circa eum animi amaritudinem ostendit: hæc autem dispositio licet mala, non videtur in materia levi, nisi veniale peccatum; ergo etiam si legem ejus ex hoc contemptu omittat, non peccat mortaliter, si lex sit de re levi.

CONCLUSIO III. Transgredi legem, etiam in re levi, mortale est si fiat ex contemptu legislatoris ut talis.

Prob. 1mo. ex S. Bernardo, I. de Dispens. &c. cap. 11. *Contemptus, inquit, convertit in crimen gravis rebellionis, nævum satis levem simplicis transgressionis.*

Prob. 2do. Legislator vel est Deus, vel homo: atqui neuter præcisè ut legislator contemni potest sine gravi peccato. Non Deus, cum in omni Dei contemptu, sive interno, sive exteriori, sit semper gravis deordinatio, quæ à mortali nunquam eximi potest, etiam si agatur de levibus præceptis, aut etiam de consiliis. Non etiam homo, quia cum homo contemnitur ut legislator, contemni videtur ut vices Dei gerens, & fungens legatione pro Deo; ergo qui legem ejus hoc modo violat, etiam in materiâ levi, v.g. qui ex contemptu legislatoris, legem silentii violat, graviter peccat, non præcisè ratione inobedientiæ quæ solum venialis est, sed ratione irreverentiæ quæ mortalis est.

Ex dictis colliges errare eos qui peccatum ex consuetudine eo ipso censent esse ex contemptu; sicut enim datur contemptus sine consuetudine, sic absolute dari potest consuetudo sine contemptu; quia si quatuor aut quinque actus pariant consuetudinem, ultimus sicut & primus potest non fieri ex contemptu.

ptu. * *Frequentia tamen peccati, ait S. Thomas, dispositivè inducit ad contemptum, secundum illud Prov. 18. Impius cum in profundum venerit peccatorum, contemnit. Et hæc postrema verba seridè pensari debent ab iis qui ex habitu leges statûs sui transgrediuntur.*

PUNCTUM TERTIUM.

An uno actu pluribus obligationibus satisfieri possit.

Certum est unico actu satisfieri non posse pluribus obligationibus, quæ titulo iustitiæ contractæ fuerint, nisi alicujus earum remissio facta fuerit. Hinc si Titio centum aureos debes ex contractu, & alios centum ex delicto, non sufficit si semel centum solvas; quia non ponis æqualitatem.

Dixi, *nisi fiat remissio*: nam propter hanc remissionem aliquando fit, ut qui duo debet, satisfaciat reddendo unum. Sic qui duo habet beneficia, non tenetur, nisi ad unius Officii recitationem; contra verò Capellanus qui ratione foundationis Missas aliquot, unaquaque hebdomada, celebrare tenetur, pro iisdem Missis stipendium accipere non potest, etiam si Fundator nihil statuerit circa Missarum applicationem; quia, ut habet Regula 45. Juris in 6. *inspicimus in obscuris quod est verisimilius, vel quod plerumque fieri consuevit*: porro veri magis simile est Fundatorem intendisse ut Missæ sibi applicarentur, quia hæc esse solet Fundatorum intentio. Tota difficultas est de obligationibus legalibus, quæ cum à solâ legislatoris voluntate dependeant, nunc unum pro pluribus obligationibus actuum, nunc plures exigere possunt. Quâ de re fit.

CONCLUSIO Tunc solum pluribus præceptis & obligationibus uno actu satisfieri potest, cum vel impossibile est plures actus eo tempore poni, quo plura urgent præcepta; vel uno actu posito tollitur alterius præcepti causa, vel superior eodem actu pluribus præceptis satisfieri concedit.

Prob. Quia nemo tenetur ad impossibile; nemo obligatur ad actum, cum deest causa ob quam solam actus ille pro tunc præceptus est; nemo demum plus vi legis facere tenetur, quam velit legislator.

Hinc 1mo. Si voveris jejunare per Quadragesimam, eodem jejunii actu, & voto tuo, & præcepto Ecclesiæ satisfacies: secus dicendum si simpliciter vovisses jejunium, nec diem ab Ecclesia præceptum determinasses; tunc enim & voto & Ecclesiæ præcepto diversis diebus satisfacere posses.

Hinc 2do. Qui eleemofynam vovit, si occurrat pauperi extremâ

* 2. 2. q. 186. art. 2. ad 3.

tremâ necessitate laborante, eique ut voto suo faciat satis, elemosynam conferat, ad nihil amplius obligatur, quia prior elemosynæ largitio tollit extremam necessitatem, adeoque & materiam præcepti naturalis.

Hinc 3tio. Si Confessarius alicui injungat, ut diebus singulis Sacro intersit, ei satis erit si unicam Dominicis & Festis diebus Missam audiat; quia legitimè præsumitur Confessarii intentionem esse ut pœnitens uno actu duplicem impleat obligationem.

Quodd si regulam quâ hæc Confessarii intentio dignoscatur generalem quæras, hæc videtur afferri posse: Tunc Confessarius præsumi potest concedere ut pœnitens uno actu & Ecclesiæ & ipsius Confessarii præceptum adimpleat, cum pœnitentia satis adhuc longa remanet, ut peccato proportionata videri possit; & hoc locum habet in casu mox proposito: tunc vero obligationem ab obligatione aliunde impositâ diversam injungere censendus est, cum alioqui nullam aut ferè nullam pœnitentiam imposeret. Hinc si voveris, aut si præceperit Confessarius, aut aureos decem pauperi tribuas, non sufficit si pauperi reddas id quod ei ex contractu aut delicto debes: quia legis interpretatio fieri debet ex communiter contingentibus: porro intentionem mox expositam communiter habent Confessarii, eamque ita interpretari solent Doctores.

Hic duo notanda, 1mo. nunquam satisfieri posse per actum unum pluribus præceptis, nisi quando hæc simul concurrunt. Unde merito proscripta est propositio hæc, *Unico officio potest quis satisfacere duplici præcepto, pro die præsentis & crastino*; 2do. eum qui multis præceptis simul concurrentibus non potest unico actu satisfacere, si uni potius quàm alteri satisfacere non intenderit, censendum esse satisfecisse vel graviori, si unum aliis gravius sit, vel omnibus pro rata, si eadem sit omnium gravitas. Quodd si præcepto uni præ aliis satisfacere intenderit, huic soli satisfecisse judicandus est, nisi cum expressa voluntate implendi unum, simul habuerit interpretativam voluntatem eamque majorem implendi aliud: sic qui vovit auditionem Missæ, eique interfuit die quàm festam esse nesciebat, satisfecit Ecclesiæ præcepto, non autem voto, nisi expressam habuerit voluntatem non satisfaciendi Ecclesiæ præcepto.

An possit quis per plures actus simul satisfacere pluribus præceptis, expendam agendo de Officii recitatione.

Quæres 2do. an præceptum quod totum impleri nequit, impleri debeat quoad partem quæ possibilis est.

R. affirmat. Unde qui tempore Præfationis venit ad Sacrum, nec alterius copiam habet, tenetur residuam singularis

illius Missæ partem audire. Pariter qui semiquadrante ante mediam noctem, meminit se Officium non legisse, tenetur ad recitandum quicquid potest ante duodecimam noctis. Ratio est, quia cùm obligatio quæpiam est divisibilis, ea ejus pars necessariò impleri debet, quæ impleri potest. Hinc damnata fuit ab Innocentio XI. hæc Dianæ propositio, *Qui non potest recitare Matutinum & Laudes, potest autem reliquas Horas, ad nihil tenetur, quia major pars trahit ad se minorem.*

PUNCTUM QUARTUM.

An lex humana obliget cum gravi periculo.

CONCLUSIO 1. Lex humana non semper obligat cum periculo vitæ, aut gravis incommodi.

Prob. Strictior non est obligatio legis humanæ, quàm diviniæ, sed e contra: atqui lex divina positiva, non semper obligat sub periculo gravi. Nam lege divina veteri prohibitum erat, nè quis vel panes propositionis comederet, exceptis Sacerdotibus, vel die sabbati serviliter laboraret; itèm lege novæ præcepta est integra peccatorum confessio: atqui ex Dñi ipsius leges non obligarunt sub gravi periculo. * Nam potuit Davit in casu necessitatis comedere Panes Sanctos; ** potuerunt & Machabæi pugnare die sabbati; potest denique quis in confessione actu necessaria, ex metu mortis sibi à violento Confessario inferendæ, peccatum aliquod reticere; tuncque confessio ejus, etsi materialiter dimidiata, integra est formaliter, ut alibi docent Theologi.

Obj. 1mo. Tenetur quilibet bonum commune bono suò privato præferre: atqui si possit homo legem transgredi ut mortem vitet, bonum commune ceder bono privato; lex enim quævis ad bonum commune lata est.

R. dist. maj. Tenetur quilibet privato suò bono bonum commune præferre, cùm commune bonum non potest aliter procurari ut statim dicemus, C. tenetur, cùm bonum commune sufficienter obtinetur per ordinariam legis observationem, N. Porro, etiamsi non jejunet quis, cùm graviter ægrotat, non desinet Ecclesia obtinere finem quem ex jejunio sibi proposuit obtinendum; imò pessimè sibi consuleret Ecclesia, si hujusmodi legum executionem tam acriter urgeret; multi enim non parerent, multi parendo se se eo in statu constituerent, ubi nihil amplius obsequii Ecclesiæ præstare possent.

Obj. 2do. Jure solum positivo vetitum est 1mo. nè quis consanguineam ducat in uxorem; 2do. nè communicet cum

* *Matth. 12.* ** *1. Mach. 1.*

excom-

excommunicato; 3tio. nè celebret absque vestibus sacris, aut calice consecrato: atqui tamen nullum ex his licitum est, nè in casu quidem gravis periculi.

R. Ex his similibusque casibus hoc unum sequi, quasdam esse humanas leges, quæ cum ipsius vitæ dispendio impleri debent: id porro fatemur, negamus solum omnes sic se habere. Imò communius docent Theologi posse aliquem communicare cum excommunicato, modò supponatur abesse contemptus & scandalum. Ideo autem non licet sine vestibus sacris celebrare, etiam propter metum mortis, quia metus ille incuti non solet Sacerdoti, nisi in odium Religionis, aut Sacrificii derisionem: unde si quis ex indiscreta devotione, aut ex persuasione quòd talis celebratio nihil haberet mali, mortem minaretur Sacerdoti, nisi celebraret, posset is celebrare juxta plures, sicut eàdem de causâ potest aliquando sacrificium mutilare.

CONCLUSIO II. Leges humanæ aliquando obligant cum vitæ periculo.

Prob. Respublica, sive civilis sive ecclesiastica, eam à Deo potestatem accepit sine quâ conservari nequit: atqui nonnunquam contingit, ut quævis Respublica conservari nequeat, nisi leges ejus cum gravi etiam vitæ periculo observentur. Idem enim de aliis legibus fit judicium, ac de ea qua certis hominibus præcipitur, ut hostes aggrediantur; aut de ea qua præciperet Episcopus, ut Vicarius mortuo Parocho, populo peste infecto Sacramenta administraret: atqui si leges illæ non obligarent, etiam in gravi periculo, jam Respublica tum civilis tum ecclesiastica conservari non posset, hæc in ordine spiritali, illa in ordine politico; ergo.

Verum quidem est, quòd lex naturalis unumquemque obligat ad propriæ vitæ conservationem; sed hoc solum sensu, quòd nemo vel directè sibi mortem inferre possit, vel se se mortis periculo absque causâ exponere; non autem quasi nunquam licitum sit membro, se se pro salute totius periculis obijcere; imò præcipit tunc lex naturæ, ut bonum publicum privato anteponatur.

Ergo, inquit, quod tunc homo teneatur hoc vel illud præstare cum vitæ periculo, non oritur à lege humana, sed à naturali, adeoque falsa est assertio nostra.

R. Id oriri tum à lege naturali, quæ præcipit ut pars obijciat se pro toto; tum à lege humanâ, quæ determinat quænam pars pro aliis obijcere se debeat: neque enim præcipit jus naturale, ut Joannes se potius pro salute patriæ devoveat, quàm alius quilibet; unde lex naturæ obligat subditos in communi, lex verò humana obligationem hanc ad has vel illas personas applicat.

Quæres

Quæres 1mo. Unde cognosci possit quando lex humana (idem proportionem servatâ dicendum de lege divinâ) in conscientia obliget, etiam cum vitæ periculo.

R. Lex humana, etiam cum vitæ periculo obligat: 1mo. cum utilius est bono communi hîc & nunc servari legem, quàm servari privati hominis vitam; 2do. cum lex humana violari nequit absque contemptu Dei, Religionis, fidei, aut potestatis legislativæ. Sic 1mo. si Princeps præcipiat ut defendas portam urbis, in quâ majus imminet periculum, teneris obsequi, quia satius est aliquos homines mori quàm gentem totam perire; si superior jubeat te fratribus peste infectis opem ferre, teneris ex obedientiâ, nec causari potes te non magis quàm alios ad subeunda hæc pericula obligari: si enim valeret hæc excusatio, jam superior bono communi providere non posset. Sic 2do. si in contemptum fidei, vel Ecclesiæ aut superiorum, exigat quis, ut in loco profano celebres, ut diebus prohibitis vescaris carnibus, aut serviliter labores, potius moriendum est quàm obediendum, ut fecit Eleazarus. * Addit Delugo eum excusatum non iri, qui declararet se non vesci carnibus in contemptum Ecclesiæ, sed solum ad vitandam mortem. Sed de his rursus in Tract. de Fide.

* Quæres 2do. Quid sentiendum de lege quæ Carthusianis quocumque sint statu carnis usum prohibet.

R. 1mo. Carthusianum cui nulli alii suppeterent cibi, teneri ad utendum carnibus: 1mo. quia alioqui deberet mori fame, imò & sui homicida esse, secundum id Ambrosii. *Pasce fame morientem: si non pavisti, occidisti*; 2do. quia cum duæ leges simul servari nequeunt, major præferenda est minori, quin & minor tunc non est verâ lex: atqui in hoc casu urget lex naturæ, quæ vult ut unusquisque vitam suam servet, cum nulla occurrit gravis & honesta causa quæ exigat ut eam prodigar homo, prout nulla occurrit in præsentibus; quidquid enim hîc exoriri posset scandali, acceptum esset, non datum.

R. 2do. Carthusianum qui ex medicorum judicio didicit se moriturum nisi carnem comedat, non teneri ad vescendum carne.

Prob. 1mo. Tunc lex aliqua cum mortis periculo obligat, cum plurius interest eam servari, quàm servari vitam privati aliqujus: atqui talis est allata lex Carthusiensium. Si enim iis carnis esus ob morbum concedatur ex judicio medicorum, statutum Ordinis qui tot Sanctos edidit, infringetur primò in casibus periculosis; deinde eadem relaxatio trahetur ad omnes graves morbos; postmodum verò cum medici sæpè inveniant morbos

* 1. Machab. cap. 6.

morbos quibus curandis vel utilem vel etiam necessarium iudicant esum carniū, Carthusienses passim in infirmariis vescuntur carnibus; & sic pessum irer Ordo piissimus.

Prob. 2do. Si teneatur Carthusiensis ad vescendum carne, cum id necessarium esse iudicat medicus, tenebitur ob idem medici iudicium, infirmus aërem & patriam mutare; tenebitur paterfamilias gravi morbo decumbens, magni pretii remedium comparare, morbo huic pellendo aptissimum; tenebitur dives delicatis ac pretiosis alimentis occurrere morbis pauperum alioqui probabiliter morituro; tenebitur qui castitatem vovit, voti sui dispensationem petere, cum non nisi matrimonii usu à certis quibusdam morbis expediri potest, secus ac fecit S. Casimirus: atqui hæc omnia communi sapientum iudicio & praxi repugnant; ergo.

Obj. 1mo. Carthusianus qui nullos præter carnem cibos habet, tenetur vesci carnibus: sed qui sine carnibus sanitatem recuperare non potest, in rei veritate nullos præter carnem cibos habet. Alii enim cibi, utpotè corpori inutiles, perinde sunt ac si non essent; vel fortè se habent ad hujus hominis morbum, sicut alimenta venenosa ed vitam alterius; ergo.

R. neg. min. 1mo. Quia alii cibi ex se valent ad sustentationem vitæ, & ad hoc serviunt ut ægrotus non moriatur fame, etiam si fortassis moriatur ex morbo; 2do. quia inhumanum est abstinere ab omni cibo usque ad mortem; non autem tali genere cibi ex quo solum fit ut quis breviori tempore, naturali morbo moriatur; certè si paterfamilias hoc cibi genus magnis sumptibus comparare non teneatur, quidni à carnibus abstinere Carthusiensis, qui plus Religioni suæ noceret iisdem utendo, quam filius suis pater, fortunas suas in pretiosa remedia impendendo. Et verò quis tutò asserere auit morituro hominem jam carnibus non assuetum, nisi carnem manducet? Nullus profectò nisi Angelus: tunc autem erit is interrogandus quid in hoc casu factò opus sit.

Obj. 2do. Lex naturæ jubet suam ab unoquoque vitam servari: atqui Carthusianus vitam suam non servaret abstinendo à carnibus; ergo.

R. dist. maj. Jubet, id est, vetat nè quis directè sibi mortem inferat, C. id est, vetat nè fiat aliquid unde præter agentis intentionem vita minuat, subd. vetat hoc cum nulla boni majoris ratio contrarium exigit, C. secus N. solutio pater ex dictis.

† PUNCTUM QUINTUM.

An peccet qui non tollit, aut ponit impedimentum executioni Legis.

Sensus quaestionis est, an qui legem implere non poterit si aliquid faciat, ab eo faciendo abstinere teneatur; cui quaestioni ut satisfaciat,

Not. 1mo. Paulò aliter discurrendum esse de lege naturali & divinâ, quàm de humanâ; hæc enim non tam graviter obligat quàm illa.

Not. 2do. Præceptum aliud est negativum quo prohibetur aliquid mali, v. g. *Non concupisces*; aliud affirmativum quo præcipitur actio bona, & hæc actio vel est iustitiæ, vel alterius virtutis.

Not. 3tio. Impedimentum quod obstat executioni præcepti, vel est actus bonus, vel aliquid indifferens, vel peccatum, vel denique peccandi occasio; & hæc vel præsens est, vel absens; absens verò vel remota est, vel proxima, quæ fusiùs alibi prosequemur. His positis, sit

CONCLUSIO I. Impedimentum obstats executioni præcepti negativi tolli debet, quoties impedimentum illud consistit in occasione vel præsentis, vel absente quidem, sed proximâ.

Prob. 1. pars, quia resistendum est occasionis quæ ad malum actu & de facto invitat: sed resistere huic occasioni est eandem tollere, quantum scilicet tolli potest: ergo talis occasio, seu impedimentum obstats executioni præcepti, omnino auferri debet.

Prob. 2. pars, quia *qui amat periculum peribit in illo*; occasio autem eo ipso quo proxima est, plena est periculi. Hinc si quoties in mulierum cœtu versaris, consentias concupiscentiæ, teneris vi præcepti, *Non concupisces*, à mulierum consortio recedere: secùs si ità affectus es, ut malo consensurus non sis.

CONCLUSIO II. Si impedimentum obstat executioni legis quæ in materiâ iustitiæ versetur, tolli absolute debet, quoties aliquid ex officio faciendum est; si verò tolli nequit, cedendum est officio: cum autem aliquid restituendum est, tolli debet si potest.

Prob. 1. pars. Qui enim magistratum gerit, debet vel scientiam ad munus suum necessariam comparare, vel cedere officio. Idem dicendum de avvocato & confessorio.

Prob. 2. pars, Quia impotentia, quæ solum est quod in materia restitutionis occurrere possit impedimentum, tolli debet

parcimo-

parcimoniâ, labore, aliave qualibet viâ, quæ nimium difficilis & ardua non sit.

CONCLUSIO III. Si impedimentum obstat impleti praecepti spectantis ad aliam quàm iustitiæ materiam, aliquando tollendum est, aliquando non.

Prob. 1. pars, Quia impedimentum tollendum est 1mo. quoties est per se peccatum: hinc qui prævidet ex ebrietate futurum ut votum suum implere nequeat, debet ab ebrietate abstinere, non solum propter temperantiam, sed etiam propter votum; 2do. tollendum est etiam cum est actus virtutis, sed non præceptus: hinc qui parentem indigentem juvare non potest, si erga amicos liberalis esse pergat, à liberalitate hac abstinere debet; 3tio. tollendum adhuc est, cum etiam est actus virtutis præceptus, si actus iste impleri nequeat sine omissione gravioris præcepti: hinc si patri simul & alii pauperi graviter egeni succurrere non possis, illi præ isto succurrendum est.

Prob. 2. pars. Quia tunc solum necesse est ut tollatur impedimentum obstat executioni præcepti, cum perseverat ejusdem præcepti obligatio: atqui aliquando contingit ut propter difficultatem tollendi impedimentum desinat obligatio præcepti. Sic communiter non teneris cum vita tua periculo proximum à morte liberare, tamen si plura propter ejus vitam conari debeas, quàm in casu minoris momenti.

CONCLUSIO IV. Impedimenta proxima, quæ legis humanæ executioni obstant, removeri debent, nisi vel necessaria sint, vel tam utilia, ut melius sit ea non tolli, quàm legem servari.

Prob. 1. pars. Qui præcipit finem, censetur præcipere & media quæ ad ejus consecutionem moraliter loquendo necessaria sunt: atqui removere impedimenta proxima, est medium ad legis executionem necessarium; aliunde verò nulla est ratio quæ postulet, ut impedimenta hæc non removeantur, cum supponantur minimè necessaria; ergo impedimenta hæc tolli debent, &c.

Hinc 1mo. peccant contra præceptum audiendæ Missæ, qui inebriant se, cum urget, vel paulò antequàm urgeat præceptum audiendæ Missæ. Imò si Sacerdos navigationem orturus, Brevarium in mare projiciat; nihil interest an illud viginti diebus ante navigationem, an ipso inceptæ navigationis momento projiciat, quia quod diu antè facit, non minus Officii recitationi obest, quàm quod postea.

Peccant 2do. qui venationi aut ludo pila absque necessariâ causâ incumbunt, prævidentes ita se defatigatum iri, ut ad jejunium inhabiles fiant. Peccant item qui simul jejunare & iter pedibus facere non valentes, peregrinationem in aliud tempus

non

non differunt, * *si tamen*, ait S. Thomas, commodè differri possit, id est, sine incommodo satis gravi. Si autem peregrinatio commodè differri non potest, vel quia tempus jejunii hominem in viâ præoccupat, vel quia dies festus imminet ad quem pergere cupit homo, potest cum dispensatione superioris, peregrinari & jejunium solvere; ita idem S. Doctor in 4. dist. 15. q. 3. art. 2. &c. Nec obstat quòd præceptum jejunii debet præponi consilio, seu actui devotionis, qualis est peregrinatio; quia intentio præceptum hujusmodi de jejunio dantis, non est alias pias & magis necessarias excludere: pia autem peregrinatio, in quâ quis v. g. peccata deponit, communicat, indulgentias lucratur, sæpè utilior esse potest quàm jejunium.

Peccant 3tio. operarii non jejunantes, ** *si jejunando possunt competenter victum pro suâ personâ habere, & pro familiâ suâ, sive quia aliâs divites sunt, sive quia de eo quod minori labore sūt, qui secum jejunium compatiatur, lucrari sufficientia possunt.* Unde tales operarios non excusat intentio majoris lucri non necessarij: lucrum porrò censetur ei necessarium, qui prævidet, se v. g. post Quadragesimam reperiturum non esse laborandi occasionem.

Peccant 4to. qui operarios conducere nollunt, nisi tali pacto ut jejunium solvant, nisi forte sit causa necessaria quæ festinationem operis exposcat. S. Thomas ibid.

Peccant 5to. excommunicati, qui præ negligentia sibi non comparant absolutionem ad communicandum in Paschate, aut ad Sacrum Festis Dominicisve diebus audiendum. Ratio est, quia impedimentum hujusmodi tolli debet si potest; potest autem, ut supponimus.

Prob. 2. pars. Quia evidens est legem humanam non adeò strictè urgere, ut ad eam implendam tolli debeant impedimenta etiam necessaria, aut valdè utilia. Sic 1mo. cum ingruit necessitas opitulandi ægrotò, quo tempore urget Missæ præceptum, Missa potius omitti debet, quàm ægroti subsidium. Sic 2do. qui jejunium servare non potest, & simul concionari; aut confessiones excipere, non tenetur opera illa pietatis, quæ per se jejunio meliora sunt omittere, ut jejunet. Ceterum, etsi qui multas eadem die conciones habere debent, vix jejunare possint, sapiùs tamen qui unam tantùm habent, moralem jejunandi impotentiam quæ sola à jejunio excusat, non experiuntur: aliud enim est difficultas utcumque magna, aliud impotentia moralis, & id probat praxis timoratorum. In dubio consulendus est vir pius & expertus, ejusque judicio facile acquiescendum.

SECTIO

* 2. 2. q. 147. art. 4. ** S. Thom. in 4.

Pæci
lex
re potest
per abro
spenlatio
quæ tria
nem su
hic expe
Quar
R. aff
perpetu
Ratio
proinde
quæ ce
id quod
Dixi
um ab
aëris se
ta aëris
Dixi
ad temp
Dixi
fia vel E
culum f
tam ten
non esse
efficacite
blandiren
lex oblig
Si tam
casibus m
vel mala
reitur, qu
Porro
etanda n
rò consta
mili est
inservire
dam pluv
tinuant, v

SECTIO SEXTA.

De affectionibus Legis humanæ.

PRÆcipua legis humanæ affectio in ejus cessatione reponitur: lex enim, etsi de se perpetua, variis tamen de causis cessare potest, ut 1^{mo}. per cessationem finalis causæ illius; 2^{do}. per abrogationem; 3^{io}. per interpretationem; 4^{to}. per dispensationem; 5^{to}. per privilegium; 6^{to}. per consuetudinem, quæ tria ultinia, quia speciales habent difficultates, extra ordinem suum ad calcem hujusce Tractatus discutientur; cetera hic expendemus, quod ut fiat.

Quares 1^{mo}. An cessante fine legis, lex ipsa desinat.

R. affirmat. Modò tamen finis legis cesset adæquatè, in perpetuum, & respectu totius communitatis.

Ratio est, quia lex desinit, cum sit inutilis communitati, ac proinde ad bonum commune; atqui lex fit inutilis, cum adæquatè cessat finis illius; fit, inquam, inutilis saltè relativè ad id quod intendebat legislator; ergo.

Dixi 1^{mo}. *modo finis legis cesset adæquatè*: si enim jejuni-um ab Episcopo institutum sit ad obtinendum finem belli, & æris serenitatem non cessat lex perseverante bello, licet obienta æris serenitate.

Dixi 2^{do}. *in perpetuum*; si enim finis legis non cesset nisi ad tempus, obligatio legis non tam cessabit, quàm suspenderetur.

Dixi 3^{io}. *respectu totius communitatis*. Prohibet v. g. Ecclesia vel Episcopus nè legantur Hæreticorum libri, propter periculum subversionis: ii libri nequidem legi possunt ab eo qui tam tenax est à vitæ fidei, ut certò sciat se mala hac lectione non esse pervertendum. Ratio est, quia alioqui jam finis legis efficaciter obtineri non posset; unusquisque enim facili sibi blandiretur, & audenter præsumeret se eo in casu non esse, ubi lex obligat.

Si tamen lex alicui inutilis fieret, non solùm *privativè*, ut in casibus mox allatis, sed etiam *contrariè*, quatenus materia ejus vel mala, vel admodum difficilis fieret, is jam ea non obligaretur, quandiu res in eodem manerent statu: sequitur ex dictis.

Porro ut cesset lex cujus causa motiva omnino desit, expectanda non est legislatoris declaratio: quia statim ut mihi certò constet de omnimodâ & generali legis inutilitate, certum mihi est eam non ampliùs obligare posse. Et id scrupulosius inservire potest, qui preces aliquando ab Episcopis ad petendam pluviam aut æris serenitatem, diu post hæc obtenta continuant, veriti nè officio suo defint.

Quares

Quæres 2do. Quid sentiendum de abrogatione legis humanæ.

R. 1mo. Legem humanam abrogari posse; quia sicut ex libera legislatoris voluntate nata est, sic & per eam dissolvi potest. Gravis tamen requiritur causa ut lex semel justè condita tollatur, putà * *maxima & evidentissima utilitas*, aut *maxima necessitas*.

R. 2do. Legem abrogari non posse, nisi vel ab ipso legislatore, vel à successore ejus, vel ab ejus superiore. Ratio est, quia ex Jure *lex superioris per inferiorem tolli non potest*: atqui inferior est quoad potestatem legis abrogandæ, qui nec superior est, nec legislator, nec successor; ergo.

Sed potestne Episcopus constitutiones in Synodo Diæcesanâ factas abrogare? Potest sanè; quia ex leges reipsa non nisi ab Episcopo latae sunt, ceteri enim Clerici qui Synodo Diæcesanæ intersunt, non habent vocem decisivam, sed consultivam. Ratio tamen expedit, ut Statuta in Synodis condita ab Episcopis abrogentur.

R. 3tio. Leges inferioris, si à superiore confirmatae sint, aliquando posse ab inferiore abrogari, aliquando non. Possunt quidem, si confirmatio facta sit in gratiam legislatoris, ut legi ejus splendor quidam accederet; & hæc confirmandæ legis ratio dicitur accidentalis: non possunt autem, si confirmatio vel essentialis sit, cum nimirum lex, ejus à quo confirmata est autoritate obligat, & non aliter; vel hanc aut similem contineat clausulam: *Si quidquam contra legem hanc fiat, careat robore*.

R. 4to. Legem abrogari multis modis: 1mo. quidem consuetudine: sic lex non manducandi nisi semel in diebus jejunii, per consuetudinem sumendæ collationis abrogata fuit? 2do. voluntate Principis, siue aliquam ferat legem præcedenti oppositam; siue nullam novam legem ferat: quo in casu æquum est, ut Princeps manifestet suæ non esse intentionis ut lex amplius observetur, nè subditi contra legem quam revocatam nesciant, facientes, ex erroneâ conscientia peccent.

Quæres 3tio. Quid de ejusdem legis interpretatione dicendum.

R. 1mo. Legem humanam obnoxiam esse interpretationi, tum simpliciter, cum verbis constet aliquando ambiguis quæ indigent explicatione; tum per epikeiam cum aliqui sint casus quos legislator aut noluit, aut non potuit lege sua comprehendere. Hi porro casus, tres sunt præcipui, 1. cum lex sine peccato observari nequit: sic sine peccato reddi communiter non potest

* S. Thom. 1. 2. q. 97. artic. 2.

ensis furioso; 2do. cum legis observatio nimis onerosa est, & moraliter impossibilis: sic excusatur ab auditione Sacri mulier quæ si Sacro intersit, honoris aut rei familiaris jacturam timeat; 3. cum manifestis constet indiciis legislatorem noluisse casum aliquem, etsi licitum & non ita difficilem, lege suâ comprehendendi. In his autem casibus, etiam si res moram paritur, ad superiorem recurrere necesse non est, quia *in manifestis non est opus interpretatione*, ut ait S. Thom.

Quod si *dubium sit* an legislator hunc casum comprehendere voluerit, oportet, ait idem S. Doctor, * *vel superiorem consulere*, si res moram paritur; vel si res urget, *secundum verba legis agere*, cum omnibus utrinque consideratis manet adhuc dubium, an lex hoc vel illud imperet.

* R. 2do. interpretationem simplicem quâ verus legis sensus explicatur, triplicem distingui.

Prima dicitur *authentica*, quæ, si debite promulgatur, eandem habet vim ac ipsa lex; & hæc interpretatio fieri non potest, nisi vel à legislatore ipso, vel ab ejus successore, aut superiore, quia ii soli leges, aut aliquid legibus æquivalens condere possunt. Porro non requiritur ut ii personalem legislatoris sensum attingant, quia cum legi justâ de causâ derogare possint, eam tam strictè interpretari non tenentur.

Secunda dicitur *usualis*, quæ fit per usum & consuetudinem populorum; qui in interpretandis legibus plurimum valent.

Tertia demum dicitur *doctrinalis*, eaque fit per explicationem peritorum. Hæc interpretatio etsi admodum licita, ob difficultates in applicandis legibus nasci solitas, vim legis ex se non habet, quia non emanat ab hominibus qui jurisdictionem habeant: fatendum est eam magni esse debere momenti, imò & in conscientia obligare, cum interpretes omnes scientia pietate & studio commendandi, atque ab extremis opinionibus perinde remoti, in unum conspirant sensum: tum quia vix ullâ solidâ ratione niti potest, qui opinionem oppositam teneret; tum quia moraliter certum est eum à vero legis sensu recedere, quia eam eo intelligit modo quo à nemine intelligitur.

R. 3tio. varias esse regulas quibus inhærere debent qui leges interpretantur: potiores infero.

I. In omni lege spectanda est verborum proprietas, & ** *in re dubiâ melius est verbis editi servire*, si nihil obstat, id est, si nec sensus fiat absurdus, nec lex inutilis reddatur & illusoria; tunc enim à verborum proprietate recedendum esset.

II. Quæ quâdam est præcedentis modificatio, sic habet: Lex favorabilis, ea præsertim quæ nulli præjudicium affert, expendi

Moral. Tom. I.

Q

deber,

* 1. 2. q. 96. atr. 4. ** Leg. 1. De exercit. atq.

debet, juxta vulgatum id *favores ampliandis*; unde quod de filiis dicitur, ad nepotes etiam, item ad filios legitimatos & adoptivos pertinet, nisi quid obster, quia nepotes, legitimati, & adoptivi, etiam filiorum nomine intelliguntur in jure. Lex verò odiosa, strictè quantum tamen verba sinunt, intelligi debet, juxta illud, *odia convenit restringi*; unde per filios in onerosis intelligi non debent filia, licet filiorum nomine filia etiam saepe exprimantur. Hic cautè notandum inter odiosa reponi debere ea, quæ favent quidem cupiditati privatorum, ac pugnant contra leges & bonum communes; unde strictè interpretanda est dispensatio, quia per eam plaga inferitur legibus.

III. Si de mente legislatoris constet, ei standum est, etiam si verba legis aliud significant, quia **non sermoni res, sed rei debet sermo esse subiectus*. Censent tamen plures, nè ipsius quidem legislatoris declarationi standum esse, si extra legem loquens, dicat se talem habuisse intentionem, quæ cum verborum proprietate non cohereat, nullus enim præsumi potest improprie locutus, & aliquando evenit, ut qui nunc hoc aut illud statueret, aliud olim statuisse voluerit.

IV. Generaliter loquendo, lex ad casum in eâ non comprehensum extendi non debet ob identitatem rationis: quia licet par, aut etiam major ratio movere potuerit legislatorem ad statuendum in uno casu quod in alio simili statuit, non sequitur quòd id de facto statuerit; unde tritum id, *In jure positivo non licet argumentari à paritate rationis*. Quare male quis diceret, Excommunicatus est qui Clericum percussit; ergo à fortiori qui patrem interemit.

Dixi, *generaliter loquendo*; nam ob rationis paritatem ab uno ad aliud legitime concluditur, imò, in *correlativis*; unde quia vir & uxor, correlativa sunt, si eximitur vir ab obligatione reddendi debitum uxori adulteræ, uxor etiam eximitur ab obligatione illud reddendi viro adultero; 2do. in *æquiparatis*; unde quia electio, postulatio, præsentatio parificantur in jure, lex quæ aliquid circa unam statuit, idem censetur statuere circa aliam in his in quibus æquiparantur, 3tio. in *connexis*, atque etiam in iis quæ sub altero continentur, ut pars sub toto, imperfectum sub perfecto: unde ii, quibus lex permittit, ut testamentum, iisdem etiam concedit ut codicillum faciant.

A R T I-

* Leg. 1. De exercit. aff.

Dividit
quæ
quæ fertur
fertur ab
lem, & ca
infra.

Lex fav
modum
tatem ver
quosdam

Lex oc
ritans fac
su favori
quæ pro
tractus
harumce

Lex po
Lur à
nullam tr
Lex po
quæ sim
decernit
pulative,
transveha
disjunctiv
evexerit
pœnalis
purè pœ
quid fec
nec illud
è regno
Lex po
tentia; d

† ARTICULUS SECUNDUS.

De variis Legis humanæ speciebus.

Dividitur lex humana, 1mo. in *scriptam*, & *non scriptam*, quæ dicitur consuetudo; 2do. in *legem simpliciter dictam*, quæ fertur à supremo Principe, ut Rege; & *statutum*, quod fertur ab inferioribus, Principibus, ut Episcopis; 3tio. in *civilem*, & *canonicam*; 4to. in *favorabilem*, & *odiosam*, de quibus infra.

Lex favorabilis subdividitur in publicam, quæ cedit in commodum communitalis; & privatam, quæ in privatorum utilitatem vergit, ut privilegium; quod tamen odiosum est, si ita quosdam eximat à lege, ut alios graver.

Lex odiosa, vel est pœnalis, vel tributum imponens, vel irritans factum aut contractum; quanquam lex irritans eo sensu favorabilis est, quod fraudibus occurrat, ut patet in lege quæ professionem religiosam antè legitimum tempus: aut contractus sine debitis formalitatibus factos irritat. Præcipuas harumce legum species enucleare juvat.

SECTIO PRIMA.

De Lege pœnali.

Lex pœnalis ea est quæ pœnam imponit, in quo distinguitur à lege morali, quæ sic aliquid præcipit aut vetat, ut nullam transgressoribus pœnam indicat in foro hominis.

Lex pœnalis alia est *mixa*, alia *purè pœnalis*. Prima ea est quæ simul præcipit aut prohibet, & pœnam in transgressores decernit: hæc autem pœna decerni dupliciter potest, vel *copulativè*, ut cum dicitur, Nemo triticum extra Provinciam transvehat, & qui contra fecerit solvat decem nummos; vel *disjunctivè*, ut si dicatur, Nemo triticum è regno evehat, vel si eveherit solvat centum nummos. Posterior hæc species legis pœnalis non in ipsa re, sed solum specie distinguitur à lege purè pœnali; quæ nimirum sic pœnam statuit in eos qui aliquid fecerint, vel omiserint, ut tamen nec præcipiat illud fieri, nec illud omitti veteri; talis esset ista lex. Qui frumentum è regno exportaverit, solvat centum nummos.

Lex pœnalis iterum dividitur in eam quæ est ferendæ sententiæ; de quâ distinctione latius dicam, ubi de Censuris. His

positis duo hic investiganda sunt, 1mo. an condi possit lex purè pœnalis, quæ nullatenus obliget sub peccato; 2do. an eadem lex simul & sub pœnâ & in conscientiâ obligare possit.

CONCLUSIO I. Potest legislator condere legem purè pœnalem, quæ non obliget proximè sub peccato.

Prob. 1mo. Qui potest aliquid vel præcipere, vel non præcipere, potest illud sub eâ quâ voluerit conditione non malè præcipere: atqui Princeps multa præcipit, quæ posset non præcipere; ergo ea præcipere poterit sub quâ conditione voler, modò non mala: porrò conditio solam apponens pœnam transgressioni legis, nihil habet mali imò id habet commodi quòd animarum saluti consulat; unde multa sunt Religionum statuta quæ hoc solùm modo obligant; ergo.

Confir. Non minùs liberum est legislatori subditos obligare sub pœnâ duntaxat, quàm liberum sit alicui vovere se nunquam lusurum, vel si luserit, se talem pauperibus eleemosynam erogaturum; est enim votum privata lex, legi publicæ non abssimilis: atqui hoc ultimum fieri potest; unde qui sic vovit, non peccat, si post ludum, pactam stipem pauperibus dividat; ergo à pari.

Sicuti tamen in casu voti peccaret qui præscriptam sibi pœnam non exqueretur; sic & peccaret qui pœnam à legislatore impositam noller subire. Unde lex quæ ratione objecti proximi solùm pœnalis est, strictè obligatoria est ratione objecti remoti seu pœnæ.

Obj. Lex pœnalis obligat proximè sub pœnâ: atqui non potest obligare sub pœnâ, nisi prius obliget sub culpâ, quia alioqui lex illa iusta non esset; cùm ex S. Augustino Lib. 1. Retract. cap. 9. *Omnis pœna, si iusta est, peccati pœna sit.*

R. dist. min. non potest obligare sub pœnâ strictè sumptâ, nisi prius obliget sub culpâ, C. sub pœnâ latè & minùs propriè sumptâ, nisi obliget sub culpâ, subdist. sub culpa vel theologicâ vel iuridicâ, politicâ, aut civili C. sub culpâ necessariò theologica, N. Pœna duplex: strictè sumpta, quæ supponit aut annexum habet defectum coram Deo verè culpabilem, & hæc correspondet culpæ theologicæ, quæ dividitur in mortalem & venialem; de hac intelligitur objectus Augustini locus Alia est pœna latiùs sumpta, quæ onus est quoddam lege vel usu impositum, ut vel ipsius metu inducamur ad agendum, vel in posterum aliquid evitemus. Hæc pœna supponit quidem culpam, sed aliquando solùm iuridicam, quæ coram Deo culpa non est, & reatum non inducit, idque patet ex Regula 23. Juris in 6. quæ sic habet: *Sinè culpâ nisi subste causa, non est aliquis puniendus;* ergo cùm subest causa, puniri quis potest absque culpa propriè sumpta.

* Inst.

* Inst.
narum d
cùm qui
R. dist.
conditio
qui proxi
etiam obl
† CON
scientiâ o
Prob.
atqui lex
Tam enim
quàm si
declaret
quam cù
quæ hic a
Quare
liâ disting
R. per
gnolci p
obligare
tatum in
pè si di
Si tamen
mix, tri
culpâ, ev
vi solam
materiâ,
pacem ne
bio judica
tius est tu
quædam
ditos par
propter c
Hinc c
de non e
nullis m
aut triter
scrinini
etiam qu
pam ind
merè p
pascua,

* *Inst.* Omnis humana lex est essentialiter actionum humanarum directiva: atqui regula directiva obligat in conscientiâ; cum quisquis à regulâ directivâ discedit, eo ipso deficiat: ergo

R. dist. min. Regula absolute directiva obligat, C. directiva conditionatè, subd. obligat ad pœnam luendam, C. ad actum qui proxima est ejus materia, quemadmodum ad eundem actum obligant leges simpliciter præceptivæ, N.

† *CONCLUSIO II.* Lex quæ pœnalis est, simul adhuc in conscientiâ obligare potest. Est contra Navarrum.

Prob. Lex quæ præceptum continet, obligat in conscientiâ atqui lex humana etiam pœnalis præceptum continere potest. Tam enim lex pœnalis potest absolutum continere præceptum quàm si nullam apponeret pœnam; imò Princeps nisi aliud declaret gravius obligare velle videtur, cum imponit pœnas, quam cum non imponit; ergo. Ut solvantur aliæ quæstiones quæ hîc agitari solent,

Quæres 1mo. quomodo lex simpliciter pœnalis possit ab aliâ distingui.

R. pendere id a solâ legislatoris voluntate: hæc autem cognosci potest 1mo. ex ejus verbis, si nempe declaret se nolle obligare sub culpâ quod satis observant Superiores Communitatum in constitutionibus suis; 2do. ex ipsâ legis formâ, nempe si disjunctivè, feratur, ut Qui arma portaverit, ea amittat. Si tamen lex gravissimas imponat pœnas, capitis v. g. infamiae, triremium, &c. longè probabilius est eam obligare sub culpâ, etiamsi præceptum non contineat, quia tantæ pro gravi solum culpâ rationabiliter assignari possunt; 3tio. ex legis materiâ, lex enim quæ ad bonos Reipublicæ mores, ejusque pacem necessaria est, merito præsumitur præceptiva. In dubio judicandum est legem esse præceptivam: tum quia id tutius est; tum quia quod lex aliqua non obliget ad culpam, est quædam exceptio à generali regulâ, juxta quam oportet subditos parere superioribus, non solum propter iram, sed & propter conscientiam.

Hinc colliges eos graviter peccare qui infringunt leges 1mo. de non evehendis extra vel intra regnum aut civitatem nonnullis mercibus, quæ sub gravi pœnâ exilii, incarcerationis, aut triremium prohibentur; non modò quia cum tanto se discrimini obijciunt, contra charitatem sibi debitam peccant, sed etiam quia pœnæ gravis inflictio gravem in transgressione culpam indicat; & aliunde ad minus dubium est an ex leges sint merè pœnales; 1mo. de non ducendis animalibus ad aliena pascua, licet causentur se paratos esse ad solvendam imposi-

tam multam si deprehendantur; 3tio. de iusti vœgialis aut tributi solutione, ut statim dicemus.

Hinc etiam inferes nullas à Regibus nostris ferri leges quæ certò judicari possint esse merè pœnales, & ità communiter sentiunt Parisienses Theologi à quibus malè recedunt Confessarii nonnulli, lepide quidem, sed coram Deo & hominibus periculosè dicentes certarum legum transgressionem, tunc duntaxat esse peccatum, cum transgressores à custodibus deprehendantur.

Quares 2do. an pœna per legem imposita, sit statim exsolvenda ab eo qui legem transgressus est. Ut intelligatur responsio quæ magni est momenti.

Not. 1mo. Pœnæ aliæ sunt *latæ sententiæ*, quæ ipso facto, id est, solâ peccati commissione infliguntur per legem; aliæ sunt *ferendæ sententiæ*, quas lex de facto non imponit, sed per Judicem imponendas minatur. Itèm duplex est sententia Judicis, alia *condemnatoria*, per quam reus à Judice condemnatur ad certam pœnam, alia criminis *declaratoria*, per quam Judex declarat aliquem incidisse in crimen, propter quod pœna ipso facto incurritur, adeoque ipsum pœnam hanc ipso facto incurrisse, de quo paulò post.

2do. Pœnæ aliæ sunt passivæ, quæ nullam rei actionem requirunt, ut quòd quis sit excommunicatus, vel irregularis. Aliæ verò seu positivæ sint, seu privativæ, non possunt executioni mandari sine aliquâ transgressoris actione; & hæ triplicis sunt generis. Quædam irritant actum qui fit contra legem, v. g. nuptias clandestinè contractas; aut reum inhabilem faciunt ad eundem actum, v. g. simoniacum ad Beneficium acquirendum. Quædam legibus constitutæ sunt, ut conditiones ad acquirendum necessariæ: sic de jure communi, qui suâ culpâ ad Sacerdotium intra legitimum tempus non promoveret, ipso facto privatur Beneficio parochiali, sine alia monitione. Quædam denique privant jure jam acquisito, vel acquirecepto, v. g. Beneficio jam legitimè possessio.

3tio. Pœnæ quæ actionem requirunt, vel sunt leves, ut pœnitentiæ Monasteriorum; vel sunt graves, ut renuntiare Beneficio, exulem abire, His positis,

R. 1mo. reum non teneri ad pœnas ferendæ sententiæ, donec ad eas fuerit à Judice condemnatus. Ratio est, quia lex de facto tales pœnas non imponit, sed imponendas minatur.

R. 2do. pœnas passivas quæ nullam transgressoris actionem postulant, ut sunt irregularitas, privatio vocis activæ & similia, incurri ante ullam Judicis declarationem: unde occulti quarundam legum violatores verè sunt excommunicati, & irregulares, prout alibi dicemus.

R.

R. 3tio. Poenæ quæ vel irritant actum lege prohibitum, ut matrimonium clandestinum, vel reum reddunt ad aliquid inhabilem, ut Beneficiarium ad percipiendos Beneficii fructus, si Horas non recitet, effectum suum sortiuntur ante sententiam declaratoriam; unde clandestinè conjuncti separari debent: simoniacus realis Beneficium dimittere debet, & fructus perceptos restituere, &c.

R. 4to. Poenæ quæ jure jam acquisito privant, vim communiter non habent ante Judicis sententiam saltè declarativam criminis; etiam si lex ferat eas poenas ipso facto & non expectatâ Judicis sententiâ incurri. Unde quod statuit Pius IV. eos qui confidentiam committunt, Beneficiis ante obitum ipso facto privati, locum non habet nisi post sententiam Judicis. Ex quo sequitur Parochum qui admisit crimen cui annexa est ipso facto privatio Beneficii, validè absolvere poenitentes; & fructus facere suos modò Beneficii munera exequatur. Ita omnes penè Theologi. Et ratio est, tum quia id approbat mater Ecclesia, ut conscientiarum quieti consulatur; tum quia alioqui leges eæ in detrimentum boni publici vergerent, utpote quas nemo aut ferè nemo in praxi sequeretur.

Dixi communiter, quia consuetudine receptum est, ut quædam poenæ ante Judicis sententiam jure jam acquisito privent. Sic conjuges debiti petitione privantur statim ac incestum commiserunt; sic atrocia quædam crimina ipso facto inducunt vacationem Beneficiorum, prout dicam suo loco.

R. 5to. Poenæ quæ propriam rei actionem requirunt, ante quamlibet judicis sententiam subire debent si non sint valde difficiles, ut recitatio Rosarii, moderata corporis castigatio, &c. secus si earum executio sit admodum æcerba, ut venenum haurire, & alia de quibus supra.

Ratio primæ partis est, quia leges eæ nihil præcipiant quod non sit homini moraliter possibile.

Ratio verd secundæ partis, est, quod hæ leges tam duræ, tam inhumanæ, tam naturæ propensioni adversæ forent, ut moraliter possibiles censeri non debeant. Et certè communi usu receptum est, ut qui ob crimen aliquod bonis omnibus ipso facto privati dicuntur per legem, non ante bona sua abdicare teneantur, quam ad id fuerint à Judice condemnati.

Ergo, inquires, poenæ illæ quæ ipso facto incurri dicuntur, non discrepant à poenis ferendæ sententiæ.

R. neg. ant. nam ubi lex poenas imponit ipso facto incurrendas, legislator per semetipsum, reum bonis spoliatur quantum de se est, sub eâ tamen conditione ut declaratio fiat; ubi verò poena est ferendæ sententiæ, non privat, sed remittit Ju-

dici ut priver: unde in primo casu donationes & alia dispositiones quæ crimen subsecutæ sunt, rescinduntur & irritæ evadunt statim ac intervenit declaratoria Judicis sententia, quæ ad ipsum commissi criminis momentum retrahitur; id autem in secundo casu non evenit. Præterea possunt heredes conveniri ad solvendum id quod debebat defunctus vi pœnæ ipso facto contracta; secus si pœna esset solum ferenda.

† Quares 3tio. an ignorantia excuset à pœnâ legis.

R. 1mo. Ignorantia excusans ab omni culpâ, excusat à debito pœnæ: quia pœna, ut pœna, supponit peccatum, quod excludit ignorantia invincibilis. Unde si quis à Judice condemnatur, quia ignorantiam suam probare non potest, potest subtrahere se pœnæ, modò id fiat sine resistentiâ & scandalo.

R. 2do. Ignorantia excusans à gravi culpâ, non autem à veniali, excusat à gravi pœnâ, non autem à levi. Ratio est, quia *pro mensurâ peccati, erit & plagarum modus*, Deuter. 25.

R. 3tio. Ignorantia quæ non excusat à gravi culpâ, sapius non excusat à gravi pœnâ, aliquando tamen excusat.

Prob. 1. pars, quia ignorantia quæ non tollit culpam, non tollit causam pœnæ, nec proinde pœnam.

Prob. 2. pars, quia lex aliquando pœnam iis solum infligit qui *scienter temerè vel præsumptuosè* aliquid faciunt; ergo lex illa certum contemptus, scientiæ, vel præsumptionis modum requirit, quo sublato, qui eam transgreditur, non subjacet pœnæ.

Quòd si quis ex ignorantia affectatâ legem violat, is certè pœnam meretur, quia hæc ignorantia æquiparatur scientiæ, & peccatum adauget.

R. 4to. Ignorantia etiam invincibilis solius pœnæ, non excusat, per se à pœnâ, nisi lex contumaciam requirat. Ratio est, quia qui violat legem, nesciens pœnam lege impostam, ponit totam pœnæ subeundæ causam; hæc enim causa non est pœnæ cognitio, sed culpa.

Dixi, 1mo. non excusat *per se*: quia excusare potest *per accidens*, ut si quis nescierit legem obligare sub mortali, & id cognita pœnæ gravitate cogniturus fuisset.

Dixi 2do. *nisi lex contumaciam requirat*: quia contumacia requiritur, ut quis incurrat censuras.

Sed quid si quis noverit quidem hoc vel illud lege naturali vel divinâ prohibitum esse, sed prorsus ignoret legem humanam quâ id prohibitum est.

Respondent plures, eum adhuc subjacere pœnæ per legem expressâ; quia, inquiunt, qui legem condit, non suæ tantum, sed etiam divinæ naturalisve legis transgressionem punire intendit; unde qui cum impedimento dirimente quod ignorabat, con-

contra
id gen
pronun
der. U
ab hac
contra

Tribu

&
Tribu

fructib

ne bono

sapè v

sonis so

bem in

pro rel

portori

viarum

sonaru

His po

Qua

Tuo.

R. n

pœnæ,

imponi

rebellio

ex gene

Quæ

conscien

R. al

qua su

toribus

subditi

scientia

tum; cu

ligunt

cla, ho

onerum

Idem

quæstio

Christia

contrahit, invalidè contrahit. Hoc quidem exemplum & alia id genus non pauca facillè admifero: fed de omnibus perinde pronuntiare non aufim, quia res ab intentione legiflatoris pender. Ut ut fit, cognofcunt iidem Theologi, excipiendas effe ab hâc regula cenfuras, quas fatentur non incurri, nifi quis contra Ecclefia legem fibi cognitam peccet.

SECTIO SECUNDA.

De Lege tributorum.

TRIBUTUM definitur: Penfio publica, quæ ad regioſ ſumptus, & communes Reipublicæ operas à populo perſolvitur.

Tributum aliud eſt *reale*, quod pro rebus immobilibus & fructibus earū quotannis ſolvitur: aliud *perſonale*, quod ratione bonorum mobilium perſonæ, ac induſtriæ ejus exigitur, & sæpè vocatur *capitatio*; aliud *mixtum*, quod pro rebus & perſonis ſolvitur. Si tributum fuerit impoſitum pro rebus in urbem inveſtis, aut ex illâ eveſtis, vocatur propriè *veſtigal*; ſi pro rebus quæ transferuntur per pontes & flumina, dicitur *portorium*; ſi pro tranſeuntibus per viam ſeu locum, idque ad viarum cuſtodiam & reſectionem, *pedagium*; ſi pro operis perſonarum, putà pro iis qui excubias agunt, dicitur *angaria*; &c. His poſitis.

Quæres 1mo. an lex tributorum ſit merè pænalis ex genere ſuo.

R. negat. quia imponi poteſt tributum ſine comminatione pænæ, & non in pœnam delicti. Non nego tamen tributa imponi aliquando poſſè in pœnam criminis alicujus v. g. rebellionis, nego tantùm ea ſic communiter imponi; unde dixi, *ex genere ſuo* non eſſe pœnalia.

Quæres 2do. an lex tributorum verè & propriè obliget in conſcientiâ.

R. affirmativè; 1mo. quia Chriſtus Matth. 12. ait, *reddite quæ ſunt Cæſaris, Cæſari*; ubi ſermo erat de cenſu Imperatoribus perſolvendo, & Apoſtolus Rom. 13. *Ideo neceſſitate ſubditi eſtote*; non ſolum propter iram, ſed etiam propter conſcientiam; *reddite ergo omnibus debita: cui tributum, tributum; cui veſtigal, veſtigal.* Unde ſic: Veſtigalis nomine intelligunt eo loci Interpretes, quod nos vulgari linguâ dicimus, *cta, komory, moſtowe* &c. atqui ex Apoſtolo ſolutio horumce onerum neceſſaria eſt in conſcientiâ; ergo.

Idem docet Sanctus Auguſtinus in expoſit. quarumdam quæſtionum Epiſt. ad Rom. *Si quis, inquit, putat quoniam Chriſtianus eſt, non ſibi eſſe veſtigal reddendum..... in magno er-*

rote *versatur*: accedit censura huiusce propositionis, *Subditi possunt iusta tributa non solvere*, quæ an. 1700. à Clero Gallicano damnata est, ut *seditiosa, & Apostolica doctrina contradicens*. Ex quibus colliges eos qui vectigalia iusta defraudant, non solum mortaliter peccare, sed etiam furtum committere, & proinde ante omnem Iudicis sententiam obligari ad restituendum Principi, aut illi qui gabellas conduxit. Ità Sylvester, & alii apud Azor.

Quæres 3tio. an gabellæ si non petantur, debeant in conscientia solvi.

R. Quotiescumque existit lex aut consuetudo, ut qui rem transfert per certa loca, hanc exhibeat, & pro eâ gabellam solvat, tunc res illa debet in conscientiâ manifestari, quia lex vel consuetudo ad id obligat. Quod si ex consuetudine manifestatio hæc, & quæ eam sequitur solutio, nonnisi ad Publicanorum petitionem fiat, non videtur ad solvendum obligatus is à quo nihil exigitur: unde damnum hoc negligentia suæ imputare debent exactores. Aliud enim est non dare quod à te non petitur, aliud per dolum efficere, ut nec petatur, nec peti possit; unde rejiciendum est quod docent aliqui licitum esse occultare venditionem, aut per invia loca transire, nè gabella petatur.

Quæres 4to. an qui scienter emunt merces, fraudatâ gabellâ introductas, sâl v. g. carnes, tabacum, & alias id genus legibus regis in Parlamento verificatis prohibitas, teneantur ad restitutionem.

R. affirmat. cum Authore Collat. Paris. qui etiam contendit emptores præ venditoribus ad restituendum obligari, quia Princeps ius habet prælationis & quasi hypothecæ in prædictas merces, vi cuius eas ubicumque sint occupare potest.

Quod si emptor dubitet, etiam non sine fundamento, tutum venditor jura persolverit, putâ quia animadvertit eum pretio satis vili vendere, censet citatus autor,, nullam ei tunc incumbere obligationem restituendi; quod probat ex ipsâ legum dispositione. Non puto, ait Lex 10. de jure fisci, *delinquere eum qui in dubiis questionibus contra fiscum facile responderit*.

Quæres 5to. an in dubio num iusta sit necne lex tributî, sit ejus solvendi obligatio.

R. 1mo. tributum verè & certò injustum à subditis non deberi. Ut autem tributum sit reipsâ iustum, tria requiri solent: 1mo. quidem potestas imponendi tributum, quæ per se soli supremo Principi competit; 2do. legitima causa; ut nempe ob bonum publicum imponatur; 3tio. proportio tributum inter & causam tributî, adeò ut parvum pro causâ mediocri, tempore

râle

rale pro temporali necessitate imponatur. Requiritur etiam proportio ad personas, ut nimirum plus exigatur ab eo qui plus potest, minus ab eo qui minus habet facultatum: quare graviter peccant, & pauperibus quorum lationis causa fuerunt, restituere debent viri illi nobiles, qui cum bona possideant plebeias; * tributis obnoxia, ab iisdem tamen sese eximunt; unde fit ut divitum onera in pauperes refundantur. Ita casum hunc solverunt Doctores Sorbonici 30. qui & supposita facti notorierate, homines ad Sacramenta admitti non posse definierunt.

R. 2do. in dubio de iustitia tributi illud solvendum esse, nisi rationes quæ contra pugnant, sint longè graviores oppositis. Ratio est, quia in dubio æquali aut penè æquali, præsumendum est in favorem Principis possidentis facultatem præcipiendi. Decisio hæc sequitur ex iis quæ dicta sunt de Probabilitate.

SECTIO TERTIA.

De Lege irritante.

Lex irritans ea est quæ actum cui certæ desunt conditiones, nullum & invalidum facit.

Certum est de facto dari leges quæ certas in contractibus requirunt conditiones, quarum defectu iidem in irritum abeunt: sic Jure civili irritatur testamentum sine sufficienti testium numero factum; & Jure canonico, matrimonium clandestinum.

Irritatio multiplex est, imo. enim altera incurritur ipso jure, & ante Judicis sententiam, quo sensu irritum est se ipso matrimonium clandestinum; altera non nisi post Judicis sententiam incurritur, sic contractus in quo quis ultra medietatem justii pretii deceptus est, tamdiu valet donec eum Juxta irritum fecerit.

2do. Alia est *explicita*, quæ distinctè exprimitur, v. g. *Sires aliter fiat, non valeat, crearet omni robore, &c.* alia *implicita*, quæ fit verbis æquivalentibus, ut si præscribatur forma quæ in contractu necessariò debeat servari.

3tio. Alia est *penalis*, *legalis* altera. Pœnalis ea est quæ inducit in odium personæ & actionis ejus, ut cum irritatur matrimonium contrahentis cum ea quam polluit per adulterium sub spe futuri conjugii. Legalis ea est quæ non fit in pœnam peccati, sed in bonum privatae personæ, aut communis, ut cum irritatur professio ante annum 16. expletum in bonum utique tum profientis, tum Religionis.

Quares 1mo. an lex irritans obliget in conscientia.

R. 1mo. legem ipso jure irritantem hoc sensu obligare, imo. quod non liceat uti actu per legem irritato, quasi validus sit

* *Mieyskie dobra.*

2do,

2do. quòd nequidem actum illum exercere liceat, si vel id materia legis postulet, vel legislator satis significet velle se ut ab eo actu absteineatur.

Prob. 1. pars: quia actus qui ipso jure invalidus est, reverà non valet; cùm lex quâ irritatur, ipsum priver omni robore, ut patet in matrimonio clandestinè contracto.

Prob. 2. pars. Ab eo actu omnino abstinendum est, quem lex non irritat solum sed & prohibet: atqui tales sunt actus quidam per leges irritati; atque id patet in allato matrimonii clandestini exemplo, quod nè attentare quidem licet. Porro non omnes actus qui lege irriti sunt, simul sunt prohibiti: etsi enim irrita sit renunciatio paternæ hereditari facta à filiâ quæ dote suâ contenta est; non tamen peccat puella quæ hereditati suæ renuntiat; unde valeret renunciatio hæc, si juramento confirmata esset, & tamen juramentum peccati vinculum esse non potest.

R. 3tio. Lex quæ ipso facto actum non irritat, sed eum solummodò præcipit irritari, non obligat ante sententiam Judicis. Ratio est, quia irritatio est actus proprius publicæ potestatis; ergo si non fit per legem, fieri debet per Judicem, à quo solo leges eam fieri permittunt; ergo actus hoc incasum tandiù valebit, donec reipsâ à Judice irritetur.

Quæres 2do. an lex eo ipso sit irritans, quo est prohibens.

R. negat. quia ex cap. 16. *De regul. Multa fieri prohibentur, quæ si facta fuerint obtinent firmitatem.* Et verò aliud est prohibere, aliud irritare: undè nec quod irritatur, semper prohibitum est, ut modò dixi; nec quod prohibetur, semper est irritum, ut patet in matrimoniis quæ post emissum simplex castitatis votum contrahuntur.

Quæres 3tio. quanam impediant nè lex actum ipso facto irritans, habeat effectum suum.

R. 1mo. Si lex non irritet actum, nisi in vindictam culpæ, irritatio impeditur per omnem causam quæ excusât à culpâ. Sic qui ex oblivione merè naturali omittit Horas, facit fructus suos, licet extet lex quâ irritatur fructuum acquisitio ab iis facta qui Officium omittunt. Potest tamen aliquando Ecclesia in contemptum re aliquâ privare in odium culpæ alienæ, v. g. Beneficio, quod ex simonia sibi incognitâ comparavit: quod etiam facit potestas secularis, cùm v. g. rebellis hominis filios & bonis & nobilitate spoliât.

R. 2do. Qui invincibiliter ignorat actum aliquem irritari per legem, sed legem quâ actus prohibetur non ignorat, subiacet irritationi, quamvis hæc in solius culpæ vindictam statutâ fuerit. Undè Beneficiarius qui novit Horarum recitationem
per

per Ecclesiæ legem imperari, nequit autem fructuum receptionem ab eo factam, qui non recitat, esse irritam, non facit fructus suos. Ratio est, quia ignorantia pœnæ non tollit culpam quæ totalis est & adæquata causa irritationis; ergo nec irritationem ipsam tollere debet.

R. 3tio. Ignorantia etiam inculcata legis irritantis, non impedit actus irritationem, si irritatio immediatè facta sit propter bonum commune. Ità omnes. Pater hoc, tum in testamento sine legitimis solemnitatibus condito; tum in matrimonio quod quis bonâ fide absente Parocho celebrasset. Ratio est 1mo. quia leges tam necessariæ effectum suum absolute habere debent, quia hoc absolute intendit & intendere debet legislator; 2do. quia, ut alibi dictum est, leges illæ non fundantur in præsumptione facti, sed in præsumptione vel potius in certâ scientiâ periculi, nè quid fiat contra bonum commune; ergo cum periculum hoc semper existat, lex semper vigere debet.

SECTIO QUARTA.

De lege civili, Ecclesiastica &c.

JUS civile in Gallia coalescit 1mo. ex consuetudinibus, quæ licet vim primam ex solo populorum consensu desumpserint, hodie scriptæ esse debent; 2do. ex Jure Romano, quo statim loquar; 3tio. ex Concordatis & Pragmaticis sanctionibus; 4to. ex legibus per Reges nostros latis, quæ si proprio Principis motu efferuntur, vocantur *Editæ*; cum autem à Rege ad Magistratum aut populorum preces conceduntur, dici solent *Constitutiones*, gallicè *Ordonnances*; ac demum *Declarationes* cum leges jam antè conditas restringunt, amplificant, aut quolibet modo interpretantur.

In Polonia Jus Civile coalescit 1mo Pro Ordinibus Regni ex statutis, constitutionibus, & Pactis conventis quibus Rex Republicæ obligatur ad servanda ejus Jura & Respublica vicissim Regi ad tuenda Jura Majestatis, subinde novæ leges Pactis Conventis adjunguntur. Statuta à Constitutionibus ratione temporis potissimum differunt; Leges enim Poloniæ ad tempora sigismundi 1. statutorum nomen cum haberent, à temporibus sigismundi augusti Constitutionum nomine inscribi ceperunt 2. civitates Provinciarum Poloniæ quædam lege Magdeburgensi, quædam verò Lege Culmensi reguntur. In singularibus verò casibus ubi desunt Leges propriæ tam inter ordines Regni, quam in Civitatibus Jus Romanum adhibetur.

Jus Romanum, quod etiam commune nuncupatur, ferè totum

tum obtinet in multis Galliarum Provinciis, quales sunt Occitania, Provincia, Delphinatus, & aliarum quardam Regni partes, quæ quia sequuntur Jus Romanum quod Jus scriptum vocari solet, appellantur Provinciæ *Juris scripti*, ad discrimen aliarum Regni Provinciarum, quæ *consuetudinariæ* vocantur, quia suas sequuntur consuetudines. Unde consuetudo in præfenti definiti potest, Jus particulare quod certis in Provinciis viget: sic dicitur consuetudo Aurelianensis, &c.

Circà hoc tria notanda: 1mo. quòd si quando Regiæ Constitutiones Juri Romano derogant, iis obsequendum sit etiam in regionibus quæ jure scripto utuntur. quia totam eo utendi facultatem habent à Rege.

2do. quòd etsi Jus Romanum in Provinciis consuetudinarius vim legis non habeat, plenius tamen oculis legi debet ab iis etiam qui hisce in Provinciis jus dicunt, quia cum deficiunt, ut sapius evenit locorum consuetudines; ad *jus commune & Romanum confugimus* non quidem ut ad legem necessariam, sed ut ad æqui & recti normam.

3io. quòd graviter & periculose hallucinantur ii à Confessariis, qui, ut obvios conscientiarum casus resolvant, recurrunt, ad Theologos qui, ut Lessius, Lugo & Suarez jus solum Cæsareum citant & assumunt. Cum enim jus illud usibus & moribus nostris sapius advesetur, manifestum est ejus auctoritatem per se ad decisionem legitimam non sufficere. Opandum igitur, si non necessarium, ut Confessarii aliqualem Gallicani juris ideam sibi comparent, nè multa admittant quæ privatis Regni legibus prohibita sunt: saltè igitur legant Institutiones D. Argou. & nec non & locorum in quibus versantur consuetudines; deinde verò peritiores sive Confessarios, sive Jurisperitos frequenter interrogare nec verentur nec erubescant: eà tamen lege ut à Jurisperitis principia, à semetipsis verò, aut à melioribus Theologis casuum resolutiones desumant. Aliter enim plerumque definiunt Advocati & Magistratus; aliter verò Confessarii, qui multa Judicibus secularibus occulta, & occultanda comperiunt in pœnitentiæ tribunali.

* Jus canonicum est congeries legum, quibus personarum, judiciorum, & res Ecclesiasticarum potissimum diriguntur. Jus illud partibus sex constat, Decreto scilicet, Decretalibus, Sexto Decretalium, Clementinis. Extra vagantibus communibus, & Extravagantibus Joannis XXII.

Quæres 1mo. quæ sit Juris hujus auctoritas.

Certum est 1mo. Decretum Gratiani, quod etiam post ipsius emendationem Romæ factam, mendis non caret, non aliam habere

* in Polonia consuli potest Zafasemski.

habere auctoritatem quàm habeant Canones, aut Patrum textus, ex quibus Decretum illud coalescit.

Certum 2do. videri debet, Jus canonicum quod præsertim in Decretalibus Gregorii IX. & Clementinis continetur, magni ponderis esse: 1mo. quia Galli quidquid penè Juris canonici habent circa electiones, postulationes, matrimonii impedimenta, & omnes ferè censuras, ex Jure Pontificio desumpsere: si autem ex jure illo principia desumpsimus, an non æquum est ut ejus decisiones circa casus è principii consuetarios teneamus? 2do. quia pleraque Decretalium statuta, è generalibus Conciliis Lateranenibus, Lugdunensibus, & Viennensi, aut è Pontificibus Romanis, qui profundam canonici Juris notitiam habebant, excerpta sunt: quidni ergo e a sequeremur in his quæ aliunde moribus nostris non repugnant? 3tio. quia si unusquisque Decretales pro nra rejicere poterit, jam quot erunt capita, tot erunt Jurisprudentiæ, quod, quàm rectæ rationi adversetur, nemo non intelligit. Et verò causæ quæ apud ipsos Angliæ & Germaniæ Protestantes, circa jurisdictionem Ecclesiasticam suboriuntur, non ex civilium legum præscripto, sed ex Jure in Decretalibus contento dirimuntur. An igitur Ecclesiæ filii Jus canonicum contemnent, quod impensè æstiment & sequuntur heterodoxi.

Quod dicunt aliqui, ut à Juris Canonici studio avertant, falsas Decretales ibidem perinde ac genuinas in probationem adduci; hoc, inquam, solidè confutat Gilbert Tom, 1. Institut. eccles. * ubi animadvertit è Canonibus mille in Jure citatis vix unum esse spurium: cum in torâ Gregorii IX. Collectione, non nisi 14. falsi Canones citentur; nulli verò prorsus occurrant in Collectionibus posterioribus. Plures quidem hac in parte naves habet Decretum Gratiani, sed qui nihil ferè sunt, si comparentur cum genuinis ejusdem citationibus. Adde quòd hic error quilibet vitari facilè possit ab eo qui semel meminerit Decretales omnes Romanorum ** Pontificum Siricio Papa antiquiorum esse supposititias.

* CAPUT SEXTUM.

De Dispensatione.

Dicemus 1mo. de essentia & divisione dispensationis: itè de causa ejus efficiente; 2do. de conditionibus ad eam requisitis: 3tio. de defectibus qui dispensationem irritant; 4to. de causis propter quas cessat dispensatio.

ARTI-

* Pag. 7. * *Creatus est Pontifex an. 985.*

ARTICULUS PRIMUS.

Quid Dispensatio, quotuplex & à quo detur.

Dispensatio definitur, Relaxatio legis legitimâ autoritate concessa quibusdam personis in aliquo casu in quo lex alioqui obligaret.

Dicitur 1mo. *relaxatio*, seu exemptio; eaque vox locum habet generis, quia per eam dispensatio convenit cum aliâ quâcumque vinculi legis ablatione, sive fiat per abrogationem. sive per privilegium.

Dicitur 2do. *legis*: quo nomine intelliguntur etiam statuta, & aliæ leges quæ in Jure communi non continentur.

Dicitur 3tio. *legitima autoritate facta*; dispensatio enim actus est jurisdictionis, & eo nomine differt ab epikeiâ quæ non est jurisdictionis actus, sed doctrinæ & prudentiæ, prout ex dictis colligi potest. Dicitur 4to. *quibusdam personis*, sub quibus non privati solum comprehenduntur, sed & Congregationes, Conventus & similia, quæ sunt personæ fictæ.

Dicitur 5to. *in aliquo casu, &c.* Unde rursus differt dispensatio tum ab epikeiâ, quæ iis solum in casibus locum habet ubi lex judicatur non obligare; tum à licentiâ, seu permissione, quâ non relaxatur obligatio legis, sed permittitur ut aliquid fiat contra modum à lege præscriptum: si Superior permittit Monacho ut aliquid donet, nec tamen in paupertatis voto dispensat.

Dispensatio dividitur 1mo. in *totalem*, quæ omnino aufert obligationem legis, ut cum irregularis dispensatur ad omnes Ordines; & *partialem*, quæ solum ex parte obligationem relaxat, ut si irregulari sola minorum Ordinum susceptio permittatur.

Dividitur 2do. in *necessariam* & *voluntariam*. Dispensatio necessaria ea est quæ iis à quibus petitur negari non debet, ut contingit 1mo. cum commune bonum aliter procurari, aut commune scandalum aliter vitari nequit; 2do. cum alioqui periclitaretur spirituale bonum postulantis; 3tio. cum à lege vel ab homine constitutum est, ut dispensatio in tali casu concedatur, quod maximè fieri solet in dispensationibus circa poenas post condignam satisfactionem; 4to. cum licet causa dispensandi non inducat debitum justitiæ, inducit tamen debitum misericordiæ; hæc enim aliquantulum debetur, cum proximus graviter indiget, & sine dispendio sublevari potest.

Quia

Quia tamen iniustitia Superioris non tollit legis vinculum, hinc qui dispensationem etiam debitam non obtinet, tenetur ad observationem legis, nisi lex ei tam nociva fiat, ut cum tanto discrimine non obliget, prout alibi dictum est. Dispensatio voluntaria est ea, quæ, licet iustam habeat causam, non est tamen debita, quia nullum ex modò recensitis urget incommodum.

Dividitur 3tio. in eam quæ justificatur ex causâ intrinsecâ, ut si v. g. lex jejunii alicui fiat nimis onerosa, & eam quæ conceditur ob rationes extrinsecas, scientiam, v. g. aut etiam nobilitatem, quia horum remuneratio in Ecclesiæ bonum redundat.

Dividitur 4to. in *expressam*, & *tacitam*. Dispensatio expressa ea est quæ verbis vel signis Superioris voluntatem satis manifestantibus conceditur. Verba quibus uti debeat dispensator, nulla in Jure determinantur, neque necesse est, ut dispensatio detur in scriptis, nisi id Jure cautum sit. Dispensatio potest esse expressa absque eo, quòd materia ejus specificè declaretur, unde sufficere potest verbum generale, ut, *Dispenso tecum in impedimento, si quod habes*. Dispensatio tacita est ea, quæ licet in se & directè non concedatur, conceditur in alio, quod sine dispensatione fieri non potest: sic Superior qui scit me actum esse irregularem, præcipiendo, ut Ordines suscipiam, censetur in irregularitate dispensare.

Verùm hic duplex movetur difficultas. Prima, an ad dispensationem sufficiat rati habitio de futuro, id est, præsumpta voluntas Superioris, qui probabiliter judicetur dispensaturus si sciret, vel gratum habiturus cùm sciet; etsi nec sciat, nec velit, quo tempore, is qui dispensatione indiget, contra legem operatur. Secunda, an cùm Superior qui videt è subditis suis quempiam contra leges agentem, nec contradicit, cùm facillè & absque incommodo contradicere posset, an, inquam, talis Superior censetur virtualiter dispensare in lege.

R. ad 1. rati habitationem ordinariè non sufficere: imò. quia voluntas præsumpta præcipiendi, non imponit obligationem actu obediendi; ergo nec voluntas præsumpta tollendi vinculum, vinculum actu solvit; 2do. ut illegitimus ordinetur, ut Sacerdos validè absolvat, haud satis est, ut præsumatur licentiam hæc faciendi à Superioribus concedendam esse, si peteretur, quia aliud est, concederem, aliud, reipsâ concedo; ergo.

Dixi ordinariè, quia nonnulli sunt casus in quibus ex usu communi sufficere, potest præsumpta Superioris voluntas. Sic Religiosus potest de pecuniâ disponere emendo librum. quem

foruitò invenit, & cujus emptionem à Superiore improbandam non esse cognoscit.

R. ad 2. Diviti sunt hîc Theologi. Iis credimus adhærendum, qui censent silentium Superioris pro dispensatione haberi non posse: 1mo. quia ad dispensationem requiritur voluntas concessiva, nec sufficit permissiva, qualis in eo esse videtur qui solum tacet; 2do. quia sæpè fieri potest, ut Prælati silentium oriatur ex negligentia, nimiave pusillanimitate, adeoque licet Superior non excusetur à culpa, non idèò præsumi debet dispensare; 3tio. quia hæc opinio, & tutior est, & non minùs probabilis, quàm opposita.

Quod spectat ad causam efficientem dispensationis, ante omnia certum est in lege humana dispensari aliquando posse, atque id constat: 1mo. ex unanimi legislatorum & subditorum consensu, quorum illi se certis in casibus dispensare posse, hi verò secum dispensari posse semper crediderunt; 2do. ex Jure canonico, ubi plurima dispensationum exempla referuntur & approbatur id S. Cyrilli Alexandrin ad Gennadium, *Dispensationes nonnunquam cogunt parùm à debito exire*; * 3tio. ex Conciliis, præsertim ex Tridentino Sess. 25. cap. 18. ubi ostenditur dispensationes aliquando necessarias esse, 4to. demum ratione: quia qui legem in toto vel in parte tollere potest respectu totius communitatis, à fortiori eandem respectu unius aut alterius relaxare potest.

Inquirendum ergo superest quibus competat dispensandi facultas. Ut solvatur quæstio, notandum est potestatem dispensandi aliam esse *ordinariam*, quæ alicui convenit ratione officii sui; & *delegatam*, quæ convenit ex concessione illius qui habet ordinariam. De utraque loquimur. Itaque sit.

CONCLUSIO I. Legislator tum in suis, tum in prædecessorum suorum & inferiorum legibus dispensare potest.

Prob. 1. pars: quia lex non obligat, nisi ex voluntate legislatoris; ergo sublatâ hæc voluntate, ut per dispensationem tollitur, lex obligare definit.

Prob. 2. pars, quia superior parem cum prædecessoribus suis potestatem habet, neque ii successorum manus ligare possunt.

Prob. 3. pars, quia superior inferiorum leges approbare aut abrogare potest; adeoque & in ipsis dispensare.

Ex his sequitur Romanum Pontificem dispensare posse in omnibus quæ Juris sunt merè canonici, in legibus suorum prædecessorum, in decretis Conciliorum etiam generalium, imò etiam in legibus quas Apostoli auctoritate humanâ condiderunt. Et verò si id non possit Papa, neque id alii poterunt Episcopi, adeoque recurrendum erit ad Concilium universale

* 1. q. 7. c. 16.

ut obtineatur dispensatio, quam sine mora concedi aliquando necesse est; idem adstruit Ecclesiæ praxis, secundum quam sæpius dispensatum est cum neophytis & bigamis; quos tamen ab Episcopatu arcet S. Paulus. Ceterum multi sunt casus, in quibus vult ipse Papa, ut rescripta sua executioni non mandentur, ut patet ex cap. 10. *De rescriptis*.

CONCLUSIO II. Inferiores non possunt ordinariè in superioris sui legibus dispensare.

Prob. quia dispensatio est actus jurisdictionis; atqui inferior, eo ipso quo talis est nullam habet jurisdictionem in leges superioris; ergo vere dixit Clemens V. *Lex superioris per inferiorem tolli non potest*; * id est, nec modificari, nec dispensari.

Dixi, ordinariè: quia inferior in lege superioris dispensare potest, 1mo. cum Jus id permittit, sive *expressè*, ut cum Tridentinum Sess. 24. c. 6. concedit Episcopis ut dispensent in irregularitatibus omnibus & suspensionibus, excepta eà quæ oritur ex homicidio voluntario, &c. sive etiam *implicite*, seu non designato singulariter dispensatore, quia verba quibus permittitur dispensatio, necessario diriguntur ad Episcopum; cum non dirigantur ad Papam, qui hæc licentia non indiget ad dispensandum.

2do. Cum obtinuit consuetudo ut inferior dispense in lege superioris: nam dispensandi facultas, ut auferitur consuetudine legitime præscripta, sic & eadem acquiri potest. Hinc aliqui ex Galliæ Episcopis in tertio & quarto consanguinitatis gradu, alii in quarto solum, alii non nisi cum pauperibus dispensant, &c. Hinc etiam Parochi dispensant in jejuniis Ecclesiasticis, etiam si facilis sit ad Episcopum recursus. Hinc demum Episcopus potest in sua Diocesi dispensare in legibus Concilii Provincialis (modò reservatæ non sint) etsi ipse Archi-Episcopus iisdem legibus subiaceat quoad vim coactivam.

3tio. Cum vel levis est materia, quæ ad peccatum mortale non obligat; nimis enim molestum esset in minimis semper recurrere ad superiorem: vel sæpè recurrit dispensandi necessitas; hinc Episcopi dispensant in recitatione Officii divini, non quidem in perpetuum, sed ex causa transeunte.

4to. Potest etiam Episcopus dispensare in generalibus Ecclesiæ legibus, sive sint de irregularitatibus, sive de votis Papæ reservatis, sive de impedimentis dirimentibus matrimonii non solum contracti, sed etiam contrahendi, (licet hoc ultimum rarius contingat) cum Pontifex, aut qui vices ejus gerit, non nisi difficillimè adiri potest, ob locorum distantiam, vel pau-

R 2

per-

* Clem. 2. De electione.

peritatem eorum qui dispensatione indigent, & est periculum in mora, sive infamia & scandalum, sive gravis alterius mali.

Quares an infetior dispensare possit in lege quam superior sibi expresse non reservavit.

R. negat. quia inferior superioris jura mutare non potest, nisi ex ejus consensu: sed superior facultatem hanc inferiori concessisse non censetur eo ipso quo eandem sibi non reservavit. Hinc Honorius III. redarguit Episcopum qui eadem die plures sacros Ordines contulerat, quia hæc *dispensatio ei a canone minime permiffa* erat, ideoque prohibita: unde etiam multæ sunt irregularitates & inhabilitates in quibus Episcopi dispensare non possunt, quia id eis Jure permiffum non est licet id eis sit prohibitum.

Nec nocet quod aliquando superior legis dispensationem sibi reserve; hoc enim fit ad majorem cautelam: abundans autem cautela non nocet, nec ex ejus defectu quidquam colligi potest.

Nec rursus nocet quod Episcopus vi officii sui in Diocesi suâ posse dicitur quidquid potest Papa in totâ Ecclesiâ nisi potestas ejus limitetur: nam axioma illud nec in Jure canonico habetur, nec nititur firmâ ratione; imò veritati repugnat, si generaliter accipitur ut verba sonant: alioqui enim posset Episcopus ponere impedimenta matrimonium dirimentia, Confirmationis conferendæ potestatem simplici Presbytero committere, novos Episcopatus instituere, quæ omnia falsâ sunt. Citatum igitur axioma hoc solum sensu verum est, vel quod Episcopus possit id omne quod sibi seu à Jure, seu consuetudine legitimâ permiffum est; vel quod possit de Jure communi ea omnia in sua Diocesi exercere, quæ ad ordinariam ejus gubernationem necessaria sunt, cum debita tamen canonicis legibus subordinatione.

In dubio an dispensatio sit necessaria in tali casu potest Episcopus dispensare: sicut enim votum non reservatur Papæ, si dubium sit; sic nec lex in dubio, eidem reservatur. Unum addo, eum scilicet qui in lege aliquâ dispensat, posse unâ cum dispensatione jungere commutationem, & aliquod pium opus imponere quod loco actûs per legem præscripti exerceatur; sic ei qui à jejunii lege dispensatur, imponi potest elemosyna, modò non per modum stipendii quod dispensator percipiat, hoc enim verat Tridentinum Sess. 25. cap. de reformat.

Quod spectat ad potestatem delegatam dispensandi, hæc de eâ communiter traduntur: 1mo. qui potestatem dispensandi ordinariam habet, eam aliis delegare potest ut ipsâ utantur juxta formam ab ipso præscriptam; 2do. delegatus si potestatem

tem pu
potellat
curor.

Excipi
superiore
prohibita
ut huic co
universita
nus rural
notum a
matrimon
gnitio &
caulam,
mittere;
gatus ut
pit jurisd

Quere
R. diff
subditos
si subdit
dispensat
alteri po

Sensus
per il
Conce
concedit,
Prob.
tionabilis
ximendus
alios qui
tam est
tur S. B
concedi n
Est an
ria gravi
quis agit
ritatem,
tant ider

tem purè delegatam habet, non potest eam subdelegare, quia potestatem hanc non accipit ut dominus, sed ut simplex executor.

Excipiuntur 1^{mo}. delegatus Papæ, & cujuslibet Principis superiorem non agnoscentis, qui in his quæ sibi à superiore prohibita non sunt, potest alium subdelegare; non sic tamen ut huic concedat potestatem subdelegandi; 2^{do}. delegatus ad universitatem causarum in aliquo genere vel loco: unde Decanus ruralis, aut quilibet alius, etiam ab officio ad Episcopi nutum amovibilis, cui omnium certi generis causarum, v. g. matrimonialium, vel omnium prorsus, sed in certo loco, cognitio & examen commissa fuerint, potest unam alteramve causam, non tamen ipsam causarum universitatem alii committere; 3^{tio}. delegatus cui permiserit expressè aut tacitè delegatus ut alium subdeleget, quia tunc subdelegatus non accipit jurisdictionem à delegato, sed ab ipso Ordinario.

Quæres quinam a legibus dispensari possint.

R. dispensationem, utpote jurisdictionis actum, non nisi in subditos exerceri posse. Etsi verò legislator non sit sibi metipsum subditus, potest tamen sibi dispensationem procurare, seu dispensando cum communitate cujus est pars, seutribuendo alteri potestatem vi cujus ab eo dispensetur.

ARTICULUS SECUNDUS.

An legitima sit Dispensatio sine causâ.

Sensus quæstionis est, 1^{mo}. an dispensatio sine causâ sit semper illicita; 2^{do}. an sit aliquando valida. Sit

CONCLUSIO I. Dispensatio sine causâ est illicita, tum ei qui concedit, tum ei cui conceditur.

Prob. 1. pars: quia talis dispensatio imprudens est & irrationabilis, prout à communi onere eum eximit qui non est eximendus, adeoque includit vitium acceptionis personarum, & alios qui sub lege gemunt, querelis exponit: uno verbo, non tam est dispensatio, quàm *crudelis dissipatio*, ut vividè loquitur S. Bernardus Lib. 3. *De consid.* c. 4. ergo sine peccato concedi non potest.

Est autem peccatum illud ex genere suo mortale, si materia gravis sit: quia peccatum illud grave censeri debet, quo quis agit contra officium proprium, bonum commune, & charitatem, præbendo occasionem peccandi benè multis, qui putant idem sibi licere quod aliis, quos absque ullâ speciali causâ ab

sâ ab observandis legibus abstinere vident. Si verò legis materia levis sit, vel leviter præcepta, peccatum, per se loquendo, solum veniale erit. Sed hic nota eum qui dispensationem malè datam non revocat quoad usum futurum, peccare quandiu non revocat; sicut qui furatus est; peccat quandiu non restituit.

Obj. Quotidie à tribus & amplius seculis dantur in Curia Romana dispensationes quæ dicuntur sine causa; ergo.

Papam in harum dispensationum concessione, hac formula uti, *Ex certis rationalibus causis, animum nostrum moventibus*: unde sequitur eas dispensationes in rei veritate non concedi sine causa, tametsi causa non exprimatur. Præterea qui hujusmodi dispensationes obtinent, notabilem pecuniæ summam Camera Apostolicæ solvunt: hæc autem summa transit in partem causæ quia summus Pontifex ipsam impendit in usus Reipublicæ Christianæ necessarios, aut summè utiles: v. g. ut Principibus Christianis opituletur, ut ope Missionum fidem extendat; eæ ergo dispensationes non immeritò per Ecclesiæ consensum receptæ sunt, ut notat Illust. de Marca. Certè si nobilitas ad obtinendam dispensationem inserviat, quidni eandem in finem inservire possit copiosa eleemosynarum largitio?

Prob. 2. pars: qui enim sine legitima ratione dispensationem obtinet, peccat: 1mo. eam petendo, quia alium inducit ad peccatum; 2do. eam etiam ultro oblatam acceptando, quia peccato superioris cooperatur; 3tio. ea utendo, etiam cum valida est: etsi enim tunc legem humanam non violat, quia ea ligari desiit, violat tamen legem naturæ, quæ præcipit ut pars sine causa non discorde à toto: hujus autem peccati gravisitas à materiæ gravitate reperenda est. Non peccat tamen sive qui bona fide existimat se legitimam habere petendæ dispensationis causam; sive qui dubius an sufficientem habeat, totum ejus examen superiori relinquit, & ejus judicium expectat.

CONCLUSIO II. Dispensatio sine causa valida est, si concedatur à legislatore in propria lege, aut ab ejus superiore vel æquali: invalida verò est, concedatur ab inferiore in lege superioris, v. g. à Papa in votis & juramentis, quæ sunt de jure divine; aut ab Episcopis in impedimentis matrimonii, quæ sunt leges universalis Ecclesiæ, cui inferiores sunt Episcopi.

Hæc secunda pars ab omnibus admittitur, & meritò; quia superior non censetur dare inferiori potentiam dispensandi imprudenter & absque ratione quin & inferior scienter dispensans sine causa, peccat mortaliter si lex natura sua obliget ad

mor-

mortale
sationem
sationem
culari po
lam habe
alterum

His præ

Prob. 1

legislatori

condere,

ut hos fol

causa quo

Obj. 1

sine caus

quæ ad

obligatio

R. Vel

dispensar

peccare

patiatur

vi ipsaru

in lege

Obj.

tineat

obstante

R. ne

dem con

spensati

ab aliis d

causa di

abstinen

peccant,

ras non

ipfos ac

Quæ

R. no

qualis ca

bendam

& condi

rest; im

se suffic

opus di

justam

quibusd

mortale: nec minùs graviter peccat qui sciens & volens dispensationem sine causa sollicitat: imò etsi dispensator qui dispensationem concedit sine causa, ob bonam fidem à peccato excusari possit, haud tamen excusatur subditus qui sciens se nullam habere causam, dispensationem petit, quia nemini licet alterum inducere ad peccatum etiam materialiter sumptum. His præmissis,

Prob. 1mo. pars quæ magis controvertitur; lex vim suam à legislatoris voluntate totam habet, ergo sicut potuit legem non condere, aut eam abrogare, sine causa aut: ab initio decernere ut hos solum non illos obstringat, ita validè poterit etiam sine causa quos voluerit ab ejus vinculo eximere.

Obj. 1mo. Legislator non potest secum dispensare validè sine causa, alioqui lege sua non obligaretur, cum obligatio quæ ad nutum & sine causa tolli potest, non sit veri nominis obligatio; ergo neque cum aliis dispensare potest sine causa.

R. Vel legislator directè legibus suis tenetur, & tunc secum dispensare potest validè, etiam sine causa, nec tamen desinet peccare contra naturæ legem, quæ vult ut quis cum potest, patriatur legem quam ipse tulerit; vel non tenetur legibus suis vi ipsarum, & tunc mirum non est, si secum dispensare nequeat in lege cui non subjacet.

Obj. 2do. Peccat subditus qui utitur dispensatione quam obtinuit sine causa: atqui non peccat, nisi quia lege tenetur non obstante dispensatione; ergo.

R. neg. min. Ideò enim injustè dispensatus peccat, & quidem contra eandem virtutem contra quam peccant ii qui dispensati non sunt, quia lex naturæ vult, ut qui nullam habent ab aliis dissentendi rationem, iis non discordent; porrò qui sine causa dispensati sunt, nullam revera rationem habent ab iis abstinendi ad quæ alii vi legis humanæ tenentur; ergo verè peccant, non quia subsistat erga eos lex humana (unde censuras non contrahunt si quæ latae sint) sed quia eadem lex erga ipsos ac erga alios subsistere deberet.

Quæres 1mo quæ sint legitimæ dispensationis causæ.

R. non posse una aliqua generali regula definiri quæ vel qualis causa requiratur aut sufficiat ad dispensationem; sed habendam esse rationem temporis, utilitatis, necessitatis, meriti & conditionis personarum. Hic tamen pro certo supponi potest; 1mo. dispensandi causam non debere esse tantam, ut per se sufficiat ad tollendam legis obligationem, quia sic non esset opus dispensatione, sed tantum interpretatione; 2do. causam iustam non consistere in indivisibili: adeoque superioris esse quibusdam totum legis onus remittere, quibusdam partem o-

neris

neris, quibusdam aliud onus imponere, minus tamen ipso legis onere, quia alioqui non esset dispensatio; 3tio. causam dispensandi eò debere esse graviolem, quò gravioris est momenti lex in qua dispensantur: unde causa quæ sufficit ut Canonicus à residentia eximatur; non sufficit, ut ab ea eximatur Episcopus; 4to. per dispensationem infligi vulnus legi, adeoque necessum esse, ut vulnus illud alterius boni accessione compensetur; juxta id S. Bernardi cap. 2. de præcept. &c. *Novit fidelis servus & prudens ibi tantum usurpare dispensationem, unde bonam possit habere recompensationem & L. de confid. Ubi necessitas, urget excusabilis; ibi utilitas, provocat dispensatio laudabilis est, utilitas dico communis, non propria.* Ratione necessitatis dispensatur à jejunio, qui sine gravi incommodo jejunare non potest: ratione utilitatis dispensatur ab irregularitate, qui Ecclesiæ obsequium præstare potest. Porro id propter communem utilitatem, non autem simpliciter privatam, factum censetur; quod ita fit, ob rationale bonum privata, personæ, ut in aliorum damnum non cedat. Ratio est, quia exigit bonum commune, ut superior privatorum bonum procuret, quantum id fieri potest, absque jactura boni communis.

Quæres 2do. an valeat dispensatio cum causa sufficiens adest, sed incognita, dispensatori.

R. 1mo. Valet, si detur à superiore in lege sua; quia si superior validè dispensat sine causa, validè etiam dispensat sine cognitione causa.

R. 2do. Videtur etiam valere, si ab inferiore concedatur 1mo. quia dispensatio, quæ ad sui valorem requirit causam, non dependet à causæ cognitione, sed ab ipsa causæ existentia; ergo valet ea dispensatio, etiamsi non cognoscatur causa, sicut valet electio capæ ad Beneficium, licet elector non cognosceret capacitatem ejus, ut colligitur ex cap. 44. *De electione.* 2do. quia jus non requirit cognitionem causæ ad hoc, ut valida sit dispensatio, sed solum ut sit licita; ut hinc patet: quòd jus cognitionem causæ requirat pro superiore ipso, qui tamen sine ea validè dispensat.

ARTICULUS TERTIUS.

De defectibus qui Dispensationem irritare possunt.

Not. 1mo. Defectus qui dispensationes faciunt irritas, alii se tenent ex parte dispensantis; alii ex parte illius qui dispensationem postulat. Defectus ex parte illius qui dispensat, sunt præ-

præcipue, imo. defectus jurisdictionis, quo nullus est major: unde quisvis Episcopus serio inquirere debet, quid possit necne; 2do. defectus examinis, an scilicet causæ ad obtinendam dispensationem allegatæ sufficiant.

Defectus ex parte illius qui dispensationem sollicitat, sunt subreptio, & obreptio. Subreptio est subtrahentia veritatis alicujus, quæ exponi debet juxta legem, Cancellariæ regulas, & stylum, nam stylus jus facit. Obreptio est narratio falsi: unde patet dispensationem subreptitiam eam esse, quæ obtenta est per subtrahentiam veri; obreptitiam verò quæ obtenta est, per narrationem falsi.

Not. 2do. causa obtinendæ dispensationis duplex est. Alia *motiva*, seu finalis: quæ principaliter movet ad concessionem dispensationis, ita ut illâ sublatâ, dispensatio vel nullo modo, vel non nisi cum quibusdam conditionibus, aut limitationibus concederetur; alia *impulsiva*, quæ licet principaliter & quasi ab intrinseco non determinet dispensatorem, efficit, ut facilius concedatur dispensatio, quæ tamen eodem pacto & formâ, licet multò difficilius, concessa fuisset. Si vir infirmus & doctus à jejuniæ lege eximi velit, infirmitas est causa *motiva*, doctrina verò & pietas causæ sunt *impulsivæ*. His positis, fit.

CONCLUSIO. Non quæcumque falsitatis expressio, vel suppressio veritatis dispensationem facit obreptitiam vel subreptitiam; sed tunc solum cum tacetur veritas, quæ de jure, stylo vel consuetudine debet exprimi; aut allegatur falsum, cujus expressio est causa finalis, ob quam superior dispensare intendit, alias non dispensaturus.

Prob. 1mo. pars, quia multa sunt, quæ si exprimerentur, vel retardarent Pontificem à concessione gratiæ, vel eum prorsus averterent, ut quoddam petens sit alicui vitio deditus, quoddam inimicus, &c. Multa item sunt, quæ si supprimerentur, Pontifex non semper concederet, ut quoddam petens sit vir doctus: atqui tamen ex omnium confesso, hæc nec illa vitiant dispensationem; ergo potest vel aliquid veri reticeri, vel falsi quidpiam exprimi, absque eo quoddam dispensatio sit subreptitia, vel potius ob subreptionem & obreptionem invalida.

Confirm. Qui dat eleemosynam ei, quem credit devotum & pium, aliàs non daturus, si impium cognosceret, verè ei dominium tribuit, modò reipsa pauper sit, quia pietas non est causa *motiva* eleemosynæ, sed solum *impulsiva*, paupertas verò non est causa *impulsiva* solum, sed finalis; ergo à pari in proposito. Unde clausula hæc: *si preces veritate nitantur*, intelligi debet, de veritate substantiali, nimirum causæ *motivæ*; non autem de veritate accidentali, seu causæ *impulsivæ*.

Prob.

Prob. 2. pars. Dispensatio non est valida, nisi adsit consensus illius qui dispensat: atqui cum supprimitur id quod de jure exprimendum est, &c. deest consensus dispensantis. Is enim non vult dispensare, nisi res se se habeat hoc vel illo modo, sine quo dispensatio vel nullatenus, vel saltem tali formâ non conceditur; ergo.

Hinc colliges fieri aliquando posse, ut subreptio & obreptio invalident dispensationem, quæ non desisset concedi etiam si dispensator rem totam cognovisset; prout communiter docent Interpretes in celebre cap. 20. *De Rescript.* Ut autem id melius intelligi possit.

Quæres 1mo. an valeat dispensatio, si dispensans in rescripto erraverit, & v. g. nomen Titii expresserit pro nomine Caii.

R. valere, si de personâ certò constet, quia error in nomine nec mutat intentionem dispensantis, nec ullam cum dispensatione intrinsecam connexionem habet.

Quæres 2do an idem dicendum, si error profectus sit ab oratore, qui nomen suum occultare voluerit, nè cognosceretur à Pontifice, quem alioqui sciebat dispensationem ex odio negaturum.

R. affirmat. quia tunc nihil tacetur quod connexionem habeat cum materiâ dispensationis, quin & talis dolus id habet boni, quodd impedit nè superior ex odio procedat. Hæc tamen dispensatio vix posset executioni mandari in exteriori foro.

Quæres 3tio. an valeat dispensatio si erratum sit in nomine Dicecesis.

R. affirmat. quia in rescriptis non tam verba quam intentio Papæ spectari debent: atqui hæc esse solet Papæ intentio, ut rescriptum suum ad oratoris Ordinarium dirigatur ergo Ordinarius petentis, rescriptum illud executioni mandare potest. Si oratores duarum sint Dicecesum, erit utraque explicanda ex inconcusso stilo Datarie & Cancellarie, cujus mens est ut litteræ dispensationis semper committantur Ordinario oratricis.

Quæres 4to. an viuetur rescriptum, si scriptor Brevis ex errore unum impedimentum pro alio, v. g. tertium affinitatis gradum, pro tertio consanguinitatis gradu scripserit.

R. valere hoc rescriptum, modò reipsâ constet veritatem superiori expressam fuisse. Ratio est, tum quia rescriptum vim habet à voluntate Pontificis; tum quia cap. 6. *De rescriptis* in 6. dicitur verba rescripti strictè explicanda esse, nisi de intentione mandantis aliud appareat expressè: porò in præfenti casu non apparet expressè Pontificem dispensare voluisse in impedimento quod sibi propositum non fuit, sed in eo de quo sibi propositum fuit.

Quod

Quòd si orator, ex inadvertentia, loco unius vinculi aliud exprefferit, non valet dispensatio; quia, etsi facilius dispensasset Pontifex in affinitate v. g. quàm in consanguinitate, reipsâ tamen non dispensavit in eo quod ipsi propositum non fuit; inadvertentia autem excusat quidem à culpâ, sed non facit ut validum sit, id quod de se invalidum est.

Aliter dicendum si orator per errorem scripserit se esse consanguineum in secundo gradu, cum esset in tertio. Ratio est, quia qui dispensat in majori, dispensat in minore, saltem cum minus continetur in majori. Et verò si petierit quis dispensationem ad Beneficium quod deinceps agnovit simplex esse, non autem duplex, ut enuntiaverat, quis eum ad Beneficium simplex inhabilem putet? Favet hæc Juris regula, * *Non debet, cui plus licet, & minus non licere.*

Quares 1^{to}. An valeat dispensatio cum plures allegantur causæ, quarum una falsa est, alia vera & talis, ob quam, etiam si sola exposita fuisset, summus Pontifex dispenseret. v. g. Titius exponit 1^{mo}. se cum Liviâ rem turpem habuisse; 2^{do}. gravem commercii hujus suspicionem exortam fuisse, adedò ut oratrix, nisi matrimonium contraheretur, remaneret diffamata, scandalaque inde exoritura essent. Ex his causis, secunda quæ ad dispensationem sufficere solet, vera est; prima verò falsa: quid Juris?

R. 1^{mo}. Si ex pluribus causis una causa sufficiens integratur, non valere dispensationem: quia tunc quælibet seorsim sumpta, insufficiens est; ergo si una ex iis falsò proponitur, corrumpit fundamentum cui innitur voluntas dispensantis.

R. 2^{do}. Si ex pluribus causis quæ proponi possunt, una solum proponatur, quæ falsa sit, irritam esse dispensationem, quia Pontifex non intendit dispensare, nisi ob hanc causam, quæ reipsâ nulla est.

R. 3^{tio}. Si ex pluribus causis quarum unaquæque sufficiens erat, quædam falsò proposita sit, ut in casu allato, probabilius est quòd dispensatio non valeat. Ratio est, quia is est Curix stylus prout docet Pyrrhus Corradus, qui cum unus esset è præcipuis Romanæ Cancellariæ ministris, & dispensationum materiam apprimè intelligeret, magni in hisce casibus momenti esse debet.

Nota obiter, irritam esse dispensationem ei concessam qui vinculum cujus relaxationem petit, v. g. votum castitatis, proponit ut dubium, cum sit certum; etsi interim alleget veram causam, v. g. carnis stimulos. Talis enim error est in substantiâ rei, cum Pontifex non dispensaverit in voto certo, sed in dubio; ergo non valet dispensatio hæc, sicut non valeret remissio

missio debiti obtenta, allegatâ verâ paupertate, & falsa debiti dubitatione. Quod si quis veram alleget causam, eamque probet falsis testibus, dispensatio valida est, quia preces veritate nituntur.

Quæres 6to. An valeat dispensatio, cum qui eam obtinuit non expressit eandem sibi jam negaram fuisse: aut cum nullam præcedentis dispensationis mentionem fecit.

R. ad 1. affirmativè: 1mo. quia nec jus ullum, nec stylus aut consuetudo id exprimi requirunt; 2do. quia ea dispensatio obtinetur à superiore, qui vult & potest eam concedere; unde valet dispensatio concessa ab Episcopo, quam vel prædecessor ejus, vel Vicarius denegaverat.

An autem possit inferior dispensationem à superiore denegatam concedere, controvertitur. Negat Sanchez, quia cum Pontifex v. g. negat alicui dispensationem, judicat causam ex qua peritur insufficientem esse; ergo videtur aliis auferre facultatem in hoc casu dispensandi, cum iis permittere non possit, ut ex causa insufficiente dispensent; ergo, nisi nova ipsis proponatur causa, quæ superiori proposita non sit, dispensare non possunt; ergo saltem dubium erit, an dispensatio ab inferiore concessa sit valida: unde non licebit eadem uti; tum quia nefas est, dubium v. g. matrimonium attentare; tum quia cum impedimentum certum est, dispensatio verò dubia, possessio stat pro impedimento.

R. ad 2. dispensationem sine mentione præcedentis obtentam, aliquando validam esse, aliquando non.

Valet 1mo. cum vel utraque dispensatio ad res planè diversas pertinet: ut si qui olim dispensationem in voto castitatis obtinuit, nunc dispensationem petat in jejunio, aut qui hanc pro Quadragesima anni præcedentis petiit, eandem pro Quadragesimâ anni currentis postulet; aut qui dispensationem obtinuit, ut consanguineam unam aut affinem duceret, eâ usus non est, vel si eâ usus est, mortua est consanguinea quam duxerat.

Valet 2do. Etiam in eadem causa, si prior dispensatio nulla fuit: * tum quia non præstat impedimentum, quod de jure non sortitur, effectum; tum quia nullum est jus, quod satis probet invalidam esse dispensationem, quæ sine præcedentis invalidæ mentione obtinetur.

Non valet verò, cum primæ dispensationis obtentio moraliter valde adauget difficultatem concessionis secundæ, aded ut omisâ primæ dispensationis mentione, dispensans verè non intelligat, an causa sibi proposita qualitatem & quantitatem gratiæ adæquet.

* Reg. 52. in q.

Hinc

Hinc 1mo. Non valet dispensatio ad secundum Beneficium, nisi exprimatür primum etiam modicissimum; 2do. dispensatus super residentiâ ad quinquennium, subreptitiè dispensatur ad aliud quinquennium, nisi prioris dispensationis mentionem fecerit; 3tio. qui impetravit dispensationem super impedimento criminis, v. g. uxoricidii, & in idem scelus relabitur, debet prioris dispensationis meminisse, si novam in eodem genere impetrare velit, quia jute sancitum est, ut *remissionem veniæ, crimina, nisi semel commissâ, non habeant*. Lib. 3. Cod. De Episcop. audientiâ, &c.

Quares 7mo. An duplici ligatus impedimento teneatur utriusque mentionem facere in obtinenda dispensatione.

R. 1mo. Id non esse necessarium, cum dispensatio ad diversum finem obtinetur: unde qui vult dispensari in voto castitatis, non debet exprimere se irregularem esse.

R. 2do. Si dispensatio ad eundem finem tendat, v. g. ad unum matrimonium, faciendam esse mentionem omnium impedimentorum, 1mo. quia sic stylo Curia receptum est, 2do. quia alioqui decipitur Pontifex in re intrinsecâ dispensationi, & quâ cognita vel dispensationem non concederet, vel non eadem forma. Et verò quis credat validam esse dispensationem concessam homini, qui octo impedimentis dirimentibus laborans, octo seorsim dispensationes petit?

Addit Sanchez, non referre scienterne, an ignoranter quis unum impedimentum tacuerit; tunc enim verum est, id suppressum fuisse, quo cognito, vel negata fuisset dispensatio, vel non eodem modo concessa: hinc si quis castitatis aut religionis voto ligatus contrahere velit cum consanguineâ, debet utrumque voti & consanguinitatis impedimentum in eadem *supplicatione* exprimere. Qui tamen prius à Papa, aut ab Episcopo voti castitatis dispensationem obtinisset, velletque post eâ consanguineam ducere, novâ super voto suo dispensationem non indigeret, nec teneretur ad faciendam mentionem dispensationis prius obtentâ.

Porro nostra hæc doctrina, de necessitate omnia simul impedimenta aperiendi, limitatur, cum impedimentum unum aliâ quàm dispensationis via auferri potest: unde si quis consanguineam ducere velit, & castitatis votum emisit antè pubertatem, non tenetur voti hujus meminisse, cum dispensationem petit; secundum eos, qui votum ante pubertatem emissum, & post eam non ratificatum, à parentibus irritari posse putant. Cum unum impedimentum est publicum, aliud non, dispensatio impedimenti publici petitur à Datariâ, occulti verò à Pœnitentiariâ, cui tamen explicandum est ex stylo & praxi ejus, petitam

petitam esse aut petendam à Datariâ publici impedimenti dispensationem: tunc enim expendere possunt Pœnitentiaria Ministri an concurrente duplici hoc impedimento, dispensare expediat, necne, idque sine ullâ oratoris infamiâ, quia in obtinenda apud Pœnitentiariam dispensatione non exprimuntur oratorum nomina.

Hinc notand. eos qui apud S. Sedem dispensationem obtinere cogitant, præsertim in impedimentis matrimonii, multò melius sibi consulere si ante omnia de re tanti momenti conferant cum Parocho suo, eique, & per ipsum Episcopo vel Officiali ejus, nudam ut se habet veritatem aperiant: nè vel petant dispensationem quæ peti non debet, vel falsis de causis obtineant; vel cum novis sumptibus de novo petere teneantur, id quod vi expositionis minùs accuratè malè obtinuerunt. Curare etiam debent Parochi, ut Parochianos suos hoc in casu officii sui admoneant, iisque declarent Ecclesiam nonnisi ægrè, & quasi ad duritiam cordis concedere dispensationes, quæ semper aliquid disciplinæ canonicæ vulnus inferunt.

ARTICULUS QUARTUS.

An cessante Dispensationis causâ, cesset Dispensatio.

CAusa dispensationis duplex hîc distinguitur, motiva, & efficiens; de utraque paucis loquimur.

Quæres itaque 1^{mo}. an cessante causâ motivâ, corruat & ipsa dispensatio: an v.g. Petrus, qui dispensationem petit, ut Mariam sibi affinem duceret, nè ob defectum dotis innupta maneret, eandem ducere possit, posito quod ea antè nuptias, pinguem recipiat hereditatem.

R. 1^{mo}. Validam esse dispensationem, si causa, qualis est in præsentî casu paupertas futuræ sponsæ, vera sit tempore tum impetrationis, tum fulminationis litterarum. Ità ad me rescriptum est Româ. Quod si preces veræ esse desinant, cum Officialis ad executionem procedit, jam nulla ab eo concedi potest dispensatio, ut à contrario patet. Idem dicendum si preces verificentur ex dolo eorum qui dispensari volunt. Unde si oratores falsò allegassent copulam carnalem, & inde subsequens infamiæ periculum, & consultò copulam habuissent carnalem, ut preces executionis tempore verificarentur, perperam eum iis dispenseretur, quia nemini dolus patrocinari debet.

R. 2. Valere adhuc dispensationem, si post ejus fulminationem & ante contractum matrimonium puella fiat dives. Et hæc decisio probatur 1^{mo}. quia ex Reg. 73. Juris in 6. *Factum legitime retractari non debet, licet casus postea eveniat, à*

quo

quo non potuit inchoari; 2do. quia obligatio semel absolute extincta non reviviscit; atqui impedimentum de quo agitur legitimam autoritate extinctum est, idque absolute, nec ulla unquam visa est dispensatio, in qua expressum fuerit eam cessaturam cessante causa. Hinc ex omnium confessio; si irregularis ad Ordines dispensetur ob suam aut parentum paupertatem, ea etiam desinente valebit dispensatio; ergo idem dicendum in presenti casu, aliisque omnibus in quibus actus ad quem datur dispensatio, non habet tractum successivum: si enim haberet, ut jejunium Quadragesimæ, & carniū comestio, in quibus dispensatio quæ datur est virtualiter multiplex, haud dubie dispensatio non valeret pro eo tempore quo tolleretur ipsius causa.

Non valeret tamen eadem dispensatio, si puella nondum fulminata Pontificis dispensatione, hæres institueretur, & nè gratia careret, cederet hereditati in gratiam alterius; talis enim renuntiatio vera est donatio, qui autem donat, pauper censi nequit. Imò si puella non renuntiet in gratiam alterius, sed tantum non acceptet, nè dispensationis effectu fraudetur, dispensatio ejus mihi admodum dubia videbitur; quia cum jam non nubat consanguineo metu paupertatis, superesse videtur ut eum ducat ex quadam passione. Ad minus ergo hoc in casu consulendus est Episcopus.

Hæc occasione nota plerumque invalidas esse dispensationes quæ conceduntur in forma pauperum, quia sæpius sub hæc forma petuntur ab iis qui satis divites sunt ut compositiones aliquæ Officialium Curia Romanæ jura solvere possint. Ii autem ex Curia stylo in forma pauperum dispensari possunt, qui ambo adeo pauperes & miserabiles existunt, quod ex labore & industria sua tantum vivunt, & aliter vivere non possunt. Docet tamen Pontas eum posse pauperem censi, * qui non nisi mille in bonis nummos habet: neque ab hoc recedit autor Collat. Andeg. cum inter pauperes eos recenset, qui aliquem quidem habent redditum, sed sustentationi suæ & oneribus matrimonii imparem, nisi accedat labor & industria. Idipsum dicunt alii de iis, qui vel casualia solum bona habent, etiam in magnâ quantitate, qualia ea sunt quæ regio favore conceduntur; vel ex bonis immobilibus, non plus possident quàm ad sustentationem statui suo consentaneam. Fatendum tamen oratores qui in eo sunt statu, teneri ad exactam tum bonorum suorum, tum etiam conditionis suæ expositionem: quia alioqui dispensatio nulla foret & subreptitia. Idem dico cum Pontas de iis qui ex labore & industriâ vivunt, & quos inter non pauci sunt qui in

* Pontas Disp. de mar. cas. 20.

qui in forma pauperum dispensari non possint, cum multi hâc arte magnas opes comparent: undè tutius est, ut in his dubiis casibus omnia nudè & simpliciter Pontifici declarantur, ut vel absolute in formâ pauperum dispenseret, vel levem multam imponat.

Sed quid, si filia parentes divites habet, quorum hæres esse debet, eritne pro paupere habenda, quia nihil actu possidet, aut quia pater eandem dotare non vult?

R. negat. cum sanioribus Jurisconsultis; quia, ut ait Pyr. Corradus Lib. 7. cap. 2. n. 13. *Parum refert quòd juxta præsentem statum nihil habeat, illa quæ jus habet succedendi in bonis parentum, ac eos compellendi ad illam dotandam statim juxta ipsius oratricis qualitatem.... quod procedit, etiamsi pater ob aliquam causam recusaret illam dotare, &c. unde in hoc casu destinatum habetur pro facto. Si tamén frater aut quicumque alius puellam dotare intendat; dummodò nullum præcesserit dotandi pactum, per quod dictæ oratrici jus irrevocabile quærat, vel etiamsi fuerit pactum dotandi, sub conditione ut nubat consanguineo suo puella, cum nullum jus habeat ad dotem, dicitur verè pauper, non obstante certitudine, quòd à fratre dotanda erit, & sic servatur in praxi. Ità idem. n. 24.*

Quæres an dispensatio cesseret per mortem dispensatoris.

R. neg. pater ex quotidianâ praxi. Nec obstat hæc Juris regula, *Mandatum re integrâ, domini morte finitur*; ea quippe intelligi debet de mandato ad literas justitiæ exequendas, quod morte mandantis expirat cum *res adhuc est integrâ*, id est, cum delegatus necdum uti cœperit jurisdictione; non autem de scriptis, quibus vel gratia actu conceditur, vel jus certum ad eam acquiritur. Unde infero facultates illimitatè concessas extra contentiosam jurisdictionem, ut sunt literæ dimissoriæ, facultates audiendi confessiones unius vel multorum, absolvendi à censuris & casibus reservatis, eligendi Confessarium, commutandi vota & juramenta, dispensandi tum in iisdem, tum in impedimentis matrimonii; item licentiâ non residendi studiorum causâ, aut celebrandi Missas in domo privatâ, vel in loco non benedicto, aliasque id genus gratiosas concessiones non expirare obitu concedentis.

CAPUT SEPTIMUM.

De Lege non scriptâ, sed de consuetudine.

Consuetudo est jus quoddam moribus institutum, quod pro lege suscipitur, ubi deficit lex.

Dicitur

Dicitur 1mo. *Jus*, in quo convenit cum lege, & differt à more, seu usu, qui nihil aliud est, quàm repetitio actuum, quæ potius est causa consuetudinis, quàm consuetudo, licet vocetur consuetudo *facti*, ut distinguatur à consuetudine *juris*, quam nunc definimus.

Dicitur 2do. *institutum moribus*, id est, eâ actuum repetitione, quæ, ut modò dicebam, vocatur consuetudo *facti*. Consuetudo, ut moribus instituta, differt tum à lege, quæ ex solâ Principis voluntate pendet; tum à stylo Curia, qui vim legis habet in his præcipuè quæ judicia concernunt; cum consuetudo certam materiam non respiciat.

Dicitur 3tio. *quod pro lege suscipitur*, quia *inveterata consuetudo pro lege custoditur*, Leg. 32. ff. *De Legib.*

Dicitur 4to. *cum lex deficit*: hic enim sermo est de consuetudine juris, quæ vel statuit ea quæ lege scriptâ definita non sunt; vel legem scriptam limitat, interpretaturve, ut abrogat, ideòque contrarium jus inducit, prohibendo id quod antea licitum erat, aut permitiendo id quod non licebat.

Consuetudo latius sumpta, multiplex distinguitur: 1mo. enim alia est *secundum legem*, alia *præter legem*, alia *contra legem*. Prima, nihil aliud est quàm executio legis præexistentis. Secunda, ea est per quam jus novum introducit, & quæ supra definita est. Tertia, ea est quæ legem antecedentem abrogat, facitque licitum id quod alias illicitum erat, licet nullam ejus faciendi necessitatem imponat: talis est consuetudo quæ in Castellâ viget vescendi die sabbati extremis & intestinis animalium.

2do. Consuetudo alia est rationabilis, alia irrationabilis, quæ potius est corruptela.

3tio. Consuetudo alia est canonica, alia civilis. Prima locum habet in materia ecclesiastica, & hæc etiam à laicis introduci potest, ut consuetudo servandi tale festum; secunda versatur circa materiam temporalem, & à Clericis induci potest.

Quæres 1mo. Quot requirantur conditiones, ut consuetudo vim legis habeat, aut legem abroget.

R. Requiruntur quinque; & quidem 1mo. consuetudo esse debeat rationabilis; qualis ea sola censetur, quæ obligaret, si pro lege statuta esset: unde esse debet honesta, utilis, nec juri naturali, divinòve contraria, etsi contraria esse possit legi positiva.

At, inquires, quomodò iusta esse potest consuetudo *contra legem*, quæ eo ipso quòd est lex, semper iusta est?

R. Quòd licet lex sit rationabilis, occurrere tamen possunt circumstantiæ in quibus magis expediat ipsam non observari, unde

unde lex illa poterat auferri per novam legem: hujus autem novæ legis vices tenet consuetudo, quæ cum usque ad certum gradum increvit, jam rationi consonum est & Reipublicæ expediens, ut legislator legem suam revocet, nè multitudo aliud agere assuefacta, semper peccet contra legem, cujus ob usus contrarios, observantia non nisi difficilis videri potest. Hinc sæpè peccant qui consuetudinem contra leges introducunt, etsi non peccent qui eam sequuntur, cum lex jam per eam abrogata est.

2do. Consuetudo debet esse præscripta, id est, continuata per illud temporis spatium quod ad legitimam præscriptionem requiritur. Hoc autem tempus ex meliori sententiâ est decennium, si agatur de consuetudine præter aut contra legem civilem; quia in jure decennium habetur pro longo tempore, quale ad hanc præscriptionem requiritur. Et hoc intelligi solet, etiamsi Princeps absit, aut ignoret: si enim vel adsit, vel absens cognoscat consuetudinem quæ grassatur, & non contradicat, cum faciliè contradicere potest, spatium etiam decennio minus sufficit, quia tunc jus novum non inducitur ipsâ præscriptione, sed tacito Principis consensu, de quo pro circumstantiarum varietate, aliquando longiori, aliquando breviori tempore constare potest.

Idem etiam decennium sufficit ad introducendam consuetudinem præter jus canonicum, quia nulla est lex quæ plus requirat temporis in hoc casu, quam in præcedenti. Verum si agatur de præscriptione contra legem canonicam vel ecclesiasticam usu receptam, requiruntur anni 40. quia lex ecclesiastica est jus quoddam, sive res immobilis Ecclesiæ; hæc autem non præscribuntur, nisi annis 40. ut patet ex capit. 4. 6. 15. *De præscripti.* Quodd si lex canonica moribus utentium nondum recepta sit, annorum decem spatio abrogari potest.

3tio. Actus qui consuetudinem inducunt debent esse 1mo. *positivi*, quia negatione actûs non instituitur consuetudo; 2do. *liberi*, quia consuetudo non minùs quam lex voluntaria esse debet, cum non minùs obliget: quapropter si populus per vim, metum, aut errorem aliquid pluries faciat, nulla inde nascetur consuetudo, quia vel nulla, vel sufficiens hîc libertas non reperitur; 3tio. *publici & notorii*: actus enim clam exerciti non possunt habere rationem promulgationis, quæ ad legem non scriptam, qualis est consuetudo, requiritur; 4to. *frequentes*: mores enim quibus instituitur consuetudo actuum frequentiam dicunt. Quoties verò actus debeant esse repetiti, ut inducatur consuetudo, prudentium judicio relinqui debet, quorum est perpendere an talis sit actuum frequentia, ut populi consensum satis

fatis ex
gandi;
quitur
lùm diu
jejanii,
sub pecc
Porro

gandi,
aut seric
pulis, &
teria bo
parte un
tur quæ
animo s
se, quia
onus im

4to.
te: quia
sufficere
rejecere
quia jan

5to.
suetudo
sus for
dicit cū
cipe ign
lad-tem
batum,

Quar
R. 11

scientiã,
Prob.
haber:
nenda;
res con
consuetu
poteft.

Prob.
poteft e
sûs pote
De cogn
suetudin
R. 2d
abrogare

fatius exprimat; 5to. *exerciti ex animo & intentione se obligandi*; quia consuetudo accipitur pro lege; ad hanc autem requiritur voluntas obligandi. Hinc actus qui ex devotione solum diutissime frequentati sunt, ut sumptio cinerum in capite jejunii, &c. non inducunt jus consuetudinarium quod obliget sub peccato.

Porro dignoscitur consuetudinem inductam esse animo obligandi, 1mo. cum qui eam violant puniuntur à superioribus aut serio redarguuntur; 2do. cum iidem scandalum dant populis, & uti transgressores habentur à timoratis; 3tio. cum materia bono communi plurimum utilis est, & à majori populi parte uniformiter observatur; neque enim tam strictè servantur quæ solum ex devotione fiunt. In dubio an consuetudo ex animo se obligandi incepta fuerit, judicandum est non coepisse, quia nemo, nisi manifestè constet, præsumitur velle sibi onus imponere.

4to. Consuetudo debet investita esse à majori & saniori parte: quia si populi esset legem ferre, pauci privati ad id non sufficerent. Quod si consuetudo à sapientibus & timoratis rejiceretur ut mala, non esset habenda pro verâ consuetudine, quia jam morum regula esse non posset.

5to. Requiritur consensus Principis; is enim si resistat, consuetudo prævalere non potest. Non requiritur tamen consensus formalis, sed sufficit vel tacitus, quo Princeps non contradicit cum potest; vel juridicus, quo consuetudo etiam à Principe ignorata, vim legis habere censetur, cum invaluit per illud temporis spatium, quod secundum jus à Principe approbatum, sufficit ut consuetudo obliget.

Quæres 2do. quod, & qui sint consuetudinis effectus.

R. 1mo. Consuetudo *præter legem* potest obligare in conscientia, pœnas imponere, & irritare actus contra ipsam factos.

Prob. 1. pars: 1mo. ex Epistolâ 36. S. Augustini, ubi hæc habet: *Mos populi Dei, & instituta majorum pro lege sunt tenenda; & sicut prævaricatores legum divinarum, ita contemptores consuetudinum ecclesiasticarum cœdendi sunt*; 2do. quia consuetudo vim habet legis; ergo ad modum legis obligare potest.

Prob. 2. pars: nam consuetudo idem potest quod lex; ergo potest esse moralis, pœnalisve, aut mixta sicut lex; ergo rursus potest actus contra ipsam factos invalidare: hinc cap. 3. *De cognat. spiritual.* irritatur matrimonium contra loci consuetudinem celebratum.

R. 2do. Consuetudo *contra legem* potest legem humanam abrogare: quia potest id facere quod ipsa lex; autem lege con-

trariâ tollitur. Quodd si Princeps legem statuendo prohibuisset, nè ulla unquam contra eam prævaleret consuetudo, lex non abrogaretur solâ consuetudine, quia Princeps perpetuò resistere censeretur.

Ceterum, ut consuetudo legem abroget, necessaria est bona fides per decennium quo continuantur actus contrarii legis: consuetudo enim per actus malos continuata, nec rationabilis esset, nec legitimè præscripta. Verùm in inchoanda hâc consuetudine, nec requiritur, imò nec reperitur bona fides; quia cùm inchoatur, lex adhuc viget; neque Princeps jam ab initio abrogationi ejus consentire censeretur.

R. 3tio. Consuetudo secundum legem, eandem interpretatur; atque id patet ex cap. 8. *De consuetud.* ubi *consuetudo optima legum interpret* dicitur.

Quæres 3tio. an lex possit abrogare consuetudinem.

R. Possè, quia lex non minùs efficax est contra consuetudinem, quàm consuetudo contra legem.

Hic tamen meminisse debet superior, multa licere quæ non expediunt. Quare 1mo. si consuetudo sit verè utilis, lex contra eam lata, non erit vera lex, utpotè communi bono contraria; 2do. si consuetudo superflua sit, aut minùs utilis, toleranda erit non tolenda; quia, ut notat S. Augustinus Epist. 54. *ipsa mutatio consuetudinis, etiam quæ adjuvat utilitate, novitate perturbat*: Unde S. Doctor ibidem censeret ceremonias quasdam Religioni Christianæ minùs consentaneas ferri potius debere, quàm cum offensione populorum tolli. Quapropter graviter arguendi sunt Parochi, qui receptos Parochiæ usus reipsâ non noxios, subvertunt majoris boni prætextu, & sic Parochianorum odia, oblocutiones, aliaque id genus Parochiæ exitialia concitant; 3tio. si consuetudo legi Dei repugnet, tunc non minùs fortiter quàm prudenter insequenda est, juxta id S. Cypriani. *Dominus dixit, Ego sum veritas: non dixit, Ego sum consuetudo*. Idem expressè adstruunt famosa hæc Tertulliani verba ex Lib. de veland. virgin. cap. 1. *Veritati nemo præscribere potest: non spatia temporum, non patrocinia personarum, non privilegia nationum*.

Indò si consuetudo, eisi non rei per se malæ, nec Evangelio prohibita, noxia ramen evadit, & abusibus periculosis viam aperit, contrariâ lege abrogari potest & debet; sic Episcopi plures, peregrinationes quasdam, quæ fœcunda erant ebrietas & impudicitiarum leges, prudenter aboleverunt. Id tamen sollicitè & anxie cavendum est, nè superior dum colligit zizania, simul & triticum eradicet.

CAPUT

CAPUT OCTAVUM.

De Lege favorabili, seu de Privilegiis.

Privilegium definiri potest, Lex privata quâ speciale aliquod beneficium vel favor, sive præter, sive etiam contra jus commune, alicui iustâ de causâ conceditur à superiore. *Contra jus* quidem, ut exemptio à solvendis decimis, quæ de jure communi solvi debent: *præter jus* verò, ut potestas dispensandi, aut similia faciendi, quæ licet de jure prohibita non sunt, non tamen omnibus sunt concessa.

Privilegium dividitur 1mo. in reale, & personale. Privilegium *personale*, proximè confertur personæ in favorem illius, putâ ob privatam ejus excellentiam, scientiam aut sanctitatem; *reale*, verò proximè ac directè confertur rei, loco, muneris, dignitati, v. g. prædio, Ecclesiæ, Monasterio, &c. licet ejusdem privilegii utilitas consequenter & ultimè in personas refundatur. Privilegium reale cohæret rei, & durat quandiu res permanet, & ideo cum re ad heredem transmittitur; personale verò sequitur personam, & cum eadem extinguitur, non antea.

Ut cognoscatur an privilegium reale sit, an personale, hæc afferri solet regula. Privilegium censetur personale, cum solum exprimitur nomen personæ cui conceditur privilegium, v. g. *committimus Joanni*: reale verò, si sola exprimitur dignitas, v. g. *committimus Episcopo Morinensi*. Si verò nomen & dignitas simul exprimantur, censent plures privilegium esse personale, atque ideo cum personâ extingui.

Dividitur 2do. in *perpetuum*, & *temporale*. Privilegium *perpetuum* est illud quod absolute & absque limitatione temporis conceditur, adhæretque rei ex se perpetuæ, v. g. Ecclesiæ alicui vel Ordini Religioso: dicitur autem perpetuum, non quòd amitti non possit, sed quia ex se durat donec revocatum fuerit. Privilegium *temporale*, est illud quod vel singulari personæ conceditur, & eâ moriente expirare debet; vel datur ad certum tempus, v. g. ad decem annos; vel sub certa conditione, quæ temporis lapsu finitur, ut, *Do tibi hoc Privilegium donec deceffero, vel ad beneplacitum meum*.

Dividitur 3tio. in privilegium *ex motu proprio*, in quo exprimitur tale privilegium ex proprio concedentis motu datum esse, etsi aliquando contingat ut petum fuerit, & privilegium *ad instantiam partis*, in quo non exprimitur illud motu proprio concessum esse. Privilegium ex motu proprio ceteris paribus favorabilius est: tum quia excludit præsumptionem

subreptionis; tum quia in eo non nocent reticentia, quæ in alio nocerent; unde Beneficium motu proprio concessum ei qui jam aliud habet, validè collatum censetur, etsi nulla in rescripto mentio fiat prioris Beneficii; secus si motu proprio non conferatur.

Dividitur 4to. in *favorabile*, quod ita uni prodest, ut nemini noceat, quale est privilegium audiendi Missam tempore interdicti; & *odiosum*, cujus favor ita uni inservit, ut alterum grave: tale est præsertim privilegium ad lites, quia favor concessus actori premit reum, vel diminuit Judicis potestatem.

Dividitur 5to. in concessum *primo & per se*, quod datur alicui sine respectu & ordine ad privilegium aliis datum; & concessum *ad instar*, quod alicui datur in eum modum, quo jam est concessum alteri.

Rursus privilegium *ad instar*, bisariam concedi potest, nimirum vel *directè per se*, & *æquè principaliter*, cum conceditur uni quale concessum est alteri, sed non quia concessum est alteri: vel solum *relativè, indirectè, accessoriè*, & propter connexionem quam unus habet cum alio, consequenter ad quam superior dat privilegium secundo ut gratificetur primo. Et hæc distinctio in materiâ privilegiorum cautissimè pensari debet: quia in priori casu privilegia nec augentur, nec minuantur, nec auferuntur respectu secundi, etiam si augeantur, minuantur aut penitus desinant respectu primi. Aliud est in posteriori casu: unde privilegia quæ quorundam Religiosorum familiaribus, medicis, advocatis communicantur. crescunt aut decrescunt ad normam eorum quibus iidem Religiosi prædicti erant.

Quæres 1mo. quis privilegium concedere possit.

R. Ille solus qui legem condere potest. Ratio est, quia si privilegium sit contra jus, jam includit dispensationem à lege, quam nemo nisi legis conditor, ejusve superior aut æqualis impertiri potest. Si verò sit præter jus, qui ipsum concedit talis esse debet, ut alios per modum legis cogat, nè privilegii usum impediatur; hoc autem solus legislator facere potest.

Quæres 2do. an ad privilegii concessionem requiritur causa.

R. Privilegii ac dispensationis parem esse causam. Unde vide quid dixerim suprâ p. 261.

Quæres 3tio. an quis accepto privilegio uti teneatur.

R. negat. quia ex cap. 6. *De privileg. liberum est unicuique suo juri renuntiare.*

Excipe 1mo. Sic privilegium detur ad aliquid aliunde præceptum: si is cui permissa est Missæ auditio tempore interdicti, eidem diebus festis interesse debet; 2do. si ex non usu privilegii

privilegii
num:
privileg
decimus,
cere nec

Quar
concede

R. N

posse al

Prob.

pter loc

mari re

ei qui a

Ut es

fonale

firmitat

concedi

pro ten

privileg

cessum

singulis

do sec

carnes

laxatio

fice vel

est, qui

Pontific

rum, q

dem in

ne veso

Alite

cent pr

cipi nec

ritorio

mitit a

rum est

Quæ

R. C

extingu

ficio tr

succede

lod fac

gnitate

um est

Re

privilegii sequatur grave vel privilegiati ipsius, vel aliorum damnum: sic qui morte damnabitur, nisi ostendat privilegium, privilegio uti debet. Pariter qui ex privilegio immunis est à decimis, debet eas non solvere, si solvendo creditoribus satisfacere nequeat.

Quæres 4to. an quis uti possit privilegio extra territorium concedentis.

R. Non posse si privilegium sit locale; si verò personale sit, posse aliquando, aliquando non.

Prob. 1. pars: quia privilegium locale datur primariò propter locum, ei que annexum est: unde si Episcopus in locis à mari remotis ova permiserit ob piscium penuriam, non licet ei qui ad loca maritima se transfert, ovis vesci.

Ut expediatur secunda pars, notandum est, privilegium personale vel concedi contra jus commune, ut cum alicui ob infirmitatem conceditur ut in diebus jejunii carnes comedat; vel concedi contra speciale statutum territorii alicujus, in quo quis pro tempore moratur. In primo casu satis receptum est ut privilegium valeat extra Dioccesim v. g. Episcopi à quo concessum est: tum quia nimis durum esset ut viator qui diebus singulis territorium mutat, ubique explicaret rationes aliquando secretas propter quas obtinuit privilegium manducandi carnes; tum quia tale privilegium, cum sit juris communis relaxatio, conceditur ab Episcopo per facultatem quam à Pontifice vel ab Ecclesià ipsa accepisse censetur: porro dubium non est, quin ubique carnibus vesci posset ille cui id ab Ecclesià vel Pontifice concessum esset. Atque id probat praxis timoratorum, qui acceptà à Parocho suo licentià comedendi carnes, istdem in alià Parochià absque novà Parochi loci hujus permissione vescuntur.

Aliter censemus in secundo casu, tum quia advenæ subiacent privatis locorum in quibus degunt legibus; tum quia concipi nequit quomodo quis jurisdictionem suam in alieno territorio exercere possit, quam tamen exercere videtur qui permittit alteri id quod secundum privatas loci leges eidem illicitum est.

Quæres 5to. quòd modis cesset privilegium.

R. Cessat pluribus modis & quidem imò. si sit * personale *extinguitur cum personà*: si verò sit reale unà cum re aut officio transit ad heredem aut successorem, qui in defuncti jura succedunt. Hinc cui concessa est facultas aliquid faciendi, illud facere potest, etiamsi exciderit à dignitate suà, si cum dignitate expressum fuerit nomen proprium, quia tunc privilegium est personale: secus si sola dignitas expressa fuerit, quia

* Reg. 7. Jur. in 6.

tunc privilegium dignitati, non autem personæ concessum est.

2do. Cessat privilegium per mortem concedentis in casibus, in quibus ex eâdem morte cessat dispensatio.

3tio. Finitur lapsu temporis præfixi, aut cessante tota causâ propter quam concessum fuerat. Hinc privilegium Canonicis indultum, ut etiam absentes studii causâ percipiant Præbendarum fructus, cessat si acceptâ licentiâ transferant se ad villas, nec studiis incumbant.

4to. Privilegium gratis alicui subdito concessum amittitur per revocationem. Quòd si privilegium sit onerosum, aut remuneratorium, revocari nequit sine gravi causâ: tuncque fieri debet compensatio, nisi fortè revocatio fiat ob culpam ejus qui remunerationem acceperat; vel fructus jam percepti ex privilegio, sufficienter adæquent id per quod meritum fuerat privilegium.

5to. Amittitur per renuntiationem voluntariè factam à privilegiato, & acceptatam à concedente. Si tamen renuntiatio hæc per dolum & metum extorqueretur, non subsisteret: quia renuntiatio est donatio quædam; donatio autem nisi libera sit, firma censeri non debet.

Duo hîc notanda: 1mo. nos hîc loqui de privilegiis quæ in solius renuntiantis commodum cedunt; si enim cedant in bonum commune, renuntiatio non valet: hinc Clericus & Monachus privilegio Canonis vel Religionis renuntiare non possunt; 2do. nos etiam loqui de privilegiis quæ tractum successivum habent, & quæ consistunt in potentiâ faciendi vel mittendi aliquid in futurum, qualis est facultas audiendi confessiones, aut non solvendi decimas; non autem de iis quæ in momento totum suum effectum operantur: nam v. g. illegitimus, qui ab irregularitate solutus est, ad eandem reverti non potest, etiam si velit.



TRA-

669
* * *

T

T Ra
de
differet.

* * *

P Ecce
cap.

legem D

ne, Tra

turam p

fionis, f

utraq

Qua

na adv

R. S

æternæ

na inte

præcipi

idè tal

dem ac

lud m

quia re

Si ve

ratio q

que De

TRACTATUS DE PECCATIS.

TRACTatum hunc duas in partes dividemus, quarum altera de peccato in genere, altera de variis peccati speciebus differet.

PRIMA PARS.

De Peccato in genere.

CAPUT PRIMUM.

De naturâ Peccati.

PEccatum definitur à S. Augustino Lib. 22. contra Faustum cap. 27. *Factum vel dictum, vel concupitum aliquid contra legem Dei æternam*; à Theologis verò satis communiter, & bene, Transgressio legis libera: ea enim definitio ità explicat naturam peccati, ut omni & solè conveniat peccato, sive commissionis, sive omissionis; sive mortali, sive veniali, &c. Ut utraque definitio penitus intelligatur.

Quæres 1. mo. an peccatum eò peccatum sit quòd legi æternæ adversatur.

R. Solutionem hujus quæstionis pendere à notionem legis æternæ, quam alii aliter definiunt. Si ergo nomine legis æternæ intelligatur, ut intelligi solet, actus quo Deus judicat aut præcipit aliquid agendum vel omittendum; jam peccatum non idèò tale est quia pugnat contra legem æternam; quandoquidem adulterium v. g. non est malum, quia Deus judicat illud malum esse, sed idèò Deus illud malum esse judicat, quia reipsâ jam malum est.

Si verò per æternam legem intelligatur summa hæc Dei ratio quàm Deus ipse necessariò in judiciis suis sequitur, quæque Deum ipsum ità dirigit, ut ab eâ recedere nequeat, optimè dici

mè dici potest, peccatum per hoc esse peccatum, quia æternæ legi adversatur: si enim peccatum necessariò sit transgressio legis, utique legis æternæ sic intellectæ, quâ nihil prius concipi potest.

* Quares 2do. an essentia peccati consistat in privatione. U: solvatur quæstio.

Not. In actu peccaminoso duo spectari solent: 1mo. *materiale*, id est, physica entitas actûs, quæ quia materiæ instar, est quid bono & malo commune, materiale nuncupatur; & *formale*, id est, ipsa actûs oppositio cum lege, seu actûs ipse non simpliciter, sed prout est contra legem.

Certum est materiale peccati esse ens positivum; dictum enim, *factum* & *concupitum* aliquid positivi significant; sed quia vox *contra* legem, significare potest aliquid positivi per modum contrarietatis, sicut calor esse dicitur contra naturam aquæ; vel per modum privationis, sicut mors est contra naturam viventis; hinc oritur difficultas, sitne formale peccati, aliquid reale, an mera privatio. Nemo quidem dubitat, quin in omni peccato reperiatur privatio gratiæ, conversionis ad Deum, & conformitatis cum lege: sed queritur an privatio hæc, potissimum tertia, sit quid primum in peccato, ejusque constitutum; an non potius peccatum antecedenter ad eam constitutum sit per aliquid positivi, quod formaliter malum sit in genere entis moralis. Et hæc quæstio, quidquid cogitent plures, moveri debet de ipso etiam omissionis peccato, in quo cum reperiatur tota ratio actûs humani, reperiri etiam debet materiale & formale. His præmissis sit cum multis contra plures.

CONCLUSIO. Id per quod peccatum formaliter constituitur, est quid positivi, non mera privatio.

Prob. 1mo. Per illud constituitur peccatum in ratione peccati, per quod constituitur in ratione actûs mali moraliter; atqui peccatum constituitur in ratione actûs mali moraliter, per aliquid positivi, quod prius est omni privatione. Nana ante privationem rectitudinis, intelligitur in quolibet peccato, tendentia positiva in objectum legi rationique dissonum; quandoquidem tendentia hæc fundamentum est omnis privationis quæ peccato inesse concipitur; cum ideò actûs quilibet malus rectitudine sibi debitâ carere intelligatur, quia voluntas eum eliciendo, tendit in objectum, in quod ferre se non debet; atqui tendentia hæc *pro priori* ad privationem est mala moraliter. Nam tendentia hæc, prout antecedit privationem cujus est causa, sub aliquâ moralitatis specie continetur; atqui non est in specie boni moralis. Minor constat, prob. major. Illud est

in genere

in genere moris, quod oritur à voluntate operante liberè cum subjectione ad morum regulas, & in ordine ad objectum lege prohibitum: atqui tendentia hæc oritur à voluntate operante liberè, &c. ergo est in genere moris; ac proinde in genere mali, cum sub genere boni reponi non possit.

Prob. 2do. Peccare peccato homicidii v. g. est scienter facere id quod directè prohibetur hoc præcepto, *Non occides*: atqui facere id quod directè prohibetur per præceptum, nihil est aliud quam ponere ipsum homicidii actum. Quid enim directè magis opponitur præcepto non occidendi, quam ipse homicidii actus? ergo peccare est facere actum ipsum qui prohibetur; ergo ille ipse actus, peccatum est. Quis porro ipsum homicidii actum dicat esse meram privationem?

Prob. 3tio. Ideo præcipuè negant adversarii peccatum esse quid positivi, quia Deus alioqui esset autor peccati, utpotè qui sit entis cujuscumque autor: atqui etsi peccatum mera privatio esse supponatur, non minus Deus erit illius autor; quam si sit ens positivum. Qui enim causat fundamentum privationis reduplicativè ut tale, causat consequenter ipsam rectitudinis privationem, quantum ab agente ullo causari potest; quia privatio, utpotè nihil, non magis à creaturâ quam à Deo causatur per se & directè, sed indirectè quatenus resultat ex positione fundamenti: atqui Deus, velint nolint adversarii, causat fundamentum privationis quâ tale. Nam juxta ipsos Deus causat quidquid est positivi: atqui fundamentum privationis quâ tale, est quid positivi; privatio enim super aliâ privatione vel negatione fundari nequit; aliàs privationis istius privatio alia pro fundamento assignari deberet, sicque daretur progressus in infinitum; ergo.

Confirm. Accessus liber ad mulierem non suam, necessariò connotat privationem rectitudinis: atqui accessus ad non suam, est à Deo, etiam prout est commercium cum non suâ; ergo actus ille est à Deo non simpliciter, sed prout connotat privationem.

Obj. 1mo. Multos Patrum textus, qui dicunt peccatum nihil esse. Augustinus Lib. 12. de Civ. Dei cap. 6. *Nemo querat causam efficientem malæ voluntatis: non enim est efficiens, sed deficiens, quia nec illa affectio est sed defectio.* S. Damascenus Lib. 2. De fide cap. 4. *Neque aliud est malum, quam boni privatio.* Omitto alios Patres, qui hæc oppressi difficultate, cur Deus qui omnium autor est, non sit causa peccati, non aliter ab eâ se expediunt, quam dicendo peccatum nihil esse, nec proinde posse à Deo produci.

R. 1mo. Patres per id quod cum peccato necessariò conjunctum

junctum est, peccatum describere voluisse, potius quàm ex ipsâ ratione formali. Porro peccata omnia conjunctam sibi habent privationem gratiæ, cujus expositio plûs Fideles movet quàm metaphysica rerum indagatio, quam hic adhibent Theologi.

2do. Patres peccatum vocant nihil, sensu quodam morali, quia homines * *cum peccant nihil fiunt*, & minora jumentis insipientibus. Verùm iidem Patres aliis in locis non obscurè significant peccatum non esse merum nihil: sic Augustinus peccatum definit *dictum & factum*, quæ certè non sunt mera privatio.

3tio. Sæpè quidem dixerunt SS. Patres, peccatum non habere causam efficientem, sed deficientem: hoc & nos dicimus; sed quia causa deficere potest, vel privativè per puram debitæ perfectionis carentiam; vel contrariè per indebitam dispositionem, tam intelligi possunt de defectu contrario, quàm de privativo: imò fatemur eos sæpè locutos esse de defectu privativo, non ut in eo essentiam peccati reponerent, sed ut ex eo peccatum per appendicem ipsi necessariò connexam describerent.

4to. Denum Patres qui dixerunt peccatum nihil esse, plerique Manichæorum hæresim impugnabant: quapropter dicebant peccatum esse nihil, prout nihil opponitur substantiæ: id est, contendebant ullam esse substantiam ex naturâ suâ malam; non verò negabant actus creaturæ esse quid positivè mali. Patet id ex concertatione Augustinum inter & Cælestium, quam S. Doctor refert in Libro suo *De perfectione justitiæ*. Elaborabat Cælestius ut probaret ** *peccatum omne actum esse, & non rem*, quia si res est, authorem habere debet DEUM præter quem nemo rei cujusquam autor esse potest. Quid ad hæc Augustinus? Dicitne peccatum neque esse actum, neque rem, sed meram prorsus negationem? Hoc sanè respondere debebat in principiis adversariorum: atqui tamen aperte agnoscit cum Cælestio, *peccatum quidem non esse rem, sed actum dici & esse*; ergo non existimabat Augustinus peccatum esse privationem, prout privatio opponitur cuilibet positivo, sed solum prout opponitur rei seu substantiæ. Atque id sufficiebat, juxta S. Doctorem, ut intelligeretur DEUM non esse authorem peccati; quia eo ipso quo peccatum nihil erat rei & naturæ, evidens erat illud, quantumvis aliquid positivi foret, à Deo oriri non posse, quia nullus defectus moralis à Deo esse potest.

Et verò invalidè prorsus probassent Patres DEUM peccati authorem non esse, ex eo solo quòd peccatum mera sit privatio: statim enim iis responsum fuisset, vel hominem ipsum non esse authorem peccati, quandoquidem nihili nulla est causa; vel

DEUM

* S. Augustin. ** Ratioein 3. & n. 4.

DEUM eò modò esse nihili hujus authorem, quò homo ipse; ergo negare DEUM esse peccati authorem, eò quòd peccatum nihil sit & mera privatio, non est difficultatemolvere, sed eludere; ergo Patres alio planè sensu sunt intelligendi.

Obj. 2do. Si peccatum sit ens reale, jam DEUS propriè & simpliciter erit author peccati; ens enim omne reale efficienter producit à DEO; ergo.

R. 1mo. DEUM non minùs peccati authorem fore, etiam si peccatum constituitur in merâ privatione. Quia DEUS non minùs quàm creatura concurrit positivè ad actum materialiter malum, ex quo necessariò sequitur privatio peccati constitutiva; quare autem in neutro systemate DEUS si author peccati, expendam cap. 2.

R. 2do. ad 1. neg. ant; ad 2. dist. ens omne, id est substantia omnis producit à DEO, C. ens omne, id est, actus, vel motus omnis, subd. producit à DEO prout est ens simpliciter, & subjacet causalitati divinæ, C. prout est quid difforme rectæ rationi, N. Itaque ens sumptum pro substantiâ, semper producit à DEO, quia nulla est mala natura, prout delirabant Manichæi. Rursus ens omne secundum præcisam rationem entis à DEO producit, quia ut sic: subjacet operationi divinæ, & per actionem ejus directè attingitur; verum non idèò quidquid est ens, sub quocumque respectu à DEO produci potest, quia actus creaturæ, ita sunt creaturæ, sub certis respectibus, ut sub iisdem DEI esse non possint. Sic vitalitas, prout est vitalitas, non petitur ex efficientiâ DEI, sed ex eo quòd voluntas in tali actu exercendo vitaliter se moveat: idem dicendum de difformitate, quæ actui contra legem elicitò inest; hæc enim tota pender à voluntate contra legem scienter operante, & in eam solam refundi potest.

Obj. 3tio. In eo consistit formale peccati, quò præcisè intellectò intelligitur peccatum: atqui intellectâ præcisè privatione rectitudinis debet intelligitur peccatum. Sicut enim posito concursu omnium circumstantiarum, quæ ad actionem moraliter bonam requiruntur, actio intelligitur moraliter bona: sic posito earundem circumstantiarum, vel alicujus ex ipsis defectu, actio intelligitur moraliter mala; ergo.

R. dist. maj. In eo consistit peccatum, quò intellectò per modum alicujus primarii, intelligitur peccatum, C. quò intellectò per modum secundarii, & proprietatis, N. Equidem intellectâ debet perfectionis privatione, intelligitur peccatum, sicut intellectâ risivitate apud veteres Philosophos intelligitur homo: at non ideo primarium peccati constitutivum in privatione reponi debet, sicut nec constitutivum hominis reponitur in risivitate:

rifivitate: quia sicut est in homine prius aliquid rifivitate; sic in peccato est aliquid privatione prius, scilicet; tendentia in obiectum bonis moribus dissonum, quæ omnis & cujuscumque privationis fundamentum est.

✠ CAPUT SECUNDUM.

De causis Peccati.

Dicendum hic 1mo. de causa materiali, seu subiecto peccati, 2do. de causa ejus efficiente.

ARTICULUS PRIMUS.

De subiecto Peccati.

Subiectum peccati duplex: *immediatum*, quod ipsa est potentia, quæ peccatum committit; & *mediatum*, quod est agens peccati capax. Ab isto ducemus exordium. Sit igitur.

CONCLUSIO. Sola creatura rationalis, non tamen in omni statu, est subiectum peccati.

Prob. Quia sola creatura rationalis est libera, libertate etiam contrarietatis, ut alibi probatum est: atqui ubi talis extat libertas, ibi & non alibi est potentia ad malum & ad bonum; ergo.

Dixi, *non tamen in omni statu*; nam peccare non possunt 1mo. Beati, quos visio beatifica, quæ perfectissimè inebriantur, ab omni peccato retrahit; 2do. nec animæ Purgatorio detentæ, quæ licet Deum non videant, tanto tamen ejus videndi desiderio tenentur, & tam gravia levibus pro peccatis supplicia luunt, ut ab omni peccato abhorreant; 3tio. nec peccavit unquam etiam venialiter B. Virgo, ut docet Concilium Trident. Sess. 6. Can. 23. & innuit S. Augustinus Lib. de nat. & grat. cap. 36. ubi ait Sanctissimos quosque viros fuisse obnoxios peccato, *exceptâ* tamen S. Virgine Mariâ, de qua propter honorem Domini, nullam prorsus, cum de peccatis agitur, haberi volo quæstionem.

Non est quod dicant Hæretici, B. Virginem 1mo. incredulam fuisse verbis Angeli, cum dixit *Quomodo fiet istud?* 2do. ambitiosam, cum in nuptiis Cana miraculum petiit, ideoque his Filii sui verbis emendata est, *Quid mihi & tibi mulier?* Hæc enim non obstant.

Non 1. nam Virgo non dubitavit de veritate prædictionis Angelicæ, sed sollicita fuit de modo, unde is est ejus verborum sensus:

fensus: *Quomodo fiet istud*, ut quæ virginitatem vovi, mater evadam? Secus fuit de Zacharia, qui dicens, *Unde hoc sciam?* miraculum requirebat, quò de prædictionis veritate certior fieret.

Non 2. nulla enim in nuptiis Cana fuit ambitio Mariæ, sed summa charitas. Christus autem ait Iustinus, *non verbo objurgavit, quod facto honoravit*; ejusque verba, etsi paulò duriora videntur, eo potuerunt vultu & tono proferri, qui amorem exhiberent, non iram. Adde, quòd Christus non matrem, sed nos docere voluerit, nec parentes quidquam habere juris in rebus DEI; nec eas ex eorum affectibus, sed ex DEI nutu & imperio pertractandas esse.

Quæres, an solum veniale peccatum possit cum originali consistere? Hæc quæstio ad aliam accedit, an scilicet quilibet infans statim, ac attingit usum rationis, tam arctè teneatur ad DEUM ut ultimum finem se convertere, ut nisi fecerit, peccet mortaliter: si enim res ita sit, iam evidens est solum veniale peccatum cum originali consistere non posse. Ut quædam tolerantur difficultates.

Not. 1mo. Tunc puerum censeri ad usum rationis pervenisse, cum expeditam habet facultatem discernendi bonum inter & malum morale, honestum inter & inhonestum. Quo autem tempore id contingat; certò definiri nequit: ad hoc enim plurimum inserviunt, tum opportuna organorum dispositio, tum sedula infantium educatio.

Not. 2do. Instans illud, quò obtinetur rationis usus, latiori sensu accipi, cum eam complectatur durationem, quâ indiget puer, ut bonum honestum à sensibili discernat.

R. Infantem qui pervenit ad usum rationis, reum videri, si ad DEUM se non vertat secundum naturam & modum luminis ac gratiæ quibus protunc donatur; seu ut ait S. Thomas, *secundum quod in illa ætate est capax*.

* Prob. 1mo. Ut infans statim ac moraliter usum rationis obtinuit, teneatur sub pœnâ peccati se ad DEUM convertere, sufficiunt duo, 1mo, ut quilibet statim teneatur legi sibi sufficienter propositæ obsequi; 2do, ut lex de se ad DEUM convertendo, intimeretur homini statim, ac rationis usum assecutus est: atqui utrumque constat. Primum quidem patet ex iis, quæ dicta sunt in Tractatu de Legibus, ubi probatum est: non posse sine peccato resisti legi sufficienter propositæ. Probatur itaque secundum: Homo in hunc mundum veniens illuminatur à Deo, prout docent communiter Patres, præcipuè verò S. Cyrillus in hæc verba Joan. cap. 1. *Illuminat omnem hominem venientem in hunc mundum*: atqui illuminatio illa nihil aliud

aliud esse potest, quam impressio, quâ infans ad suam in DEUM conversionem moveatur.

Prob. min. 1mo. Quia vix concipi potest, quòd DEUS qui hominem propter semetipsum operatus est, non concedat ei auxilium, quò ad suum creatorem movere se possit, præsertim cum DEUS verè & sincerè omnium salutem velit, & nemo eorum, qui baptismo regenerati non sunt, quique quolibet momento possunt perire, absque eodem auxilio salutis obtinendæ capax censerì possit; 2do. quia ratio dictat hominem teneri ad DEUM eò se convertere momentò, quò maximè convenit, ut DEUS cordis ejusdem possessionem ineat, & suum in illud exerceat dominium: atqui hoc maximè convenit eò momentò, quò quis rationalis fieri, & homo esse incipit. Quis enim credat DEUM zelotem, voluisse ut omnia animalium primogenita, & omnes fructuum primitiæ sibi offerrentur, non curasse verò, ut tenelli cordis primitiæ sibi consecrarentur; ergo.

† Prob. 2do. Quia infans tenetur cum potest, & eò modò, quò potest, se, actusque suos omnes ad DEUM referre; nulli enim ejus actus indifferentes esse possunt, licet faciliùs à gravi culpâ excusetur ob inadvertentiam: atqui hæc ad DEUM relatio fieri non potest sine aliquali in DEUM conversione; ergo.

Tria hic notanda quibus objectiones partis alterius solvuntur; 1mo. non audemus mortalis peccati arguere infantes, qui huic officio defunt, præsertim si ad tempus satis breve defint, 2do. novimus opinionem oppositam multis videri probabiliorē, adeòque ab ipsis in praxi teneri posse, ut notat Gonet, & alibi diximus; 3tio. credimus præceptum hoc minùs à pueris ignorari, quàm ab aliis, quia pueris ab Authore naturæ pro illo instanti practicè & in actu exercito proponitur à DEO. Adde eos qui piè educati sunt, DEUMQUE à teneris unguibus precari, eique corculum suum donare edocti, vix ac nè vix quidem hoc in puncto sollicitos esse debere. Vide quæ dicam agendo de Fide.

Quod spectat ad immediatum peccati subjectum, otiosas, quæ hic à Theologis proponuntur quæstiones resecabimus, dicendo peccatum omne esse in voluntate, vel ut in subjecto, vel ut in primo movente: hinc tritum illud Augustini Lib. 1. Retract. cap. 9. *Voluntas est, quâ peccatur, & rectè vivitur*. Etsi verò hinc omnis circa præsens negotium quæstio resoluta esse videtur, fusiùs tamen expendendum est, an in sensualitate seu concupiscentiâ sit peccatum.

Not. 1mo. Sensualitas definitur, Naturalis animæ facultas hominem inclinans ad prosecutionem boni sensibilibis, juxta præviam sensuum perceptionem: quanquam sensualitas hic etiam

accipitur

accipitur
rebellis.
vel in
si ex con
Not.
Hæretico
quæ ma
ritorum
rum qu
voluntate
peccatum
proptus
sâ omni
Medina.
CONC
mortale
Prob.
Christo
cord, se
hunc loc
Prob.
lum An
piscere,
c. 3. F
cas, si
here n
qui S. I
docet, e
Prob.
sine libe
liberi. S
vel volu
eos mor
mi hom
rum ejus
Et certè
ginali pe
hominis
inter pe
2do.
tiam jul
nisi spec
ter ex II
Ex hi
Moral

accipitur pro appetitu secundum quod corruptus est, & rationi rebellis. Porro sensualitas hoc etiam posteriori sensu accepta vel in objectum tendit ante quemlibet consensum, vel non nisi ex consensu formali aut interpretativo voluntatis.

Not. 2do. Circa præsens punctum triplex est opinio. Prima, Hæreticorum, hæretica, quatenus docent concupiscentiam quæ manet in renatis verum esse peccatum, licet intuitu meritorum Christi non imputetur. Secunda est Cajetani, & aliorum quorundam, qui in motu sensualitatis, etiam sepositò voluntatis consensu, nonnihil libertatis esse putant, quod ad peccatum veniale sufficiat. Tertia est ceterorum, qui nullum prorsus peccatum esse posse putant in appetitu sensitivo, seclusâ omni motione voluntatis. Ità multi, etiam Thomistæ, ut Medina, Alvares, &c. Sit

CONCLUSIO. Sensualitas præcisè sumpta non est peccatum mortale, aut veniale.

Prob. 1mo. peccatum omne cō inquinat hominem: atqui ex Christo Domino, ea solum cō inquinant hominem, quæ exeunt de corde, seu quæ liberè fiunt, & ex voluntate nascuntur, ut in hunc locum scribunt S. Hieronymus, aliique Interpretes; ergo.

Prob. 2do. ex Patribus: S. Chrysostomus Hom. 16. ad populum Antioch. *Concupiscere, inquit, naturale; malè verò concupiscere, jam voluntatis.* S. Augustinus Lib. 5. contra Julian. c. 3. *Frustra inquit, dictum est, Post concupiscentias tuas non eas, si jam quisque reus est, quòd tumultuantes, & ad mala trahere nitentes sentit eas.* Plures non congero, quia Calvinus, qui S. Doctorem melius quàm ceteros hoc in puncto sensisse docet, eum tamen sibi adversari fatetur.

Prob. 3tio. duplici ratione: 1mo. quia nullum est peccatum sine libertate: atqui motus sensualitatis non sunt secundum se liberi. Si enim essent secundum se liberi, vel propriâ voluntate, vel voluntate primi hominis. Primum dici nequit, càm sancti eos motus experiantur inviti. Secundum non sufficit; quia primi hominis voluntas non sufficit ad peccatum actuale posterorum ejus: atqui sensualitatis motus peccata forent actualia; ergo. Et certè actus phræneticorum, & stultorum, utpotè qui ab originali peccato profluunt, non minùs liberi sunt voluntate primi hominis, quàm indeliberati concupiscentiæ motus: atqui tamen inter peccata recenferi nequeunt; ergo.

2do. Quia lex Dei non est impossibilis: atqui hominibus etiam justis impossibile est non experiri concupiscentiæ motus, nisi speciale adsit privilegium, quod ipsi S. Paulo deerat, ut patet ex II. Cor. 12. ergo.

Ex his colliges 1mo. sensualitatis motus rationem prævenientes

Moral Tom. I.

T

nientes

nientes non esse peccata in iis etiam, qui baptisati non sunt, quia non magis in eis, quàm in baptisatis propriâ voluntate liberi sunt; 2do. idem dicendum de aliis motibus sive intellectûs sive voluntatis, quales sunt motus infidelitatis, odii & similes, qui omnem voluntatis consensum anteverunt, & ided motus primò primi dicuntur. Ratio est eadem, quia ubi omnimoda deest libertas, ibi actuale peccatum reperiri nequit.

Obj. 1mo. id Rom. 6. *Non regnet peccatum in vestro mortali corpore*: atqui peccatum de quo hic loquitur S. Paulus, ipsa est concupiscentia, ut patet ex verbis sequentibus, *ad obediendum concupiscentiis ejus*.

R. concupiscentiam dici peccatum, sed improprie, quia à peccato est, & ad peccatum inclinatur, ut pluries docet Augustinus. Hæc autem solutio, non est violenta, ut clamat Lutherus, sed fundamentum habet in scripturis; in quibus peccatum aliquando sumitur pro culpa, aliquando pro pœnâ, vel causâ peccati. Sic Thren. 4. *Completa est iniquitas tua*, id est, pœna iniquitatis tuæ. Et Osee 4. dicuntur Sacerdotes *peccata populi comedere*, quia comedunt oblatione pro expiatione peccatis; ergo vox peccati ambigua est, adeoque de peccato improprie dicto intelligi debet, si absque fidei & rationis periculo aliter intelligi non possit: non potest autem, ut patet ex probationibus nostris; ergo.

Inst. Pergit apostolus ibid. cap. 7. *Peccatum non cognovi, nisi per legem; nam concupiscentiam nesciebam, nisi lex diceret, Non concupisces*. Unde sic: Transgressio legis peccatum est proprie dictum: atqui concupiscentia est transgressio legis ex Apostolo; ergo.

R. dist. min. Concupiscentia sumpta pro actu voluntario concupiscendi, est transgressio legis, C. sumpta pro primis motibus, quibus mens resistit, vel pro ipsâ ad illos motus pronitate, N. Porro loquitur hic Apostolus de voluntariis concupiscentiæ motibus, quos Judæi non putabant peccata esse, nisi foras erumperent, ut patet ex Matth. 5. ubi reus dicitur qui mulierem concupiscit.

* Obj. 2do. S. Augustinus in eâ etiam cui resistitur concupiscentiâ peccatum agnoscit. Sic enim habet Serm. 5. de verbis Apost. *Si concupiscis quidem, quod lex vetat, quæ dicit, Non concupisces, servas tamen aliud quod item lex jubet, Post concupiscentias tuas non eas*. Unde sic: Id quod lex Dei prohibet peccatum est: atqui ex Augustino lex prohibet nè quis concupiscat, & hanc legem transgreditur, etiam qui servat legem de non eundo post concupiscentiam suam; ergo.

R. dist. maj. Quod lex prohibet, ut proprè dictam trans-

gress-

gressionem
& aliquam
que ex
quia scop
los patien
nus concu
torem n
ait Lib.
tum in re
tur; ergo.
Inst. 1
iniquitas
vium, ve
si vincere
dictum,
R. dist.
iniquitas
subdist.
C. foras
Ambrosi
eo omni
tia meri
Inst.
non no
tia cui
contra J
R. dist.
tenus mi
dium mi
Obj. 2
rationem
condum
R. dist.
etiam pr
tentiam,
peccatum
verentia
Inst.
inquit, qu
exteriorer
esse sine
sed non
tas: atqui
peccato.

gressionem peccatum est, C. quod lex prohibet ut defectum & aliquid repugnans perfectioni, ad quam lex tendit, N. Itaque ex mente Augustini, lex quidem vetat concupiscentiam, quia scopus legis est, ut homo perveniat ad statum, in quo nullos patietur concupiscentiæ motus: at non ideo docet Augustinus concupiscentiam esse de se peccatum cum juxta S. Doctorem non peccet, qui concupiscentiæ motus reprimat: *Ipsa*, ait Lib. 1. de nupt. c. 23. *Concupiscentia jam non est peccatum in regeneratis, quando illi ad illicita opera non consentiuntur ergo.*

Inst. 1mo. juxta S. Augustin. L. 6. contra Julian. c. 8. *est iniquitas cum in homine vel superiora inferioribus turpiter servantur, vel inferiora superioribus contumaciter reluctantur, etiam si vincere non sinantur: atqui iniquitas peccatum est proprie dictum*, ex I. Joan. 3.

R. dist. min. Iniquitas quam facit homo peccatum est, C. iniquitas quam patitur homo, etiam nolens, peccatum est, subdist: peccatum est effective, quatenus ad peccatum inclinat, C. formaliter N. Iniquitatem latius aliquando sumi liquet ex S. Ambrosio in Apologiâ David c. 13. sumitur enim non raro pro eo omni quod inordinatum est, hoc autem sensu concupiscentia merito vocatur iniquitas.

Inst. 2do. Si concupiscentia formaliter peccatum non esset, non noceret, eis qui eidem non consentiunt: atqui concupiscentia cui etiam non consentitur nocet ex S. Augustino Lib. 4. contra Julian. cap. 2.

R. dist. maj non noceret ut peccatum, C. non noceret quatenus miserabilem habet pugnam, & spirituale mentis gaudium minuit, N. Solutio est in eodem loco.

Obj. 2do. ex S. Thomâ hic a. 3. ad 3. *Motus sensualitatis rationem præveniens est peccatum veniale; ergo sensualitas secundum se non est ab omni peccato immunis.*

R. dist. Motus sensualitatis rationem & advertentiam perfectam præveniens, sed annexam habens imperfectam advertentiam, vi cujus potuisset impediri, si ratio benè vigilasset, est peccatum veniale, C. motus omnem omnino præveniens advertentiam, N.

Inst. 1mo. S. Thomas 3. p. q. 41. art. 1. ad 3. *Tentatio, inquit, quæ est ab hoste, potest esse sine peccato, quia fit per solam exteriorem suggestionem, tentatio autem quæ est à carne non potest esse sine peccato . . . & ideo Christus tentari voluit ab hoste, sed non à carne.* Unde sic: Tentatio à carne est ipsa sensualitas: atqui ex S. Thomâ nulla est tentatio à carne, quæ sit sine peccato.

R. dist. min. ex S. Thomâ nulla tentatio à carne potest esse sine peccato, quando eam impedire potest voluntas; C. quando nec illam impedire, nec compescere potest voluntas, N. Itaque asserit quidem S. Doctor, alicujus peccati saltem venialis reos esse, quicumque tentationem, quæ est à carne, & quæ inordinatam delectationem, & concupiscentiam involvit, reprimere possunt, nec tamen reprimunt; verum non docet peccati etiam venialis reum esse, eum qui ejusmodi tentationem invitus patitur. Sic enim loquitur in 2. Sent. dist. 21. q. 1. a. 2. *Appetitus concupiscibilis habet quandam libertatem in homine, secundum quam potest obedire imperio rationis, & sic in concupiscibili potest esse peccatum.* Ubi idem, juxta Scholæ Angelum, potest esse peccatum in appetitu concupiscibili, quia, *potest obedire imperio rationis*; ergo immunis est à peccato, si imperio rationis obedire non possit, porro obedire non potest quoad eos motus, qui præveniunt omnem omnino rationis advertentiam, nullamque supponunt negligentiam.

Inst. 2do. Si juxta S. Thomam, tentatio, quæ est à carne non esset peccatum independentem ab omni rationis imperio, S. Doctor non probaret efficaciter Christum à carne tentari non potuisse, ex eo quod tentatio carnis non sit sine peccato: falsum consequens; ergo.

R. Neg. sequelam majoris. Etiam si etiam tentatio carnis quam impedire nequit voluntas, peccatum non sit, efficaciter tamen probavit S. Thomas Christum à carne tentari non potuisse, quod hæc tentatio sine peccato non esset. Nam cum tentatio quæ est à carne sit motus inordinatus concupiscentiæ, nemo eam pati debet, quotiescumque comprimere potest; porro Christus poterat solo suo nutu in se impedire omnem tentationem quæ est à carne; ergo peccasset si ejus motum inordinatum in se passus esset, & proinde optimè probavit S. Thomas, Christum non potuisse tentari à carne.

Et hæc dicta sint ad vindicias tum Angeli Scholæ, tum qui ei præfuit Magistri sententiarum, de quo lepidè satis & verè dixit Protestantium quispiam, Stancarum nomine. *Plus valet unus Petrus Lombardus, quam centum Lutheri, ducenti Melanctones, trecenti Bullingeri, quadringenti Petri Martyres, quingenti Calvinii, qui si omnes in mortario contunderentur, non exprimeretur una uncia veræ Theologiæ.*

† ARTICULUS SECUNDUS.

De causis efficientibus Peccati.

Duplex distinguitur peccati causa: interior, quæ in ipso homine est; & exterior, quæ est extra ipsum.

SECTIO PRIMA.

De interioribus Peccati causis.

Causa interior peccati triplex distinguitur, ignorantia ex parte intellectûs, concupiscentia & passio ex parte appetitûs, & malitia ex parte voluntatis: quod ut magis declaretur, sit.

CONCLUSIO I. Ignorantia potest esse causa peccati, potest & esse peccatum.

Prob. 1. pars, ex Act. 3. *Scio, fratres, quia per ignorantiam fecistis.* I. Corint. 2. *Si cognovissent, nunquam Dominum gloria crucifixissent:* atqui tamen peccaverunt Judæi Dominum crucifigendo; ergo peccatur per ignorantiam, seu, quod idem est, datur ignorantia, quæ est causa peccati.

Obj. Si ignorantia sit causa peccati, utique quia removeret scientiam quæ peccatum prohiberet: atqui hoc dici non potest; alioqui Deus etiam erit causa peccati, quia denegat auxilia, quæ si adessent, impedirent peccatum.

R. ad 1. neg. min. ad 2. neg. maj. Disparitas est, quod Deus non teneatur dare auxilia quæ denegat; homo verò teneatur scientiam adipisci, quâ peccatum evitet: aliunde Deus sufficientia auxilia hominì concedit.

Prob. 2. pars. Psalm. 24. *Ignorantias meas nò memineris.* Osee 4. *Quia tu scientiam repulisti, repellam te.* I. Cor. 4. *Si quis ignorat, ignorabitur.* Heb. 9. Sacerdotes veteris legis dicuntur obtulisse sanguinem pro suâ & populi ignorantia; atqui ignorantia, de quibus sermo est in his textibus vera sunt peccata; cum necesse sit, ut vel expientur ab homine, vel puniantur à Deo.

Prob. 2do. non minus ignorantia eorum, quæ quis tenetur & potest scire, peccatum est, quàm omissio eorum, quæ quis tenetur & potest facere; peccatum sit: atqui omissio hæc peccatum est; ergo.

Obijciuntur tria: imò. peccatum omne tollitur per poenitentiam.

tentiam atqui tamen per pœnitentiam non tollitur ignorantia 2do. Si ignorantia esset peccatū, qui ex ignorantia furatur, duo admitteret peccata, unum ignorantia, alterum furti: quod absurdum est; 3tio. si ignorantia sit peccatum: quod quis in ebrietate facit mali, peccatum erit, quod falsum est. Sed hæc non nocent; unde.

Ad 1. dist. min. Ignorantia per pœnitentiam non tollitur, secundum quod est privatio scientia, C. non tollitur secundum quod importat negligentiam, sine qua ignorantia peccatum non esset. N. Ideo autem ignorantia secundum hanc negligentia rationem tollitur per pœnitentiam, quia pœnitens sibi proponit eam omnem adhibere diligentiam, quæ ad expulsionem ignorantia necessaria est; si autem non adhibeat, ut debet & potest, ignorantia sit denuò vincibilis & peccatum.

Hinc inferes: ignorantiam non ratione sui, sed propter negligentiam peccatum esse; ita Augustinus cum ait: *Non tibi deputatur ad culpam quodd invitus ignoras, sed quodd negligis querere, quod ignoras.* Sicuti tamen Missæ omissio quæ, in somno contingit, & in ipso indirectè volita est, non in causâ solè, sed etiam in se ipsâ peccatum est, quamvis non id habeat à se, sed à causâ; ita à pari, ignorantia vincibilis est in se formaliter peccatum, licet id non habeat à se, sed à negligentia voluntaria sciendi ea, quæ scire tenemur. Negligentia tamen & ignorantia, * non sunt duo peccata, sed unum; sicut actus internus & externus, imperans & imperatus, ambo non nisi unicum efficiunt peccatum: ignorantia enim se habet ut aliquid imperatum à negligentia.

An 2. non desunt, qui furantem ex ignorantia duplicis peccati reum putent. Alii tamen unum hic furti ipsius peccatum agnoscunt, quia cognitio malitiæ furti non est necessaria, nisi in ordine ad furtum evitandum.

Ad 3. quæ fiunt in ebrietate non sunt peccata, nisi praviſa sint, aut praveri debuerint: aliàs qui aliquod crimen committeret, reus esset omnium criminum quæ ex eo sequi possunt, v. g. homicidii, &c. si verò praviſa sint, aut debuerint praveri, sunt peccata, quia satis sunt voluntaria.

CONCLUSIO II. Ignorantia invincibilis excusat à toto peccato; consequens, nisi affectata sit, excusat à tanto; concomitans non excusat ratione malæ dispositionis, sed excusat ratione actus. Tres ex conclusionis partes sufficienter probata sunt in Tract. de Actibus humanis pag. 11.

Hic duo notanda, imò. ignorantia censetur invincibilis, cum nec directè, nec indirectè volita est; seu cum quis ut rem sciret sufficientem adhibuit diligentiam, nec tamen scire potuit. Por-

* *Silvius.*

rò,

ro ad id necessarium non est, ut quis diligentiam simpliciter summam adhibeat, hoc est: ut faciat plane totum, quod in se est; sed sufficit, si id faciat, quod communiter viri pii ac prudentes efficere solent, & eo modo quò solent. Sic Jacob accedens ad Liam non tenebatur vel adhibere lumen, vel eam ad loquendum provocare, ut veritatem exploraret: neque enim id pii facere solent: sed satis erat quòd nullam habens fraudis suspicandæ causam, eam suscipere quæ sibi offerebatur.

2do. Conveniunt omnes, eum qui dat operam rei licitæ, semper à peccato excusari ob ignorantiam invincibilem; sed controversatur, an idem dicendum sit, si quis operam dando rei illicitæ, aliquid faciat cum illa re connexum, quod in se novam habeat deformitatem, quæ invincibiliter ignoretur, v. g. Genes. 38. ingressus est Judas ad nurum suam, putans esse scortum, sed planè nesciens esse nurum, estne ab incestu excusandus?

Negant aliqui, sed alii plures probabilius affirmant; quia circumstantia, invincibiliter ignorata; non, minùs efficit ut actus respectu ejusdem sit involuntarius, quando vacatur rei illicitæ, quàm cum vacatur rei licitæ: unde, juxta S. Thomam excusatur à parricidio, non tamen ab homicidio, qui percutiens aliquem, scit quidem ipsum esse hominem, non tamen scit eum esse patrem. Hinc alibi colligemus, censuras non incurri ab eis qui violentas manus injiciunt in aliquem, quem invincibiliter ignorant esse Clericum.

Quæres an ignorantia vincibilis ita minuat peccatum, ut veniale faciat id, quod alioqui esset mortale;

R. tale esse peccatum quod sequitur ex ignorantia, quale est peccatum negligentia, ex quâ sequitur ignorantia: hinc si negligentia sit gravis, ut esse solet, etiam si non sit summa, peccatum non desinit esse mortale. Certè enim mortaliter peccaverunt Judæi, qui Dominum crucifixerunt, & Apostolos ejus persecuti sunt, tamen id fecerint per ignorantiam, alii majorem, alii minorem. Peccant etiam mortaliter Judices, Advocati, Confessarii, Superiores, Medici, Opifices, &c qui ex gravi, licet non omnium maximâ negligentia, scientia sibi necessaria destituti sunt.

Si verò negligentia sit tantum venialis, & imperfectè voluntaria, sicut est cum quis aliquam, sed non satis magnam, adhibuit diligentiam, tunc ita minui potest peccatum, ut non sit mortale. Atque id in casu perjurii ex veniali negligentia & ignorantia contingere posse, docent Navarrus & Sylvester. An mollietates seu pollutio à peccato excusari possit sub prætextu ignorantia, dubitant aliqui; negant plures, & melius, cum Pontas v. Ignorance. cap. 1.

Quod de ignorantia dictum est, idem dicendum 1mo. de inadvertentia, quæ est carentia attentionis actualis; 2do. de inconsideratione, quæ privatio est debitæ inspectionis; 3tio. de oblivione, quâ quidpiam debitæ actualis cognitionis privationes, ad ignorantiam merito revocantur, & ejusdem cum ipsâ conditionis sunt. Unde inadvertentia, idem dic de aliis, excusat à toto si invincibilis sit, ut esse solet in iis, qui habitualement habentes cognitionem Officii sui, aliud nescii & inviti rapiuntur: non excusat verò, nisi à tanto, si debuit & potuit vitari, quia nunc non tollit voluntarium indirectum. Hinc culpabilis est inadvertentia: 1mo. *in se ipsâ*, cum sentit aut sentire potest homo id, quod aggreditur plùs mereri considerationis, nec tamen vult amplius ad rem attendere; 2do. *in alio*, cum quis vult aut facit aliquid, quod cum seriâ rei faciendæ consideratione coherere non potest; aut cum non exuit se defectu quodam, qui advertentiam tollit, v. g. præcipitatione in agendo.

Circa alias peccati causas, passionem scilicet & malitiam.

Quæres 1mo. an detur peccatum ex passione.

R. affirmative. Passio enim est appetitus sensitivi motio, quæ extraordinariam corporis mutationem producit: atqui motio hæc esse potest & sæpius est causa peccati, juxta id Daniel.

13. *Concupiscentia subvertit cor.*

Etsi porrò, ut alibi dictum est, passio antecedens minuat peccatum, haud tamen illud tollit; imò nec illud, communiter loquendo, ita minuit, ut ex mortali veniale faciat in motibus deliberatis, quia tunc nec deest materia gravis, nec consensus sufficiens ad peccatum mortale; quin & peccare potest mortaliter qui passionem, quam advertit, non repellit positivè, licet nec ei positivè consentiat, ut infra dicemus.

Quòd si passio planè auferat usum rationis, sitque involuntaria; tunc aliquando excusat à peccato, aliquando non. Excusat quidem, si sit involuntaria, tum in se, tum in suâ causâ, ut cum quis in phrænesi, vel in ebrietate involuntariâ constitutus percutit matrem. Si verò passio, licet actu involuntaria, fuit tamen à principio voluntaria, ut cum quis ex voluntario amore carnali incidit in insaniam, tunc non excusat à peccato quod fuit prævisum, vel quod ex ejusmodi amore per se sequitur. Ratio est, quia insania se habet ut ebrietas, quæ est brevis quadam amentia: atqui ex S. Thomâ, * *cum aliquis de sero se inebriavit, & non potest surgere ad Matutinas, ut debet; omisso hæc incipit imputari ad culpam*, non eo tempore, quo se applicuit ad actum ebrietatis, cum Officii recitatione impossibilem, sed *quando fuit tempus operandi*, seu dicendi *Matutinas*; ergo.

* 1. 2. q. 79. art. 3.

Quod

Quod spectat ad passionem consequentem, * hæc ut ibidem dictum est, non minuit peccatum sed potius, auget, vel signum est magnitudinis ejus; quia vel voluntarium auget, vel est signum voluntatis vehementioris. Hinc peccatum ex passione consequenti, non dicitur ex infirmitate, sed potius ex malitiâ.

Quæres 2do. an detur peccatum ex malitiâ.

R. affirmat. nam peccatum ex malitiâ est illud, quod scienter & liberè committitur, quoddamque nec ex ignorantia, nec ex passione antecedente procedit: atqui constat aliquos esse qui scientes & volentes malum eligunt, non autem ex iguorantiâ vel passione. Tales ii sunt *qui quasi de industriâ recesserunt à Deo, & omnes vias ejus intelligere noluerunt*, Job. 34. Tales & ii *qui latantur cum malè fecerint, & exultant in rebus pessimis*, Proverb. 2. Tales sæpè ii servi, qui domini sui voluntatem cognoscunt & non faciunt, Luc. 12.

Hic quædam observanda: 1mo. peccatum ex malitiâ omnium est gravissimum ex genere suo, quia omnium maximum est voluntarium: peccatum verò ex infirmitate gravius est quàm peccatum ex ignorantia affectatâ; peccatum autem quod ex ignorantia affectatâ, aut ex passione liberè excitatâ prodit, vel est peccatum ex malitiâ, vel ei æquivaler.

2do. Peccatum ex malitiâ non semper oritur ex peccato præcedenti, quia primum peccatum aliquando est ex malitiâ.

3tio. Eâdem de causâ non omnis qui peccat ex malitiâ, peccat ex habitu, quia fieri potest, ut voluntas illius qui nullum habet habitum pravum, ex seipsâ ad malum moveatur, quod est peccare ex malitiâ. *Quicumque tamen peccat ex habitu, peccat ex certâ malitiâ* * ut docet S. Thomas; quia qui peccat ex habitu, peccat ex majori voluntatis propensione; & verè, licet citò & quasi imperceptibiliter, determinatur ad malum, quod ei quodammodo connaturale evadit, quatenus consuetudo & habitus vertitur in naturam. Unde colligere est, quàm insipienter aliqui peccata sua inde excusare velint, quòd à consuetudine oriantur, cum consuetudo minimè retractata malitiam adaugeat.

Circa consuetudinem malam mortaliter pecandi, docent non pauci eos qui eâ implicantur, obligari sub mortali ad eam retractandam. Quisque enim, inquit, sub mortali teneretur removere occasionem proximam, ac periculum morale mortakiter peccandi; alioqui censetur velle interpretativè peccatum: atqui consuetudo est proxima peccandi occasio, & morale quoddam periculum, vel potius moralis quædam peccandi ne-

T s

cessi-

* Suprà q. 13. * Hic q. 78. art. 2.

cessitas, quatenus, ut docet S. Augustinus Lib. 8. Confess. c. 5. *Dum consuetudini non resistitur, fit necessitas.* Addunt iidem consuetudinarium toties actu peccare, quoties ad pravam, quam ligatur, consuetudinem advertens, non proponit efficaciter eam corrigere, quia vult saltē interpretativē id, quod respectu ipsius proximum est peccandi periculum, hoc autem velle novum est peccatum. Verū hęc quæstio pertinet ad Tractatum de Pœnitentiā,

SECTIO SECUNDA.

De exterioribus Peccati causis.

DUO hic examinanda: 1mo. an Deus, 2do. an Dei hostis diabolus, sint causa peccati.

Deum peccati autorem fecēre, tum Lutherus, juxta quem *Deus in nobis omnia bona & mala operatur*; tum Calvinus, qui licet diabolicam hanc opinionem, (si tamen eō usque insaniunt dæmones) à se propulsare velle videatur, disertē hęc habet, Libro 1. Institut. cap. 18. §. 1. *Ab salom incesto coitu patris thorum polluens, detestabile scelus perpetravit; Deus tamen hoc opus suum esse pronuntiat. Clamat Deus; suo sibilo, tubæ suæ clangore, imperio & jussu, excitari impios ad bellum.* Ibidem docet Novator, quidquid Satan operatus est contra Job, quidquid Chaldæi contra Judæos, quidquid Semei contra David, quidquid Judæi contra Christum, id totum fuisse opus Dei; *nec solum permissu, sed decreto, nutu, directione, jussu & imperio Dei factum.* Quā porro ratione potest Deus expressē magis & propriē statui omnium scelerum autor? non ergo fictitium sed verum errorem proscripsit Synodus Tridentina sess. 6. can. 6. his verbis: *Si quis dixerit... mala opera ita, ut bona Deum operari, non permissivē solum, sed etiam propriē & per se, adeo ut sit ejus proprium opus non minus proditio Judæ quam vocatio Pauli, anathema sit.* Unde sit.

CONCLUSIO I. Deus non est peccati causa, quasi velit, præcipiat, aut operetur peccatum, hominēve ad illud excitet & impellat: sed, quod idem est, Deus non est efficiens, sed solum permissiva peccati causa.

Prob. 1mo. Qui non vult iniquitatem, sed eam odit & abominatur, peccatum velle, præcipere & operari non potest; atqui ex Scripturā Deus non vult iniquitatem.... Psalm. 5. *Non Deus volens iniquitatem tu es,* Psalm. 44. *Dilexisti justitiam, & odisti iniquitatem.* Ezechiel. 18. *Numquid voluntatis meæ est mors impij, dicit Dominus?* Vellet autem Deus impij

mor-

mortem, si eum ad peccatum excitaret, impelleret, ac per ipsum, & in eo peccatum operaretur.

Prob. 2do. ex S. Augustino cujus præcipuè autoritate gloriantur Novatores. Epist. 294. Nec, ait, obdurat Deus imperitiendo malitiam, sed non impertiendo gratiam. & infra: Iniquitatem damnare novit ipse, non facere * Lib. 13. de Trinit. cap. 12. distinctionem apud Catholicos tritam, quam Calvinus vocat effugium, adoptat S. Doctor. Modus, inquit, quo traditus est homo in diaboli potestatem, non ita debet intelligi, tanquam hoc Deus fecerit, aut fieri jusserit, sed quod tantum permisit.

Concinit S. Prosper in Resp. ad 10. object. Detestanda, inquit, & abominanda opinio, quæ Deum cujusquam malæ voluntatis, aut malæ actionis credit authorem. . . . Non ergo . . . malignitatem iniquorum, neque cupiditates peccantium prædestinatio Dei aut excitavit, aut suavit, aut impulit. Unde sic: Qui hominis iniquitatem permittit quidem, sed nec eam facit, nec fieri jubet, nec suadet, nec excitat, quique non nisi impiè dici potest malæ voluntatis author, ille nullo Calvini sensu peccati causa dici potest: atqui Deus permittit quidem hominis iniquitatem, sed nec eam facit, nec suadet, &c. ergo.

† Prob. 3tio. ex Concilio Trid. cujus verba supra laudavi. Præiverat Concilium Arausicanum II. can. 25. his verbis: Aliquos ad malum divinâ potestate prædestinatos non solum concedimus, sed etiam sunt qui tantum malum credere velint, illis cum omni detestatione anathema dicimus.

* Prob. 4to. ratione à priori. Si Deus sit peccati author, vel quia illud permittit; cum impedire possit; vel quia ad ipsum concurrat, cum posset non concurrere: atqui neutrum dici potest. Non 1. qui enim permittit malum quod non tenetur impedire, non censetur ejusdem mali causa; sic mulier quæ elegantem à naturâ formam accepit, non tenetur feedare vultum, nè corruptus adolescens ex ejus conspectu ad amorem accendatur; pariter non peccat qui urgente necessitate Sacramenta petit à malo Parocho, quia non tenetur mali Sacerdotis peccatum impedire, sed potius utitur jure suo: atqui Deus non tenetur hominis lapsum impedire, sed jus habet explorandæ ejus fidelitatis, scilicet est si vires ei tribuat, quibus peccatum vitare possit; ergo. Non 2. ideo enim Deus ob concursum, peccati author diceretur, quia concurrat ad entitatem actionis, quæ hic & nunc debet esse mala: atqui Deus ob hujusmodi concursum nec est; nec esse potest author peccati. Quia nimirum ordinatè concurrat, etiam cum homo inordinatè operatur. Postulat enim ordo & recta ratio providentiæ universalis, ut Deus qui creaturas fecit boni & mali capaces

videm

iisdem non neget concursum, sine quo immotæ manerent ut stipites, & neutram in partem se movere possent. Quod autem creatura concursu hoc abutatur, in Deum refundi non potest; sicut quoddam optimus scribendi artifex, qui inconmodo calamo, vel in malâ papyro scribit, malè scribat, non scriptoris defectus est, sed calami vel membranæ ergo actionis ad quam cooperatur Deus, malitiâ & deformitas non in Deum, sed in hominem solum refundi debent.

† Obj. 1mo. Deus est causa cujuscunque mali: juxta id Amos 3. *Si fuerit malum in civitate, quod non fecerit Dominus; ergo & peccati.*

R. dist. Deus est causa mali pœnæ, C. mali culpæ, N. Malum pœnæ est afflictio quævis & calamitas; malum culpæ est rebellio contra legem. Deus prioris author esse potest, quia justus est, posterioris verò causa esse nequit, quia sanctus est. Porro *malum hoc loco*, Amos, non peccatum, sed pœna intelligenda est, ait S. Augustinus Lib. contra Adimant. cap. 26. idque evidenter adstruit series textus: *Visitabo*, ait ibid. Deus, *super vos omnes iniquitates vestras*, id est, puniam & castigabo; non puniret autem, quod præciperet fieri.

Inst. 1mo. Ille est causa mali, etiam culpæ, qui impios creat ut peccent, peccantesque puniantur, & sic manifestandæ Dei justitiæ subserviant: atqui Deus impios creat. . . . Proverb. 16. *Omnia propter semetipsum operatus est Dominus, impium quoque ad diem malum.* Rom. 9. *Dicit Scriptura Pharaoni; quia in hoc ipsum excitavi te, ut ostendam in te virtutem meam.*

Confirm. ex versu 21. ibid. *An non habet potestatem figulus facere aliud vas in honorem, aliud in contumeliam?* ubi Deus eodem modo vult vas in contumeliam, quo vas in honorem.

R. neg. min. non enim creat Deus quemquam eo fine ut impius fiat & damnetur, cum severè peccatum prohibeat, & impios ipsos ad pœnitentiam reverti velit, ne pereant; sed eos creat, quos impios fore præhoscit, ut eorum impierate, quam non facit, sed præscit, ad gloriæ suæ & justitiæ manifestationem utatur. Solutio est S. Augustini q. 32. in Exodum.

Ad confirmat. Vult quidem Deus punitionem impiorum, qui vasa sunt ignominie, actu tam positivo, quam velit coronationem Sanctorum, qui vasa sunt honoris: sed non idèd vult operari in impiis id, unde pœnam merentur, sicut vult operari in Sanctis id, unde merentur gloriâ. Quapropter vasa ignominie vel à se, vel à primis parentibus habent, quoddam sint corrupta, vasa verò gloriæ, à Deo habent utrumque, & quoddam sint vasa, & quoddam sint in honorem; & ita Catholica sentit Ecclesiâ, teste Augustino Epist. 126.

Inst.

Inst. 2do. Ille malos creat, ut mali sint, qui homines creat ut quosdam ex ipsis induret, & confirmet in malo: atqui Deus homines ideo creat, ut quosdam ex ipsis induret. Exod. 7. 8. 9. *Induravit Dominus cor Pharaonis.* I. Reg. 2. *Non audierunt vocem patris sui, quia voluit Dominus occidere eos.*

R. dist. Creat Deus homines quos induret negativè id est, quorum minùs misereatur, C. quos induret positivè id est, vel impertiendo malitiam, vel ad eam exitando, N. Solutio est S. Augustini pluribus in locis: sic Tract. 35. in Joan. *Sic excacat Deus, sic obdurat; deferendo, non adjuvando.* Et verò si Deus positivè hominem induraret, jam homo veram haberet excusationem contra Deum, à quo induratus esset: atqui tamen indurati excusationem non habent de peccato suo, ut dicitur Joan. 15.

Inst. 3tio. Ille non permissiva solum, sed & positiva peccati causa est, cujus positivo & efficaci decreto committitur peccatum, qui crimen mandat & fieri precipit, qui Reges populosque seducit, &c. atqui hæc omnia præstat Deus, juxta Scripturas. Prob. min. inductione. Gen. 45. Joseph crimen fratrum suorum à quibus venditus erat, in Deum refundit: *Non vestro consilio, sed Dei voluntate huc missus sum.* Act. 4. Herodes alique qui, Christum cruci affixere, id unum fecerunt, quod manus Dei & consilium ejus decreverunt fieri: unde ibid. cap. 2. Christus dicitur interemptum definito consilio & præscientiâ Dei. Lib. II. Reg. cap. 24. *Addidit furor Domini contra Israël, commovitque David in eis dicentem: Vade, numera Israël:* quæ populi dinumeratio fuit peccatum superbiæ. Ibid. cap. 16. *Dominus præcepit,* non simpliciter permisit Semei, *ut malediceret David.* Lib. III. Reg. cap. 22. Mittit Deus spiritum nequam qui decipiat Achab, & ait: *Decipies & pravalebis; egredere & fac ita;* &c. ergo.

R. neg. min. & dico è citatis textibus id unum colligi posse, imò. Deum permittere, ut impii multa mala perpetrent; 2do. Deum iis impiorum malis uti in bonum finem; adeò ut Deus malis voluntatibus non det corruptionem, sed ordinem, quatenus illas, quæ propriâ electione malæ sunt, sic flectit, & temperat, ut ad unum potiùs, quàm ad aliud malum se ferant, non quasi Deus eas in malum trahat, sed quia in malum ruentes non retinet. Quapropter non magis Deus author est peccati, quàm is furti causa sit, qui conspecto homine ad furtum paratissimo, januam suam claudit, unde fit, ut fur deprædetur vicinam domum cujus ostia patent. Quòd autem hæc solutio admittenda sit, patet ex brevi singulorum, qui objecti sunt textu examina.

Ad 1. In malis operibus, ut in venditione Iosephi, & Christi occisione, duo sunt valde diversa, actio quæ mala est, & passio quæ est optima. Passio ex efficaci DEI consilio & voluntate prodit, & ad ejus gloriam plurimum confert; sed actio ipsa, quæ immane est scelus, à DEO non efficitur, sed permittitur in tempore ex prævisâ malâ hominis voluntate, unde nec in DEUM ut efficientem causam rejici potest; atque id satis insinuant verba hæc Iosephi Genes. 50. *Vos cogitastis de me malum, sed Deus vertit illud in bonum.* Actio erga mala erat & ab hominibus, sed effectio optima erat & à DEO; ex eâ autem fratres suos consolatur Ioseph: neque enim parva est consolatio ei, qui peccavit, & quem jam pœniter peccati, si videat scelus suum ingenti cuiuspiam bono occasionem præbuisse. Hæc solutio textui Actuum applicanda est.

Ad 2. Is qui Davidem commovit ad enumerationem populi, non fuit Deus, sed diabolus, ut patet ex I. Paralip. 21. ubi dicitur: *Sathan incitavit David, ut numeraret Israël.* Hæc tamen incitatio etiam DEO tribuitur, quia dæmon non potest, nisi quod ipsi à DEO posse conceditur.

Idem dicendum de maledictione Semei, quam permittit DEUS, non autem fieri propriè jussit: Si enim Semei in hoc jubenti DEO obtemperasset, laudandus potius quàm puniendus esset, ait S. Augustinus Lib. de grat. & lib. arb. 20.

Ad 3. Textus ille non rigidè & ad literam intelligi debet, quasi significet DEUM per se & efficaciter voluisse deceptionem Achab; sed hoc sensu quoddam DEUS permittere voluerit ut spiritus nequam, qui ex se semper ad malum omne paratissimus est, deciperet Achab: unde DEI verba hunc habent sensum: *Egredere, permitto; & fac ita, seu non prohibebo quominus malum quod semper meditaris executioni mandes, si nimirum Achab prophetis meis resistere pergat.*

* Obj. 2do. S. Augustinus sic habet Enchir. cap. 100. *Non fit præter voluntatem Dei, quod etiam contra ejus fit voluntatem, quia non fieret, si non sineret: neque utique nolens finit, sed volens: sed qui non finit peccatum nisi volens, vult peccatum.*

R. dist. min. vult peccatum, id est, vult actu positivo ipsum permittere, C. id est, vult ut fiat, & ad id impellit, N. Itaque DEUS erga hominis peccatum non se habet merè negativè, quasi homines eo planè invito peccent: an non ideo vult peccatum, cum certum sit peccatum omne contra ejus voluntatem fieri, ut ibidem docet Augustinus.

Inst. Ille verè vult peccatum, qui hominum voluntates ut ad bona, sic & ad peccata inclinat: atqui ex S. Augustino Lib. de grat.

de gra
bus ho
querit
rius co
R. d
C. eode
ab bono
sapius
enim vo
verit, l
inclinat
impedie
† Ob
causa a
separab
R. d
deform
est ens
actu pe
formita
dum su
tibus et
causa e
non on
concur
teneat
ergo to
tis mot
quitur
re def
est mor
Inst.
indubie
cabit D
usurum
R. n
quia ter
la, quæ
provisio
DEUS n
ellens,
non sit.
Hic
nimis,

de grat. & lib. arb. cap. 20. & 21. Deus operatur in cordibus hominum ad inclinandas eorum voluntates quocumque voluerit: sive ad bona pro sua misericordia, sive ad mala pro meritis eorum.

R. dist. min. inclinatur ad bona & mala: sed diversimodè, C. eodem modo, N. nam Deus voluntates hominum inclinatur ab bonum, faciendo, sicut ex nolentibus bonum, fiant volentes, ut sapius docet S. Doctor: at non sic inclinatur ad malum, neque enim vel malitiam inserit, vel corda ad bonum inclinatur pervertit, sed inclinatur proprio vitio ad malum in genere, quasi inclinatur ad tale malum, impediendo ne ferantur in aliud, & non impediendo ne ferantur in hoc, ut jam dixi.

† Obj. 3. Ille est causa peccati, qui sciens & volens est causa actionis cui annexa est deformitas, & quidem sapè inseparabiliter, ut videre est in odio ipsius Dei: atqui Deus, &c.

R. dist. maj. Qui est causa actionis deformis, in quantum deformis est, C. qui est causa actionis in quantum simpliciter est ens, subd. qui est causa particularis, C. universalis, N. In actu peccati duo occurrunt, nempe ipsa actus substantia, & deformitas eidem annexa. Deus est quidem author actus secundum substantiam & materialiter spectati, quia imprimatur agentibus creatis motum, sine quo non agerent: verum non ideo causa est deformitatis, quæ huic actui inest: deformitas enim non oritur à causâ universali, cum ea nec peccatum velit, nec concurrat eâ mente, ut fiat aliquid rectæ rationi difforme, nec teneatur concursum negare, imò potius eum tribuere debeat; ergo tota refundi debet in creaturam, quæ bonam primi agentis motionem quasi particulat & determinat ad malum, ut loquitur S. Thomas Lib. 3. contra Gent. cap. 66. at sic creaturæ defectus non magis à Deo est, quam claudicatio, ut est motus deficiens sit à virtute motivâ.

Inst. Qui gladium præbet ei, quem scit illo malè usurum, indubiè peccat, etiamsi illo gladio bene uti potuerit; ergo peccabit Deus, si concursum suum ei præbeat quem, scit eo malè usurum.

R. neg. conseq. Ideo enim qui gladium præbet, peccat, quia tenetur cum potest proximimalum avertere: at Deus mala, quæ præscit, impedire non tenetur; tum quia summus est provisor; tum quia ex malis bona elicere novit; tum quia si Deus mala omnia prohibere vellet, plurima mundo bona deessent, cum nullum ferè sit bonum, quod multis peccati causa non sit.

Hic unum addere lubet, Deum, etsi admissio, ut hîc admittimus, concursu indifferenti, peccati author esse non possit, esse tamen

se tamen & meritò dici authorem boni, non solum supernaturalis, quod ab ipso & speciali ejus gratiâ potissimum profuit, sed etiam moralis: tum quia Deus actiones bonas suadet, imperat, & ad eas hortatur; tum præcipue quia non dat auxilium generale, nisi ut eo bene utamur, & ad vitam secundum rationis lumen traducendam, quamvis eo nos abuti permittat.

Nunc paucis videndum, an dæmon sit causa peccatorum quæ ab homine committuntur. Quâ de re sit.

CONCLUSIO II. Diabolus est aliquò modò causa peccati, non tamen directè, sed indirectè & per accidens.

Prob. 1. pars. Qui ad peccatum sollicitat, & quantum potest; inducit, ille aliquò modo causa est peccati: atqui sic se habet dæmon, ut patet ex historiâ tum Evæ quam decepit, tum Sancti Job quem decipere conatus est: unde id I. Petri 5. *Adversarius vester diabolus tanquam leo rugiens, circuit quærens quem devoret.*

Prob. 2. pars. Ut quis sit directè causa peccati, necesse est ut vel physicè ac realiter moveat voluntatem, actum ejus in eâ interius operando; vel sic ei objectum proponat, ut eam necessariò trahat ad illud: atqui diabolus neutrum efficit. Monet enim S. Petrus in eodem loco, ut dæmoni *fortes in fide* resistamus: atqui inanis foret hæc monitio, si dæmon quocumque modo voluntatem irresistibiliter ad malum moveret.

Prob. 3. pars. Ille indirectè & per accidens est causa peccati, qui sæpè peccatum exhibet homini, ut aliquid suave & jucundum, efficitque ut id homo amplectatur: atqui hoc potest dæmon, cum id possit homo respectu alterius hominis; & sapius facit, ut docet S. Petrus verbis modò citatis; ergo.

Conclusionem hanc secundum se totam docent Patres. *Diabolus*, ait Hieronymus in cap. 5. Matth. *adjutor & incensor malarum cogitationum potest esse, author esse non potest.*

Ceterum abs re non est annotare dæmones variis admodum modis posse homini illudere, non tantum in sensibus ejus externis, sed etiam in internis, putà efficiendo, apparitiones revelationesque simulando, colloquia de rebus divinis, quæ etiam cum Christo haberi credantur, fingendo. Quia ergo, ait August. Lib. 10. de Civ. cap. 10. *Satanas sicut de Proteo dictum est, formas se vertit in omnes hostiliter insequens, fallaciter subveniens, utrobique nocens*, æquum est, ut ad artes ejus detegendas, Confessarii magnâ discretionem, pœnitentes verò dæmonis insidiis expositi, magnâ submissione & humilitate utantur.

APPEN-

NOT.
rà
Occa
circum
quæ ren
Occa
mam p
nata est
gilitate,
turpes,
mores,
callo pr
solutè h
men au
genere
ficia Ma
virtutes,
cùm b
Utra
Intern
finu por
pra, ign
scientia
fidias str
2do.
senti, q
berna, q
cè talis,
cujus fu
quotidia
quem ej
est quæ
commo
sustentat
egredi n
excitat.
Not.
nem oc
Mora

APPENDIX.

De occasionibus Peccati.

Not. 1mo. Occasio peccandi est illud omne quod ex natura sua vel circumstantiis inducit ad peccatum.

Occasio dividitur in *proximam*, quæ ex natura sua vel ex circumstantiis propinquè inducit ad peccatum; & *remotam*, quæ remote inducit.

Occasio proxima subdividitur in *proximam per se*, & *proximam per accidens*. Occasio proxima per se, ea est quæ sic nata est inducere peccatum, ut attentâ communi hominum fragilitate, illud proximè inducat. In hoc ordine sunt, cantilenæ turpes, colloquia liberiora, lectiones contra fidem, vel bonos mores, spectacula, familiaritas cum personis corruptis. Occasio proxima per accidens, illa est quæ, quamvis ex se & absolute homines proximè ad peccatum non inducat, hunc tamen aut illum inducit attentâ speciali fragilitate ipsius. In hoc genere sunt armorum professio, artes quædam, negotiatio, officia Magistratûs, & Confessarii, taberna, ipsa etiam aliquando virtutes, ac præsertim gratiæ gratis datæ, & alia similia quibus cum bene uti possis, abuteris ex malâ tuâ dispositione.

Utraque subdividi potest, 1mo. in *internam*, & *externam*. Interna ea est quam unusquisque secum gerit, & in proprio sinu portat. Talis est habitus pravus, indoles ad iram prompta, ignorantia officii sui; quin & ipsa corporis & animæ vis, scientia quæ inflat, &c. Externa ea est quæ ab extrinseco insidias struit, talis est mala societas, periculosa conversationes.

2do. In *voluntariam* & *necessariam*. Voluntaria ea in præsentia, quæ dimitti potest solo voluntatis arbitrio, ut ludus, taberna, quorundam librorum lectio. Necessaria vel est *physicè* talis, vel *moraliter* solum. Occasio physicè necessaria ea est cujus fuga à nobis non pender. Talis est occasio puellæ, quæ quotidianam patitur tentationem ex præsentia famuli hero cari, quem ejicere ipsa non potest. Occasio necessaria moraliter ea est quæ absolute quidem dimitti potest, sed non sine gravi incommodo. Talis est occasio nata ex arte quâ quis se suosque sustentat; talis est occasio famuli qui ex hac vel illâ domo egredi non potest, quin à grandi pecuniæ sibi debita summa excidat.

Not. 2do. In occasione proximâ distinguendam esse rationem occasionis, & rationem proximitatis: quandoque enim
Moral. Tom. I. V tollitur

tollitur occasio, & cum eâ proximitas; quandoque verò manente occasione, sola auferitur occasionis proximitas. Tollitur occasio in ratione occasionis per separationem objecti: sic famulus cum ancillâ peccans tollit occasionem, cum a domo, & omni ancillæ civili consortio recedit. Tollitur occasio in ratione proximitatis, cum vel auferitur ab objecto vis causandi, vel apponitur impedimentum causalitatis; ut si in casu mox allato famulus & ancilla licet in eâdem remaneant domo, vel nunquam existant soli, vel femina nubat alteri; sicque & ille & illa horrore adulterii committendi retineantur, qui prius à simplici fornicatione non adeò abhorrebant.

Conveniunt omnes voluntariam peccati occasionem, si proxima sit, vitandam esse, negandamque absolutionem, ei qui ab ipsâ non recesserit. Et id quidem apertè docet tum Scriptura his verbis Matth. 5. *Si oculus tuus dexter scandalizat te, erue eum &c.* tum praxis & iudicium Ecclesiæ, quæ hanc per Innocentium XI. propositionem damnavit, *Potest aliquando absolvi, qui in proximâ occasione peccandi versatur, quam potest & non vult omittere.* At non ita conveniunt quanam occasio proxima debeat appellari. Alii proximam eam occasionem dicunt, in quâ peccatur *semper vel ferè semper*; alii in quâ *plerumque seu ordinariè*; alii eam in quâ *frequenter*; alii in quâ si decies versatus fuerit homo, quinquies, aut septies lapsus sit; contra quos sit

CONCLUSIO. Occasio proxima ea est, quæ, siue de se, siue autem peccantis dispositione, exponit hominem morali siue probabili peccati periculo: non autem ea solum in quâ semper, aut ferè semper, aut frequenter, aut frequentius peccat. Hæc propositio, ad quam non satis attendunt viri aliunde accurati.

Prob. 1. mo quia antiqui & præstantiores Magistri, qui ante exortas laxitates scripsere, non eam solum occasionem sub gravi culpâ vitandam censuerunt, in quâ quis semper, aut ferè semper, aut quod pene idem est, certò moraliter peccat; sed & eam quoque quæ probabile includit peccandi periculum. Sic S. Thomas 2. 2. q. 10. art. 9. *Infirmi in fide, inquit, de quorum salute probabiliter timeri potest; prohibendi sunt ab Infidelium communione;* ergo, juxta S. Doctorem, ut quis ab aliquâ occasione recedere teneatur, sufficit ut *probabiliter timeri* possit, nè eadem occasio ei sit ruinæ causâ. S. Carolus Borromæus in Instruct. Confess. q. 2. cap. 15. & 16. vetat nè absolutio iis impendatur, qui peccatorum mortalium occasiones vitare non proponunt. Porro, inquit, *sub occasionem peccati mortalis omne illud cadit, quod peccandi mortaliter causam subministrat; eò quod*

...., vel

....
confite
farius
bitu, in
cato, si
proxima
Ad occa
ex præ
pollit, C
mina, re
* Pro
ximâ pe
in hac
rium &
causâ v
necesse
ut cogn
hac cau
quia ho
riculum
ulr. De
putation
scire de
liter, p
quod c
tiva pec
fus sit.
† Pro
quâ qui
dinarie
cies in
proxima
atqui ho
Addo
quæ sen
plurimum
care, q
in anno
periculum
cati poss
2do.
hactenus
brica, &
peccati p

..... vel per se ad peccatum inducat; vel ejus occasione confitens usque adeo ad peccatum allicitur, ut certe Confessarius metuere possit, quod ex perverso quem diu induit habitu, in posterum non magis abstinebit quam prius, à peccato, si in iisdem occasionibus versetur; ergo ad occasionem proximam per se, sufficit ut per se ad peccatum inducat. Ad occasionem verò per accidens, de quâ vulgò non nisi ex præteritis lapsibus judicari potest, sufficit ut verè metuere possit, Confessarius, nè pœnitens in eadem quæ admittit crimina, relabatur.

* Prob. 2do. Ut homo censeatur positus in occasione proximâ peccati, adeoque jam peccati reus, sufficit ut peccatum in hac occasione tanquam in causâ eidem homini voluntarium & quæsitum reputetur; atqui ut peccatum homini in causâ voluntarium, & quasi de industria quæsitum censeatur, necesse non est ut is sæpè ex eadem causâ peccaverit, sed sufficit ut cognoscat, aut cognoscere possit & debeat peccatum ex hac causâ probabiliter subsequendum esse. Prob. min. imo. quia homo ille talem quarendo causam reipsâ amat periculum præsens & actuale; 2do. quia Gregorius IX. cap. ult. *De injuriis*, docet probabile periculum sufficere ad imputationem homicidii: *Nec ignorantia inquit, te excusat, si scire debuisti ex facto tuo injuriam verisimiliter*, seu probabiliter, *posse contingere*, ergo ad occasionem proximam sufficit, quod omnibus moraliter æstimatis sit graviter de se incentiva peccati, non requiritur verò ut quis in eâ pluries lapsus sit.

† Prob. 3tio. Si occasio proxima ea solum diceretur in quâ quis semper, aut ferè semper, aut plerumque, aut ordinariè cadit, aut sæpius peccat quàm non peccat, qui decies in mense cum ancillâ peccavit, non esset in occasione proximâ, quia nec ferè semper, nec sæpius peccasset, &c. atqui hoc planè absurdum est; ergo.

Addo fieri posse imo. ut proxima reputetur occasio. ea quæ semel tantum in anno ad peccatum induceret; ut si plurium annorum experienciâ constet, aliquem toties peccare, quoties visitat cognatam suam, quam semel tantum in anno visitat: talis enim occasio inducit probabile peccati periculum iis qui in ipsâ versantur; cum ex præteritis judicari possit de futuris.

2do. Proxima quoque censeri debet occasio, quæ licet hactenus te ad peccatum non impulerit, est tamen tam lubrica, & ex se tam vividas parit tentationes, ut probabile peccati periculum includat: unde merito notata est doctrina

Gobati, qui negabat recusandam esse absolutionem puellis quæ nudæ nudum procum in idem lectum admittebant per aliquot horas.

His tanquam legitimo fundamento præsuppositis, quædam proponemus regulas quas in praxi sequatur Confessarius circa peccatores in occasione proximâ mortaliter peccandi constitutos. Nulla enim est difficultas cum iis qui in occasione tum absolute, tum relative solum remota versantur: hi enim absolvi debent, si nihil aliud obstat, quia efficax vitæ Christianæ propositum, non involvit fugam occasionis remotæ; alioqui, ut in simili materiâ dicit Apostolus * deberemus omnes exire de hoc mundo, in quo, ut dicitur Sap. 14. creaturæ omnes in odium factæ sunt, & in temptationem animabus hominum, & in mœcipulam pedibus insipientium. Sit igitur

REGULA I. Si occasio proxima sit præsens, & dimitti possit non debet ordinariè absolvi poenitens, nisi eam dimiserit.

Prob. absolvi non potest, nisi qui firmum habet & efficax propositum non peccandi; vel saltem qui non habet, nisi propositum de quo legitime dubitari potest an serium sit: atqui talis est conditio poenitentis qui ab occasione præsentis recedere non vult. Verum enim & efficax emendationis propositum involvit voluntatem sinceram destruendi causas saltem proximas peccandi; sed qui ab occasione proximâ peccandi recedere non vult, hancce voluntatem non habet: imò censetur amare peccatum, cum amet periculum peccandi, quod qui amat, peribit ergo.

Confirmatur, tum quia talis homo vult causam, quam scit aut scire debet cum malo effectû conjunctam esse connexionem moraliter infallibili, saltem relative ad propriam, quam in se cognoscit fragilitatem, tum quia hæc Christi sententia, *Si oculus tuus dexter scandalizat te, erue eum* quæ de occasionibus proximis intelligitur, ad minus locum habet in iis occasionibus, quæ possunt physice & moraliter dimitti: ergo locum habet in his occasionibus, de quibus loquitur Regula nostra.

Hunc qui habet domi mulierem cum quâ graviter peccat, non antè absolvi debet quàm eam ejecerit; & quamvis ploret, promittat, juret se statim ut domum regressus fuerit concubinam ejecturum, non debet Confessarius absolutionem dare, etsi de verò poenitentis proposito certus esset: quia sola concubinæ præsentia, vox sola, solæ lacrymæ, vel ipsius Samsonis vim ac virtutem in ictu oculi labefaciunt.

Eadem

Eadem de causâ absolvi non debent simoniaci, nisi Beneficio simoniace accepto valedixerint; magi, nisi pacto cum damone inito renuntiaverint; boni alieni detentores, si usque ad tempus Confessionis illud restituere noluerint, licet exterius aut interius moniti.

His adde poenitentem aliquando arcendum ab iis occasionibus in quibus graviter tentatur, etsi necdum cesserit tentationi. Unde ancilla vividè ad peccatum sollicitata, ab hero discedere debet matrona quæ graviter occasione domesticæ tentatur, eundem expellere tenetur, compensando quidquid is inde pati potest detrimenti. Ratio est, quia qui liberè manet in occasione tam periculosâ, rationabiliter sperare non potest extraordinaria gratiæ auxilia, sine quibus tamen tentatio huiusmodi non superatur.

Dixi, *ordinariè*, quia tamen est quandoque absolutionis moribundo impendendæ necessitas, ut expectari nequeat donec occasionem peccandi ejecerit.

REGULA II. Si occasio proxima sit præsens, sed physicè dimitti non possit, ut cum duo qui simul peccant, in eodem carcere detinentur, poenitens absolvi non debet, nisi se verè & efficaciter corde & animo ab occasione separaverit.

Prob. ut quis in occasione proximâ peccandi positus, absolutionis capax sit, oportet ut occasionis proximitatem tollat, cum occasionem ipsam tollere nequit, ac proinde ut occasionem de proximâ faciat remotam; se ab eâ corde separando, cum ab ea corpore, vel domicilio separare se non potest.

Hinc colliges eos qui per habitum pravum, v. g. pollutionis, sibi metipsis, facti sunt proxima peccandi occasio, non antè esse absolvendos, quam tempore notabili vim pravæ consuetudinis superaverint: unde qui quotidie peccabat, & bis adhuc aut ter in mense relabatur, absolvi non debet, quia ut minimùm dubitare debet Confessarius an sincera sit ejus contritio; porro in dubio an præsto sit sufficiens Sacramenti materia, Sacramentum extra casum necessitatis, confici, vel potius tentari non debet.

REGULA III. Si occasio proxima sit præsens, sed moraliter, id est, sine gravi scandalo, murmure, aut damno temporali, dimitti non possit; puta si frater cum sorore peccet, aut filius familias, cum ancillâ quam ejicere non potest, aut famulus cum hero ac cujus obsequium contractu obstrictus est, aut Chirurgus artem suam exercendo, hæc in praxi sequenda videntur.

1110. Si promittat poenitens se post aliquod tempus oportu-

portunitatem habiturum recedendi ab occasione, expectandum erit illud tempus ut absolvatur, nisi quid aliud obstit.

2do. Si pœnitens in ipso occasionis tempore, post probationem verè sufficientem, seriò videatur emendatus, absolvi quidem poterit; sed tunc omni conatu efficiendum erit ut ab occasione illà quam ex proximà remotam fecit, statim ut moraliter possibile erit, recedat; quia semper timendum est nè eadem occasio ex remotà fiat denuò proxima! 3tio si pœnitens ab occasione ob nimiam difficultatem recedere non possit, cum eo agendum erit, ac cum iis qui in occasione physicè necessarià versantur: unde neganda erit absolutio, donec certa appareant veræ conversionis argumenta, ut mox dictum est.

4to. Demum, si tentatis quæcumque ad hujus pœnitentis correctionem tentata sunt, pergat is tamen aliquando ab occasione vinci, tunc aperio ore dicendum est ei nullam fore spem absolutionis, donec quidquid contingat, ab occasione recesserit. Haud tamen tunc temporis abjiciendus erit pœnitens, sed tractandus misericorditer ut paulatim ad meliorem sensum adducatur. Eadem agendi ratio servari debet erga pœnitentes, qui post acceptam ab aliis Confessariis absolutionem relapsi fuerint. Interim sollicitè cavendum est, nè quem ab uno periculo liberare conamur, in aliud gravius conjiciamus. Suaderi tamen potest fratri v. g. qui cum sorore peccavit, ut studii, peregrinationisve, aut artis ediscendæ prætextu, copiam obtineat è paternâ domo discedendi; sorori itèm ut in domum Religiosam ad tempus se recipiat, aut cognatas adeat, &c. imò in hisce tam arduis casibus Episcopus aliquando consuli potest, celato personarum nomine, ut tradit S. Carolus Borromæus.

REGULA IV. Si occasio vel non ità urgens sit, vel non præsens, sed ex earum numero quas pœnitens extra se domumque suam quaritare cogitur, mitius aliquando cum eo agi potest: potest enim absolvi, si & habitum peccandi nondum contraxerit & ab occasione omnino averfus & alienus esse prudenter judicetur; alioqui verò constanter differenda erit absolutio. Ità S. Carolus his verbis: *Quod spectat ad occasiones, (quæ ità non urgent, aut præsentis non sunt,) quales sunt alex vacatio, conversationes, aspectus & gressus minus pudici, pœnitens absolvi non debet, nisi sincerè promittat se ab iis absenturum; quòd si jam alias id promiserit; nec emendatus fuerit, differenda est absolutio donec aliqua pœnitentis emendatio appareat.*

REGULA V. Cum iis qui sunt in occasione sibi per accidens

dens ex
versantur
Prob.
ipsa ven
zercendo
ac perju
iis quos
Chorum
à suâ q
Dixi
differt a
accidens
cum ten
causas
ficii sui
occasione
occasione
quæ se
debet,
doris li
men co
de se p
2do.
renunt
gravi
tur oc
deseri
Quæ
ad occa
sione,
quentio
quòd m
unde &
dant.
sic & ad
contriti
fuerudin
quà de
quidem
quæ co
terram
magna
ut pecc
necessu

accidens exitiosa, eodem *ferè* modo agendum est ac cum iis qui versantur in occasione proximâ per se.

Prob. quia utraque occasionis species æqualiter iis qui in ipsâ versantur perniciosa est: unde Chirurgi qui artem exercendo, libidini suæ consentiunt; mercatores qui fraudem ac perjurium in commercio adhibent; œenopolæ qui vinum iis quos ebrios vident, negare non audent; Canonici qui Chorum non frequentant, non antè sunt absolvendi quàm à suâ quisque professione recesserit.

Dixi *ferè*, occasio enim per accidens reipsâ in quibusdam differt ab occasione per se: imo. enim qui in occasione per accidens versatur, non censetur esse in occasione proximâ, cum ter solum aut quater in eâ peccavit; unde Advocatus qui causas injustas semel & iterum defendit, non statim ab officii sui exercitiò removendus est; contra verò aliquando in occasione proximâ esse censendus est; qui in eâ versatur occasione per se, in quâ semel tantum peccaverit. Sic puella quæ semel cum hero, aut domestico fornicata est, judicari debet, esse in occasione proximâ; jam enim fracti sunt pudoris limites, jam timor nè procus, si quid sibi negetur, crimen commissum divulget, sufficit ut iteretur culpa ad quam de se proni sunt hominis sensus.

2do. Plura tentari debent remedia antequam cogatur quis renuntiare occasioni per accidens, quæ ut plurimum sine gravi incommodo relinqui non potest, quàm ut relinquatur occasio per se, quæ sæpius absque iisdem incommodis deferri potest.

Quæ hætenus de occasione peccati mortalis dicta sunt, ad occasiones peccati venialis extendi debent, servata proportionē, & adhibitis iis cautionibus, imo, quòd longe frequentior sit venialis peccati occasio, quàm mortalis; 2do. quòd major item sit difficultas vitandi venialis, quàm mortalis; unde & iustissimi quique vulgò in multis venialibus offendunt. Hoc tamen non impedit quin ut ad peccati mortalis sic & ad venialis remissionem obtinendam, necessaria sit, vera contritio, quæ sæpius carent qui ex habitu, & statû sui consuetudine peccata semel aut bis in hebdomade deponunt, & quæ deposuerunt facilitate, denuo committunt. Solent si quidem hinc se securos arbitrari, quòd peccatis venialibus quæ consentuntur, grave aliquod præteritæ vitæ peccatum; ut certam Sacramenti materiam adjungant. Verùm & hic quoquē magna & multiplex occurrit trepidandi ratio. Nempe verò ut peccata vitæ præteritæ, sint novæ absolutionis materia, necessum est ut cum novo pœnitentiæ motu declarentur: id

autem poenitentia motus, ut pro sincero haberi queat, novum complecti debet propositum satisfaciendi Deo, eique majori deinceps cura famulandi. An autem propositum hoc habere judicabuntur, qui plurima, in quibus Deo displicent, emendare non satagunt, imò qui ad iterandas, easdem Dei offensiones quasi jam nunc determinati sunt? Li ergo soli hac in materia securi esse possunt, qui omni custodia servant cor suum à culpis etiam levioribus, sicque singulis suis gressibus invigilant, ut saltem ordinariè loquendo, ex sola infirmitate, fragillitate, aut inadvertentia labantur.

CAPUT TERTIUM.

De proprietatibus Peccati

PER proprietates peccatorum intelliguntur imò, eorundem unitas & distinctio, sive specifica, sive numerica; 2do inæqualitas & connexio.

ARTICULUS PRIMUS.

De unitate & distinctione specificâ Peccatorum

CUM ex Tridentino sess. 14. cap. 5. & can. 7. * necessarium sit ut poenitens numerum, speciem, & circumstantias speciem mutantes in Confessione declararet, de his omnibus hic seriò tractandum est. Porro tunc peccata specificè differunt, cum malitia eorum est rationis essentia- liter diversa; tunc autem numero solo discrepant, cum eorum malitia ejusdem est naturæ: unde furtum & adulterium penès speciem distinguuntur, sed duo furti penès numerum differunt. Varias varii distinctionis hujus causas assignant, eas rejiciam quæ falsæ videntur, sequar quæ veriores apparent. Unde fit

* CONCLUSIO I. Oppositio notabiliter diversa cum æterna lege non inducit distinctionem specificam absolutam inter peccata.

Prob. quia alioqui qualibet circumstantia notabiliter aggravans, mutaret speciem peccati: atqui hoc falsum est juxta omnes penè Theologos, qui cum Sancto Thoma docent magis, & minùs intentum & remissum, &c. minuire

* S. Thom. 2. 2. q. 72.

vel

vel aggravare peccatum intra eandem speciem, sed ipsum aliam in speciem non transferre.

Dixi. *distinctionem specificam absolutam*, quia oppositio notabilis cum lege, hoc sensu diversitatem specificam inducere potest, quod peccatum ex non destructivo charitatis, faciat ejusdem destructivum, id est, ex veniali mortale. Hoc sensu furtum aurei additum furto allis, mutat quidem speciem demeritoriam prioris furti; at non mutat speciem moralem absolutam ejusdem furti; quia utrumque furtum manet simpliciter in ratione furti, & sub furti genere continetur: hic porro præsertim inquirimus unde petenda sit distinctio specifica absoluta peccatorum.

CONCLUSIO II. Distinctio specifica peccatorum non desumitur è diversitate præceptorum, si hæc eandem numero materiam & sub eodem motivo attingant.

Prob. quia qui usuram aut simoniam committit, non nisi unum specie peccatum committit, ut fatentur omnes: atqui tamen usura diversis specie præceptis prohibetur, sicut & simonia; cum utraque prohibeatur jure naturali, divino & positivo; ergo.

Hic 1mo. qui Sacrum omittit die Dominica in quam incidit festum Sancti alicujus, non nisi unum specie & numero peccatum facit. Idem dicendum 2mo. de eo qui jejunium violat feria quarta, temporum in quam incidit vigilia S. Matthæi; 2do de eo qui frangit votum quod multoties renovavit; 3tio. qui facit contra præcepta quorum transgressioni, diversæ diversis à superioribus pœnæ imposita sunt: puta qui committit blasphemiam, quæ aliter lege civili, aliter lege Ecclesiastica prohibetur. Ratio est, quia licet leges quibus peccata hæc vetantur, sint materialiter diversæ, formaliter tamen & ex communi sapientum judicio, unum morale præceptum constituunt, quo res una eodemque motivo & intuitu præcipitur, aut prohibetur: sicut ergo multos virtutis actus non elicit qui rem unam à multis superioribus eadem de causa præceptam exequitur; sic nec multa committit peccata qui rem eandem non facit.

Hinc 2do. & à contrario sensu, Pater Minimus qui die veneris carnes comedit, duplex specie peccatum admittit. Idem est de pœnitente, & qui ex Confessarii præcepto obligatus est ad jejunandum sabbato, carnibus vescitur. Ratio est, quia & Minimus & pœnitens ad abstinentiam tenentur ex motivo duplici specificè diverso: Minimus quidem motivo Religionis, ratione voti; & pœnitens ex motivo pœnitentiæ, ratione obligationis sibi per Confessarium imposita;

uterque verò ex motivo abstinentiæ per legem Ecclesiasticam imperata.

† CONCLUSIO III. Specifica peccatorum distinctio repetenda est ex oppositione specie diversâ cum lege.

Prob. Peccatum in esse peccati constituitur per suam cum lege oppositionem: ergo cum oppositio hæc specificè & essentialiter diversâ est, peccatum essentialiter seu specificè diversificari debet. Quia tamen regula hæc, utpotè generalior, facile in praxi applicari non posset, sit

CONCLUSIO IV. Tunc peccatum oppositionem cum lege specificè diversâ habet, cum actio mala adversatur vel diversis virtutibus vel diversis ejusdem virtutis officiis, vel eidem virtuti, contrario modo; vel demum eidem virtuti, diverso modo, licet non contrario.

Prob. exemplis: imo. enim infidelitas, desperatio, odium Dei, & superstitio, sunt peccata specie diversâ, quia diversis adversantur virtutibus, fidei scilicet, spei, charitati, & religioni. Sic quoque furtum in loco sacro, effusio sanguinis in eodem loco, percussio Clerici, parricidium, & similia, licet fortè uno actu consummentur, plures tamen specie malitias continent, quia pluribus virtutibus specie diversis adversantur, putâ justitiæ, quæ prohibet nè alterius bonis aut personæ damnum inferatur, & religioni aut pietati, quæ verant nè loca sacra profanentur, ne lædatur honos Clericis & patri debitus.

2do. Idololatria & superstitiosus cultus, blasphemia & sacrilegium specie differunt quia diversas ejusdem virtutis, religionis nempe, functiones lædunt: verat enim religio nè alius vero Deo colatur, contra quod facit idololatria; & nè Deus illegitimo cultu honoretur, contra quod facit superstitio, &c. Pariter hæresis & omissio actûs fidei, odium Dei, & omissio charitatis, essentialiter distinguuntur, quia diversa fidei charitatisque officia ledunt: fides enim non solum exigit ut nihil divinæ revelationi contrarium credatur, sed etiam ut aliquando positivos assensûs nostri actus eliciamus; charitas verò & excludit odium Dei, & expressum ejus amorem imperat.

3tio. Prodigalitas & avaritia, præsumptio & desperatio, diversæ sunt naturæ, quia licet uni solum opponantur virtuti, liberalitatis scilicet, vel spei, ab eâ tamen duobus modis contrariis, ac proinde specie diversis recedant, per excessum scilicet & defectum.

4to. Furtum, rapina, detractio, homicidium, specificè differunt, quia eandem justitiæ virtutem impugnant diversimodè:

alia

alia enim est ratio exercendi iustitiam servando bona alterius, alia servando famam aut vitam, ob speciales quæ circa hoc occurrunt difficultates; ergo alia quoque est ratio eandem iustitiam violandi, nocendo bonis, famæ, aut vitæ.

Ex dictis colliges peccati speciem sæpè per solas circumstantias mutari; ut autem intelligatur quando id contingat, non abs re erit paulò fusiùs differere de circumstantiis. Eæ verò definiri possunt, accidentia quædam actûs humani, sine quibus actus ille secundum essentiam esse & concipi potest. Sic quia furtum concipi non potest sine acceptione rei alienæ, sequitur acceptionem illam non esse circumstantiam, sed ipsam essentiam furti; quia verò furtum concipi potest absque eo quòd cogitetur de loco sacro vel profano, de tali vel tali quantitate, sequitur & locum, & hanc vel illam quantitatem, esse accidentia seu circumstantias furti.

Septem numerari solent actûs humani circumstantiæ hæc expressæ versu: *Quis, quid, ubi, quibus auxiliis, cur, quomodo, quando.*

Quis, denotat personæ operantis qualitatem accidentariam, conferentem aliquid bonitatis vel malitiæ actui morali, v. g. quòd operans peritus sit, vel rudis; Sacerdos, vel laicus; liber, vel obstrictus voto; Beneficiarius, conjugatus, &c.

Quid, denotat objecti qualitatem aut quantitatem accidentariam, v. g. an persona quæ læsa est, sit superior, pater, vel Sacerdos; an res furtiva sit sacra, an pauperi erepta sit; ea quæ est objectum luxuriæ, consanguinea sit, affinisve, aut voto castitatis, vel vinculo conjugii obstricta; an ex detractone damnum sit subsecutum, &c.

Ubi denotat conditionem loci v. g. quòd in loco sacro effusus sit sanguis aut semen; quòd in loco publico scandalosè peccatum sit.

Quibus auxiliis, denotat personas, media, instrumenta, aliaque id genus quibus quis usus est ad operandum; v. g. an quis ope dæmonis aut malefici, veneno, instrumento prohibito usus sit ad occidendum hominem, aut inspirandum amorem sui; an Missam celebraverit absque calice consecrato, an alios iussu vel consilio furti sui socios effecerit.

Cur, denotat non finem operis, qui ex opere satis intelligitur, sed finem operantis, v. g. quòd quis furatus sit ad mœchandum.

Quomodo, denotat accidentalem actûs modum, v. g. quòd actus sit commissus intensè vel remisè, sponte vel coactè, scienter aut ex ignorantia; motu primo, vel secundò primo; contra vel secundùm dictamen conscientiæ.

Quam-

Quando, denotat accidentariam temporis conditionem, v.g. an frequentata sit taberna die festo, vel tempore divini Officii; an manducata carnes die jejuniis; an detractio longo tempore perduraverit.

Duplex est circumstantiarum genus: alia mutant speciem actus, alia non mutant.

Circumstantia speciem mutant, sumptæ ut in præsentī summi debent, prout in Confessione necessariò apperientiæ sunt, sunt ex quæ actioni morali addunt malitiam moralem specie distinctam à malitiâ vel à substantiâ actus præcisè & solitariè sumpti.

Dixi 1mo. *malitiam mortalem*; quia si circumstantia addant malitiam solum venialem, non mutant speciem ad mentem Concilii Tridentini; unde si quis duellum ineat ex aliquo gloriolæ motu, circumstantia *cur* in confessione reticere potest.

Dixi 2do. *specie distinctam*; circa quod notandum circumstantias quæ speciem non mutant physicè, eam sæpius mutare Theologicè & demeritoriè. * Sic furtum magnum & parvum, licet non differant specie physicâ, nec etiam morali absolutâ, differunt tamen Theologicè & specie morali demeritoriâ, quatenus furtum mortale meretur privationem gratiæ & gloriæ, leve non item.

Dixi 3tio. *à malitiâ vel substantiâ actus*; quia circumstantia mutans speciem aliquando addit malitiam *malitiæ*, ut patet in furto rei sacræ; aliquando addit malitiam *substantiæ* actus objectivè boni, ut videre est in eleemosynâ quæ datur virgini ad labefactandam ejus integritatem.

Hinc generatim & absolute loquendo, triplex statui potest circumstantia mutans speciem, necessariò confitenda. Prima quæ ex peccato veniali efficit mortale ejusdem speciei moralis absolutæ, sed alterius speciei moralis demeritoriæ, talis est circumstantia quantitatis in furto. Secunda quæ ex peccato vel veniali, vel mortali unius speciei, efficit mortale speciei alterius; ex veniali quidem ut in verbo otioso, sed prolato intuitu fornicationis; ex mortali autem, ut in furto gravi directo ad ebrietatem. Tertia quæ ex actu objectivè bono, actum letaliter vitiosum efficit, ut in casu mox allato eleemosynæ quæ puellæ datur ad corrumpendam ejus pudicitiam.

Circumstantiæ non mutant speciem sunt ex quæ efficiunt objectum actionis alicujus sub eadem moralitate quam actio illa ex naturâ suâ habet, ut intensio, remissio, quantitas, duratio, ignorantia, vis, metus, & similia, ex quibus actio magis aut minus vituperio vel laude digna efficitur. Circumstantiæ illæ dividuntur innotabiliter aggravantes, & minuentes.

Circumstantia notabiliter aggravans peccatum, ea est præsentis, quæ peccati malitiam mortalem in eadem specie plurimum adauget, faciens nempe ut unicuique peccatum pluribus & saltem duobus moralibus æquivalet, sive ratione quantitatis materiæ, ut si quis tres aureos furetur; sive ratione durationis, ut si quis delectationi morosæ per plures horas indulgeat; sive ratione summæ intentionis, ut si quis æternam damnationem optet inimico suo.

Circumstantia minuens pro præsentis, ea est quæ aliquid adimit de gravitate peccati in sua specie relictæ: talis est circumstantia metûs in homine qui ex timore mortis fidem negat, quique ideo minus quidem peccatum committit, sed nihilominus, semper mortale. Circumstantia quæ ita minueret peccatum ut illud de mortali faceret veniale, non esset præsentis instituti, quia necessario non esset confitenda. Jam superest ut tradamus regulas unde cognosci possit quandonam peccati species penes circumstantias diversificetur; quæ de re conformiter ad principia superius stabilita sit.

REGULA UNICA: Circumstantia mutat speciem peccati, quoties in actu ponit specialem cum lege repugnantiam, quam actus præscindendo ab illâ circumstantiâ non habet: porro toties circumstantia specialem hanc cum lege repugnantiam actu communicat, quoties efficit ut actus impugnet vel virtutes diversæ ejusdem virtutis officia, vel eandem virtutem modo contrario, aut disparato. Sequitur ex dictis. Ut autem regula hæc singulis circumstantiis applicari facilius possit, eas singillatim percurramus. Itaque.

Circumstantia quis, seu personæ, mutat peccati speciem in triplici casu; 1mo in quacumque materiâ cum persona, speciali vinculo, voti v. g. promissionisve, obligatur ad rem aliquam quæ aliunde jam vel ipsi soli vel omnibus aliis præcepta erat. Patet id exemplo illius qui ex voto obligatus ad jejunandum, quo tempore vel alii Fideles ad jejunium obligantur, vel ipse jam ex Confessarii præcepto obligatus erat, jejunium omittit; 2do, in materiâ charitatis erga proximum, si persona sit publica, aut ad aliquid ex officio teneatur: unde Parochus qui Sacramenta non administrat, Magistratus qui bonis & salutis civium non consulit, non charitatem modò sed & justitiam lædunt; 3tio, in materiâ castitatis, si persona multis titulis ad castitatem teneatur, ut qui sacris Ordinibus initiati sunt, qui conjugii, consanguinitatisve legibus obstringuntur. Ex his principiis facile colligetur peccatum sæpius notabiliter aggravari ex conditione personæ: gravius enim peccat Sacerdos aut Religiosus se inebriando, quàm simplex Laicus.

Circum-

Circumstantia quid siue objecti, speciem mutat; 1mo. cū objectum siue omnibus, siue aliquibus ratione specificè diversā prohibitum est. Hāc de causā qui peccat cū Religiosā, aut consanguineā, crimen à fornicatione diversum committit, & eò gravius quò magis consanguinea est persona, cū quā peccat; idem dic de furto rei sacræ, de percussione Clerici, de commercio cū conjugata, aut etiam juxta multos simpliciter desponsatā, de parricidio aut uxoricidio.

2do. Cū ex positione actūs circa aliquod objectum, sequitur aut sequi potest positio alterius actūs circa aliud objectum sub diversā ratione prohibitum. Hinc duo specie peccata committit, 1mo. qui furando exponit se manifesto vitæ discrimini; 2do. qui venatur contra jus alterius, & segetes conculat; 3tio. qui tempus inutilibus in colloquiis terendo, exponit se vel alium proximo peccandi periculo; 4to. qui actione suā dat proximo scandalum & occasionem ruinæ spiritualis.

De scandalo agam ubi de Charitate. Hic obiter dicam, in scandalo non solum *directo*, quo quis intendit spiritualemente proximi ruinam, siue ex desiderio ipsius ruinæ, quod diabolicum est & rarum, siue ad satisfaciendum suis passionibus quod commune est; sed etiam *indirecto*, quo quis aliquid agit unde praevidere potest securam proximi ruinam, licet eam non intendat, duas reperiri malitias, quarum prior opponitur charitati debita proximo, posterior verò opponitur virtuti ad cuius violationem inducitur proximus. Unde qui se inebriat aut mœchatur, praevidendo alios exemplo suo idem facturos esse, etsi id non intendit, peccat & contra charitatem, & contra temperantiam aut castitatem; adeoque non sufficit ut accuset se de dato scandalo ut sic, sed de tali specie scandali, dicendo v. g. Tarpiter egi, vel locutus sum coram sex personis, quarum altera conjugata erat, altera habebat votum castitatis.

Circumstantia parvæ vel magnæ quantitatis aut intentionis, notabiliter aggravare aut minuere potest peccatum, ut patet in furto & odio; sed nisi peccatum è veniali mortale faciat, non mutat speciem strictè prout hæc mutatio sumitur in presenti.

Circumstantia *ubi* seu loci, mutat peccati speciem, 1mo. in furto tum rei sacræ, tum etiam rei non sacræ in loco sacro; quia, * ut docet Joannes VIII. *sacrilegium committitur auferendo sacrum de sacro, vel non sacrum de sacro, siue sacrum de non sacro*; 2do. in homicidio, in pollutione voluntaria etiam occulta, in tactibus, aspectibusve impudicis, etiam si hæc fiant sine periculo pollutionis; quia peccata hæc tam graviter opponuntur reverentiæ debita locis in quibus ipsi Angeli con-

tremiscunt,

tremiscunt, ut seclusâ quacumque Ecclesiâ prohibitione novam, eamque gravem malitiam inducant.

Gravior est quæstio, an omnia prorsus peccata in Templis commissa specialem contrahant malitiam ratione loci sacri.

Negant communius recentiores, si sermo sit de aliis peccatis præter furtum, homicidium, copulam aut pollutionem, aliaque peccata eidem affinia quæ statim recensui. Quia inquit, hæc solum crimina speciali Ecclesiâ præcepto in locis sacris vetita sunt. Hæc tamen regula non videtur universaliter vera. Quis enim à gravi sacrilegio eos excusare auit, qui in Ecclesiâ equos & jumenta inducerent ut in stabulum; qui in ipso Sanctuario sacrificia Idolis offerrent; qui ibidem mercatum profanum, nundinalve, & à fortiori lascivas comœdias haberent; ergo in his saltèm aliisque ejusdem generis calibus, ratio sacrilegii non ab extrinseco, seu ab Ecclesiâ præcepto repetenda est, sed ex ipsa loci sanctitate, cui gravis inferitur injuria.

Hinc Medina, & alii quidam insinuant circumstantiam loci sacri in quocumque peccato mortali, sive externo sive interno esse necessariò explicandam: 1mo. quia innumera sunt peccata quæ non minùs adversantur reverentiæ locis sacri debitæ, quàm furtum; 2do, quia jus naturale quo prohibetur irreverentia in sacris locis, nec distinguit inter irreverentiam internam & externam, nec inter peccata externa & interna; 3tio. quia communis sensus indicare videtur magis esse impium, ut ubi peccatorum venia est postulanda, ibi deprehendantur peccata committi, ut loquitur Gregorius X.

Habet hæc opinio 1mo. quòd tutior sit; 2do, quòd saltèm æquè probabilis sit ac opposita; 3tio. nec tam difficilis est in praxi, quàm primâ fronte videri potest: satis enim est ad hujusmodi circumstantias explicandas, ut pœnitens post unamquamque peccatorum classem, interrogetur an quintam sextamve horum, ce peccatorum partem in Ecclesiâ commiserit.

Circa circumstantiam *quando* seu temporis, duplex etiam est Theologorum opinio.

Prima quam passim tenent recentiores, negat circumstantiam temporis sacri esse necessariò explicandam in peccato mortali, nisi fortè in quibusdam casibus; ut si quis committat peccatum grave feriâ sextâ Parasceves, aut eâ ipsâ die quâ Eucharistiam recepit; itèm si quis die festâ dæmonem invocaret, &c.

Secunda censet crimen quodcumque novam malitiæ speciem contrahere, ex eo quòd scienter committatur die Dominicâ vel festâ. Hæc opinio quam, ut notat Logo *non pauci, nec ignobiles* tenent, probabilior videtur, sive ab extrinseco sive ab intrinseco. Et quidem 1mo. eam tenent S. Augustinus tract. 3.

in Joan.

in Ioan. *Spiritualiter*, inquit, *observat sabbatum Christianus abstinens se ab opere servili*. Quid est ab opere servili? à peccato; ergo sicut qui serviliter laborat die festo, circumstantiam hanc aperire tenetur, ita ex Augustini mente, eandem circumstantiam consiteri tenetur, qui peccat die festo.

2do. Idem, præter Alensem, Lyranum, & alios quos refert Lugo, docent S. Bonaventura in Opusculo cui titulus, *Confessionale* cap. 2. ubi tradit *interrogandum esse penitentem de tempore quo peccatum perpetravit, utrum videlicet in die festivo vel non festivo*. * & S. Thomas 2. 2. q. 122. art. 4. ad 3. his verbis: *Quia magis homo impeditur à rebus divinis per opus peccati, quam per opus aliàs licitum, quamvis sit corporale, ideo magis contra hoc præceptum agit qui peccat in die festo, quam qui aliud corporale opus licitum facit*. Unde sic: *Magis contra tertium præceptum agit qui peccat in die festo, quam qui aliud corporale opus licitum facit*: atqui peccatum huius ex natura sua mortale est; ergo & illius mortale erit, & magis mortale. idem docet S. Antoninus.

† Secundò: Eadem nostra opinio ut autoritate sic & ratione prævalet: imo. enim diebus festis omne opus servile prohibitum est: atqui ut suprà docebant Patres, nullum est opus servile magis quam opus peccati. Et quis putet eum qui per horas duas ligna colligit die sabbati, hoc solo æternam mereri mortem; & eam non mereri qui per tres aut quatuor horas vino, luxuria, distractioni; ludivæ furore & blasphemia plenis indulget? hæc sanè fidem superant.

2do. Christiani diebus festis debent ab iis operibus ferari, quæ præcipuè impediunt ne cultui divino vacent: atqui nihil est quod divino cultui magis obsistat, quam peccatum; ergo.

3tio. Vix adversarii ullam pro opinione suâ rationem afferunt, nisi quòd Confessarii de hac temporis circumstantiâ penitentes interrogare non solent, & quòd multiplicatio festorum plùs noceret Fidelibus quam prodesset, atqui momenta hæc nullius sunt roboris. Non primum, tum quia non desunt etiam Confessarii qui de hac circumstantia interrogant; tum quia certum est interrogationem hanc antiquitus omissem non fuisse; cum tot veteres Theologi, & inter alios S. Bonaventura, eam faciendam esse docuerint; tum quia si penitentes id omittunt, utique defectu instructionis; instruuntur ergo, & faciliè ad hanc adducentur viam quæ aliis tutior est & fundatior. Non secundum; si enim festorum multiplicatio nocet, id non Ecclesiæ, sed malis Christianis imputandum est. Certè, fatente Lugo, negari non potest quòd circumstantia temporis de peccato malitiam specialem sacrilegii, saltem levem; an ergo festorum

storum
tempo
sarii, tu
tantu
etiam p
† Ce
pro circ
poenite
diebus
etiam n
alii plu
peccare
catz, v.
festis di
quentab
tempo
potelt
penè se
gæ & p
alia ver
ut polle
Addi
missum
opus q
stantia
eam a
non in
quos ea
stantia
fermoni
tinuata
minis e
væ, qua
Circu
tiz spec
ram plu
Circu
in casib
strumen
cialem
cum ole
verit; 2
ad malu
tum est
Mora

storum multiplicatio hinc reprobanda erit, quòd gravius tunc temporis peccent Christiani? Hæc igitur pensent tum Confessarii, tum præcipuè discoli illi Christiani, qui quidquid meditantur criminis, suas v.g. commensationes, ebrietates, & alia etiam pejora in festivos dies velut ex condicito reservant.

† Censeo tamen vix ullum quoad præteritas Confessiones pro circumstantia temporis injiciendum esse scrupulum: nam pœnitens vel talis est conditionis ut peccata quæ confitetur, diebus profestis perinde ac feriatis committere potuerit, (quod etiam multum pender à genere peccati;) ut sunt Scholastici, & alii plures parum occupati: vel vix aliis quàm festis diebus peccare potuit, ut plerique artifices, quoad certa quædam peccata, v.g. ebrietatem. Si 1. præsumi debuit pœnitentem æquè festis diebus ac aliis peccasse, præsertim si rarò Sacramenta frequentabat: sicque quædam peccatorum ejus repartitio pro ratâ temporis, naturaliter facta est à Confessario. Si 2. vix fieri potest ut Confessarius non intellexerit certa quædam peccata penè semper festis diebus contigisse, qualia sunt ebrietas, longæ & periculosæ cùm personis alterius sexûs confabulationes; alia verò profestis sicut & festis diebûs contigisse supponetur; ut pollutiones, aspectus impudici, &c.

Addi fortè potest, quòd cùm peccatum festis diebûs commissum non impediat earum sanctificationem, nisi quatenus est opus quoddam servile, necessum non sit ut explicetur circumstantia temporis sacri, nisi cùm duratio actûs peccaminosi, ad eam accedit quantitatem quæ sufficeret ut serviliter laborans non impleret præceptum Ecclesiæ. Unde Confessarii aliqui quos ea de re consului, non interrogant pœnitentes de circumstantia temporis, nisi cùm agitur, de ebrietate, de detractione, sermonibus impuris, & similibus quæ per longum tempus continuata essent. Quia tamen pejus est peccare quàm laborare, minus exigere temporis in peccato ad violationem diei festivæ, quam in alio quocumque opere servili.

Circumstantia *loci publici* sæpius affert actioni novam malitiæ speciem, scandali v.g. injustitiæ, eò majorem quò quis coram pluribus peccat.

Circumstantia *quibûs auxiliis*, etsi rarò, quibusdam tamen in casibus mutat speciem peccati: ut 1. mo. si quis usus sit instrumentò specialiter & graviter prohibitò, aut cuius usus specialem habeat cum aliqua virtute repugnantiam: si quis v.g. cum oleo sancto, vel aqua benedicta aliquid facinus perpetraverit; 2. do. si quis aliorum operam aut quæsierit aut adhibuerit ad malum finem: nam alium ad peccatum inducere, peccatum est scandali specie diversum à peccato quod à te ipso in

eadem materia fieret; unde qui precibus rem veneream extorquet à puella, aliàs ad crimen non parata, circumstantiam hanc confiteri debet; 3tio. si quis ope dæmonis expressè vel tacitè invocati aliquid consequi voluerit; hæc enim cum dæmone societates, novum est crimen.

Circumstantia *cur* seu finis, tripliciter contingere potest: 1mo. enim aliquando fit, ut actio de se bona ad finem moraliter malum referatur, ut si quis stipem erogat mendico, ut eum ad grave furtum inducat, tunc verò haud dubium est, quin circumstantia hujus finis speciem mutet, quia actum ex bono facit moraliter malum; 2do. aliquando contingit ut tam actio quam finis propter quem fit, habeant mortalem malitiam, seu diversâ speciei sive ejusdem, ut si quis furetur scalas unius, ut alterius pecuniam fureretur, utraque in Confessione exprimi debet; 3tio. demum sæpè fit ut finis ex se moraliter malus non sit, actio verò vel omisio quæ propter eum fit, sit moraliter mala; ut si quis Sacrum omittat, quòd vel garrire, vel studio vacare possit: & tunc studium non aliam habet malitiam, quam quæ ipsi actioni vel omissioni annexa est, ut dicam infra 2. part. cap. 2.

Circumstantia *modi* sæpiùs peccatum intra eandem speciem minuit aut aggravat: gravius enim peccat, qui cum plena, quam qui cum semiplena advertentia peccat; aut qui ex malitia & scienter, quam qui ex ignorantia, passione, metu, aut precibus; item qui intensè agit, quam qui remissè. Hæc tamen peccata ejusdem sunt speciei, quia magis aut minus non mutant speciem, nisi cum peccatum ex veniali faciunt mortale.

Non rarò tamen evenit, ut circumstantia modi speciem mutet. Sic 1mo. modus violentiæ injuriosæ constituit rapinam in furto, & stuprum in fornicatione; 2do. modus detrahendi eoràm ipsa persona cui detrahitur, addit detractioni malitiam contumeliæ; 3tio. modus peccandi ex contemptu formali, aut odio, invidia, inobedientia, &c. addit peccato propriam contemptus, odii & similium malitiam: secùs si hæc expressè & specialiter non intendatur; alioquin enim non erunt nisi generales circumstantiæ quæ cuilibet peccato accidunt, cum contemptus v. g. divinæ legis ingratitudo & similia in omni peccato reperiuntur.

Tria hic quaruntur, 1mo. an qui reliquias gerens, peccat, circumstantiam hanc aperire teneatur; 2do. an poenitens explicare debeat se inspirationi divinæ restitisse; 3tio. an actus diuturnitas explicanda sit.

R. ad 1. non excusarem à gravi peccato contra religionem, eum qui Eucharistiam portans, actum venereum, detractionem, contume-

contum
credo e
tàm
neaur;
nemo si
quenter
R. ac
neglectu
R. ad
cèt, qu
Quæ au
definit
tali pecc
horas d
interrupt
ne quã
riendan

EX d
tu
qui nu
gnitio
quæ ve
Ante
licet in
plicari,
tialiter
est aliq
Tota
naturan
Diffic
peccata
unum n
regula,
unus pl
quando
gati p
posterior
CONC
do cont

contumeliam, & alia id genus peccata committeret. At non credo eum qui alicujus Sancti reliquias secum portat, eo solo tam reum fieri, dum peccat, ut circumstantiam hanc aperire teneatur; alioqui satius esset ab hoc pietatis actu abstinere, cum nemo sit qui sapius non cadat saltē venialiter, & qui consequenter levia hæc peccata non adaugeret.

R. ad 2. affirmat. Si inspiratio vehemens fuerit, quia talis neglectus peccatum notabiliter adauget.

R. ad 3. durationem, si notabilis sit, exprimendam esse, licet, quod rarum est, peccata per eam non multiplicentur. Quæ autem duratio ita sit notabilis ut exprimi debeat, facile definiri non potest. Eam puto explicandam quæ declarato tali peccato non intelligitur communiter: unde qui plures per horas detractionem aut actus pudicitie contrarios, serie non interrupta continuavit, ad hanc tanti temporis diuturnitatem, sine quâ vulgò intelliguntur detractatio & tactus impudici, aperiendam tenetur.

ARTICULUS SECUNDUS.

De distinctione numericâ Peccatorum.

EX dictis constat numericam peccatorum distinctionem scitu esse necessariam, tum Confessariis, tum pœnitentibus, qui numerum peccatorum mortalium confiteri debent: ac cognitio hæc ob varias eâ de re opiniones, difficilis evasit. Nos quæ veritati propiora videntur proponemus.

Ante omnia pro certo tenendum est peccata specie diversa, licet in uno eodemque actu reperiantur, numero etiam multiplicari, saltē æquivalenter. Ratio est, quia in iis quæ essentialiter differunt, unum non est aliud: ubi porro unum non est aliud, ibi multiplicatur numerus.

Tota igitur quæstio est quando peccata penes speciem seu naturam indistincta, penes numerum distinguantur.

Difficultas hinc oritur, quod in uno actu plura quandoque peccata concurrant; quandoque verò in multis actibus non nisi unum reperitur peccatum. Unde duplex hic statuenda est regula, quarum prior ostendat an & quando actus physice unus plures numero malitias complectatur; posterior, an & quando ex multis actibus unum vel multiplex peccatum exurgat. Prior regula erit de uno actu relativè ad plura objecta, posterior de multis actibus relativè ad unum objectum. Sit.

CONCLUSIO I. In uno actu plures numero malitiz aliquando continentur; idque contingit quoties una eademque virtus

X.

violatur

violatur relativè ad plura objecta; quæ licet ejusdem sint rationis, non tamen se habent per modum unius.

Prob. 1. pars. Tam actus physicè unus, potest esse numero multiplex in genere moris, quam actus physicè unus, esse possit specie multiplex in eodem genere moris: atqui actus physicè unus, potest esse specie multiplex in genere moris, ut supra probatum est, exemplo unius furti in loco sacro; ergo à pari.

Confirm. Ideo actus physicè unus est aliquando specie multiplex, quia jura specie diversa lædit, putà jus religionis. & justitiæ in furto rei sacræ; atqui pariter actus physicè unus jura numero distincta lædere potest, ut si quis detrahat de decem hominibus, quorum unusquisque proprium habet jus in famam suam.

Prob. 2. pars. Tunc multiplicantur malitiæ, cum multiplicentur læsiones juris; jus enim latè sumptum pro jure charitatis, justitiæ aut pietatis, est ratio & mensura offensæ; cum offensæ nulla esset, si nullum jus læderetur: atqui læsiones juris numericè multiplicantur, cum violatur eadem virtus relativè ad plura objecta materialia, quæ non habent se per modum unius, sed seorsim completè & adæquatè intelliguntur; tunc enim jus unius numericè distinguitur à jure alterius, ac proinde læsio juris unius numericè distinguitur à læsione juris alterius; ergo.

Hinc colliges 1mo. eum qui uno actu duos homines, odit, de duobus detrahit, duos occidit, aut occidere meditatur, morosè delectatur de copula cum duabus aut pluribus habita, duo aut plura peccata committere.

Colliges 2do. eum qui uno actu centum nummos centum personis eripit, centum committere peccata, licet si eosdem centum nummos uni personæ furetur, non nisi unum faciat peccatum, gravitate tamen æquivalens centum furtis unius nummi; quia in priori casu centum numero jura lædit, sicut qui uno ictu centum homines occidit; in posteriori non lædit nisi jus unicum.

Colliges 3tio. eum qui blasphematur contra 12. Apostolos aut qui familiæ 12. personis constanti mortem aut infamiam parat, 12. peccatorum reum esse. Et verò si quis occidisset omnes ejusdem familiæ personas, in qua essent pater occisoris, ejusdem uxor, Sacerdotes & Laici, haud dubium est quin reus esset parricidii propter patrem, uxoricidii propter sponsam, sacrilegii propter Clericos; ergo à Pari.

Colliges 4to. Sacerdotem in malo statu tot peccata committere, quot vel audit confessiones, vel pœnitentes absolvit
vel

vel ba
quia a
minit
celliv
Idem
ribus f
nistrati
dens.
Euchar
si nune
admini
Collig
hac un
violat j
Collig
dem co
lurio e
quarè
Si ta
lent or
miero p
ter spec
tentior
eity ta
actum
elestæ
tibus.
princip
pœnite
postea
non co
Cere
statim
sta, &
copula
non, v
unt; q
porè ja
ees, q
dispon
* Ad
unaque
cum a
comm

vel baptizat infantes, aliave Sacramenta administrat. Ratio est, quia administratio uni facta tam moraliter distincta est ab administratione facta alteri, quam occisio unius & alterius successivè facta uno iracundiæ impetu, moraliter distincta sint. Idem dicendum credimus de administratione Eucharistiæ pluribus facta; quia licet idem sit convivium, ejus tamen administratio pluribus facta, est actio integra, & ab alia independens. Qui aliud sentiunt, fatentur tamen eum qui pluribus Eucharistiam porrexit, eorum numerum exprimere debere, vel si numeri non meminit, exprimere debere tempus per quod administravit.

Colliges 7to: conjugatum qui alterius uxorem cognoscit, hac una actione duplex numero crimen committere, quia duo violat jura.

Colliges 8to: eum qui bis aut ter successivè se polluit, totidem committere peccata numero distincta, quia qualibet pollutio est opus integrum ab altero ejusdem generis scelere adæquate distinctum.

Si tamen actus etiam physicè distincti, ad actum principalem ordinantur; atque ex ejus intentione fiant, tunc unum numero peccatum constituunt cum actu principali, quia moraliter spectantur ut ejus inchoatio & præparatio: unde qui ex intentione fornicandi, puellam sollicitat, impudicis oculis respicit, tangit, & completo crimine de eodem gaudet, ei sufficit si actum fornicationis exprimat; atqui cetera ex usu totius Ecclesiæ satis intelliguntur per regulam à communiter accidentibus. Quod si actus præambuli non fierent ex intentione actus principalis, sed ob propriam eorum delectationem, deberet pœnitens eos separatim ab actu principali confiteri, etiam si postea ad copulam deventum sit, quia unum cum eâ crimen non conficerent.

Ceterum verius nobis videtur tactus & similia quæ copulam statim consequuntur, esse peccata ab eadem moraliter distincta, & ut sic seorsim explicanda, non modò cum ad novam copulam aut pollutionem ordinantur, sive hæc sequatur, sive non, verum etiam cum ex novæ pollutionis intentione non fiunt; quia crimina hæc nec sunt partes copulæ præcedentis, ut potè jam penitus consummata; nec magis ejus sunt appendices, quàm sequens copula vel pollutio ad quam ex natura sua disponunt.

* Addunt viri graves, eum qui uno quodam impetu venereo, unaque carnalis delectationis intentione, se vel alium decies cum aliqua interruptione tangit, unum moraliter peccatum committere, quia hæc censentur una moraliter actio; sicut cen-

ferur una moraliter comestio ejus qui plura successivè fercula manducat. Idem dicunt de eo qui uno rixæ impetu plura in eundem jacit convicia ejusdem rationis, v.g. eum furem vocando.

† Quod si quis alium contumeliis specie diversis continenter afficiat, puta eum furis, adulteri hæreticive aut aliis nominibus impetendo tunc diversa erunt specie peccata, quia diversa sunt specie læsiones. Probabile tamen est quod dicunt aliqui, eum qui plures in alium evomit injurias quibus nemo fidem habet, non nisi unius peccati reum esse: tum quia totalis harumce injuriarum effectus, is tantum fuit ut alter ad iracundiam excitaretur; tum quia qui sic agant, aliorum honori non nocent, sed semetipsos omnium ludibrio objectant; Hæc ut opinor, ex circumstantiis æstimanda sunt.

Colliges denique, eum qui bibliothecam multis libris constantem, magnum pecorum gregem, aut frumenti acervum furatur aut furari vult; similiter qui uno actu pecuniam viatoris, equum & vestes aufert, domumve in qua multa sunt tubicula comburit, unam tantum malitiam contrahere, quia hæc objecta habent se per modum unius: explicanda tamen est rei quantitas, vel quia ea se habet instar circumstantiæ notabiliter aggravantis, vel quia ad ipsam actûs substantiam pertinet. Sed quia contingere potest ut actus qui circa idem versantur objectum, plures habeant malitias, idcirco novâ hîc opus est regulâ quam suprà promissimus. Sit itaque.

CONCLUSIO II. Actus qui circa idem objectum versantur, habent malitias numero distinctas, cum moraliter distincti sunt, & ut aiunt, discontinuati. Censetur autem moraliter distincti & interrupti, 1mo. cum prior voluntas revocatur per voluntatem contrariam; 2do. cum voluntas liberè cessat ab actu, ut se alio convertat; 3tio. probabiliter etiam cum ab actu involuntariè & quasi naturaliter cessat.

Prob. 1. pars. Tunc multiplicantur numericè peccata, cum multiplicantur actus humani moraliter mali: atqui ii multiplicantur cum plures etiam circa idem objectum eliciuntur actus voluntatis moraliter distincti. Moralis enim interruptio facit ut actus non sint inter se moraliter connexi; sicut moralis continuatio facit ut actus licet physicè multiplices, sint unus moraliter actus: atqui actus qui inter se moraliter connexi non sunt, totidem sunt actus moraliter mali, cum pugnant contra rationem; ergo iis multiplicatis necessum est ut multiplicentur peccata.

Prob. vel potiùs explicatur 2. pars. quoad tria ex quibus constat capita: 1mo. itaque actus mali moraliter interrupti censentur,

consentur, adeoque & multiplicantur peccata, cum prior voluntatis actus per contrariam voluntatem retractatur. Ratio est, quia retractatio hæc efficit ut posterior actus non possit cum priori in unum moraliter actum coalescere. Hinc si quis furari velit, & postea voluntatem hanc abjiciat, atque eam, brevissimo licet interposito tempore resumat, duo numero peccata committit: unde patet angusto temporis spatio decem & amplius peccata committi posse.

2do. Multiplicantur malitiæ per voluntariam cessationem ab actu, ejusque iterationem. Ratio est, quia prior voluntas hoc ipso quod liberè dimissa fuit, non fuit moraliter continuata; quia aliqui moraliter dimissa fuisset & non fuisset, quod absurdum est. Hinc qui visâ puellâ, eam malè concupiscit, & postea ab eâ liberè se divertit, aut alia cogitat, statimque ad priorem delectationem revertitur; duo admittit peccata.

3tio. Tandem probabile est malitias multiplicari per cessationem ab actu, etiam involuntariam & naturalem, v. g. per somnum etiam brevem: per distractionem & inadvertentiam naturalem, saltem si hæc satis longa sit, ut juxta prudens judicium prior actio cessasse, & altera inceperit censeatur. Ita multi, quorum hæc est ratio, quod actus qui nihil habent in quo uniantur, & qui nec in se nec in ullo effectu suo continuantur, non possunt moraliter censi unus idemque actus: atqui ubi est interruptio sive voluntaria, sive naturalis, jam actus interrupti nihil habent in quo uniantur; ergo.

Aliter ratiocinari solent Theologi de actibus qui in effectu externo perseverant, ii enim propter hanc continuationem, in aliquid moraliter unum coalescere censentur: unde qui ex voluntate occidendi inimicum, manè consurgit, arripit gladium, proficiscitur, hostem inquit, & post plures horas repertum aggreditur, pluries vulnerat, & tandem occidit; etsi de aliis rebus cogitaverit in itinere, confabulatus fuerit cum aliis, aliquid legerit, & saepius occidendi voluntatem renovaverit. Unum moraliter peccatum committit, (sed tamen gravius, quod pluries occidendi voluntatem renovavit.) Ratio est, tum quia prior voluntas in illâ actuum exteriorum serie perseverat & continuatur; tum quia interruptio quæ hic occurrit, non censetur nisi interruptio physica: porro interruptio physica unitati morali non nocet, ut patet in prandio quod unicum censetur, licet per colloquium aliquod, aut Epistolæ Lectionem interrumpatur. Ita vulgò rigidiore Casuista.

Circa tertiam hanc regulæ nostræ partem, quæ difficultate non caret, & à quibusdam rejicitur, duo tenenda sunt in praxi. 1mo. circumstantiam durationis, si modum ordinarium exce-

dat, in Confessione esse exprimendam, si non ut multiplicativam peccati, at certè ut notabiliter aggravantem: v. g. Perseveravi per hebdomadam in odio, per plures horas in delectatione venereâ; 2do. dicendum cum iis qui eandem regulâ partem recipiunt, melius esse & tutius si pœnitens exprimat an sæpè vel rarò, & quoties (si fieri potest) actus peccati sui renovaverit: tunc enim declaratur numerus eo modo quo declarari moraliter potest, & per modum unius confusæ multitudinis in tali morâ inclusæ.

ARTICULUS TERTIUS.

An Peccata omnia sint æqualia, & secum connexa.

CONCLUSIO. Non omnia peccata sunt æqualia. Est de fide contra Stoicos & Jovinianum.

Prob. 1mo. ex Matth. 12. *Quicumque dixerit verbum contra Filium hominis, remittetur ei: qui autem dixerit contra Spiritum sanctum, non remittetur ei:* dantur ergo peccata quorum alia difficilius remittuntur quàm alia: atqui res non ità esset, si omnia forent æqualia. Item expresse docet Christus Joan. 16. his verbis, *Qui me tradidit tibi, majus peccatum habet;* ergo

Prob. 2do. Tum quia ex peccatis quædam venialia sunt, quædam mortalia, tum quia quædam plùs adversantur rectæ rationi, ut homicidium, quàm alia, ut læsio famæ alienæ: tum demum quia si ex virtutibus quædam aliis sint nobiliores, ut theologicæ; ex peccatis quædam aliis graviora esse debent, quæ nempe virtuti præstantiori adversantur aut eandem gravius lædunt.

Non expendo unde petatur peccatorum inæqualitas, nam ex dictis parer eam reperi, 1mo. ex parte objecti. Unde, ait S. Thomas, *gravius peccatum dicitur ex genere suo, quod majori bono virtutis opponitur:* 2do. ex conditione actus, qui quò liberior est & intensior, eò magis displicet Deo; 3tio. ex conditione personæ peccantis, quò plura Deo aut proximo debet, gravius delinquit, 4to. ex conditione personæ contra quam Peccatur, quia persona offensa induit rationem objecti. Hinc major est offensa non modò in Deum, sed & in personas Deo propinquiore, quales sunt personæ Deo sacræ.

Quæres 1mo. an peccata omnia sint secum connexa.

R. negat. tum quia aliqui qui reus est mendacii, reus esset

esset adulterii, quod ridiculum est; tum quia quædam sunt peccata quæ ita sibi contraria sunt, ut simul coherere non possint, ut avaritia & prodigalitas.

Quæres 2do. an peccatum ita opponatur virtuti, ut cum eâ consistere nequeat.

R. 1mo. peccatum veniale cum charitate, adeoque & cum aliis virtutibus infusis consistere posse.

R. 2do. peccatum mortale non posse consistere cum charitate & virtutibus eidem connexis: quia fieri nequit ut idem simul sit amicus Dei & inimicus: aliæ verò virtutes quæ necessariam cum charitate connexionem non habent, cum peccato mortali subsistunt: unde fides per infidelitatem amittitur, non per alia peccata, prout expressè docet Tridentinum Sess. 6. Can. 28. Hinc patet quàm mala sit hæc Quæsnelli propositio §8. *Nec Deus est, nec religio, ubi non est charitas.*

R. 3tio. peccatum mortale cum virtutibus acquisitis consistere posse; eæ enim ut per plures actus acquiruntur, sic raro perduntur per unum: unde vir temperans, si semel in intemperantiam mortalem ceciderit, non statim omnem temperantiæ habitum disperdit.

CAPUT QUARTUM.

De conditionibus ad peccatum requisitis.

Cum peccatum sit actus moralis, constat ad ipsum necessariò requiri advertentiam ex parte rationis, & consensum liberum ex parte voluntatis: ambigitur cujus generis esse debeant consensus ille & advertentia, quod ut intelligatur, fit.

ARTICULUS PRIMUS.

De advertentiâ ad Peccatum necessariâ, ubi de Peccato philosophico.

Multiplex est advertentia: imo enim *ratione objecti*, alia est ad actum materialiter sumptum, ut cum quis v. g. advertit, quidem se carnem comedere, non advertit id fieri à se die jejunii; alia est ad actum & ad malitiam ejus, ut cum quis reflectit se carnem vesci die jejunii.

2do.

2do. *ratione modi*, alia est formalis & expressa, alia virtualis seu implicita, quæ etiam interpretativè dicitur. Advertentia *formalis* ea est quæ quis elicit actionem, actu & de facto advertens eam esse prohibitam: advertentia *virtualis*, non est ea, quæ homini actionem peccaminosam facienti, inest dubium, vel scrupulus, vel suspicio peccati aut pericoli ejus, vel prævisio saltè confusa actus mali in sua causâ, ut aliqui malè contendunt: sed ea qua quis advertit malum nisi ex culpabili negligentia attentionem aliò divertisset.

3tio. *Ratione perfectionis*, alia est plena, cum agens ita sibi præsens est & sui compos, ut rem considerare possit, quantum satis est, alia semiplena, cum somnus, aliudve impedimentum efficit, nè homo rem quantum sufficit considerare queat.

Faentur omnes ubi nulla est advertentia saltè virtualis, deesse peccatum; quia deest voluntarium: sed disputatur, an ad peccandum formaliter necessaria sit actualis & expressa cognitio, seu advertentia & cogitatio, vel saltè actuale dubium, & scrupulus de malitia actionis; an verò satis sit ut quis actionem quæ mala est ponat; cum advertere potest ad malitiam ejus, ad quam tamen non advertit, sive ob habitum aut passionem quibus rapitur, sive quia attendit ad alia quæ cum advertentia hac non compatiuntur. Primam advertentiæ speciem ad peccatum necessariam esse censuerunt aliqui, quorum opinioni affinis est opinio alia de peccato, ut aiunt, philosophico, quæ in thesi Divione an. 1686. propugnata his proponebatur verbis: *Peccatum philosophicum seu morale, est actus humanus disconveniens naturæ rationali, & rectæ rationi, theologicum verò & mortale, est transgressio libera divinæ legis. Philosophicum quantumvis grave, in illo qui Deum vel ignorat, vel de Deo actu non cogitat, est grave peccatum; sed non est offensa Dei, neque peccatum mortale, dissolvens amicitiam Dei, neque aternâ panâ dignam. Quam propositionem Alexander VIII. die Augusti an. 1690. Declaravit scandalosam, temerariam, piorum aurium offensivam, & erroneam.* Huic Apostolicæ Sedis judicio præverant Jesuitæ Parisienses, quibuscum sit.

CONCLUSIO I. Ad peccandum formaliter non requiritur actualis advertentia, vel dubitatio, aut scrupulus, nè actui morali malitia inexistat, sed sufficit advertentia interpretativa, hoc sensu intellecta quod quis animadvertere poterit & debuerit.

Prob. 1mo. de fide est dari peccata ignorantie: atqui peccata

cata ignorantie fiunt sine actuali advertentia, vel actuali dubio, aut scrupulo, vel suspitione. Nam ille solum ex ignorantia peccat, cujus peccati causa est ignorantia: sed in eo qui actu vel attendit, vel dubitat de malitia peccati, ignorantia peccati causa esse non potest. Eatenus enim ignorantia peccati causa est, quatenus tollit cognitionem, quæ posita non poneretur peccatum: sed quod tollit cognitionem peccati, non supponit actualem ejusdem notitiam, dubiumve, aut scrupulum, &c. ergo qui peccat ex ignorantia, actualem peccati notitiam non habet.

* Prob. 2do. Dantur peccata ex errore culpabili: in multis enim offendimus omnes, ait Augustinus Lib. de spir. & lit. cap. 3. dum putamus Deo, quem diligimus, placere, vel non displicere quod facimus: atqui peccata quæ fiunt ex erroneâ conscientia, fiunt absque cognitione, vel dubio de malitia actûs. Ibi enim non est cognitio, aut dubium de malitia, actûs, ubi mens non modò non cognoscit se peccare, verum etiam certò existimat se benè agere; atqui sic se habet mens quæ ex erroneâ conscientia operatur. Idque præsertim patet in iis qui à pueritia in hæresi enutriti, hanc veluti cum lacte persuasionem suxerunt, unam esse quæ vera sit Religionem quam tenent; & circa hoc nihil unquam remorsûs patiuntur, quemadmodum de se testati sunt eorum aliqui ad meliorem frugem reversi; ergo.

† Prob. 3tio. Si ad peccandum requiratur actualis ad malitiam peccati attentio, Athei, Nerones, ceterique quorum Deus excæcavit oculos, non peccabunt, immania quæcumque peccata, abjecto Dei & hominum timore, sine scrupulo, inò tranquillâ conscientia perpetrando; * vel saltem tantò minùs peccabunt, quantò minorem peccando remorsum patientur, & similes se reddent equo & mulo quibus non est intellectus: atqui doctrina hæc & repugnat Scripturæ, secundum quam ** magis abominabilis est homo, qui bibit quasi aquam iniquitatem, & rationi adversatur; cum equum non sit ut peccatores per voluntariam sui excæcationem acquirant privilegium formalis impeccabilitatis, aut impeccabilitatis tantò majoris quantò minùs de Deo, & peccati malitia cogitabunt; ergo.

Prob. 4to Ea opinio rejici debet, ex quâ sequitur ubique proscripta Philosophismi, seu peccati philosophici opinio: atqui Philosophismi opinio sequitur ex opinione quæ ad peccati formalis rationem, requirit notitiam malitiæ ejusdem peccati. Nam cognosci actu non potest malitia præcipua peccati, quin actu peccatum cognoscatur ut offensa Dei sed

* S. Bern. L. de Consid. ** Job 15.

qui

qui actu ad malitiam peccati non attendent actu non cognoscent ipsum esse Dei offensam; ergo philosophicè peccabunt ad summum, non verò theologicè.

Obj. 1^{mo}. Joann. 9. *Si cæci essetis, non haberetis peccatum.* Joan. 15. *Si non venissem & locutus eis fuisset, peccatum non haberent.* Unde sic: Illud necessarium est ad peccatum, quo sublato peccatum non habetur, nec imputatur; atqui sublata scientiâ, seu, quod idem est, posita cæcitate & ignorantia peccatum non imputatur, nec habetur; ergo.

R. dist. min. sublata cognitione juris positivi, v. g. legis evangelicæ, non habetur peccatum, C. sublata cognitione malitiæ peccati, quam quis non habet, qui habere non vult, N. Itaque si Phariseis prædicata non fuisset lex Evangelicæ, ii peccatum ex hac parte non habuissent; unde etiam nunc infidelitas purè negativa non est peccatum: verum non ideo desuissent peccare contra plurimas leges juris naturalis, ad quas non attendebant, sed attendere potuissent. Hinc illud Christi: *Si cæcus cæco ducatum præstet, ambo in foveam cadunt.*

Obj. 2^{do}. S. Augustinus Lib. 3. de lib. arb. c. 19. ait: *Peccatum quod propriè vocatur peccatum, liberâ voluntate ab sciente committitur;* ergo ad peccatum formale requiritur scientia, seu cognitio.

R. dist. conf. Ad peccatum requiritur cognitio vel formalis, vel virtualis, C. actualis semper, N. Itaque S. Doctor ad peccatum eo modo requirit cognitionem, quo requirit voluntarium: atqui non requirit voluntarium formaliter voluntate peccati, sed solummodo voluntarium voluntate facti, cui, etiam præter intentionem explicitam, licet non præter intentionem virtuale, annexum est peccatum. Sic enim loquitur Lib. 1. Retract. cap. 15: *Qui voluit ergo fecit, etiam si non quia voluit peccavit, nesciens peccatum esse quod fecit; ita nec tale peccatum sine voluntate esse potuit, sed voluntate facti, non voluntate peccati; quod tamen factum, peccatum fuit: hoc enim factum est quod fieri non debuit.*

Obj. 3^{io}. Nullum est peccatum, nisi sit vel in se, vel in sua causâ voluntarium: atqui sine cognitione, vel saltè dubiò de malitia peccati, peccatum nec in se, nec in causâ voluntarium esse potest. Cum quisque nec cognitionem, nec dubium habet, non consentiat objecto malo; ergo.

R. ad 1. neg. min. ad 2. dist. non consentit formaliter & actu, C. virtualiter, N. Homo enim etiam de malitia nihil actu dubitans, id facit quod facere non debet, idque animadvertet, si quantum satis est, animadvertere veller, ut velle potest; ergo.

Inst.

Inst.
culpabi
bilis: ar
lam
enim n
volunta
nem ej
nem, ve
R. a
quando
ctiones,
quibus
menta
tes gra
peccati
similen
sic ex
citatio
non re
pœnite
vione
actioni
rebus
tes, al
nim,
tollit
solum
exculat
CON
carum
Prob
homin
malum
dem e
cessaria
quam
tracta
est tan
filium
confide
Prob
sit mor
potest
eo levi
verrenti

Inst. Ut quis consentiat virtualiter, & ex inadvertentia culpabil, necesse est ut advertentia malitiæ, sit ipsi possibilis: atqui advertentia malitiæ non est possibilis ei, qui nullam habet cognitionem; aut etiam dubium de ipsa. Mens enim non potest considerare malitiæ actûs nisi ex imperio voluntatis: atqui voluntas non potest imperare considerationem ejusdem malitiæ, nisi præviam habeat ejus cognitionem, vel naturaliter, vel aliunde; ignotienim nulla cupidus; ergo.

R. ad 1. neg. min. ad 2. dist. Mens non potest considerare quando non potest tollere impedimenta, passiones, v. g. distractiones, & similia quæ impediunt ne eas habeat cognitiones, quibus positis actionis suæ nequitiam adverteret; C. si impedimenta hæc tollere possit, N. Itaque, ut intra veri & justi limites gradum sistamus, existimamus eum, qui ita non advertit ad peccati malitiæ, ut vel naturali raptus distractione, vel ob similem causam, advertere non possit, peccato non teneri: sic excusabitur Sacerdos pius, cui ita excidit ab animo recitatio alicujus Horæ, ut eam vel eo quo par est tempore non recitet, vel etiam penitus omittat. idem dicendum de pœnitente qui injunctam præfixa die pœnitentiam præ oblivione non implet. Verum aliter dicendum de innumeris actionibus quas quotidie eliciunt aut omittunt viri terrenis rebus absorpti, passionibus suis quâ datâ occasione servientes, asueri ut nequidem cogitent se non cogitare: tunc enim, ut dicit S. Thomas 1. 2. q. 6. art. 3. *non totaliter tollitur cognitio, quia non tollitur potestas cognoscendi, sed solum consideratio actualis in particulari agibili*, quæ nec excusat nec excusare potest à peccato.

CONCLUSIO II. Advertentia imperfecta non sufficit ad peccatum mortale, etiam si materia gravis sit.

Prob. 1^{mo}. Peccatum mortale dissolvit amicitiam Dei cum homine, eumque æternis suppliciis obnoxium facit: atqui ad malum, tam grande non sufficit imperfecta consideratio, eadem enim requiritur quæ in rebus maximi momenti necessaria est, in his autem non sufficit consideratio similis ei quam habent semi-somnes, aut qui mente penè omninò distracta, vix ad actionem suam attendunt. Et verò nemo est tam pater, quàm Deus: atqui bonus pater non deiceret filium ab hereditate ob peccatum, quod ex sola animi inconsideratione commisisset, ergo nec id faciet Deus.

Prob. 2^{do}. tenuitas materiæ sæpè impedit ne peccatum sit mortale, ut videre est in furto levi; ergo idem efficere potest tenuitas advertentiæ; cum sine dubio, ceteris paribus, eò levius sit peccatum, quò, levior est aut esse potest advertentia.

At,

At, inquires, qui imperfectè considerat, posset perfectiùs considerare; quod ex dictis ad peccatum mortale sufficit.

R. sæpè fieri ut tanta sit subreptio, ut vix ac nè vix quidem possit mens hic & nunc ampliùs attendere, & quamvis attendere posset, potentia illa plenius considerandi, tam levis tamque modica esse potest ut ad mortale peccatum non sufficiat. Patet hoc in viris piis, iis præsertim qui studio, aut negotiis implicatis incumbere tenentur, quique licèt Officiū attente recitare velint, tam profunde distrahuntur, ut sæpè dubitent an & quid recitaverint; line igitur mortalis culpæ rei credentur, hoc prætextu quod perfectiùs attendere debuerint? Prima igitur assertio nostra hoc sensu intelligenda est, quod qui non attendunt, cùm penès eos stat ut attendant, non desinant peccato subiacere.

Hinc à peccato immunes sunt 1mo. Infideles, qui de Christo nihil audierunt, cùm Evangelii legibus non obsequuntur. 2do. Fideles, qui absque negligentia culpabili non jejunant die jejunii, quia nequidem eorum mentem subit cogitatio jejuniis. 3tio. Doctores qui post serium examen quædam docent remotioribus juris naturalis principiis opposita: etsi enim in errore versantur, at non culpabiliter.

Hinc 2do. impudici, blasphemæ, perjuri & alii id genus, qui obscœna & mendacia verba sine consideratione, sine remorsu, plenis faucibus effundunt, perperam suâ se se inadvertentiâ excusare conarentur, cùm subreptio hæc caveri possit, & aliunde voluntaria sit in causa. Qui tamen malam quâ ligatur consuetudinem retractavit per pœnitentiam, & adhibendo remedia à prudenti Confessario injuncta, seriò ac diligenter conatur impedire, nè habitus erumpat in actum, reus non est, si quid sibi incauto contra legem excidat; quia talis actus nec voluntarius est in causâ, utpotè retractatâ, nec in se, utpotè qui ex oblivione quâdam naturali contingat.

Hic tamen notandum, pœnitescentes qui in actus/ex objecto graves, blasphemias, v. g. aut obscœna verba prolapsi sunt, teneri ad hæc confitenda; iisque non levem pœnitentiam imponi debere, tametsi asserant se eas actiones sine ullâ prorsus advertentia commississe. Ratio est, tum quia in re tam gravi non est facilè credendum pœnitentibus qui sæpius sibi blandiuntur; tum quia vix contingere potest ut quædam non adfuerit advertentia, vel advertendi negligentia; tum, denique quia vix ulli certò constare potest quod sufficientem ad cœcendos. malæ consuetudinis actus diligentiam adhibuerit.

Quod

Quo
de cert
le suffi
ut mal
talis ad
caum
non fir
pertinen

Con
tat
Con
prelè
yum, q
tencia,
tite po
Divi
volunta
nem;
in se n
aut un
tus, fec
bus tale
Divi
prour v
vertenti
Divi
malam
v. g. sup
Deus p
Divi
probat,
& ineffi
lum, v.
intencio
exequen
moro sa,
tempori
ranonis,

Quod de advertentiâ dictum est, de consensu dici debet. Unde certum est 1mo. consensum plenum ad peccatum mortale sufficere; 2do. non requiri ut consensus ille feratur in rem ut malam, sed satis esse, si feratur in rem quæ mala est, & ut talis adverri potest & debet; 3tio. nonnunquam fieri ut peccatum etiam in materia gravi defectu sufficientis consensûs non sit nisi veniale. Verùm alia graviora quæ ad consensum pertinent, investiganda sunt.

ARTICULUS SECUNDUS.

De consensu ad peccandum requisito, ubi de Delectatione morosa.

Consensus definiri solet, Acceptatio & complacentia voluntatis in eo quod ab intellectu proponitur.

Consensus dividitur 1mo. in *positivum*, quo voluntas expressè approbat objectum ab intellectu propositum; & *negativum*, quo voluntas, etiam supposita sufficienti intellectûs advertentia, nec positivè approbat, nec positivè dissentit, etsi dissentire possit.

Dividitur 2do. in *directum*, qui directè fertur in objectum voluntati ab intellectu propositum, ut cùm quis vult pollutionem; & *indirectum*, seu *virtualem*, cùm quis licet rem aliquam in se non velit, vult tamen aliquid in quo res ea continetur, aut unde sequitur; ut cùm quis non vult turpes corporis motus, sed vult lectionem librorum amorem spirantium, ex quibus tales motus excitantur.

Dividitur 3tio. in *perfectum*, seu *plenum*; & *imperfectum*, prout voluntas aliquid acceptat cum plena aut semiplena advertentia vel approbatione.

Dividitur 4to. in *absolutum*, cùm quis vult absolute rem malam; & *conditionatum*, cùm quis vult rem malam, sed, v.g. supposito quoddam mala non esset, ut vellem fornicari, nisi Deus prohiberet.

Dividitur 5to. in *efficacem*, cùm voluntas ita malum approbat, ut ejus executionem intendat, sive eam ponat, sive non; & *inefficacem*, cùm voluntas delectatur quidem circa opus malum, v.g. circa fornicationem, sed sine ullâ exequendi operis intentione: atque is *actus complacentiæ in malo absque malæ exequendi desiderio*, vocatur delectatio morosa. Dicitur autem *morosa*, non à mora temporis, cùm peccatum mortale, uno temporis instanti perfici possit; sed à mora seu deliberatione rationis, quæ delectationem hanc, postquam eam sensit, repellere

lere non curat, sed vel in eam consentit, vel eam non cohibet ut potest & debet. His positis.

Quæres 1mo. an delectatio morosa quâ quis de re illicita delectatur, sit semper peccatum.

R. 1mo. Delectatio de solâ cognitione rei illicitæ, aliquando ab omni peccato immunis est: sic Confessarii & Medici, qui de rebus veneris consulunt, possunt eas animo volvere & meditari; ideoque de earum cognitione delectari. modò tamen absit omnis affectus ad res aut actiones illicitas, & periculum consentiendi motibus sensualitatis, qui ex illâ delectatione exurgere possent. Ratio est, quòd qui sic delectantur, non tam de re illicitâ delectantur quàm occasione ejusdem. Eâdem de causâ non peccat 1mo. qui à furto abhorrens, delectatur de industria quâ fur crumenam abscondit, nisi fortè sic alios excitet ad experiendum an & ipsi quoque fures industrii esse possint; 2do. qui de hereditate sibi proveniente ex parentum obitu delectatur, modò de morte ipsâ non gaudeat. Hoc sensu Ecclesia de redemptione Christi consequenter ad Adæ peccatum peractâ laetatur, dum canit: *O felix culpa, quæ talem ac tantum meruit habere Redemptorem!* Vide infra q. 6.

Dixi delectationem de solâ cognitione rei illicitæ aliquando ab omni peccato immunem esse, ut ostenderem eam aliquando obnoxiam esse peccato, sive veniali, quia sine causa in rerum inutilium cogitatione se occupare, * peccatum est veniale curiositatis; sive mortali, quia si quis in hujusmodi cogitatione se occupet cum periculo consentiendi in rem seu actionem mortaliter malam, peccat mortaliter, nisi fortè periculum sit adeo tenue, ut à mortali excuset.

R. 2do. Delectatio libera de re cogitatâ, est peccatum mortale, si res quæ cogitatur sit mala mortaliter, etiam si nulla sit operis perficiendi voluntas. Ità S. Thomas.

Prob. 1mo. ex Scripturâ. Proverb. 15. *Abominatio Domini cogitationes malæ.* Sap. 1. *Perversæ cogitationes separant à Deo:* atqui delectatio, seu complacentia in re moraliter malâ, mala est & perversa cogitatio.

Prob. 2do. ex S. Augustino Lib. 12. de Trin. cap. 12. *Nec sane, inquit, cum solâ cogitatione mens oblectatur illicitis, non quidem decernens esse faciendâ, tenens tamen & volvens libenter quæ statim ut attigerunt animum, respui debuerant, negandûm est esse peccatum.... totusque damnabitur homo, nisi hæc quæ sine voluntate operandi, sed cum voluntate animum talibus oblectandi, solum cogitationis sentiuntur esse peccata, per mediatoris gratiam remittantur.*

* Sylvius.

Prob.

Prob.
est conf
inherer
est pecc
fornicati
lum. M
positione
pravis, c
citâ, put
est aliud
cogitatio
le peccat
nes & d
peccato
xi perni
contrari

Quod
splicenti
mi, vero
sibi in ec

Quæ
reprimi
illicita, c
do, pec

R. C
tale, na
fûs in d
tali perio

Prob.
quia qui
ter pecc
etiam si n

Prob.
delectati
quam pl
Eam eni

legitima
debet: t
cogitatio
tum quia

& illicitè
peccaton
actum d
Moral
* S.

Prob. 3tio. ratione: * *Nullus enim delectatur, nisi in eo quod est conforme appetitui ejus, id est, quod amat, & cui suaviter inheret: sed amare rem illicitam, eique cum gaudio inharere, est peccatum: mortale quidem, si res amata sit mortalis, ut fornicatio; veniale autem, si sit venialis, ut leve proximi malum. Merito igitur Clerus Gallicanus hanc ann. 1700. propositionem damnavit, Consensus qui præbetur suggestionibus pravis, cum tendit ad delectationem cogitandi tantum de re illicitâ, putâ de ulciscendâ injuriâ, secundum S. Augustinum, non est aliud quàm veniale peccatum, licet ipse ultionis actus, cujus cogitatione animus delectatur, sit pessimus, & certissimum mortale peccatum.* Hæc propositio, aiunt Patres, *quaslibet cogitationes & delectationes quas morosas vocant regulariter imputans peccato veniali tantum, falsa est, temeraria, scandalosa, in praxi perniciofa.... & injuriosa* S. Angustino, qui, ut vidimus, contrarium expressè docet.

Quod dicitur de delectatione, in re malâ, dici debet de displicentia in re bona: unde qui liberè tristatur de bono proximi, verè peccat, quia verè bonum odit, ut malum amat qui sibi in eodem complacet.

Quæres 2do. an qui post sufficientem advertentiam non reprimat pravos concupiscentiæ motus, aut delectationem circa illicita, sed negativè se habet, non consentiendò aut dissentiendò, peccet.

R. Consensum hunc negativum sufficere ad peccatum mortale, non solum quando imminet periculum probabile consensûs in delectationem de re moraliter malâ, sed etiam secluso tali periculo, nisi tamen justa causa excuset.

Prob. 1. pars. Tum ex unanimi Theologorum sensu; tum quia qui sciens & volvens se se conjicit in proximum mortaliter peccandi periculum, aut in eo manet, mortaliter peccat, etiamsi non succumbat periculo.

Prob. 2. pars. Ille mortaliter peccat, qui voluntariè sentit delectationem de re malâ: sed qui delectationi circa illicita, quam plenè advertit, non repugnat, eandem voluntariè sentit. Eam enim sentit imò. cum potest non sentire, quia nulla est legitima causa quæ obster quominus resistat; 2do. cum non debet: tum quia, ut suprà agebat S. Angustinus, hujusmodi cogitationes statim ut attigerunt animum, respui debuerant; tum quia delectatio objectivè turpis & illicita non nisi turpiter & illicitè mentem occupare potest; ergo ut hic omne vitium peccatum, necesse est ut tentatio removeatur per formalem actum displicentiæ: imò nec quævis displicentia sufficit, sed

Moral. Tom. I.

Y

efficaciter

* S. Thom. hic q. 74. art. 8.

efficaciter conandum est, ut motus ii vel delectatio expellantur imprimis verò deserenda est actio unde nascuntur, nisi iusta causa obftet.

Porro iusta causa est equitatio respectu militis, aliorumque id genus, auditio confessionum, & studium casuum conscientia respectu Confessarii, examen & inspectio quarundam corporis partium respectu Chirurghi; modo tamen absit periculum consensus; si enim adesset, ab iis omnino abstinendum esset. Iusta itidem est causa, si quis propter magnam animi contentionem & attentionem ad opus honestum, non resistat positivè. Item si quis legitimè timeat nè ex maiore resistentia augeantur pravi motus; aut demum, nè propter quandam naturæ vel imaginationis infirmitatem, se se in eo statu constigat in quo ab omnibus objectis moveatur.

Sed quid si quis per lectionem curiosam, aut otiosam confabulationem det occasionem huiusmodi motibus, peccabitne si positivè resistat?

Respondet Sylvius, Habert, & alii hominem hunc reum fore peccati venialis, quia otiosum verbum à peccato non vacat; haud tamen peccaturum mortaliter, dummodo delectationem non intendat, sed ei repugnet, nec subsit grave consentiendi periculum, quale est in objecti valdè obicoeni aspectu, quem Theologi communiter peccati mortalis accusant, etiam si ex solâ curiositate proficiatur, quia talis aspectus sic provocat ad delectationem veneream, ut hominem conijciat in evidens consentiendi periculum.

Hinc colligunt communiter Theologi, eum qui suscipit opus ex se indifferens aut venialiter malum, v. g. aspectum paulò curiosiorem, aut comestionem aliquantò excedentem, non peccare mortaliter, etsi praveat inde secuturos motus, modò eos non intendat, nec subsit periculum consentiendi. Rationem afferunt: tum quia ex motuum causâ non nisi difficilimè vitari possunt, à viris etiam timoratis; tum quia motus illi adhuc remoti sunt, ut supponimus; tum quia non sunt adeò malè objectivè, neque malitiam habent tam consummatam.

Addit P. Antoine teneri hominem sub mortali, actiones, etsi leviter turpes, ut sunt visus, locutio, lectio rerum leviter obscenarum ex solâ curiositate, dimittere statim atque in eo excitant pollutionem aut delectationem veneream vehementem. Et autem delectatio venerea, ea quæ sentitur circa partes venereas ex commotione spirituum generationi inservientium.

Ego quidem in materia tam lubricâ edoceri malim quàm docere: ut tamen simpliciter dicam, quod sentio, sic distinguem. Motus pravi corporis, imò, vel vehementes sunt aut erunt,

erunt, v.
vel sunt

possibiles

His p

solum p

bus levib

futuri, n

Crede

qui non

lutio, ve

curata e

Crede

dubitat a

scitur cit

fectum

venialite

sam. U

ut sequa

aliter ac

sceribus

quid car

pro reve

Quar

jecto ci

R. al

objectu

pejus, ut

ad Moni

ergo obj

modò, si

tens qui

to ligatus

Quare

delectant

erit, sed

actu con

actu, pre

cti erunt.

R. in

pollution

sive cum

delectatio

R. 2do

Lib

erunt, vel leviores; 2do. vel praesentes sunt, vel futuri; 3tio. vel sunt probabiliter futuri, vel potius incerti & quasi merè possibiles.

His positis, crederem cum Silvio & Haberto, eum venialis solum peccati conscium esse, qui per actionem inutilem, motibus levibus occasionem praebet, sive si praesentes sint, sive certò futuri, modò tamen adsint restrictiones suprà allatae.

Crederem 2do. cum P. Antonino, eum peccare mortaliter, qui non dimittit actionem, etsi venialiter malam, ex qua pollutio, vel vehemens delectatio venerea sequitur, aut certò securata est, praesertim extra somnum.

Crederem 3tio. cum Toletò, * eum qui ponit actum de quo dubitat an in somno pollutionem producturus sit, v. g. qui vescitur cibo, dubitans, non autem *probabiliter cognoscens*, an effectum hunc habiturus sit, peccare solum venialiter: imò nec venialiter peccare, si iustam habeat actionis hujus faciendae causam. Unde ** *qui ex eo quòd sic accumbit, advertit futurum ut sequatur pollutio, si aliter non potest dormire, non tenetur aliter accumbere*. Ex porro decisiones non tam ab ipsis rei visceribus eruuntur, quàm ex communi sapientiorum iudicio, si quid tamen in his vel durius sit vel laxum nimis, jam nunc pro revocato habeatur.

Quares 3tio. an delectatio morosa speciem sumat ab objecto circa quod versatur.

R. affirmat. Ideo enim cogitatio illa est mala, quia habet objectum illicitum, v. g. fornicationem; ergo si objectum sit pejus, ut sunt incestus qui ad consanguineam, sacrilegium quod ad Monialem terminatur, cogitatio quoque pejor est censenda; ergo objectum in confessione explicari debet, nec objectum modò, sed & circumstantiae ei annexae. Debet etiam poenitens qui his oblectatus est, exprimere an conjugatus sit, an voto ligatus.

Quares 4to. an, & qualiter peccent qui de opere aliquo delectantur, quod olim sibi licitum erat, aut deinceps licitum erit, sed hìc & nunc illicitum est: ut si vidua delectetur de actu conjugali priùs exercito, aut sponsi de eodem delectentur actu, prout exercendus est cum legitimo matrimonio conjuncti erunt.

R. 1mo. Eos peccare mortaliter, sive cum se se periculo pollutionis aut mali consensùs exponunt, quod ex dictis patet, sive cum de actu illo oblectantur tanquam praesenti, quia tunc delectatio illa est de objecto hìc & nunc graviter prohibito.

R. 2do. Eos non peccare mortaliter, si de actu illo delecten-

Yz.

tur.

* Libr. 3. cap. 13. ** Ibidem.

tur, non secundum carnem, sed propter emolumentum aliquod, (hereditatem v. g. aut sanitatem) inde subsecutum: aut subsecutum quia motivum hujus delectationis, vel malum non est, vel saltem nihil habet quod graviter sit inordinatum.

R. 3tio. denique si solum delectentur viduus aut sponsus de opere conjugali præterito, vel futuro, gaudentes quod eum exercuerint, aut exercituri sint, absque eo quod illud concipiant ut præsens, & ullam admittant corporis vel sensualitatis commotionem, vel non peccant, ait Sylvius, vel non nisi venialiter peccant, quia nihil approbant, nisi quod & quatenus eis fuit aut erit licitum. Addunt alii & merito hujusmodi cogitationes, cum vix sine delectatione verecundæ esse possint, nec accersendas esse, nec retinendas cum mentem lubeant, sed statim abjiciendas esse; quod huic Spiritus sancti mandato conforme est, *Omni custodia serva cor tuum*, Prov. 4.

Hinc colliges conjugatos, qui etiam sine periculo pollutionis, veneremur in carne sua delectationem in absentia compartis voluntariè excitant, delectando se de actu conjugali præterito vel futuro, letalis peccati conscios esse. Quia veneremur hæc delectatio eatenus à culpâ immunis esse potest, quatenus à matrimonio permittitur: atqui matrimonium eam non permittit, nisi prout conjugaliter: jam verò non exercetur conjugaliter in absentia compartis.

Idem dicendum de impudicis proprii corporis tactibus, etiam intuitu, solius delectationis carnalis, quos uni conjugum, altero absente, graviter esse illicitos merito docent Diana ipse & alii, quia tales actus reipsa conjugales non sunt.

Quæres 5to. an liceat delectari de opere, quod cum sit ex se mortale peccatum, commissum tamen est sine culpa, v. g. in amentia, aut in somno.

R. Licitum est delectari tum de inculpabilitate hujus operis, quia hæc delectatio est de re bona; tum de effectu qui inde feliciter secutus est, puta quod lites sopitæ sint ex homicidio casuali, quod ex pollutione nocturna imminutus sit tentationis æstus.

Quæres 6to. an liceat delectari de actione ipsâ, prout causa fuit talis effectus.

R. negat. imo. quia non licet voluntariè delectari de objecto quod in se malum est: atqui objectum hujusce delectationis malum est in se; tum quia opus illud ex naturâ rei, rectæ rationi difforme est; tum quia si malum non esset, liceret illud scienter velle & procurare; quod tamen non licet; 2do. quia damnatæ sunt ab innocentio XI. propositioni-

positiones istæ, 14. *Licitum est absolute desiderio cupere mortem patris, non quidem ut malum patris, sed ut bonum cupientis; quia nimirum obventura est ei pinguis hereditas.* & 15. *Licitum est filio gaudere parricidio à se in ebrietate perpetrato, propter ingentes divitias inde ex hereditate consecutas.*

Hinc colligō nec appeti posse pollutionem, nec licitum esse delectari de illâ cū inculpate venit: quia pollutio est objective mala; cū nunquam sine peccato voluntariè haberi possit; ergo non magis eam appetere, aut de ipsâ gaudere licitum est, quàm de homicidio inculpate facto.

Quia tamen contrarium tenent viri graves cum S. Antonino, haud statim arguendus est peccati mortalis, qui pollutionem desideraverit ut alleviationem naturæ in fomno; cū in re satis controversâ occurrere possit ignorantia invincibilis.

Quæres 7mō. an peccet qui cuperet de re malâ delectari, nisi hæc mala foret.

R. 1mo: fieri potest ut nullatenus peccet; putà si ita delectari vellet posito quòd res non esset mala, ut tamen actū nullatenus de ea delectetur, sed eam potius refugiat. Et hoc præcipue contingit cū objectum conditionati hujus desiderii malum non est per se, sed quia prohibitum: unde non peccat quæ votum habens castitatis, & sollicitata ad matrimonium, respondet, Nubere, nisi obstringeretur voto, sed ob votum nubere nolo. Ratio est, quia conditio hæc omnem ab objecto malitiam separat.

R. 2do: fieri potest ut venialiter peccet; quia pleraque hujus generis desideria, vanæ sunt & otiosæ cogitationes: unde qui dicit, Vellem occidere hominem hunc si liceret, sed nolo occidere, quia illicitum est, non vacat à culpa veniali.

R. 3tio: fieri potest ut peccet lethaliter, & id continget: 1mo. si conditio quam volitioni suæ apponit, non omnem ab objecto malitiam tollat: ut si quis dicat, Vellem fornicari, nisi essem Sacerdos; etsi enim Sacerdos non esses, haud licitum tibi esset fornicari; 2do. si eadē conditio non tollat actualem affectum & complacentiam in actum intrinsecè malum: si quis enim fornicationem sibi repræsentet, eaque delectando dicat, Si non esset illicitum, fornicarer; peccat utique non quidem desiderio, quod excludit, sed affectu & complacentia quam non excludit; 3tio. si quis optet ut quod per se malum est malum non esset, putà ut malum non sit furari: nam optare ut quæ per se mala sunt, bona sint & licita, est ordinem naturalem graviter invertere.

Quæres tandem quibus indicis cognosci possit in dubio, an quis peccato consenserit.

R. Qua-

R. Quatuor afferri solent regulæ: 1mo. non præsumitur consensisse peccato, qui ita habitualiter dispositus est, ut moralitè quàm fœdari: unde si quam fortè in repellendâ demonis suggestionem admiserit negligentiam, hæc non tam ad voluntatis consensum, quàm ad mentis distractionem revocari debet. Aliter judicandum de homine peccatis assueto. Ratio regulæ est, quòd in dubio prudens præsumptio petitur à communiter contingentibus: porrò communiter evenit, & ut vir pius malo non consentiat sine remorsu, qui impedit nè dubitet de consensu; & ut vir pravius non resistat sine pugna, quæ non finit ut dubitetur de resistantiâ.

2do. Qui dubitat vigilantinè an dormiens, sui compos an impos, quidpiam fecerit, judicatur non satis advertisse aut consensisse; qui enim vigilat, satis sentit se vigilare.

3tio. Qui faciliè malum quod cogitat exequeretur si vellet, potius censetur non consensisse, quàm qui malum exequi non potuit.

4to. Qui loquitur, tangit, oculos in eundem locum non fortuito sed iterum conjicit, securius præsumitur consensisse, quàm qui diu cogitationem volvit animo, aut corporis motus persensit: exteriores enim motus qui ab homine pendent, non fiunt à renitente, interiòres plerumque advertentiam antecedunt. Quia tamen hæ regulæ deficere possunt, idcirco qui dubitat an consenserit peccato, dubium hoc confiteri tenerit.

CAPUT QUINTUM.

De effectibus Peccati.

PRæcipui peccati effectus sunt quatuor, macula animæ, offensa Dei, reatus pœnæ, pœna ipsa. Quæ breviter explicabimus duobus. Articulis.

ARTICULUS PRIMUS.

De maculâ & offensâ Peccati.

Fide constat maculam per omne peccatum, plus aut minus contrahi. Hinc Josue 22. dicitur: *Peccastis in Belphegor, & ... macula hujus sceleris in vobis permanet. Quæstio est in quo consistat hæc macula.*

Prima

Prima opinio peccati maculam reponit in ipso peccati reatu, seu ejus ad poenam obligatione. Sed male: imo. quia hanc Baii propositionem 54. damnavit Pius V. *In peccato duo sunt, actus & reatus: transeunte autem actu, nihil remanet nisi reatus, sive obligatio ad poenam;* atqui si macula idem esset cum reatu, verum esset transeunte actu solùm superesse reatum; ergo. 2do. ideo quis deputatur ad poenam, quia infectus est maculâ peccati ergo; deputatio ad poenam, seu reatus, non est ipsa peccati macula, sed ipsam prius saltêm naturâ supponit.

Secundâ opinio maculam constituit in ipsâ injuriâ Deo per peccatum illatâ. Sed iterum male: quia macula & offensa Dei aliter & aliter concipiuntur; macula enim se tenet ex parte animæ, injuria verò Deum connotat.

Tertiâ opinio eorum est qui maculam peccati reponunt in privatione nitoris antea animæ inexistentis, seu in deformitate resultantē ex peccato, physice quidem præterito, sed moraliter perseverante. Et hæc tertiâ opinio, videtur verior, imo. quia sicut corpus maculatum dicitur, cum caret nitore sibi debito; ita & anima censetur maculata esse, cum munditiæ sibi antea inexistenti privata est.

* 1do. Quia in hac nostrâ opinione, facilius explicantur duo, quæ vix explicari possunt ab iis qui simpliciter maculam reponunt in privatione gratiæ justificantis, imo. enim in statu naturæ puræ, ubi homo gratiâ sanctificante donatus non fuisset, & tamen peccare potuisset, potuisset contrahi macula: atqui in illo statu macula non fuisset contracta per privationem gratiæ quæ in eodem statu non fuisset; ergo contracta fuisset per solam privationem nitoris cujusdam naturalis, quod Creator animam donasset.

2do. Cum multiplicantur peccata, multiplicantur maculæ, ut eadem multiplicantur in veste candidâ, cui novæ accedunt luti impressiones: atqui si macula in solâ gratiæ habitualis privatione consistat, jam difficile erit intellectu quomodo eadem macula multiplicentur; quia eo ipso quò quis letaliter peccavit, jam plenè amisit id omne gratiæ sanctificantis quod amittere potuit. Aliud est cum macula reponitur in privatione nitoris antea animæ inexistentis licet enim is animæ nitor pro præsentis statu in gratiâ sanctificante potissimum consistat, non tamen in eâ solâ situs est, sed etiam in lumine naturali, in flexibilitate ad bonum, in minori oppositione cum Deo, in majori fervore; unde etiam peccatum veniale maculam inducit, quatenus fervorem hunc imminuit; ergo idem nitor plures gradus habet; ergo pe-

peccatorum multiplicationem magis ac magis deperdi potest.
 † Nunc dicendum de offensâ, quæ definitur, Injusta sup-
 premæ dignitatis, autoritatis vel amicitiae violatio, hinc orta
 quod peccator à Deo se avertat, & se convertat ad crea-
 turam. Quæritur an offensâ hæc malitiam habeat infinitam.
 Quod ut solvatur.

Not. 1mo. peccatum spectari vel ut malum hominis,
 quem recto rationis ordine, gratiâ, ac Dei possessione spo-
 liat; vel ut est malum Dei, quem ledit.

Not. 2do. peccati malitiam posse dici infinitam, vel in-
 trinsecè, si in se infinita sit; vel extrinsecè seu objectivè, si
 dicatur infinita; quatenus persona quam lædit infinita est
 dignitatis.

Certum est 1mo. peccatum, prout est malum hominis,
 non habere malitiam intrinsecè infinitam, quia malum non
 est majus bono quo privat: bonum autem quo privat pec-
 catum, simpliciter finitum est, non in se quidem, sed prout
 participatur ab homine.

Certum est 2do. peccatum, prout est malum Dei, esse
 objectivè & intrinsecè infinitum, quia lædit ens infinite per-
 fectum; sed controversitur an intrinsecè infinitum sit. Ne-
 gant plures quibuscum sit

CONCLUSIO. Peccati malitia non est intrinsecè infinita.

Prob. 1mo. Illud finitum est, non solum in genere entis,
 sed etiam in genere injuriæ Deo illatæ, quod in hoc ge-
 nere summum non habet gradum: atqui peccatum in ge-
 nere malitiæ Deo injuriolæ summum non habet gradum.
 Injuria enim quæ in infinitum crescere potest, summum
 non habet gradum: atqui injuria quæ Deo per peccatum in-
 fertur crescere potest in infinitum; nec enim quisquam est
 qui Deum odierit quantum odisse potest, sicut nemo est qui
 Deum in- finitum amet quantum amare potest; ergo.

* Prob. 2do. Si peccatum esset infinitum, adeoque non
 posset magis & minus suscipere in ratione injuriæ, hoc ha-
 beret vel ab operante, & à conatu ejus, vel objecto quod
 offendit: atqui 1mo. nec id habet ab operante, nec à cona-
 tu ejus: tum quia operans finitus est & finitè conatur; tum
 quia licet peccator summum malum velit Deo quem anni-
 hilaret si posset, is tamen peccatoris affectus cum Deo ex-
 trinsecus remaneat, eumque in semetipso non afficiat, nun-
 quam potest esse intrinsecè infinitus; 2do. neque etiam pecca-
 tum intensivam infinitatem habet ab objecto quod lædit; quia
 nullus actus intensionem suam ab objecto habet, cum in-
 tensio sit aliquid intrinseci, objectum verò aliquid extrinse-
 cum.

cum. Adde quod objectum non communicat actui malitiam vel bonitatem intrinsicè & formaliter, sed tantum terminative: unde sicut intensio visionis Dei, licet ad Deum terminata, necessario finita est in se, quia Deum non includit, sed connotat; ita & peccati intensio eadem de causâ formaliter finita esse debet.

† Obj. 1mo. Quod crescit pro dignitate personæ, infinitum est cum persona est infinita: atqui gravitas offensæ.... Offensa enim quædam est personæ depressio; hæc autem eo est gravior, quò dignior est persona quæ deprimitur.

R. dist. min. Gravitas offensæ crescit geometricè pro dignitate personæ, C. crescit arithmeticè, N. Itaque offensa crescit quidem geometricè, id est, secundum proportionem, pro dignitate personæ; quia major est offensæ uni factæ præ offensâ alteri inultâ gravitas, prout major est unius præ altero dignitas: sed non crescit arithmeticè, alioqui tanta esset peccati intrinsicè indignitas, quanta est dignitas Dei, sicque injuria Deo illata, eadem qualitate superaret injuriam Angelo illatam, quâ Deus Angelum superat, quod admitti nequit.

Obj. 2do. Pœna proportionatur culpæ: atqui pœna peccati est infinita, cum nullum habitura sit finem, ergo peccatum debet esse infinitum.

R. neg. min. 1mo. quia pœna peccati crescere posset in infinitum; 2do quia infinita pœnæ perpetuitas non competit peccato intrinsicè, sed extrinsicè tantum, quia tandiù quisque puniri debet, donec eum pœniteat peccati, aut peccatum ipsi condoneatur: porro nemo est de reprobis quem peccati sui pœniteat, & in inferno nulla est redemptio; ergo pœna peccati extrinsicè solum est infinita: porro ex duratione pœnæ extrinsicè solum infinita, colligi non potest intrinseca culpæ infinitas; sicut ex mercede iustorum operibus redditâ, licet æternâ, colligi non potest intrinseca operum illorum infinitas.

Obj. 3tio. Satisfactio personæ infinitæ, infinita est; ergo & infinita est offensa personæ infinita.

R. neg. conseq. Disparitas est quod persona satisfaciens non se habet merè objective ad actiones per quas satisfacit, sed subjective & in ratione proximi suppositi: unde eam actiones intrinsicè sequantur naturam suppositi à quo procedunt, infiniti valoris esse debent, cum à supposito infinito eliciuntur: at verò persona læsa se solum habet objective ad injuriam quâ læditur, ac proinde non formaliter, sed extrinsicè tantum eidem gravitatem communicat.

ARTICULUS SECUNDUS.

De reatu & pœnâ Peccati.

Reatus definitur, Obligatio sive debitum ad pœnam ob proprium peccatum subeundam. Est quidem 1mo. *debitum*, morale scilicet quod à peccatore contrahitur. Est 2do. *debitum ad pœnam*, unde reatus est quid medium pœnam inter & culpam, habens pœnam pro termino, & culpam pro radice. Est denique *ob proprium peccatum*, unde pœna & pœnæ reatus discrepant; Christus enim obnoxius fuit pœnæ, nec tamen reatum habuit, quia pro alienis non pro suis peccatis passus est.

Certum est de fide reatum per peccatum contrahi; hoc enim expresse docet scriptura, præsertim Matth. 5. *Qui dixerit fratri suo, Fatue erit gehennæ ignis.* Superest igitur ut dicamus de pœnâ.

Pœna definitur in præsentî, Malum seu incommodum contrarium naturæ vel voluntati, eique illatum ut culpa puniatur: 1mo. *malum*, ejus scilicet qui patitur; nam bonum est respectu ejus qui punit, cum puniendo justitiæ vindictivæ actum exerceat; 2do. *contrarium voluntati vel naturæ*; aliquando utrique simul, ut pœnæ quas inviti patimur; aliquando naturæ, non autem voluntati, ut patet tum in mortificationibus libenter susceptis, quas etiam cum probat voluntas, refugit natura; tum in ipso etiam peccato, quod sæpius alterius peccati pœna est, quodque dum voluntati placet naturam viciat.

Pœna quæ peccato rependitur duplex est; alia præsentis vitæ, ut morbi; alia vitæ futuræ, quæ vel in purgatorio luitur, vel in inferno; eaque iterum duplex est, alia damni, alia sensûs. Pœna damni est privatio visionis Dei; pœna sensûs est cruciatus tormentorum quæ corpus & animam affligunt.

Circa pœnam peccati quatuor hîc expendi solent: 1mo. an ea quæ contra mortale peccatum decernitur, sit æterna; 2do. an non etiam peccatum veniale æternâ pœnâ plectatur; 3tio. an peccatum in hac vitâ quoad culpam dimittitur æternâ pœnâ puniatur; 4to. an ignis quo animæ seu *damnatae*, seu *purgantes* cruciantur, sit materialis, an solum metaphoricus prout sumitur in hoc Psalmi 16. loco, *Ignem examinasti*, quæ ut solvantur, sit.

CONA

CONCLUSIO I. Poena mortali in quo quis decesserit peccato infligenda, in æternum durabit.

Prob. 1mo. ex Scripturâ. Isaïæ 66. *Vermis eorum non morietur, & ignis eorum non extinguetur*, quo textû usus est Christus Marci. 9. Matth. 25. *Ibunt hi in supplicium æternum*, seu, ut legebat S. Augustinus, *in combustionem æternam*, *justi verò in vitam æternam*; ubi combustio reproborum non minùs æterna est, quàm Sanctorum felicitas. Apocal. 14. *damnati dicuntur cruciandi igne & sulphure in secula seculorum*. An porro in secula cruciarentur ii quorum post aliquot secula, vel fortè spatium seculo minus cessarent tormenta?

Prob. 2do. ex S. Augustino Lib. 22. de Civ. Dei cap. 17. ubi sic Origenes hâc in re misericordior profectò fuit, qui & ipsum diabolum atque angelos ejus post graviora promeritis atque diuturniora supplicia, ex illis cruciatibus eruentes, atque sanctis Angelis sociandos credidit; sed illum propter hoc.....reprobavit Ecclesia.

Prob. 3tio. quia alioqui licitum esset orare pro salute reproborum, quod falsum est.

Obj. 1mo. Scriptura nominæ æternitatis sapiùs non intelligit nisi longam durationem, ut Genes. 17. ergo ex eo quodd reproborum poenæ dicantur æternæ, nihil concludi potest.

R. neg. conseq. Sensus enim Scripturæ determinatur tum ex aliis ejusdem textibus, in quibus poenæ inferni eodem modo dicuntur æternæ, ac Sanctorum beatitudo: tum ex Traditione Patrum, juxta quos incunctanter verum est, *quasi sicut finis non erit gaudio bonorum, ita finis non erit tormento malorum*; verba sunt S. Gregorii Papæ Lib. 4. Dialog. cap. 44.

Obj. 2do. Deus punit citra condignum, & à fortiori non punit ultra condignum: atqui puniret ultra condignum, si poenam infligeret æternam pro peccato quod sæpè in instanti commissum est.

R. dist. maj. Deus punit citra condignum, quia minùs graves reprobis penas infligit, quàm meriti sint, C. punit citra condignum, hoc sensu quodd non puniat in æternum, N. Imò. aliquatenùs debet in æternum punire, quia æternæ aversioni à Deo, qualis est aversio reproborum, par est æternam decerni poenam.

Obj. 3tio. Non pauci Patres, ut Hieronymus, Augustinus, Ambrosius, negaverunt æternitatem poenarum; ergo.

R. 1mo. Traditionem non uno aut altero Patre initi, sed

con-

consensu Patrum moraliter unanimi. Sic aliqui patrum Mil-lenarismo favere, quem tamen tota rejicit Dei Ecclesia.

R. 2do. Hieronymum non negasse reprobos in aeternum cruciandos esse, sed negasse solum non omnes peccatores aeternum esse torquendos, quod verum est; cum aliqui eorum transitoriis purgatorii flammis torquendi sint. Id quidem probat S. Doctor ex nonnullis scripturae textibus, qui passim de reprobis intelliguntur: at in eorum textuum interpretatione errare potuit, absque eo quod in ipso rei fundo erraret. Augustinus nullibi sensit damnatorum poenas finitum iri; sed solum eas per viventium preces leniri posse, ut dicam in Tract. de Religione. Ambrosius vero cum in Psalm. 118. dixit divitem de quo loquitur Evangelium puniri *ut citius evadat*, non alludit ad divitem epulonem, sed ad eum cui dictum est: *Stulte hac nocte animam tuam repetunt à te*, hunc autem credit à Deo severe admonitum, ut inferi poenas evaderet. De his qui plura volent, quae non recipiunt compendium istud, adeat fusorem nostram Theologiam Tom. 3. p. 578. seq. Edit. 1740.

Obj. 4to. Ratio orandi, rationem credendi demonstrat: atqui Ecclesia orat pro salute reproborum; cum ait, *Liberà Domine, animas omnium fidelium defunctorum de pœnis inferni &c.*

R. neg. min. & dico ex communi Ecclesiae sensu citatam precem, vel retrahere ad ipsum agonis momentum, aded ut Deus futura oratione tactus rogetur nè sinat animam morientis cadere in *obscurum*; vel eo fine effundi, ut si defuncti anima purgantibus flammis tradita sit, ab iis liberetur; locus enim purgatorii non raro inferorum nomine exprimitur in Ecclesia.

CONCLUSIO II. Peccatum veniale *per se* non meretur poenam aeternam; ea tamen aliquando puniuntur.

Prob. 1. pars, peccatum veniale non impedit nè homo dignus sit gloriâ aeternâ: qui autem gloriâ dignus remanet, aeternâ poenâ dignus esse non potest.

Prob. 2. pars, quia si quis cum mortali uno, & altero veniali decedat, pro utroque in aeternum punietur: nulla enim fit cujuscumque peccati remissio sine aliquâ Christi meritorum applicatione: Christus autem sua damnatis merita non applicat, quia nec ejus membra sunt, nec pro iis ut in tali statu possitis mortuus est: ergo.

CONCLUSIO III. Ignis quo torquentur sive in inferis reprobis, sive in purgatorio animae ibidem languentes, est materialis, non metaphoricus.

Prob.

Prob. 1. pars: imo. ex Scripturâ, matth. 25. *Ite in ignem æternum.* unde sic: Ignis de quo agitur in textu citato, est ignis corporeus: quandoquidem hic agitur de igne quo damnatorum corpora post resurrectionem conburenda sunt: atqui ignis ille, est ipse idem ignis quo ipsi spiritus torqueri debent, nam ibidem dicitur: *Qui paratus est diabolo & Angelis ejus;* ergo,

Confirm. quia ex Augustino, Scriptura propriè & literaliter accipienda est, quando nihil sequitur absurdi: atqui quòd ignis inferorum sit materialis, nihil habet absurdi: potest enim Deus in animâ à corpore separata, eandem doloris sensationes producere, quas in ipsâ ex corporis occasione producit. Certe si Deus corporis nobis hodie uniti impressiones in animam transmittat, quis dixerit eum corporis extranei motus eidem animâ communicare non posse?

Prob. 2do. ex S. Augustino, qui tamen aliquando anceps videatur, sic habet Lib. 21. de Civ. Dei c. 10. *Gehenna illa, quod etiam stagnum ignis & sulphuris dictum est, corporeus ignis erit.*

Prob. 2. pars, quæ licet à Græcis palàm negata fuerit in Concilio Florentino, unanimi tamen Ecclesiæ Latinæ consensu videtur stabilita esse: cum hac in Liturgiâ pro defunctis exorans, non modò petat locum *lucis & pacis* contra obcuritatem, anxietatem, sed & *refrigerii*, unque contra ignem cujus nimio ardore torquentur animæ purgantes.

Nec nocet id I. Cor. 3. v. 12. *Ipse autem salvus erit, sic tamen quasi per ignem.* Nam vox *quasi* sapè non excludit realitatem. Sic Joannis cap. 1. dicitur: *Vidimus gloriam ejus quasi unigeniti.* quis porro Filium Dei neget esse verè unigenitum?



PARS SECUNDA

De peccato in specie.

Peccatum aliud est *originale*, quod communi primi parentis voluntate contrahitur; aliud *personale*, quod propria peccantis voluntate committitur.

Peccatum personale duplex est: *actuale*, qui vel est actus, vel omisso legi difformis, & *habituale*, quod ipsum est actuale peccatum moraliter perseverans, à quo non tam peccantes, quàm peccatores denominamur.

Pec-

Peccatum actuale vel mortale est, vel veniale; utrumque verò vel est omissionis, vel commissionis; itèrè vel est contra Deum, vel contra seipsum, aut proximum. Rursusque vel est carnale, quod in materia sensibili perficitur, ut gula; vel spirituale quod intùs consummatur, & internam solum delectationem habet, ut superbia. Unde iterùm peccatum aliud est cordis, ut odium: aliud oris, ut detractio; aliud operis, ut homicidium.

Peccatum denique aliud est capitale, quod non solum per se peccatum est, sed & aliorum peccatorum radix; & non capitale. De horum præcipuis seorsum differendum.

CAPUT PRIMUM.

De Peccato originali.

Circa peccatum originis hæc quæruntur: 1mo. an existat; 2do. in quo sita sit ejus natura; 3tio. quo pacto ab Adam ad ceteros homines traducatur; 4to. an homines omnes ejusdem conscii nascantur; 5to. quinam sint ejus effectus.

ARTICULUS PRIMUS.

De existentiâ Peccati originalis.

Multis apud Augustinum nominibus exprimitur peccatum originale, vocatur enim * hereditarium malum, alienum peccatum; debitum. paterni chiographi &c. Quæritur an existat ejusmodi peccatum.

Negarunt Pelagius, ejusque discipuli Cælestius & Julianus, quorum hæreseos quinque erant capita. 1. Adam mortalem factum, qui sive peccaret, sive non peccaret, fuisset moriturus; 2. peccatum Adæ, ipsum solum læsisse, & non genus humanum, nisi quatenus malum peccandi exemplum præbuit; 3. infantes qui nascuntur, in eo statu esse in quo Adam fuit ante prævaricationem. 4. nec per mortem Adæ omne genus hominum mori, nec per resurrectionem Christi omne hominum genus resurgere; 5. infantes, etiamsi non baptisentur, habere vitam æternam. Ità Marius Mercator in Commonitorio.

Errorem hunc temporum lapsu renovarunt Armeni, Albanenses

* L. 8. contra Julianum c. 6. &c.

nenses, Albigenſes, Anabaptiſta, ac deinceps Sociniani. Contra hos omnes capitale hoc Religionis noſtra dogma omni argumentorum genere probandum eſt. Sit igitur.

CONCLUSIO I. Exiſtentia peccati originalis eſt certa ex Scripturis.

* Prob. 1mo. ex Job. 14. ubi ſic legit editio vulgata: *Quis poteſt facere mundum de immundo conceptum ſemine? nonne tu qui ſolus es?* Unde ſic: Immundicia de qua loquitur Job, homini inelt ab ipſa ejus conceptione; atqui immundicia hæc, non eſt corporea, ut volunt Sociniani, ſed ſpirituſalis, ſeu ipſa eſt peccati immundicia. Nam à corporali immunditiâ mundari homo etiâ ab homine poteſt: atqui ab immunditiâ quæ impuro hominis ſemini inhaeret, ſolus Deus mundare poteſt, ex citato textu; ergo.

Idem textus juxta verſionem LXX. Interpretum non minùs efficaciſ eſt; ſic enim vertunt. *Nemo mundus à ſorde, nec infans cujus eſt unius diei vita ſuper terram.* Porro ſi nè infans quidem unius diei mundus ſit à ſorde, ſeu peccato, necelle eſt ut admittatur quoddam peccatum quod nobis omnibus ab ipſâ conceptione inhaeret: atqui peccatum illud, ipſum eſt peccatum originale; infantes enim actualis peccati capaces non ſunt.

Prob. 2do. ex Pſalmo 50. ubi loquitur David: *Ecce enim in iniquitatibus conceptus ſum, & in peccatis concepit me mater mea;* hebraicè, *Ecce in peccato & in iniquitate conceptus ſum:* atqui peccatum in quo conceptus eſt David, non potuit aliud eſſe quàm peccatum originale. Velenim peccatum illud, ipſum eſt originale peccatum, vel eſt actualè peccatum ſive parentum David, ſive David ipſius, atqui neutrum dici poteſt. Non 1. tum quia David ex ſancto conjugio natus erat, & à patre miræ pietatiſ, tum quia in id unum incumbit David in hoc loco, ut propriam ſuam miſeriam Deo repreſentet, ejusque miſericordiam alliciat; atqui ſi de ſolâ parentum iniquitate, non de ſuâ loqueretur, jam nec miſeriam ſuam Deo exhiberet, nec miſericordiam ejus alliceret: nam eo quidem indulgentiâ dignus eſt homo, quòd animam peccato vitiatam ſortitus à naturâ ſæpiùs temptationibus cedat, non autem quòd ex alterius crimine conceptus ſit. Non 2. eſt enim graviter peccaverit David contra Uriam, hæud tamen eo in peccato conceptus eſt à matre ſuâ: ergo.

† Prob. 3tio. ex Rom. 5. *Per unum hominem peccatum in: hunc mundum intravit, & per peccatum mors, & ita in omnes*

mnēs homines mors pertransiuit, in quo omnes peccaverunt, & infra: Per inobedientiam unius hominis peccatores constituti sunt multi: unde sic: Adstruit eo loco Apostolus peccatum quod omnes homines infecit, & morti obnoxios reddidit; atqui peccatum hoc, ipsum est originale peccatum, non actuale. Nam peccatum actuale non reperitur in infantibus: atqui peccatum, de quo loquitur Apostolus, reperitur etiam in infantibus: 1mo. quia reperitur in omnibus, *in quo omnes peccaverunt;* 2do. quia reperitur in iis qui morti obnoxii sunt, cum mors per illud peccatum intraverit: atqui infantes ante quodcumque peccatum actuale, morti obnoxii sunt; ergo.

Obj. 1mo. ex Ezech. 18. *Filius non portabit iniquitatem patris:* atqui in hypothesi peccati originalis filius portaret iniquitatem patris; ergo.

R. dist. maj. Filius non portat iniquitatem patris, si illius particeps non sit, C. si particeps sit, N. Porro particeps sumus omnes peccati Adæ; unde non moritur anima peccati cujuslibet expers, sed ea solum quæ saltem in alio peccavit, in eo nempe *in quo omnes peccaverunt:* quoniam *quando ille peccavit; in illo erant omnes,* ait Augustinus. Quia verò non eodem modo sumus in iis, à quibus proximè nascimur, ac fuimus in primo omnium parente, ideo licet hujus iniquitatem portemus, verè dictum fuit filium non portare iniquitatem patris, quia actualia patrum peccata nobis quantum ad gratiæ privationem non imputantur: imputantur tamen quantum ad damnum temporale; unde patet Ezechielis textum ab ipsis etiam Pelagianis cum limitatione intelligendum esse, cum doceat Scriptura Deum reddere peccata, *patrum filiis usque in tertiam & quartam progeniem.* Ità Augustin. Lib. 6. cont. Julian. c. 25.

Obj. 2do. Citatus Apostoli textus ex Rom. 5. loquitur solum de peccato actuali. Sic enim habet v. 12. *Per unum hominem peccatum in hunc mundum intravit, &c. v. 13. Usque ad legem enim peccatum erat in mundo: peccatum autem non imputabatur, cum lex non esset.* Unde sic: Peccatum de quo sermo est v. 12. idem est de quo sermo sit v. 13. atqui peccatum de quo sermo est v. 13. non potest aliud esse quam actuale. Nam peccatum de quo sermo est v. 13. illud est quod ante legem Moïsis non imputabatur: atqui hoc peccatum est necessariò actuale, non originale, quod etiam ante legem imputatum esse contendimus; ergo.

R. ad 1. neg. antec. Ad 2. neg. maj. & dico Apostolum v. 12. loqui de peccato originali, cujus existentiam pro-

probat duplici ratione. Prima quæ proponitur v. 13. desumitur ex peccato actuali, cujus fecunda radix est originalis noxa; & quod etiam ante legem erat in mundo, licet passim non imputaretur, sive ab hominibus, qui peccata multa relinquebant inulta; sive à Deo, qui mitius agebat cum peccatore, nisi in immania quædam scelera prorueret. Secunda desumitur ex morte quæ regnavit ab Adam usque ad Moysen, etiam in eos qui non peccaverunt in similitudinem prævaricationis Adæ, infantes scilicet qui propriâ voluntate non peccaverunt, ideoque ob solum Adæ peccatum peccatores & mortales effecti sunt; ergo stat Paulum loqui v. 12. de peccato originali, & v. 13. de peccato actuali.

Inst. Pergit Apostolus v. 15. *Sed non sicut delictum, ita & donum: si enim unius delicto multi mortui sunt, multo magis gratia Dei.....in plures abundavit!* atqui si loqueretur Apostolus de peccato originali, plures non essent gratiâ donati, quàm mortui per peccatum cum omnes per peccatum originale mortui supponantur; ergo.

R. neg. min. Vox enim *multo magis*, non significat multitudinem eorum, qui gratiâ Christi participes fiunt, quasi plures eâ ditati sint, quàm Adæ peccato infecti, sed significat plura nobis per Christi gratiam conferri bona, quàm investita sint per Adæ peccatum mala. Nam Adæ peccatum nobis quidem vitam abstulit, Christus verò perseverantiam in justitiâ, immortalitatem, abundantem S. Spiritûs donorum copiam, virtutesque multas, quæ in statu innocentie non fuissent, patientiam, v. g. martyrium, virginitatem &c. nobis promeruit, nosque non à peccato solum originali, sed & à ceteris quæ voluntate propriâ commissa erant, delictis liberavit, ut habet v. 16.

CONCLUSIO II. Dogma peccati originalis certò constat ex Traditione.

Prob. Illud dogma certò constat ex Traditione, quod semper tenuerunt Ecclesiæ Doctores, sive ante Pelagium, sive ejusdem tempore, sive post ipsum: atqui Ecclesiæ Doctores.....Et quidem imo. nulla est difficultas de temporibus Pelagii, cum ab anno circiter 412. usque ad annum 431. habita sint 24 Concilia, in quibus statutum est, ut quicumque parvulos recentes ab uteris matrum baptisandos negat, aut dicit eos nihil ex Adam trahere originalis peccati, anathema sit: verba sunt Concilii Carthaginensis an. 418.

2do. Nec ulla esse potest difficultas de temporibus quæ Pelagium subsequuta sunt, tunc enim plena erat & ubique recepta peccati originalis fides, quam confirmarunt Patres

Tridentini sess. 5. can. 2. iis verbis *Si quis Adæ pravari-
cationem sibi soli & non ejus propagini, asserit nocuisse.....
anathema sit.* Tota igitur questio movetur de Patribus Au-
gustino antiquioribus: atqui Patres illi peccatum originale
asseruerunt, neque eorum est quisquam qui contradixerit *
Tres aut quatuor referam.

1mo. Itaque S. Iustinus Martyr in dialogo. cum Trypho-
ne, ait Christum in Jordane baptisatum fuisse non propter
se, sed propter genus humanum quod per Adam in mortem
& fraudem, seductionemque serpentis conciderat, ut interim,
inquit, propriam pro se maligne agentis, cujusque culpam, ta-
ceam: atqui peccatum illud in quod humanum genus con-
jectum est per Adamum, à serpente seductum, quodque à
propriis uniuscujusque peccatis distinguitur nihil est aliud aut
esse potest quàm peccatum originale; ergo.

S. Irenæus lib. 3. adversus hæres. cap. 20. ait Christum
nobis salutem præstitisse, ut quod perdidimus in Adam, hoc
in Christo Jesu recipemus quia sine Christo impossibile
erat ut salutem perciperet, qui sub Adæ peccato ceciderat:
ergo, agnovit Irenæus peccatum Adami nobis communicatum
esse, ita ut per illud, amiserimus vitam, quæ non ab alio,
quam à Christo nobis reddi poterat: atqui peccatum hoc,
ipsum est de quo loquimur originale peccatum; ergo.

S. Clemens Alexandrinus ab eodem dogmate non reces-
sit: imo, quia nequidem ejus patrocinio uti ausi sunt Pela-
giani; 2do. quia ex ejus Scholâ, prodijt Origenes eximius o-
riginalis peccati assertor; 3tio. quia facile intelligi nequit
viro, tantæ eruditionis, ignotum fuisse dogma illud capitale,
unde pendet redemptionis mysterium.

Tertullianus lib. 3. de testimonio animæ, Adam, inquit,
in mortem datus, exinde totum genus de suo semine infectum,
suæ etiam damnationis traducem fecit, & lib. de animâ c.
40. Omnis anima eo usque in Adam, censetur, donec in
Christo recenseatur; tamdiu immunda, donec recenseatur: pec-
catix autem quia immunda, recipiens ignominiam ex carnis
societate. Unde sic: Ille agnovit peccatum originale, qui
docet totum genus humanum, de Adami semine infectum,
ejusdem damnationis particeps evasisse; quique contendit a-
nimam omnem in Adamo immundam fieri & peccatricem
ex societate carnis, ejus: atqui Tertullianus, &c.

S. Chrysostomus homil. 18. in Epist. ad Rom. * Non
ipsum, ait, peccatum quod à legis transgressionem ortum est, sed
illud quod ab Adami inobedientiâ est omnia perdebat. &
infra: ut cum tibi Judæus dixerit, Quo pacto uno recte agente

* Obiit an. 507.

Chri-

Christo, universus Orbis salvus factus est? possit illi respondere. Quo pacto uno non obediente Adam, universus Orbis condemnatus est? & iterum Si tantum valuit peccatum & hominis unius peccatum; gratia Dei..... quomodo. non. superavit magis? hoc enim multò rationabilius. Alterum enim alterius peccato puniri, non admodum æquum esse videtur; at alterum propter alterum servari.....rationi magis consentaneum. Unde sic: Peccatum quod non est ortum à transgressione legis; peccatum quod omnes perdit, quod Orbem universum condemnat; peccatum quod grande est mysterium, quodque ratio sibi relicta æquum non esse credit, hoc, inquam, peccatum, aliud non est à peccato originali: atqui idipsum est quod admittit S. Chrysostomus; falso igitur ejus autoritate gloriabantur Pelagiani.

Obj. 1mo. S. Clemens lib. 3. Stromat. agens contra Basilidianos, qui nuptias damnabant, sic loquitur: *Dicant ergo nobis ubi fornicatus est infans natus? vel quomodo sub Adæ cecidit execrationem, qui nihil est operans?* Unde sic: Ille negat peccatum originale, qui negat infantes cecidisse sub execrationem Adæ, atqui S. Clemens negat.... ergo.

R. dist. min. Negat S. Clemens infantes cecidisse sub execrationem Adæ, ad mentem adversariorum qui existimabant ipsam corporis humani substantiam per se esse malam, utpotè à malo principio productam, C. ad sensum Catholicorum, N. Quòd enim originale peccatum admiserit S. Clemens, prout illud admittunt Catholici, Patet 1mo. quia dogma illud in Ecclesiâ Alexandrinâ constanter assertum est, illudque ut continuam hujus Ecclesiæ traditionem tenuerunt S. Athanasius, & Origenes ipsius S. Clementis discipulus; 2do. quia sic loquitur S. Clemens lib. 1. *Paedagogi cap. 6. Tincti, seu baptizati, illuminamur: illuminati, in filios adoptamur..... Multis autem modis vocatur hoc opus, gratia, & lavacrum: lavacrum quidem, per quod peccata abstergimus, &c.* ergo infantes quibus Baptismum conferri non ignorabat S. Clemens, juxta eundem infecti erant peccato, à quo non nisi per Baptismum solvebantur.

Inst. 1mo. Ille negat infantes cadere sub execrationem Adæ ad sensum Catholicorum, qui explicans hæc Psalmæ verba, *In iniquitatibus conceptus sum*, expressè docet Davidem in peccatis conceptum non fuisse: atqui S. Clemens id expressè docet; sic enim ait lib. 3. *Strom. Quando dixit David, in peccatis conceptus sum, dicit propheticè quidem matrem Evam; & si in peccatis fuit conceptus, sed non ipse in peccato: neque verò ipse peccatum, &c.* ergo.

R. dist. min. Docet S. Clemens Davidem non fuisse conceptum in peccato, quod esset ipsa generatio, aut vitium matris, ut volebat Cassianus, C. in peccato originali, N. Imò verò S. Clemens hic adstruit peccatum originale, quandoquidem sic negat hæc verba, *In peccatis conceptus sum*, de propria Davidis matre esse intelligenda, ut velit ea intelligi de Eva prima omnium hominum matre, in cujus peccato omnes concipiantur. Quid enim aliud sibi volunt hæc verba, *David dicit prophetice matrem Evam*, cum dicit in *peccatis conceptus sum*?

Obj. 2do. Tertullianus lib. de Baptismo cap. 18. *Veniunt*, inquit, infantes ad Baptismum, cum Christum nosse poterint: quid festinat ætas innocens ad remissionem peccatorum? atqui nisi Tertullianus infantes ab omni prorsus peccato immunes credidisset, non inquireret quare innocens ætas festinet ad Baptismum: sensisset enim sibi statim respondendum fuisse, ætatem hanc reipsâ innocentem non esse, sed mortali Adæ peccato constrictam; ergo.

R. neg. min. inquit Tertullianus, & satis malè curtam cito baptizentur infantes, non quia eos ab omni noxa immunes putet, sed quia credebat melius esse, ut differretur Baptisma, tum ut petentibus datum videretur; tum ut magis ponderarentur ejus obligationes. Hunc esse ejus scopum declarant sequentia verba: *Norint qui baptizantur petere salutem, ut petenti dedisse videaris. Si qui pondus intelligant Baptismi, magis timebunt consecutionem quam dilationem.*

Inst. Tertullianus lib. de animâ c. 39. *Nulla ferme*, inquit, *nativitas munda est, utique Ethnorum; hinc enim & Apostolus ex sacrificato alterutro sexu sanctos procreari ait, tam ex feminis prærogativâ; quam ex institutionis disciplina;* ergo Tertullianus solos Ethnicos à nativitate immundos agnovit, non autem filios fidelium; cum istos ex parentum sanctitate sanctos procreari contendat.

R. ad 1. neg. conseq. ad 2. dist. Tertullianus contendit filios Fidelium procreari sanctos, id est, destinatos sanctitati ac per hoc etiam saluti, ut ipse loquitur, C. sanctos ex naturâ rei, & ante susceptum Baptisma, N. Itaque juxta Tertullianum nativitas Christianorum multis titulis potior est nativitate Ethnorum: hi enim cum idololatriâ obsetrice nascantur, jam in partu; Lucinæ; Dianæque devolvuntur illi verò sanctitati & saluti quasi ipsâ feminis conditione destinantur: at non ideo censuit. Tertullianus Christianorum filios intrinsecè sanctos esse; quandoquidem agnoscit eos indigere baptismate; quia animam habent peccatricem & immundam

mundam: ut patet ex his ejusdem verbis: *Meminerat Apostolus, cum filios Fidelium per parentes sanctificari dixit, Dominica definitionis, Nisi quis nascatur ex aqua & spiritu, non introibit in regnum Dei, id est: non erit sanctus, Ita omnis anima eò usque in Adam censetur, donec in Christo recensatur, &c ut supra.*

Obi. 3tio. S. Chrysostomus Hom. 10. in cap. 5. Epist. ad Rom. sic loquitur: *Quod Adamo peccante & mortali facti, qui ex illo orti sunt tales efficiantur, id à verisimili non abhorret; quòd autem ex inobedientia illius alter peccator fiat, id quam consequentiam habuerit? inveniatur quippe ille non parnas debere, nisi ex se peccator fuerit. Quid igitur hic significat illud, peccatores? mihi quidem videtur supplicio obnoxios & ad mortem damnatos. Unde sic Ille negat peccatum originale, qui homines non alio sensu contendit in Adam peccatores esse, quàm quia in eo mortis rei constituti sunt: atqui S. Chrysostomus contendit... ergo.*

R. neg. min. dum enim docet S. Chrysostomus homines peccasse in Adam, quatenus supplicio obnoxii & ad mortem damnati sunt, non excludit culpam, sed præsупponit, quia ex S. Doctore non est obnoxius supplicio, nisi qui reatum culpæ habuerit; unde hic Chrysostomus ab effectu causam intelligit, tamen si eam ibi non exprimat, quia alibi satis expressit, ut ex probationibus supra allatis manifestum est.

Inst. S. Chrysostomus Hom. 17. in Epist. ad Corint. *non sanè propter Adamum peris. Neque enim tu sine peccato mansisti; sed si non idipsum peccatum; aliud utique admisisti; alioquin autem à punitione non damnum accepisti sed lucratus es.* Unde sic: Si homo nasceretur originali labe infectus, jam propter Adam periret, etiam si nullum aliud admisisset peccatum: atqui ex S. Chrysostomo, certè non perit homo propter Adamum, sed propter alia quæ utique admisit peccata; ergo.

R. dist. min. Homo propter Adamum non perit necessarid, quia peccatum Adæ eluere, imò & aliquid emolumenti ex eo percipere potest, C. non perit, id est, non nascitur peccato Adæ obnoxius, N. itaque baptisati de quibus loquitur S. Chrysostomus ideo pereunt, non quia peccaverunt in Adam, cum ab ejus peccato per Baptismum mundati sint, sed quia actualia admisere peccata, à quibus opitulante gratiâ abstinere poterant. Hoc unice intendit S. Chrysostomus. *Vis scire, inquit, quomodo corpus mortale non læserit; sed etiam juvet? audi quanta hinc lucreris, si vigiles;* ergo S. Doctor de iis agit qui & originalis noxæ

remissionem fuerant consecuti, & virtutis exercitio aliquid boni ex ipso suo statu lucrari poterant.

Moram non faciet celebris textus Homiliæ ad Neophytos, quic sic citatur: *Baptisamus infantes, cum non sint coinquinati peccato*: 1mo. quia sufficit responso S. Augustini, qui textum hunc interpretatus est de peccatis actualibus; 2do. quia censent eruditi multi Homiliam hanc non esse S. Chrysostomi; 3tio. quia editiones multæ legunt *ut non sint coinquinati peccato*. Ex textu autem tam incerto quid colligi potest?

† CONCLUSIO III. Peccatum originale, licet rationi plurimum repugnare videatur, ab eâ tamen, præsertim per fidem adjutâ, invictè confirmatur.

Prob. strictim delibando argumenta theologica quæ fusè prosequitur Augustinus contra Pelagianos: 1mo. itaque ex Apostolo II. Corinth. 5. *pro omnibus mortuus est Christus, isque Salvator est omnium*: ergo mortuus est etiam pro infantibus, eorumque Salvator est: atqui non est unde salvos eos faciat, si nulla in eis est originalis peccati aegritudo; non est unde eos redimat, si non sunt per originem primi hominis venundati sub peccato; ergo.

2do. Baptisma omnibus etiam parvulis necessarium est, ut intrent in regnum cælorum; neque id unquam ausi sunt negare Pelagiani: atqui solum peccatum arcere potest ab ingressu regni cælorum; ergo omnes infecti sunt peccato: atqui non actuali, cum multi moriantur ante usum rationis; ergo originali.

3tio. Ceremoniæ quæ etiam in parvulorum Baptismo usurpantur, exorcismus nempe, & exsufflatio quibus immundus spiritus à parvulis baptisandis abigitur, ubique receptæ erant ante tempus Augustini; unde nec eas reprehendere ausi sunt Pelagiani: atqui ceremoniæ illæ clarè indicant Ecclesiam semper credidisse parvulos ante Baptismum esse sub dæmonis potestate. Jam verò sub dæmonis potestate non sunt, nisi ob peccatum aliquod cujus rei sint; ergo cum peccatum illud, actuale esse non possit, superest ut sit originale.

4to. Homo omnis nascitur immani concupiscentiæ, morbis, ac morti ipsi obnoxius; & illud est grave jugum super filios *Adæ à die exitus de ventre matris eorum usque in diem sepulturæ* atqui densa hæc miseriarum communium nubes communem culpam indicat & supponit; Deus enim ab initio creavit hominem inexterminabilem; ergo nisi peccasset, nullis subjacuisset miseriis; ** ergo cum ipsi infantes & pos-

* Eccli. 30. ** Sep. 2.

ais

nis & mortis subiaceant, necessum est ut alicujus culpæ rei censeantur: non actualis, ergo originalis.

Obj. 1mo. Omne peccatum est voluntarium: atqui peccatum originale non potest voluntarium esse in infantibus, ut potè qui libertatis usu careant; ergo.

R. dist. maj. Peccatum personale & actuale est voluntarium, C. originale, subd. est voluntarium moraliter & voluntate alienâ, C. physice & voluntate propriâ, N. Itaque infantes nullum habent aut habere possunt peccatum personale: at habere possunt & habent peccatum originale: quia habuerunt moralem libertatis usum in primi parentis voluntate, quæ fuit moraliter voluntas eorum omnium qui ab ipso seminaliter nascituri erant, non quidem quantum ad omne præceptum, sed quantum ad præceptum abstinendi à certo fructu. Iustum ergo est, ut malum à capite electum imputetur membris in eo moraliter inclusis: sicut iustum est, ut pacta conventa servantur à civibus, etsi non eorum, sed Majorum voluntate celebrata fuerint. Fateor id agrè admodum intelligi, sed non ideo negandum est, quia plerumque verum est, id quod comprehendi & explicari nequit.

Obj. 2do. dogma peccati originalis ad Manichæismum conducit. Illud enim dogma ad Manichæismum conducit, quo posito peccat quisquis utitur matrimonio: atqui posito originalis peccati dogmate peccat quisquis utitur matrimonio; quia elicit actum cui necessario annexum est peccatum; ergo.

R. ad 1. neg. ant. ad 2. neg. min. ad 3. dist. Peccat qui elicit actum cui secundum se sumpto, & vi propriâ vel etiam ex intentione agentis annexum est peccatum, C. cui annexum est peccatum defectu alterius quem nec debet nec potest impedire, N. Itaque peccatum originale non oritur ex ipso per se generationis actu, tanquam causâ proximâ (quia alioqui ubicumque esset generatio, ibi semper esset aut fuisset peccatum, quod falsum esse ex ipso innocentia statu liquet) sed sequitur ex ipsa Adami prævaricatione, quæ causa est cur, invitis etiam parentibus, tota ejus posteritas vitata nascatur; ergo, ut verbis utar Augustini, lib. 2. de nupt. & concup. cap. 26. *Non sunt nuptiæ causa peccati quod trahitur à nascente, & expiatur in nascente; sed voluntarium peccatum hominis primi, originalis est causa peccati.*

Obj. 3tio. Prævaricatio Adæ non est efficacior redemptione Christi: atqui redemptio Christi non prodest iis, qui non credunt; ergo nec Adæ peccatum iis nocet qui acta non peccant.

R. neg. min. nam Christi gratia prodest parvulis baptisatis, licet non per se, sed solum in aliena persona credant, ergo & isdem nocet Adæ peccatum, licet non per se, sed in eo solo peccaverint.

Obj. 4to. cum Juliano. Non peccat iste qui nascitur, non peccat ille qui genuit, non peccat Deus qui condidit; *per quas igitur rimas tot inter præsidia ingredi potest peccatum?*

R. cum Augustino: *Quid quæris latentem rimam, cum habeas apertissimam januam? Per unum hominem, ait Apostolus; per unius delictum, ait Apostolus; per inobedientiam unius hominis, &c. Quid quæris amplius? Quid quæris apertius, &c.*

ARTICULUS SECUNDUS.

Quomodo Peccatum Adæ posteris ejus communicetur.

DE animarum origine fusiùs in fufiori de Peccatis Tractatu differuimus; ibique rebus latè discussis docuimus tandem animas nec initio mundi creatas esse, nec alias ex aliis propagari, sed quotidie a Deo cum corporibus unien-
dæ sunt creari. Hæc autem opinio hinc nobis visa est ceteris esse præferenda: 1mo. quia jam penè ubique in Ecclesiâ Catholicâ à quinque circiter seculis recepta est; 2do. quia eadem sententia tempore S. Hieronymi, ab omnibus tenebatur Orientalibus; opposita verò, licet apud Occidentales satis communis, haud tamen ab omnibus recepta erat, 3tio. quia effectum istud Magistri Sententiarum: *Animæ creando infunduntur, & infundendo creantur*, itâ nunc invaluit, ut non aliquorum duntaxat, sed Fidelium omnium sensum exprimere videatur.

Jam quaritur quo pacto peccati originalis dogma eidem sententiæ possit accommodari. Meliùs sanè foret cum S. & humili Augustino incitiam suam profiteri, quàm multa congerere, quæ potiùs originalis peccati fidem labefactant, quàm austruunt. Nè tamen quæstionem in Scholis pertractatam omnino prætereamus, paucis expendendum est quomodò anima ob suam cum corpore corrupto unionem corrumpatur; quâ de re triplex est opinio.

Prima eorum est qui in omnibus Adæ posteris voluntatem admittunt interpretativam, vi cujus censentur antea voluisse quidquid Adam voliturus erat boni vel mali.

Secunda opinio eorum est qui docent peccatum originale transfundi per libidinem seu concupiscentiam seminali generationi

rationi naturaliter adiunctam, ex naturâ, aut quasi ex natura rei: quomodo podagra, & alia corporis vel animæ affectiones, in liberos à parentibus transfunduntur. Hanc sententiam post Calvinum vividè tuetur Janſenius, atque ex eâ concludit, quòd si Adamus concupiscentiam illam benè vivendo tollere potuisset, nullum in posteros fuisset peccatum transmissurus; quemadmodum illud nunc non transmitteret, cui omnis à Deo per miraculum tolleretur concupiscentia.

Tertia opinio eorum est qui credunt in hoc negotio intercessisse aliquam Dei constitutionem, per quam Adamus morale omnium caput institutus fuerit, ità ut in ejus voluntate posterorum omnium voluntas & fortuna constitueretur, velut omnium nomine præceptum Dei vel servaret, vel pro libito transgrederetur. Sit

* CONCLUSIO I. Peccatum Adæ non transit ad ejus posteros per voluntatem eorum interpretativam.

Prob. quia Deus imputat quidem in culpam id quod aliquis de facto vult; non autem id quod in tali vel tali occasione voliturus fuisset. Unde S. Augustinus Epist. 194. reprobatur eorum opinionem qui existimabant parvulos ideo rapî ante Baptismum, quia si victuri diutius fuissent, multa admisissent crimina.

† CONCLUSIO II. Peccatum Adæ non ex naturâ rei, sed dependenter à liberâ quâdam Dei constitutione transfunditur in ejus posteros.

Prob. 1mo. Ideo ex Apostolo Rom. 5. *per unum hominem peccatum intravit in mundum..... & in eo omnes peccaverunt*; quia, ut docet Augustinus Lib. 3. de peccat. merit. *omnes unus ille fuerunt*: atqui omnes non fuerunt ille unus Physicè, quatenus is omnium progenitor erat; sic enim filii omnes unum sunt in patribus & ideo peccata eorum portare deberent; ergo omnes unus ille fuerunt vi divinæ institutionis, quæ Adamum constituerat morale omnium caput.

Prob. 2do. Si libido generationis esset causa peccati originalis, ubi foret hæc libido, ibi peccatum originale foret; ubi verò non esset, ibi nec esset peccatum; atqui falsum utrumque consequens. Primum quidem, quia, ut loquitur Concilium Trid. Sess. 6. c. 3. *homines nisi ex semine Adæ propagati nascerentur, non nascerentur injusti*: atqui etiamsi ex Adæ semine non procrearentur, non procrearentur tamen sine libidine & concupiscentiâ, quia hæc ex naturali hominis temperamento exurgit, & sanè fuisset in statu naturæ puræ. Falsum quoque est quòd si carerent parentes libi-

dine in generando, eorum filii non contraherent originale peccatum; quia semper descenderent ab Adamo, ac proinde citra singulare privilegium, in illo peccarent in quo omnes peccaverunt, prout docet Thomas, q. 83, art. 4.

Confirm. quia si libido, transfundendi originale peccati causa foret, plus ille contraheret peccati, qui majori libidinis ardore conciperetur; atqui non plus contrahit peccati originalis unus quam alter; est enim peccatum illud in omnibus æquale, ut docet S. Thomas q. 82, art. 4.

Prob. 3tio. quia eo modo traduxit Adamus originale peccatum in posteros, imo. quo traduxit cetera incommoda, puta terræ tribulos, bestiarum rebellionem, &c. cur enim aliter de his quam de illo sentiremus? 2do. quo traducturus erat iustitiam si non peccasset; atqui Adam cetera incommoda moraliter traduxit; iustitiam verò originalem non nisi moraliter traducturus fuisset; ergo peccatum Adæ non ex rei naturâ, sed ex Dei constitutione transmittitur in Adæ posteros.

* 1mo. Obj. Pactum quod Augustinus non admisit, imò quod rejecit, admitti non debet; atqui pactum quod admittimus non admisit Augustinus, sed potius rejecit. Quarenti enim Juliano * *quomodo omnes per voluntatem malam Adæ peccaverunt*, non recurrit ad pactum sed è contra respondet nos *secundum rationem seminis* fuisse in Adamo, sicut fuit in Abraham Levi, cum Abraham solvente decimas, ipse Levi decimas solvit; atqui non ratione pacti alicujus, sed ratione solius seminis, hoc est ex rei naturâ, Levitæ in Abrahamo facere, cum ille solvit decimas Melchisedech; ergo à pari.

R. ad 1. neg. maj. pro priori parte. Potuit enim Augustinus non meminisse pacti nè novis se difficultatibus implicaret; pactum enim admittimus, quia verum, non quia omni difficultate carens.

2do. neg. min. pro secundâ parte. Nego scilicet docuisse Augustinum, Adæ posteros peccato ejus ex rei naturâ infici; nego proinde pactum omne à S. Doctore penitus rejectum fuisse.

Ad textum Augustini dico S. Doctorem asserre exemplum Levi in lumbis Abraham decimati, ut ostendat Adæ filios in Adæ lumbis peccasse: an verò hoc physicè, & ex rei naturâ, an moraliter solum contingat, nequidem tangit sanctus Doctor.

† Obj. 2do. Si Deus voluntates nostras in Adamo contineri

* L. 4. Op. imperf. n. 104.

neri voluerit, vel hoc voluit independenter ab Adamo, vel non: aequi neutrum dici potest; ergo.

R. neg. min. & dico probabilius videri Deum hoc voluisse independenter ab Adamo; id enim & supremum Dei dominium decet, & fieri potuit per decretum, quo Deus & iustitiam originalem Adamo pro se, suisque posteris dedit, & voluntatem ipsius haberi voluit pro posterorum ejus voluntate. Hoc tamen decretum Adæ innotuisse credimus, imo. quia id exigebat suavis Dei providentia, ut Adam magis averteretur a peccato, sibi suæque posteritati tam nocivo; 2do. quia Adam peccando ut hominum Caput, gravius peccavit, quam si peccasset ut singularis persona; ergo nosse debuit omnium voluntates hominum in voluntate sua concludi; alioqui non potuisset hinc gravius peccare.

ARTICULUS TERTIUS.

In quo sita sit natura Peccati originalis.

Suppono 1mo. peccatum originale non esse denominationem nem merè externam, aut solam poenæ obnoxietatem, sine interiori mentis macula. Hæc enim opinio. vel potius error, imo. funditus tollit peccatum originale; sicut Sanctis revera iustitiam adimunt, qui eam docent duntaxat externam esse: 2do. aperte repugnat Apostolo, secundum quem *peccatum intravit in mundum, & per peccatum mors*; ubi peccatum originale est mortis causa, ac proinde ab ea distinguitur, adeoque in poenis quibus obnoxii nascimur, reponi non potest; 3tio. nec minus adversatur Concilio Trid. quod definit Sess. 5. Can. 5. in Baptismate *tolli totum id quod veram & propriam peccati rationem habet*, ubi necessario supponitur peccatum originale, esse veri nominis peccatum.

Suppono 2do. in peccato originali, sicut & in peccatis nostris actualibus, duo posse considerari: 1mo. actum illum quo Adam, ut caput morale generis humani, transgressus est Dei legem, per comestionem quæ & ipsius erat, eorum omnium qui ab eo seminaliter propagandi erant; 2do. labem seu maculam quæ Adæ transgressionem subsequuta est. De hac sola præsens movetur disputatio, quæriturque in quo ea consistat. Circa difficile hoc punctum varias in partes abeunt tum Heterodoxi, tum Catholici.]

Prima opinio apud Protestantes communis, reponit peccatum originale in concupiscentia.

Refel-

Refellitur imo. quia si peccatum originale, formaliter sit ipsa concupiscentia, vel actualis, vel habitualis: atqui neutrum dici potest. Non 1. nam in parvulis est verè peccatum originale: atqui tamen in iis non est nec esse potest concupiscentia actualis. Non 2. nam peccatum originale per se & ratione sui homines facit dignos morte: atqui concupiscentia sive actualis, sive habitualis, neminem per se facit dignum mortē, sed solum cum ei consentitur, ergo.

2do. in Baptismo tollitur totum id quod peccatum est: atqui tamen non tollitur concupiscentia, cum ipsa maneat in baptisatis ad agonem; ergo.

* Secunda opinio, quæ prima est Catholicorum, essentiam peccati originalis reponit in duplici qualitate morbida, alia quidem carnis, alia verò animæ, inter quas is est ordo ut prior sit posterioris causa, quatenus caro per peccatum vitiata, vitium suum animæ cum sibi unitur, communicat.

Refellitur: quia ex dictis, tollitur in Baptismo id omne quod peccati rationem habet: atqui non tollitur morbida ea qualitas carnis & animæ; hæc nihil aliud est quàm grandis ad Peccatum proclivitas, quæ etiam in renatis manet; ergo.

Tertia opinio eorum est qui peccatum originale quoad materiale constituunt in concupiscentia; quoad formale verò, in reatu culpæ.

Refellitur quoad primam partem: quia concupiscentia, utpotè quidam animæ languor, qui etiam in baptisatis remanet; est effectus peccati originalis: atqui effectus rei non potest se habere ut ejusdem rei materia: cum materiale rei sit primum in re & concipiatur ut aliquid prius ipso formali.

Refellitur quoad secundam partem: quia reatus culpæ est ipsa formaliter culpa, seu est ipsum formale peccati. atqui nugatorium est dicere peccatum originale constitui in ratione peccati per id quod in eo culpæ & peccati rationem habet. Sicut quærenti in quo sita sit hominis essentia, nugatorium esset respondere eam consistere in humanitate; ergo.

Quarta opinio eorum est qui peccati originalis essentiam collocant in jactura justitiæ originalis, sumptæ pro debita voluntatis ad Deum subjectione: unde juxta hanc opinionem peccatum originale consistit formaliter in habituali aversione à Deo, quæ ipsa est privatio debita subjectionis ad Deum.

Hæc opinio, quam docet S. Anselmus, admitti posset, nisi quodd non explicat cur & quomodò peccatum originale, sit *unum* in nobis & in Adamo, prout docet Synodus Trid. sess. 5. can. 5. Sit igitur.

† CONCLUSIO. Peccatum originale, est ipsum Adæ peccatum toti ejus posteritati verè & intimè communicatum.

Prob. tum quia ceteræ opiniones mox adductæ minùs satisfaciunt; tum quia hæc nostra sententia magis congruit Concilio Trid. secundùm quod, * *hoc Adæ peccatum, quod origine unum est & propagatione, omnibus inest unicuique: proprium atqui peccatum originale, non esset unum in Adam & in nobis si peccatum nostrum non esset ipsum Adæ peccatum, nobis intimè communicatum.*

Confirm. Illud est peccatum originale, quòd ab Adamo transfūditur ad ejus posteros: atqui ipsummet Adæ peccatum transfunditur ad ejus posteros, ex citato Concilii Trid. canone; ergo peccatum originale, nihil est aliud quàm ipsum Adæ peccatum, nobis communicatum.

Obj. 1mo. Si peccatum originale sit ipsum Adæ peccatum, jam erit actuale; falsum consequens.

R. neg. maj. Peccatum enim originale est status quidam deordinationis, ex actu physice præterito permanens in homine, donec ipsi à Deo condonetur: is porrò status licet ex malo actu nascatur; est tamen maximè habitualis.

Obj. 2do. Ex Tridentino peccatum originale, per propagationem ab Adamo transfunditur in ejus posteros, omnibus inest, est unicuique proprium: atqui ipsum Adæ peccatum nec transfunditur, nec omnibus inesse potest, ut uniuscujusque proprium. Peccatum enim Adæ est quid omnibus commune: sed quod omnibus commune est; non est proprium uniuscujusque; sicut essentia divina; quia tribus personis communis est, nullius est propria.

R. ad 1. neg. min. Quod enim omnes & singulos Adæ posteros verè & intrinsecè afficit, verè omnibus inest, & uniuscujusque eorum proprium merito nuncupatur: atqui tale est peccatum Adæ; ergo.

Ad 2. dist. min. Quod est commune omnibus, non potest esse unius proprium, id est, non potest ità convenire uni, ut aliis non conveniat, C. id est, non potest verè & propriè convenire cuilibet, quamvis eidem singulariter & privativè non conveniat, N. Peccatum originale ergo simul & commune est omnibus, quia ad omnes extenditur; & uniuscujusque proprium est, quia nemo unus est cui tota ejus ratio non conveniat. Nec nocet exemplum ex essentia divinà desumptum: ea enim non est moraliter & æquivalenter in tribus personis multiplex, unde nec potest ab unâ tolli & manere in aliâ; secùs de peccato originali, ut per se evidens est.

* *Sess. 3. can. 3.*

ARTICULUS QUARTUS.

De subiecto Peccati originalis.

Hic expendemus ad quos, & an ad omnes perveniat peccatum originale; circa quod duplex est difficultas. Prima Catholicorum cum Hæreticis, qui contendunt peccatum originale vel non communicari, vel saltè non imputari filiis Fidelium: secunda est Catholicorum inter se, quorum aliqui contra ceteros B. Virginem labe originali infectam fuisse propugnant. De utraq; hic disputandum, sit igitur.

CONCLUSIO I. Filii Fidelium contrahunt peccatum originale, quod ipsis sicut aliis imputatur, nisi ab eo mundenur per Baptismum.

Prob. 1mo. quia ad id sufficit ut peccatum originale ab illis solis & omnibus contrahatur, qui naturali generationis viâ descendunt ab Adam; nisi ii speciali privilegio, à lege pro omnibus constituta, eximantur. * atqui ex textibus Scripturæ suprâ adductis, certum est omnes quî ab Adam propagantur, originale peccatum contrahere, quia omnes in illo peccaverunt, nec ullibi excipiuntur filii Fidelium, ergo. Et verò David & S. Paulus erant filii Fidelium: atqui tamen David in peccato conceptus erat, & ipse Paulus; ambo erant natura filii iræ, sicut & ceteri; ergo peccatum originale iisdem sicut & ceteris imputatur.

* Prob. 2do. ex Augustino L. de pecc. orig. c. 40. *Si reus infidelis, ait sive absolutus fidelis, non generat absolutos uterque, sed reos: quomodo non solum olestri, sed etiam oleæ semina non oleas generant, sed oleastros. Ubi assertio nostra totidem verbis continetur.*

† Prob. 3tio. tum ex sollicitudine quâ Fideles filiis suis periclitantibus Baptismum procurare semper festinarunt; tum ex ceremoniis in eorum Baptismo constanter adhibitis, ex quibus sequitur semper in Ecclesia Dei creditum fuisse, eos, nisi ex aqua renascerentur, ut & alios ab ingressu cœlorum excludi.

Obijciunt 1mo id Sap. 8. ubi ait Salomon, *Sortitus sum animam bonam, & veni ad corpus incoinquinatum*: atqui ubi anima à nativitate bona est, & corpus incoinquinatum, nullum est aut esse potest peccatum; 2do. illud I. Cor. 7. *filii Fidelium sancti sunt*, non autem immundi; 3tio. nemo dat

* Sup. p. 496.

quod

quod non habet; atqui Fideles jam peccatum originale non habent; ergo nec illud in filios suos transfundere possunt.

R. ad 1. Sensus est, Salomonis animam à Deo præclaris dotibus instructam fuisse, eumque crescente in dies pietate, consecutum esse corporis munditiem, robur, & similia. Inde verò quid contra nos?

Ad 2. dist. Filii Fidelium sancti sunt, id est, sanctitati quasi ab ortu destinati, C. sancti per se, & præcisè ratione nativitatis, N. Itaque filii Fidelium etiam cum Infidelibus matrimonio conjunctorum sancti sunt, quia connivente Infideli, faciliè parentis fidelis diligentia & fide baptisari, & christianè educari possunt: ac ratione præcisè nativitatis suæ sancti non sunt, sicut nec præcisè Infidelis sanctus est ob suam cum fideli conjunctionem.

Ad 3. dist. min. Parentes non habent peccatum in se & actu, C. non habent virtute & ratione primavæ originalis, N. Potuerunt ergo parentes, ait Augustinus L. 3. de pecc. merit. c. 9. transmittre quod ipsi minimè habuerunt, non solum sicut frumenta paleam, & præputium circumcisi: sed etiam quod & vos dicitis, Fideles infidelitatem in posteros, trajiciunt.

Quod spectat ad B. Virginem triplex est circa ejus conceptionem opinio. Prima eorum est qui absolute pronuntiant eam in peccato originali conceptam fuisse. Ita potissimum Thomistæ. Secunda est eorum qui B. Virginem ab omni labe semper immunem fuisse contendunt; & hi duas in classes dividuntur. Alii Virginem nec quoad actum, nec quoad debitum, noxam originalem contraxisse volunt: alii longè plures Mariam quoad debitum, licet non quoad actum, idem peccatum contraxisse putant, quibuscum sit.

CONCLUSIO II. B. Virgo peccati originalis debitum contraxit.

Prob. 1mo. Peccatum originale contrahere quoad debitum, nihil aliud est, quàm debere illud contrahere nisi speciale Dei privilegium ab illo eximeret: atqui B. Virgo Maria, originale peccatum non secus ac alii Adæ posterius contrahere debebat. Lex enim peccati originalis lata est contra eos omnes, qui naturali viâ propagantur ab Adamo: atqui B. Virgo hac naturali viâ ex Adamo procreata est: ergo.

Prob. 2do. Maria verè redempta est à Christo, qui omnium redemptor constitutus est: atqui verè redimi non potuit, si non fuerit peccatrix, vel re, vel saltè debito, cùm Christus pro nullo homine nisi peccatore mortuus sit, ut docet S. Augustinus L. 6. contra Julian. cap. 1. & insinuat

Aposto-

Apostolus, cùm peccatum saltẽ in debito extendit ad eos omnes, ad quos pertinet vivificatio Christi; ergo.

Obijciunt duo: 1mo. quòd B. Virgini tribui debet quidquid excellentiæ & dignitatis comperere potest puræ creaturæ: atqui nequidem peccati debito subjacuisse, magnæ est commendationis; 2do. quòd B. Virgo statim gratiâ præventa fuerit: atqui gratia abundè præveniens ipsũ peccati debitum expungit.

R. ad 1. id solum B. Virgini tribui posse, quod eidem tribui patitur Scriptura; sicut & ab ea id solum removeri debet, quod sine Traditionis dispendio ab ea removeri potest. Prorò Scriptura & Traditio, quæ generaliter pronuntiant omnes homines in Adam peccasse, saltẽ exigunt, ut B. Virgo peccati debitum habuisse censeatur: unde Bellarminus, & alii quidam Mariæ devotissimi, contrariam opinionem, aut periculosam, aut fidei minùs consentaneam pronuntiare non verentur.

R. ad 2. neg. min. Gratia enim opponitur peccato actu contracto, non autem debito: quia ad debitum satis est, ut B. Virgo peccatum incurrisset, nisi per gratiam fuisset præventâ, quod verum est. Fatendum tamen, post gratiæ collationem nè ipsũ quidem remansisse debitum, quia debitum remissione extinguitur.

CONCLUSIO III. Pro certo tenendum est B. Virginem sine labe originali fuisse conceptam.

Prob. 1mo. ex Cantic. 4. ubi sic habetur: *Tota pulchra es amica mea, & macula non est in te.* Unde sic: Textus iste literaliter intelligitur de B. Virgine, cùm ei & à S. Thoma, & ab innumeris Theologis, & ab Ecclesia ipsa applicetur: atqui idem ille textus ut actuale sic & originale peccatum removet à B. Virgine: omnem enim prorsus maculam removet; ergo ut actualem, sic & originalem, cùm macula originalis tam verè & propriè macula sit, quàm actualis.

Prob. 2do. ex Patribus. Hieronymus in Psal. 77. ait Dei matrem nunquam fuisse in tenebris, sed semper in luce S. Augustinus Lib. de nat. & grat. cap. 23. *Exceptâ*, inquit, *S. V. Mariâ de qua propter honorem Domini, nullam prorsus cùm de peccatis agitur, habere volo quæstionem. Inde enim scimus quod ei plus gratiæ collatum fuerit ad vincendum omni ex parte peccatum, quæ concipere ac parere meruit eum, quem constat nullum habuisse peccatum.*

* Nec dicas Augustinum hic solum loqui de peccatis actuali-

Actualibus, adeoque hæc duntaxat, non autem peccatum originale excludere à Deiparâ.

Nam 1mo. S. Doctor generaliter pronuntiat se nullam velle habere quæstionem de B. Virgine, cum de peccatis agitur: atqui peccatum originale non minus quam actuale sub peccatis comprehenditur, præsertim apud Augustinum; 2do. idem Pater B. Virginem à generali peccati lege excipit propter honorem Domini: atqui honor Domini non minus postulat ut mater ejus ab originali peccato immunis fuerit, quam ab actuali, etiam veniali; nam B. Virgo per peccatum veniale facta non esset mancipium diaboli, bene verò per peccatum originale; 3tio. hæc orationis formula *Dimitte nobis debita nostra*, tam generalis est ex S. Augustino, quam ista fidei regula, *Ecce in iniquitatibus conceptus sum*: atqui S. Augustinus asserere non audet hanc orandi formulam B. Virgini præscriptam fuisse; 4to. ex S. Doctore L. 5. contra Julian. c. 9. *Nullus est hominum, præter Christum, qui peccata non fecerit grandioris ætatis accessus; quia nullus est hominum præter ipsum, qui peccata non habuerit infantilis ætatis exortu*: atqui B. Virgo non continetur in priori comparationis membro, ut fatetur S. Augustinus cit. Lib. de nar. & gr. & tenet Ecclesia ex Tridentino; ergo nec in posteriori continetur.

† Prob. 3tio. ex Concilio Basiliensi, quod sess. 36. doctrinam de immaculata conceptione, * *tanquam piam & consonam cultui ecclesiastico, fidei catholicæ, rectæ rationi & S. Scripturæ ab omnibus catholicis amplectendam* definit, declaratque nulli de cetero licitum esse in contrarium prædicare & docere: atqui hæc definitio, licet Concilii œcumenici auctoritatem non habeat, spontè fatemur, magni tamen ponderis esse debet: 1mo. quia Concilio huic intererant adhuc viri non pauci eruditione conspicui: 2do. quia is Concilii articulus statim confirmatus est à Synodo Avenionensi, deinde ab Academia Parisiensi quæ an 1496. alumnos suos ad tenendam ejus doctrinam solemniter juramento adstrinxit; 3tio. quia SS. Pontifices eundem articulum solemniter confirmarunt, nedum eidem obstiterint. Unde

Prob. 4to. autoritate Sedis Apostolicæ. Sixtus IV. Constitutione *Grave nimis*, datâ an. 1483. sub pœna excommunicationis Romano Pontifici reservatæ, verat nè quis asserere ausit eos qui tenent gloriosam & immaculatam Dei genitricem absque originalis peccati macula fuisse conceptam, mortaliter peccare aut esse hæreticos. Equidem is ipse Papa eandem pœnam in eos etiam decernit, qui oppositam opinionem

nem hæreseos notant; sed nihilominus constanter stetit pro immaculata conceptione, cum iis qui festum ejus devotè celebrabunt, & per ejus octavam Officio intererunt, tales tribuat Indulgentias quales consequuntur Christi Fideles in Corporis Christi solemnitate.

Sixti IV. Constitutiones innovavit Concilium Tridentinum, iisque inhæserunt alii Pontifices, & imprimis Gregorius XV. qui Bullâ, anno 1622. datâ prohibet, *nè quisquam etiam in scriptis & sermonibus privatis audeat asserere quod B. Virgo in peccato concepta sit, exceptis quibus à Sede Apostolica fuerit hoc simpliciter indultum.*

Prob. 1^{to}. Ea sententia ut verè pia teneri debet, quæ ex una parte nec Scripturæ, nec Traditioni repugnat; ex alia verò à quingentis circiter annis, ex quo lis illa diligentius excussa est, ab innumeris omnium gentium & ordinum Theologis & Academicis cum plausu recepta est: atqui talis est nostra præfens assertio. Nam 1^{mo}. non repugnat Scripturæ, ut statim ostendam; 2^{do}. innumeris probata est Theologis, ut patet ex Concilio Mariano Theophili Raynaudi, qui pro ea citat & adducit innumeros Antislites ac Theologos, Italos, Gallos, Germanos, Polonos, Belgas, Anglos, Scotos, Hispanos, Lusitanos, Afros, & Orientales; quibus & addit Imperatores, Reges, ac Principes supremos; 3^{tio}. eandem sententiam Status suis obfirmarunt celeberrimæ quæque Universitates, Parisiënsis, Moguntina, Salmaticensis, Tolëana, Complutensis, &c.

Obj. 1^{mo}. Opinio nostra repugnat textibus suprà adductis contra Pelagianos, in quibus generaliter dicitur neminem mundum esse à sorde, omnes peccasse in Adam &c. ergo.

R. neg. ant. Si enim opinio nostra Scripturæ repugnet, vel quia Scriptura alicubi particulariter asserit B. Virginem in peccato conceptam esse; & hoc dici non potest, ut faterentur adversarii: vel quia locutiones quibus adstruitur peccatum originale adeò generales sunt, ut iis B. Virgo sicut & ceteri comprehendi debeat; atqui nec istud dici potest. Nam ex locutiones, quibus adstruitur generalitas peccati actualis, *Non est homo qui non peccet; Omnis homo mendax, &c.* sunt etiam generales: atqui tamen iis non comprehenditur B. Virgo; ergo nec illis comprehendi censenda est, nisi quoad debitum, quod sufficit ut prædicti textus in sensu generali verificentur.

Inst. 1^{mo}. Ea à communi regula excipi non debet quam SS. Patres in ipsâ expresse concluderunt: atqui SS. Patres.

.....So-

.....*Solus Christus*, ait S. Irenæus Lib. 5. contra hæreses, *sine peccato venit. Solus Christus*, ait S. Ambrosius Lib. de arcâ Noe *potuit justus in conceptione esse.*

R. neg. min. quia Patres hoc unum voluerunt, neminem esse præter Christum, qui vi generationis suæ immunis fuerit à noxâ originali ceteros verò qui ab Adamo naturaliter generantur, illam noxam contrahere, nisi ab eâ speciali privilegio præserventur.

Inst. 2do. Augustinus L. 5. contra Julian. 15. docet *excepta Christi carne omnem reliquam humanam carnem*, ac proinde carnem B. Virginis, *esse peccati*: sed ubi est caro peccati, ibi est peccatum.

R. dist. min. Ubi est caro peccati ibi est peccatum, nisi obster gratia præservans, C. ibi est peccatum actu, semper & necessariò, N.

Obj. 2do. ex S. Thomâ 3. p. q. 27. a. 2. *B. Virgo peccatum originale contraxit*: idem tenet sacer ejus Ordo, quis porrò talem Scholam errare putet?

R. 1mo. textum hunc videri corruptum, ut qui non legatur in tribus antiquis codicibus. Quin & in editione Romanâ jussu Pii V. emaculatâ, & in editionibus Paris. an. 1529. & 1532. nec non & in Veneta anni 1555. sic loquitur S. Doctor in 1. dist. 44. q. unic. art. 3. ad 3. *Talis fuit puritas B. Virginis, quæ à peccato originali & actuali immunis fuit.*

R. 1do. si fortè à nobis dissenit S. Thomas eundem utpotè devotum Virginis & Ecclesiæ filium: indubiè pro conceptione immaculatâ pugnatum fuisse, si festum ejus tanto cum plausu ubique gentium celebrari conspexisset: cum Mariam hinc in nativitate sua Sanctam fuisse probet quòd festum nativitatis ejus in Ecclesia celebretur. Idem dicendum de S. Bernardo, qui in celebri ad Canonicos Lugdunenses Epistola sic loquitur: *Romanæ præsertim Ecclesiæ auctoritati atque examini totum hoc sicut & cetera quæ ejusmodi sunt, universa reservo; ipsius, si quid aliter sapio, paratus judicio emendare.* His ergo quæstionem nostram concludamus verbis, quæ qui piè pronuntiant centum annorum indulgentiam percipiunt ex Decreto Gregorii XV. dato an. 1621. 13. April. prout refert Theophilus Raynaudus pag. 334. *Benedicta sit purissima & immaculata conceptio beatissimæ Virginis Mariæ.*

† ARTICULUS QUINTUS.

De panis Peccati originalis.

Pœnæ peccati originalis aliæ spectant corpus, aliæ animam; aliæ vitam hanc, aliæ futuram.

Pœnæ corporis sunt mors, morbi, aliæque miseriæ, è quibus coalescit jugum illud grave quod est *super filios Adam*, &c.

Pœnas animæ paucis, sed verè exprimit id Bedæ, *Homo spoliatus est gratuitis, & vulneratus in naturalibus* nimirum per ignorantiam in intellectu, malitiam in voluntate, infirmitatem in appetitu irascibili, & concupiscentiam in concupiscibili; prout docet S. Thomas.

Præcipua quæstio est de pœnis alterius vitæ: circa quam ante omnia certum est de fide, parvulos sine Baptismo decedentes privari vita æterna, id est, intuitiva Dei visione, prout definiit Synodus Florentina Sess. ult. statuens, *illorum animas qui cum actuali peccato, vel solo originali decedunt, mox in infernum descendere, panis tamen disparibus puniendas*. Ratio est, quia ex Christo Joan. 3. *Nisi quis renatus fuerit ex aquâ & Spiritu sancto, non potest introire in regnum Dei*. Jam quæritur qui futurus sit in altera vita status infantium, qui sine Baptismo decesserint. Porro multiplex est, ut in obscuris esse solet, ea de re opinio.

Prima docet infantes pœnâ sensûs cruciari.

Secunda infantes pœnâ sensûs torqueri negat, sed simul credit eos aliquam de amissa beatitudine (quæ est damni pœna) tristitiam, tanquam quæ sit pars privationis hujus, habituros, esse.

Tertia ceteris lenior, parvulis concedit beatitudinem aliquam naturalem in naturali Dei cognitione & amore fundatam; imò & post diem judicii habitationem aliquam in paradiso quodam terrestri, virtutum moralium copiam, crebras & solatii plenas Angelorum visitationes. Ità Catharinus, præ ceteris Cardinalis Sfondratus.

Quarta opinio eorum est, qui infantes non intuitiva solùm Dei visione, sed & beatitudine quacumque naturali privari, neque tamen doloris quidpiam ex hac privatione percipere putant. Ità Gonet post S. Thomam in 2. dist. 35. q. 1. a. 1. Sic

CONCLUSIO I. Parvuli post mortem nec fruuntur, nec fruuntur unquam beatitudine naturali, Prob.

Prob. imo. ex S. Augustino L. de orig. anim. c. 9. *Non baptisatis parvulis, inquit nemo promittat inter damnationem regnumque cælorum, quietis vel felicitatis cujuslibet.... quasi medium locum, hoc enim eis etiam hæresis Pelagiana promissit.* Sed qui excluduntur à quiete & felicitate quâlibet, nulla etiam naturali beatitudine fruuntur. Et hoc eo magis verum est, quod Pelagiani nonnisi felicitatem naturalem hisce infantibus pollicerentur: hinc Bellarminus opinionem Catharini, fidei contrariam esse scribit.

Prob. Implicat eos esse felices qui sunt sui captivitate dæmonis: atqui sub ea semper erunt parvuli illi. Nam sub ea nascuntur propter peccatum originale: atqui ab ea nunquam liberabuntur, quia ab ea non nisi per Baptismum liberari possunt.

† CONCLUSIO II. Idem infantes de hac felicitatis carentia tristabuntur, & verè dolebunt.

Prob. imo. quia ex Augustino non est promittendus parvulis quietis ac felicitatis locus: atqui si nulla tristitia corporis aut animi tangerentur infantes, magna quiete fruerentur.

Prob. 2do. ratione S. Augustini Lib. 6. contra julian. c. 4. *Si exclusio à cœlesti gloria non erit infantibus malum non ergo amabunt regnum Dei tot innocentes imagines Dei? Si autem amabunt, & tantum amabunt, quantum innocentes amare debent regnum Dei, ad quod creati erant, nihilne mali de hac separatione patiuntur?*

CONCLUSIO III. Incertum est an infantes illi pœna sensus puniantur.

Prob. quia quæ à sola Dei voluntate pendent, incerta sunt nisi de iis constet ex verbo Dei scripto vel tradito, atqui fors infantium quoad pœnam sensus pendet à voluntate Dei, qui eos pœnæ hic subicere, aut subtrahere potuit: aliunde verò hæc Dei voluntas nec in Scriptura, nec in Traditione evidenter expressa est. Non in Scriptura: quia cum Christus Matth. 25. duas solam facit classes eorum, qui judicandi sunt, tunc vel de infantibus non loquitur, sed de iis qui bene vel malè vixerunt: vel etiamsi infantes in eorum classe reponat, qui à sinistris erunt, non ideo tamen eos iidem ac adultos pœnis subicit, quia ad eos dici non potest, quod dicitur adulter: *Esurivi, & non dedisti mihi manducare, &c.* Non in Traditione, quia ut certi aliquid eruatur è Patribus, necesse est ut inter se insigniter divisi non sint; atqui Patres circa præsens punctum planè divisi sunt. Alii enim, ut S. Augustinus, & alii non pauci satis apertè docent

cum S. Fulgentio Lib. de fide ad Petr. cap. 27. parvulos qui sine Sacramento Sancti Baptismatis de hoc seculo transeunt, ignis æterni sempiterno supplicio puniendos. Alii verò magni etiam nominis Patres contrarium tenent: sic S. Gregorius Nazianz. vir avitæ fidei maximè tenax, loquens de infantibus, Existimo, inquit, Orat. 40. in S. Baptis. futurum ut... nec Cælesti gloriâ, nec suppliciis à justo iudice afficiantur, utpotè qui licet Baptismo consignati non fuerint, improbitate tamen careant. S. Gregorius Nyssen. in Orat. de iis qui præmaturè abripiuntur, infantes à doloribus ac mestitiâ eximit, quod salutem de mestitiâ & dolore sensûs intelligendum est.

* Verùm quidem est quòd opinio quæ parvulos poenâ sensûs affici putat, ab Augustini tempore plurimùm invaluerit: at ferè ubique in genere opinionis remansit; unde temporum lapsu, ac præsertim post seculum duodecimum, sic prævaluit altera, ut nulla ferè prioris sententiæ vestigia apud Scholasticos remanserint: Hinc seculo XIII. incunctanter aiebat S. Thomas, q. 5. de malo art. 2. quòd, sicut communiter dicitur, peccato originali non debetur poena sensûs, sed solum poena damni, quod desumptum est ex Innocentio III. Idem docuit S. Bonaventura, qui oppositam opinionem paucorum esse dixit; idem & Magister Sent. Scotus, & ceteri omnes moderni Doctores, quorum scripta perlegi, ait Gregorius Ariminensis.

† Tria hîc addenda puto: 1mo. eos qui S. Augustini sententiam de sensibilibus parvulorum poenis veriore esse putant, ei absque ullâ excessûs formidine adhærere debere, ut notat Bellarminus; 2do. cavendum tamen esse Clericis, nè Scholæ opiniones in Catechesibus proponant tanquam fidei dogmata; constat enim experienciâ, Fideles agrè admodùm audire eos qui infantes sine Baptismo mortuos æternis ignis inferni cruciatibus obnoxios faciunt; 3tio. posse nihilominus prudenter eosdem Clericos datâ occasione, priori opinione uti contra matres quæ ex negligentia, foetus suffocant in utero, aut præmaturè effundunt; posteriorem verò adhibere, ut leniant earum dolorem, quæ filios suos absque regenerationis Sacramento extinctos acerbius lugent.

CAPUT SECUNDUM.

De Peccato mortali & veniali.

Peccato originali opponitur personale; quod vel est actuale, vel habituale; ad actuale potissimùm spectant quæ initio huiusce

hujusce Tractatus dicta sunt de peccato, ut sic. Cum autem peccatum habituale, & macula peccati, idem omnino sint, peccati habitualis essentia repetenda est ex iis quæ supra diximus de macula peccati. * Nunc ergo dicendum est de peccato mortali & veniali.

ARTICULUS PRIMUS.

De existentia Peccati mortalis & venialis.

Censent Calviniani nullum esse peccatum ex natura sua veniale, nullum quod damnationem non mereatur. Aliter sentiunt Catholici omnes, quibuscum sit.

CONCLUSIO. Dantur peccata mortalia, dantur & venialia.

Prob. prima pars. Peccatum mortale est illud quod animæ mortem infert, amicitiam Dei dissolvit, & hominem æternæ poenæ reum constituit: atqui dantur hujusmodi peccata, quæ qui agunt, digni sunt morte, Rom. 1. & Regnum Dei non consequuntur, Galat. 5. ergo.

Prob. 2. pars: 1mo. Quia peccatum veniale est illud quod nec hominem priyat iustitia, nec eum æternæ poenæ obnoxium facit, sed tantum temporali: atqui multa facit homo peccata, quæ nec eum iustitia spoliunt, &c. Nam Prov. 24. *sepius cadit iustus*: sed qui iustus est, etiam dum peccat, non peccat mortaliter; neque enim potest quis esse iustus, & simul in statu peccati mortalis.

2do. Quia celebris est peccati divisio in mortale & veniale, non solum apud Scholasticos, sed & apud Patres, v.g. Hieronymus in cap. 2. Jerem. Ambrosium Lib. 2. de Penit. cap. 10. Augustinum Enchiridii cap. 21. ubi sic: *Peccatum ergo est mendacium pro salute alterius factum, sed veniale.*

3tio. Quia inter amicos non quævis offensa dissolvit amicitiam; ergo neque Deum inter & homines.

Obj. 1mo. Deut. 27. dicitur: *Maledictus omnis qui non permanet in omnibus quæ scripta sunt in Libro Legis*; ergo ob peccatum quodcumque homo maledictus est; 2do. *Qui offendit in uno factus est omnium reus*, Jacob. 2. sed qui venialiter peccat. Offendit in uno; ergo omnium reus est; ac proinde damnationis reatum incurrit; 3tio. *Qui solverit unum de mandatis minimis, & docuerit sic homines, minimus vocabitur in Regno Cælorum*, Matth. 5. sed qui committit peccatum veniale, solvit unum ex mandatis minimis: ergo erit minimus, id est, nullus in Regno Cælorum.

Aa 4

R. ad

R. ad 1. eos à Moysè maledictos dici; qui non permanse-
runt in omnibus quæ scripta sunt in Libro *Legis hujus*; unde
maledictio illa refertur ad violatores mandatorum quæ in
eo ipso loco tradita fuerant, id enim significat pronomen *hu-*
jus. Porro mandata quæ ibidem tradidit Moyses, sunt gravis-
sima, cum spectent ad fugam idololatriæ, incestus, homicidii,
& similia; ergo mirum non est si maledicti vocentur qui ea
non servant.

Ad 2. Qui offendit in uno puncto capitali, v. g. qui mœcha-
tur aut occidit (quæ exempla ibidem adducit S. Jacobus) fa-
ctus est omnium reus, quia excidit à charitate, qua qui priva-
tus est, DEI amicus esse nequit: at non quisquis in punctis
etiam levioribus delinquit, ideo omnium reus est: alioqui Ja-
cobus ipse, & mundus totus, omnium reus esset, cum ibidem
dicatur, *In multis offendimus omnes*.

Ad 3. dist. Qui solvit unum de mandatis minimis, & simul
alios docet ea inculpate solvi posse, ille minimus seu nullus
erit in Regno Cœlorum, C. qui solvit simpliciter, subd. qui
solvit unum de mandatis, minimis quidem relative ad majora,
sed in se tamen & absolute magnis, C. qui solvit unum de
mandatis verè & simpliciter minimis, iterum dist. qui solvit
tale mandatum, minimus erit, id est, inferiorem in Cœlo lo-
cum habebit C. id est, planè nullum, N. Itaque vel Christus
eò loci plenam à Regno Cœlorum exclusionem non commi-
natur, ut aliqui putant; vel eam comminatur iis qui præcepta
violant, quæ licet aliis præceptis minora sint, aut falso pro
minimis à Phariseis haberentur, in se tamen magni sunt mo-
menti: nam etsi minus sit malum, concupiscere, quàm revera
mœchari, & dicere, *fatue*, quàm occidere, hæc tamen in se
levia non sunt: vel demum eam comminatur iis qui non so-
lùm violant mandata in se levia, verùm & simul docent alios
ea posse inculpate violari: hoc enim docere, magnum in fide
errorem, magnamque in agendi ratione deordinationem im-
portat.

Quæres 1mo. unde repetenda sit differentia peccati venialis
à mortali.

R. Peccatum mortale & veniale eo differunt, quòd pecca-
tum mortale gravis est transgressio legis, veniale verò tran-
sgressio solùm levis. Tunc autem peccatum gravis est tran-
sgressio legis, cum per illud violatur lex omnino necessaria ad
asssecutionem finis: tunc verò peccatum non est nisi levis tran-
sgressio, cum non violatur lex ad finis ultimi consecutionem
necessaria; aut saltè cum ea lex non violatur eo modo qui
finis ultimi consecutionem impedire possit. Duæ sunt hujus
responsionis partes.

Prob.

Prob. 1^a pars. Peccatum est essentialiter transgressio legis; ergo ubi transgressio illa gravis est, peccatum essentialiter constitui debet in ratione gravis seu mortalis; contra verò in ratione venialis, ubi eadem transgressio levis erit.

Prob. 2^a pars. Quia ille communi omnium sensu judicatur gravis transgressor, qui actum elicit ad eò finì dissonum, ut ex cadat à jure suo in finem, eumque consequi non possit; contra autem is leviter transgressor existimatur, qui servat jus ad finem, & in eo statu remanet, in quo si moriatur, aliquando finem obtinere debet.

Quæres 2^{do}. Quibus regulis discerni possit peccatum mortale à veniali.

R. Cum S. Augustino Lib. 21. de Civ. cap. ult. *difficillimum esse invenire, & definire periculosissimum* quandonam peccatum mortale sit, aut intra venialis culpæ limites remaneat, quasdam tamen eà de re proponemus regulas quæ sanioribus Theologis probatæ sunt. Aliæ porro extrinsecæ sunt, aliæ intrinsecæ.

Extrinsecæ sunt 1^{mo}. Scriptura sacra, à qua quid, quid dicitur dignum morte, Deo exosum, excludere à Regno Cælorum; cui item dicitur *Væ*, aut simile quidpiam, mortale judicandum est, nisi excuset materiæ aut advertentiæ defectus; 2^{do}. Traditio Patrum, Ecclesiæ definitio, communis Doctorum consensus, à quibus recedere, respectivè vel impium est, vel summe periculosum.

Intrinsecæ sunt, ratio fide vel evidentia innixa; & materiæ gravitas, sive materia gravis sit in se, sive ex intentione legislatoris, sive ex circumstantiis præcepti, sive ex malitia insigni, aut contemptu peccantis; modò adsit sufficiens deliberatio: circa quæ duo notanda, 1^{mo}. deliberationem ad mortale sufficientem, * cum consensu indirecto, aut etiam negativo consistere posse, ut alibi dixi; 2^{do}. quædam esse peccata in quibus vel nulla, vel admodum rara est parvitas materiæ; ut statim dicam.

Ex his regulis colligitur, opera carnis, putà fornicationem, immunditiam, molliem, Idolorum servitutem, veneficia, iras, rixas, dissensiones, sectas, invidias, homicidia, ebrietates, commensationes, & alia id genus esse peccata mortalia, dicente Apostolo Gal. 5. I. Cor. 6. Ephes. 6. *Quoniam qui talia agunt, Regnum Dei non consequentur.*

Idem dicendum 1^{mo}. de simoniâ & confidentiâ, ut quæ ab Ecclesiâ gravissimis criminibus annumerentur; 2^{do}. de omissione auditionis Sacri in die festâ, vel jejunii in Vigiliis aut Quadragesimâ, quia hæc ex communi Fidelium persuasione

* Sup. pag. 337.

pro

pro gravibus culpis habentur; 3tio. de administratione Sacramentorum in statu peccati mortalis factâ à ministro ad id specialiter consecrato, quam Doctores omnes de lege communi sentiunt esse peccatum mortale; 4to de peccatis quæ ex ratione dignoscuntur gravem Deo, proximo, aut ipsi operanti injuriam vel incommodum afferre: unde infidelitas, desperatio, odium DEI, læsio gravis alienæ famæ vel fortunæ, ebrietas, & similia per se sunt mortalia, nisi excuset defectus advertentiæ.

Quia verò oppositorum oppositæ sunt rationes, peccatum illud ex genere suo veniale judicandum est, quod neque ex Scripturâ, neque ex Ecclesiæ sensu, &c. gravem cum lege DEI repugnantiam & oppositionem habere ostenditur. Sed hæc notandum, discretionem peccati mortalis à veniali, quæ ex Scripturâ, Conciliis & summis Pontificibus desumitur, multò tutiorem esse, quàm quæ reperitur à ratione solâ. Ut enim, ait Augustinus, Enchir. cap. 79. *Sunt quædam quæ levissima putarentur, nisi in scripturis demonstrarentur opinione graviora. Quis enim dicentem fratri suo, fatue, reum gehennæ putaret, nisi veritas diceret, Reus erit gehennæ ignis?*

Quæres 3tio. An peccatum veniale ex genere suo possit fieri mortale, & vicissim. Pro solutione.

Not. Peccatum esse mortale vel veniale duobus modis, per se, seu ex naturâ suâ; & per accidens.

Peccatum mortale *per se*, seu *ex genere suo*, est illud cujus malitia ex objecto sumpta potest esse gravis sine interventu malitiæ alterius generis; seu, ut alii loquuntur, est illud, quod potest fieri mortale, non transeundo ad aliam speciem peccati. Sic furtum est ex genere suo peccatum mortale, quia licet non omnis fur mortaliter peccet, potest tamen quis mortaliter peccare manendo intra speciem furti, & ad peccatum alterius rationis minimè declinando.

Peccatum veniale, *ex genere suo*, est illud quod manendo intra propriam speciem, & sine adventu malitiæ alterius rationis, nunquam potest esse mortale ut mendacium jocosum. Etsi enim mendacium illud ex circumstantiis fieri possit mortale, ut si is qui mentitur, grave inde scandalum praveat; tunc tamen idèd solum fit mortale, quia fit transitus ad speciem alterius peccati, nempe scandali: unde in uno actu duo æquivalenter occurrunt peccata, quorum unum est mendacium leve, aliud verò scandalum, seu offensio proximi.

Peccatum mortale *per accidens*, est illud quod licet de se gravem Deo injuriam non inferat, eam tamen infert ratione alicujus sibi per accidens conjuncti, ut patet in exemplo mox allato.

Peccatum

Peccatum veniale *per accidens*, est illud cujus malitia, licet ex objecto gravis, de facto tamen ob alicujus circumstantiæ interventum gravis non est.

R. 1mo. Peccatum ex genere suo mortale; potest per accidens fieri veniale, idque triplici in casu.

Prob. Ad peccatum mortale tria requiruntur: perfecta advertentia, perfectus consensus, & materia gravis; ergo deficiente quolibet ex his tribus, deficiet peccatum mortale.

Defectu advertentiæ excusari solent à mortali: 1mo. infantes septennio minores qui dubitant an mortaliter peccaverint; tunc enim præsumuntur sufficientem rationis usum non habuisse; & hæc regula fallere potest in iis quibus mens ante tempus est malitiæ natura; 2do. semistulti, semidormientes: item qui dubitant an perfectè à somno excitati essent, an egerint in phrænesi, &c. quia qui ex plenâ advertentiâ agunt, satis sciunt se à somno excitatos fuisse, nisi mora temporis oblivionem induxerit; 3tio. qui vehementi objecti alterius meditatione detinentur, aut quibus gravis animi perturbatio citra culpam irrepit. Hic notandum, ad hoc ut peccatum sit mortale, non requiri hanc advertentiæ speciem quam aliqui *perfectissimam* vocant, & quâ non tantum res, etiam ejus effectus, motiva, & media perspicuè deteguntur, & diù ponderantur; alioqui enim pauci admodum ex iis præsertim qui rudes sunt, aut agunt ex passione, vel præcipitanter, mortaliter peccarent; perfecta ergo requiritur & sufficit advertentia, quam descripsimus supra p. 330.

Defectu pleni consensûs excusantur à mortali, qui ab eo excusantur defectu advertentiæ; hæc enim illius principium est. Vide supra pag. 341.

Defectu sufficientis materiæ quædam peccata excusantur à mortali, quædam non. Quod ut intelligatur, notandum est peccatum mortale duplicis esse generis: aliud est *ex toto genere suo* mortale; aliud est mortale *ex genere suo, sed non toto*. Prius est illud cujus materia quoad omnes sui partes ita gravis est, ut nulla ex iis sine gravi deordinatione auferri & violari possit; posterius illud est cujus materia gravis non est, nisi sit in certâ quâdam quantitate.

Peccata prioris generis, ex imperfectione actûs, advertentiæ scilicet & consensûs, venialia esse possunt, nunquam autem ex parvitate materiæ.

Hinc 1mo. peccata quæ sunt immediatè contra DEUM, ut odium DEI, blasphemia, perjurium etiam in re levi, contemptus directus supremi Numinis, infidelitas, peccata contra spem theologicam, magia, superstitio expressum habens peccatum

Et cum cum dæmone, simonia, fractio sigilli Confessionis; 2do. peccata quadam contra proximum, ut homicidium injustum, abscissio iniqua membri, duellum intentatum; 3tio. denique peccata quadam contra nos, ut ebrietas, delectatio venerea extra conjugium, pollutio & culpæ venereæ; hæc, inquam, omnia ob materiæ parvitatem nunquam excusantur a peccato mortali, quia in omnibus semper occurrit gravis irreverentia contra Deum, proximum, aut seipsum: unde proscripta est ab Alexandro VII. propositio hæc, *Est probabilis opinio, quæ dicit tantum esse veniale osculum habitum ob delectationem carnalem & sensibilem, quæ ex osculo oritur, secluso periculo consensûs ulterioris & pollutionis.*

Peccata mortalia ex genere suo, sed non toto, possunt ob materiæ parvitatem fieri venialia. Verum ut prudenter iudicetur, quæ materiæ gravis sit, aut levis; hæc non absolute tantum considerari debet, sed cum omnibus circumstantiis, & maxime cum *relatione* ad finem præcepti contra quod peccatur; vel cum *connexione* quam habet cum materiâ præcedenti ejusdem generis: hæc enim relaxatio sicut & connexio aliquando materiam ex levi gravem efficit.

Hinc 1mo. Adam comedendo fructum veritum mortaliter peccavit, quia licet hæc comestio in se aliquid esset levissimi, erat tamen aliquid gravissimum in intentione legislatoris, qui creaturæ suæ subjectionem hoc obedientiæ actu significari volebat. Sic & mortaliter peccat, sive qui aureum acripiit proximo, sive qui cum voverit se daturum pauperibus mille aureos, quinquaginta dare omittit: uterque enim graviter facit contra legem; neuter verò, propter rationem oppositam, communiter loquendo, peccaret, si vel furaretur denarium, vel aliquot asses pauperibus dare omitteret.

Hic 2do. graviter peccat qui sæpius in die jejunii paucâ comedit; qui sæpè in die festo per modica temporis spatia laborat; qui singulis unius alteriusque mensis diebus altem furator, aut dare omittit, si ad id ex voto aut aliter obligetur: quia paucula illa moraliter connectuntur, atque in unam, ut irâ loquar, summam totalem coalescunt, quæ cum gravis est, gravis peccati materiæ esse debet. Idem dicendum de eo qui per modicos excessus in cibo aut potu sibi tandem graviter nocet; aut de eo qui alium sæpius leviter percutiendo, tandem notabiliter lædit in corpore vel in famâ, per plures sive plagas, sive deractiones, quæ licet sigillatim in se leves sint, unam tamen in genere moris grandem constituunt.

Hinc 3tio. à contrario venialiter solum peccat qui singulis Dominicis per quadrantem serviliter laborat, aut qui quotidie in

Quadra-

Quadragesimâ panis frustulum comedit. Quia præcepta non laborandi, & jejunandi, singulos dies in particulari afficiunt, & unâ cum die expirant; unde qui hodie peccat, non transgreditur idem præceptum quod heri transgressus est. Eadem de eausâ nonnisi venialiter peccaret qui quâ die simul concurrerent præcepta Missæ audiendæ, recitandi Officii, jejunandi, abstinendi ab opere servili, parùm comederet, parùm ex Missâ vel Officio omitteret: quia præcepta hæc cùm simul concurrunt, non magis inter se connexa sunt, quàm si successivè obligarent.

R. 2do. Peccatum ex genere suo veniale, potest per accidens fieri mortale.

Prob. Quia ad hoc satis est ut actioni de se venialiter malæ, aut etiam indifferenti, addatur circumstantia mortaliter mala: atqui hoc fieri potest, & de facto quotidie contingit in sex casibus.

1mo, Ratione dispositionis actualis quam quis habet ad peccatum mortale: sive qui peccat ita sit *actu* affectus, ut id quod facit, adhuc faceret, etiamsi sciret illud esse peccatum mortale; sive ex erroneâ conscientiâ credat id esse mortale quod solum veniale est; 2do. ratione finis mortaliter mali quæ venialiter peccans sibi proponit, ut si quis clavem levis pretii furetur, aut verba jocosâ pronuntiet, ut virginem ad peccatum trahat. Ratio est, quia media imbibunt malitiam finis ad quem referuntur; 3tio, ratione gravis scandali, quod quis ex peccato suo levi secuturum providere debet: ut si quis leviter alium irideat, prænoscens eum inde ad iram gravem esse commovendum; aut si quis jocosâ proferat verba, prævidens alios inde excitandos ad verba inhonestâ; 4to. ratione formalis contemptus regulæ, legis, aut Superioris ipsius: qui enim Superiores spernit, Deum ipsum spernit; idem est de contemptu consilii divini; 5to. ratione periculi proximi peccandi mortaliter: unde qui otiosè colloquitur cum feminâ, satis expertus se ex iis colloquiis sapius mortaliter peccasse, hoc ipso convincitur vellet ac proinde committere peccatum mortale: idem dic de eo cui ludus de se licitus, proxima est occasio pejerandi, &c. 6to. ratione multiplicationis materiæ, quæ tandem coalescit in unum totum ad peccatum mortale sufficiens, ut patet in furto, &c.

ARTICULUS SECUNDUS.

De affectionibus Peccati venialis.

Affectionum loco puncta sequentia expendi solent: 1mo. an ex multis venialibus possit fieri unum mortale, 2do. an veniale

veniale disponat ad mortale; 3tio. an veniale causet maculam. Sit.

CONCLUSIO I. Ex multis venialibus non constituitur unum mortale.

Prob. 1mo. ex Concilio Trid. quod sess. 14. cap. 5. docet 1mo. hominem per peccata venialia à gratiâ Dei non excludi; 2do. eadem peccata citra culpam in Confessione taceri posse: atqui neutrum generaliter & indefinitè verum esset, si ex multis venialibus exurgeret aliquando peccatum mortale.

Prob. 2do. Quia alioqui viri etiam timorati singulis diebus admodum anxii esse deberent, & semper solliciti an non repetitis venialibus, in quâ pluries cadit justus, ad peccati mortalis gravitatem pervenissent.

Obj. 1mo. Quæ eisdem habent effectus formales, ejusdem sunt naturæ: atqui multa venialia eisdem habent effectus formales ac mortales. Nam peccatum mortale tollit gratiam sanctificantem: atqui eam etiam tollunt venialia multa; cum unumquodque tollat aliquem gradum; ergo.

R. ad 1. & 2. neg. min. Ad 3. Per peccatum veniale minuitur non ipsa gratiæ habitualis substantia, sed fervor charitatis: atque etiam ipsa charitatis substantia minueretur, homo semper absque dolore venialiter peccans, prius transisset ad peccatum mortale, quàm totam gratiæ justificantis substantiam amisisset per veniale.

Obj. 2do. Multa furta levia efficiunt tandem furtum mortale; ergo & multa peccata venialia, &c.

R. neg. ant. Multa enim furta venialia nunquam coeunt in unum furtum mortale; sed multa minorum furtorum objecta in unum peccati mortalis objectum convenire possunt: quia qui multa successivè furatus est, notabilis boni alieni detentor esse incipit, quod sine peccato mortali fieri non potest.

CONCLUSIO II. Peccatum veniale, non solum per accidens, sed & per se disponit ad mortale.

Prob. 1mo. ex Eccl. 19. *Qui spernit modica, paulatim decidet*; quæ verba sic interpretantur Patres, ut qui venialia negligit, paulatim decidat in gravia. Hinc tritum illud S. Bernardi: *A minimis incipiunt, qui in maxima prouunt. Nemo repente fit summus.*

Prob. 2do. Peccata venialia minuunt fervorem charitatis, & obicem ponunt divinis inspirationibus, quibus homo roborari posset contra tentationes peccatorum mortalium: atqui hoc faciunt per se; ergo & per se ad mortale conducunt; sicque differunt à bonis operibus, quæ non per se, sed per accidens possunt esse occasio peccati mortalis; quatenus superbia bonis operibus insidiatur, ut pereant. Addo

Addo meritò timendum esse, nè extra statum gratiæ sint, qui venialia sua peccata emendare, ab illis abstinere parùm vel nihil curant: 1mo. quia se conjiciunt voluntariè in peccati mortalis periculum, juxta id Eccli. capite 27. *Si non in timore Domini tenueris te instanter, citò subvertetur domus tua*: porro in timore Domini instanter se non tenent, qui parùm solliciti sunt de continuâ ejus offensione; 2do. quia Apocal. 3. dicitur: *Quia tepidus es...incipiam te evomere ex ore meo*; id est, ut explicat Dionysius Carthusianus, quia *es piger, acediosus & negligens, incipiam te evomere, id est, meâ sententiâ reprobare*... atqui verè tepidi sunt qui peccata venialia quasi pro nihilo habent, & quasi per ludum operantur.

Hinc colliges quàm periculoso sint in statu, 1mo. tot Sacerdotes, qui Missam corde arido facere consueverunt absque ullâ, vel vix ullâ præparatione anteriori, devotione, & post Missam gratiarum actione; qui tam præcipitanter Mysteria nostra tractant, ut non videantur Dei præsentiam agnoscere; 2do. tot Clerici, qui Officium recitant in continua quasi distractione quam suâ sibi culpâ accersunt; sive quia mens eorum ante Officium ferè semper dissipata est; sive quia toto penè Officii tempore elatos oculos quoquoersum circumferunt, &c. 3tio. tot vel juvenes, vel jam ætate satis proveci, qui in Religione non religiosè vivunt, sed etsi conditione sua adstricti silentio, solitudini, jugi Dei præsentia, sine scrupulo silentium violant, inutiliter huc & huc vagantur, tempus in colloquiis inutilibus, in curiositatibus quæ ad rem non pertinent, miserè transigunt, hoc lugendo prætextu quoddam Constitutiones suæ nè sub veniali quidem obligent; 4to. tot adolescentes, atque utinam non Clerici, ad omnem compositi mollitiem, calamistrati, otium & teporem spirantes, qui Missæ intersunt quidem, sed sedentes, oculos huc & illuc gyantes, jocosum aliquid si non obscœnum insusurrantes, vix uno flexu genu adorantes victimam cum Sacerdotis manibus atollitur. An nimium dixerò, si hujusmodi non re sed nomine Christianos, vocavero tepidos, & ideo plenos furoris Domini?

CAPUT TERTIUM.

De Peccato commissionis, & omissionis.

Peccatum omissionis est transgressio præcepti affirmativi quod jubetur actus bonus; peccatum verò commissionis est transgressio

gressio præcepti negativi: quo præhibetur nè fiat aliquid mali: unde non audire Sacrum, non jejunare, sunt peccata omissionis; furari verò, mœchari sunt peccata commissionis quibus violantur hæc præcepta, *Non occides, non furtum facies.*

Jam tria quærentur: 1mo. an dari possit ommissio culpabilis sine omni voluntatis actu, seu, ut aiunt, ommissio pura libera; 2do. an actus qui causa est omissionis culpabilis, habeat malitiam ab ipsâ omissionis malitia distinctam; 3tio. an qui voluntariè ponit causam omissionis, peccet & quando apponit causam hanc, & quando de facto omittit. Hæc ultima quæstio est bipartita: potest enim intelligi vel de homine qui eam posuit omissionis causam quam adhuc retractare potest, ut cum quis parum curans de audiendâ Missâ, ante ejusdem Missæ tempus, venatum profectus est, sed adhuc tamen satis Ecclesiæ vicinus est, dum pulsatur ultimum Missæ signum, ut eam audire queat, si aliquâ diligentia uti velit: vel de homine qui liberè quidem posuit causam omissionis, v. g. se inebriando, sed eam jam retractare nequit, cum urget præceptum. His positis, sit.

* CONCLUSIO I. Non datur ommissio culpabilis sine actu præcedente qui sit causa vel occasio ejus.

Prob. Ut ommissio aliqua sit culpabilis, debet esse voluntaria in genere moris: atqui nulla ommissio potest esse voluntaria, sine aliquo actu qui sit vel ejus causa, vel ejus occasio. Nulla enim ommissio potest esse verè voluntaria in genere moris, sine aliquo libertatis exercitio: atqui ubi est exercitium libertatis, ibi necessariò est aliquis actus. Minor per se patet, prob. maj. Ante quodcumque libertatis exercitium, voluntas manet in actu primo; neque ab eo ad actum secundum transire potest, nisi id velit, adeoque nisi per exercitium libertatis: atqui voluntas prout manens in actu primo, nihil facit quod sit in genere moris; ergo.

Obj. Ut ommissio sit voluntaria & culpabilis, satis est ut quis possit, teneatur, & non faciat: atqui ad hæc tria non requiritur actus positivus.

R. neg. min. Nam ut homo non faciat, seu omittat culpabiliter, debet omittere voluntariè; id autem fieri nequit nisi voluntas actu positivo se ferat in aliquid impossibile cum executione rei præceptæ. v. g. in ludum, studium, aut sa, vel actus cujuscumque cessationem, cum agitur, de audienda Missa implendo alio quodcumque præcepto.

† CONCLUSIO II. Actus ex se bonus aut indifferens, qui causa est vel occasio omissionis malæ, non aliam habet malitiam, quam quæ ipsi omissioni inest.

Prob.

Prob. Idem sit iudicium de ceteris actibus bonis aut indifferentibus qui omissionis malè causa vel occasio esse possunt, ac de studio vel ludo, quorum amor & aviditas aliquem ab audienda Missa avertunt: atqui certum est 1mo. hoc studium licet de se bonum, tunc malum esse, quia ponitur contra legem quæ ad aliud obligat, 2do. totam ejusdem studii malitiam, eandem esse cum malitia omissionis Missæ: tum quia aliqui qui Missam omitteret amore studii, magis peccaret, quam qui eandem omitteret nihil prorsus faciendo, quod ridiculum est: tum quia ubi unum non est malum nisi propter aliud, ibi unicum est malum; sicut patet in eo qui furatur ut det eleemosynam; & qui dubio procul non duplicis sed unius solum peccati accusabitur. Et verò si res aliter se haberet, nunquam omitti posset Missa sine duobus peccatis, quorum aliud esset ipsa omissio, aliud causa vel occasio ejusdem omissionis: hoc autem repugnat praxi Fidelium, qui nunquam explicant in Confessione cur Missam omiserint, nisi ratio hujus omissionis sit per se peccatum, quod in præsentī casu non reperitur; ergo.

Obj. Actus qui fit, cum fieri non debet, malus est per se & independentē à quocumque malo effectu: atqui actus studendi dum urget præceptum audiendæ Missæ, fit quando non debet; ergo per se malus est, &c.

R. dist. maj. Actus qui fit cum fieri non debet, malus est per se... si independentē ab effectu fiat cum fieri non debet, C. si ab effectu solum habeat, quod fiat cum fieri non debet, N. Porro ideo qui studet in casu proposito, studet, cum non debet, quia tunc debet aliud facere, hoc est interesse Missæ.

CONCLUSIO III. Qui scienter, vel ex ignorantia, inadvertentiæ culpabili, ponit causam futuræ omissionis, eo ipso ejusdem omissionis malitiam contrahit. Unde * *qui venationi se dedit, cum occasione omittendi rem divinam, licet postea casu acciderit, ut Sacrum audiret, confiteri debet, non quidem se omisisse Sacrum, sed causam præbuisse & occasionem illud omittendi.* Idem dicendum de eo qui culpabiliter exponit se morali periculo ejusdem omissionis.

Prob. 1mo. Quia ille reus est malitiæ omissionis qui indirectè aut saltem interpretativè vult omissionem: atqui in casibus modò allatis homo vult indirectè aut interpretativè omissionem, quia qui vult causam, effectum velle censetur; ergo.

Prob. 2do. Quia præceptum quod prohibet omissionem, prohibet quoque liberam ejusdem omissionis causam; qui

Azor.

enim

enim dicit, *Præcipio ut cras, hora septima Sacro intersis*, virtualiter dicit, *Prohibeo tibi ne cras hora septima ludas, veneris, &c.* ergo si incumbas venationi, vel ludo, aut morali periculo utriusque, jam transgredieris præceptum quo prohibetur omis-
sio; atqui non potes præceptum illud transgredi, quin omis-
sionis illius malitiam contrahas; ergo reus es peccati interni
omissionis.

Non eris tamen reus externi ejusdem omissionis, peccati, si
casu aliquo contingat te implere præceptum; quia pecca-
tum externum consistit in omissione actus debiti ex præcepto,
quem actum mutatâ voluntate ponere supponeris. Imò si
perseverante malâ voluntate, Missæ non intersis, non eris reus
externi omissionis peccati, nisi cum advenerit tempus Missæ.
Quapropter si lata sit censura contra eos qui Missæ non inter-
sunt, tunc tantum censuram hanc incurres, cum advenerit
Missæ tempus; nec incurreres, si contingeret te eidem interese.
Sicut qui fœminam concupiscit, licet eo ipso interni adul-
terii reus sit, non incurreret tamen poenas contra adulteros
latas, si crimen vel deinceps noller, vel non posset exequi.

Quòd si is qui posuit causam omissionis, aut mortali ejus
periculo se exposuit, possit postea præceptum cum urget im-
plere, desistendo ab opere impossibili, & tamen illud non
impleat, peccat novo omissionis peccato; & tunc omisio ejus
est in se libera, quantum actus externus liber esse potest, quia
tunc denuo vult saltem indirectè omissionem actualem.

CONCLUSIO IV. Omissio quæ in causa culpabilis est, est eti-
am culpabilis in se, quo tempore omittitur præceptum, etiam si
tunc contingat hominem præ somno non esse competentem rati-
onis.

Prob. 1^{mo}. Ut aliquid sit in se formaliter peccatum, suf-
ficit quòd indirectè & in causa sua liberum sit; alioqui qui in
ebrietate voluntaria occideret Clericum, non esset excommu-
nicatus, quod communiori opinioni repugnat: atqui omisio
Sacri contingens in somno, vel ebrietate, in causa libera est;
ergo non in causa solùm, sed & in se peccatum est.

Prob. 2^{do}. Non plùs ad peccandum requiritur voluntarij,
quàm ad merendum, aut conficiendum recipiendumve Sacra-
mentum: atqui ad hæc sufficit voluntarium in causa. Unde
1^{mo}. Martyr in instanti vel mortis, vel quo, vulnus mortale
recipit, Martyrii aureolam meretur, etsi aliquando rationis usu
per vulnera sua privetur; 2^{do}. Sacerdos qui animo celebran-
di accedit ad altare, verè consecrat etsi mente distractus ver-
ba proferat; 3^{tio}. qui habuit recipiendi Baptismi intentionem,
postea licet in amentiam versus, fructuosè baptisatur.

Obi.

Obj. 1mo. Ad peccatum actuale requiritur libertas actualis: atqui in tali omissione nulla est libertas actualis.

R. dist. maj. Ad peccatum actuale requiritur libertas actualis vel in se, vel in causa. C. in se necessario, N. Etsi porro omissio in somno non sit actu & in se libera, cum jam libertatis potestati non subiaceat, est tamen voluntaria in causa; quæ quidem *voluntarietas* refunditur in effectum, unde non causa solum, sed & effectus in Confessione aperiri debent.

Ergo, inquit, in hoc casu reperitur duplex peccatum, quod tamen multoties negavimus.

R. Aliquando unum, aliquando multiplex esse peccatum in hujusmodi omissione. Unum quidem, si rem præceptam omitas ob rem de se bonam aut indifferentem; duplex verò si eam omitas ob rem de se malam, v.g. ob ebrietatem: etsi enim actus vel omissio exterior non adjungat malitiam essentialem actui interno; omissio tamen Missæ faciliè intelligitur addere aliquid ebrietati, quæ est ipsius occasio.

Obj. 2do. Ex hac doctrinâ sequitur 1mo. hominem mereri si in somno actum aliquem bonum: in causa voluntarium exerceat; 2do. eundem consecrare in ebrietate si ante ebrietatem habuerit intentionem consecrandi: atqui hæc sunt absurda; ergo.

R. Primum aliquo modo sequi, sed non esse absurdum; neque enim absurdum est eum v.g. qui Deo inspirante Martyrii occasionem inquisit, & in somno occiditur in odium fidei, Martyrii Coronâ donari, eò quòd bona ejus voluntas moraliter perseveret: secundum verò absurdum esse, sed non sequi, quia Christus noluit ut Sacramenta ab homine mentis impote confecta valerent, tum ob reverentiam quæ eis debetur: tum quia necesse est ut Sacramentum conficiatur cum certitudine saltem morali de præsentia subjecti cui applicatur; hæc autem certitudo jam non inest homini ebrio aut dormienti.

Ex his sequitur pro praxi 1mo. eum qui non solum se commisit periculo omitendi, sed etiam reipsâ omisit aliquid sibi præceptum, debere non modò periculum omissionis, sed & ipsum, si ita loqui fas est, omissionis actum in Confessione exprimere, quia peccatum omissionis ipsa actuali omissione consummatur; 2do. eum qui libidini nimium indulgens, ita sit infirmus ut posthac jejunare non possit, peccare non jejunando, donec eum facti sincerè pœniteat. Eæ enim omissiones sunt, juxta nos, imputabiles quoad effectum; juxta adversarios verò nostros, saltem plures, sunt saltèm quoad affectum culpabiles.

Quæres 1mo. An peccata commissionis & omissionis specie differant.

R. Differre specie, non solum physicè sed & moraliter nam odium DEI, v. g. alterius est speciei ab omissione charitatis. Si tamen peccatum commissionis sit omissionis fundamentum, utrumque ejusdem erit speciei, ut patet in eo qui furatur & non restituit.

Quæres 2do. An peccatum commissionis sit gravius peccato omissionis.

R. affirmat. quia gravius est ad objectum contrarium, v. g. ad odium DEI abire, quàm objecto debito non adharere, omitendo, v. g. actum amoris DEI; sicut gravius peccat miles qui transit ad partes hostium, quàm qui simpliciter è castris recedit.

CAPUT QUARTUM.

De Peccatis capitalibus.

Peccata capitalia septem numerantur, superbia scilicet, avaritia, luxuria, ira, gula, invidia & acedia. De luxuriâ commodiùs loquemur ubi de præceptis Decalogi: cetera hic prosequemur paucis, ita tamen ut explicemus unicuique naturam, qualitatem, actus, filias seu peccata inde pullulantia, & remedia.

ARTICULUS PRIMUS.

De superbiâ.

Superbia, juxta S. Thomam, est *inordinatus propriæ excellentiæ appetitus*. Est 1mo. *appetitus* id est desiderium, complacentia vel amor; 2do. *inordinatus*: tum quia superbus iis non vult subijci quibus debet, sicque peccat contra humilitatem; tum quia præsumptuosè appetit quæ suprâ conditionem suam sunt, sicque per excessum peccat contra magnanimitatem, 3tio. *excellentiæ*, id est, perfectionis, quam quis habet, aut sibi inesse imaginatur; 4to. *excellentiæ propriæ*; unde si mater nimium appetat excellentiam filiar, & vicissim, non est propriè superbia, sed quoddam vitium superbiæ affine.

Quæres 1mo. An superbia sit grave peccatum.

R. Eam esse peccatorum omnium & primum, & gravissimum, & periculosissimum.

† 1mo. Quidem est omnium primum, quia ex Tob. cap. 4. *à superbiâ initium sumpsit omnis perditio*; nam primi homines per

per superbiam peccarunt, volentes esse sicut Dii, scientes bonum & malum; Lucifer verò de Cœlo cecidit, quia dicebat in corde suo, *In Cælum conscendam, super astra Dei exaltabo solium meum*, &c. Isaia 14.

2do. Est omnium maximum: tum quia fons est ceterorum, juxta id Eccli. 1mo. *Initium omnis peccati est superbia* * unde S. Augustinus Enar. 2. in Psalm. 18. ✱ *Magnum*, inquit, hoc delictum est, & caput atque causa omnium delictorum. Tum quia in aliis peccatis homo à Deo avertitur, vel propter ignorantiam, vel propter infirmitatem, sive propter desiderium ejus, cumque alterius boni; superbia verò habet aversionem à Deo, ex hoc ipso quod non vult Deo & ejus regulæ subiacere: unde Boetius dicit, quod cum omnia vitia fugiant à Deo, sola superbia se Deo opponit. Tum denique quia peccati illius fontem & radicem gerimus in nobis, primumque in nobis vivit, & ultimum moritur.

† 3tio. Demum superbia omnium est vitiorum periculosissimum: * tum quia alia quæcumque iniquitas in malis operibus exercetur ut fiant, superbia verò etiam bonis operibus infunditur ut pereant, ait Augustinus Epist. 211. unde ruina omnium virtutum appellatur à S. Ildoro; tum quia superbia in homine dominans, signum est evidentissimum reprobationis, ut docet S. Gregorius cap. 41. in Job. † idque evidens est 1mo. quia ex Jacobi 4. *Deus superbis resistit, nec nisi humilibus dat gratiam*; 2do. quia diabolus est rex super universos filios superbiæ, ut dicitur Job. 41. Hinc ubique in Scripturis suam in superbos indignationem testatur Deus. Prov. 16. *Abominatio Domini est omnis arrogans*.

Quæres 2do. Quinam sint præcipui actus superbiæ, & an omnes sint peccatum mortale.

R. ad 1. Actus illi sunt quatuor: 1mo. cum superbi bonum à semetipsis habere se aestimant; vel ita se gerunt, quasi aestimarent se à se ipsis habere bona corporis vel animæ, quæcumque ea sint; 2do. cum si bonum hoc sibi datum desuper credunt, pro suis se hoc accepisse meritis putant, non autem gratuito; 3tio. cum jactant se habere quod non habent; 4to. cum despectis ceteris singulariter videri appetunt habere quod habent. Ita S. Gregorius Magnus Libro 23. Moral. in Job. cap. 4.

R. ad 2. Duos priores actus, qui vocantur superbia completa, esse mortales ex genere suo. Primus enim negat Deum esse boni cujuslibet authorem, contra id I. Cor. 3. *Quid habes quod non accepisti?* secundus facit quidem Deum boni collati authorem, sed ex debito: at duo postremi non sunt mortales,

Bb 3

nisi

* S. Thom. 1. 2. q. 162. art. 2.

nisi addit gravis proximi aut superiorum defectus vel detrimentum.

Hinc colliges eos peccare mortaliter: 1mo. qui finem suum ultimum in humana gloria constituentes, diligunt * *gloriam hominum magis, quam gloriam Dei*; 2do. qui se se cum gravi proximi contemptu vel indignatione extollunt, ** *Phenennam imitati*, quæ Annæ Samuelis mari sterilitatem exprobrans, eandem graviter affligebat, 3tio. qui propriam gloriam quærunt per iniquam eamque gravem proximi depressionem, aut qui de aliorum excellentiâ & bono notabiliter tristantur; 4to. qui ne solito victus & vestitus splendori quidnam detrahant, undecumque pecuniam corradunt, & debita viribus suis majora non sine gravi proximi detrimento contrahunt; 5to. qui se quasi Phœnices in aliquâ scientiâ vel arte exhibendo, perniciofa consilia, scripta, præcepta suggerunt, & ii ad restitutionem tenentur; 6to. qui fictitiis quas jactant qualitatibus, officia, vel Beneficia quæ non merentur, comparant; aut qui ementitis divitiis uxorem seipsum longè ditiores decipiunt & ducunt.

Monet tamen S. Thomas in superbiæ peccato contingere, quod *in aliis quæ sunt peccata ex genere suo mortalia contingit*; ut propter actus imperfectionem non sint nisi peccata venialia.

Quæres 3tio. Quæ & quot sint filiæ superbiæ.

R. Tres recentur, præsumptio, scilicet, ambitio, & vana gloria.

Præsumptio hîc est appetitus inordinatus aliquid aggrediendi quod vires proprias & capacitatem superat: unde præsumptuosus dicitur, qui præsumit exercere aut quærere Officium Confessarii, Superioris, Judicis, Medici, aut Theologiæ Professoris absque scientiâ sufficienti; aut qui ad venerea proclivis solus manet cum puellâ juvente, aut impudica consortia frequentat, etsi peccare non intendit; & in his casibus præsumptio peccatum est mortale; veniale verò solùm, cùm, ex eâ nullum, aut non nisi leve imminet periculum injuriæ DEI, damni vel proprii vel alieni.

Ambitio est inordinatus appetitus dominandi seu extollendi se per dignitatem aut honorem præsertim indebitum; & hæc peccatum est mortale, 1mo. cùm quis studio aliis dominandi, eos subtrahit ab obedientiâ DEO, aut legitimis Superioribus debitâ; 2do. cùm quis præminentiam quærît cum notabili dispendio honoris DEI, vel utilitatis proximi, ut ii faciunt qui à consecutione dignitatis arcent alios qui multò plùs DEI gloriam,

* Joann. 21. ** I. Regum.

gloriam, & proximi salutem promovissent; 3tio. cum honor quæritur per media graviter illicita, v. g. Beneficium per simulationem, aut detractionem de competitoribus; 4to. cum ita quis erga dignitatem suam affectus est, ut malit mortaliter peccare, quam eandem dimittere, 5to. cum qui nullum habet honoris titulum, honorem sibi indebitum exigit. Ceterum ambitio viris Ecclesiasticis præcipue pertimescenda, qui proinde utiliter meditantur id S. Thomæ 2. 2. q. 187. art. 2. *presumptuosum videtur, quoddam aliquis præesse appetat, etiam ad hoc quoddam subditis profit, nisi manifestâ necessitate imminente.*

Vana gloria est appetitus inordinatus manifestationis propriæ excellentiæ, seu inordinata quam quis habet cupido, ut excellentiâ suâ, sive vera, sive imaginaria, aliis manifestetur, & ab iis prædicetur. Quatuor sunt, * juxta S. Thomam, casus in quibus vana gloria peccatum est mortale: 1. cum quis *glorietur de falso aliquo quod contrariatur divinæ reverentiæ*, ut si quis ex humana laudis desiderio, doceret ex professo aliquid ad fidem pertinere, quod tamen Ecclesiâ declaravit ad eam non pertinere: 2. cum *quis bonum temporale de quo glorietur præfert Deo*, ut iis contingit qui quærunt laudari ut perveniant ad Prælaturam quâ sunt indigni: item si quis gloriam quærat ex peccato mortali, v. g. ex duello, ex rebellionē; 3. cum *quis præfert testimonium hominum testimonio Dei*. Exemplum est tum in iis qui propositiones hæreticas aut perniciosas, Ecclesiâ licet jubente, ejurare renuunt, nè famæ suæ jacturam patiantur; tum in iis qui nè hominum probra incurrant, Deo ad meliora vocantū resistunt; 4. cum quis *intentionem suam refert ad gloriam, tanquam ad ultimum finem...* pro quo consequendo non prætermittit facere etiam quæ sunt contra Deum, ut si quis fornicetur cum eâ quæ minatur se eum diffamaturam, quasi violentum stupratorem, nisi consentiat. Item si Theologus, Confessarius aut Medicus semidoctus, doctiores in materiis difficilibus consulere recuset, nè pro imperito habeatur.

Extra hos casus ait Sylvius vanæ gloriæ amor ferè semper est veniale peccatum, maxime tamen cavendum ob tria: 1mo. quia peccatum quamvis leve semper caveri debet; 2do. quia, ut docet ibidem S. Thomas, opus etiam optimum, si ex inanis gloriæ amore fiat, *amittit vim merendi vitam æternam, etiam si illa inanis gloria non sit peccatum mortale*; 3tio. quia inanis gloria ad gravia peccata trahit, quatenus efficit ut hominum de se confidens, à Deo sensim deservatur, & paulatim excidat à bono quod habebat. Hinc non raro permittit Deus ut superbi in gravissima præsertim luxuriæ peccata labantur, juxta id S. Augustini Serm. 54. de verb. Dom. *Audet*

dicere, superbis continentibus expedit cadere, ut in eo in quo se extollunt, humilientur. Quid enim prodest cui inest continentia, si dominatur superbia?

Licet vana gloria sit filia superbiæ, & ipsa tamen suas habet filias, quas septem enumerat S. Gregorius. Eæ verò sunt inobedientia, jactantia, hypocrisis, contentio, pertinacia, discordia, & novitatum præsumptio.

Inobedientia est peccatum quo violatur præceptum Superioris ex contemptu; eaque si formalis sit & perfecta, id est, si inobediens ideo præceptum implere nolit quia præceptum est, semper est peccatum mortale, etiam cum levis est materia, ut dixi supra pag. 377.

Jactantia est propriæ excellentiæ prædicatio per verba, sine necessitate; eaque est peccatum mortale, imo. cum derogat gloriæ Dei, ut derogabat Rex Tyri cum aiebat apud Ezech. cap. 28. *Deus ego sum*, de quo supra; 2do. cum graviter derogat charitati proximi, ut pharisæus, qui Luc. 18. tumide aiebat: *Non sum sicut ceteri hominum.... velut etiam hic Publicanus*; 3tio. dum grave proximo præjudicium affert, ut si quis se in sanadis morbis peritum prædiceret, cum non sit, ut pecuniam credulorum corradat; 4to. cum involvit saltè implicitè approbationem culpæ mortalis, quam quis à se admittam jactat, ut, proh dolor! faciunt tot dissoluti juvenes, qui fornicationes suas, rixas, & vulnera in ipsis insicta, ebrietates in quas vel ipsi ceciderunt, vel alios projecere, & ipsa etiam quorum rei non sunt crimina, læti propalant.

Unde sequitur in Confessione exprimi debere imo. non jactantiam solum, sed & speciem peccati de quo gloriatio capta est; nam jactantia de fornicatione, v. g. non humilitati solum, sed & castitati repugnat; 2do. peccatum diffamationis, si quæ jactantiam comitata fuerit, ut si quis jactaverit se rem habuisse cum tali feminâ bonæ famæ; 3tio. peccatum scandalali, vel injustitiæ quod ex jactantiâ nasci potuit: unde qui alium præsentem de ejus fornicatione vel furto laudat, utriusque peccati speciem confiteri debet; quia ex laudes, veræ sunt exhortationes vel ad complacentiam in peccato, vel ad ejusdem peccati repetitionem.

Hypocrisis est peccatum quo quis simulat se vel justum esse cum non sit, vel justiorem quàm sit. Est peccatum mortale præsertim in triplici casu: imo. cum quis sanctitatem contemnit, eamque acquirere non vult, sed in peccatis permanere volens, solum curat *Sanctus apparere*, sicut faciebant Pharisei, ob id toties & tam severè à Christo reprehensi. De his consule S. Thomam 2. 2. q. 111. art. 4. 2do. cum quis, etsi sanctitatem

ctitatem non contemnit, eam tamen simulat, ob finem qui graviter repugnat charitati Dei vel proximi, puta cum simulat sanctitatem, ut falsam doctrinam disseminet, vel ut adipiscatur Ecclesiasticam dignitatem, vel ut pauperum elemosynas ad se attrahat; 3tio. cum hypocrita sic dispositus est, ut malit praeceptum aliquod grave transgredi, v. g. Eucharistiam recipere in malo statu, quam excidere à bono nomine quod sibi per falsam devotionem comparavit; & id non ita rarum est in quibusdam puellis; & aliquando evenit Clericis junioribus, praesertim tempore Seminarii.

Si quis verò sine sanctitatis contemptu, aut sine intentione graviter malà, vel nè alios scandaliser, vel ut iis bonum exemplum praebeat, * simulet sanctitatem quam non habet, ordinarie solum est peccatum veniale; quia ut ait S. Thomas ibid. q. 37. & 38. eadem ratio est de mendacio, & simulatione: porro non omne mendacium est mortale; quæ doctrina limitari debet, nisi sanctitas simuletur in materiâ gravi, puta in Sacramentorum susceptione.

Contentio est inordinata verborum contrarietas circa verum. Ad eam reduci potest discordia, quæ est contrarietas voluntatum in bono, de quo ex charitate consentire tenemur: utraque aliquando moralis est, aliquando venialis juxta gravitatem aut levitatem mali quod inde nascitur.

Sic peccat mortaliter 1mo. qui fidei vel moralis Christianæ veritatem contentiosè impugnat, sive sciens agat, sive ex ignorantia quæ plerumque vincibilis est, & auctoritati majori cedere deberet; 2do. qui veritates quasdam ad pietatem, licet non ad fidem spectantes, ut Immaculatam B. Virginis Conceptionem, non sine gravi audientium scandalo impugnat; 3tio. qui, ut Advocati quidam & Procuratores, causam injustam dolosè & clamosè propugnat; 4to. qui scienter & ex intentione dissentit à bono DEI vel proximi.

Si quis autem ex ratione verè probabili dissentiat, puta quia existimat non esse bonum id quod vult alter, sed quod ipse; vel nullum est, vel non nisi veniale peccatum. Hinc dissensio Pauli & Barnabæ, ** de quâ Act. 15. non fuit peccatum, quia ambo bonis nitebantur rationibus quas Spiritus Sanctus iis suggererat, ut invicem corpore dividerentur, atque ita uberius esse fructus prædicationis; dissensio verò Cephæ à Paulo culpam venialem non excessit.

Pertinacia, quâ quis proprio judicio nimis adheret, peccatum est periculi plenum, & non rarò mortale, quia non rarò vergit in Dei injuriam, Superiorum contemptum, aut grave proximi detrimentum.

* Sylvius. ** Sylvius. ibidem.

Præsumptio novitatum, quâ quis vanæ gloriæ studio nova excogitat: peccatum est periculosissimum, utpotè radix hæreseon, & usuum in vestibus aut ornamentis, quæ modestiæ & castitati sapius graviter repugnant.

Quæres 4to. Quanam sint superbiæ remedia.

R. Hæc afferri solent: 1mo. noticia sui: sibi enim certò vilescet, qui seridè pensabit se innumera admisisse peccata; se irèm mille de novo peccandi periculis expositum esse, mille bene agendi difficultatibus impeditum, prout ab adolescentiâ in malum, tardum ad omne boni genus, implicarum terrenis, vacuum virtutibus, &c.

2do. Attentio ad universas vitæ nostræ partes, quales essemus ante ortum, merum nihil; quales in ortu, sperma foetidum; quales in processu, congeries iniquitatis; quales in exitu, esca vermium, & fortè ignis æterni.

3tio. Consideratio propriæ indigentiae, quæ tanta est, ut quidquid nostrum est, plenum sit ut plurimum peccati; quidquid nobis boni inest, sit à Deo.

4to. Diligens inspectio brevitatis eorum quibus mens efferrī solet: *Terra es, & in terram reverteris*, Genes. 3. *Dii estis, & tamen ut infimi quique homines moriemini*, Psalm. 81. Ubi nunc Alexander? ubi Casares? ubi tot Philosophi? qui laudantur ubi non sunt, torquentur ubi in æternum erunt.

5to. Frequens meditatio poenarum superbiæ cui Deus resistit, quam homines etiam si superbi in aliis derestantur, quæ cordis paci inimica est, quæ non nisi infelices exitus habet, ut videre est in Lucifero, in Absalon, in Aman, in Herode quem * *percussit Angelus Domini, eo quod non dedisset honorem Deo*.

6to. Libens cum humilibus conversatio; crebra divinæ gratiæ invocatio, quæ si alicubi necessaria est, certè cum agitur de comparandâ humilitate, cujus exercitium ut necessarium, sic & corruptæ naturæ arduum est; ac demùm propositio sapius renovata, sive exemplorum Christi qui *humiliavit semetipsum*, sive horum ipsius verborum, *Discite à me, quia mitis sum & humilis corde*.

ARTICULUS SECUNDUS.

De Avaritiâ.

Avaritia definitur à S. Thomâ, Amor inordinatus divitiarum, quò nomine intelliguntur bona quæcumque etiam parva, si nimium amantur.

Quæres 1mo. Quodnam peccatum sit avaritia.

* *Actor. 12o.*

R. Eam

R. Eam esse mortalem ex genere suo, cum charitati vel iustitiæ adversatur; unde multum Christianis, maxime verò Clericis pertimescenda est.

Prob. 1mo. Eccli. 10. *Avaro nihil est scelestius, nihil est iniquius quàm amare pecuniam; hic enim & animam suam venalem habet.* Matth. 6. *Non potestis Deo servire & mammonæ.* Hinc tot Dei in avaros maledictiones: Isai. 5. *Væ qui coniungitis domum ad domum, & agrum agro copulatis, usque ad terminum loci.*

Prob. 2do. Quia avaritia adversatur præceptis per se obligantibus sub mortali. Repugnant enim tum amorì appetitativo erga Deum, cum malit avarus pecuniæ servire, quàm Deo, tum charitati & iustitiæ proximo debitis, cum avari quos hic insequimur, pauperibus, domesticis, creditoribus negent id quod ipsis debitum est, aut ita dispositi sint, ut negarent, si possent; ergo talis avaritia * *semper est peccatum mortale, nisi forte actus imperfectio, aut levitas materia, vel nullum vel duntaxat veniale peccatum efficiat.*

Dixi 1mo. cum adversatur iustitiæ, &c. Si enim sumatur prout opponitur liberalitati, & in hoc sistat ut homo quamvis superflui divitias amet, non tamen propter divitias velit aliquid facere contra Deum & proximum, sic avaritia est peccatum veniale. Ità S. Thomas.

Dixi 2do. Peccatum hoc Christianis, præsertim verò Clericis valde esse pertimescendum. Ratio generalis est, quia teste Apostolo I. Timoth. 6. *radix est omnium malorum cupiditas.* Ratio specialis est, quia Clerici arctius tenentur Christi paupertatem imitari, aliosque ab avaritiæ vitio retrahere. Verè tamen Petrus Blefensis: *In multis, inquit, notabilis est avaritia Sacerdotum, præsertim dum pro quaestu temporali faciunt se ordinari, dum spe vilissimæ oblationis Sacramenta consciunt, de cadaveribus litigant, sepulturam & Baptismum vendunt, nihil gratis impendentes.*

Hinc inferes eorum avaritiam esse mortalem, 1mo. qui opes & bona per fas & nefas acquirere parati sunt; 2do. qui ultimum suum finem constituunt in divitiis, ita affecti ut potius fallant, pejerent, &c. quàm abstineant à lucrò; 3tio. qui tam cupidè retinent sua, etiam legitimè parata, ut eorum iacturam vel imminutionem neque propter Deum, neque propter proximum pati velint; 4to. qui ita opes congerunt, ut nullum iis congerendis modum statuunt: *Non est finis acquisitionis eorum,* ait Baruch. cap. 3. *exterminati sunt, & ad inferos descenderunt;* ** cum è contra Christiani habentes ali-

menta

* S. Thom. ** I. Timot. 6.

menta & quibus tegantur, his contenti esse debeant; 3to. qui emunt frumenta, recondunt, nec recludunt horrea, quin annonae ad summum pretium pertigerit; ii enim & charitatem violant, & iustitiam: unde Proverb. 11. dicitur, Qui abscondit frumenta, maledicetur in populis: atque maledictionem hanc exaudiet Deus; ex cap. 4. Eccli. 6. qui quam habent scientiam salutarem, proximo communicare abnuunt, cum defunt alii per quos id ritè fiat unde scribit S. Gregorius Lib. 3. Pastor. cap. 26. Admonendi sunt qui cum utiliter prædicare possunt, immoderatâ tamen humilitate refugiunt... quantum delinquant, &c.

Quæres 2do. Quænam sint avaritiæ filia.

R. Cum S. Gregorio Lib. 31. Moral. cap. 17. *De avaritiâ proditio, fraus, fallacia, pejuria, inquietudo, violentia, & contra misericordiam obdurationes oriuntur; furtum quoque, homicidium, simonia, usura, neglectus divinorum, & mala penè omnia.*

Proditio est illicita manifestatio rei vel personæ in proximi detrimentum contra fidem ipsi debitam, explenda avaritiæ causâ; ut si quis alterius literas aperiat, quod sine peccato *sæpe* mortali fieri nequit, cum literarum sigilla publicæ fidei credita sint, & qui eas resignat iniquus sit, tum in eum qui mittit, tum in eum qui recipit.

Dixi *sæpe* nam venialiter solum peccaret, qui aperiret literas in quibus certò sciret res non nisi levis momenti contineri; imò à veniali immunis esset 1mo. qui sciret eam cujus sunt literæ, boni consulturum si resignentur; 2do. qui eas autoritate publicâ aperit; 3tio. qui non temerè sed probabiliter iudicat eas literas, vel in proprium suum, vel in tertii cuiuspiam, ac præsertim communis damnum conscriptas esse: jure enim suo excidit, qui eo ad alterius perniciem abutitur.

Proditores quoque sunt qui alterius arcanum fidei suæ commissum, in ejus detrimentum evulgant, ut aliquando faciunt Advocati, Medici, Chirurgi, qui clientium secreta, pudendos sed occultos ægrorum, qui suæ se fidei commiserunt, morbos revelant, ii itèr qui momentosum arcanum sibi ab amico creditum, præter ipsius voluntatem alteri manifestant, præsertim dum probabiliter metuere debent, nè quid hinc in eum redundet mali.

Excipe si res sub secreto commissæ pertineant *ad corruptionem multitudinis, vel spiritualem*, ut hæresis aut pravorum dogmatum disseminatio; *vel corporalem*, ut incendium pagi; *vel in grave damnum alicujus personæ*, ut si quis infidetur vitæ, famæ, vel bonis alicujus privati: in his enim casibus nemo præter

præter Confessarium obligari potest per secreti commissum, quia in hoc frangeret fidem vel charitatem, quam alteri debet, ei nempe cui injustæ insidiæ parantur. Si verò quæ sub secreto commissa sunt, non vergant in præjudicium tertii, tunc nullo modo tenetur ea prodere, etiam ex præcepto superioris: quia servare fidem est de jure naturali. S. Thomas 2. 2. q. 70. art. 1.

Fraus est astuta deceptio alterius in facto, v. g. in contractibus, tam ratione materiæ, quam ratione pretii, de quibus alibi dicam.

Fallacia est astuta deceptio in verbo, seu est dolosa verborum mendacium, aut æquivocorum ad proximi deceptionem usurpatio, quæ si juramento confirmetur, vocatur perjurium, de quo alibi.

Inquietudo est nimia, & anxia mentis attentio, ad acquirendas conservandasve divitias, cum timore nè in futurum desint, contra id Matth. 6. Nolite solliciti esse dicentes: Quid manducabimus, aut quid bibemus?

Obduratio contra misericordiam, est tenax rebus terrenis adhesio, quæ impedit nè cor miseriis pauperum emolliatur; unde fit ut violetur præceptum eleemossynæ.

Quæres 3tio. Quæ sint avaritiæ remedia.

R. Plura esse: 1mo. attendant avari omnia in morte, quæ citius instat quam putent, esse relinquenda heredibus sæpè ingratiss, sæpè dissipatoribus, sæpè inde damnationis occasionem sumpturis. Stultè, aiebat Christus, Luc. 12. hâc nocte animam tuam repetunt à te: quæ autem parasit, cujus erunt? 2do. perpendant, avaros nunquam satios esse: unde hydropico comparantur, cui quo plus sunt potæ, plus sitiuntur aquæ; 3tio. recolant avaros omnibus invisos esse; pauperibus, quorum sanguinem sugunt, & patrimonium furantur, filiis, quibus sæpè necessaria denegant: operariis, quorum defraudant mercedem; domesticis, quorum stipendium quo dato prætextu vel imminuunt, vel auferunt; 4to. oculos mentis intendant tum in Christum, qui * cum dives esset, propter nos egenus factus est; tum in tot Christi discipulos, qui vel omnibus cesserunt bonis, ut nudi nudam crucem sequerentur, prout fecerunt Antonii, Arsenii, Paulini, Francisci, &c. vel in medio divitiarum sinu paupertatem amaverunt, ut tot nobilis profapia: viri quorum memoria in benedictione est.

* II. Corinth. 8.

ARTICULUS TERTIUS.

De Gula.

Gula est inordinatus appetitus, ususque cibi & potus; unde *Gulosi* ii dicuntur qui cibo uruntur & potu, non ut necessitati satisfaciant, sed ut seruiant voluptati quam ex alimentis percipiunt. Equidem voluptas quæ in cibo & potu percipitur, non est per se peccatum: sed quia voluptas illa sapius efficit ut quis scienter excedat mensuram in edendo & bibendo, ideo sapius etiã causa est cur homo gula peccatum committat.

Gula dividitur in comestationem seu crapulam, & ebrietatem. Hæc in immoderatâ potus, illa in immoderatâ cibi sumptione consistit. Circa utramque multa proponuntur.

Quæres itaque 1mo. an, quale, & quibus in casibus comestatio sit peccatum. R. cum S. Thomâ comestatio ut ab ebrietate sejuncta, aliquando est peccatum mortale, aliquando veniale solum.

Prob. 1mo. Quia Apostolus Gal. 5. *comestationes & ebrietates* recenset inter ea quæ qui agunt, *Regnum Dei non consequentur*; 2do. quia reipsâ multi sunt casus in quibus gula avertit à fine ultimo, ut ait S. Thomas, adeoque à gravi culpâ excusari non potest. Sic peccant mortaliter, 1mo. qui propter suum ventrem omnia faciunt, cibi & potus delicias quærentes plûs quàm cetera; 2do. qui parati sunt mortaliter potius peccare, v. g. furari, debita quibus solvendis sunt impares contrahere: familiam suam ad egestatem adigere, valetudini corporis sui nocere, &c. quàm moderato victu uti; 3tio. qui prævident crapulam sibi peccati, v. g. adulterii, aut pollutionis causam fore; 4to. qui ob solam voluptatem cibo se ad vomitum usque ingurgitant; hoc enim, etiam seclusis scandalo & ebrietate, gravem continet deordinationem, ac lædendæ sanitatis periculum. Unde meritò ad *Epicuri Scholam* ablegata est à Clero Galicano hæc quorundam propositio: *Comedere & bibere usque ad satietatem, ob solam voluptatem, non est peccatum, modò non obsit valetudini; quia licitè potest appetitus naturalis actibus suis frui*; 5to. qui postquam multum comederunt, ad vomitum se excitant, ut de novo ob solam voluptatem comedant: hoc enim plusquam bestiale est; 6to. qui citra necessitatem carne hominis mortui vescerentur; id enim graviter illicitum esse dicitur horror ingenuus iis omnibus, in quibus absorpta non est humanæ naturæ dignitas. Haud tamen illicitum videtur in extremâ necessitate hominis occisi aut mortui carnes comedere; etsi nusquam liceret infontem occidere, quia hoc per se prohibitum est. Addit

Addit Henno, eum cui alii cibi non suppeterent, non tene-
ri uti medio quod tantum incurit horrois: semper tamen li-
citur est uti carne humanâ in medicamentis: tunc enim adeo
mutata est & alterata, ut dici non possit carnis humanæ sumptio.

Extra casus mox recensitos gula non est nisi peccatum ve-
niale, ut docet S. Thomas, ibid.

Quæres 2do. Quot modis committatur gulæ peccatum.
R. committi modis quinque hoc versu contentis; *Præproperè,
laute, nimis, ardentè, studiosè.*

Peccant & quidem mortaliter, *præproperè* comedendo, qui
in die jejunii, absque rationabili causâ, notabiliter præveniunt
tempus ordinarium refectiois: venialiter autem, qui aliis die-
bus, vel nimis manè, vel ante orationem, aut sæpius quàm
deceat, ad patinas currunt sine necessitate. Ità Henno, qui ad-
dit se eos peccati condemnare non audere, qui Dominicis fe-
stivè diebus jentaculum auditioni Missæ præmittunt, si antea
preces funderint; & aliunde ordinarium tempus non præveni-
ant: fatendum tamen cum eodem, laude dignos esse qui ante
Ecclesiæ præcepto satisfaciunt, quàm corpori.

Peccant *laute* vescendo, qui, ut ait S. Antoninus, 2. part.
tit. 6. cap. 1. §. 5. *cibos nimis delicatos propter delectationem,
ut capones, phasianos, perdices.... vina solemnia inquirunt.
Si quis tamen utatur cibariis delicatis propter infirmitatem, vel
debilitatem hoc exigentem, aut generis nobilitatem, ut Princeps,
aut temporis congruitatem, ut in nuptiis & conviviis discretis,
& quibusdam solemnitatibus, potest esse hoc absque peccato.
Neque enim, ait S. Gregorius, cibis, sed appetitus in vitio est:
unde & lautiores cibos plerumque sine culpâ sumimus, & abje-
ctiores non sine reatu conscientia degustamus.*

Peccant *nimis* comedendo, qui, ut ait S. Gregorius, *mensu-
ram moderatæ refectiois excedunt: quia verò venter, exactor
est iniquus & vorax, frænum ei injici debet, attentâ uniuscu-
jusque complexione.*

Peccant *ardentius* comedendo, qui voluptuosè vel avidè ni-
mis in cibos etiam viles, proruunt, ut Esau.

Peccant *Studiosè* edendo, qui innumeris condimentorum
generibus cibi aviditatem irritant, & comedunt non ut natu-
ram sustentent, sed ut continuam excitando famem, continuò
comedere possint.

Quæres 3tio. Quid sit ebrietas. R. est sumptio potus usque
ad violentam privationem usus rationis: 1mo. *Sumptio potus:*
hic enim ebrietatis nomine non intelligitur status nimiam po-
tationem consequens, sed ipsa nimium potandi actio: 2do.
Usque ad violentam privationem rationis: ratio enim, quæ
naturaliter

naturaliter aufertur per somnum in dormientibus, violenter aufertur per excessum in potando, non secus ac per iram vehementem.

Quæres 4to. Quale peccatum sit ebrietas. R. cum S. Thomâ, quod ebrietas ex suo genere est peccatum mortale, cum scilicet homo ex proposito inebriatur. Ratio est imo. quia qui se inebriat, videtur præferre delectationem vini, integritati rationis; 2do. quia Isaïæ 5. dicitur: *Væ qui potentes estis ad bibendum. Væ autem in Scripturâ æternum interitum nominat, ait Beda in cap. 23. Proverb.*

Ratione vel occasione ebrietatis, nostro saniorumque Theologorum judicio peccant mortaliter, imo. qui licet non expresse, at interpretative saltem ebrietatem volunt, ut solent ii qui bibunt quantum possunt aut rogantur, non curantes an ebrietas sequatur, necne: item qui non interrogant quæ sit potus vis & generositas, quod sæpius contingit; ac demum ii omnes qui animadvertere possunt, ebrietatem ex sua actione sequi posse. Qui verò probabiliter ignoraret, se per aliquem liquorem, ut vinum aut siceram inebriatum iri, non esset reus ebrietatis, utpotè tunc involuntariæ.

2do. Qui etiam semel se inebriant, si vini vim suâ vel aliorum experientiâ prænoverint.

3tio. Qui ex longâ multum bibendi consuetudine, vel ex pharmaci cujusdam aut pulveris usu, sic constituti sunt ut rationis usum vel nullatenus amittant, vel intra breviculum tempus recuperent, ii sunt enim strenui potatores, quibus exitium interminat Isaïas supra. Et certe sicut gravis excessus in cibo mortale est, etsi rationem non perimit, sic & in vino.

Fatentur tamen Doctores, determinari non posse quis præcisè excessus mortalis sit; quia quod uni enorme est, potest alteri non esse. At hæc incertitudo neminem movere debet ut facilius excedat; imò timendum est, nè qui se leviter solum excedere credit, gravius excedat: ipsum enim solum gravis excessus periculum, grave peccatum inducere potest.

4to. Qui largiori quàm par est vino ita cerebrum suum calefaciunt, ut perpetrent, vel subeant periculum perpetrandi certa quadam crimina, in quæ se, cum in tali sunt statu, incidere adverterunt, aut advertere potuerunt; & hi quidem duplici nomine rei sunt, excessus scilicet in vino, & criminis in quod ex eo excessu pertrahuntur.

5to. Qui mero se ingurgitant cum gravi aliorum scandalo, ut patresfamilias, ac præsertim Sacerdotes.

6to. Qui tantum vini porrigunt amico, ut eum inde ad ebrietatem perductum iri vel prævideant, vel debeant prævidere;

dere; ii enim gravi peccato cooperantur; & minùs sapiunt quàm Aſtuerus gentilis, cujus in convivio etſi inſigniter regio, ſumebat * *unusquiſque quod vellet, nec erat qui nolentes cogeret ad bibendum.*

7mo. Caupones, 1mo. cùm potum miniſtrant iis quos inde prævident aut aſtimant inebriandos: ſi enim unusquiſque tenetur proximi peccatum impedire quantum potest, à fortiori tenetur ebrietatis materiam non ſubminiſtrare? 2do. cùm inſcios de vini ſui fervore admonere non curant, & ii enim ad eorum ebrietatem concurrunt. Paſſim tamen excuſantur caupones, quos ad hanc largioris vini adminiſtrationem adi- git gravioris incommodi imminens periculum; de quo alibi.

Hic addere placet, ebrietatem, licet de ſe grave malum ſit, majori tamen dignam eſſe vituperio; 1mo in puellis & mulieribus quæ majori ſe periculo exponunt; 2do. in iis quibus aliorum cura incumbit, quales ſunt Magiſtratus, Gubernatores, patresfamilias; 3tio. in iis qui ad continentiam obligantur: ** *nam luxurioſa res eſt vinum, in vino luxuria;* 4to. præſertim in Clericis, præcipuè qui ſacris Ordinibus initiati ſunt, aut populis præſecti. Unde ſtatuit Concilium Agathenſe, *eum quem ebrium fuiſſe conſliterit, aut triginta dierum ſpatio à communione ſubmovendum, aut corporali ſubdendum ſupplicio.*

Quæres 5to. quamnam ſint ebrietatis ſilize.

R. quinque referuntur à S. Gregorio. Ex verò ſunt, 1mo. *inepta latitia*, quæ cùm, ut ſæpius, mover ad actus turpes, choreas parùm pudicas, obſcenas ad cantiones & ſimilia, mortalis eſt; 2do. *scurrilitas & turpiloquium*. *Ubi enim ebrietas, ibi diabolus, ibi turpia verba; ubi ſaturitas, illac demones choros agunt,* ait S. Chriſoſtomus Hom. 57. Hinc tot in popinis cantilenæ turpes; 3tio. *immunditia*: unde enim molities, tactus impudici periculofus aſpectus, niſi ſæpe ex calore vini? Hinc S. Hieronymus in cap Epist. ad Titum *Numquam ego ebrium, caſtum putabo;* 4to. *multiloquium*, unde pullulant detractioes, colloquia omnibus etiam ſublimioribus poteſtati- bus contraria; 5to. *hebetudo mentis*: unde Chriſtus, Luc. 12. *Attendite nè forte graventur corda veſtra in crapulâ & ebrietate.* Hiſce malis annexa ſunt alia propè innumera, atque imprimis propriæ ſanitatis leſio, juxta id Eccli. 19. *Propter crapulam multi obierunt;* 6to. *generalis neglectus* officiorum Chriſtiani; neglecta itèr proliſ & domesticorum cura; profanatio quoque dierum feſtorum, qui cùm ſanctificari debeant; toti penè tranſiguntur in popinis, ità ut Deus hâc unâ die, quæ cultui ſuo

Moral. Tom. I.

Cc

datur

* Eſſet. 1. ** Prov. 20. Ephes. 5.

consecrata est, gravius quàm reliquâ totâ hebdomade offendatur. Ex quibus colligit Confessarius tandiù negandam esse abolutionem & ebriosis, & iis qui popinas, diaboli theatra, frequenter amant, donec pravam consuetudinem viriliter excutientes, ad meliorem frugem reversi sint.

Quares 6to. quæ gulæ remedia.

R. quinque possunt recitari. Primum est diligens attentio ad incommoda quæ gulam consequuntur, sive ex parte animæ, quam ebrietas quasi carnalem facit, & in æternum damnat, juxta id Job 2do. *Ducunt in bonis dies suos, & in puncto ad inferna descendunt;* sive ex parte corporis, cui innumeros morbos parit gula, ut calculum, podagram, capitis vertigines, & similia.

Secundum est fuga sive occasionum sive eorum qui veniri & vino devoti, ad id quod ipsi amant alios alliciunt: docet id Sapiens his verbis, Proverb. 43. *Nolli esse in conviviis peccatorum.*

Tertium est constans & vigil adhæsiō temperantiæ; ita ut necessitatis gradus, sit cibi potûsque mensura; unde optari sibi consulant qui sibi semper modicum quid in mensâ subtrahunt, & id præsertim quod palato magis sapit.

Quartum est diligens inspectio tum Christi morientis, qui cruci affixus sitim acerbam pro nobis passus est: tum Sanctorum, qui nedum in epulis, sed * *egentes, angustii, afflictii* vixere; tum præsertim S. Caroli Borromæi Clericorum exemplaris, qui, ut refert vitæ ejus Scriptor in domo Dei, eo vixit modo quo canis in domo domini sui, pane & aquâ contentus.

Quintum denique, & hoc generale est remedium, est indefessa oratio, quâ temperantiam suppliciter postulemus à Deo, quo docente id discemus quod Augustinus Lib. 10. Confess. cap. 31. *Ut quemadmodum medicamenta, sic & alimenta sumpturi accedamus.*

ARTICULUS QUARTUS.

De Invidiâ.

Invidia est * *tristitia quædam de alienis bonis*, quatenus vel nostris similia sunt, vel iisdem majora. Ad invidiam revocatur gaudium de malo alieno, quatenus id invidentis bonum reputatur. Hinc invidia, neque est ille animi sensus quo

* Heb. 11. ** S. Thom. 2. 2. q. 36.

quo quis de alieno noceret bono, quia eo caret; ipsoque potiri veller, diciturque *emulatio*; neque dolor quo uritur, qui bona quadam ab indignis possideri videt, & dicitur *Nemesis*, seu *indignatio*, neque ea affectio quâ quis de alterius bono; v. g. potestate tristatur, quia inde aliquod grande malum sibi imminere prospicit, hæc enim affectio est *timor*: invidia ergo is est sensus quo quis dolet de felicitate alterius sive digni, sive indigni, ita ut illum ipsâ spoliari, eamque in se conferri ardentius expetat.

Quæres an invidia sit peccatum ex genere suo mortale.

R. affirmat. patet id, imo. ex Scriptura, quæ Galat. 5. reponit invidiam inter peccata à regno Dei excludentia, quæque Rom. 5. eos morte dignos judicat qui *pleni sunt invidia*; 2do. ex Patribus. *Tale malum est invidia*, ait S. Chrysostomus, Homil. 40. in Matth. *ut omnem malignitatem & nequitiam prætergrediatur..... Invidi..... suâ invidiâ ita laniantur, ut nullum faciant peccandi finem*: quod fuse probat S. Doctor. *Unde enim, inquit, Cain fraternâ se cæde contaminavit? Unde Esau fratrem exagitavit? Quid Laban adversus Jacob! Quis Jacob liberos ingrati suum Joseph inflam-mavit? &c.*

Quia tamen, ut ibid. notat S. Thomas, in quolibet genere peccati mortalis inveniuntur aliqui imperfecti motus, seu ratione sui. seu ratione materiæ, quæ solum sunt peccata venialia, ideò invidia in quibuldam casibus, non est nisi peccatum veniale.

Eliæ invidiæ ex S. Gregorio Lib. 31. Mor. cap. 17. sunt susurratio, exultatio, in adversis, & in prosperis afflictio, detractio, & odium.

Susurratio est occulta mali de proximo narratio, ad finem seminandæ inter amicos discordiæ: hinc * *susurro & detractor*, ambo pariter malum renuntiant de proximo, sed differunt in fine, quia detractor intendit denigrare famam proximi.... *susurro autem intendit amicos separare*, juxta id Eccli. 28. *Susurro..... maledictus multos enim turbavit pacem habentes*. Hinc susurratio peccatum est detractioe gravius, non solum si formalis sit, cum nempe susurro injustâ quam ferit discordiâ amicos separare intendit. sed etiam cum virtualis est, seu cum susurro, etsi directè amicorum separationem hanc non intendit, ea tamen dicte & refert quæ duorum amicitiam graviter labefactare nata sunt, si tamen susurro hoc præviderit, vel prævidere poterit.

Exultatio in adversis proximis & afflictio de prosperitate ejus, adeò per se nota sunt, ut his exponendis non sit im-

* S. Thom.

morandum. Multò difficiliora sunt quæ pertinent ad destructionem & odium. Sed de his dicam alibi.

Invidia remedia hæc sunt, 1mo. animum habere liberum à concupiscentia carnis & oculorum, atque à superbia vitæ qui enim nec superbus est, nec magni facit res caducas, honores, celebritatem nominis, *qui nihil usquam humanum admirat, huic procul dubio dominari invidia nullo modo poterit*, ait S. Basilius Hom. 11. de invid. 2do. attentè meditari, nullum esse vitium quod nos similiores reddat diabolo, *cujus invidia mors intravit in Orbem terrarum*; 3tio. id fixum habere animis, invidiam soli invidio nocere, qui eâ feraliter simul & inutiliter cruciatur: neque enim is cujus bonis invideo, iisdem idcirco spoliatur; neque si iis eum spoliari contigerit, idcirco iisdem meditari contingeret: 4to. demùm & id attendere, homines universos per naturam ac per gratiam fratres effici, quorum proinde esse debeat cor unum & anima una, adeò ut si quid patitur alter, ceteros compati; si gaudet, ceteros quasi de communi bono exultare conveniat.

ARTICULUS QUINTUS.

De Acediâ, seu Desidiâ.

ACedia definiri solet, * Tadium de bono nobis Dei lege præcepto, quo fit ut homo Dei amicitiam quasi comparatu molestam & difficilem obtinere non curet.

Acedia est peccatum ex genere suo mortale, quia adversatur charitati, cum per eam parvi pendantur amicitia Dei & æterna beatitudo: atque indignæ reputentur quæ serio labore comparentur. Hujus desidiæ rei sunt; 1mo. qui ea quæ ad salutem aut conditionem suam sunt necessaria, edoceri nolunt; quive cum obstinatione ea detractant officia, ad quæ à legitimis Superioribus vocantur: 2do. qui marcent ignaviâ, torpent otio, & tempus in ludis, visitationibus, inanibus colloquiis, aliisque id genus nugis & ineptiis terunt; 3tio. qui ad orationem segnes sunt, ad pœnitentiam ita tardi, ut eam procrastinent, qui demùm in virtute proficere nolunt, adeoque & deficere volunt.

Acediæ filix sex sunt, ex S. Gregorio Lib. 31. Moral. c. 17. malitia, rancor, pusillanimitas, desperatio, torpor circa præcepta, evagatio mentis ad illicita.

Malitia, prout hîc sumitur, est impugnatio voluntaria, derisio,

* Sap. 2. ** S. Thom. 2. 2. q. 35.

rifio, & contemptus five bonorum spiritualium, five hominum qui nos exemplis, vel doctrinâ ad pietatem accendere conantur. Hæc grande est impiorum crimen, qui idcirco timore horribili, turbati in inferis, præ angustia spiritûs gemunt, ut videre est Sap. 5.

Rancor est indignatio adversus Superiores qui acediosos ad meliora compellant, eaque grave est peccatum, juxta id Prov. 29. *Qui corripientem durâ cervice contemnit, repentinus ei superveniet interitus.*

Puſſillanimitas est vitioſa de viribus ſuis diſſidentia, quâ quis Dei conſilia aut præcepta ex animi timiditate omittit. Est peccatum mortale, cum quis ea quæ ſibi à Superiore inſuncta ſunt, ob hanc animi parvitatem pertinaciter reſpuit. Neque hic excuſat propriæ incapacitatis exiſtimatio, hæc enim oriſtur à ſuperbiâ, quæ proprium judicium judicio Superiorum præponit: ita S. Thomas, & id evidens eſt exemplo ſervi inutilis, Matth. 24.

Torpor eſt animi remiſſio, ex quâ præcepta vel omittuntur, vel implentur negligenter. Torpor, aut mors, aut vicina morti labeſ eſt; ait S. Paulinus Epiſt. 36. nec mirum, cum Deus tepidos ex ore ſuo evomat, Apocal. 3.

Evagatio mentis, eſt cum mens præ tadio rerum ſpirituum ad objecta exteriora evolat, ut ex iis gaudium percipiat quod ex rebus Dei non percipit.

Acediæ remedia ſunt imo: meditatio noctis illius æternæ in quâ nemo poteſt operari. Unde Eccl. 9. ** Quodcumque facere poteſt manus tua, inſtanter operare: quia nec opus, nec ratio nec ſapientia erunt apud inferos, quô tu properas;* 2do. attentio ad tubam illam mirum canentem ſonum, quæ deſidiolis & negligentibus jam nunc æternam exciſionem his comminatur verbis, *Omnis arbor quæ non facit fructum bonum, excideſtur. Servum inutilem projicite in tenebras exteriores. Succide illam; ut quid etiam terram occupat?* 3tio. id animo meditari, filios hujus ſæculi nihil laboris relinquere intentatum, ut ad corruptibilem coronam deveniant; nobis à fortiori quos manet merces magna nimis, viribus totis eſſe laborandum ut eam conſequamur; præſertim cum momentaneum & leve deſarigationis, æternum gloriæ pondus operari debeat in nobis.

ARTICULUS SEXUS.

De Ira.

IRa considerari potest vel in genere, * vel in specie. Ira genericè spectata, est appetitus vindictæ, ac proinde aliquid indifferens: quia vindicta ut illicitè, sic & licitè appeti potest; imò tam licitè, ut aliquando peccet qui non irascitur, sicut peccavit Heli, eò quod filiorum vitii non irasceretur. Hinc Psaltes Psalmi. 4. *Irascimini, & nolite peccare.*

Nec nocet id Matth. 5. *Omnis qui irascitur fratri suo, reus erit iudicio.* Eam enim solùm iram improbat Christus, quâ quis inordinatè intendit pœnas proximi, eo scilicet modo qui se habet ad homicidium, sicut se habet aspectus impudicus ad mœchiam, ut patet ex comparatione versûs 21. cum versu 27.

Ira specificè sumpta, est inordinata cupiditas vindictæ, vel quasi vindictæ. Est imò. cupiditas *inordinata*, cùm vindictæ appetitus necessariò aduersetur rectæ rationi, sive ex parte objecti, cui expetitur pœna, sive ex parte modi quò eadem pœna expetitur. Ex parte objecti quidem, ut si optes vindictam ei qui non meruit; aut saltem qui non meruit tantam iram si optes eam inferri, sed ab alio quàm qui inferendi auctoritatem habet; * aut demum si optes *non propter debitum finem qui est conservatio iustitiæ; & correctio culpæ*, sed ut malevolum cor tuum alterius pœnâ saties. Ex parte modi, ut si quis nimis ardentè irascatur interius vel si nimis exterius manifestet signa iræ; 2do. *vindictæ*, quia vindicta est terminus iræ. Porro nihil ad iram interest, an expetas vindictam ei qui te læsit, an alteri: unde qui optat ut latro à quo nec in se nec in suis læsus fuit, gravius quàm, meruerit plectatur, verè iræ conscius est; 3tio. *vel quasi vindictæ*: artifex enim qui ex passionis impetu frangit aut projicit instrumentum, propriè irascitur, nec tamen propriè vindictam exercet.

His præmissis, quatuor hic expedienda sunt: 1mo. an ira sit peccatum mortales; 2do. an capitales; 3tio. quas habeat filias; 4to. quæ sint ejus remedia.

Dico 1mo. Ira ex parte objecti inordinata, est peccatum ex naturâ suâ mortale.

Prob. 1mo. tum ex citato Mâtthæi textu, *Omnis qui irascitur fratri suo, reus erit iudicio*; tum ex Galat 5. *Mani-*

* S. Thom. art. 2.

festi

*sesta sunt opera carnis, quæ sunt fornicatio ira, rixæ
.... quæ qui agunt regnum Dei non consequuntur.*

Prob. 2do. quia ira ex parte objecti immoderata, charitati aut etiam iustitiæ adversatur, ut ex ejus definitione constat; ergo nonnisi ob consensûs defectum, vel levitatem materiæ venialis esse potest.

Dixi, *ira ex parte objecti inordinata*, quæ enim solum ex modo irascendi vitiosa est, non habet ex suo genere rationem peccati mortalis, ut docet S. Thomas. Posset tamen esse peccatum mortale ratione blasphemix, convitiis, &c. Item si talis sit excessus ut magnum infirmis scandalum præbeat, aut irascentis valetudini plurimum noceat, aut demum vel opere externo, vel etiam solâ animi dispositione, charitati graviter adversetur. Sic enim *ira perdit etiam sapientes*, ut dicitur Prov. 7. juxta versionem LXX.

Dico 2do. Ira non est gravissimum peccatorum; est tamen vitium capitale.

Prob. 1. pars: quia ira minus est peccatum secundum se quàm invidia sicut invidia minus est crimen, quàm odium. Qui enim odit, desiderat malum proximi, quatenus ejus malum est; qui invidet, appetit detrimentum alterius, ut ipse in bono suo augeatur; qui verò ex irâ præcisè sumptâ operatur eo solum nomine pœnas proximi appetit quòd justum sit eum ipsas pati; unde ira aliquam recti & iusti rationem involvit, quæ nec invidiæ, nec odio competit.

Prob. 2. pars: quia ex irâ scaturiunt vitia alia bene multa; quædam quidem ex parte objecti, seu vindictæ, quàm iratus appetit tanquam aliquid iusti, & cujus proinde intuitu in promptu est ut multa fiant indebita; cùm homines iustitiæ specie decepti multa minimè laudanda facere consueverint: quædam verò per inconsideratum iræ impetum, qui homines iratos velut extra usum rationis constituens, * *mentem eorum trahit ac præcipitat ad inordinata quæcumque agenda.*

Ira sex habet filias; vel enim manet in corde, & tunc indignationem parit atque tumorem mentis; vel est in ore, & ex eâ procedunt clamor, blasphemia & contumeliæ; vel demum usque ad facta progreditur, & tunc gignit rixas, per quas intelliguntur nocumenta omnia quæ factis proximis inferuntur ex irâ.

Indignatio est animi commotio, quâ quis ob injuriam sibi suisque tactam vel existimatam, proximum reputat indignum, cui officia aliis exhiberi solita, ut salutem, colloquium, & suppetias exhibeat. Erit mortalis, si conjunctum habeat gravem

proximi contemptum, aut notabile scandalum infirmorum; item si prae indignatione nolis id facere in gratiam proximi, ad quod sub mortali teneris.

Tumor mentis sumitur hic pro motu animi, vindictae media omni conatu inquirentis. Tumor ille mortalis est aut venialis, secundum modum & gradum vindictae.

Clamor est inordinata & confusa locutio. Potest esse mortalis ratione convitii, scandali, &c.

Blasphemia est injuriosa adversus Deum locutio; quae cum procedit ex commotione animi est filia irae; cum autem oritur ex elatione animi contra Deum se erigentis, filia est superbia.

Contumelia est sermo injuriosus contra proximum audientem. De rixa dicam ubi de Charitate.

Quod spectat ad irae remedia, haec salubriter insument iracundi: imo. aspiciant in autorem fidei ** & consummatorem Jesum qui..... sustinuit crucem confusione contempta; qui tanquam ovis ad occisionem ductus est, & sicut agnus coram tondente se, sine voce, sic non aperuit os suum; qui cum affligeretur cruci, pro intersectoribus suis orabat. Discant ab eo mites esse & humiles corde, persecutionibusque & injuriis unum opponere patientiae clipeum.

2do. omni curam nascentem irae motum compescant, & omnem quantum fieri poterit, occasionem ejus tollant. Incomparabiliter salubrius est, ait Augustinus Epist. 149. etiam irae justae pulsanti non aperire penetralia cordis, quam admittere non facile recessuram.

3tio. nihil ex motu, vel in motu irae faciant aut statuunt, sed solum postquam sedatus eris, quod olim à Theodosio exegit Ambrosius.

4to. irae injustitiam tristesque effectus attentè meditentur; quot inde bella, quot clades duella, rixae, seditiones, & omnium generum homicidia. Iratus Cain, fratrem interfecit. Iratus Absalon, patri patrum optimo funesta quæque machinatus est. Iratus Theodosius, grandem virtuti suae imperatam Thessalonicensium caede, maculam inussit.

5to. frequentes eliciant actus charitatis mansuetudinis, patientiae, humilitatis, & aliarum id genus virtutum quae irae magis adversantur.

6to. demum, orent devotè assidue & humiliter: hoc enim genus demoniorum, sicut & alia multa, non ejicitur nisi in jejuniis & oratione,

* Heb. 12. Act. 3.

TRACTATUS
DE
PRÆCIPUORUM STATUUM
OBLIGATIONIBUS ET PECCATIS

Generales de legibus & peccatis Tractatus feliciter; meo quidem iudicio, excipiet Tractatus de privatis certorum statuum peccatis & legibus. In eo autem, quoniam omnes status indagare non licet, potior nobis erit sermo de Clericis, seu Seculares sint, seu Religionem professi; de Magistratibus, iisve qui populorum jura defendunt, de Villarum Dominis, &c. Sit itaque.

CAPUT PRIMUM.

De obligationibus Clericorum.

Propterea vocantur Clerici, ait Hieronym. Ep. 2. ad Nepot. vel quia de sorte sunt Domini, vel quia ipse Dominus fors, id est, pars Clericorum est: qui autem vel ipse pars Domini est, vel Dominum partem habet: talem se exhibere debet, ut & ipse possideat Dominum, & possideatur à Domino.

Multiplex est Clericorum genus. Alii sunt in sacris, alii non. Utrique vel habent beneficia, vel non habent; beneficiis porro quandoque annexa est animarum cura, quandoque non. His omnibus quædam onera conveniunt, quædam verò sunt unicuiusque classis propria, quæ ut intelligantur. Sit

ARTICULUS PRIMUS.

De obligationibus Clericorum in genere.

Sicut unicuique fideli, quò ad æternam vitam ingrediatur, curandum est, ut declinet à malo, & faciat bonum; & sic
Cleri-

Clericis duo sunt necessaria, ut nempe dotes quasdam aut virtutes possideant, & à certis abstineant vitiis. Porro ex dotibus ad Clericatum necessariis, alia se habent ut dispositiones prærequisita; alia ut Clericalis status perpetuæ appendices. De utriusque dicendum.

SECTIO PRIMA.

De dotibus ad Clericalem statum præquistis.

Qui ad Clericatum promoventur certas ex parte corporis dotes habere debent, ut dicam in tractatu de Irregularitatibus; unde eas hîc solum tangam, quæ mentem respiciunt; nec omnes, alioqui irem in immensum, sed præcipuas. Sit

CONCLUSIO I. Ad Clericatum prærequiritur innocentia vitæ, vel custodita diligenter, quod rarum est, vel congruè reparata, quod rarius est teste ambrosio. Hæc thesis intellecta de statu Clericali generatim, & prout majores Ordines comprehendit, est certissima. Si verò de simplici etiam tonsurâ intelligatur, videtur probabilior.

Prob. ex Patribus. S. Isidorus Hispalensis L. 2. de offic. Ecclesiast. c. 5. Quod is, inquit, qui post Baptismum aliquo mortali peccato corruptus ad Sacerdotium non promoveatur, Lex ipsa testatur: &c.

S. Martinus I. Papa & Martyr in Epist. ad Amandum, Tales, inquit, quarimus ad sacros Ordines promovendos, quibus nulla ruga, nullumque vitæ contagium sit.

S. Bernardus Tract. de conversione ad Clericos. cap. 19. Væ, ait, Ministris infidelibus, qui necdum reconciliati reconciliationis alienæ negotia, quasi homines qui justitiam fecerint, apprehendunt. Væ filiis iræ qui se ministros gratiæ profitentur. Ubi S. Doctor non modo thesim nostram tradit, sed & invincè probat. Scilicet enim sublatâ morum innocentia, quæ vel cautè servata fuerit ab Ordinando vel congruæ poenitentia laboribus reparata, subvertuntur primaria Dei & ipsius naturæ leges. Ex enim exigunt ut alienæ reconciliationis negotia tractare non præsumat, qui ipse reconciliari eger; ut se in gratiæ ministrum non erigat, qui filius est iræ, &c. atqui sanctas eas leges subvertit, qui adhuc sub diaboli iugo constitutus inter Dei ministros & populorum mediatores censeretur ambitus ergo.

Hinc inno. Cum in quolibet Ordine aliquis constituatur Dux aliis in rebus divinis, in quolibet quasi præsumptuosus

morta.

morta
dines
Hinc
rius
tum in
quis
fessione
sis an.
las eluc
tunc p
maxima
cùm no
alios di
fulcept
viter p
tumelia
sed qu
facit.
tur se
hæredi
in Ecc
ipsum
Iam v
monst
Hinc
gio oli
cerdoti
nim ut
aens ill
Hinc
poeniter
bi volu
S. Cyp
fleamus.
Paniten
futuris
digen
Angelic
lum A
versione
fertim
nui deb
CONC
Prob.
* Ha

mortaliter peccat, qui cum conscientia peccati mortalis ad ordines accedit. Ità S. Thomas in 4. dist. 24.

Hinc 2do. probabilius videtur nobis, quod docent Hallerius, Nat. Alexander, & Navarrus, * *mortalis peccati reatum indignè suscipienti tonsuram adscribendum esse*, unde quisquis in hoc statu positum se animadvertit, vel ad Confessionem recurrere debet ut præscribit Synodus Carnotensis an. 1526. vel sincero contritionis actu conscientia maculas eluere, ut ibidem docet Hallerius. Ratio est imo. quia tunc præcipuè hominem à peccato respiscere oportet, cum maxima Dei beneficia, præsertim spiritualia, recipere cogitat cum novam init vitæ rationem, cum perfectionis etiam in alios diffundendæ statum ingreditur: porro sic se habet qui susceptâ tonsura Ordini Clericali inscribitur; 2do. quia graviter peccat qui & Deo injuriam, & Ecclesiastico statui contumeliam facit in materiâ, quæ pro levi haberi non potest sed qui indignè tonsuram recipit, utriusque mali reum se facit. Est quidem in Deum injurius, quia, publicè protestatur se Deum, cui actu capitaliter infensus est, ut totam hæreditatis suæ partem amplecti. Est etiam contumeliosus in Ecclesiam, quia multum eidem imminet. mali ab iis qui ipsissimâ sui in Sanctuarium ingressus die contaminati sunt. Jam verò Tonsuram pro re levi nequitiam haberi posse, demonstrant ipsa ejus definitio, & annexa eidem privilegia.

Hinc 3tio. colliges quid sentiendum de quæstione in Belgio olim ventilatâ, *An scilicet possit quis æquo jure ad Sacerdotium sicut ad Monachatum pœnæ loco detrudi.* Absit enim ut propter peccatum præcedens recipi jubeatur eminens ille status, qui propter peccatum denegari debet.

Hinc 4to. non remissam, sed acrem eorum oportet esse pœnitentiam, qui postquam à justitiâ excidere, Clero adscribi volunt. Si enim de iis qui lapsi sunt generaliter dixerit S. Cyprianus: *Quàm magna deliquimus tam granditer defleamus; alto vulnere diligens & longa medicina non desit; Pœnitentia crimini minor non sit;* quid non exigendum à futuris Christi ministris, quibus, ut loquar cum Synodo Burdigalensi an. 1624. *cas virtutes attribuit Apostolus, quæ ad Angelicam penè accedunt puritatem.* Jure ergo sanxit Concilium Aurelianense III. *ne ullus ex laicis ante annualem conversionem ordinetur.* Hoc tamen tempus ut protrahi, præsertim ob peccatum incontinentiæ, sic & aliquando immitti debet pro fervoris gradu.

CONCLUSIO II. Ad Clericalem statum prærequiritur scientia.

Prob. imo. ex Scripturâ Osée 4. *Quia tu scientiam repulisti,*

* Hallier.

repeb-

repellam te, ne Sacerdotio fungaris mihi. Malach. 2. *Labia Sacerdotis custodient scientiam, & legem requirunt ex ore ejus.* Aggei 2. *Interroga Sacerdotes legem:* atqui hæc verba à fortiori concludunt pro novæ legis Ministris, quibus idcirco millies à Conciliis & Patribus applicata fuere, & merito cum præ ceteris parati semper esse debeant ad reddendam satisfactionem omni poscenti rationem de eâ quæ in ipsis est spe. I. Petri c. 3.

Prob. 2do. ex Patribus & Conciliis. * *Illiteratos;* ait Gelasius Papa, aut aliquâ parte corporis vitiatos, nullus præsumat ad Clericatus Ordinem promovere; quia literis carens, sacris non potest esse aptus officiis, quod ex textu liquet defectum scientiæ comperentis, non secus ac vitium corporis, veram parere irregularitatem. † Concilium Lateranense IV. Duo, ait sunt nobis necessaria, vita scilicet & doctrina; alterum propter nos, alterum propter proximos. * Synodus Toletana VIII. Nullus ad Sacra veniat indoctus. *Aliter ordinaturis & ordinandis imminet Dei & Ecclesiæ ejus vindicta.* Concilium Aquisgranense an. 816. *Tam doctrinâ quàm vitâ clarere debet Ecclesiasticus Doctor. Nam doctrina sine vitâ arrogantem reddit, vitâ sine doctrinâ inutilem facit.* Plura non congero in re, nè ab ipsis quidem imperiis in controversiam vocanda.

Prob. 3tio. ex gravibus quæ parit Clericorum ignorantia, malis. Hinc enim fit ut cæci cæcis ducatum præstantes, ambo in foveam cadant; ut populi malè eruditi vias erroris ingrediantur, prout Lutheri, Calvinique temporibus miserè innotuit; ut pastores suæ sibi imbecillitatis conscii, sint canes muti non valentes latrare, quin & sapius transmigrant in castra luporum, quos præ imperitiâ non secernunt ab ovibus; ut Sacramenta illicite, & sapius invalidè conferantur: ut derideantur Ecclesiæ Sabbata & ceremoniæ, quia nulla probabilis earum ratio reddi potest; ut à restitutione eximantur qui restituere debuerant; in irregularitate ministrent, qui nullam irregularitatis adepti notionem, nesciunt quando contrahatur, &c.

† Nec dicās scientiam iis quidem necessariam esse qui Beneficia curam animarum habentia intendunt non iis quibus Beneficium simplex, satis fuerit.

Nam imo. docet experientia eos qui se Beneficiis duplicibus renuntiassent profitebantur, eadem crebro urgentē vel cupiditate, vel familiâ, non acceptasse tantum sed & ambiisse; 2do. Scriptura & traditio fidei & morum regulæ, nullibi Clericos duas in classes distinguere, quarum altera postquam studiis diu solideque vacaverit, vel nulla, vel minutiora Beneficia obtinebit, & portabit tamen pondus dei & æstus; altera quidquid in

* Dist. 16. Can. 1.

San-

Sanctuario pinguius, est, nullâ saltē onerosâ conditione percipiet; 3tio. novit sanè Ecclesiâ quid à Sacerdotibus expectetur: porro ad omnes indistinctè per Episcopos dicit: *Sacerdotem oportet offerre, benedicere, præesse, prædicare, & baptizare*; ad omnes: *Sit doctrina vestra populo Dei spiritualis medicina*;

4to. Sacerdos quilibet in casu necessitatis Sacramentum Pœnitentiæ administrare tenetur. Quâ verò hinc se expediet viâ vir plane rudis? 5to. demum Sacerdoti ad solum etiâ Missæ Sacrificium consecrato, quod aliquando fieri posse ob eximiam subjecti pietatem definiisse dicentur Theologi quidam Parisienses, id saltē necessum foret ut Canones ad statum suum pertinentes, ut Missæ ceremoniarum significationem, ut denique Officii sensum & alia id genus non pauca, comperta haberet.

Hinc colliges 1mo. quàm graviter peccent tor adolescentes, qui in Universitatibus, & Seminariis tempus ocio consecrant, nec alio ad studium accedunt, quàm quo servi ad compedes. Ii nempe injurii sunt 1mo. in Deum cujus passu Sacerdotium temerè & sacrilegè sunt usurpaturi; 2do. in Ecclesiâ, quam fecèdè inhonorant; 3tio. in populos, quibus nec quoad gradum, nec sæpè quoad substantiam, debita præstituri sunt obsequia; 4to. in parentes quorum bona, ipso sæpius vultus sudore parta, in usus planè alienos impendunt; 5to in semetipsos, tum in præsentî vitâ, ubi proborum & improborum ludibrio se se objectant, tum in futurâ, ubi *qui ignorat, ignorabitur*. I. Cor. 14.

Colliges 2do. Clericum qui multa norit, esse posse sacerdotaliter imperitum, ut si Poëtas veteres, mythologiam, singulas Matheseos partes sedulò pervolverit, vixque ea salutaverit, quæ ad statum suum spectant. Discat ergo quisquis Clericalem scientiam habere volet, 1mo. scientiam Sanctorum quæ in spiritualibus libris, in oratione verò potissimùm comparatur; 2do. sacram Scripturam, quæ ut arma militi, sic Clerico familiaris esse debet; 3tio. id quod ad dogma & fidem pertinet, nè verba incautè proferendo, hæreses proferat ut multis contingit; 4to. Theologiam Moralem quam in authoribus probatis, & ab utroque distantibus excessu, sollicitè & quasi jugiter ob summam omnia retinendi difficultatem, indagabit;

Colliges 3tio, quòd cum qui vult finem, media velle debet, enixè satragendum sit Ecclesiæ Ministris, ut omni quâ poterunt arte necessariam sibi scientiam expiscentur: & ad id opus est, 1mo. literariâ suppellectili, ad quam, nisi aliud exigant personæ conditio & talenta, fermè sufficiunt tres quatuorve

tuorve Scriptores in quintuplici quem modò assignabamus, rerum sciendarum ordine. Si regerant Clerici complures, se tenuioris esse fortunæ, quàm ut tot libros comparent: quæram ego, cur igitur tam lautè amicos excipiant, &c. 2do. pensari debet id quod docet Augustinus Epist. 147. homines *plus cogitando & orando proficere, quàm legendo & audiendo*; quod de se confessus est Doctor Angelicus; 3tio. in id enitendum est ut purificetur oculus cordis, & ebulliens è scientiâ plerumque imaginariâ tumor comprimat.

CONCLUSIO III. Ad Clericalem statum requiritur imprimis vocatio.

* Prob. 1mo. ex Scripturis. Osee 8. *Ipsi regnaverunt, & non ex me: Principes extiterunt & non cognovi.....iratus est furor meus in eos: atqui ex se, & non ex arbitrio Summi Regis regnant, qui nullis fultis virtutibus, nequaquam divinitus vocati, sed suâ cupidine accensi, culmen regiminis rapiunt potiùs quàm assiquuntur*, ait S. Greg. Pastor. part. 1. cap. 1mo. ergo in eos irascitur furor Domini; ac proinde gravissimè peccant.

† Joan. 1mo. *Amen, amen dico vobis, Qui non intrat per ostium in ovile ovium, sed ascendit aliunde, ille fur est & latro..... Fur non venit nisi ut furetur, & mactet & perdat.* Unde sic, Immaniter peccat fur, Domini gregem mactans & disperdens: sed quisquis non intrat per ostium, seu per Christi vocationem, fur est & latro, isque vel jam facit, vel facit ad quod venit, ut mactet utique & disperdat, ait S. Bernardus, vel quivis Author Tract. de vitâ & morib. Cler. cap. 7. ergo.

Heb. 5. *Nec quisquam sumit sibi honorem, sed qui vocatur à Deo tanquam Aaron.* Sic & Christus non semetipsum clarificavit, ut Pontifex: fieret atqui propositio hæc, *Nec quisquam sumit*, &c. ut universaliter negans, nullam patitur exceptionem. Et verò respectu cuius pateretur, quæ non passâ est respectu Christi: ergo quantâ quis vel scientiâ fulgeat, vel emineat pietate, se ipso tamen solo Sacerdotium ingredi non potest, ut qui fortè ad illud vocatus non sit, sicut nec ad Apostolatam vocatus erat Barsabas, licèt ab eximia sua sanctitate Iustus cognominaretur.

* Prob. 2do. ex Patribus. Cyprianus Epist. 55. ad Cornel. *Ita est, inquit, aliquis sacrilege temeritatis ac perdita mentis, ut putet sine Dei judicio fieri Sacerdotem.* S. Cyrillus Lib. de ador. in Spir. & verit. *Spontè se ingerere absurdum ac turpe est.* S. Chrysologus Serm. 25. *Regnum velle servam; crimen est, adire periculum, temeritas non timere.*

† Prob.

† Prob. 3tio. exemplo Sanctorum, quibus aded usque persuasum erat, & praviā ad Ordines requiri Dei vocationem, & eam ad salutem haud sufficere, ut alii arrepta fuga sibi consilire tentaverint, prout testantur Historia de Cypriano, Athanasio, Martino, Gregorio Nazianz, Gregorio Magno, Chrysostomo, Fulgentio; alii reluctantes & quasi vim passi, consecrati fuerint, ut Nicolaus Myrensis Alexander, Anatholius, Augustinus, cujus, notum id ex Epist. 21. *Vis mihi facta est merito peccatorum meorum*: alii in dedecorā suspitionem venire moliti sint, ut Ephrem Syrus, qui insaniam, S. Ambrosius qui impuritatem ac crudelitatem simulavit; alii violentas sibi manus intulerint ut Ammonius Monachus, qui ne Sacerdos consecraretur, aures sibi præcidit, alii demum, ut Franciscus Assisius, Diaconatu jam inaugurati, ulterius progredi ausi non sunt. Merito igitur dixit S. Cyrillus Alexandr. Hom. 1. de fest. Pasch. *Omnes sanctos reperio divini ministerii ingentem veluti molem formidantes.*

* Prob. 4to. ratione. Vocatio est supernaturalis providentiæ actus, quo Deus aliquos præ aliis eligit, & congruis ad sacra ministeria digne obeunda, doctibus instruit, atque præparat: atqui hæc Dei electio & præparatio prorsus necessariæ sunt: imo. quia iis seclusis læditur suprema Dei auctoritas multò plus quàm læderetur auctoritas Regis, si quis eodem invito publicam rem administrare, populis jura dicere, exercitiis præesse, pro nutu & arbitrio præsumeret.

2do. Quia ex eodem defectu contingit ut malè gerantur ministerii munia. * *Unusquisque enim proprium donum habet ex Deo, alius quidem sic, alius verò sic*; donum inquam, in eos ordinatum fines, ad quos is & hic homo à Deo conditi fuere; ergo qui non ut gregi præesset est, haud felicius in ejus regimine se geret, quàm in corpore pes, si oculi locum tenere velit. Quin et si, (ut quandoque sit, permittente Deo, qui etiam malis bene utitur) quadam exercere possit homo non vocatus, quæ populorum salutis plurimum inserviant, non eò melior, sed fortè hinc lugenda magis erit conditio ejus, ut qui quasi excæcatus splendore bonorum quæ parit, vix unquam concepturus sit, quàm fœdè vel à primo itineris passu erraverit, prohibitum sibi tramitem ineundo. Dicit ergo, quòd multi dicent in illà judicii *Die Domino, nonne in nomine tuo prophetavimus, sanctas Evangelii veritates nervosè exponendo, & in nomine tuo dæmonia ejicimus, præsertim per Sacramentum Pœnitentiæ, & virtutes multas fecimus*, obstruendo os loquentium iniqua, &c. & tunc confitebor illis, quia nunquam novi vos; cucurristis

* 1. Cor. 1.

rifistis in vanum, quia non miseram vos: gratuita erant, non gratum facientes gratia vestra, nec in vestram, sed in aliorum utilitatem in ira mea vobis concessa.

3tio. Et hac probatio nova est confirmatio præcedentis; tamen quis certi status functiones legitime implet, quatenus sic eas exercet ut placeat Deo; sed qui contra Dei vocationem Clericalia munia exercet, Deo placere nequit quia facit id quod Deus non ab eo sed ab alio fieri vult; ergo se habet sicut famulus, cui præceptum est ut domi laborer, & qui tamen vineam reluctantem hero, imò iis plerumque exclusis, qui ab hero conducti fuerunt, colere præsumit: ergo poenam Numer. 1. latam his verbis: *Quisquis externorum ad Tabernaculum accesserit, occidetur*, libi meretur, non mercedem.

Quodd si hinc inferas, id ergo unum superesse Sacerdoti non vocato, ut vel desperationi se dedat, vel ad secularia regrediaturo duo reponam; 1mo. nec licere ad secularia reverti, quia indelebilis sit Sacerdotii character; nec omnino spem esse abjiciendam; 2do. iis tamen Clericis qui non vocati ad sacra devenerunt, summopere timendum esse ne in æternum pereant.

1mo. Quidem non omnino desperandum est, quia Deus qui primaria intentione singulos ad certam vitæ speciem destinavit vult secundariâ intentione, ut malè vocati suam culpam seriæ Pœnitentiæ lachrymis diluant, & diluendo in ordinem à quo temerè discesserunt regrediantur. Unde tunc ex misericordia, ea homini largitur auxilia, quæ legitimè vocatis ex qualicumque iustitia debet. Et verò cum Deus hominem Sacerdotio semel inauguratum, * celibem perpetuo manere velit nihilque impossibile jubeat, exigit misericordia ejus ut jubendo moneat & facere quod possis, & petere quod non possis, & adjuvet ut possis.

2do. Quia tamen vocatio Dei certas communiter dotes præsupponit, ut prudentiam ad regendum, facundiam ad docendum, &c. eaque non necessario à pœnitentia dimanant, necessum est ut Sacerdos, qui officia quædam easdem dotes præ exigentia usurpavit, iisdem quàm primum se exuat: id autem haud profectò facilè est iis, quibus plurimum non alio intuitu Sacerdotium ingressi sunt, quàm ut hæc eadem officia consequerentur; qui vix unquam coram Deo expendunt an in ovile per ostium ingressi sint, qui etiam cum de vocatione suâ dubitant, non id curant ut seriæ pœnitentiæ vacent, sed ut molestos importunæ conscientia remorsus excutiant; ergo merito dictum est reparari quidem posse,

* Trident. Sess. 6. c. 11.

rarò tamen & vix reparari genuinæ vocationis defectum. Unde Auctor Operis imperfecti Hom. 40. *Quis vidit aliquando Clericum penitentem?* Certè, ait S. Leo. Epist. 85. *difficile est ut bono peragantur exitu, quæ malo sunt inchoata principio.*

Hinc colliges 1mo. ei qui de amplectendo Clericali statu cogitat, seriò perpendendum esse, vocatusne sit, an non. Hic porrò triplicis generis occurrunt signa, alia quæ vocationem abesse probant, alia quæ ipsam adesse convincunt, alia demum ex quibus utpotè ambiguis nihil certè definiri potest.

Signa non vocationis si ità loqui licet, paucis his expressit Hallerius; *Impurus es & ad obeunda ministeria ineptus ex corporis aut animi defectus; mala arte Sacerdotium præripere tentas; ambitione ducis vel avaritia; inhias honori, non operis, non operis aut cupidus, aut saltem patiens; non te vocat Deus, sed diabolus tentat.* Attamen morum corruptio, cum, ut debet, fuerit absterfa, vocationem non semper impedit.

Signa vocationis moraliter certæ, sunt iudicium directoris discretionem spirituum habentis, & in Ecclesiam bene affecti; congeries qualitatium animi & corporis, quæ ad obeunda sancti ministerii officia requiruntur; puram gloriam Dei, suamque & proximi salutem, omni quâ licebit viâ, procurandi intentio; Ecclesiastica, disciplinæ & à fortiori Ecclesiæ ipsius amor ingens & studium, &c.

Dubia vocationis indicia, sunt corporis ingenique talenta, ipsa vitæ puritas, ardens Ordines recipiendi desiderium, quod sæpe non à charitate, sed à charitatis adversaria cupiditate profluit. Puritatem morum & naturæ talenta inter æquivocas vocationis probationes recenseo: quia priori ornatos esse oportet Christianos omnes; posterioribus verò eos qui ad certos Reipublicæ gradus evehuntur. Et verò quot seculares in laica professione sancti & oculati, quos, quia seculares permanserunt, nemo vocationi Ecclesiasticæ defuisse suspicatur.

Colliges 2do. ei qui in tanti momenti materia errare nolu- it, explorandam sedulo esse Dei voluntatem: 1mo. oratione, in qua exclamandum cum Psalte: *Notam fac mihi, Domine, viam in qua ambulem, quia ad te levavi animam meam.* Psalm. 142. Si enim ait hic Augustinus, *non me docuerit, faciam voluntatem meam, & deseret me Deus meus;* 2do. Sapientiorum consilio, juxta id Eccli. 32. *Fili sine consilio nihil facias, & post factum non penitebit;* 3tio. plena totalique indifferentiâ, sic ut pendeat inter utrumque voluntas nostra, aut saltem neutri parum nimis inhæreat, cogitans semper nè fortè altera pars magis Deo placeat, prout solidè docet S. Bernardus.

Moral. Tom. I.

DD

SE-

SECTIO SECUNDA.

*De his quæ ab homine jam Clerico fugiendæ
sunt aut præstandæ.*

Differendum hic 1mo. de vitiis à Clerico fugiendis; 2do. de virtutibus quas exercere debet.

PUNCTUM PRIMUM.

De his quæ à Clerico vitanda sunt.

Certum est singula à Clericis omnibus vitia sedulò devitanda esse; certum quoque est ex iis esse non pauca, quæ Clericalem statum magis dedeant, & furorem Dei potentiùs inflamment, qualia sunt præsertim incontinentia, ebrietas, færale avaritiæ crimen; ambitio, simoniæ pluriùmque scelerum parens; hypocrisis, quæ etiam virtutes vertit in peccatum, & alia id genus. Quoniam verò hæc sigillatim insequi non vacat, duo nobis probasse sufficiet, 1mo. generaliter nullum esse peccatum quod horrere non debeat vir Ecclesiasticus; 2do. multa esse quæ etsi permissa Laicis, Clericis tamen imputentur in vitium, qualia sunt venatio, ludus aleæ, & similia. Sit igitur

CONCLUSIO I. generalis. Clerici ab omni vitio purissimi esse debent.

Prob. Si Clerici vel ab ipsâ mali specie abstinere debent, si quæ levia sunt in Laicis, hæc in Ecclesiasticis sint graviora, si demum quæ tolerantur in secularibus, hæc in militibus sacris redargui mereantur, utique certum est Clericos ab omni vitio purissimos esse debere: atqui hæc omnia constant: 1mo. quidem Clerici non solum debent abstinere ab his quæ sunt secundum se mala, sed etiam ab his quæ habent speciem mali. Ità expressè S. Thomas 2. 2. q. 77. art. 4. ad 3. Idem habet Concilium Remense an. 1583. à Gregorio XIII. confirmatum. Et verò si id generaliter ad Christianos omnes dictum sit I. Thessal. 5. quanto plus ad Clericos dictum censeferi debet; 2do. quæ levia sunt in Laicis, multò sunt in Clericis graviora, unde Tridentinum Sess. 22. cap. 1. de Reform. Clericis levia etiam delicta, quæ in ipsis maxima essent, effugiant; 3tio demum redarguuntur in Clericis. quæ in aliis tolerantur, aut etiam permittuntur. Plerumque ait S. Gregorius Lib. 8. Epist. 5. quod in Laicis culpa non est,

hoc

hoc crimen est in sacro Ordine constitutis. Consonat tritum id S. Bernardi Lib. 2. de Considerat. cap. 13. Inter seculares, nugæ, nugæ sunt, in ore Sacerdotis blasphemia consecrasti os tuum Evangelio, talibus jam aperire illicitum est, assuefcere sacrilegium.

Jam verò ut hæc per exaggerationem dicta, non esse pateat, sufficere perpendisse in Clericorum peccatis concurrere id omne, quò graviora effici possint, Ubi enim qui peccat eum offendit cui carior est, à quo & beneficia plura, & plura vitandæ offensæ media recipit, ubi denique per peccatum efficacius subvertitur intentio illius contra quem peccatur, hic necessarium est gravius peccari. Atqui hæc omnia in clericorum peccatis concurrunt: 1mo. eum offendunt cui sunt cariores, juxta id Zachariæ 13. *His plagatus sum in domo eorum qui diligebant me*, id est, diligere debuerant; ergo cum profundius lætatur cor amantis, gravius delinquit; 2do. eum ex consequenti offendunt à quo plus recepere boni, & plura proinde vitandi peccati media, cum Deus pro modo amoris sui gratias conferre soleat, & Sacerdotium vel solum, sit gratia quam nobis invident Angeli; 3tio. efficacius Dei consilia subvertunt; cum eo instituti sint sine: ut essent sal terræ, lux mundi, dæmonis imperii destructores; &c. Verùm ut ex iis quæ mox dicta sunt, quædam magis firmentur, sit.

CONCLUSIO II. Clerici à multis, quæ in secularibus non culpantur, aut minus arguuntur abstinere debent, qualia sunt 1mo. venatio, 2do. militia, 3tio. ludus alex. 4to. negotiatio, 5to. gestio negotiorum secularium, 6to. exercitium chirurgiæ, 7mo. popinarum ingressus, 8vo. luxus omnis, spectacula, commestrationes, & similia.

Prob. 1. pars de venatione, ex Ecclesiæ decretis. *Venationem*, ait Concilium Lateran. IV. can. 15. *& aucupationem universis Clericis interdiximus; unde nec canes, nec aves habere præsumant. Præcipimus*, ait Synodus Nannetensis an. 1264. *ut Prælati solicii sint & intenti in puniendo Clericos venatores, & præcipuè Presbyteros & Religiosos, de quibus majus scandalum generatur.* Consonat Aquisense Concilium an. 1585. ubi prohibetur nè Clerici ullum venationis genus exercent armave ferant; atque id etiam Regum nostrorum Capitularibus veritum est.

Nec dicas prædictos Canones usu contrario fuisse revocatos. Id enim, quidquid reclamant Clerici venatores falsum esse constat: 1mo. quia doctrina quæ Clericos venari prohibet, in omnibus Regni Seminariis docetur; 2do. quia

Episcopi penè omnes vetera Conciliorum Decreta in præsentem materiâ renovant, eaque cum se se offert occasio servari præcipiunt; 3tio. quia etiamnum subsistunt motiva, quæ Patres ad prohibendam Clericis venationem impulere. Hæc enim sunt, quod Clerici nec arma deferre, nec sine Clericali habitu prodire in publicum, nec tempus quod studio & orationi consecrare tenentur, inter canum latratus, consumere & terere debeant: atqui hæc omnia, aliaque, quæ ab expertis facillè intelliguntur, non minùs nunc urgent, quàm olim; ergo.

Hinc colliges Clericum venationi deditum, esse in statu peccati mortalis; gravitas enim peccati colligitur, tum ex gravitate pœnæ; quam lex infligit, aut minatur infligendam; tum ex inconvenientibus quæ legis violationem comitantur; tum ex modo quo præcepti executionem urget legislator: atqui Canones gravem minantur pœnam transgressoribus; aliunde sua sunt pericula & inconvenientia venationi quæ fit cum armis, &c.

Hæc de clamorosa venatione intelligenda sunt; Non enim, ut S. Raymundus, prohibetur Clericus ponere laqueum vel rete in silentio, dummodo tamen divinum officium, Scripturæ sacræ lectio, Theologiæ studium, meditatio, & similia non negligantur.

Addit Sylvius Clericum qui raro & absque scandalo venaretur, non nisi venialiter esse peccaturum. Haud equidem graviter arguerim Parochum qui leporem suis insidiantem caulibus ceciderit: sed nec diffiteri possum venationem prorsus omnem quæ sit cum strepitu & armis, plerisque Canonibus proscribi, unde satis dubia mihi videtur Sylvii decisio.

Prob. 2. pars de militiâ, ex Can. 6. xxiii. q. 8. ubi sic: *Quicumque ex Clero esse videntur, arma militaria non sumant, nec armati incedant quod si contempserint, tanquam sacrorum Canonum cōtemptores, & Ecclesiastica sanctitatis profanatores proprii gradus amissione multentur, quia non possunt simul Deo & seculo militare.* * Idem solidè probat, S. Thomas 2. 2. q. 40. art. 2. 1mo. quia bellica exercitia multum impediunt animam à contemplatione divinarum, & laude Dei, & oratione pro populo, quæ ad officium pertinent Clericorum; 2do. quia non competit Clericis occidere, vel effundere sanguinem, sed magis esse paratos ad propriam sanguinis effusionem pro Christo.

† Prob. 3. pars de ludis alex, ex Conciliis. Lateranense IV. Can. 16. sic habet: *Clerici ad aleas & taxillos non ludant, nec hujusmodi ludis intersint, quod salubre Decretum*

reno-

renovatum est à Tridentino Sess. 22. c. 1. de Reform. * Concilium Senonense an. 1528. *Aludo alearum, aliisque qui à sorte pendunt abstineant Clerici; neque ludentium fautores, spectatores aut testes existant.* Mediolanense I. *Nec solum Clericos ludere vitamus, sed eos ludorum spectatores esse volumus.* Idem docet S. Antoninus 2. part. 23. §. 6. Quot: inquit, in taxillis sunt puniæ, tot scelera ex eo procedunt. Primum est amissio temporis; 2. blasphemia; 3. contumelia; 4. dissipatio substantiæ temporalis; 5. Ecclesiæ contemptus seu inobedientia; 6. est furtum; 7. est gula; 8. homicidium; 9. invidia; 10. rerum in familiâ necessariorum penuria; 11. jactantia; 12. mendacium; 13. neglectus divinorum, dierumque sanctorum profanatio major quàm si terram colerent, quod est fæsta violare, &c.

† Hinc colliges 1mo. mortaliter peccare Clericos, qui sæpè alea ludunt cum jacturâ notabili temporis, vel etiam semel cum scandalo, vel magnâ pecuniæ summâ; (vel ex cupiditate lucri notabilis, ait N. Alexander) 2do. ludum in Clericis adeò indecorum, longè magis indecentem esse in Religiosis, eoque plus, quò arctiorem sanctioremque vitam proficiunt. Unde Lugo à viro gravi dictum refert, quòd si hominem Societatis Jesu vidisset semel chartis ludentem, judicaret eum mortalis peccati reum.

Colliges 2do. eos etiam Clericos, qui modicè & moderatè alea ludunt, vix immunes esse à peccato saltem veniali. Quod magis indubitatum esse debet in illis Diœcesibus, in quibus statuta hujusmodi ludos Clericis absolutè prohibent. Et verò chartarum illecebræ sensim rapiunt, & ludendi consuetudinem pariunt. Quin & penè semper hominem ad pietatis officia segniorem efficiunt. Ut quid ergo alex ludos quærent, qui honestis aliis lûsibus animum innocenter possunt recreare?

Colliges 3tio. non rarè evenire ut Clerici ac ipsi Laici eos inspiciendo qui ludunt mortaliter peccent: atque id præsertim contingit, cum qui ludendo mortaliter peccant sive ob blasphemias, sive ob notabiliorem, quam exponunt summam, &c. ex eorum qui circumstant aspectu inducuntur efficaciter ad continuandum.

Prob. 4. pars de negotiatione. Scilicet enim negotiatio est contractus, quo quis rem eo animo comparat, ut integram & non mutaram vendendo, aut permutando lucretur: atqui ea contractûs species, & Clericis, & Religiosis strictè interdicta est. Commertium enim periculi plenum; quod hominem implicat negotiis secularibus, eumque à Deo avo-

cat, non potest licitum esse iis, qui se suaque Evangelio consecraverunt, atqui negotiatio quoddam est commercii genus plenum periculi, &c. Hinc Alexander III. cap. 6. *Ne Clerici vel Monachi*, ait *Secundum instituta prædecessorum nostrorum sub interminatione anathematis prohibemus, nè Monachi vel Clerici causâ lucri negotientur*. Idem sanxit Concilium Mediolan. I. cap. 26. ergo mortaliter peccant Clerici aut Religiosi negotiatores: cum gravissima anathematis censura nec decernatur, nec præparetur iis qui venialiter solum delinquant, Hanc porrò & similes pœnas nuper renovavit Benedictus XIV. in Bullâ *Apostolica servitutis* data anno. 1740. *Contra Clericos secularibus negotiis se*, sub suo vel alieni nominis velamine, immiscentes.

Hic quædam notanda 1mo. citatos Canones ab Haberto & Lugo restringi ad Clericos qui vel in sacris sint, vel Beneficarii. Multò tamen satius est ut qui Clerici manere volunt, ab iis omnibus abstineant, ut quæ periculum habeant, & non nihil indecentiæ. Certè Can. 10. dist. 88. non solum indistinctè loquitur, sed & negotiationem prohibet statim ac quis *Ecclesiasticus factus est*. Et verò ut quid Clericus esse pergit, qui mercatorem agere vult.

Ceterùm, ait Lugo *conveniunt omnes* negotiationem iis etiam Religiosis qui Clericalem gradum non habent, veritam esse; idque Turrianus ad ipsos etiam Novitios extendit. Posset tamen hic ut alibi excusare gravis & urgens Clerici ac Religiosi necessitas.

2do. Non constat an Clericus etiam in sacris constitutus, qui semel aut iterùm negotiatur, puta libros, cruces & similia ad revendendum emendo, mortaliter peccet. Negant plures nisi tamen inter sit scandalum, & negotiatio fiat in maximâ summâ, quia id non videtur alioqui gravis indecentia, & aliunde Canones qui negotiatorem Clericum gravibus subjiciunt pœnis, non actum transeuntem, sed consuetudinem & habitum insinuare videntur. In hoc tamen sicut & in quocumque casu dubio, pars tutior tenenda est.

3tio. Ambigitur an Clericis liceat negotiari per alios? qui totam præstent industriam. Negat. P. Antoine id extra necessitatis casum fieri posse absque Rom. Pontificis consensu saltem tacito. Tum quia, inquit, est illud Ecclesiastico statui indecorum; tum quia ita sancitum est consuetudine quæ vim legis habet; unde & reprehenderentur qui secus facerent. Mitior hic Antonio Sylvius fateretur tamen *hujusmodi mercimonium, & statum Ecclesiasticum dedecere, & vix absque aliquo Clerici peccato fieri posse*.

4to. Et vetat Concilium Calcedonense cap. 3. nè Clerici ulli vel Monachi, conductores alienarum possessionum fiant, possunt tamen & proprios agros colere ut fructus vendant, & greges suis in prædiis alere, ut vel saginatos venundent, vel ex lanâ & lacte lucrum honestum, & pie impendendum percipiant, secundum id Concilii Carthaginensis IV. an. 398. Clericus victum & vestimentum sibi artificioso, vel agriculturâ, absque officii sui duntaxat detrimento parat. Porro necessum est ut quas exercebit artes Clericus, non dedeceant Clericalem statum; unde nec chartas luforias, taxillos, arma bellica conficere potest, nec macellarium aut tabernarium agere, quod & eisdem Canonibus interdictum est; nec frequentare nundinas.

Prob. 5. pars de secularium negotiorum gestione 1mo. ex Apostolo II. ad Timot. 2. ubi & assertio nostra, & efficax ejusdem probatio traditur: *Nemo militans Deo implicat se negotiis secularibus; ut & placeat, cui se probavit; 2do. ex tot. tit. Nè Clerici vel Monachi secularibus negotiis se immisceant.*

Quæ verò secularia negotia Clericis interdicta sunt fuscè evolvit Concilium Mediolanense I. c. 26. *Qui Deo militat, ait, implicare se negotiis secularibus prohibetur; idcirco edicimus: Nè Clericus sacris initiatus, aut Ecclesiastico Beneficio præditus, coram iudice seculari Advocati aut Procuratoris nomine causas, nisi ab aliis in iudicium vocatus, suam vel Ecclesiæ suæ, propinquorum etiam: si necesse erit, & miserabilium personarum causas, facultate ab Episcopo prius scripto concessâ tueatur. Nè in profanis negotiis Officium Tabellionatus exerceat. Nè artem medendi faciat, Nè in negotiationibus & mercaturis se interpretem & medium interponat Nè aliena prædia lucri causâ conducat. Nè aliorum tutelam aut curam liberè suscipiat. Nè pro illis fide jubeat, nisi id exigant pietas & misericordia, quo etiam in casu opus est Episcopi dispensatione. Nè alicujus Principis, aut alterius, negotiorum procurator, sit sine facultate ab Episcopo prius per literas impetratâ, & singulis annis renovandâ, &c.*

Iis insistendum est statutis, nisi quibusdam derogaverit sana consuetudo, ut in Galliis, ubi, cum de civilibus agitur, Clerici Consiliarios & Judicum officiis in Reipublicæ bonum defunguntur.

Prob. 6. pars de exercitio Chirurgiæ, ex cap. 9. *Ne Clerici Monachi, ubi prohibetur: Nè ullam Chirurgiæ artem Subdiaconus, Diaconus, vel Sacerdos exerceat, quæ adusionem vel incisionem inducit.*

Prob. 7. pars de popinarum ingressu. *Non oportet*, ait Concilium Laodicenum an. 320. *Clericos etiam Ostiarios aut Psalmistas, tabernas intrare.* Lateranense IV. Can. 15. & 16. *à crapulâ & ebrietate omnes Clerici diligenter abstineant nec ad bibendum quispiam incitetur Tabernas prorsus evitent; nisi forte causâ necessitatis in itinere constituti.* Idem præcipiunt Concilia Agathense, Aquilgranense, Sueffionense, Londinense, Remense, & innumera Episcoporum statuta.

Quam ergo periculose illudunt sibi tot Sacerdotes, qui tabernas sub pœnâ suspensionis, peculiari locorum lege prohibitas sibi, palam & temerè frequentant; quasi qui eas prohibent Episcopi, potestate suâ abutantur, & id vetare non possint, aut debeant, quod omnibus pene sæculis vetuere Concilia? quasi Ministros Christi ea deceat invisere loca quæ vix permittunt sibi homines mundanæ frugis? * aliud sanè iudicabat Hieronymus in Epist. ad Nepotian. *Convivia, aiebat, tibi detestanda sunt maxime secularium Nunquam petentes raro accipiamus rogati. Facile contemnitur Clericus, qui sæpè vocatus ad prandium, non recusat.* Aliud & sentiebat immanis ille Christianæ fidei hostis Julianus Apostata, qui falsorum numinum Pontifices Clericalis modestiæ æmulos esse volens, sic ad Arsatium Ethnicum Pontificem scribebat Epist. 49. *Sacerdotem quemque hortare, ne accedat ad spectacula, neve in tabernâ bibat Et qui tibi in his rebus resistunt expellito.*

† Prob. 8. pars de luxu, spectaculis, & similibus. De Luxu patet ex Can. 15. Concilii IV. Carthaginensis, ubi sic: *Episcopus, & à fortiori Clerici inferiores, vilem suppellectilem, & mensam, ac victum pauperem habeat, & dignitatis suæ auctoritatem fide & vitæ meritis quærat.* Concil. Nicænum II. *Omnis luxus & ornatus corporum, est à sacerdotali statu alienus.*

De Spectaculis idipsum docent plura Concilia; è multis unum adducemus Narbonense an. 1699. ubi sic cap. 41. *Ut monemus populum, ita Clericos districte choreas quâcumque ex causâ ducere, aut illis interesse prohibemus; vitent tripudia, ludos publicos ad histriones non accedant: ne puritas Sacerdotis rerum inanium aut etiam obscenarum aspectu polluat. Contra agentes panâ carceris, & aliâ ad arbitrium Ordinarii comprimantur.*

Cetera non prosequimur ut quæ à primâ Conclusionis sponte fluant. Unum hic monebimus plurimos esse, qui vel in ipso sacrorum Ordinum ingressu reos se faciunt gravissimæ fraudis, dum Episcopo [quasi verum exhibent titulum] collusorium, hypothecis realibus gravatum, multò minorem sum-

CAP. I. *De obligat. Clericorum.*

summâ per diocesanam legem constituta: & ii omnes iure communi, Parisiis & alibi vigente, suspensionem incurrunr ipso facto, nec ab ea â quoquam absolvi possunt, donec titulum legitimum assecuti sint aut ab eo dispensati.

PUNCTUM SECUNDUM.

De iis quæ à Clerico præstanda sunt.

UT vitia omnia à Clericis vitari, sic & ab iis virtutes omnes constanter exerceri debent. Eos verò præcipuè decent fides intensa, spes firma, Charitas ardens, zelus & suæ & alienæ salutis, religionis & orationis spiritus, hospitalitas, castimonia, mansuetudo, & aliz ejusdem generis dotes, quas sigillatim indagare non sinit angustior voluminis textura. Sed quia quedam sunt, quæ an etiam Clericis necessaria sint, ambigi videtur saltè in praxi, ea paucis expendenda credimus. Sit

CONCLUSIO I. Clerici simplices Tonsuram & habitum Clericalem, qui verò sunt in sacris vel Beneficarij vestem talem gerere debent.

Prob. 1. pars. Eam in Tonsurâ & habitu Clericali formam sequi debent Clerici quicumque, quam seriò præscripsere sacri Canones, quam urgent & urgere debent omnes Episcopi, quam constanter secuti sunt, qui bonum in Ecclesiâ nomen obrinuere: atqui quòd Clerici Tonsuram, habitum statui suo convenientem gestent, seriò præscripsere S. Canones, idipsum urgent omnes Episcopi, &c.

imo. quidem id præcipiunt Canones. * *Præcipimus, ait Concilium Lateranense II. cui, Præsidente Innocentio II. intererant mille circiter Episcopi, ut tam Episcopi, quàm Clerici, in statu mentis, in habitu corporis, Deo & hominibus placere studeant: & nec in superfluitate, scissurâ aut colore vestium, nec in Tonsurâ intuentium offendant aspectum ... quòd si moniti ab Episcopis emendare se noluerint, Ecclesiasticis careant Beneficiis.* An porrò nihili erit culpa, quam qui admiserint, sunt à Beneficiis arcendi? * Idem sanxit Concilium Trident. Sess. 14. cap. 6. *De Reform.* ubi vanam, quæ à vanis Ecclesiasticis afferri solet excusationem his explodit verbis: *Et si habitus non facit Monachum, oportet tamen Clericos vestes proprio congruentes Ordini semper deferre, ut per decentiam habitus extrinseci morum honestatem intrinsecam ostendant.*

2do. Eandem servari formam volunt, & urgere debent:

* Anno 1139.

Dd5

Episcopi

Episcopi. Quod velint patet ex Statutis cuiuscumque Diocesis. Quod velle debeant, patet ex tridentino ibid.

3tio. Demum constans ea fuit, est, & semper erit, omnium qui Ecclesiam diligunt, agendi ratio. Neque id mirum: 1mo. quia quisquis statum suum amat, eiusdem insignia non dedignatur; 2do. quia habitus Clericalis à multis retrahit excessibus, neque eum hæcenus deposuit quisquam ut liberius Deo vacaret; multi verò, nisi omnes, ut ea facerent, contra quæ vel ipse habitus reclamaret; 3tio. quia Clericus laicâ indutus veste, vel hoc ipso scandalum parit, & quasi admonet se Sanctuarium non amore Sanctuarii, sed lucri intuitu fuisse ingressum.

Prob. 2. pars, ex 92. Sixti V. Bullâ, ubi sic: *Hæc nostrâ perpetuâ valiturâ Constitutione præcipimus & mandamus omnibus & quibuscumque Clericis, non solum in sacris, sed etiam... Clericali Tonsurâ insignitis, & nedum ecclesiastica Beneficia, qualiacumque..... verum etiam pensiones percipientibus..... ut Tonsuram & habitum Clericalem, vestes scilicet talares, quacumque dilatione aut tergiversatione postpositâ, debeant omnino assumere, & jugiter deferre, &c.* Et ceriè ex quo cessante persecutionum æstu, laicæ & sacre vestes discerni cœperunt, vix amplius quidquam sacris Canonibus commendatum est: adeò ut qui rem istam plenius investigavere, eandem invenerint definitam ab œcumenicis Conciliis tredecim, ab octodecim Romanis Pontificibus, à Nationalibus, Provincialibus Conciliis 150 Diocesanis Galliarum, Italiarum, Angliarum, Poloniarum, &c. Synodis trecentis & ultra.

Nec nocet quod allegant Clerici talaris vestis impatientes: 1mo. quod ab eâ deferendâ causâ dispensent se viri complures moribus ceteroqui rectis instructi; 2do. Deum non vestes sed corda inspicere.

Utraque enim hæc evasio jam pridem præclusa est. Prima quidem ab Innocentio III. cap. 3. *De consuetud.* his verbis: *Consuetudo quæ Canonice obviat institutis, nullius debet esse momenti.* Secunda verò à S. Bernardo, L. 3. de Consider. c. 5. *Solent dicere: Num de vestibus cura est Deo, & non magis de moribus? at forma hæc vestium deformitatis mentium & morum indicium est. Quid sibi vult quod Clerici aliud esse, aliud videri volunt? nempe habitu milites, quæstu Clerici, actu neutrum.*

Hinc colliges 1mo. mortaliter peccare Clericos in sacris aut Beneficiarios, qui sine legitimâ causâ vestem nigri coloris, eamque talarem ferre negligunt; quia sanctiones crebrò reperitas in materiâ quam pro gravi habet Ecclesia, prætergredi, à gravi.

gravi culpâ excusari nequit. Rurales tamen Parochos in interiori domo, breviori veste * sine peccato uti posse censet Sambovius, nisi, inquit, aliud ferant Diœcesis statuta.

Dixi, *sine legitima causâ*. Hæc autem est: 1mo. necessitas status suum celandi, ut ii faciunt, qui apud Hereticos fidem disseminant; 2do. iter faciendo, prout indulgendo docet Synodus Mediolanensis II. anno 1571. sed hæc duplici limitatione, 1mo. ut etiam tunc talis, tamque decens feratur habitus, ex quo eos, qui iter faciunt, esse Ecclesiastici Ordinis homines agnoscî possit; 2do. ut cum eò venerint, quò pervenire contendunt, etiamsi locus sit in Diœcesis alienæ finibus, talarem togam induant.

Hic duo notandi: 1mo. multò esse laudabilius ut etiam in itinere & equitatione talaris toga deferatur. Id enim minus habet pœnæ quam existiment multi; & si plus haberet, sponte ob Christi graviora passi, & Ecclesiæ amorem ferendum esset: 2do. etsi absolute licitum sit in itinere uti habitu breviori, haud tamen licitum esse sine talari toga Missam celebrare, vel altari deservire: & id multis in Diœcesibus quoad Missæ celebrationem sub pœnâ suspensionis ipso facto incurrendæ prohibitum est.

Colliges 2do Eò plus in hæc materiâ ut & in aliis peccari, quò plus à canonum literâ receditur. Unde Beneficiarius qui pallium breve, cum breviori veste nigri coloris, gerit, minus peccat, quàm qui habitum ferè laicalem gestant. Neque tamen hic, saltem si ut solet, res ex consuetudine fiat, letalem deesse culpam credidero.

Quod spectat ad juniores Clericos, dicimus eos etsi Beneficarii non sint, teneri saltem sub veniali Tonsuram & habitum Clericalem gerere, quandiu servant propositum in Ecclesiastico statu permanendi.

Colliges 3tio. Verè coram Deo lugendam esse sortem, ut omnis penè gradûs Clericorum, qui nedum Tonsuram pro Ordine quo insigniti sunt, majorem aut minorem gestent, & crines modestè detonsos habeant, retortos è contra, calamistratos, & odorato conspersos pulvere, in ipsa Dñi domo, in processionibus & ad ipsum altare præferunt, inter ipsa sacra mundani. An verò gratis dictum est; *Et erit, in die hostiæ Domino, visitabo super omnes, qui induti sunt veste peregrinâ*, Sophon 1.

Colliges 4to. Adscitiam comam, nec sine causâ, nec nisi modestè, ubi causâ est, referendam esse. Et verò ex iis quæ jam ab Apostolorum temporibus contra fœminas torti & compri capilli nimium amatrices dicta sunt, faciliè, colligere est
* Soutanelle.

quo

quò impetu in Clericos eidem obnoxios vitio fuissent Patres insurrectori: Quanta enim culpa, aiebat S. Gregorius, hoc viros appetere, à quo fœminæ prohibentur.

CONCLUSIO. II. Clerici omnes divinis Officiis, Festis & Dominicis diebus interesse tenentur.

Prob. ex Tridentino Sess. 23. *De reform. cap. 6.* ubi sic: Nullus primâ Tonsurâ initiatus.... fori privilegio gaudeat, nisi.... Clericalem habitum & Tonsuram deferens, alicui Ecclesiæ ex mandato Episcopi inserviat: atqui vix aliter Ecclesiæ inservire possunt Clerici juniores, quàm Officia divina modestè & assidue, quantum sibi licet, frequentando; ergo ad id tenentur. Et verò, ut sapienter monet Aquileiense Concilium, Nihil potest videri absurdius, quàm ut seculares Officiorum divinatorum tempore Ecclesiam frequentent, Clerici refugiant; illi Deum vel tacitis vocibus in Ecclesia laudent, isti... boni averfione scandalum præbeant.

CONCLUSIO III. Clerici omnes præsertim in sacris, Ecclesiæ ceremonias scire, & adamussim observare tenentur.

Prob. 1^{mo}. Quia major est in novâ lege obligatio ceremonias ad cultum Dei spectantes scire & observare quàm fuerit in antiqua; cùm cultus quò sanctior est, eò scrupulosè magis quoad omnes sui partes impleri debeat: atqui gravis in antiquâ lege vigeat obligatio infinitas prope Judaicæ religionis ceremonias, tenendi & exequendi; ut patet ex Deuteronomii cap. 28. Quod si audire nolueris vocem Domini Dei tui, ut custodias & facias.... ceremonias quas ego præcipio tibi hodie, venient super te omnes maledictiones; ergo.

† Prob. 2^{do}. Quia cùm sacra sine quibusdam ceremoniis peragi nequeant; qui Ecclesiæ ritus ignorat, alios pro arbitrio & phantasiâ fingere sibi tenetur; & ex consequenti à probatori Ecclesiæ usu recedere: atqui non potest ea inversio rerum fieri sine peccato. Si quis, ait Tridentinum Sess. 7. Cant. 13. de sacram. in genere dixerit: receptos & approbatos Ecclesiæ Catholicæ ritus, & in solemnî Sacramentorum administratione adhiberi consuetos, aut contemni, aut sine peccato à Ministris pro libito omitti, aut in novos alios per quemcumque Ecclesiarum Pastorem mutari posse, anathema sit. Erverò docet eadem Synodus Sess. 22. cap. 5. 1^{mo}, plures Ecclesiæ ceremonias ab ipsiis Apostolorum temporibus institutas fuisse; 2^{do}, institutionis hujus finem fuisse, ut sua rebus sacris majestas afferatur, utque fideles ex visibilibus deducantur ad invisibilia fidei mysteria: itane verò res ipsa suâ origine sacras, & ad finem nobilissimum spectantes, pro nihilo ducere licet, & pro nutu abjicere? Licet hinc populis scandalum & nauseam parere, quod iis in ædificatio-

edificationem paratum est; Licet Ecclesiæ Ministris turpem sibi imperitorum, indevotorumve notam aspergere? licet graves plerumque in Ecclesiâ turbas ciere, ut ii hodie faciunt, qui contra totius Ecclesiæ legem, altâ voce & Orationes secretas, & Canones recitant.

CONCLUSIO IV. Beneficiarii, & Clerici in sacris ad Officii recitationem tenentur.

Prob. ex dicendis ubi de Religione.

CONCLUSIO V. Clerici omnes ad castitatem tenentur; sed multò strictius, qui sunt in Sacris.

Prob. 1. pars. Tenetur unusquisque ad virtutes statûs sui proprias; atqui castimonia est virtus, Clericalis statûs etiam genericè sumpti maximè propria: 1mo. quia summopere decet omnes Christi Ministros eam profiteri virtutem, quam speciali professus ratione est *Christus virgo, virginis filius, virginum sponsus*, uti loquitur S. Bonaventuræ; 2do. quia inferiores Clerici ad Ordines sacros, quâ sanctiori poterunt via gradum facere debent: *Nemo autem*, ait Urbanus II. dist. 32. cap. 12. *ad sacrum Ordinem permittatur accedere, nisi aut virgo, aut probatæ sit castitatis*. Si ergo grave sit in Laico impuritatis peccatum, utique gravius erit in Clerico; unde turpes aspectus, obscenas vel ambiguas voces, & similia effugere debet, *quasi à facie colubri*? imò nec tutâ conscientia ad Subdiaconatum accedere potest, nisi spem habeat moraliter certam servandæ perpetuæ, & omnimodæ castitatis.

Prob. 2. pars ex variis Conciliis.* Carthaginense II. cap. 2. *Epi scopos, inquit, Presbyteros & Diaconos placuit continentes esse in omnibus ... ut quod Apostoli docuerunt, & ipsa servavit antiquitas, nos quoque custodiamus*. Idem docet Concilium Lateranense I. cap. 22. *De Presbyteris, Diaconis, Subdiaconis, & Monachis*. †Decreta hæc quibus innumera alia possent adjungi renovavit Trid. Synodus, Sess. 24. Can. 9. his verbis: *Si quis dixerit Clericos in sacris Ordinibus constitutos, vel Regulares castitatem solemniter professos, posse matrimonium contrahere, contractumque validum esse non obstante lege Ecclesiasticâ vel voto ... posseque omnes contrahere matrimonium, qui non sentiunt se castitatis etiamsi eam voverint, habere donum; anathema sit: cum Deus id rectè petentibus non denegat, nec patiatur nos supra id quod possumus tentari*. His præmissis sic disputo.

* Ut Clerici in sacris castimoniam impensè colere teneantur, tria sufficiunt. 1mo. ut virtutem hanc eis injungere pòuerit Ecclesiâ; 2do. ut & quadantenus debeat; 3tio. & ut injunctum defacto: atqui hæc omnia constant. Et quidem quod injunxerit,

junxerit, probant Canones citati; quod autem potuerit, & quantenus debuerit, hinc patet quod Coelibatus plurimum conducat ad obeunda dignè Ecclesiæ munia; quæ præcipuè sunt Sacrificium altaris, Sacramentorum administratio, Oratio frequens, actus docendi, pauperum cura & sublevatio: 1mo. enim Sacrificium & Sacramentorum administratio; magnam, & si fieri possit, Angelicam puritatem requirunt: in actu autem conjugii, etsi per se non malo, certum est aliquid reperiri quod & puritatem, & imaginationem offendat; 2do. Oratio & doctrina mentem uni addictam Deo, & à secularibus curis expeditam postulant; porro qui cum uxore est, sollicitus est quæ sunt mundi, quomodo placeat uxori, & divisus est, cum à contrario qui sine uxore est, sollicitus sit quæ Domini sunt, quomodo placeat Deo. 1. Cor. 7. 3tio. Pauperum cura requirit animum liberalem & sanctè prodigum; is autem multò difficilius reperitur in conjugatis, qui de alendâ familiâ, de dandis, & nuptui dandis filiis præcipuè laborant.

† Obijciunt Protestantes: 1mo. id Genes. 1. *Crescite & multiplicamini*, quod ad omnes dictum fuit; 2do. quod ex Paulo 1. Timoth. 3. *Oportet Episcopum esse unius uxoris virum*, &c. quod autem permiscere Apostoli, quis prohibere possit? 3tio. quod idem Apostolus ibid. cap. 4. *doctrinam demoniorum* eam vocet, quæ prohibet nubere: id verò prohibent Doctores Romani; 4to. quod ex Hebr. 13. *honorabile esse debeat connubium in omnibus*, si autem in omnibus, ergo & in Presbyteris; 5to. quod ex Coelibatu Sacerdotum, innumera apud Catholicos prodeant scandala, &c. Verùm hæc moram non faciunt. Unde.

R. ad 1. verba hæc, *Crescite*, &c. vel præceptum non esse. sed benedictionem; quia etiam ad pisces & aves dixit Deus, *Crescite*: vel si hic subsit præceptum, debere illud referri ad tempus, quo primos terræ incolæ multiplicari oportuit, vel si etiamnum urgeat illud præceptum, non obligare singulos in particulari, sed solum humanum genus in communi; alioqui Elias, Jeremias, uterque S. Joannes, S. Paulus, & ipse Christus, hujus præcepti transgressores fuissent.

Ad 2. sensus Apostoli est, neminem qui duas simul aut successivè habuerit uxores in Episcopum aut Diaconum eligi debere, non autem ut eligi nemo possit nisi uxorem habens; quid enim sibi voluisset Paulus legem imponendo; quam ipse non servabat; imò & à quâ simplices fideles dehortabatur cum aiebat 1. Cor. 7. *Volo omnes vos esse sicut me ipsum*.

Quod addunt, non posse id prohiberi quod ab Apostolis est permissum, utique falsum est: 1mo. quia alioqui permitti non posset

posset quod prohibuerunt Apostoli; & tamen apud ipsos Pro-
testantes licitus est elus sanguinis, & suffocatorum; 2do. quia
nonnulla Apostolorum constitutiones, purè Ecclesiasticæ erant,
quæ proinde immutari potuerunt.

Ad 3. diabolica quidem est doctrina, quæ cum Manichæis
nuptias quasi à dæmone inventas prohibet: sancta autem & sa-
lutaris, quæ vult ut Sacerdotes propter eminentiam statûs sui,
& functionum sanctitatem Cælibes vivant. Neque id est, sim-
pliciter prohibere matrimonium, sed velle ut ex hypothesi certi
statûs, continentia servetur.

Ad 4. matrimonium esse debet honorabile in omnibus, id
est, omni ex parte, ut patet ex græco textu, ubi vox *in omni-*
bus, est neutrius generis. Undè meritò redarguitur & Gene-
vensis versio, quæ locum hunc reddidit: *Honorable est le ma-*
riage entre tous, & quæ ab eâ non satis distat versio Monten-
sis: *Que le mariage soit traité de tous avec honnêteté*. Melius
sanè & Lovanienſes, & Amelorus; *Que le mariage soit hono-*
rable en toutes choses. Adde quòd si vox *In omnibus* intelli-
geretur de personis, non intelligeretur de singulis distinctè, sed
de iis quas Deus ad matrimonium vocat, & quæ nullo ejus
contrahendi impedimento tenentur.

Ad 5. qui è duodecim Apostolis unum fuisse diabolum co-
gitabit, non mirabitur quòd è tot Romanorum Clericorum
millibus, qui Castitatem spondent, aliquando malè vocati, abs-
que sufficienti virium suarum experimento, aliqui identidem
turpiter labantur: sed quid ii sunt contra tot eunuchorum vo-
luntariorum millia, qui angelicè vivunt? An ex uxoris Pro-
testantium Ministris nulli justos limites transgrediuntur.

Hinc colliges 1mo. eos temerè & illicitè sacros Ordines am-
plecti, qui se ipsos non satis quoad præſens castitatis punctum
probavère. Nec minùs peccant Confessarii, qui fragiles ad-
huc, nec satis probatos admittunt,

Colliges 2do. duplicis esse reos peccati quicumque sacris
Ordinibus insigniti, sive exteriùs, sive solâ etiam cogitatione,
aut delectatione morosâ castitatem violant: unde statûs sui c r-
cumſtantiâ aperire tenentur. Ratio est quia non modò pu-
ritatem lædunt, sed & implicitum castitatis omnimodæ votum,
quod emisère, prout docet communior Theologorum opinio,
ex his S. Gregorii verbis: * *Nullum facere Subdiaconum præ-*
sumant Episcopi, nisi qui se vidurum castè promiserit.

Colliges 3tio. gravis reos esse peccati eos etiam qui proxi-
mo temerandæ pudicitia periculo se exponunt, ut ii faciunt quî
contra Ecclesiæ Cænes & Dioecesana statuta juniores habent
ancillas: irèm qui ex frequenti cùm mulieribus convictu vel

inordinata quædam experiuntur quibus cedunt, aut facile cedere possunt, vel pravam de se suspensionem, & Laicis scandalum ingenerant; ac ii demum qui apud se suspectas mulieres quocumque in gradu consanguineæ sint, retinent. Jam dudum enim interdixit per omnia magna Synodus Nicæna Can. 3. non Episcopo, non Presbytero, non Diacono, nec alicui omnino qui in Clero est, licere subintroductam habere mulierem: nisi fortè aut matrem, aut sororem, aut amitam, vel eas tantum personas quæ suspensionem effugiunt. Quæ egregiè confirmat Hieronymus Epist. 11. ad Nepotian. *Hospitalum tuum aut rarè aut nunquam mulierum pedes terant. Omnes puellas & virgines Christi aut æqualiter ignora, aut æqualiter dilige. Ne sub eodem tecto mansites, neque in præteritâ castitate confidas. Nec sanctior Davide, nec Samsonè fortior, nec Salomone potes esse sapientior.*

ARTICULUS SECUNDUS.

De obligationibus Beneficiorum.

Beneficiorum obligationes, præcipuè ad quinque reducuntur: 1. est Tonsuræ & habitus decentis gestatio, de quibus suprâ; 2. recitatio horarum, de quâ alibi; 3. residentia in loco Beneficii; 4. unius tantum possessio Beneficii, si sufficiens sit; 5. legitima ejusdem fructuum dispensatio: quæ tria hic expendemus.

SECTIO PRIMA.

De Residentiâ.

Residentia definiri potest, Personalis in loco Beneficii commoratio, & ibidem munerum Ecclesiasticorum functio, Unde non relidet Episcopus, qui etiam in Diocesi suâ remanens, est canis mutus, non valens latrare, cum tempus concionandi & increpandi urget; qui de luxu, aleaque & vitis ablegandis parùm aut nihil curat; qui Diocesim suam rarè & non integrè visitat, & Confirmationis Sacramentum non ministrat in locis remotioribus. Idem dicendum de Canonicis qui Matutini tempore stertunt in lecto, aut in Choro libros legunt, & non canunt officium. Ut ergo quæ ad residentiam pertinent discutiantur, sit.

CONCLUSIO. Beneficia quibus annexa est animarum cura, ut Episcopatus, Parochia, Vicarius perpetuus, Abbatia, & Prioratus Regulares, &c. residentiam exigunt jure naturali, divino, Ecclesiastico, & civili.

Prob.

Prob. 1. pars. De jure naturali, ex ipso hujusmodi Beneficiarii nomine; ii enim passim dicuntur, Pastores, Speculatores, Magistri, Rectores, Doctores, Lux populi, Duces eorum, &c. sed Pastor, Magister, Doctor, &c. jure naturali tenetur iis assidere quorum est Magister & Pastor; quia alioqui nec pascit, nec docet. Atque hanc Pastoris obligationem manifestè edidit Christus his verbis Joann. 10. v. 11. *Bonus Pastor animam suam dat pro ovibus suis; mercenarius autem, & qui non est pastor, cujus non sunt oves propriæ, videt lupum venientem, & dimittit oves, & fugit.* & v. 2. *Qui intrat per ostium, pastor est ovium; huic ostiarius aperit, & oves vocem ejus audiunt, & proprias oves vocat nominatim, & educit eas...* & ante eas vadit, & oves illum sequuntur, &c. ergo Pastor jure naturali tenetur ab ovili suo non abesse. Ecquis mente sanus in quæstionem adducet utrùm dux in bello dum geritur, & miles in acie debeat existere?

* Confirm. nam 1mo. jure naturali tenetur sponsus residere cum sponsâ, neque quod Deus conjunxit, homo separare potest: atqui Episcoporum & Parochorum sponsa est eorum Ecclesia, cum quâ spirituale matrimonium solemniter contraxerunt, ut ait S. Pius V. in Bullâ suâ 64. ergo. 2do. tenetur quilibet præsertim stipendio conductus, gravissima, dum potest, proximi damna avertere: porrò absentiam Episcoporum & Parochorum gravissima damna consequuntur, ut docet frequentior experientia.

† Prob. 2. pars de jure divino. Ezech. cap. 34. *Væ pastoribus Israël, qui pascebant semetipsos. Nonne greges à pastorebus pascebantur? lac comedebatis, & lanis operiebamini, & quod crassum erat occidebatis, gregem autem meum non pascebatis. Quod infirmum fuit non consolidastis, & quod agrotum non sanastis... quod perierat non quæsisistis... Et dispersæ sunt oves meæ, eò quod non esset pastor: & facta sunt in devorationem omnium bestiarum... Propterea pastores audite verbum Domini; Hæc dicit Dominus Deus: Ecce ego ipse super pastores requiram gregem meum de manu eorum, & cessare faciam eos ut ultra non pascant gregem, &c.* Unde sic: Ad illud tenentur Pastores jure divino, cujus omissionem Deus graviter arguit, & severè minitatur puniendam: sed residentia omissionem Deus citatis verbis graviter arguit, atque ostendit simul eos non residere, qui in otio & molitie circa gregem suum elanguent, quod perit non quærunt, &c. ergo.

Idem docet Concilium Triden. Sess. 23. cap. 1. *De reformatione* Cùm, inquit, præcepto divino mandatum sit omnibus quibus animarum cura commissæ est, oves suas agnoscere, pro his sacrificium

cium offerre, verbique divini prædicatione, Sacramentorum administratione, ac bonorum omnium operum exemplo pascere, pauperum, aliarumque miserabilium personarum curam paternam gerere, & in cetera pastoralia munera incumbere, quæ omnia nequaquam ab iis præstari & impleri possunt, qui gregi suo non invigilant, neque assisunt, sed mercenariorum more deserunt: sacrosancta Synodus eos admonet, & hortatur, ut divinatorum præceptorum memores, factique forma gregis, in iudicio & veritate pascant & regant. Atqui hæc verba clarè definiunt residentiam jure divino præcipi; ergo.

Confirm. ex Apostolo II. Timoth. 4. *Tu vero vigila, in omnibus labora, opus fac Evangelistæ, ministerium tuum imple.* Quis porro dixerit Episcopum ministerium suum implere, opus facere Evangelistæ, denique esse bonorum omnium exemplar per Vicarium suum, aut substitutum?

Prob. 3. pars, de Jure Ecclesiastico & civili, tum ex toto titulo *De Clericis non resid.* tum ex Edictis Blesensi & Aurelianensi, in quorum ultimo sic loquitur Carolus IX. *Résideront tous les Archevêques, Evêques & Curés, & fera chacun d'eux en personne son devoir uu chagre, à peine de saisie du temporel de leurs Benefices.*

Obj. 1mo. Non raro Parochus aut Episcopus officium suum melius exequitur per alium; putà si quem loco suo præficit gregi, sanctior sit, doctior, populisque acceptior; ergo.

R. neg. conseq. Etsi enim cessare potest ratio residendi deducta ex inconvenientibus quæ non residentiam sequi solent, (quod tamen difficile est, quia vix suppleri potest amor proprii Pastoris) sunt tamen aliæ rationes quæ non cessant: putà quòd qui stipendio fruitur, laborare debeat; quòd cui sufficit ut per alium laboret, ei sufficere debeat, ut per alium vivat & manducet. Hinc S. Bernardus, * *qui per vicarium inservit, per vicarium remunerabitur,*

Confirm. nam 1mo. sine scandalo fieri nequit, ut qui aliis præluere debent exemplo, quæ sui sunt officii non præstent; 2do. si Rex aut Respublica non patitur ut urbis præfectus aliò divagetur, interim substituens qui loco sui civitati invigilet, quantominus id feret Ecclesia? 3tio. hæc propositio, *Potest Sacerdos cui Missæ celebrandæ traduntur, per alium satisfacere collaro illi minori stipendio, alià parte sibi retentâ*, damnata est ab Alexandro VII. & meritò quidem, quia turpiter & injustè Sacerdos sibi partem retinet stipendii, cum nullam solvit officii partem: atqui eadem militat ratio in causâ Beneficiarii, qui retinet partem fructuum Beneficii, & in alium totum onus refundit:

* *Epistol. 4.*

fundit: ergo is ad restitutionem teneatur pro ratâ parte defectus sui.

Obj. 2do. Papa cum Episcopis dispensat in residentia; ergo hæc non est nisi juris positivi.

R. dist. Dispensat improprie, id est, declarat jus divinum non extendi ad hunc vel illum casum, C. dispensat proprie, & eodem modo quo dispensaret in lege purè Ecclesiastica, N. istam enim eadem tolleretur autoritate quâ condidit: sic porrò residentiam nec tollit nec tollere potest.

Hinc colliges absolutionem iis negandam esse qui non resident formaliter, seu munia sua, ut par est, obeundo; prout tot contingit Parochis, qui vix semel in mense populum verbo Dei reficiunt; & qui hoc ipso mortaliter peccant. Imò ait Bonacina, *Arbitror mortaliter peccare Parochum, si duobus vel tribus mensibus totius anni discontinuis non concionetur... quia hæc videtur materia gravis.* Ità & Pontas v. *Curt.* cas. 1.

Neque verò solum concionari, sed & id utiliter præstare tenentur Parochi; quod ut securius attingant, non persuasibilibus humanæ sapientiæ verbis uti, non abstrusa & profundiora prædicare debent, sed quæ ad salutem, quæ ad mores, quæ ad susceptionem Sacramentorum, & statû præsertim conjugalis, necessaria sunt: ubi de impedimentis agendum sed cautè & pudicè.

Debent 2do. Grassantia scandala seu per semeripfos, si possunt, seu per Episcopos cõercere: scrutari an plebs Parochiali Missæ intersit; an paschali fungatur officio; an non vacet superstitioni, contractibus usurariis, &c. an pueri Carechismi tempore Ecclesiam frequentent; an Ludimagister rectè doceat; an non mares simul & puellas instruat, quod opus periculi plenum est, & in multis Diocesisibus meritò prohibitum, quandoque etiam sub excommunicationis pœnâ.

Debent 3tio. Singularem pauperum curam gerere; infirmos etiam Sacramentis munitos visitare frequenter; eosdem in extremo præsertim transitu, ubi potentiùs insidiatur leo rugiens, consolari ac roborare; egenos gratis sepelire, iisdemque ex intimo cordis affectu requiem æternam precari.

Debent 4to. Pro Parochianis Missam offerre Dominicis festisque diebus, neque tunc stipendium ullum recipere possunt. Ità definiit S. Congregatio apud Barbolam: idem docet Concilium Mediolan. IV. ab Apostolicâ sede approbatum. Concinnunt Theologi plerique saniores: ut Sylvius, qui post Dianam principii loco statuit, *Parochum in illis diebus in quibus Missam tenetur celebrare, ut eum populus audiat, non posse pro applicatione Sacrificii eleemosynam accipere.* Si tamen Parochus

ex officio, aut obligatione quæ Parochiæ suæ inseparabiliter inhæreat, Missam applicare teneatur, v. g. in die depositionis, Anniversario fundato, Beneficio Parochiæ suæ incorporato, non tenebitur Missa hujus defectum per se aut per alium resarcire, quia id nullo jure constitutum est.

Hic nota à sacra Congregatione fuisse sancitum: 1mo. in casu etiam legati planè insufficientis recurrendum esse ad Apostolicam sedem pro Missarum reductione, nisi fundatione ipsâ (adde & locorum usu) cautum sit ut onus illud moderari possint Episcopi; 2do. tot pro stipendio accepto Missas celebrari debere, quot præscripsit donator stipendii. Quòd si is numerum non definiarit, adharendum mori civitatis & provinciæ; 3tio. Sacerdotes, qui stipendium receperunt minus eo, quod ab Episcopo determinatum est, tot debere Missas, quot exegit qui tribuit eleemosynam. Unde eleemosynam recuset, qui Missis defungi noluerit; 4to. hæredes illius qui Missas centum exigit, stipendium ab Episcopo designatum aut designandum largiri debere; 5to. administratores Ecclesiarum in quibus exteri Missam faciunt, nullam utcumque minimam stipendii portionem retinere posse ratione expensarum quas subeunt pro manutentione Ecclesiæ altaris, pro paramentis, vino, hostiâ & similibus, nisi eadem Ecclesiæ non habeant redditus, quos in usum earundem expensarum erogare licitè possint; tuncque nec plus exigi potest quàm postulent expensæ, quæ pro ipsomet tantum Missæ sacrificio necessariò sunt subeunda; nec quidquam ex numero Missarum detrahi debet.

Debent 5to. Parochi per se vel per alium excipere confessiones subditorum, quoties id rationabiliter petunt, seu ratione Festi vel indulgentiæ cujus participes fieri velint; seu quia gravatam aliquo peccato conscientiam gerunt. Et verò: an non spirituales gregis sui profectum pro virili procurare tenentur? An non gravem pro totâ vitâ cruciatum sibi parant, si quis eorum culpâ in peccato decesserit? Hinc continuò in statu gratiæ esse debent, ut qui singulis momentis ad administranda Sacramenta vocari possint.

Debent 6to. Cavere plurimum nè in matrimonium jungant, vel eos qui fidei rudimentis, Deique & Ecclesiæ præceptis non satis sint eruditi; vel vagos & advenas de quorum statu sibi minùs constet, quàm necesse sit.

Quæres quæ causæ à residentiâ excusent.

R. Quinque afferri à Tridentino Sess. 23. cap. 1. Eæ verò sunt *Christiana charitas, urgens necessitas, debita obedientia, ac evidens Ecclesiæ, vel Reipublicæ utilitas.*

1. Christiana charitas: potest enim Pastor à grege separari ad tempus,

ad tempus, ut alteri Ecclesiæ in hæresis periculo constitutæ succurrat; ut inter Magnates pacem componat; ut fidem disseminet. Efferet tamen contra ordinem charitatis, tantum in suos invehere mali, quantum in alios commodi.

2. Neceffitas: hæc autem vel est ab intrinseco, ut ab infirmitate; vel ab extrinseco, ut a persecutione tyranni, hostilisve alicujus qui in Episcopum particulariter desæviat. Utraque à residentiâ excusat; unde potest Pastor infirmus locum mutare, vel à persecutoribus aufugere, juxta id Christi, * *Cum persequentur vos in una civitate, fugite in aliam.* Sed si ex absentia Pastoris grave populi damnum sequi debeat, tenetur ad residendum.

Hinc 1mo. Episcopus quem longa tenet infirmitas sine spe sanitatis, in Dicecesi suâ remanere debet, ut quantum poterit, ovium saluti provideat; imò nequidem metu mortis undecumque hæc immineat, gregem deferere posset ad tempus, si interrim fideles omni auxilio destitui deberent. Unde Augustinus Epist. 228. n. 2. *Fugiant de civitate in civitatem servi Dei quando eorum quispiam specialiter à persecutoribus queritur; sic tamen, ut ab aliis qui non requiruntur, non deseratur Ecclesia.* Cum autem omnium, id est, Episcoporum Clericorum & Laicorum est commune periculum, hi qui aliis indigent, non deserantur ab his, quibus indigent.

2do. Episcopus (idem de Parocho dixeris) fugere non potest pestis tempore; imò uterque si per alios non possit, per semetipsum Sacramenta peste infectis administrare debet. Sed si per alios id possit, per se facere non tenetur, præsertim, si præcipua populi pars sana sit: quia cum sanis perinde ac infirmis debitor sit, sanis utilem se præbere debet; ab iis verò fugietur, cum scient eum pestiferorum commercio usum fuisse.

Quodd autem Pastores pestis tempore tutâ conscientia fugere nequeant, patet 1mo. quia tunc viger illud Christi, ** *Bonus Pastor animam suam dat pro ovibus:* 2do. quia hoc exemplis suis docuerunt SS. Cyprianus, Gregorius Thaumaturg. Gregorius Papa, qui dum tetra lues Romam depopularetur, nunquam abstinuit à prædicando, à visitandis ægris; 3tio. idem definiit Concilium Mediolan. V. sub S. Carolo Boromæo, cui in eundem sensum respondit S. Congregatio, ut refert Fagnan. in cap. 17. *De Cleric. non resid.* In Gallia dari solet pestiferis Viaticum charta vel linteo involutum, ac reponitur in loco ubi ab ægris propria manu apprehendi possit, juxta antiquum Ecclesiæ morem.

3tio. Excusat à residendo obedientia debita Superiori legitime ad

Ee 3

* Matth. 10. ** Joannis. 15.

nè ad aliud vocanti: sed attendendum iustas aliquando & graves causas videri, quæ tales non sint. Unde non potest quis à Parochia abesse, ut Vicarii generalis, aut Officialis munia obeat: neque enim hac nostra ætate defunt, qui id Officii præstare possint. Quòd si Parochus ceteris, qui præsto sunt, ingenio præpolleat & sapientiâ, dimittat Parochiam, & Canonice tu, vel æquo stipendio donetur; refert tamen Gonzales declarationem sacræ Congregationis, quæ Episcopo concedit ut per duos menses uti possit seu in visitationum cursu, seu ad alia Ecclesiæ suæ servitia, Parochi alicujus ministerio, substituto in locum ejus Vicario.

4to. Evidens Ecclesiæ utilitas, ut si eundem sit ad Concilium generale vel provinciale, si annuo secessui vacandum sit per octo aut decem dies, si docenda sit Theologia vel Jus Canonicum.

5to. Demum Republicæ utilitas, quæ, ut ait Toletus, cum necessitate conjungi debet, nam Episcopus iis implicare se non debet quæ per Laicos æquè præstari possunt. Ad Republicæ utilitatem revocat Gibert, 1mo. administrationem justitiæ apud supremas Curias; 2do. servitium Principi præstitum ab Elemosynariis, Capellanis, Musicis & Cantoribus.

At, inquires, nullisne egent induciis Parochi, qui quò gregi invigilant magis, eò plùs fatigantur.

Nè hic videar excedere. R. cum Cabassut. *Si quis Parochus sine iustâ causâ etiam minùs duobus mensibus absit, peccabit mortaliter, nisi sit parvi temporis absentia, qualis esse possit quindecim aut ad summum viginti dierum, sine iustâ aliqui causâ, modò reliquerit idoneum substitutum.* His consonat Pontas v. *Resol. des Curés*, cas. 1. ubi à mortali non excusat Parochum, qui ut consanguineos, vel amicos invisat, toto mense abest à Parochiâ: secus de Canonicis, quibus, ut nullam animarum Curam habentibus, plura indulget Tridentinum. Imò nè is quidem cui gravior lis sequenda incumbit, abesse potest sine expressâ Episcopi sui licentiâ, quod etiam & meritò sanxit Tridentina Synodus. Ceterùm pluries declaravit S. Congregatio Parochum prope Ecclesiam, vel saltèm in loco omnibus opportuno commemorari debere.

SECTIO SECUNDA.

De pluralitate Beneficiorum.

Certum est quædam esse Beneficia quæ simul ob incompatibilitatem teneri non possunt; in hoc ordine sunt duæ Ecclesiæ Parochiales, dignitates duæ, duo personatus, aut etiam duo simplicia ejusdem generis sub eodem recto Beneficia, ut

duo Canonatus. Tota igitur quaestio est de ea specie Beneficiorum quæ compatiblea vocantur, an scilicet & quando plura teneri possint. Sit.

CONCLUSIO. Peccat mortaliter, qui plura habet Beneficia, tametsi simplicia, quando unum ad honestam sustentationem sufficit. Ità Theologi ferè omnes.

Prob. 1^{mo}. Ex Concilio Trid. Sess. 24. cap. 27. ubi sic: *Quoniam multi improbae cupiditatis affectu seipsos non Deum decipientes... plura simul Beneficia obtinere non erubescunt; sancta Synodus... praesenti Decreto statuit ut in posterum unum tantum Beneficium Ecclesiasticum, singulis conferatur; quod si quidem ad vitam ejus cui confertur honestè sustentandum non sufficiat, liceat nihilominus aliud simplex sufficiens, dummodo utrumque personalem residentiam non requirat, eidem conferri.*

Qui porro ut argumentum hoc elevent, reponunt Concilium Trident, in Gallià quoad disciplinam receptum non fuisse; ex eorum sunt numero qui seipsos non Deum decipiunt. Nam 1^{mo}. nunquam intenderunt Galli eas rejicere praedicti Concilii partes, quæ nullam Libertatibus nostris praedictum inferunt, sed tantum ad bonos mores spectant, qualis est praesens definitio; 2^{do}. Concilium Tridentin. unanimi Cleri Gallicani suffragio, anno 1615. receptum est: 3^{io}. si qua Concilli hujus decisio vim apud nos habere debet, ea certè de qua nunc agitur, quæ nihil aliud agit quàm renovat vetera Conciliorum Decreta, & Regum nostrorum Sanctiones, à quibus pluralitas Beneficiorum vocatur ambitio execrabilis.

Prob. 2^{do}. Autoritate & rationibus S. Thomæ qui sic loquitur. Quodlib. 9. artic. 15. *Habere plures Præbendas, plurimas in se inordinationes continet, utpotè quia non est possibile aliquem in pluribus Ecclesiis deservire... Sequitur etiam diminutio cultus divini, dum unus locò plurium instituitur. Sequitur etiam in aliquibus defraudatio voluntatis testatorum, qui ad hoc aliqua bona Ecclesiis contulerunt, ut certus numerus Deo servientium ibi esset. Sequitur etiam inaequalitas, dum unus pluribus Beneficiis abundat, & alius, qui sæpè foret Ecclesiæ utilior, nec unum habere potest; & multa alia hujusmodi quæ de facili parent; atqui multa ex his incommodis sequatur pluralitatem non eorum duntaxat Beneficiorum quæ incompatible dicuntur, sed & eorum etiam quæ simplicia sunt. Certè enim qui tribus provisos est Beneficiis, tria quotidie officia non persolvit. Unde Fundatores suà frustrantur intentione, &c.*

Prob. 3^{io}. Autoritate graviorum quotquot extitè Theologorum; ut S. Bonaventuræ Guilhelmi Parisiensis, Gersonii & Genegrandi, qui famosam Facultatis Parisiensis, Decisionem refert.

fert. *Theologi Parisienses*, inquit, *post longam disputationem*, anno 1239. *definiunt neminem posse duo Beneficia, si unum* definitioni subscribere Doctores omnes duobus exceptis alter * paulò post mortuus, tertià post mortem die Guilhelmo Parisiensi apparuisse fertur, & dixisse æternis se dampnatum supplicii ob beneficiorum pluralitatem **, cui consonat id quod ex S. Bernardo refert D. Thomàs: *Qui non unus sed plures est in Beneficiis, non unus sed plures erit in suppliciis*. Antiquam facultatis suæ decisionem, anno 1567. renovaverunt Doctores Sorbonici tredecim, & pluralitatem Beneficiorum omnino illicitam esse demonstraverunt.

† Quæres an non possit quis multa retinere Beneficia eò quòd ipsorum redditus benè ac piè impendat.

R. nec. Cum Dionysio Carthusiano: 1mo. quia pius Beneficii reddituum usus non tollit alia incommoda quæ ex pluralitate sequuntur; 2do. quia Deus à nemine exigit elemosynarum largitionem ultra vires suas, sive ultra id quod sibi de uno competentis Beneficio superest. Qui ergo non tenetur ad succurrendum pauperibus nisi quantum potest, cur contra Ecclesiæ regulas plùs vult posse quàm actu potest? Ex his sequitur, eum qui plura possidet Beneficia absolvi non posse, nisi quæ superflua sunt relinquat.

SECTIO TERTIA.

De dispositione fructuum Beneficii.

ET si perinde est an Clerici qui superfluos Beneficiorum fructus legitimè non impendunt, defectu charitatis, an justitiæ defectu ad inferna descendant, gravis tamen est momenti quaestio, quæ expendit an ex justitià, an ex charitate solum teneantur Clerici, quod sibi ex Ecclesiasticis redditibus superfluum est, piis operibus consecrare. Si enim ad id ex justitià teneantur, tenentur ad restitutionem cum aliter egerunt; non tenerentur verò si solam charitatis virtutem læssissent. Huic quaestioni affinis est alia, an qui sufficiens patrimonium habet, è Beneficii redditibus vivere possit; tertiam adjungemus de bonis Religiosorum.

* *Philip. de Greva.*

Not.

** Historiam hanc referunt suppres Philippo de Greva, Parisiensi Cancellario, Thomas Cantiprænsis, Albertus Magnus, & Durandus subinde Episcopus Mimatenfis. Eandem habes apud Dionysium Carthusianum in Opusc. de pluralitate Beneficiorum; & Spondanum ab annum 1239.

Not. 1mo. Tria bonorum genera à Beneficiariis possideri posse: *patrimonialia*, quæ habent à parentibus, itèrò donatione, legato, &c. *quasi patrimonialia*, quæ consequuntur ratione ministerii Clericalis, dum v. g. concionantur, psallunt, confessiones excipiunt, funera comitantur, Missam celebrant, Theologiam docent; & *mere Ecclesiastica*, quæ prodeunt è Beneficio & pensionibus purè Ecclesiasticis.

Not. 2do. Beneficiorum redditus dividi in duas partes, quarum altera honestæ sustentationi necessaria est, altera verò eidem superflua. In quo autem sita sit decens ea sustentatio, aliter definit cupiditas quæ nunquam dicit, *Satis est*; aliter christiana moderatio. Etsi autem decentia statûs Clericorum, suam sicut & secularium, habet latitudinem, nec proinde certa pro quocumque Beneficiato regula dari potest, hic tamen, si alibi uspiam, recurrendum est ad viri pii & prudentis iudicium, qui rationem habebit tùm *personæ*, plura enim infirmo quàm robullo necessaria sunt ratione victûs, habitationis, ac domesticorum; tùm *loci*, quod enim vix Parisiis sufficit, quibusdam in Provinciis superabundat; tùm *officii & qualitatis*, plûs enim exigit conditio Episcopi quàm Decani, plûs Decani quàm Canonici.

Tametsi porrò alia est Ecclesiæ, alia hujus seculi vivendi forma, constat quòd decens Clericorum sustentatio ut multa excludit sic includit plurima, & ea præsertim quæ ad officio suo fungendum necessaria sunt. Sic Episcopus & Prælati regulares * *hospitalitatis officium promptè, benègneque exercere debent*; sic Parochus habere debet unde emat libros, ** quorum ope plebem suam salubri doctrinâ instruat; sic & ei equum alere licet, non ut vagetur sed ut commodiùs ægros visitare & Sacramenta deferre possit, si vastitas pagi id exigat & viarum molestia: neque enim decet ut Sacramenta per vias lubricas & lutosas cum periculo casûs deferantur, vel ut Pastor quasi vile mancipium vias illas difficiles oberrare cogatur. Addunt alii ad congruam sustentationem pertinere, ut Beneficiarius modicas quasdam donationes remuneratorias facere possit. Addiderim & eum non peccare sed mereri potius si quibusdam, sed moderatos intra limites, donis ac muneribus eorum sibi benevolentiam conciliet, qui sibi; vel Ecclesiæ suæ gratiam præstare possint; hoc enim vel ipsis Regularibus permissum est ab Urbano VIII. per Bullam 158. 16. Octob. anno 1640. Verùm hic præcipuè hanc Tridentini legem sectari debent Beneficarii: *** *Ità mores suos componant, ut reliqui ab eis frugalitatis, modestiæ, continentiae, ac sanctæ humilitatis exempla petere possint. Quapropter*

* *Trid. Sessi. 25. cap. 3.* ** *De res.* *** *Sess. 25. cap. 1.*

propter non solum jubet S. Synodus, ut Episcopi modestâ su-
pellecile, & mensâ, ac frugali victu contenti sint: verum etiam
in reliquo vitæ genere ac torâ eorum domo caveant, nè quid ap-
pareat, quod... non simplicitatem, Dei zelum, ac vanitatum
contemptum præferat.

Sed exigitne Beneficarij sustentatio, ut in studiis nepotes
alat, ut consanguineos dilet, &c.

R. Cum Petro Blesensi Epist. 102: *Terret me B. Hierony-
mus aicens, quoddam multi dum parentibus misererentur animas su-
as perdunt; & Epist. 51. Hodie pro filiis quos abstulit Præla-
tis Ecclesiæ Deus habere nepotes in dissipationem patrimonij
Christi, & in suâ salutis dispendium, permittuntur. Dicendum
igitur cum Tridentino ibid. omnino Clericis * interdici, nè ex
reditibus Ecclesiæ consanguineos, familiarēve suos augere stu-
deant. Cum & Apostolorum Canones prohibeant, nè res Eccle-
siasticas quæ Dei sunt, consanguineis donent: sed si pauperes
sint, iis ut pauperibus distribuant; eas autem non distrahant, nec
dissipent illorum causâ. Ex quibus sequitur Beneficarium ali-
quid consanguineis largiri posse, dummodò illud faciat modera-
te, ut non indigeant, non autem ut ditiores inde fiant. Itâ S.
Thomas 2. 2. 185. art. 7. ad 2.*

Non conveniunt Theologi an habenda sit nobilitatis ratio.
Affirmat Navarrus & multi cum ipso: negant alii, ut Decoq;
tum quia Beneficia in favorem dignitatis mundanæ erecta non
sunt; tum, ut ait Hieronymus, *nescit Religio nostra personas
accipere; servum ac nobilem de moribus pronuntiat. Utut sit,
turpiter falluntur qui non pensant id S. Bernardi ad Henricum
Senonensem; Honorificabitur ministerium vestrum, non cultu ve-
stium, non eorum fastu, non amplis ædificiis, sed ornatis mori-
bus, &c.*

Not. 3tio. Variam fuisse variis temporibus Ecclesiasticorum
bonorum administrationem. Apostolorum tempore ** erant
omnia communia, dividebatur singulis prout cuique opus erat:
sed temporum lapsu, excussum est sensim vitæ communis ju-
gum, & Ecclesiæ bona, quæ antè ab Episcopo singulis distri-
buebantur, quatuor in partes divisa fuere; quarum prima Epi-
scopo assignari debuit, 2. Clero, 3. Fabricæ, 4. Pauperibus.
Sic nunc.

CONCLUSIO I. Beneficarij reddituum merè Ecclesiasticorum
domini non sunt, sed dispensatores; unde ex justitiâ tenentur,
quidquid ex iisdem redditibus superflui habent, pauperibus ero-
gare, vel pios in usus expendere.

* Prob. 1mo. Ea doctrina indubiè tenenda est, cujus oppo-
sita

* Sess. 25. cap. 1. ** Act. 4.

sita sine gravi periculo teneri nequit: atqui doctrina nostræ opposita.... Nam opinio quæ Ecclesiæ decretis, oraculis Patrum, & Theologorum consensui repugnat, sine periculo teneri non potest: atqui talis est doctrina doctrinæ nostræ opposita.

1mo. Enim contradicit Ecclesiæ decretis. * *Res Ecclesiæ*, ait antiquus Canon, non quasi propriæ, sed ut communes & Domino oblatae, cum summo timore, non in alios quàm præfatos pios usus sunt fideliter dispensandæ. Idem iisdem ferè verbis repetit Concilium Parisiense VI. anno 829. idipsum tradit Alexander III. cap. 2. De donat his verbis: *Episcopus & Prælati Ecclesiasticarum rerum est procurator, non dominus*; unde sic: Si res Ecclesiasticæ non deberent ex iustitia pios in usus impendi, possent in alios usus quasi res propriæ dispensari: atqui falsum consequens ex citato Canone; ergo.

Confirm. Procurator qui Heri sui bona contra voluntatem ejus dispensat, ad restituendum tenetur: atqui ex Alexandro III. Beneficiarii meri sunt procuratores Ecclesiæ bonorum, non domini; aliunde certum est hæc bona ab iis contra DEI voluntatem dispensari, cum in usus profanos impediunt; ergo.

2do. Eadem doctrina Patribus, sanioribusve Theologis repugnat. S. Hieronymus in cap. 3. Isaïæ: *Rapina pauperum*, inquit, *in domibus Sacerdotum qui Ecclesiæ opes sibi thesaurisant, & in deliciis abutuntur, quæ ad sustentationem pauperum dantur, & sibi reservant, vel propinquis distribuunt; & aliorum inopiam, suas vel suorum divitias faciunt.*

† S. Bernardus, qui diù post factam, si tamen facta est, Ecclesiæ bonorum divisionem scripsit, hæc habet in Epist. ad Falconem Canonicum Lugdunensem: *Quidquid præter necessarium victum ac simplicem vestitum de altari retines, tuum non est, rapina est, sacrilegium est.*

S. Thomas in cap. 12. Epist. II. ad Cor. sic habet: *Principes non dederunt divitias Prælati propter se, sed propter pauperes, & ideo non dederunt eis sed pauperibus.... Prælati autem dantur tanquam pauperum dispensatoribus.*

* S. Raymundus Lib. 2. sum. tit. De raptoribus. Dico, ait, *Prælatos & Clericos qui res Ecclesiæ.... conferunt etiam consanguineis, non propter naturam sustentandam, sed ut faciant eos divites de patrimonio Crucifixi.... tales, inquam, dico esse raptores, & per consequens teneri ad restitutionem omnium.* Hanc decisionem adoptat S. Antoninus, ** & sic concludit: *Tales Beneficiarii ad restitutionem tenentur pauperibus, vel in utilitatem Ecclesiæ, & peccant mortaliter.* Quàm autem unanimis sit

* XII. q. 1. cap. 26. & 16. ** 3. p. sum. tit. 15.

mis sit in præsentī materiā Theologorum consensus, indicant * hæc Navarri verba: *Nemo Catholicorum quos ego legerim usque ad N. affirmavit dominum bonorum Ecclesiæ usibus deputatorum esse penes Beneficiarios; ... quæ falsa & insolens Conclusio est.*

* Reponunt e citatis autoritatibus nihil colligi posse imo. quia Patres eodem modo loquuntur de laicis. Sic Ambrōsius dist. 86. c. 21. *Pasce fame morientem si non pavisti, occidisti;* & tamen Laici qui superfluum pauperibus negant, charitatem non autem justitiam lædunt; 2do. quia Patres illi ante factam bonorum divisionem scripsere, cum nondum sua pauperibus & Fabricæ pars assignata erat; eā verò divisione nunc factā, unusquisque eorum quæ sibi obtigerunt, dominus esse debet.

Refellitur prima evasio. Patet enim ex allatis textibus, magnum esse discrimen patrimonialia inter & Ecclesiastica bona, ac de utriusque eodem modo disponi non posse. *Res ecclesiæ*, ait laudatus Canon, *non quasi propriæ dispensandæ sunt;* vide ut aliæ ab aliis secernuntur. Deinde si Patres aliqui in ipsis Laicis quandam admittere visi sint necessitatem superfluum suum ex justitiā pauperibus erogandi, quid mirum si strictam in Clericis admisisse dicantur?

Refellitur multipliciter secunda: 1mo. quia etsi præcepta sit illa divisio in quatuor partes, non tamen constat quòd facta sit; unde sicut debitor qui certus est se debitum contraxisse, nec probare potest se solvisse, solvere tenetur; ita à pari in præsentī casu; 2do. probabilis est divisionem hanc reipsā factam non fuisse: quia nullum extat monumentum quod convincat bona quædam Fabricæ vel pauperibus relicta fuisse: Hospitalia enim non ab Ecclesiasticis, sed ab aliis Fidelibus fundata fuisse probantur, & innumeri sunt pauperes qui in ea admitti non possunt; 3tio. quia etsi facta fuisset divisio hæc, non ideo immunes essent Beneficiarii ab erogando vi justitiæ, pauperibus id quod habent superflui, ut statim ostendemus.

† Prob. 2do. Beneficiarii eorum bonorum non sunt domini, quæ nullo titulo ipsis ut propria conceduntur: atqui Ecclesiæ bona nullo titulo Nullus enim hic occurrit titulus præter voluntatem Fundatorum, & Ecclesiæ intentionem: atqui neutro bona Ecclesiæ Clericis conceduntur ut propria. Non primo, ut patet ex Fundationum instrumentis: in quibus semper reperias id fuisse Fundatoribus propositum, ut Clerici bona sua haberent tum ad propriam, tum ad pauperum sustentationem, quod satis indicat, verus formula quæ in Caroli Magni Capitularibus reperitur. *Offero atque dedico omnes res quæ in hac chartulā tenentur insertæ, pro remissione peccatorum*

* Obiit an. 1586.

torum

torum meorum pauperum ac Clericorum alimoniis. Non secundo, nam Ecclesiæ intentio non aliter quam ex ejus Canonibus & oraculis Patrum manifestari potest; atqui hæc clarè ostendunt Ecclesiam pro certo semper tenuisse, superfluum Clericorum non in alios quam pios usus impendi posse. Hinc constans hæc ejus assertio: *Res Fidelium, quæ Domino offeruntur, non possunt aliis quam Ecclesiæ & Fidelium indigentium usibus applicari, quia vota sunt fidelium, pretia peccatorum, patrimonium pauperum.*

* Prob. 3tio. facile concedunt alterius opinionis patroni, Clericos ante factam bonorum Ecclesiæ divisionem, debuisse ex justitiâ superfluum largiri pauperibus: atqui hæc ratio probat eandem obligationem etiam nunc perleverare, tùm quoad Beneficia plurima, quæ cùm post hujusce divisionis tempus fundata sint, non alio fundari potuerunt animo quam ut superfluum egenis daretur: tùm quoad Beneficia quæ divisionem præcelsere. Nam 1mo. bona Ecclesiastica per divisionem, si quæ facta fuerit, non mutarunt naturam ergo sunt ut antè, res Dei; ergo non in alios quam in pios usus impendi possunt; 2do. se habent Clerici quibus in bonorum divisione plùs datum est quam satis erat, sicut œconomus cui dominus ob quædam agenda negotia plùs dat pecuniæ quam necesse sit, quia prævidere non potest expensas omnes faciendas: atqui œconomus ille quod residui habet, domino restituere tenetur, nec proprietatem ejus acquirit; ergo à pari Clerici quibus plùs ab Episcopo in divisione bonorum datum esset, ad superflui restitutionem tenerentur; & & strictiùs tenerentur quam œconomus ille, quia Episcopus divisionem faciendo non erat dominus Ecclesiæ bonorum, sed dispensator; ideoque non magis poterat Beneficiariis concedere libertatem insumendi in usus profanos id quod iis post honestam sustentationem supererat, quàm id ante divisionem potuisset.

† Obj. 1mo. Beneficiarii qui officio suo funguntur, faciunt fructus suos ex jure: sed qui faciunt fructus suos, eorum domini fiunt; ergo.

R. dist. min. fiunt domini quatenus habent dominium utile partis quæ honestæ sustentationi responderet, & administrationem superfluum, C. quasi de iis pro nutu disponere possint, N. Sic heres totius hæreditatis dominus fit, sed cum obligatione solvendi debita defuncti.

Obj. 2do. Si Beneficiariorum superflua, pauperibus ex justitiâ erogari deberent, donatio rerum aliis quam pauperibus facta invalida esset: atqui falsum consequens; cùm nec Ecclesia, nec Respublica hujusmodi donationes invalident.

R. dist. min. hæc donatio valida est, in foro exteriori, id est, in eo non improbat, C. in foro conscientia, N. Itaque forum exterius donationes à Clericis factas non rejicit, quia vix unquam probari potest, eas ex redditibus Ecclesiæ fieri; multa enim à Clericis aliunde acquiri possunt, sive donatione, sive industria: at hæc agendiaratio nihil probat pro foro conscientia: 1mo. quia, ut loquitur Innocentius III. c. 18. *De Præb. multa per patientiam tolerantur, quæ si deducta fuerint in judicium, exigente justitiâ non debeant tolerari*; 2do. quia Ecclesia hujusmodi donationes præsertim testamentarias milles improbat, de quo vide Concilium VI. Parisiense; unde duo sequuntur notatu digna: 1mo. hæredem non egenum, ea quæ à Beneficiario consequitur, retinere non posse, si sibi certò constet hæc non aliunde quàm à Beneficii redditibus proficisci; 2do. eum qui cum Beneficiario luit & quæstum fecit, rem pauperum malè partam restituere debere, ut sanxit Conc. Remens. anni 1583.

Obj. 3tio. Beneficiarius jubetur ex Beneficii redditibus satisfacere pro debitis ante obtentum Beneficium contractis: atqui nemo satisfacit ex iis quorum dominium non habet; ergo.

R. Vel Clericus debitor habet bona patrimonialia, vel non. Si 1. debet ex iis satisfacere pro expensis profanis antea factis, & tunc neg. maj. Si 2. potest quidem, & debet è Beneficii bonis satisfacere; sed tanquam pauper qui ea sibi applicat, non tanquam dominus qui de eis ad nutum disponit: unde tunc neg. min.

Quæres 1mo. an Beneficiarius qui parè vivendo, certam singulis annis colligit summam ex iis quæ rita conscientia in honestam sui sustentationem impendere posset, possit de ea pro nutu disponere, v. g. in gratiam parentum.

R. negat. 1. quia bona hæc eo ipso quo sunt ecclesiastica, Deo consecrata sunt, suntque pauperum aut religionis bonæ; ergo quacumque de causa, sive ex avaritia, sive fortuito coacta sint, non in alios quàm in pios usus expendi possunt: 2do. quia huic sententiæ favet S. Thomas. *Si de eo, inquit quod usui Episcopi, vel alicujus Clerici est deputatum, vellet aliquis sibi subtrahere, & consanguineis, vel aliis dare, non peccat, dummodo illud faciat moderatè id est, ut non indigeant, non autem ut ditiores inde fiant.* En S. Doctor de iis loquitur qui sibi subtrahunt id quod impendere potuissent: atqui non permittit ut id consanguineis detur, nisi pauperes sint.

Quæres 2do. an Beneficiarius dominus sit bonorum quasi patrimonialium.

Negat. Habet, quia, inquit, bona Ecclesiæ quæ à SS. Patribus

tribus dicuntur res Dei, nihil aliud erant primis seculis, (quibus vix ullum sub Ethnicis Principibus prædium habebat Ecclesia) quàm pecunia & alia ad victum & vestitum necessaria, quæ Clericis intuitu laboris eorum à Fidelibus subministrabantur; unde hæc non alterius erant conditionis quàm bona quæ nunc quasi patrimonialia dicuntur: atqui tamen Clerici hisce temporibus tenebantur superfluum pauperibus erogare; ergo ad idem hodie teneri videntur.

Ratio hæc firma videtur quoad ea bona, quæ cùm ratione ministerii sacri Clericis conferantur, nec dari, nec sine simonia recipi possunt, ut merces strictè sumpta: sed quia bonorum quasi patrimonialium nomen, inditum est iis etiam stipendiis, quæ Clerico tribuuntur ob functiones quasdam Laïcis eodem ferme modo ac Clericis competentes, ut musicam canere, Philosophiam aut Theologiam docere, non video cur Clerici bonorum quæ hisce modis comparant, minùs domini sint quàm Laïci.

CONCLUSIO II. Qui sufficiens habent patrimonium, possunt eo ad victum non uti, & vivere ex bonis Ecclesiasticis.

Prob. Illud Beneficiariis onus imponi non debet, quod nusquam eis imposuit Ecclesia; quo eos liberos putant SS. Ecclesiæ Doctores; quo denique ii etiam Ecclesiastici se iudicant immunes, quibus nulla molliorum opinionum suspicio inuri potest: atqui sic se res habent in præsentî negotio.

1mo. Quidem nunquam à Beneficiariis exegit Ecclesia, ut qui ex iis divites erant, Ecclesiæ bonis parcerent, & sumptibus suis vescerentur: & id patebit ex Objectionum solutione.

2do. Quæstionem expressè definire visus est Apostolus; I. Cor. 9. *Quis, inquit, militet suis stipendiis unquam? Quis plantat vineam, & de fructu ejus non edit? Quis pascit gregem, & de lacte gregis non manducat? Numquid secundum hominem hæc dico? an & lex hæc non dicit? & iterùm: Si nos vobis spiritualia seminavimus, magnum est si nos carnalia vestra metamus? nescitis quoniam qui in sacrario operantur, quæ de sacrario sunt, edunt & qui altari deserviunt, cum altari participant?* Unde sic: 1mo. qui dum spiritualia seminant, carnalia metere possunt, quibus licitum est de altari vivere dum altari deserviunt, iis de redditibus Ecclesiasticis vivere concessum est: atqui Evangelii ministri sic se habent sine distinctione, juxta S. Paulum; ergo possunt de redditibus Ecclesiasticis victum percipere; 2do. eorum qui militant in bello, multi sunt qui stipendiis propriis militare possent, nec tamen militant suis, sed regiis: atqui ex S. Paulo eadem est Evangelii ministro-

rum conditio, quæ eorum qui militant in bello; 3tio non multum differt dives ab eo qui potest arte aliquâ victum sibi comparare: sed qui arte aliquâ victum sibi comparat, potest stipendium percipere pro officiis quæ Ecclesiæ impendit, ut innuit ibidem Apollolus; ergo & id potest qui dives fuerit.

3tio. Idem colligitur ex variis Conciliis. * Sic Concilium Agathense relatum cap. 10. q. 2. *Clerici omnes qui Ecclesiæ fideliter, vigilanterque deserviunt stipendia sanctis laboribus debita, secundum servitii sui meritum consequuntur.* Sed ibi nulla fit pauperum & divitum Clericorum distinctio; ergo.

4to. Illi ex bonis Ecclesiasticis vivere possunt, qui de patrimonialibus bonis disponunt ad nutum, tum inter vivos, tum causâ mortis, sive ea parentibus, sive aliis donando, aut relinquendo, atqui ipsimet Episcopi juxta sacros Canones disponunt..... Minor probatur 1mo. ex Canone 39. inter Apostolicos: *Privatas quidem res Episcopus (si modò privatas habet) cum moritur quibus vult, & quomodo vult, relinquendi facultatem habeat: neque occasione rerum Ecclesiasticarum interdicant res Episcopi, &c.* Idem habet Concilium Parisiense; *Decrevimus, inquit, ut Episcopus sui juris quas aut ante Episcopatum, aut certè in Episcopatu hæreditariâ successionem acquisivit, secundum auctoritatem canonicam quidquid vult faciat, & cui vult conferat.....res autem de facultatibus Ecclesiæ.....non in propinquorum suorum, sed in Ecclesiæ cui præest jura deveniant.*

† 5to. Eadem est S. Thomæ sententia. *Dicendum, inquit, quod non omnia bona Ecclesiarum sunt pauperibus largienda, nisi fortè in articulo necessitatis.....& in tali necessitate peccaret Clericus, si vellet de rebus Ecclesiæ vivere, dummodo haberet patrimonialia bona de quibus vivere posset.* Censet ergo S. Doctor Clericum propria habentem, ex bonis Ecclesiæ vivere posse præterquam in articulo necessitatis.

* Obji 1mo. Variis sancitum est Canonibus, nè quis Ecclesiæ bonis ad victum utatur, nisi cum verè est indigens atqui verè indigens censeri non debet, qui de redditibus patrimonii sui vivere potest. Minor constat, major probatur 1mo. Can. *Ex his* XII. q. 1. *Ex his quibus Episcopus indiget, si tamen indiget ad suas necessitates, & peregrinorum fratrum usus, & ipse accipiat, ut nihil ei omnino possit deesse;* 2do, ex Can. *Clericos.* 1. q. 1. ubi hæc habentur ex Epistolâ S. Hieronymi ad Damasum: *Clericos illos convenit Ecclesiæ stipendiis sustentari, quibus parentum & propinquorum*

* L. 2. q. 18. a. 7. ad 3.

nulla suffragantur bona. Qui autem bonis parentum & opibus suis sustentari possunt, si quoddam pauperum est accipiunt, sacrilegium profecto committunt: & per abusionem talium, iudicium sibi manducant & bibunt.

R. 1mo. Sunt qui generatim dicant antiquæ Ecclesiæ ordinationi per usum contrarium derogatum fuisse. Ità P. Antoine juxta quem statuerat olim Ecclesia, ut reditus sui, quia exigui, iis solum distribuerentur, qui patrimonium non haberent, quæ disciplina deinceps immutata fuit.

R. 2do. ad 1. verba hæc, si tamen indiget, non solum ad ista referri, ex his quibus Episcopus indiget, sed præcipue ad hæc quæ sequuntur, ad suas necessitates & peregrinorum fratrum, ità ut sensus sit; Episcopum si in eo sit loco, ubi peregrinos multos alere debeat, canonicam è bonis Ecclesiasticis portionem tum ad sui, tum ad eorum qui ad se peregrinando divertunt, sustentationem percipere posse, quam tantam percipere non posset, si hæc ad peregrinos non foret sibi necessaria. Porro Canon sic intellectus nobis non adversatur; sic autem intelligi debet: cum enim sit quadragesimus inter eos qui Apostolici dicuntur, non debet opponi trigesimo-nono ex iisdem, qui communi sententiæ favet.

Ad 2. quod desumitur ex Can. Clericos dico 1mo. Canonem nunc nullius esse authoritatis, utpotè qui tribuatur S. Hieronymo, in cuius Operibus non reperitur, ut fatentur omnes.

Dico 2do. cum Glossa: 1mo. vocem *accipiunt*, non ad litteram intelligi debere, sed subintelligenda esse hæc verba, & *in malos usus convertunt*; & sic, inquit, intellige sequentia capitula; 2do. hinc exhortationem contineri, non præceptum, nisi agatur de quarta bonorum Ecclesiasticorum portione, pauperibus debita, quæ dari prohibetur abundantibus: atque hæc ultima explicatio facile textui accommodatur, si duas dividatur in partes, *Clericos illos convenit*, &c. en prima pars, quæ merum est consilium. Illi verò Clerici qui parentum bonis sustentari possunt, & quod pauperum est, id est, portionem egenis attributam usurpant, &c. en secunda pars quæ præceptum complectitur.

Dico 3tio. cum S. Thoma: Canonem hanc intelligi debere de casu necessitatis, in quo etiam pro redemptione captivorum, & aliis necessitatibus pauperum, vasa cultui divino dicata distrahuntur.

† Obj. 2do S. Augustinus Epist. 185. n. 35. hæc habet: *Si privatim quæ nobis sufficiunt possidemus, non sunt illa nostra*

Mrral. Tom. I.

Ff

sed

sed pauperum, quorum procuracionem quodammodo gerimus, non proprietatem nobis usurpatione damnabili vindicamus.

R. dist. Si privatim possidemus, id est, si legitima nobis assignata fuerit Ecclesiastici boni portio, jam quæ reliqua sunt, nostra non sunt, sed pauperum, C. si privatim, id est, si secularia habemus bona, N. In textu enim Augustini nihil est unde ad talem sensum determinetur. Vel disting. ut supra S. Thomas, non sunt illa nostra cum pauperes necessitate laborant, C. non sunt nostra, id est, Ecclesiasticis uti non possumus, cum suppetunt nobis propria, N.

Obj. 3tio. Si Clericis liceat Ecclesiasticis redditibus uti ad vitam, jam faciliè enervantur sacri Ecclesiæ Canones; Ecclesiastici enim virtualiter ex altaris redditibus familiam diabant; interim verò dicunt, hæc unde vivunt ecclesiastica esse, quæ autem parentibus largiuntur, esse merè patrimonialia.

R. abusum opinionis alicujus non sufficere ut hæc rejici possit, si gravibus sit momentis suffulta. Ceterum Canones Ecclesiæ ab iis non violabuntur, qui cognoscent boni proprii superfluum ex charitate pauperibus deberi, & Deum verè diligenti; qui verò non diligenti, licet opinionem nostræ oppositam speculative teneant, ab ea in praxi recedent. Et verò quoti visi sunt qui nobiscum sentientes, de patrimonialibus perinde ac ecclesiasticis bonis piè disposuerunt, quoti verò qui opinionem nostrâ rigidiorè amplexi, neutrum bonorum genus eo quo par erat modo impenderunt?

APPENDIX

De obligationibus Confessariorum.

UT sacrarum functionum Candidati maturè intelligant generali saltem modo, quor, & quantis dotibus instructos esse oporteat eos omnes, qui animarum regimini sese devotent, præcipuas Confessariorum qualitates summatim indicabo. Sit igitur

CONCLUSIO I. In Confessario non sufficit potestas Ordinis, sed requiritur insuper potestas jurisdictionis, quæ conferrur vel approbatione Ordinarii, vel certorum Beneficiorum collatione.

Prob. ex Tridentino Sess. 14. c. 7. ubi expressè definitur
nullius momenti absolutionem eam esse debere, quam Sacer-
dos in eum profert, in quem ordinariam aut subdelegatam
non

non habet jurisdictionem. Quemadmodum igitur secundum legis dispositionem. qui in jure Doctor est aut licentiatus, non potest vi horumce graduum jus dicere, nisi ei à Principe assignentur cives, in quos sententiam ferat; sic & Sacerdos tandiu potestatem sibi vi characteris traditam exercere nequit, donec ei subditos assignaverit Ecclesia, quos vel liget vel absolvat.

Porro subditos assignat Ecclesia ministerio primorum Pastorum, qui, sicut seculares Principes, jurisdictionem eo gradu & modo conferunt, quò conferre volunt.

Hinc 1mo. si quem pro certis tantum personis, peccatis, loco, aut tempore approbent, non poterit is præfixos sibi limites transgredi. Quapropter si approbatus ad annum, expleto anno absolvat, si approbatus in uno genere, v. g. pro peccatis non reservatis, absolvat in alio; si approbatus pro secularibus absolvat Moniales: si approbatus pro certa Monialium specie, aut domo, aliam aut domum aut speciem absolvere præsumat, invalidè prorsus absolveret. Idem est si approbatus hæc vice idem munus obire velit. Hæc extendenda sunt ad ipsos Regulares, etiam relativè ad Moniales suo Ordini subiectas, prout declaravit Gregorius XV. per Bullam *Inscrutabili*, quæ tamen non ubique viget: benè an malè, viderint alii.

At, inquires, si res ita sit, non poterit Parochus, Parochum alium delegare ad excipiendas Parochianorum suorum confessiones; quod tamen experientiæ repugnat.

R. Parochum, alterius Parochi subditorum etiam ex alia Diocesi confessiones excipere posse, cum id usu certo & ab Episcopis permisso constitutum est: quia tunc mutuâ jurisdictionis communicatione alter alterius gregem quoad præsens punctum regere potest. Sed cautè notandum, licentiam hanc ab Episcopi nutu totam pendere, quia Parochi jurisdictione quoad proprias oves ordinariæ quoad alienas est tantum delegata: jurisdictione autem delegata à solo Episcopo, vel Ordinario pendet, qualis non est simplex Parochus.

An Regulares intra Diocesim Episcopi approbantis, possint, etiam alterius Diocesis in qua approbati non sunt pœnitentes qui in fraudem non veniunt absolvere, controversatur. Nobis ob materiæ gravitatem satius videtur ut Regulares parti tutiori adhæreant, ac proinde ut se præsentent Ordinario Diocesis ei proximæ in qua situm est eorum Monasterium.

Hinc 2do. qui in decursu confessionis animadvertit pœnitentem commisisse peccatum aliquod reservatum, eundem ad Superiores remittere debet, aut saltè ab iis reservata dimittendi licentiam obtinere. Ubi nota licentiam absolvendi à

reservatis, nec extendi ad vora & irregularitates, nec ad hæresim, saltè quod hęc publica fuerit; quā de re consulendum est Diœcesis Rituale.

Hinc 3tio. (& id cautè notandum) Parochus, qui, solùm approbatus erat ratione Parochialis, quod obtinuerat, Beneficii, illud etiam sponte dimittat, novā indiget approbatione, etiam in eadem Diœcesi, prout declaravit sacra Congregatio.

Hinc 4to. gravi se periculo exponunt, qui à Diœcesi in Diœcesim transeuntes, Diœcesana Statuta legere differunt: sic enim fit ut temerè credant sibi in una Diœcesi licitum esse, quod poterant in alia; imò ut aliquando contrahant censuras, iisque præ imperitiā quam auferre debuerant, violatis, irregularitatem. Nequè verò Statuta sola quam primum legi debent, sed & civilis locorum consuetudo: nè hîc vâlere putes, quæ alibi valida esse cognovisti.

CONCLUSIO II. In Confessariis requiritur scientia, eaque ratione objecti multiplex.

Prob. 1. pars tum ex iis quæ suprâ dicta sunt ubi de scientia Clericali; quæque præcipuè in Confessarios cadunt; tum quia Confessarius quilibet triplex officium habet, ducis scilicet, iudicis & medici: atqui 1mo. ut dux seu rector, cui incumbit ut gregem ab erroris viâ ad viam salutis revocet, necessum est, ut apprime cognoscat, quid in unaquaque via pœnitentium suorum, ac eorum præsertim, quos communiùs dirigit, subsit erroris & mali. Atque hîc tot se jam à limine offerunt scientiæ, quot in negotiatoribus usuræ & fraudes; in Clericis simoniæ, in iustitiæ Ministris, Regiarum sanctionum violationes; in Principum Officiariis rapinæ, in Pastoribus, dominis, patribus-familias negligentia; in omnibus simul, Ecclesiæ præcepta non observandi inanes prætextus; 2do. quā medicus nosse debet naturam morbi, vim remedium, quænam & quando applicanda. Hinc peccatum, & peccati species, qui pœnitentium morbi sunt; itè varia pœnitentiarum genera, quibus vel præterita diluat, vel arceat à futuris, probè comperta habere debet; 3tio. quatenus iudex necessum est ut instructus sit scientia, gravitate, & vigore legum, quas qui ejus se tribunali sistunt; transgressi fuerint. Ex autem leges, cùm aliæ omnibus communes sint, ut divinæ & Ecclesiasticæ; aliæ nationales, ut Regum Edicta; aliæ certæ conditionis propriæ, ut leges mercatorum, &c. quantam, bone Deus? scientiam prærequirunt.

Hinc probata manet 2. pars, quā tamen, nè videar exaggerasse, confirmare lubet autoritate S. Caroli, quo nemo unquam res æquiori lance trutinavit. Hæc ille in Confessarium instructionibus: *Confessarius Sacramenti Pœnitentiæ doctrinam*

strinam omnem rectè nosse studebit, ità ut, quæ illius ratio, qui effectus, quæ partes, quæ illarum partium vis & natura peritè intelligat: quæ peccata mortalia, & quæ venialia cognoscat. Peccati circumstantias sciat, quæ præsertim mutant speciem peccati, & quæ in confessione explicanda sunt; quæ restituendi onus inducant. Censurarum rationem & vim rectè intelligit, & quibus criminibus annexa sunt. Casus reservatos in promptu habebit, ità ut rectè sciat, qui jure Canonum Summo Pontifici, qui rursus Episcopo quique pro varietate temporum Episcopo reservati sunt. Differentiam satisfactionum penitentia- lium etiam probè noscat, & præterea Canones penitentiales ... memoriâ tenebit casus, quibus confessio sit iteranda. Cognitam etiam habere Confessarius omnis debet, ac præterea animadvertere antequam ad audiendas confessiones accedat, quanta sit autoritas potestasque jurisdictionis suæ: ita ut, cum norit & quos & à quibus peccatis, censurisque absolvyte possit; tum etiam caveat nè facultatis suæ fines prætergrediatur. Temere igitur & periculose sibi blandiuntur, qui experientiam sibi scientiæ loco, esse posse arbitrantur. Experientia enim facit ut audiantur multa, non ut benè dijudicentur, cum ad id & studio, & eruditorum colloquiis, & meditatione plurimâ opus sit. Hinc pejor est senis experientiâ suâ freti, quàm juvenis adhuc imperiti conditio; in isto enim satis est ut feratur, in illo evellendi vepres, & removenda tumida fiducia obstacula.

Ergo, inquires, vix ullus est in orbe Christiano Sacerdos, qui dignè, & ut par est, obeat munus Confessarii; cum vix ullus sit, qui scientiam à S. Carolo requisitam possideat.

R. imprimis omnes fateri, è sacerdotibus plures esse qui cæcis ducatum præstantes, cum ipsis pereant.

R. 2do. non absolute requiri ut præfata omnia memoriter actu teneantur, sed satis esse ut teneantur virtualiter. Scit autem virtualiter, qui generalia omnium principia capite gerens, de communibus prudenter judicat; de arduis verò dubitare novit, seu quia ex iis quæ olim legit, confuse colligit in proposito casu non parum difficultatis; seu quia intelligit relationem rei ignotæ cum aliâ sibi notiori. Hinc ad dubium vera requiritur scientia, hinc strenuè imperiti nullibi hærent, sed nodos omnes secant, vel potius nequidem animadvertunt. Porro evidens est scientiam quæ sufficit in pago, non semper sufficere in urbe mercatoria, aulica, vel forensi, quæ casus offert admodum implicatos.

Quæres an rudis Sacerdos licitè & validè absolvar.

R. imo. absolvere validè, si nihil desit ex parte penitentis, quia scientiæ defectus jurisdictionem per se solum non exclu-

dit; licet si quodam sit in gradu excludere possit, inducendo irregularitatem. Quod si poenitens Confessarium imperitum scienter eligat, peccat mortaliter, nedum absolvatur, quia mala Sacramenti administrationi, sine necessitate, ut supponimus, cooperatur.

R. 2do. absolvere illicitè quia exponit se periculo graviter errandi; unde reus etiam videtur cum eos absolvit, qui absolventi sunt, non secus ac medicus rudis, qui dum multos occidit, quosdam quasi fortuito liberat.

Excusantur tamen à peccato, qui ad excipiendas confessiones minimè destinati, (ut Solitarii quidam, & fortè cantores, quibus vix per Officia diurna ac nocturna licet vacare studiis, hominem absolvunt sen in articulo mortis, seu quia ob peccatis periculum doctior alius opem suam recusat. Addunt aliqui id etiam habere locum, si poenitens timorata sit conscientia, & venialia, quæ, quandoque angunt, confiteri, assuetus.

Ceterum Sacerdos suæ sibi ighorantiæ certò conscius, ne de Prælati quidem imperio, sacrum Tribunal ingredi potest. Aliud est, si à Superiore post legitimum examen approbatus, tanto muneri par judicetur: habet enim tunc fundamentum deponendi scrupuli.

CONCLUSIO III. Confessarius singulari eget prudentiâ.

Prob. Munia Confessarii sunt, ut poenitentem ad integram confessionem solerter & cautè alliciat; ut eum proportionatis consiliis juvet; ut salutare imponat poenitentiam; ut neque absolutionem neget cum impertienda est, nec tribuat, cum negari debet; & a pravis habitibus, & ab occasionibus, peccandi retrahat; ut infantes & senes, sanos & infirmos, tepidos & propriæ perfectionis studiosos, suâ unumquemque viâ deducat; ut secreti fidem servet illibatam: atqui in his & omnibus & singulis opus est prudentiâ singulari. Minor, quam nemo nisi hostis recti sensûs inficiari audeat, confirmabitur facta partium inductione, & explicatione.

Primò itaque Confessarius agere debet & ut integram à poenitente confessionem eliciat, cum peccata gravia, nisi simul omnia, dimitti non possint, & ut eam eliciat cautè, id est, tum sibi tum poenitenti consulendo; ergo ut plurimum necesse est, imò, ut eum deducat per varios vitæ status quos decurrit, per varias quibus obnoxius fuit peccandi occasiones, per singula Dei & Ecclesiæ præcepta, per capitalia peccata, per ea item quibus foedari solent, personæ ejusdem professionis, ac demum per circumstantias quæ vel speciem mutant, vel intra eandem speciem notabiliter aggravant. Ubi animadvertere in peccatis exterioribus distractionis præsertim & impudiciæ

citia, inquirendum esse coram quot personis ea perpetrata sint: cum aliud sit hominem coram uno, aliud coram decem denigrare, &c.

2do. Ut quibus timet nè vocem præcludat pudor, hos sensim adducat ad sufficientem eorum, in quibus lapsi sunt expositionem, incipiendo à cogitationibus pravis, proseguendo à desiderijs, finiendo ab exteriori opere.

3tio. Ut cautè & sagaciter interroget, nè vel pœnitentes quædam doceat, iisdem hæcenus ignota; vel ipse nativam sensualitatem, ac curiositatem foveat, aut fovere judicetur.

4to. Ut tamen interroget quantum satis est ad dignoscendum an pœnitens in cogitatione morosa steterit, an non ad desiderium usque progressus sit; quòd item fuerit hujus vel cogitationis vel desiderii objectum.

5to. Ut judicet an pœnitens confessiones iterare teneatur. In his porro & innumeris alijs, quæ recensere prolixius fuerit, quanta opus est circumspectione, prudentia, attentione ad Deum, &c. Meritò igitur hortabatur S. Carolus *ut nunquam ad tantum hoc officium se se Confessarius accingat, quin prius brevi aliquâ oratione lucem à Domino petat, ut non solum in nullam reprehensionem vel errorem incidat, verùm aliorum sordes sic abstergere valeat, ut se ipse non polluat.....habeant igitur singuli Confessarii versiculos Psalm. 50. ut antequam confessiones aggrediantur, legant: Cor mundum crea in me, Deus & quatuor sequentes.*

Secundo satagendum est Confessariis ut pœnitentes idoneis consilijs juvent: ad id autem quanta opus sit sagacitate, vel hinc patet quòd vir imprudens, timoratas animas, quas consolari debuerat, impleat terroribus qui mentem perturbent; quòd consuetudinarios, qui terrèndi erant, utpotè *dura cervice*, reficiat & consoletur; quòd scrupulosos perinde tractet, ac si effrenis essent conscientia; quòd non moneat eos qui moneri debent, quales sunt; imò. quicumque in errore culpabili versantur, & hoc etiam si nullus ex monitione speretur fructus; 2do. qui errore quidem invincibili laborant, sed qui vergat in idamnum vel scandalum proximi, ac demum quòd non moneat eos, qui moneri non debent saltèm hic & nunc; quales sunt aliquando qui matrimonij sui nullitatem ignorant; & ea comperta prævidentur formalitèr peccaturi, vel grave innocentiproli damnum, aut proximo scandalum præbituri: unde hi sæpius non sunt monendi nisi jam obrenta dispensatione; imò nec semper, eadem etiam obrenta moneri debent, ut colligitur ex cap. 6. *De consang. & affinit.*

Tertiò Confessarii, salutares debent imponere pœnitentias,

neque tales sine prudentia imponere possunt. Pœnitentia siquidem id habere debet ut & satisfactoria sit, quæ præteritas labes diluât; & medicinalis, quæ à futuris præservet. In utraque autem quædam seriò spectari debent, ut quòd resarciatur damnum proximo per furta, detractiones & similia illatum quòd non præcipiantur quæ vergerent in præjudicium vel pœnitentis, ut quædam corporis castigationes; vel alterius, ut jejunium diuturnum aut longæ peregrinationes respectu servi, mariti, uxoris; quòd, juxta Rituale Romanum, publica *pro peccatis occultis, quantumvis gravibus* non imponatur pœnitentia; quòd pœnitens extremum vale dicere jubeatur iis occasionibus, quibus ad peccandum abreptus est; quò labores suos offerat Deo sæpiusque ad eum in diei decursu mentaliter recurrat. In his autem omnibus quàm seriò ponderanda conditio, vires, locus, aliæque circumstantiæ.

Quarò & neganda est absolutio, cùm periculosè daretur, & largienda cùm periculosè differretur. Hic autem, si usquam, maturo rerum omnium exponendi indiget Confessarius: cùm hinc & inde immineat Periculum seu irritum faciendi Sacramentū, seu eos novo exponendi Peccato, quos tueretur Sacramenti gratia. Interim absolutionis dilatio, modò nè nimia, & salutaribus stipata monitis, minùs regulariter loquendo periculi habet, quàm præstina ejusdem largitio, quæ & Confessarios plures, & pœnitentes innumeros perdit.

Iis porrò differenda absolutio: qui pro virili non recedunt à proxima peccati occasione; qui segnes sunt in deponendo mali habitus; qui, & hoc in militibus cautè observandum, retinent voluntatem duelli offerendi aut acceptandi; qui sumptus superfluos, unde debitis sunt impares, coërcere nolunt; qui aliis vel amatoriiis libris, vel pectoris nuditate, peccandi occasionem præbent, qui pueros & domesticos de rebus ad salutem necessariis etiam necessitate præcepti erudiri non curant, præferim si jam moniti non acquieverint; qui ad eos quos læserint, reconciliandi accedere nolunt; aut eos recipere à quibus læsi sint, qui Confessario quædam ut usuraria gravibus de causis prohibenti fidem denegant.

Aliud esset: imo. si pœnitens non imperitus bonâ fide opinionem suam credat esse probabiliorem: alioqui cùm in materia morum docti doctis quotidie adversentur, nemo unus alium absolvere possit. Et verò an non molestè ferret, si pari jure & potestate ab alio confessario cogeretur ab ea opinione recedere, quam rebus coram Deo sincerè ponderatis iudicaret esse probabiliorem. Aliud esset, 2do. si pœnitens de re accipiti cum viris virtute atque eruditione præstantibus delibera-

turum

turum se pollicetur; & huic ob probitatem compertam, aut certa sinceritatis indicia fides haberi possit.

Quintò nec minor esse debet Confessarii prudentia erga eos qui vel in habitu, vel in occasione peccandi versantur. Circa priores, præsertim si jam obfirmata sit mali consuetudo, cavere debet Confessarius: imò. nè eorum assertionibus & lacrimis fidem habeat. Jactant quidem consuetudinarii firmum quod habere se putant non peccandi propositum, sed ei vulgò simile quod habet nauta ingruente unda oppressus, quodque una cum ventis & tempestate evanescit: 2do. nè eos non prober sufficienti tempore: 3tio. nè credat multò minori probatione opus esse tempore Jubilæi, Paschatis, Missionisve aut secessûs quasi tempus, aut vox exterius sonans, per se sola cor pridem induratum convertere nata sint; 4to. nè ritè conversos censeat eos qui certo tempore lapsi non sunt, quia defuerit peccandi occasio: 5to. ne moveatur inconvenientibus, quæ dilationem absolutionis consequi possunt, ut quodd omnibus jam ad nuptias dispositis, instet vel scandalum si Matrimonium differatur, vel Sacramenti profanatio, si ad illud accedat quis non absolutus. An enim mediæ horæ spacio conversus censebitur qui hætenus vixit in crimine? an fornicationes præteritas intus & ex corde detestari censeatur, qui nuptias inhiat ut * *sua vacet libidini sicut aquas & mulus*: an contritio instar fungi nascitur in corde corrupto? an profutura judicari potest absolutio, quæ non datur nisi quia probabilissimè timetur relapsus, & quæ proinde datur homini, qui supponitur non abhorreere à peccato? 6to. & id etiam curare debet Confessarius, nè in longum tempus remittat eos qui sæpius cadunt: multò quippe consultius est ut octavâ quâque die ad tribunal revocentur; hæc enim arte sustentantur, & ex brevi triumpho sensim assuescunt ad longiorem.

Quæres quoto tempore pœnitentes præsertim consuetudinarios probari oporteat.

R. id nulla generali regula posse definiri, sed de arbore judicandum esse ex fructibus. Rem totam solidè exprimit S. Chrisostomus Homil. 14. in II. ad Cor. *Verum, inquit, satis pœnas expenderunt. Quandiu, quæso? annum unum & alterum, ac tres. Atqui temporis moram non quæro, sed animæ emendationem: hoc itaque fac demonstres, sintne compuncti, sintne in melius mutati, & res tota confecta est.*

Hinc absolvi possunt consuetudinarii non tantùm in articulo mortis, vel instante prælio, quia in extremis dubia remedia adhibere licet, sed etiam cùm extraordinaria seriæ conversionis indicia præbent, ut cùm usurarii quidquid lucri per-

cepere restituant; cum viri Officio suo impares, illud etiam si honorificum sit & utile abdicant, cum dediti impudicitiae, idola cordis sui generose obijciunt, quas quidem mali privationes congruis fructibus poenitentiae stipari supponimus: hi porro fructus, nisi confessionem praecesserint, aliquandiu probandi erunt. Interim probationis diuturnitatem ex habitus diuturnitate metiri nolum; cum saepe fiat ut qui plures per annos in scelere volutati sunt, plenius & perfectius resipiscant, quam qui quatuor solum mensibus passioni servierunt. Nul- lum porro peccatum est quod plus exigat probationis quam adhaesivum incontinentiae crimen; unde videat Confessarius ne qui ab eo per tres aut circiter hebdomadas abstinerit, putet serio emendatum. Plures vidi qui duorum ad minus mensium probationem vellent, quique concessa absolutione Eucharistiam non statim concederent.

Quod de consuetudinariis, idem sentiendum de iis, qui contra datam fidem, in eadem relapsi sunt peccata, nisi forte relapsi sint semel tantum ex vi occasionis vel tentationis extraordinariae, non quaesitae vel praevisae; & relapsum secutus sit sincerus cordis dolor. Uno verbo generatim extra mortis articulum probandi sunt ii omnes quorum dubia apparet contritio, & quos Confessarius prudenter judicare nequit firmum, efficax & universale habere de cetero non peccandi mortaliter propositum.

De iis qui sunt in occasione peccandi, consule Tract. de Peccat. sup. p. 308.

Sexto multiplici ac varia pro statuum varietate opus est prudentiae; cum, ut ceteros omitram, aliter infantes, aliter provectae jam aetatis viros; aliter sanos, aliter qui ad interitum vergunt; &c. dirigi oporteat. Quod ad infantes attinet, ii blande excipiendi sunt, ne vel deinceps tribunal refugiant, vel celent peccatorum partem. Cautè interrogandi circa quasdam aetatis hujus propensiones plane carneas; Dei potius quam hominum iudicio terrendi; non facile absol- vendi quia raro contriti.

Quod pertinet ad aegrotos iis eo sedulo magis consulendum est, quod periculosior est eorum status. Hinc mature invivendi sunt; monendi sed absque nimio terroris impulsu, ne differant confessionem, quae sublevari conscientia, & corpus sublevatura sit; impellendi ut domesticis rebus prospiciant; absolvendi si jam elingues dederint contritionis signa, imò etiam si non dederint, quia cum necdum definitum sit actus poenitentis esse materiam Sacramenti, absolutio pro materia & forma saltem in tanto discrimine haberi potest.

Quae-

Quæres quid faciendum in casu nobis olim proposito. Petrus Viaticum deferat ad Joannem, qui ut exoneret se à quibusdam culpis, quæ ab ultima confessione apud alium perpetrata redierant in memoriam, precatur ut se Petrus audire velit. Annuit is, & ex brevi Joannis confessione agnoscit iterandas esse ab eo confessiones omnes, quas ab annis ut minus quadraginta emisit. Quid, inquam, juris in hoc casu, ubi vel Eucharistia conferenda est indigno, vel non sine gravi eorum, qui comitati sunt, aut in domo versantur scandalo deneganda.

R. difficultatem hanc ex morbi violentia & statu dijudicandam esse: si enim eo usque morbus urgeat, ut periculum sit in mora, debet Confessarius, postquam audierit graviora quædam agrotantis peccata, eumque, ad contritionem & fiduciam adhortatus fuerit, & absolutionem largiri & Viaticum administrare. Sin autem satis agrotanti superest virium, ut per unam aut alteram diem differre queat receptionem Sacramenti, efficiendum est, ut declaret se in præsentem mentem non habere liberam satis & tranquillam, ut Eucharistia fructuosè resciri possit; eadem porro ad templum reportatâ, præsto aderit Sacerdos, & plenam, quantum ferent agri vires, exomologesim elicere conabitur hac arte & Sacramento, & agri famæ consulatur: Quod si fortè ager ad extremos usque halitus hypocrita, actu Viaticum petat, non poterit denegari, ipse sibi imputet.

De prudentia prout sigillum confessionis spectat, dicam ubi de Pœnitentia.

CONCLUSIO IV. Probitas Confessario cuilibet est summè necessaria.

Prob. Nomine probitatis eam hîc intelligimus virtutum complexionem, cujus ope Sacerdos præciso humano quocumque sui ipsius intuitu, pœnitentis salutem dignè ac sanctè intendit: atqui probitas eo etiam latiori sensu intellecta, necessaria est omnibus Confessariis.

Imo. Quidem indigent omnes eâ probitatis specie, quæ proprii commodi humanum quemcumque intuitum excludat. Alioqui enim ambient divitum mensas, itè dona & munera, quæ excæcant oculos sapientum, & ministerii libertatem minuunt, si non auferant prorsus; legata extorquebunt à moribundis, eaque contra Regias sanctiones invalidè recipient; sceminis, quæ ut in ipsas homo, sic naturaliter in hominem propendunt, eò periculose magis, quodd sub pietatis pretextu adhærebunt: unde non secus ac de fonte venenoso scaturiunt innumera mala, jactura scilicet temporis; visitationes superflua; teneriora in utroque morbi & valetudinis statu obsequia

sequia; timor nè ex ovili nostro in alienum transmigraret ovis impenitus dilectas; Confessio pene sine verecundiæ & doloris sensu, quia peracta apud amicum, cui sua quæcumque aperire dulce est. Accedunt quandoque murmura domus, atque etiam totius Parochiæ; despectus & suspiciones perditorum hominum, proborum scandala, &c.

Quæres quid faciendum à Confessario pio, qui poenitentem aliquem sibi humano quodam, nec moderato satis affectu inhærere sentit.

R. eam breviter & asperius solito tractandam esse. Breviter, ne vel foveantur iocines scrupuli, qui alii ex aliis prelulant: vel longioris colloquii mora sit libidinis incentivum. Paulo asperius, ut sentiat se non aliter Confessario placituram quam si Deo placere conetur. Quodd si hæc non succedant, & periculum sit nè malum augeatur in dies, multò satius, imò quandoque necessarium erit vincula adhuc lignea dirumpere; nè si ferrea evadant, frangi jam non possint. Et hæc durior in speciem agenditatio, cum iis etiam servanda est personis, quæ licet solidâ eniteant virtute, existimare videntur se non alio quam hujus Confessarii auxilio ad cœlum evehi posse.

2do. Indigent Confessarii eâ specie probitatis, quæ tenebram charitatem, ac zelum salutis animarum importat. Est enim Confessarius pastor poenitentium, eosque inter & Deum mediator: atqui ad utrumque hoc munus requiritur & tenera caritas, & ingens salutis animarum zelus. Pastor enim & mediator solliciti esse debent, ut ovem errantem quarant, ad ovile revocent, & supremo Pastori per preces suas, & gemitus reconcilient. Hæc porro & similia num præstabit homo charitatis expertus? an erit de aliena reconciliatione sollicitus, qui non est de sua.

3tio. Et eâ indigent probitate, quæ facit ut Sacramenta dignè administrantur, quæque consequenter peccati letalis statum excludit. * *Neceffe, est enim ut esse munda studeat, manus quæ diluere sordes curat.... scriptum namque est: Isaïæ 62. Mundamini, qui fertis vasa Domini.* Et verò Confessarius iudicis mundus exequitur; porro iudicans alium, qui ipse iudicandus est, condemnat seipsum. Ità ex Augustino S. Antoninus. 3. part. tit. 17.

Hinc colliges; 1mo. mortalis sacrilegii reum esse Sacerdotem, qui in habitu peccati confessiones excipit: imò tot admittere peccata quot audit confessiones; sicut plures incurrit censuras, qui plures percutit Clericos. Unde necesse est, ut quantum potest fieri, aperiatur Confessario, quot audierit

* I. q. c. 32.

dierit poenitentes. Nec satis esse videtur, ut dicat se obvios quoscumque audisse; cum ea declarationis species nihil exprimat clari, nisi fortè Confessarius inde rem totam petcipiat. Censent tamen viri graves necessum non esse ut Confessarius exprimat speciem peccati in cuius habitu versabatur: nisi fortè malus ille Sacerdos gravissimo aliquo crimine detentus esset; quale quidquid alii sentiant, fornicationis peccatorum esse arbitraretur.

Sed eritne reus malus Sacerdos, qui in casu necessitatis quempiam absolvit.

R. affirmative: etsi enim secundum doctrinam S. Thomæ Laicus vel Sacerdos, qui in necessitate baptismum conferunt, non peccant, eò quòd, ne Sacerdos quidem in hoc casu exhibeat se *Ministrum Ecclesiæ*, cum non agat vi consecrationis in ordinatione receptæ, sed *subveniat necessitatem patientis*: quia tam Sacerdos etiam aliàs non approbatus, ex officio agit, cum excipit moribundi confessionem, non exultatur ob urgentem casum; cum in uno instanti contritionis actum elicere possit. Si tamen eo usque urgenti & repentinâ necessitate moveretur, ut statim in absolutionis verba erumperet, non videretur peccati reus.

Colliges 2do. quòd Sacerdos Poenitentiam aut aliud Sacramentum ministraturus, sollicitè & intimè recogitare debet, an alicuius peccati mortalis (quod sanctissimâ cautione vitare debet) sibi conscius sit. Quòd si reum se esse novit, prius Sacramentali confessione se expiare studebit aut Contritionem certè habere quam diligentissimè curet. Ità S. Carolus in Institutionibus pro administrandis Sacramentis. Concinit Rituale Pauli V. tit. 1. Sacerdos ait, si fuerit mortalis peccati sibi conscius, quod absit, ad Sacramentorum administrationem non audeat accedere, nisi prius corde poeniteat. Sed si habeat copiam Confessarii, & temporis locique ratio ferat, convenit confiteri: quibus ex verbis communiter inferunt Theologi, convenire quidem, & haud tamen necessum esse, ut Sacerdos Sacramenta ministraturus actu deponat peccata; quod & confirmant, quia nec Tridentinum nec ulla alia Ecclesiæ lex requirit Confessionem nisi ante susceptionem Eucharistiæ.

Quoniam tamen rata est contritio, quæ extra Sacramentum iustificet, salubriter sibi consulit, qui, cum facillè potest, recurrit ad Confessarium. Imò id non pauci cum Synodis Atrebatensi, Cameracensi, & Iprensi, Adriano itèm, &c planè necessarium judicant: imò. quia militat in præsentī ratio quæ Tridentinos Patres movit ad sancendum, sess. 13. c. 7. nullus omnino sibi conscius peccati mortalis, quantum-

cumque sibi contritus videatur, absque præmissa Sacramentali Confessione ad sacram Eucharistiam vel Missæ celebrationem accedere debeat; 2do. quia nunquam licet exponere se probabili peccandi periculo: atqui huic se periculo exponit, qui hic & nunc peccata confiteri valens, eadem non confitetur. Qui enim ad Sacramentum Pœnitentiæ recurrere negligit, seque solo contritionis actu contentum habet, dubio utitur remedio, cum certo, vel saltè multò certiori uti potest. Nemo enim per contritionem justificari potest, nisi perfectam; hæc autem adeo est ardua & incerta, ut pauci admodum illam habeant, prout docet Catechismus Romanus 2. p. c. 5. n. 31.

Ob hæc momenta secundam opinionem sequer in praxi, eique omnes adhærere precor. Interim si ex duobus Confessariis quos aequè punit conscientia, alter alterius confessionem excipere teneatur, quia desunt alii non est pueriliter decerrandum uter alterum prior audiat; etsi eum qui piè magis vivit, antè audire deceat, quàm audiri.

Quæres quandonam Confessarius pœnitentem adigere debeat ad iterandas confessiones.

R. Quoties prudenter de earum validitate dubitat. Hinc exigendæ novæ Confessiones 1mo. ab iis qui de proposito peccatum aliquod celavèrunt, nisi quod rarum est, celaverint ad consulendum vitæ suæ, &c. 2do. ab iis qui idonei examinis defectu quem non suppleverit charitas Confessarii vel peccata quadam, vel eorum numerum vel circumstantias quæ exprimendæ erant, suppresserunt; 3tio. & ab iis qui aliquid grave reticuerunt ex ignorantia mortaliter culpabili; 4to. & ab iis etiam qui confessi sunt, quo tempore Trinitatis, Incarnationis, Redemptionis, & Dei remuneratoris Mysteria ignorabant etiam invincibiliter, quia horum explicita fides necessaria est necessitate mediæ ad justificationem; prout dicam ubi de Fide. Idem dic si quis contritionis necessitatem ignorasset; 5to. ab iis quoque, qui debito dolore caruerunt, quales reputari debent, qui paulò post ad vomitum reversi sunt; nisi fortè ut supra dictum est, extraordinariâ tentatione & occasione rapti cesserint, casumque suum paulò post ubertim doluerint,

Porro in casibus modò recensitis, si confessio invalida apud alium Confessarium iteretur, omnia mortalia secundum numerum, speciem & circumstantias necessarias repetenda erunt. Si verò res apud eundem agatur Confessarium satis erit generaliter dixisse: *Accusò me de peccatis omnibus, quæ tibi invalidè confessus sum; insuper de tali quod de industria, vel gravi negligentia omiseram; ac demùm de sacri-*
legio

legio in illa confessione commissio. Limitat hoc ultimum Ethica amoris n. 2; 80. si Confessarius adhuc memor sit peccatorum confessorum, memor, inquam, generali modo, de quo infra.

Quæres 2do. an semper subsequas confessiones iterare teneatur, qui prævias iterare debet.

R. negat. ignoravit quis, v. g. Mysterium aliquod necessarium necessitate medii, & confessus eo tempore absolutionem recepit invalidam, post aliquot annos de eodem Mysterio instructus pluries peccata deposuit, nec tamen confessiones, antè factas iteravit, quia nesciebat iterandas, comperit tandem invalidas fuisse prævias instructioni suæ confessiones, satis est, ut eas repetat; quia validæ fuerunt confessiones subsecutæ, & peccata præcedentia indirectè deleverunt; eadem tamen peccata clavibus subjici debent, quia sic à Deo constitutum est.

Idem contingere potest iis, qui ad Deum serìo conversi, post aliquot à conversione annos detegunt ex librorum quorundam lectione se pluries invalidè fuisse absolutos; aut qui recordantur se olim aliquod celasse peccatum, quod tempore conversionis non expressère, quia ejusdem obliti, modò oblivio hæc non fuerit culpabilis saltèm graviter. His ergo satis est ut confessiones quæ conversionem præcessère, repèrant. Eadem de causâ qui reticuit etiam ex verecundia peccatum aliquod quod pro levi habebat cùm esset grave, ad hujus confessionem, non ad iterationem totius confessionis adigi debet, si inculpate erraverit circa naturam peccati hujus, quod & eruditis contingere potest. Inculpate autem errasse censetur, qui sic affectus erat, ut maluisset mori, quàm grave peccatum culpabiliter reticere.

Quæres 3tio. an ad totam confessionem teneatur, qui certas tantum suppressit circumstantias, v. g. circumstantiâ scandalì.

R. Si id factum sit sine culpa mortali Pœnitentis, qui ea de re nec instructus fuerit, nec interrogatus à Confessario, quod sæpius contingere compertum est, satis esse ut cautè suppleatur, quod minùs cautè omisum est. Idem dicendum si quis peccatorum numerum non bene expresserit. Si tamen, ait Rituale Parisiense pag 89, Pœnitenti occurrat peccatorum numerus, qui probabiliter judicetur ad verum accedere, is etiam sufficiet, ac licet peractâ confessione recordaretur pœnitens veri ac certi numeri, non debet esse anxius de illo iterum in alia confessione aperiendo, sed liber erit ab illa obligatione per illum numerum probabilem ante expressum: quia scilicet ex eo satis intellexerit Confessarius statum Pœnitentis.

Quæ-

Quæres 4to. an iteranda sit Confessio facta ei qui jurisdictionem non habebat.

R. vel Confessarius omni carebat jurisdictione, & tunc iteranda est confessio eidem facta, non autem subsequæ propter allatas suprà rationes; vel Confessarius aliquam sed non omnimodam habebat jurisdictionem, putà quia pro reservatis approbatus non erat, & Pœnitens bonâ, ut supponimus, fide, quædam reservata confessus est, quædam minimè reservata; & tunc divisi sunt Theologi. Plures tamen absolutionem tunc datam valere putant directè quoad non reservata, indirectè verò quoad reservata, unde sequitur confessionem quoad minimè reservata iterandam non esse, sed solum quoad reservata, non ut dimittantur, cùm jam dimissa sint, sed ut satisfiat reservationis scopo. Ità sentit Lugo disp. 16. n. 598. Navarrus in summa cap. 9. n. 6. ubi omnes de hoc convenire dicit, Sylvester, Tabiena, Fumus in Armilla, & alii quos citat nec improbat Caballus Lib. 3. cap. 11. n. 6. in fine

Ex prima responsionis nostræ parte sequitur invalidè absolutum iri, qui non nisi reservata Sacerdoti pro reservatis non approbato peccata subiceret: quia nihil subiceret, in quod jurisdictionem directam haberet Sacerdos. Verùm de his adeundi Theologi ubi de pœnitentia, qui omnes extricant se ut possunt.

Quæres 5to. an iteranda confessio cùm pœnitens impossita pœnitentiæ defuit; aut hæc ei excidit è memoria.

R. ad 1. Si pœnitens quo tempore absolutionis beneficio donatus est, intenderit non implere pœnitentiam, confessio invalida fuit, & iterari debet. Si verò seriò intenderit exequi pœnitentiam, cùm deinceps voluntate in malum versà defuerit, expendendum est, quo tempore malæ huic voluntati cesserit. Si brevi post absolutionem tempore, dubia admodum est ejus conversionis sinceritas; quia sincere conversus remedia à Confessario præscripta non negligit salutem in continent; (nisi fortè extraordinaria quædam supervenissent, ut iter festinum.) Si verò non nisi post tempus satis longum, duos v. g. aut circiter menses; aliter dicendum erit; quia absolutio impeccabilem non facit, nec impedit quin firmiora proposita tandem evanescant.

R. ad 2. docet Henno Tom. 8. pœnitentem hoc in casu satisfacere debere, prout sibi prudenter omnibus attentis visum fuerit. Sed malè, quia satisfactio de quâ nunc loquimur, & virtute clavium imponi, & Sacramenti completiva esse debet: neutrum autem ei competit pœnitentiæ quam sibi pro

pro libito imponit pœnitens; & idcirco fatentur omnes eum non posse in aliquid etiam melius impositam sibi pœnitentiam commutare.

Quæres 6to. an qui suam sibi vult pœnitentiam commutari, confessionem iterare debeat

R. 1mo. pœnitentiam si salutaris sit & conveniens non posse in aliam quæ etiam conveniat, & salutaris sit, sive ab eodem Confessario, sive ab alio mutari; tum quia nulla est illius mutandæ causa, tum quia Deus alligando in cœlis, quæ alligata sunt in terra, sanxit ut quæ præcepit Confessarius clave non errante, observentur à pœnitentibus. Itaque tunc solum pœnitentiæ mutationem exigere potest pœnitens, cum hæc ob supervenientes circumstantias sit animæ vel corpori moraliter periculosa; aut acerbior est quam par sit, ut jejunium: in pane & aqua pro verbo otioso; aut sine iustitiâ impleri non potest, aut demum, ait Pontas alia speratur *utilior futura*, qualis ut præsumatur, videtur sufficere ut cum multò majori animæ gaudio implenda sit; modò tamen semper sit delicto proportionata.

R. 2do. Vel pœnitentia ab eodem qui eam imposuit Confessario mutari debet, vel ab alio. Si ab eodem, necesse quidem est, ut hæc mutatio fiat in alia confessione, quia agitur de usu clavium, qui nonnisi in tribunali exercetur; at non opus est novâ eorundem peccatorum confessione, si Sacerdos adhuc memoriâ quâdam confusâ, qualem pene necessariò habent, qui multas excipiunt confessiones; recorderetur statum pœnitentis. Addit Simonei Tom. 9. nec novâ opus esse absolutione, *saltem si hæc commutatio fiat non diu post priorem confessionem & absolutionem*. Mihi quidem, si pœnitens alia habeat peccata quæ deponat, satius videtur ut novâ donetur absolutione, quæ & in peccata hæc cadat, & in ea quibus imposita erat satisfactio de cujus commutatione agitur. Unde novo circa antiquiora hæc peccata contritionis actu opus erit.

Sed si pœnitentia ab alio Confessario mutanda sit, necessum est ut nova fiat ei confessio peccatorum, pro quibus imposita fuit hæc pœnitentia. Ratio est 1mo. quia pœnitentia sacramentalis debet imponi per modum iudicii: porro iudicium hoc prærequirit accusationem pœnitentis, quæ in ipsa confessione sita est; 2do. quia pœnitentia imponi debet quæ conveniens sit & salutaris: ad hoc autem necesse est ut causa quantum satis est cognoscatur; quod nonnisi per confessionem fieri potest.

Dixi, *quantum satis est*, quia ait Habert; non requiritur

Moral. Tom. I.

Gg

ut

ut iteretur confessio integra & singula peccata quoad speciem & numerum exponantur, sed satis est si summam declarentur graviora peccata & peccandi consuetudo, propter quā verius similius gravior hæc pœnitentia injuncta est. Atque hæc decilio, quæ mitior videri possit, hinc confirmari potest, quod qui multas totâ hebdomade confessiones audiunt, & generalem in uniuscuiusque sine pœnitentiam imponunt, non nisi summam cuiusque pœnitentis statum sibi revocent. Unde si ex statu & testimonio pœnitentis intelligat secundus Confessarius, parem plus vel minus fuisse statum pœnitentis, cum ei à priori Confessario injuncta fuit pœnitentia, quam sibi commutari optat, non alia opus est confessione.

Duo hic exurgunt dubia, 1mo. an possit inferior mutare pœnitentiam à Superiore pro reservatis impositam; 2do an pœnitens qui eandem apud alium iterat confessionem, eo ipso sit à priori pœnitentia immunis, quo novam recepit à secundo Confessario.

R. ad 1. negat. 1mo. quia inferior quâ talis non potest moderari legem impositam à Superiore qua tali: porro pœnitentia pro reservatis imposita, est à superiore quâ tali; ergo mutari nequit ab inferiore, nisi is quoad hoc fiat æqualis Superiori, per acceptam ab eo potestatem; 2do. quia secundus Sacerdos non potest mutare priorem pœnitentiam, nisi quatenus potest novam proferre sententiam perinde ac si esset prima: sed qui pro reservatis approbatus non fuit, non potest oblatam sibi causam judicare velle, perinde ac si esset hæc prima ejusdem causæ cognitio & sententia; ergo.

R. ad 2. negat. sententia enim legitimè lata subsistit donec revocetur; ergo necessaria est ex parte Confessarii, sive is idem sit sive alius, intentio eam revocandi, ac proinde de revocatione hac seu partiali seu totali pœnitentem à Confessario moneri oportet. Ceterum ait P. Antoine, ne prius Sacramentum suâ integritate privetur, relinquendum est aliquid ex priore pœnitentia præstandum. Addit Lugo fieri posse ut secundus Confessarius non possit sine gravi peccato pœnitentiam à primo impositam mutare, si nimirum hæc aded præservativa sit, ut eam pœnitens secluso etiam Confessarii præcepto sibi imponere teneatur: secus si pœnitentia præservativa possit mutari in aliam æquivalentem quoad effectum, & quæ eo sensu utilior futura sit, quod fidelius & sanctius implenda.

CAPUT SECUNDUM.

De obligationibus Religiosorum.

Materiæ hujus cognitio, non iis tantum qui Religionem amplexi sunt, sed & secularibus etiam presbyteris necessaria est, cum seu in itineribus, seu in stationum decursu confessiones Religiosorum excipere teneantur. Hæc tamen quam brevissime fieri poterit, expediemus, omisiss etiam iis quæ ad Novitios spectant.

Status Religiosus est stabile vitæ institutum, approbatum ab Ecclesiâ, tendens ad perfectionem jugiter acquirendam per solemnia vota, castitatis præsertim, paupertatis & obedientiæ.

Dicitur 1mo. *institutum stabile*: licet enim Religiosi aliquando à Superioribus dimitti possint, ipsi tamen jugum excutere non possunt.

Dicitur 2do. *approbatum ab Ecclesiâ*, seu, ut hîc intelligitur, ab Apostolica sede; quia sanxit et merito Concilium Lugdunense II. sub Gregorio X. ut nulla jam exurgeret Religio nisi approbante Papâ Dicitur 3tio. *tendens ad perfectionem*, unde status is vocatur à S. Thoma Scholare seu Schola perfectionis adipiscendæ, quo titulo distinguitur ab Episcopatu, qui status est perfectionis aliis impertiendæ, & ideo jam acquisitæ. Nè tamen hinc inferas eum, qui Religionis ingressum vovit, voto satisfacere acceptando Episcopatum; quia Episcopatus licet perfectiori multa inhaerent pericula quæ humilis Religio facillè devitat.

Dicitur 4to. *per solemnia vota castitatis, &c.* per quæ nimirum non modò præceptis sed potioribus Evangelii consiliis homo se sponte devover: & tria hæc Christi sequitur: *Vade & vende omnia quæ habes*, Matth. 19. *Qui vult venire post me abneget semetipsum* Matth. 16. *Sunt Eunuchi, qui se ipsos castraverunt propter Regnum Cælorum*, Matth. 19. Ceterum vox *solemnia*, si de solemnitate substantiali intelligatur, moraliter accipienda est. Prima enim Jesuitarum vota, & simplicia sunt, & eisdem verè & propriè Religiosos constituent, ita ut si à Societate deficiant, excommunicationis & aliis Apostatarum pænis sint subjecti: prout statuit Gregorius XIII. per Bullam, *Ascendente Domino* an. 1584. Porro tribus prædictis votis alia junguntur speciali Monasteriorum lege, ut votum vitæ quadragesimalis in Religione S. Francisci de Paulâ.

Hinc colliges 1mo. graviter adversus substantialem statum sui perfectionem delinquere Religiosum, qui ad perfectionem tendere negligit, & Ordinis sui regulas, quasi frivolas & inutiles abjicit & designatur. Hæc sententia, ait Navarrus, multis est formidanda Religiosis, qui nec actu nec virtute proficiendi animum habentes, non curant abundantiorē quā fecularium bonæ frugis Clericorum, justitiam assequi. Et hoc imprimis ponderare debent, qui de amplectenda Religione cogitant; nè fortè cum aliis dicant aliquando saltem in praxi
 * Sufficit nobis, nolumus esse meliores quā Patres nostri. Hos utique S. Bernardus fulmineâ hâc voce obrueret: O Monache, non vis proficere? vis ergo desicere? nequaquam. Quid ergo? Sic, inquis; vivere volo, & manere in quo perveni; nec pejor fieri patior, nec melior cupio: hoc ergo vis quod fieri non potest.

Colliges 2do. eos quibus Candidatos admittere licitum est graviter peccare seu eos qui digni sunt excludendo, seu eos passim & temerè admittendo, quos constat in amplexu crucis non ipsam crucem quarere, sed id moliri solum ut vel inopiæ, vel paternæ vexationi se subducant, vel inconsulti & labilis fervoris impetum sequantur. Merito igitur Nicolaus III. cap. Exiit, de verbo signif. in 6. eos solum admitti jubet, qui suffragantibus eis literaturâ, idoneitate vel aliis circumstantiis, possint utiles esse Ordini, sibi que per vitæ meritum, aliisque proficere per exemplum. His obiter præmissis, videndum 1mo. ad quid teneantur Religiosi ratione votorum; 2do. quid debeant Ecclesiæ & Episcopis.

ARTICULUS PRIMUS.

Ad quid teneantur Religiosi ratione Professionis.

Religiosi quadruplex contrahunt onus, stabilitatis nempe, paupertatis, castitatis & obedientiæ, de quibus sigillatim dicendum.

SECTIO PRIMA.

De stabilitate.

Præcipua religiosi obligatio, est immota in Religione quam professus est stabilitas. Unde graviter peccat, 1mo. qui sciens se validam professionem emisisse, aut primò invalidam scienter renovasse, aut dubium esse validene an non professus

* Epist.

fit,

fit, reclamari, quasi nulliter & invalide professus: 2do. qui temere à Religione ad Religionem transit.

Quod ad primum attinet, si Regularis prætendat, se per vim & metum ingressum esse Religionem, aut etiam dicat ante ætatem debitam professum fuisse, aut quid simile, velitque habitum dimittere quacumque de causa aut etiam cum habitu discedere sine licentia Superioris, non audiat, nisi intra quinquennium tantum à die professionis, & tunc non aliter, nisi causas, quas prætenderit, deduxerit coram Superiore suo & Ordinario. Trid. Sess. 25. cap. 19. De Regul. Circa hoc decretum quædam animadvertenda.

Imo. Quinquennium intra quod reclamare licet, non computatur in multis Galliæ Diocæsisibus à die professionis, sed à die quo vis, metus, errorve juris aut facti desinere, unde in iisdem Diocæsisibus, qui ex vi vel metu professus est, non indiget per idem quinquennium Pontificio Brevi quo in integrum restituatur. Imò certa sunt impedimenta contra quæ semper reclamari potest, ut si vir invita uxore professus sit. In locis, ubi invaluit usus; ut reclamandi licentia ab Apostolica sede obtineatur, rescriptum vel à Papa, vel à legato, vel à Congregatione seu concilio seu Regularium, obtineri potest.

2do. Superior & Ordinarius coram quibus causa huiusmodi reclamationis disceptanda sit, sunt & localis Superior Monasterii in quo emissæ fuit Professio, & Ordinarius ejusdem Diocæsis. Ità declaravit S. Congregatio die 1. Decemb. an. 1593. Ratio fuit, quia probationes & oppositiones ex eodem loco in quo professum fuit, facilius innotescunt. Ceterum nihil proficitur nisi reclamatio fiat simul coram Superiore & Ordinario. Ordinarii autem nomine, quo usæ est Synodus Trid. veniunt etiam Prælati, qui licet Episcopi non sint, jurisdictione fruuntur quasi Episcopali.

3tio. Qui reclamat imprimis cavere debet, nè habitum motu proprio dimittat, alias enim, ait Tridentinum ibid. ad Monasterium redire cogatur, & tanquam apostata puniatur. Si quis tamen post fugam duxisset uxorem, staret matrimonium, posito quòd invalida esset Professio à parte rei; putà ex defectu consensûs interioris (de quo tamen nè juranti quidem fides habenda, ut qui nunc, sicut tempore professionis decipere possit) tunc verò damnum omne quod ex ficta professione subiit religio, resarciri debet. Qui habitum iusta de causa dimisit, reclamare potest: idem dic si resumpto quem temerè exuerat habitu ad Monasterium redeat.

An autem qui reclamare non potest, putà quia invaliditatem probare nequit, teneatur ad ratificandam prpfessionem,

controvertitur. Iis adhæreo, qui inspicere volunt unde orta sit professionis nullitas. Si ab ipso professo qui fidei consensum, eam ratificari oportet, sicut a pari dicitur in matrimonio: hic enim intercessit gravis contra innocentem injuria, quæ nonnisi vero consensu resciri potest. Si verò ex vi, meru, aut ex simili quopiam nata sit prædicta invaliditas, non credo necessum esse ut rata habeatur Professio, quia non est cur id oneris & immerito & nolenti imponatur.

4to. Reclamatio nec per sola verba, nec per testes solos qui corrumpi facile possent. sed per instrumentum publicum fieri debet.

5to. Reclamare potest, qui professionem suam valuisse ratus, eandem pluries renovavit; quia renovatio errori innixa non magis valere potest, quam valuerit in prima origine; excipe nisi quis hanc eo expressè animo ratificet, ut si aliquo ex capite sibi ignoto nulla fuerit, ratam facere intendat.

Quod spectat ad transitum ab una Religione in aliam, is quidem generatim suaderi nequit, tum quia unusquisque in qua vocatione vocatus est, in eâ permaneat. I. Corint. 17. Tum quia, ut ait S. Thomas 2. 2. q. 89. art. 8. ex hoc plerumque scandalisunt illi qui relinquuntur; tum etiam quia facilius proficit aliquis in Religione quam consuevit, quam in illa quam non consuevit; tum denique quia vix ulla est Religio, quæ viros moribus conspicuos non nutriet, vix ulla cui vir sanctus verbis & exemplo proficere non possit.

Quia tamen teste eodem S. Thomâ potest nonnunquam aliquis laudabiliter de una Religione transire ad aliam, quod & convincit totius Ecclesiæ praxis, non abs re erit hic paullisper immorari.

Religio ad aliam comparata vel strictior est, vel laxior, vel æqualis. Ad strictiorem transiri posse, positum ponendis, una est omnium vox; sed quæ debeat strictior judicari, non una est omnium opinio. Nobis ea videtur strictior, quæ inspecto fine & mediis ad finem, nobilior est atque perfectior, non autem quæ præcisè austerior est; imo, quia honores Dei & major nostri perfectio spiritualis, sunt causæ cur ab una Religione ad aliam transmigrare liceat: atqui austeritas præcisè sumpta, nec plus Deo honoris, nec plus homini spiritualis perfectionis tribueret; ergo non eò præcisè austerior est Religio, quod asperior ob corporis cruciatum, sed quò ex fine proximo & mediis eidem congruis perfectiori: ac proinde major hæc perfectio, est ratio ab una ad aliam transirendi 2do. quia à perfectiori Religione sed minus austeram, transire ad austeram magis, & minus perfectam, esset descendere

dere, & votum commutare in aliquid minus quod non licet. Sed quæ tandem Religio inspecto fine & mediis ad finem, censeri debet perfectior?

R. talem censeri, quæ vitam ex activa & contemplativa mixtam agit præstantiori modo, seu quæ cum prædicatione verbi, doctrina, & animarum zelo, vitæ austeritatem majorem in vigiliis, macerationibus, vestitu pauperiore, carniū abstinentia conjungit. Ratio est, quia vita hæc ad eam propius accedit quam professi sunt Christi præcursor, Christus ipse, ac præceptore Christo, ejusdem Apostoli; quibus vetitum fuit nè portarent *sacculum, peram, aut calceamentum*; & qui in jejuniis multis, in vigiliis, in fame & siti, in frigore & nuditate dies suos transigendo quotidie moriebantur, seque impendebant, & superimpendebant.

Hic notandum non raro fieri, ut Religio ex primæva conditione severior, tam collapsa sit, ut & illicitum sit ad eam transire, & ab ea ad mitiorem quæ secundum se totam observatur, liceat evolare. Ut explanentur quædam difficultates.

Quæres 1mo. quæ requirantur ut quis ab Ordine mitiori ad strictiorem transeat.

R. præcipue requiri, 1mo. ut non id fiat ex levitate, ex acceptæ offensionis sensu, similibusve motivis, sed ex sincero perfectioris vitæ desiderio; & hoc quidem præsumi debet, nisi adsint legitimæ dubii rationes: in dubio autem, putà si quis accepta offensa, vel graviter correptus, minatus fuerit se recessurum à domo, consulendus est Superior Superioris apud quem degit qui cogitat de discessu.

2do. Nè talis transitus cedat in gravamen, jacturam, infamiam aut dedecus religionis desertæ, quia communis totius Ordinis utilitas, privata utilitati præfertur. Ex quo inferunt aliqui non licere Doctori, hominive in arte aliqua admodum perito, viro item notabili, alium à suo statum amplecti. Hæc tamen cum grano salis videntur intelligenda; alioqui vir summi meriti, vel ad perfectiora vocari non posset, vel vocanti Deo non posset obsequi; quin & redarguendus veniret S. Antonius de Padua, qui è Canonico Regulari Seraphicam Religionem amplexus est, non obstantibus fratrum suorum querelis. Neque vero injuriam facit, qui jure suo utitur; nec desinit sancta esse Religio quæ deseritur sed solum haberi pro minus perfecta: quod omnibus satis notum esse solet. Interim quia de jure alterius agitur, non est temere procedendum.

3tio. Ut petatur Superioris licentia, quam si nulla subsit

resistendi causa, sine peccato mortali denegare nequit: imò quam tunc sine difficultate & gravitate qualibet debet indulgere, nè videatur propositum impedire divinitus inspiratum. Quòd si rebus, ut decet, pensatis, aut pensandis, pergat refragari Superior, nullamque repulsæ suæ rationem exhibeat nisi frivolam, liberè potest Religiosus, sanctioris vitæ propositum adimplere, non obstante protervâ indiscreti contradictione Prælati, cap. Licet, De Regul. Interim Superior licentiam hanc negare tenetur, donec, ait Fagnan, sibi constet secundam Religionem paratam esse illum recipere, qui licentiam petit: & is nisi rectâ eò se transferat, sed quò placuerit, vagetur, fugitivus habebitur & Apostata, ut qui nullius obedientiæ subit; ità definit S. Congregatio.

Quæres 2do. à quo & qua de causa permitti possit Religioso, ut ad Ordinem vel æqualem vel laxiorem transeat.

R. ad 1. quoad Instituta laxioris disciplinæ à solo Papa posse concedi. Potest tamen Societas Jesu ex singulari privilegio permittere Professis suis transitum ad quamcumque Religionem.

Quoad instituta æqualia, docent Regulares Prælatos suos ad ea transeundi licentiam suis iusta de causa largiri possentur sanè & usu & specialibus privilegiis, quibus, non derogat Tridentinum. Sess. 25. c. 19. de Reg.

R. ad 2. varias ab iis quos res ista proprius tangit, afferri legitimi ad laxiora transitus causas. Prima est si major inde speretur spiritualis profectus, quia ad onera laxioris Ordinis idoneus est, ad ferenda rigidioris, ineptus sit; 2do. si ex pravo habitu aut innatâ indole, gravem in exequenda Regula strictiori difficultatem sentiat: sic enim affecti raro suas ut par est regulas observant; 3tia. si in Ordine strictiori malè & iniquè tractatur sicque murmuri, impatientiæ, & lædendæ charitatis periculo exponitur; 4ta. si ob delictum, cujus jam pœnas subierit, & emendationem procurer, odio habeatur & despectui; 5ta. si ob culpam in Ordine suo infamatus, continuis ibidem pudore, & tristitia afficiatur; 6ta. si parenti graviter egenti subvenire possit in laxiori Ordine, non in strictiori; 7ma. si infirma valetudine laborans, impar sit austeritatibus rigidioris Regulæ, in qua proinde onerosus sit, qui in alia pròdesse potest. Itèm si pravâ acris intemperie vexatus in Monasterio, salubriorem alibi aaram spirare nequeat. Ità passim Regulares, qui meritò annotant minus requiri ut ad æqualem, quam ut ad laxiorem vivendi formam transeat.

Censet Ducasse ex his causis nullam esse quæ ad laxiora indu-

indubiè sufficiat, præter eam quæ è virium defectu repetitur: unde hic omnia ab Officialibus aquâ lance ponderanda erunt.

Quod spectat ad Religiosos quorum parentes necessitate premuntur, non ægrè admiserim totam ea de re Sylvii doctrinam, hæc ille 2. 2. q. 101. a. 1. „ Si parentum necessitas esset tam urgens, ut proximè accederet ad extremam, neque ullo modo foret verisimile quòd aliter posset eis succurri quàm per egressum filii Religiosi è Monasterio; veluti si proborum virorum iudicio satis certum apparet, quòd alioquin sint fame morituri; videtur quòd tunc petita, quamvis non obtentâ licentiâ, posset tantisper egredi dum ejusmodi necessitas transferit: quia eadem penè est ratio talis necessitatis quæ extremæ: in extrema verò parentum necessitate id esse licitum, imò filium Religiosum ad hoc esse obligatum, multorum est valde probabilis sententia: propterea quòd præceptum de honorandis parentibus, cum sit affirmativum, maximè obligat in casu extremæ necessitatis, & cum ad primaria juris naturæ præcepta pertineat, nunquam desinit obligare, saltè pro casibus tam evidentibus, unde & docetur esse indispensabile 1. 2. q. 100. a. 4. Confirmatur, per votum Religionis nemo eximitur, legibus naturæ, vel Dei præceptis; ergo debet eis satisfacere etiam post professionem. Neque verò, si petita sed non obtentâ licentiâ egrediatur *in hoc casu* Religiosus, aut Deo, aut Prælato erit injurius; quia non aliter servitium suum eis promissit, quàm salvâ lege naturæ nec Deus aliter accepit.

Quod urget Pontas non defuisse Religiosos, qui hoc prætextu è clauistro egressi, scandalum dederint, & transactâ suorum necessitate longiorem in sæculo moram traxerint, incommodum est, non argumentum; neque licitum & sanctum esse desinit, id quo quidam abutuntur. Interim & Religiosus exire nequit, nisi antea & apud Superiores & apud amicos egerit ut parentibus suis succurratur.

SECTIO SECUNDA.

De voto Castitatis.

Castitatis Religiosæ votum consistit in actu, quo quis Deo spondet ab continentiam ab omni delectatione venerea, sive intra sive extra matrimonium. Hinc id omne quod in secularibus est quoquo modo poccatum contra castitatem, est in Re-

ligioso sacrilegium, ac proinde peccatum duplex seu mortale seu veniale, prout materia vel gravis fuerit, ut solet, vel levior; prout item sufficiens adfuerit vel defuerit advertentia.

Quandoque tamen id quod in seculari leve est, grave esse potest in Religioso, seu ratione regulæ quam professus est, seu ratione scandalii. Si tamen peccatum, etsi grave in ratione scandalii, leve supponitur in ratione impudicitie, negant plures illud reservatum iri, etiamsi in aliquo Ordine peccatum impudicitie reservatum foret.

Quod dicunt aliqui, ei, qui acceptis Ordinibus sacris & emissâ professione contra castitatem deliquit, etiamsi Generalis sit, aut Episcopus, sacis probabiliter esse ut in confessione dicat se peccasse contra castitatis votum, sine eo quod amplius exprimat; idemque judicandum de muliere quæ cum talibus lapsa est; id, inquam, adversum est primoribus sanioris Ethices principiis. An enim duplex votum solemne, duplicemque consecrationem violare, quasi inanis circumstantia reputabitur? an non conditio personæ Episcopi, vel primi Superioris, facinus ab iisdem admissum insigniter aggravat? Multò magis veritati consonum est quod docent iidem, eum qui voto ligatus, cum alio vel alia eodem vinculo innodatis peccat, & suum, & alterius votum exprimere debere; ut qui & peccaverit, & alieni peccati adjutor fuerit.

An autem peccatum contra castitatem, sit ex iis quæ pugnant contra bonum commune, quaestio est apud Regulares gravis; quia id genus peccata, & Superiori tanquam iudici (præmissâ utique si præmitti debuit, correctione fraternâ) denuntiari debent, & ab eo juridicè puniri; secus de peccatis merè, ut aiunt, personalibus. Res mihi ex specie peccati quod quis frequenter perpetrat, & ex circumstantiis definienda videtur. Si enim peccatum tale sit quod solus quis & sine scandalo committat, ut est mollities, culpa videtur personalis, neque aliter in Religionis detrimentum cedit, quàm aliud quodcumque grave peccatum. Si verò, ut penè semper evenit, ubi præsertim viget habitus, ita quis affectus sit, ut vel alios sollicitet ad crimen, vel liberiori loquatur ore, vel de excessu suo sacrilegè gloriatur, &c. utique quasi duplicis boni subversor exagitandus erit.

Religiosa castitatis effectus triplex: 1^{mo}. enim dirimit sponsalia ante & post ipsam contracta. Ante quidem, quia ex communi Ecclesæ sensu sub hac tacita conditione fiunt, *Nisi me Deus ad perfectiorem statum vocet*: postea verò, quia sunt de re & illicita & seclusa Romani Pontificis dispensatione, prorsus impossibili; 2^{do}. irritat matrimonium subséquens

uens, imò & illud quod præcessisset, necdumque esset consummatum; 3tio. omnem & internum & exteriorem actum pudicitiaæ adversum interdicat.

SECTIO TERTIA.

De voto Paupertatis.

Salebrosam Paupertatis materiem, quàm breviter & solidè fieri poterit exponemus; quod ut fiat: videndum: 1mo. an Religio in communi sit domini capax; 2do. an id hac in parte possint privari, quod ipsi Religionis corpus; 3tio. nonnullæ quæ ad id spectant difficultates sunt enucleandæ. Sit

CONCLUSIO I. Religiosi in communi & bona possidere possunt, & eorum quæ possident eodem modo domini sunt ac Beneficarii seculares.

Prob. 1mo quia Tridentinum Sess. 25. cap. 3. De Regularib. concedit omnibus Monasteriis & domibus tam virorum quàm mulierum & mendicantium, exceptis domibus Fratrum sancti Francisci (idem est domibus Profellis Societatis Jesu) ut deinceps bona immobilia eis possidere liceat.

2do. Quia non potest Papa sine gravi causa, bona Monasterii unius ad aliud transferre, quin peccet contra iustitiam; atqui hoc posset si Communitates bonorum suorum dominio non fruerentur.

3tio Si Communitas non haberet tale dominium, maxime quia paupertatem profiteretur: atqui hæc ratio non valet. Paupertas enim non excludit dominium in communi, sed efficit tantum ut nemo in particulari possit de re ulla tanquam dominus disponere, & independenter à nutu Superioris; ergo.

CONCLUSIO II. Nemo Religiosus in particulari capax est proprietatis.

Prob. 1mo. ex cap. 6. De statu Monach. aliisque Canonibus plurimis, qui sub obtestatione divini iudicii prohibent, nè quis Monachorum in particulari proprium aliquo modo possideat; sanciuntque ut si proprietas apud quemquam inventa fuerit in morte, ipsa cum eo in signum perditionis extra Monasterium in sterquilino subterretur. Monachi, aut Concilium Lateranense, * non pretio recipiantur in Monasterio, nec peculium habere permittantur.

Prob. 2do. si Religiosus domini capax foret, utique in pensionem sibi à parentibus concessam: atqui nè hujus quidem

* Ibidem can. 2.

dem pensionis dominium habere potest Religiosus. Illud enim peculium non subiacet dominio Religiosi, quod eo ipso ad Monasterium pertinet; quod rectè ad Superiores deferendum est; quod ab iis sine iniuria alios in usus potest impendi; quod sine sacrilegio tanquam proprium repeti nequit à Religioso; quod, si contractu constitutum sit, non ab eodem sed à sola Communitate relaxari potest: atqui hæc omnia constans; & ab iis etiam admittuntur qui plus peculio favent: aliunde verò id sæpius definitum est à Sacra Congregatione, quæ tamen iudicavit de re esse ut Abbatissa *primum prospiciat necessitatibus Monialis cui pensio constituta est, sic ut id, quod reliquum fuerit, in usus totius Monasterii convertat;* ergo.

Ex his principiis quædam inferemus magni momenti collaria, imo igitur peccant contra paupertatis votum, Religiosi, qui rem temporalem pretio æstimabilem sine licentia Superioris accipiunt, retinent, absumunt, destruunt, permutant, commodant, alienant, aut eâ utuntur; item qui debitum remittunt: hæc enim omnia cum sunt proprio arbitrati, sunt actus proprietatis, adeoque illiciti Religioso, qui per votum paupertatis abdicat se potestate possidendi aut donandi aliquid ut proprium.

2do. peccant etiam mortaliter contra idem votum, & contra iustitiam, qui sæpius quid leve recipientes, aut destruentes ex bonis Communitatis, v. g. libris, vestibus, candelis, scientiam perveniunt ad quantitatem, quæ in materia furti sufficit ad mortale: & hoc verum est, aiunt multi licet ista sint poculenta & esculenta domûs, cui sententiæ adherendum puto, saltem cum esculenta vel poculenta sine rationabili necessitate, aut legitime præsumpto Superiorum consensu insumuntur.

3tio. Et ii peccant, qui à secularibus invitati, manducant aut bibunt absque Superiorum licentia; quia tunc aliquid pretio æstimabile recipiunt. Ita Suarez, P. Antoine, &c. quod tamen aliis durum videtur & difficile, seclusâ speciali Religionum lege, quæ apud Jesuitas hac in parte strictior est quàm apud alios.

4to. Qui sic animo dispositi sunt, ut ad Superioris nutum exui nulent rerum sibi permissarum possessione & usu: item qui rem cum licentia acceptam abscondunt, nè Superior eam repetat; vel qui querelis Superiores fatigant, adeo ut licentiam datam revocare non audent.

5to. Qui re sibi ad unum usum concessa, ad alium etiam honestum utuntur sine Superioris consensu.

6to. Qui earum etiam rerum quas consumere possunt, ut esculentorum, aut pecuniæ ad iter datæ, partem sibi subtrahunt, ut eam aliis donent, aut in alios usus, ut libros, expendant.

7mo. Qui in conservandis rebus sibi ad usum concessis eam non adhibent diligentiam quam in rebus suis adhibere solent diligentes.

8vo. *Mobilium usum ita Superiores permittant, * ut eorum supellex statui paupertatis quam professi sunt, conveniat, nihilque superflui in ea sit.* Unde qui pensionibus suis, etiam cum Superioris consensu utuntur in usus vanos, & qui seculari magis quam Religioso conveniunt, peccant contra pauperatatem, quia Superior nihil permittere potest quod sacris Canonibus, aut veræ paupertati adversetur. Unde qui vestes sericas, picturas inanes, aut magni pretii, horologia parvula valoris excedentis, tapetia, coronas, & alia parietum ornamenta penes se habent, item qui sumptuosa convivia præstant, peccant contra votum, sicut ii qui ludunt, tenenturque qui aliquid cum Religiosis ludendo lucrati sunt, id restituere perinde ac si accepissent à fure, potest tamen Religiosus cum Prælato licentia aliquam modicam quantitatem ludo exponere, absque eo quoddam perdentes aut lucrantes vel ab eo restituere Religioni teneantur, nisi ludus sit illicitus vel à jure, vel à regula Religionis. Ità Salmanticensis, qui monent non posse Superiorem licentiam præbere subditis *ad exponendum ludo notabilem quantitatem*, unde qui eam tunc lucraretur, non esset à restituendo immunis.

9no. controversitur an Religiosi veram suorum manuscriptorum proprietatem habeant. Crediderim ego id esse definiendum ex ipsa Ordinis constitutione. Quod enim apud aliquos pretio æstimabile est, apud alios potest in nullo esse pretio, atque vel igni vel muribus reservari.

imo. Non peccant contra votum qui etiam sine consensu Superioris, rem sibi ex liberalitate oblatam, recusant, quia vi voti non obligantur ad acquirendum Religioni, sed ad non alienandum, accipiendum, utendumve sine licentia. Qui tamen sine justa causa recipere nollit id, quod alii sibi offerunt, peccare posset contra charitatem, impediendo bonum Religionis cui acquirit Monachus, quidquid acquirit; secus si recuset ut Sacramenta liberius conferat, aut ædificationem præstet. Quoddam si quis oblatam sibi pecuniam precaretur egenis suis parentibus impendi, is nisi rem expressè aut tacite quasi nomine suo dandam acceptaret, non posset dici proprietarius: sicut ille qui Missas habens liberas, easdem

* *Trid. Sess. §. c. 2.*

cele-

celebraret in gratiam Sacerdotis alterius, qui debitum iis stipendium reciperet. Secus si pſe pactum pro Miſſâ ſtipendium eidem Sacerdoti porrigi curaret abſque Superioris licentia.

Quæ verò ea in materia ſufficiat Prælati licentia; non venit inter Regulares. Sunt qui in rebus gravioris momenti, & cùm pater ad Superiorem recurſus formalem, aut virtualem ſaltẽm tacitam requirentes, in iis quæ leviora ſunt interpretativam ſufficere putent: ſic, inquiunt qui ex Superioris conſenſu tabacum, liquores & ſimilia recepit, eorum aliquid fratribus ſuis largiri poſſe videtur, niſi reſiſtat ſpecialis locorum conſuetudo.

Alii generaliter licentiam interpretativam abigunt: 1^{mo}, quia aliud eſt Superiorem conſentire, aliud fuiſſe conſenſum, ſi rem ſciviſſet; 2^{do}, quia admiſſio licentiæ interpretativæ uſu, quiſquis pro libituaget, primò quidem in rebus levioris momenti, deinde in gravioribus, ac demum in omnibus, quæ & juſta, & ſibi, ſi peteret, facile concedenda præſumer.

Haud tamen nego quia inferior ex præſumpta prudenter Superioris abſentis licentia agere poſſit. Sic Monaſterii amico cui nihil denegatur, & libri aliquot commodari poſſunt, & pecuniæ ſumma mutuo dari, ab eo qui certus ſit reducem Prælaturum id approbaturum eſſe; ſed & hîc ſumopere cavendum nè præſumantur, quæ præſumi non debent, imò nec ſemper quæ ſub oculis prælati ſunt, ab eo etiam tacitè approbata cenſeri debent: plerumque enim gravioreſ inferioris moroſi quærelæ, Superiorum vocem præcludunt, & cogunt id tolerare, quòd nonniſi majori cum diſpendio cohibere poſſent, ſeu potiùs cohibere tentarent.

Queres 1^{mo}. quæ quantitas ſufficiat ut quis mortaliter peccet contra vorum paupertatis.

R. eam ſufficere quæ ſufficit ad' furtum mortale: quia peccatum proprietatis eſt uſurpatio rei vel uſus, ſine conſenſu Superioris: hæc autem uſurpatio, utpote non ſacrilega ſolùm, ſed & injuſta, quamdam furti rationem habet. Unde fatentur omnes Religioſum proprietarium teneri ad reſtutionem quantum poteſt, ſive ex bonis de quibus licite poſſet diſponere in alios uſus, ſive imminuendo expenſas quas licite poſſet ex Monaſterii bonis facere, ſive magis laborando.

Porro conſent plures minùs in Religioſo requiri ad peccatum letale quàm in filio familias, quia peccatum contra paupertatem non æſtimatur præciſe ex damno temporali ſicut filii furtum, ſed ex everſione unius e præcipuis vitæ reli-

reli-

religio
eſt. E
do pro
fili-
dam vel
tius dicit
repat ac
mediocr
in domi
Quar
batibus
R. ab
ſtricti v
ſolùm
diſpenſa
tio Abb
pro nu
Qua
ſimple
an non
pauper
R.
fruſtr
porat
nere, i
& prid
ſecular
diſcrim
ministra
unita n
Sed q
nos im
R. E
Contra
jus Dor
tur ad
poteſt c
vel con
ligioſo
que uſu
male in
quo cen

* Syl

religiosæ fundamentis, quæ in paupertate tanquam basi stabilita est. Et certè Religiosi proprietarii sapius eo puniti sunt modo pro voti hujus transgressione, quo nunquam puniti fuere filii-familias. Non desunt tamen qui satis probabiliter habendam velint rationem statûs Monasteriorum, ita ut in Conven- tibus diutissimis tres aut circiter Libellæ Gallicæ à Religioso sub- reptæ ad peccatum mortale requirantur; in his verò quorum mediocris est census, Libellæ duæ sufficiant; ac una denum in domibus pauperculis.

Quæres 2do. An quæ de Religiosis dicta sunt, eorum Ab- batibus competant.

R. affirm. Quia ut veri manent Religiosi, sic & manent ob- stricti voto paupertatis. Abbates ergo, alique Superiores hoc solum præ ceteris habent, quod præcipui sint boni communis dispensatores. Et hoc verum est, etiam si certa bonorum por- tio Abbati assignata sit: hæc enim non tam assignatur ut totam pro nutu impendat Abbas, quàm ne aliquid amplius speret.

Quæres 3tio. An Religiosus qui sit Pastor, * aut Beneficium simplex accipit, possit ejusdem fructus Monasterio relinquere, an non teneatur eosdem pios in usus expendere; v. g. loci pauperibus largiri.

R. Regularem hunc posse *inconsulto Prælato, ea quæ ex fructibus sui Beneficii sibi obveniunt*, nisi ii Monasterio incor- porati sint & uniti, *in pios ac honestos usus inter vivos dispo- nere*, imò & teneri per se foundationis obligationes cognoscere, & prius loci pauperibus opitulari quàm Monasterio: 1mo. quia seculares inter & regulares Beneficiarios nullum statui debet discrimen quantum ad obligationem redditus suos fideliter ad- ministrandi, 2do. quia redditus Beneficiorum quæ Monasteriis unita non sunt, ad eadem non pertinent.

Sed quid si Parochus Regularis Beneficii bona in usus profa- nos impendat, aut parentibus qui non indigent, eroger.

R. Eum peccare contra iustitiam, & contra paupertatem. Contra iustitiam quidem, quia instar domini disponit de re cu- jus Dominus non est; unde & ipsè & qui ab eo recepit, tene- tur ad restituendum: contra paupertatem verò, quia id solum potest circa reddituum suorum dispositionem, quod sibi à jure vel consuetudine permittum est; unde in ceteris communi Re- ligioforum omnium legi subjacet; ergo cum neque jure, ne- que usu concessum ei sit aut esse possit, ut Beneficii redditus malè impendat; necesse est ut eodem peccet peccati genere, quò ceteri Religiosi qui Monasterii bona malè impendunt.

SECTIO

* Sylvius.

De voto obedientiae.

Obedientia Religiosa definitur, Vinculum spirituale obligans Religiosum ad parendum Superiori Regulari in omnibus, quae legitimè imperari possunt. Hinc alta obedientiae dignitas: *Magna quidem paupertas, ait Joannes XXII. sed major integritas; bonum est obedientia, maximum si custodiatur illa sa.* Nam prima rebus, secunda carni, tertia verò menti dominatur & animo.

Obedientia duplex ex S. Bernardo, alia perfectionis, alia necessitatis, quae a D. Thomà sufficiens vocatur. Prima terminis non coarctatur, nec contenta angustiis professionis largiori voluntate obtemperat in omnibus, quae contra Deum non sunt. Secunda non quodlibet rectum amplectitur, sed id tantum quod Ordinis Pater instituit, aut certè quod sit secundum quod instituit. Utrumque hoc obedientiae genus, sed primum praecipuè, fecunda est meritum radix, si debita intersint conditiones: ear verò sunt quatuor.

1mo. Ut sit caeca, quae nimirum nec praeepti motiva, nec praecipientis intentionem, aut etiam defectus scrutetur, sibi quae satis habeat, licitum esse id quod praecipitur.

2do. Prompta, in iis scilicet quae ad honorem aut emolumentum inferioris non vergunt; (nam in honorificis festinè & alacriter obsequi, aliquando nonnihil saperet vanitatem.) Prompta autem erit obedientia, si inferior nec excusationibus se tueatur, nec lentè accedat ad opus; uno verbo si obediat ut veteres illi Monachi, qui antè conabantur jussa implere quàm forent emissa, & quibusdam quodammodo indicis nitebantur prophetare de voluntate mandantis. Hieronym. cap. 19. de Reg. Monach.

3tio. Fortis, ita ut difficilia aggrediatur, & obicibus major ab inito semel tramite non defleat.

4to. Humilis, ut qui parent, haud credant habendas sibi gratias quòd paruerint; sed potiùs dicant, *Servi inutiles sumus, quae facere debuimus, fecimus, Luc. 17.* His praemissis:

Quaeres 1mo. Quodnam sit obedientiae Religiosae objectum.

R. Illud omne est obedientiae Religiosae objectum, quod praecipitur * sive ore tenus à Pralato, sive in Regulà, cujus nomine hic etiam veniunt Constitutiones & Statuta Religionis. Ratio est quia Superiores non praecipunt solum, personali mandato, sed etiam fixo & stabili, quale est ipsius Regulae mandatum;

* S. Thom. hic q. 86. artic. 9.

tum; ergo præceptum omne siue Regulæ, siue Superioris ipsius, (sensu inferius exponendo) est objectum obedientiæ. Quapropter si Regula sub culpa obliget, ut ubique obligat tum in votis, tum in iis quæ ad vota pertinent; ejus transgressio erit contra votum, & sacrilega, seu mortaliter si res sit gravis; seu leviter, si levis fuerit. Si verò Regula, ut extra votorum materiam fieri solet, ex voluntate institutoris non obliget sub culpa, transgressio ejusdem non erit contra votum, quia transgressio voti præceptum rigorosum supponit: non præcipitur autem rigorosè, quod sine peccato omitti potest. Quia tamen regula non est consilium merum, sed vera lex à legitima autoritate procedens, idcirco necessum est ut qui eam transgreditur, paratus sit ad subeundam poenam, si quæ à superiore transgressor constituitur; quia stat aliquem & legaliter solum delinquere, & poenam mereri.

Sed hic notandum: vix in praxi fieri posse ut qui Regulam violat, ab omni sit peccato immunis, quantumque poenam subire paratus sit. Ratio est imò. quia vitiosa est actio omnis, quæ ad legitimum finem non refertur: ad hunc autem referri nequit Regulæ transgressio; neque jam transgressio foret, actio legitimo fine vestita: sic qui ut amicum consoletur, ut charitatem foveat, aliquem è fratribus suis obiter alloquitur, fracti silentii reus haberi non potest; 2do. quia Regularum violationi semper annexum est non nihil sensualitatis, curiositatis vana, negligentia, acedia, & illius otiositatis, de qua, etsi eorum qui hic irrepunt defectuum minimus esse videtur, rationem reddent homines in die judicii.

Not. 2do. Eum qui regulam etiam levem violat ex contemptu, graviter peccare, prout dixi agendo de Legibus.

Not. 3tio. Etsi ad obedientiæ perfectionem pertinet ut manifestata Superioris voluntas habeatur pro lege, haud tamen inobedientem censerì, qui non obsequitur nutibus sic expressis: *Vellem, desiderarem, ut id faceres.* Requiritur ergo voces præceptivæ, *Mando, jubeo, impero.* Imò sunt Religiones, in quibus nusquam obligat præceptum sub mortali, nisi & in scriptis, & sub hac verborum serie feratur: *In virtute Spiritus sancti, sancta obedientia, & sub præcepto.* Tunc autem nullus dubitat quin omne præceptum sub mortali obliget, quia forma tam gravis gravem obligationem indicat. In Religionibus verò ubi parum est in usu præcipere vi obedientiæ, idem de Superioris, quod de regulæ præcepto dicendum videtur, illud scilicet graviter in materia gravi, (nisi aliud aliunde confert) leviter in levi obligare; sic tamen ut res gravis etiam sub levi culpa præcipi possit. Addit Lessius Superiorem quoties

aliquo modo mandat, obligare sub veniali, quia non intendit solum consulere, etsi totâ, quam ad præcipiendum habet potestate non utatur.

Quæres 2do. An inferior in omnibus omninò parère teneatur.

R. Inferiorem in iis obsequi debere, quæ sunt secundum regulam, non autem quæ sunt vel infra, vel supra, vel præter, vel contra regulam.

Prob. 1. pars: Quia si quando obsequium debent subditi, tunc ad minus cum Superiores iuste imperant: quid autem iustitiæ consonum magis, quàm id quod secundum regulam aut constitutiones præcipitur? Id porò secundum regulam præcipi credendum est, quod in ea etiam implicitè solum continetur, ut est id quod ad regularem observantiam, & spiritus primævi continuationem pertinet; v. g. talem pro tali culpa poenam subire, à ludis quibusdam abstinere, Ordinis negoria prosequi, &c. hinc Monialibus præcipitur clausura licet eam non voverint.

Prob. 2. pars. Præcipit infra regulam, qui laxiora jubet: atqui præcepto huic parendum non est.

Prob. 3. pars. Præcipere supra regulam, est præcipere graviora quàm ferat lex ad cuius observantiam se quis voto constrinxit; v. g. cogere ad abstinendum carne, vel piscibus, cum id regula concedit: ad transieundum ad infideles cum vitæ aut servitutis periculo, quando id non fert regula, &c. atqui hoc Superior non potest; ut docet S. Bernardus de dispens. & cap. 5. aliàs 8. his verbis: *Nihil me Prælatus prohibeat horum quæ promisi, nec plus exigit, quàm promisi. Vota mea nec augeat sine voluntate mea, nec minuat sine necessitate.*

Prob. 4. pars. Præcipere præter regulam est præcipere res vanas, & quæ ad institutum nihil conferunt: atqui hæc præcipienti parère necessum non est. Unde si Superior jubeat *irrisoria, ac nugatoria, ut spuiere in parietem, levare festucam, aspicere aves volantes, non tenetur ei subditus obedire*, ut docet S. Thomas hic q. 186. art. 5.

Prob. 5. pars. Quia non est parendum homini autoritate suâ non in ædificationem, sed in destructionem utenti: atqui autoritate suâ sceddè abutitur, qui v. g. contra regulam præcipit ut minimus qui rectè valet, carnes comedat, ut Frater Minor, sine causa equitet, aut pecuniam recipiat; ergo.

His tamen principiis, ut & regulis generalioribus, suæ sunt exceptiones. Sic præcipere potest Superior: 1mo. ut quis ambulet, quiescat, animum recreet cum aliis, quò vegeior fiat ad laborem & onera regulæ.

2do. Ut

2do. Ut abstineatur à quibusdam, quæ licet à regula expressè non prohibeantur, ad ejus tamen observantiam conducunt; sic meritò tabaci, & chocolati usu interdixerunt aliquæ Religiones, quia hinc paupertatis votum haud parùm labefactari sensere. Sic etiam ob publicas Ecclesiæ aut Regni necessitates, ob commissam à Religioso culpam, eamve præcavendam cujus periculum instat, potest Superior jejunia quædam, flagellationes, solitudinem indicare. Sic eorum qui in Monasterio peste corriperebantur, salutem temporali & spirituali, etiam cum propriæ vitæ periculo subveniendum esset; temporali quidem per Laicos fratres, eosque robustiores, & ceteroqui utiles minùs, aut Henno, spirituali verò per Sacerdotes idoneos. Imò deficientibus Parochis tenerentur inferiores jubente præposito, spirituales exterorum curam agere, idque majorem haberet locum in Mendicantibus, qui in Jure Episcoporum coadjutores nominantur; & ob id sustentantur elemosynis fidelium. Sic demum ad ultimas mundi plagas, aut in loca ubi dominatur æris intemperies mitti possunt Religiosi, si ibidem habeant domos; quia id ad Religionis bonum requiri potest, nec proinde censeri supra regulam. Quod spectat ad Patres Societatis, ii ob speciale ea de re votum quocumque mitti possunt, & quotidie mittuntur etiam cum vitæ & libertatis dispendio.

3tio. Et id etiam crediderim, præcipi aliqua posse, quæ licet nugatoria videantur, animi tamen superbiam, & nimiam proprio sensui adhesionem infringere possunt. Hic tamen ab ea cavendum ridiculi specie quæ pietatem inhonorare videatur.

Quæres 3tio. An Superiori reformationem inducere volenti obtemperandum sit.

R. 1mo. Si Religionis disciplina collapsa sit in substantialibus, ita ut jam quasi obsoleverint paupertas, obedientia, &c. omnino parendum esse. Ratio est 1mo. quia ad minus parendum est Superiori, cum id præcipit sine quo æterna salus haberi non potest; 2do. quia nulla consuetudo juri divino & naturali prævalere potest: vota autem ex utroque obligant. Idem dicendum de iis quæ immediatè ad observationem votorum conducunt: unde si præcipiatur ut nemo mulieres in Monasterium inducat, aut pecuniam servet absque licentia Superioris, utique obsequendum erit.

R. 2do. Si disciplinæ lapsus in iis sit quæ substantialia non sunt, videndum an relaxatio a sola oriatur consuetudine, an non verò disciplinæ primæ rigorem Pontificiâ autoritate mitigatus sit. Si secundum, potest subditus obistere reformationi. Quia

ni. Quia regula à Pontifice mitigata, est quasi nova lex, quam qui vovit, non aliam multò rigidiorē vovere intendit.

Si primum, fatentur primò communius Theologi eum qui regulam jam collapsam professus est, pristino illius rigore non teneri, postquàm ei consuetudine præscripta derogatum fuit: unde potest quis contra primitivam legem, quæ non sit sub voto, ut est apud PP. Minimos, vesci carnibus, aut jejunium non servare. Rationem dant, quòd non plus habeant auctoritatis statuta Monastica, quàm Ecclesiæ leges, quibus tamen in iis quæ ad disciplinam spectant, non rarò derogatur. Unde licet peccent graviter, qui vel eas inducunt consuetudines, vel iisdem utuntur ante tempus præscriptionis; non tamen qui eas post lapsum temporis sequuntur.

At non conveniunt an Superiori reformationem de Capituli aut majoris Professorum partis inducere volenti, sit necessariò parendum. Affirmat tutior, nec certè minùs probabilis opinio: imò. quia etsi prava consuetudo regulam infirmare potest, at non potest vel Superioribus tollendæ hujus laxitatis facultatem, vel subditis obligationem restaurationi huic humiliter cedendi adimere; ut à simili patet in Ecclesia, quæ licet ad tempus abusus quosdam dissimulet, eosdem tamen aliquando data occasione etiam per Censuras abigere conatur; 2do. quia reformationis hujus inducendæ licentiam Prælaris fecit Trid. Sess. 25. cap. 1. *De regul.* his verbis: *S. Synodus necessarium esse censuit, quo facilius ac maturius, ubi collapsa est vetus & regularis disciplina, instauretur, præcipere, &c.*

Addit Valquez particulares Religionum Præfectos etiam sine Capituli consensu posse ferre leges, quibus obligentur subditi ad ea, quæ reformationem inducant. Tum quia localis Superior domus suæ reformationem procurare potest; tum quia ea fruitur potestate ad ferendas pro vitæ suæ decursu leges, quæ Capitulum ad sancienda statuta, quæ perpetuò durent.

Quæres 4to. Quot perpetret peccata qui contra Superioris præceptum operatur.

R. 1mo. Eum qui violat legem pluribus impositam præceptis, Regulæ v. g. Generalis, &c. unum duntaxat admittere peccatum, quoties præcepta hæc ex ejusdem virtutis motivo procedunt. Ratio est quia ex dictis in Tract. de Peccat. qui Missam non audit die Dominica in quam Festum cadit, gemini peccati reus non est.

R. 2do. Si Superior in virtute obedientiæ aliquid præcipiat jam præceptum divinâ vel Ecclesiasticâ lege non unius esse peccati reum qui secus fecerit. Ratio est quia jejunium v. g. quod contra Ecclesiæ legem, fregisti, obligabat ex virtute temperan-

temperantia; idem verò prout à Superiore præceptum in virtute obedientia, obligabat ex motivo Religionis: porro qui non unam virtutem offendit, non unum admittit specie peccatum. Vide quæ dixi ubi de Peccatis, pag. 313.

Quæres 5to. An inferior parère teneatur, cum dubitat an Superior imperet, aut legitimè imperet. Dubitas v. g. 1mo. an præceptum Superioris obliget in tali circumstantia, an non sit ulu contrario abrogatum; 2do. an Superior sit ritè electus, an ab eo prodeat mandatum tibi impositum; 3tio. an id quod præcipitur licitum sit, aut conducens ad finem instituti, aut supra regulam: quid juris?

R. 1mo. Si dubites an qui præcipit, sit legitimus Superior, videndum est an ei faveat communis Regularium opinio, quamvis ab aliquibus paucis impugnata; an non. In primo casu obediendum est, quia error communis facit jus. In secundo, non teneris obedire, quia in hujusmodi dubio, melior est conditio suam possidentis libertatem.

R. 2do. Si dubites de materia præcepti, licitane sit aut obligatoria, sequendum id quod diximus in Tract. de Conscientia; ideoque semper parendum est, nisi multò graviora sint momenta quæ libertati, quàm quæ præcepto favent. Existimo ramen præcepti acerbiteriam conjunctam dubio, ei præcipuè quo superioritatis validitas impugnaretur, differenda ad tempus obedientia inservire posse.

Quæres 6to. Quibus ex obedientia parère teneantur Religiosi.

R. Tenentur parère 1mo. Romano Pontifici, qui Religiosum est omnium Caput; 2do. Generali, Provinciali, & Prælato locali, 3tio. Capitulo tum Generali, tum Provinciali: iis enim omnibus jure Ordinario competit præcipiendi facultas.

Hic quatuor animadvertenda, 1mo. ipsos etiam hospites obedientiam debere iis, in quorum domibus moram faciunt, si id usu vel Regulâ constitutum sit; 2do. suum esse regulari obedientia gradum, & ordinem, ita ut Generali contra Provincialem, Provinciali contra Præpositum localem obsequendum sit; 3tio. Prælati Mandatum ligare inferiores ubicumque sint, quia jurisdictio Regularium, secus ac Episcoporum, personas ratione sui, non ratione territorii afficit; unde & mundum omnem habent pro territorio, & fugitivum, vel apostatam, quocumque transeaverint, censuris plectere possunt.

ARTICULUS SECUNDUS.

De aliis Religioſorum obligationibus.

DUO hic explicanda: 1mo. quid Eccleſiæ, 2do. quid Epiſcopis debeant Regulares. Circa primum tria præcipuè inquiruntur: 1mo. an Regulares profeſſi ad Officiũ; 2do. an ad celebrationem Miſſæ; 3tio. an ad ſtudium teneantur. Circa ſecundum ambigitur an & in quibus Religioſi exempti Epiſcopis ſubjaceant.

SECTIO PRIMA.

An Regulares Profeſſi ad Officiũ & Miſſam teneantur.

Religioſi à Clericis Pſalmodiæ uſum acceperunt, at eidem & diutius & accuratiùs vacavère. Scribit enim Caſſianus Ægypti ac Thebaidis Monachos, majorem noctis, dieique partem in horis decantandis impendiſſe. Idem de Monialibus reſtantur SS. Gregorius Nyſſenus in vita S. Macrinæ, & Hieronymus Epiſt. ad Demetriadem. Quoniam verò multa ſunt quæ fieri non præcipiuntur, idcirco poſteriori ævo quaſitum eſt, an & qui regulares ad Officii recitationem tenerentur, ſit.

CONCLUSIO. Religioſi ad Chorum profeſſi, & necdum in Sacris conſtituti, etiam extra Chorum tenentur ſub mortali ad Officii recitationem, niſi cùm iis diſpenſatum ſit à Papa, aut aliud ferat ſpeciale Ordinis inſtitutum.

Prob. 1mo. Ex unanimi omnium ferè conſenſu, qui oppoſitam opinionem rejecerunt; alii ut temerariam, alii ut ſcandalofam; alii ut pernicioſam animarum ſaluti, alii ut planè improbabilem, & ideo Clementis VIII. juſſu eraſam è Libro Emmanuèlis Sa. Famolæ tres Hiſpaniarum Uniſverſitates, Hiſpalenſis, Caſaravguſtana, Conimbricenſis contra eam acriter inſurrexerunt an. 1632.

Prob. 2do. Ex Sancta Eccleſiæ conſuetudine, quæ Religioſis ad Chorum deſtinatis, Breviarii penſum quotidie recitandum determinavit, ſi non ſemper præcepto ſcripto, at ſaltèm Eccleſiaſtica traditio: arquĩ talis conſuetudo; utpotè vim legis habens, graviter & in conſcientia obligat eos omnes qui ab ea non excipiuntur; non excipiuntur autem Religioſi in Sacris non conſtituti, & extra Chorum verſantes. Unde ſtatim ac aliquis aſſerere auſus eſt hujusmodi Religioſos ab Officio legendi abſtinere poſſe, eidem protinus vividè & acriter obſtiterant horumce Ordinum ſuperiores.

Prob.

Prob. 3tio. Quia contraria paucorum opinio & singularis est & nova: atqui opiniones novæ & singulares in materia morum, plenæ sunt periculi.

Obj. 1mo. Assertio præcedens potissimum fundatur in Doctorum consensu: atqui ex hoc consensu tantum erui non potest argumentum; cum non consentiant inter se Doctores in assignando hujusce obligationis fundamento; ergo.

R. 1mo. neg. maj. Nostra enim assertio fundatur etiam in decretis Rom. Pontificum. Sic Gregorius IX. de Monachis foras profecturis statuit, *ut ipsi horas dicant in via.*

R. 2do. neg. min. Tam enim consensus Theologorum assertionem nostram ab extrinseco certam facit licet non consentiant in fundamento intrinseco istius obligationis, quam idem consensus certam faciat obligationem Subdiaconorum ad castritatem, tamen in assignando hujusce obligationis fundamento non conveniant Doctores, quorum alii obligationem hanc fundant in voto implicito; alii in Ecclesiæ præcepto: atqui, &c.

Obj. 2do. Nulla obligatio recipienda est, nisi de ea constet per legem ita claram ut probabilem non patiatur exceptionem: atqui obligatio de qua loquimur, non nititur lege tam clarâ, &c.

R. neg. maj. Quæ si vera sit, corruunt plurima christianæ moralis capita, quæ licet à sanioribus Theologis recepta sint, non probantur tamen argumentis ita cogentibus ut nunquam elidi possint & imminui. Et verò è propositionibus laxis quæ ab uno minus sæculo damnatæ sunt, & quarum multæ horrorem pariunt, vix ulla est quæ à viris eruditis imò & piis multiplici momentorum genere firmata non fuerit, & aliquando rationibus munita tam arduis, ut facile solvi non possint. An non ergo malæ & periculosæ erant eæ propositiones antequam damnarentur? absit.

Circa conclusionem nostram, not. 1mo. id quod de Religiosis dictum est, ad Sanctimonialia esse extendendum, ob paritatem rationis & consuetudinis.

Idem etiam statuendum est de virginibus illis quæ in Belgio, Germania & Lotharinga Canonissæ vocantur, ut contra Lessium docent Maldederus, & alii plures, quorum assertio fundatur 1mo. in consuetudine & Theologorum consensu; 2do. in eo quod æquum sit ut quæ Ecclesiæ bonâ percipiunt, ad hoc ut divino sint servitio mancipatæ, saltè Officium privatim recitent, cum Choro interesse nequeunt; 3tio. quia eæ Canonissæ ut plurimum successerunt veteribus Benedictinarum monasteriis. Idque de celebri Abbacia * Romarici montis

Hh 4

constat,

* Remiremont

constat, prout ipse anno 1739. propriis oculis vidi in codice M. S. quem servant Benedictini qui vicinum montem incolunt.

Not. 2do. Id quod alibi dicemus de Sacerdote, eum scilicet si excommunicetur, exilio aut triremibus damnetur, &c. adhuc Officii recitationi obnoxium remanere, pariter dicendum de Religiosis: unde apostata, fugitivi, ii etiam quibus permittitur extra monasterium perpetuo vivant, ad Officium tenentur. Aliter sentiendum de eo cui ex dispensatione Pontificia permitteretur uxorem ducere; quia dispensans in professione, censetur in iis etiam dispensare quæ ex professione sequuntur. Eadem est ratio illius qui vi similis dispensationis transiret de statu suo ad statum Conversorum, aut ad aliam Religionem quam qui profitentur non sunt ad Chorum destinati.

Quod spectat ad eum, qui per sententiam à Monasterio ejectus est, probabilius videtur eum ab Officio liberum non esse. *Is enim, ait Navarrus, semper remanet Monachus, nec uxorem ducere potest, & ad Ordinem suum, si volet mores mutare, redire se ferè semper potest.*

Not. 3tio. Ad Officium non teneri 1mo. Novitios & Novitias, qui in pœnalibus reputantur seculares; 2do. Conversos etiam professos, qui non ad Chorum, sed ad opera manualia deputati sunt; 3tio. Clericos, qui ex professione sua non sunt addicti Choro, sed vel studiis ut juniores Jesuitæ, vel armis ut religiosi militares. Eorum verò qui ad Chorum sunt deputati, obligatio incipit à die & hora professionis, ut obligatio Subdiaconorum à tempore & hora ordinationis.

Quod spectat ad Missæ celebrationem 1mo. tenentur curare Prælati Regulares ut unum saltèm Sacrum singulis in Ecclesia diebus celebratur: neque huic Officio sine populorum offensione deesse possunt; 2do. pro missa hac, etsi Conventualis sit, stipendium recipere valent, nisi extet lex aut consuetudo in contrarium; 3tio. facilius mortaliter peccabit Regularis ex socordia diu Missæ celebrationem omittens, quàm secularis; 4to. Missam pro quo maluerint offerre possunt, nisi aliter sancitum sit; 5to. reprehendi tamen mererentur, qui pro Ordinis defunctis Sacrum facere negligerent; paremque Deo permittente vicem ipsi experirentur.

SECTIO SECUNDA.

De Studiis Regularium.

Regularium duplex pro præsentī secernitur genus. Alii ex instituto suo saluti Fidelium sub Pastorum auctoritate al-
laborant

laborant spargendo semen verbi, excipiendo confessiones, &c. Alii Monasticam professi vitam, sibi primùm invigilare videntur, ceteris verò vix aliter prodesse quàm orationibus suis, jejuniis, fletibus. De prima Regularium specie nulla hîc quaestio; ii enim utpotè Coadjutores Cleri, in doctrina potentes esse debent, adeoque serio Scripturæ præsertim, & Dogmaticæ ac Moralis Theologiæ studio operam dare. Tota ergo difficultas est de Monachis, quibus an vetita sint studia, eruditè disceptarunt viri duo titulis omnibus majores ambo & Galliæ, & Monastici Status ornamentum, quorum alter Armandus Joannes Bouthiller de Rancè, Abbas & reformator Monasterii de Trappa, alter fuit Joannes Mabillon, vir omnigena literaturâ insignis, modestiâ insignior & pietatè. Sit cum isto.

CONCLUSIO I. Monachi studiis & vacare possunt, & vacare tenentur.

Prob. Possunt & debent Monachi id quod nulla generali lege sibi prohibitum est, quod è contra pluribus præceptum fuit Conciliis, quod ad rectam Monastici statûs administrationem est; imò ad legitimam privatorum constitutionem necessarium est: atqui sic se habent studia Monastica.

1mo. Quidem nullâ generali lege prohibita sunt. Ideo enim prohibita dicuntur, quia de iis silent Regulæ: atqui præterquam id falsum esse probat Mabillonius ex regulis Magistrî, * S. Fereoli, S. Isidori, &c. certum est in principiis S. Thomæ; illud Religiosis *intelligi concessum, quod nullâ lege prohibitum invenitur*; ergo eo ipso quod studium Monachis interdictum non est, permissum existimari debet. Et verò usus præsertim Sanctorum, legitimus est regularum interpretes: porro jam à primis Monachorum temporibus studiis incubuere sanctiores cœnobitæ, quales fuerunt venerabilis Bedæ, S. Bonifacius Apostolus Germaniæ, S. Anselmus, & alii prope innumeri. Denique dato quòd Monachorum institutores studium prohibuissent, potuit illud deinceps non permitti modo sed & ab Ecclesia imperari. Unde.

2do. Studium plura Monachis indixere Concilia, seu generaliter, seu speciatim. Generaliter quidem, quia cùm hodie Monachi contra vel præter institutionem primaviam Sacerdotio insigniantur, quæ ceteris Presbyteris scientiam commendant, & eam Monachis præcipere dicenda sunt. Speciatim verò, ut patet ex Concilio Viennensi, ubi sic: *Ut Monachis proficiendi in scientia, via oportuna non desit, in singulis ipsorum Monasteriis, quibus ad hoc suppetunt facultates, idoneus teneatur Magister, qui eos in primitivis scientiis instruat diligenter.* Sanctiorem hanc confirmavit Clementis V. successor Benedictus XII.

* Opusc. 20. cap. 2.

& per

& per primitivas scientias intellexit Grammaticam, Logicam, & Philosophiam, sine quibus reipsa ad uberem Scripturæ ac Theologiæ scientiam nemo devenire possit.

3tio. Studia ad rectam Monastici Status administrationem necessaria sunt. Ad id scilicet necessum est, ut in unaquaque domo adsint duo vel minus, Superior scilicet & ejus vel ægri vel absentis vicem gerens, qui possint confessiones suorum excipere, conscientiæ casus solvere, præcipua Ethices Christianæ puncta ad Scripturam & traditionis normam tractare, ac demum explanare difficultates quæ sacrorum codicum lectioni Monachis ab ipso Ranceio concessæ inhaerent: ad hæc verò quis sine studio & scientia idoneus?

4to. Demum studia ad debitam privatorum institutionem necessaria sunt. Tunc enim sana est privatorum Monachorum conformatio, cum utiliter & fructuosè sive Scripturam, sive ascetica saltè Patrum opera pervolvunt; cum legent sine periculo res lectas alienum in sensum detorquendi; cum eorum quisque accepta à Deo talenta exercet; cum nec sibi nec aliis tardiosi sunt; cum musæ amore, ab evagandi cupidine, à tristioribus quæ mentem vorant idæis, à stultarum cogitationum caterva revocantur: hos porro fructus pariunt studia; neque id quispian rem expertus diffitebitur.

Obj. Cum Ranceio, è Monachorum Studiis prodire superbiam, devotionis ariditatem, dissipationem & jurgia, quin & hæreses, ut patet in Nestorio, Eutichete, Pelagio, & ut cereros omittam, Luthero.

At hæc nullo negotio solvuntur: 1mo. quia optimos quoque fructus pepererunt, & etiamnum pariunt Monachorum Studia. Monachi enim fuere SS. Chrysostomus, Basilus, Epiphanius, Hieronymus, Anselmus, Bernardus, alique, quos recensere prolixius fuerit. Hi verò quot per scientiam bona ediderunt, seu Regna ingentia convertendo ad fidem, seu etiamnum erudiendo omnes Christiani mundi populos, seu vetera Patrum scripta, quæ majori sui parte è Monachorum Bibliothecis derivarunt, conservando? Ut quid ergo recensentur mali exitus, & reticentur boni? ut quid non dicitur pene omnia quæ corruerunt Monasteria, studiorum defectu corruisse?

2do. Superbia, ariditas & similia non sunt studii sed studioforum defectus. Fulgebant literis & doctrinâ citati Patres; & tamen tenerâ in Deum charitate, ac humilitate eximiâ commendandi erant. Et verò quæ solidior quàm Rancei & Mabilionii pietas quæ major quàm utriusque facundia, & eruditio?

3tio. Ex Hæresum patribus quos citavit Abbas B. V. de Trappa, plures Religiosi non fuere, plures à Monachis fidei

vindici-

vindici-
rius, ac
res dem
dinibet
Ranceius.

Conc
plici op
Prob.

dere deb
quidem
gmentum
cautè vit

Et qui
est iis la
docili.

ipla am
lent, rel

gaci, tur
tur in p
ora se r

& uiles
studio

Scripto
quantu
æstime

tando,
hinc sci
clesia co

2do.
fianam

te studi
sufficien

corda st
vitæ offi

in trans
tis, in o

bais Ser
spontè a
rio pond

2do. & t
tio, quod
na nota

* Pro

vindicibus strenue impetiti sunt; plures ex imperitiis ut Nestorius, ac possimum Eutiches; non ex scientia lapsi sunt; plures demum ut Lutherus, & primarii ejus asseclæ erant ex Ordinibus Mendicantium, quibus tamen scientia non interdicit Ranceius.

CONCLUSIO II. In Monachorum studiis præcautione multiplici opus est.

Prob. Monachi præ ceteris omnibus duo in studiis intendere debent, mentis scilicet & cordis institutionem; mentis quidem per notitiam veritatis, cordis verò per charitatis augmentum: atqui duo hæc ut assequantur, multa iis sollicitè & cautè vitanda sunt.

Et quidem 1mo. ut ad veritatis notitiam deveniant, opus est iis labore serio, constanti, sagaci, libero a præjudiciis, & docili. *Serio*, nè larvam, vanumque fulgorem pro veritate ipsa amplectantur. *Constanti*, nè ab objecto in objectum avolent, resque leviter perstringant, non profundè investigent, *Sagaci*, tum ut festinent lentè, * quia *hereditas, ad quam festinatur in principio, in novissimo benedictione carebit*; tum ut altiora se non quarant; tum ut à rerum quæ & obscuriores sunt, & utiles parum, & multò magis quæ obscenè aliquid habent, studio abstineant. *Libero à præjudiciis*, ut abjecto partium & Scriptorum respectu, quod verum est, undecumque sit, sequantur, neque Librum ex Authore, sed Authorem ex Libro æstiment. *Docili*, ut neque se ceteris perspicaciores in cogitando, nec rectoris ingenii in dijudicando temerè confidant; hinc scilicet pullulant dissensiones, aliorum & ipsius etiam Ecclesiæ contemptus; atque pertinax propriæ opinioni adhæsiō.

2do. Ut charitatem adaugeant, non Philosophicam sed Christianam studiis operam impendere debent; ac proinde & ante studium, eum supplices deprecari sine quo ** *non sumus sufficientes cogitare aliquid*; & in ipso studii æstu animos & corda fursum pluries erigere, & primas spiritualibus Monasticæ vitæ officiis ubicumque partes largiri. *Advertite istud vos qui in transitu oratis, & cum mora legitis; qui ad legendum fervetis, in oratione tepetis*, verba sunt Gilleberti Cisterciensis Abbat̃is Sermon. 7. quibus, ut materiæ huic finem faciam, hæc spontè addiderim S. Hieronymi, à studiosis quibuscumque serio ponderanda: *** *Quotidie morimur, quotidie commutamus*; **** *& tamen æternos nos esse credimus. Hoc ipsum quod dico, quod relego, quod emendo, de vita mea tollitur. Quot pun- ta notavi, tot meorum sunt damna temporum. Scribimus as-*

que

* Prov. 20. 21. ** II. Corin. 3. *** In Epitap.

**** Nepotian.

Traſſatus de oblig. & pecc. ſtat.
que reſcribimus; tranſeunt Maria Epistoſa, & ſcindente ſul-
cum carinâ, per ſingulos fluctus atatis noſtræ momenta minuun-
tar. Hoc ſolum habemus lucri, quodd Chriſti nobis amore ſo-
ciamur.

SECTIO TERTIA.

An Regulares Episcopi ſubjaceant.

Hic ſolùm expendam an Regulares Episcopis obſequi te-
 neantur in his quæ ſpectant ad Ordines, ad Sacramento-
 rum adminiſtrationem, ad cenſuras, ad celebrationem feſto-
 rum, ad clauſuram.

Regularium quintuplex eſt ordo. Regulares enim dicuntur
 1mo. Monachi, putà Benediſtini, Camaldulenſes, Carthuſia-
 ni, &c. 2do. Canonici regulam aliquam ſolemniter profeſſi,
 quales ſunt Canonici S. Auguſtini, S. Ruſi, 3tio. & quidam
 Equites, ut olim Templarii, nunc autem Melitenſes; 4to.
 Mendicantes, Dominicani ſcilicet, Franciſcani, Carmelita, Au-
 guſtiniani, & Minimi; 5to. Clerici qui ſolemnia emittentes vo-
 ta, dicuntur regulares, putà Theatini, Barnabita, & Patres So-
 cietatis: quanquam iſti ex ſpeciali privilegio ante ſolemnia
 vota Religioſi cenſentur.

Regulares dividuntur in exemptos, & non exemptos. Exem-
 pti vel ordinariâ vel extraordinariâ immunitate fruuntur. Ex-
 traordinariam immunitatem habent ii quorum Monasteria *in*
loco nullius Diaceſis; ſeu ut aiunt; *in territorio ſeparato ſita*
ſunt; & horumce Locorum Præſules, ſive Episcopi ſint, ſive
 non, *Ordinarii* vocantur, & voluntariam, ac contentioſam ju-
 riſdictionem ſive in Clericos, ſive in plebem finibus loci con-
 tentam exercent independenter ab Episcopo.

Immunitatem ordinariam & communem habent plerique
 utriuſque ſexûs Ordines, quibus varia à variis Romanæ Eccle-
 ſiæ Pontificibus conceſſa fuere privilegia: ſed dum iis aliqui,
 ſpreto ſaniorum è Fratribus ſuis iudicio, abutuntur, Episcopopo-
 rum querelas cient. Sit igitur.

CONCLUSIO I. Regulares Episcopis quoad Ordines ſubſunt.

Prob. Inductione. Primò quia veritum eſt Superioribus Re-
 gularibus nè *cuiusvis privilegii prætextu*, ſubditos ſuos eſſi ca-
 paces, in propria etiam Eccleſia, & ipſo ordinationis die, ab
 extraneo Episcopo, abſque Ordinarii licentia ordinari curent.
Si ſecus factum fuerit, Episcopus ab exercitio Pontificalium, &
ſic ordinati ab executione Ordinum, ſint ipſo jure ſuſpenſi.
 Trident. Seſſ. 6. cap. 5. & Seſſ. 23. cap. 28. *De reform.*

Secundò neque licitum eſt Regularibus ab alio, quàm loci
 in quo

in quo ordinariè resident, Episcopo ordinari; nisi vel ab Apostolica Sede obtinuerint facultatem *de promovendo à quocumque*; vel Episcopus iisdem Ordines injustè deneget; (& tunc ad Episcopi Superiorem recurrere debent; aut si fortè ad Papam, eidem exponere repulsam, quam à proprio Episcopo passi sunt: alioqui obtenta ab eo facultas *de promovendo à quocumque*, subreptitia foret, & ordinatus juris pœnas incurreret.) Vel demum idem Episcopus, notoriâ percussus sit censurâ, quæ eum ab Ordinum collatione prohibeat; aut per totos sex menses abstinerit ab ordinando. Idem est si vacet Sedes Episcopalis; tunc enim non indigent Capituli consensu, prout definit S. Congregatio.

Tertiò potest Episcopus per se, vel per alium examinare ingenium, scientiam, defectus corporis, imò & bonos mores Regularis ordinandi; etsi in hoc ultimo puncto testimonialibus Superiorum literis, fidem, nisi quid obster, habere debeat.

Quartò solius est etiam Episcopi dispensare Regulares ab interstitiis: licèt possint Superiores eidem exhibere quàm graviter egeant ordinatis.

CONCLUSIO II. Pendent Regulares ab Episcopis in eo quod ad Sacramentorum, præsertim verò Pœnitentiæ administrationem spectat; pendent & in officio concionandi.

Prob. Quia cùm gravis seculo proximè elapso Senonis, & Andegavi ea de re exarasset controversia, has Regularium propositiones réprobavit Conventus generalis anni 1656.

»I. Concilium Tridentinum non obligat Regulares in Gallia »ad obtinendas approbationes ab Episcopis ut Secularium confessiones audire possint. Neque ex illius Concilii autoritate privilegia Regularium restringi possunt, cùm in Gallia receptum non sit præterquam in decisionibus fidei: neque etiam Bulla Pii IV. pro confirmatione illius Concilii promulgata.

»II. Ubi Concilium Tridentinum est receptum, non possunt »Episcopi restringere vel limitare approbationes, quas Regularibus concedunt ad confessiones audiendas, neque illas ultra ex causâ revocare; quinimò Ordinum Mendicantium Religiosi ad eas approbationes obtinendas non tenentur; & si »ab Episcopis Religiosi non probentur; rejectio illa tantumdem valet ac si approbatio concessa fuisset.

»III. Regulares ordinum Mendicantium semel approbati ab »uno Episcopo ad confessiones audiendas in sua Diœcesi, habentur pro approbatis in Aliis Diœcesibus. nec novâ Episcoporum indigent approbatione. Regulares habent potestatem »absolvendi seculares à peccatis Episcopo reservatis, etiam si ab »Episcopo autoritas illa ipsis indulta non fuerit...

»IV.

» IV. Regulares Mendicantes petere possunt licite à Judici-
 » bus secularibus ut injungant Episcopis, quatenus ipsis man-
 » data concedant ad prædicandum in Adventu, & Quadragesi-
 » ma: quod si renuant facere Episcopi, Decretum Judicum se-
 » cularium tantumdem valet, ac si permissio dictis Religiosis
 » concessa fuisset. Quas quidem propositiones cum aliis du-
 » abus ad Missam Parochialem & confessionem annuam perti-
 » nentibus Gallicani Patres damnare ut respectivè temerarias,
 » scandalosas, falsas, erroneas, in hæresim & schisma inducen-
 » tes, &c.

Easdem quatuor propositiones, applicatâ suâ unicuique no-
 tâ Gallicanis qualificationibus non impari, reprobavit Alexan-
 der VII. die Januarii 30. an. 1695. Unde sapienter Paulus
 à Lugduno hæc loquitur: » Regulares Episcoporum authoritati
 » omnino subjacent in approbatione pro administranda secula-
 » ribus poenitentia: ideoque Episcopi restringere possunt vel
 » limitare eorum approbationes ad certas personas, necnon ad
 » certa loca & tempora. Itèm eas revocare possunt, vel Con-
 » fessarios hujusmodi ab audiendis confessionibus suspendere,
 » ex nova causa ad confessiones pertinente, etiam absque in-
 » dividua hujus causæ expressione. Itèm approbati sine restri-
 » ctione à Vicario generali Episcopi, possunt iterum ab ipso
 » Episcopo ad examen revocari. Itèm approbati ab Episcopo,
 » possunt ab ejus successore rursus examinari; & si minùs ca-
 » paces fuerint inventi, possunt rejici. Itèm in una Diocesi
 » generatim approbati, confessiones in alia Diocesi excipere
 » non possunt absque Diocesani Episcopi approbatione. Itèm
 » à casibus Episcopo reservatis absolvere non possunt, nisi hæc
 » facultas ab illo ipsis fuerit concessa, non obstantibus quibus-
 » libet eorum privilegiis. Hæc omnia constant tum ex Trida-
 » concilio, tum ex pluribus ubique receptis Summorum Pon-
 » tificum Constitutionibus, ac Decretis, Clement. Dudum, Gre-
 » gorii XV. *Inscrutabili*, Clement X. *Supernâ*, Alexandri VII.
 » &c.

Hic addendum 1mo. Regulares quantumvis exemptos, om-
 nia quæ à locorum Ordinariis circa observanda & vitanda in
 Missarum celebratione statuta fuerint, penitus servare teneri,
 & ad id censuris compelli posse; unde si Episcopus, sub poena
 suspensionis vetuerit, ne Missæ Canon altâ voce recitetur, ut
 Laudum veritum est, huic poenæ, sicut & alii subjacebunt Re-
 gulares; 2do. eosdem Regulares, nè in ipsis quidem suis Ec-
 clesiis, contradicente Episcopo, sacras conciones habere posse;
 3tio. arcendos à ministerio verbi, qui errores spargunt; 4to.
 Regulares si privilegiis suis in absolutione casuum Sedi Apo-
 stolice

stolice
 prout de
 licant
 CONC
 quoad ce
 Prob.
 censuras
 manentur.
 veniatur,
 net Tride
 2do.
 madvert
 gunt, p
 qui quæ
 rores do
 aut exce
 citaverin
 3tio.
 lerint, p
 vis affig
 eulserit
 apud se
 vare, &
 tegere,
 CON
 Episcop
 Prob.
 Dies et
 pus præ
 ventur.
 Circa
 qui sube
 vandos
 rentur
 quiri ut
 nis rece
 ptos abs
 vili oper
 haud tan
 de Festo
 quoad co
 ant se co
 nitur illi

stolicæ reservatorum uti voluerint, teneri ea Episcopo exhibere, prout declaraverunt Clemens VIII. Innocentius X. Cleri Gallicani Comitia, & Ludovicus XIII. an. 1639.

CONCLUSIO III. Regulares Episcopis multipliciter subjacent quoad censuras.

Prob. Possunt enim Episcopi 1mo. cogere Regulares per censuras ut contra canonicas sanctiones privilegiis suis non utantur. Antè tamen quam ad dura censurarum remedia deveniatur, paternis admonitionibus uti debent Episcopi, ut monet Tridentinum Sess. 21. cap. 8.

2do. Possunt Episcopi etiam per censuras ab homine, animadvertere non solum in Regulares qui extra claustrum degunt, præsertim Apostatas & ab Ordine ejectos, sed & in eos qui quædam etiam in claustro ediderint crimina, putà qui errores docuerint, qui non accepto Sacerdotio Sacrum fecerint, aut exceperint confessiones, qui in tribunali Pœnitentem sollicitaverint ad crimen.

3tio. Possunt & exigere * Episcopi ut quas ipsi censuras tulerint, promulgent Regulares, easque Ecclesiarum suarum valvis affigi patiantur. Tunc verò eos quos publicâ censurâ percuisset Episcopus à domo sua abigere, & à sacris functionibus apud se peragendis arcere debent. Debent & interdicta servare, & consequenter ad monitoria crimen quod rescierint detegere.

CONCLUSIO IV. Regulares quoad Festorum celebrationem Episcopis morem gerere tenentur.

Prob. Ex Tridentino Sess. 25. cap. 12. de Regular. ubi sic: *Dies etiam festi, quos in Diœcesi sua servandos idem Episcopus præceperit, ab exemptis omnibus, etiam Regularibus, servantur.*

Circa Decretum hoc quædam notanda: 1mo. Regulares qui subessent Monasterio nullius Diœcesis, haud teneri ad servandos festos dies, qui ab ejusdem Monasterii Abbate instituerentur; 2do. ut Regulares Diœcesana festa ritè celebrent, requiri ut & pridie jejunent aliis jejunantibus, (quanquam à jejniis recenter inductis, præciso tamen scandalo, Regulares exemptos absolvunt Sylvius, & Pontas) & ipsâ die à quocumque servili opere sive per se, sive per suos exercendo abstineant; 3tio. haud tamen necessum esse communiter loquendo, ut officium de Festo Diœcesano legant tam publicè, quàm privatim... et si quoad conciones & lectiones quas ad populum habuerint, debeant se conformare Evangeliiis & festis, quibus Clerus secularis utitur illis diebus festis... Ità definit S. Congregatio.

Dixi,

* V. Trident. Sess. 25. cap. 12. de Regular.

Dixi, communiter loquendo, quia satis receptum est Regulares quantumvis exemptos, teneri ad celebranda festa Patroni Ecclesiæ Cathedralis, Dedicationis ejusdem Ecclesiæ, (quamvis ad hanc ex quadam solum congruentia Regulares obliget Gavantus,) patroni item Diocesis, si fortè alius est à Patrono Cathedralis; item Patronorum minùs principalium, ubi festa eorum solemnia esse contingit; licèt nullam esse legem quæ hic strictè & verè obliget, doceat idem Gavantus. Et si verò Regulares ad prædicta festa teneri dicuntur, haud tamen ad earum Octavas, ut sæpiùs declaravit sacra Congregatio; licèt eas, (cùm Patroni sunt insignes, ut S. Dionysius Parisiis, S. Martinus Turonibus) celebrare laudandum magis sit, quàm vituperandum. Idem dicendum de Ecclesiis quæ subsunt jurisdictioni Ecclesiæ Abbatialis aut Collegiatæ per se exemptæ: illæ enim harum festa peragere debent, licèt non eodem ritu peragere teneantur.

Quod spectat ad Clausuram Regularium duas ea de re nuper edidit Constitutiones Benedictus XIV. unam quidem *super clausura Monasteriorum quorumcumque virorum Regularium*, quæ incipit, *Regularis*, aliam verò *super clausura Monialium*, quæ incipit, *Salutare*, utramque die Januarii 3. anno 1742. Hinc paucis definiemus imò. posse Episcopos saltèm ut delegatos à Papa, Moniales etiam exemptas adigere ad clausuram, etiam si eam non voverint. Clausura enim non est supra regulam, nec supra votum, sed in regula implicite continetur, ut quæ pertineat ad commodiorem castitatis custodiam. Eadem de causa injungere possunt Episcopi ut Moniales à secularibus à quibus invisuntur, ferrei aut lignei clathri adminiculo separentur.

2do. Non posse Monialem etiam exemptam absque Episcopi licentia in scriptis concessa egredi è Monasterio, Ità post Tridentinum Sess. 25. cap. 5. sanxit Edictum ann. 1695. art. 19. atque id pro Monialibus Ordinis sui piè & sanctè constituerant Carthusiani jam ab anno 1578. At contradiçere, & quidem non sine successu Abbates Cistercienses. Ceterum eo usque à Superioribus suis pendent Moniales in eo, quod spectat ad exitum è Monasterio, ut hinc nequidem ad strictiora egredi possint absque eorum consensione Pontificio Brevi confirmata. Quod autem sanxit Pius V. Monialem a Conventu suo non nisi *ex causa magni incendii, vel infirmitatis lepræ, aut epidemiæ*, exire posse, non viger in Gallia; sicut nec in Polonia unde si ad Monialis valetudinem pertineat ut Cælum gravius in aërem salubrem mutet, sufficiet ei Superioris & Episcopi assensus.

3tio. Peccare lethaliter Superiores, qui Monialibus è clau-
stro exeundi licentiam faciunt leuiori de causa, idemque de
Monialibus, nisi eas excuset bona fides, videtur esse statuen-
dum, quia peccato gravi cooperantur, illudque promouent.

4to. Clausuram, quidquid sentiant religiosi quidam & Mo-
niales, violari, imo. cum extraneis in Monasterium permic-
titur ingressus eò quòd murorum quædam pars corruerit;
est enim hæc consuetudo ex numero earum quæ quia cano-
nicis obuiant institutis, nullius debent esse momenti.

2do. Cum in Monasterium intromittuntur seu infantes u-
triusque sexûs etiam septennio minores, quod & vetitum est
art. 3. Sanctionis Blesensis; seu pauperes vel novis vestibus
induendi, vel medica manu tractandi; seu Monialium etiam
ægroantium consanguinei aut affines.

3tio. Cum ii qui legitima de causa intra septa domûs ad-
mittuntur, aliò ducuntur quàm quò duci indigent, ut si Con-
fessarii, aut Chirurghi quibus valetudinarium ingredi satis fue-
rat, in cellas, hortos, & officinas deducantur. Ità Pontas,
qui tamen in hoc postremo casu negat incurri excommu-
nicationem latam à Tridentino sess. 25. cap. 5. *De Regula-
ribus* adversus eos qui *cujuscumque* sint generis, aut condi-
tionis, sexûs vel ætatis, ingredi præsumperint intra septa Mona-
sterii, sine Episcopi vel Superioris licentia in scriptis obtenta. Ut
ut est, etsi non pauci auctores, tum in piorum etiam usu,
tum in materiæ levitate fundati, eos etiam à veniali pecca-
to excusant, qui curiositatis causa aliquantisper in invensendis
Monasterii officinis immorantur, multò tamen satius est cu-
riositatem hanc compescere, præsertim cum aliqui haud ri-
gidiores moram longiorem eam vocent quæ excedit tempus
quadrantis.

De clausura Religioforum virorum docet Bonacina: imo.
fœminas, quæ eam, illicitè Monasteria ingrediendo violant,
incurrere excommunicationem Papæ reservatam: quæ reser-
vatio juxta Cabassutium locum non habet in Gallia, etiam
quando is reatus publicè innotuit; 2do. Religiosos qui fa-
ciunt aut permittunt easdem fœminas ingredi sua Monasteria,
prætextu facultatum à summo Pontifice, vel ab aliis concess-
arum, pari obnoxios esse excommunicationis censuræ, &
incurrere insuper privationem dignitatum, & beneficiorum,
& ad illa etiam inhabiles fieri; 3tio. eos qui sine prætex-
tu mox exposito fœminas in Monasteria intromittere, vel
admittere præsumunt, suspensionis vinculo irretiri, iisdem-
que quibus alii mox recensiti, privationibus & inhabilitatibus
subjacere: verùm prædictæ inhabilitates ac privationes, non

antè incurruntur quàm iudex sententiam tulerit criminis declaratoriam.

Quares quæ loca sub clausura Regulari comprehendantur.

R. comprehendì communiter dormitorium, claustrum, Bibliothecam, capitulum, hortos etiam non muro sed sepe conclusos, refectorium, valerudinaria, culinam, aliasque interiores officinas; non tamen Sacristiam, Capellas Ecclesiæ junctas, quæ sine transitu per Monasterium adiri possint, vel Chorum, quanquam vix sine scandalo in chorum qui post altare majus situs esset admitti possint scæminas; præsertim cum mulieres omnes à choro quocumque procul fieri maxime deceat.

CAPUT TERTIUM.

De obligationibus Judicum.

Judex est persona publica potestatem habens de eorum, qui sibi subditi sunt, controversiis & criminibus cognoscendi, eorumque causas ex præscripto legum per sententiam definiendi.

Judex dividitur imò. in Ecclesiasticum & Civilem. Prior lites Ecclesiasticas, posterior Civilia negotia tractat & dirimit.

2do. In Judicem supremum & inferiorem. Prior ille dicitur à quo provocatio non est; posterior est ille à quo ad aliud appellare licet.

3tio. In Judicem, ordinarium, & Delegatum. Ordinarius ille est, qui vi officii sui habet potestatem judicandi. Delegatus, is est cui judicandi facultas non ex proprio jure competit, sed ex alterius commissione, unde in jure appellatur etiam Judex *datus Commissarius, &c.*

4to Judex delegatus, vel est delegatus ad universitatem causarum, vel ad causam particularem.

Prior aliquam suæ jurisdictionis partem subdelegare potest, non posterior, nisi à supremo Principe delegatus sit, prout dixi ubi de Legibus.

Ut materiam hanc cum aliquali methodo tractemus, videndum quid Judex debeat sibi; quid legibus; quid iis quibus jus dicit.

ARTI-

Judicib
parat
eisdem
judicand
ad supr
nervosè
& filii
& sicut
ram, qu
vacat, i
Conc
ut loq
titudine
esse.
Prob
in gra
plicato
dives,
ergo q
Prob.
bus ut p
torum, c
vunt, ut
ad omne
lis qui c
plurima
præstare
se patet
Prob.
valeo so
re, & p
Psal. 2.
culum e
scias pro
gis ignot
habet.
Porro
eadem,

ARTICULUS PRIMUS.

De obligationibus Judicum in ordine ad se.

JUDICIBUS sedulo eritendum esse ut omnium virtutum apparatus instructi sint, facile intelliget quisquis cogitaverit eisdem de fortunis; de honore, de ipsa hominum vita judicandum esse: sic tamen ut quidquid judicaverint, illud ad supremi Judicis tribunal sit aliquando deferendum, quod nervosè indicant hæc Psalmi 8. verba: *Ego dixi, Dii estis & filii Excelsi omnes, vos autem sicut homines moriemini, & sicut unus de principibus cadetis; surge Deus, judica terram*, quoniam verò singulas Magistratum dotes scrutari non vacat, idcirco præcipuas tangemus. Sit

CONCLUSIO. Judex vigere debet ingenio, intelligentia, seu, ut loquimur, bono sensu, scientia, constantia & animi fortitudine gravitate morum; debet & à lucri studio averfus esse.

Prob. 1. pars. Judex ex dicendis, scientiam eamque nec in gradu mediocri, nec in genere facili, sed mille nodis implicato habere debet: atqui ad id necesse est ut ingenium dives, solidum, & ad omnia expeditum acceperit à natura; ergo qui hebes est, à Judicis officio exclusus est natura rei.

Prob. 2. pars. Judicis est; imo. sententiam ferre de rebus ut plurimum intricatis seu ex se, seu ex parte Advocatorum, qui res aliquando etiam perspicuas eò usque involvunt, ut vix certa ab incertis secerni queant; 2do. attendere ad omnes juris & facti circumstantias 3tio. principia singulis qui occurrunt casibus applicare: atqui nisi intelligentia & plurima sensus rectitudine donatus sit, non magis hæc tria præstare potest, quàm possit quis sine pedibus gradi, ut ex se patet; ergo.

Prob. 3tia. pars; imo. ex Scriptura: Deuter. 1. *Non valeo solus, ait ad populum Moyses, negotia vestra sustinere, & pondus ac jurgia, date ex vobis sapientes & gnaros.* Psal. 2. *Erudimini, qui judicatis terram;* 2do. quia ut ridiculum est picturam alianive quamcumque artem quam nescias profiteri velle, sic eò ridiculum est ac periculosum magis ignotam exercere judicaturam, quò hæc gravias objectum haber.

Porro ut non una est judicum omnium jurisdictio nec eadem, ejusdemque momenti omnibus veniunt definiendæ

lites, sic nec una ejusdemque gradus ab omnibus scientia expeti potest. Vulgò tamen necesse videtur ut Judex plenam habeat cognitionem; 1mo. juris etiam Cæsarei, quod innumeris in casibus inservit ut æqui & veri normæ; 2do. Constitutionum & Edictorum, quæ à Regibus nostris emanavere; 3tio. consuetudinum quæ vigent in territoriis quibus jus dicit; 4to. debet & nosse quo sensu legum consuetudinumque articulos intellexerint, qui pleniorum earum notitiam habuisse censentur; 5to. inò & scire debet id quod inferiores sui scire debent, ut eos cum ex imperitia aut libidine delinquant, emendet, & ad meliorem viam reducat; prout reducere tenetur ex variis Regni sanctionibus.

Prob. 4. pars. 1mo. ex cap. 7. Eccli. ubi sic: *Noli quæ-
rere fieri Judex; nisi valeas virtute irrumpere iniquitates, ne
fortè extimescas faciem potentis*; 2do. quia Judex sic affectus esse debet ut nec odio, nec amori, nec vindictæ desiderio, nec premiorum humanorum spei, nec potentum minis nec poenarum aut mortis ipsius timori cedat: atqui ad id summa opus est constantia, & invicto animi robore. Unde hic vix satis mentem firmant graviora Religionis motiva; è quibus tamen utiliter sibi revocabunt Magistratus id quod olim ad judices à se constitutos dicebat Josaphat II. Paralip. 19. *Videte quid faciatis: non enim hominis exercetis iudicium, sed Domini: & quodcumque judicaveritis, in vos redundabit.*

Confirm. Judex integritate præcipuè indiget & patientia. Integritate quidem ut nec ad dextram nec ad levam à recto tramite deduci possit; patientia verò ut studiis plerumque difficilibus vacet; & obscura partium jura penetret; & vix alienis, qui sæpè fallunt & falluntur, oculis credat: atqui hæc præstare nequit nisi constantia polleat, & animi firmitudine; ergo.

Prob. 5. pars. Tenentur judices suum & legibus & sibi-metipsis honorem asserere, continere cives, & in republica christiana christianum ordinem fovere: atqui eo nusquam devenient nisi se morum gravitate commendandos exhibeant. An enim legum honorem tuebuntur, qui eandem primi violaverint? an reverebitur populus eos qui depravatis moribus infamiam sibi probrumque intulerint?

Prob. 6. pars. Præcipua judicum dos est integritas, quæ nec corrupti nec labefactari queat: atqui Judex lucrum inhians, & avaritiæ studens, plenam hanc in dicendo jure integritatem habere non poterit: quia quocumque munerum intuitu flectetur, ejusque partis quæ plus obtulerit, jura magis

certa

certa & indubia nativo quodam mentis impetu deprehender. Hinc illud Deuteron. 16. *Non accipies personam nec munera, quia munera excæcant oculos sapientum, & mutant verba iustorum;* & Proverb. 15. *Conturbat domum suam qui sectatur avaritiam, qui autem odit muneræ, vivet;* neque pro futuro tantum, sed & pro præsentī seculo domum suam conturbat, qui iustitiam vendit; cū frequens doceat experientia, malè partas opes, pessimè dilabi. Sed de his rursus cap. 3. concl. 2.

Ex his principiis colliges 1mo. graviter peccare, & ad damni secuti reparationem teneri iudices, qui ex ignorantia, non dicam crassa, sed levi, sententiam injustam proferunt; 2do. mortaliter peccare eum qui suæ sibi vel imperitiæ, vel pusillanimitatis conscius, iudicis munus accipit, aut non dimittit, aut saltē functiones ejus non suspendit, donec id quod sibi deest ex parte scientiæ, aut ex aliis capitibus supplere vel emendare curret, sive studio, sive jugi oratione. Unde liquet officium illius, qui Judicum, iustitiæque Ministrum confessiones excipit, plenum esse periculi, & attentionem solita majorem requirere.

Quæres an Iudex qui imperitè vel inattentè Iudicis Officium gessit per annos 20. possit privilegiis Iudici veterano concessis uti.

R. negat. hæc enim privilegia, quæ in iuribus honorificis, & immunitate à solvendis quibusdam tributis consistunt, iis solùm ex Principis intentione tribuuntur, qui munia sua dignè & ut par est obierint: atqui indignè prorsus officium suum exercuit Iudex de quo loquimur; ergo nullum habet jus in mercedem æquis solùm Iudicibus concessam.

ARTICULUS SECUNDUS.

De obligatione Judicum in ordine ad leges.

IN Iudicibus uberem requiri legum scientiam patet ex dictis, expendendum hic; 1mo. an eadem scientia iudicialiæ decisionis norma esse debeat; 2do. quid facto opus sit in casu à lege vel obscurè tacto, vel etiam prætermisso; 3tio. quid itē fieri debeat cū conscientia vetare videtur ne legem sequaris; putà si lex eum ex allegatis & probatis morti addici, aut bonis privari velit, quem nec hanc nec illam pœnam meruisse cognovisti. Sit

CONCLUSIO I. Iudex secundum leges, & ordinem legibus præscriptum, sententiam ferre tenetur. Prob.

Prob. 1mo. ex Patribus, è quibus in re aperta sufficiat adduxisse SS. Ambrosium & Augustinum. *Bonus Judex*, ait Ambrosius Serm. 20. in Psalm. 108. *ex arbitrio suo nihil facit.... sed juxta leges & jura pronuntiat.* Augustinus verò Lib. de vera Relig. cap. 31. *In temporalibus legibus, inquit, quanquam de his homines judicent cum eas instituunt, tamen cum fuerint institutæ & formatæ, non licebit Judici de ipsis judicare; sed secundum ipsas.*

Prob. 2do. Judex eatenus legitimè judicat, quatenus judicandi auctoritatem accepit: atqui nemo est Judicum, qui potestatem acceperit pro nutu & phantasia judicandi, sed id omnibus præceptum est, ut secundum leges judicium ferant.

Hinc colliges peccare Judicem qui commiseratione ductus minorem reo pœnam indicit, quàm quæ legibus constituta sit. *Misericordia enim Judicis habet quidem locum in his quæ arbitrio Judicis relinquuntur, in quibus boni viri est ut sit diminutivus pœnarum in his autem quæ sunt determinatæ secundum legem divinam vel humanam, non est suum misericordiam facere, sed solum Principis, cui est plenariè potestas publica commissa; & quam decet legum rigori detrahere posse.* Ità S. Thomas. 2. 2. q. 67. art. 4.

Haud tamen peccat Judex qui pro tempore & loco spiritum legis potius quàm verba sectatur. Unde qui crimen triremibus dignum commisit, potest quandoque minori affici pœna, si id exigat conditio ætatis jam provectæ. Ei quoque qui graviores incurrit multas, minor ob inopiam qua alioqui premeretur, imponi potest.

Quòd si rei crimen, etsi probabilius, maneat obscurum, nec probatum satis, mitius cum eo agendum erit, idque ex præscripto juris tum Canonici, tum Civilis; Canonici quidem juxta cujus regulam xi. in 6. *Cum sunt partium jura abscura, reo favendum est potius quàm actori.* Civilis verò, quo cautum est ut favorabiliores rei potius quàm actores habeantur. Leg. 167. ff. eod. tit. Et verò longè minùs peccat, qui crimen relinquit inultum, quàm qui innocentem addicit morti. Aliud est cum de *inter esse*, seu de bono civili agitur, tunc enim Judex probabiliori parti semper adhærere debet, præsertim cum cavendum est nè quis priveretur re, quam possidet.

Quòd si contingat ut uterque litigans personam possessoris sustineat, ut si duo qui de jure venandi contendunt, suam ambo possessionem probent, præferetur ille, cujus antiquior est possessio, vel titulo munita. Si vero utrobique sit paritas, cuiuslibet possessio communiter aut divisim adjudicanda erit, secun-

Secundum
rum qu
alter
pian de
m con
Quando
possi Ju
vorem un
Conc
tiam pra
sequatur
Prob.
judicare
poris, id
simile d
ficien
quam o
gata, se
Prob
malè,
bitratu
nemo
arbitra
aquit
Qua
imperit
R. in
patri lit
paupert
nequeat
verò ali
à Judici
R. 2
minùs b
sunt de
Le. uni
suppl. at
ficere, c
&c. qui
reram,
pro inju
ta, nec
de studi
Laritor,

secundum tritum istud, *Uti possidetis: ita possideatis*. Ceterum quidquid in casibus dubiis faciat Judex, nec uni præ altero, eo quod sibi amicus sit, favere; nec ab alio quidpiam accipere potest, ut in ejus gratiam judicet: unde merito confixa est an. 1655. propositio hæc ab Alexandro VII. *Quando litigantes habent pro se opiniones æquè probabiles, pot. est Judex pecuniam excipere pro ferenda sententia in favorem unius præ alio.*

CONCLUSIO II. In casibus à lege obscurè tactis, aut etiam prætermisissis Judex habet semper fixum aliquid, quod sequatur, & a quo recedere non potest pro nutu & arbitrio.

Prob. 1mo. Ut Judex in casibus utrolibet sensu ambiguis judicare pro nutu & arbitrio non possit, sufficit ut tunc temporis, id quod omnibus ritè ponderatis æqui & veri magis similè detexerit, sequi teneatur: atqui res ita se habet. Deficiente enim lege positivâ, eam sequi necesse est quæ nunquam deficit, naturalem scilicet, quæ debito modo interrogata, semper id responderet quod verum est; ergo.

Prob. 2do. Judex in casibus qui arbitrarii dicuntur, & malè, eo se debet gerere modo, quo vir prudens cujus arbitrarij rem suam partes communi voto commiserint: atqui nemo hæcenus somniavit hominem hunc quidquid volet arbitrari posse, sed id solum quod omnibus maturè inspectis æquitati consentaneum magis credideris; ergo.

Quæres an Judex possit ea supplere, quæ ab Advocatis imperitè prætermisissæ fuerint.

R. in primis ad Judicem etiam delegatum pertinere, ut patri litiganti idoneum procurer Advocatum, si hunc ob paupertatem, adversarii potentiam, aliave de causa obtinere nequeat. Ità constitutum est cap. 1. ff. *De postulando*. & verò alioqui pauperes à potentioribus opprimerentur, quod à Judicibus prohibendum.

R. 2do. ea quæ sunt *de jure*, si ab Advocatis omisissæ, aut minus bene dictæ fuerint, debere suppleri: non autem ea quæ sunt *de facto*, saltèr communitè. Ità vulgò Doctores in Le. unic. Cod. *Ut quæ desunt Advocatis partium Judex suppl. at.* Hinc tenetur Judex ineptum actoris libellum rejicere, concedere dilationes, testes haud legales excludere, &c. quia ista hæc sunt *juris*. At verò monere partium alteram, ut utatur dilationibus, vel privilegio sibi concessis; ut pro injuria satisfactionem petat, ut certa producat instrumenta, nec potest nec debet; cum nec Advocatum agere, nec de studio partium suspectum se reddere debeat. Dixi regulariter, quia si factum aliquod vel aliunde, vel ex actis no-

torium sit, potest illud Iudex supplere, cum à partis Advocato suppressum est: puta si publicè aut ex dictis constet, aliquem ex delicto inhabilem esse ad standum iu iudicio, item eum jam præscripsisse rem de qua lis movetur; imò de bono publico, causa pia vel matriimoniali, aut pupillorum rebus sermo sit, plura poterit Iudex supplere, quam alioqui possit.

Ut, & antequam solvatur tertia difficultas, quæ Theologos, Canonistas, legumque civilium peritos jam dudum exercet, quadam sunt prænotanda, quò certa ab incertis separentur.

Et quidem; imò fatentur omnes Iudici, qui non omnino certam rei alicujus notitiam habet, curandum esse ut & conscientiam deponat, & secundum allegata ac probata iudicet. Debet quidem conscientiam deponere; quia *quidquid fit contra conscientiam, ædificat ad gehennam*, ex cap. 13. *De ressit. spoliat.* sed & ex allegatis ac probatis iudicare debet, quia pessimum irretit iudiciarius ordo, si ob privatam notitiam incertam & fortè falsam posset Iudex ab allegatis & probatis recedere.

2do. Et id etiam communiter agnoscunt Doctores, à Iudice secundum allegata & probata absolvendum esse reum, quem propriis oculis delinquentem perspexerit: imò. quia generaliter constitutum est, ut actore non probante absolvatur reus; 2do. quia è duobus malis quæ simul vitari non possunt, illud amplectendum est, quod minus fuerit; minus porro est ut absolvatur reus, quam ut iudiciarius ordo negligatur; 3tio. quia Iudex saltè ordinarius, cum unus sit testis, ac proinde nullus, gratis & irritò ad minus conatu reum de quo nunc, mortu addicere tentaret.

3tio. Id etiam apud omnes receptissimum est, ut Magistratus antequam iudicet ex allegatis nullum non moveat lapidem ut innocentis fortunæ, & multò magis vitæ consulat. Unde debet imò. instrumenta & testes plenioribus oculis perpendere, interrogare circumstantias loci, temporis, &c. ut qui hucusque convenerunt testes, tandem pugnancia loquantur; quæ artis species feliciter cessit Danieli in causa Susannæ; 2do. debet Iudex inquirere an non aliqua de causa, puta cujusdam exceptionis opè repellere possit actionem vel accusationem ab iniquo teste illatam, 3tio. si media hæc minimè succedant, tenebitur Iudex vel efficere ut reus è carcere aufugiat vel causam remittere ad Superiorem, eumque de accusari innocentia etiam iurejurando facere certiorum. Quòd si idem sit Iudex, qui Princeps supremus, is insonti vitam dare tenebitur. Si autem omnia hæc perperam tentata fuerint, quaeritur quid à Iudice fieri debeat. Sit

CONCLUSIO III. Judex potius debet duriora quæque & ipsam mortem pati, quam infontem ex allegatis & falsò probatis morti addicere.

Prob. 1mo. Judex potius moriendum est, quam id faciendum, cujus faciendi nullam vel à Republica, vel ab ipso Deo potestatem recepit: atqui Judex nec à Republica, nec à Deo recepit potestatem interimendi virum certò innocentem Non à Republica, tum quia nec hæc infontem morti addicere potest, etiamsi devitando urbis incendio agatur, ut docet S. Thomas 2. 2. q. 108. a. 4. ad 2. tum quia tota Reipublicæ potestas oritur à Deo: atqui Deus nullibi vel Reipublicæ vel alii cuilibet concessit potestatem interficiendi innocentis. Potestas enim tanti momenti, exprimi deberet aliquo verbi divini textu tam evidenti, tam *cogente*, ut ille vix ullo effugio declinari posset; atqui nullus in presenti negotio profertur textus, qui sit omni exceptione major; imò nullus qui congruè & solidè elidi non possit; ut paulò post ostendam. Quæro autem an hominis vita, ab autoritate addè incerta & ad minus in utramque partem versatili pendere possit.

Confirm. 1mo. ex Exodi cap. 23. ubi sic loquitur ipse supremus Judex: *Non suscipies vocem mendacii non sequeris turbam ad faciendum malum, nec in Judicio plurimorum acquiesces sententiæ ut à verò devies*: atqui contra legem banc, quæ cum non distinguat, sine distinctione intelligenda est, peccat qui innocentem morti devoveret. Suscipit enim vocem mendacii fœdissimi; sequitur turbam ad faciendum malum; à vero deviat, nè deviet à sententia plurimorum; * & nedum eruat eos qui ducuntur ad mortem, eosdem interim; quando quidem ille aliquid facit, cujus *autoritate fit*, ut cum aliis docet S. Thomas q. 64. art. 2. ad 1. & aliunde, quidquid clament adversarii non potest censeri agere per accidens, qui sciens & volens agit id unde directè sequitur alterius internecio.

Prob. 2do. Non potest Judex id quod intrinsecè malum est: atqui ex falsis allegatis infontem vita multandum judicare: est intrinsecè malum. Tam enim intrinsecè malum est ex allegatis contra propriam scientiam quempiam infontem vita privandum judicare, quam intrinsecè malum sit carnifici idem judicium contra propriam scientiam exequi: atqui hoc intrinsecè malum est; cum non magis tortor publico judicio dirigi possit in ordine ad auferendam innocentem vitam, quam eodem dirigi quis possit in ordine ad cognoscendum ut uxorem suam, eam quam invictè scit non

esse suam; & quam utique nec ut privata, nec ut publica persona cognoscere posset; ergo.

Obijciuntur quinque: 1mo. quòd Judex ut rectè judicer, judicare debeat ut Vicarius Respublicæ, ac proinde sicut judicaret Respublica: jam verò si Respublica judicaret, indubiè sequeretur publicam scientiam; ergo & Judex eam sequi teneretur; 2do. ideò Duci turrim, in qua multi sunt innocentes subvertenti, non imputatur mors eorumdem innocentium, quia eam directè non intendit, sed solùm expugnationem urbis: atqui pariter Judex non quarit innocentis mortem, sed solam observationem legum, quæ non sine gravi multitudinis offensione violarentur; ergo innocentis mors eidem Judici imputari non debet; 3tio. posita semel opinione nostra flagitiosus quisque absolvi poterit à Judice corrupto; quia sufficiet ut Judex palàm & audacter dicat sibi constare de innocentia accusati; 4to. consultus circa præsentem casum Innocentius III. respondet, quod cum ordinarius teneatur obsequi delegato, etsi sciat sententiam ejus injustam, exequi nihilominus tenetur eandem, nisi apud eum efficere possit, ut ab hoc onere ipsum absolvat, cap. 28. De offic. Jud. deleg. 5to. id ipsum non obscurè definiunt sacri Codices: Deuter 17. v. 6. In ore duorum vel trium testium stabit omne verbum. Matth. 18. In ore duorum vel trium testium stabit omne verbum. Verùm hæc facile solvuntur. Unde

R. ad 1. neg. min. Respublica enim vel malè judicaret, vel non condemnaret eum, cujus innocentiam certò comperitam haberet. Unde tunc, ait Sylvius, ab omni judicio abstinere deberet; sicut enim condemnare non posset, quia resisteret jus naturale innocentem necari prohibens; sic nec posset absolvere, quia juridicè absolvi nequit, is quem jura reum convincunt.

R. ad 2. neg. maj. Judex enim innocentem morti addicens, tam directè mortem ejus intendit quàm intendat mortem nocentis, quoties eum tortori tradit capite plectendum; at verò Dux, urbis expugnandæ gratia turrim subvertens, solam ejus intendit subversionem, quæ non necessariò, sed solùm per accidens cum innocentium morte consistit. Habet ergo Dux objectum immediatè legitimum, non autèm Judex: nequè hujus actio hinc innocens effici potest, quod formam legibus præscriptam sequi velit; quandoquidem circumstantia bona actionem de se malam honellare nequit; alioqui mundus foret, qui privata autoritate interficeret hominem palam flagitiosum, ut ei omnem deinceps nocendiam præcluderet.

R. ad

R. ad 3. 1mo. vix fieri posse ut Judex, hominis de actione facinorosa juridicè convicti patrocinium suscipere auit. Est enim id & actorem & testes in calumniolos traducere, quod nec facile est, nec, si prima vice succederet, succederet altera; 2do. non ideo deferri debet opinio, quia scelesti quidam ea abuti possunt præsertim cum etiam opposita & gravius & facilius abuti possunt viri nequam sumendo ex ea occasionem conjurandi contra inimicum, quem bonis emungi, vel è medio tolli cupient; persuasi nempe Judicem quocumque in casu teneri ad deferendum duobus testibus, qui fraude strenuè composita, innocenti stragem præparaverint, porro melius foret centum nocentes absolvi, quam innocentem unum damnari morte.

R. ad 4. 1mo. in eo Innocentii textu non est sermo de poena mortis, aut mutilationis: ergo ex eo nihil pro præsentis casu colligi potest; 2do. neque etiam in eo agitur de sententia quæ ob adversarii dolos, aut falsas literas nulla sit & invalida, sed solum de sententia injusta, qualis esse potest sententia ex odii aut vindictæ motivo in reum lata hanc autem exequi tenetur simplex Ordinarius, cui, ut loquitur citatus Pontifex, *Non cognitio, sed executio tantum demandatur.*

R. ad 5. dist. *In ore duorum vel trium peribit; qui interficietur*, id est, non peribit, nisi qui à duobus saltém criminis convictus fuerit, C. id est, peribit necessariò quem duo vel tres reum esse probaverint, etiam ex falsis allegatis, N. Itaque scripturæ sensus est non posse damnari hominem ab uno duntaxat teste accusatum; unde statim addit Moyses; *Nemo occidatur uno contra se dicente testimonium.* At verò neque hic, neque ullibi dixit Scriptura, tantam semper & in omni casu habendam esse fidem duobus testibus, ut innocens ex eorum depositione semper morti addicendus sit: cum nè in civilibus quidem duorum semper sufficiat assertio, ut patet tum in Matrimoniis, quæ ultra duos testes Parochum, & in testamentis quæ plures, quàm duos testes requirunt.

Major est difficultas an Judex innocentem probatum nocentem, condemnare possit in causis civilibus, aut criminalibus, minoribus, in quibus tantum agitur de poena pecuniaria officii privatione, vel exilio. Affirmat cum pluribus aliis Sylvius, posito tamen quòd neque deregì falsitas possit, nec impediri processus, & insuper magna boni communis utilitas, seu potius necessitas requirat ferri sententiam. Assertio- nis hujus ratio est; imo. quòd Judex in præsentis casu non
affe-

afferat damnum irreparabile, secus cum vita quempiam aut membris privatus; 2do. quod Respublica de iis civium bonis quæ fortunæ dicuntur, disponere possit, cum id ad commune bonum necessarium est; ergo & Judex cui auctoritatem suam commisit Respublica, de iis poterit disponere; sic tamen, ut prohibere nequeat, quin injustè damnatus compensatione uti possit.

Hæc opinio duplici potissimum de causa difficilis videtur, imo. quia non satis congruit probationibus contra S Thomæ sententiam modò adductis; 2do. quia etsi Respublica suum urgente de causa bonum auferre possit civibus, at non tanquam facinorosis, cum reipsa facinorosi non sunt: civem enim innoxium, inseceratum traducere, & ut talem plectere exilio, vel triremibus ad aliquot annos, videtur intrinsecè malum. Esto igitur vir frugi, ut alii plures qui quotidie causa cadunt sine dedecore, bonis suis spoliari possit, cum alioqui graviter turbaretur Respublica; at vix credo eidem aspergi posse infamiæ labem, sive per exilii pœnam, sive per bonorum privationem, quæ admissi ab eo criminis pœna esse videatur.

ARTICULUS TERTIUS.

De obligatione Judicum in ordine ad eos quibus jus dicendum est.

Precipuas quæ hîc moveri possunt difficultates paucis thesibus complectemur.

CONCLUSIO I Judex iis solum jus dicere potest, in quos jurisdictionem habet.

Prob. ex ipsa judicii natura, quæ *exposcit* * *ut sententia in subditos duntaxat feratur*: unde receptum istud, nullum in Judice majorem esse defectum quàm jurisdictionis. Neque verò illicitè solum, sed & invalidè sententiam fert Judex in non subditum; Hinc etiam sententiæ, quas tulit Judex in loco à Jurisdictione sua exempto, quale est cœmeterium, cassæ sunt & irrita.

Ex his colliges graviter peccare Laicos qui Ecclesiasticam, aut Clericos qui laicam jurisdictionem usurpant; quive contra reos decernunt pœnas, quas decernere prohibetur.

Sic cavere debent Officiales nè Clericos quos punire volunt, damnent exilio, triremibus, publica flagellatione, stigmatibus liliofo, aut ea publicæ reparationis specie, quam galice

lice dictum
soluam
lo mi deb
Se ead
ricum ci
CONCL
bus jus di
supencio
tus elle d
Prob.
citant oc
piones e
perviat
se expon
spicacitat
verit: at
que non
Prob.
stino Ca
judicium
veritatis
ab omni
Prob.
apud a
aut Can
rici III
XIV. Ga
lam Jura
sit. anni
Hinc o
quid à p
dicere te
setur con
licanus a
cipere mu
ad pronu
sam, verb
Collige
tem ex r
teperi, &
ciendâ ef
eti eos c
dum cent
Collige

licè dicimus: *amende honor able*. Imò cum certæ summæ solutionem imponunt, non mulctæ, sed eleemolynæ vocabulo uti debent.

Sic etiam cavere debent Laici judices nè in Plestendis Clericorum culpis limites sibi jure concessos transgrediantur.

CONCLUSIO II Judex dona, munera, & pensiones ab iis quibus jus dicit, accipere non potest sine gravi peccato. Unde stipendio suo, & quidem intra limites sibi permisos contentus esse debet.

Prob. 1mo. ex Scriptura Eccli. 20. *Xenia & dona excæcant oculos Judicum, & quasi mutus in ore avertit correptiones eorum*. Prov. 17. *Munera de sinu impius accipit, ut pervertat semitas judicii*. Unde sic: peccat graviter qui se se exponit cecitati voluntaria, in re, quæ totam animi perspicacitatem requirit; quique rectas judiciorum semitas pervertit: atqui hæc facit Judex qui donorum amoris cedit; idque non minùs declarat ratio quàm Scriptura; ergo.

Prob. 2do. ex jure Canonico, *Non licet*, ait ex S. Augustino Canon. 71. XI. q. 3. *non licet Judici vendere justum judicium*. & can. 66. *ibid. acceptio nummorum prævaricatio veritatis est, unde & pro justo dicitur: Qui excutit manus suas ab omni munere, iste in excelsis habitabit*.

Prob. 3tio. è Regum nostrorum sanctionibus, quæ plus apud avaros Judices poterunt, quàm quæcumque Scripturæ aut Canonici Juris autoritates. Hic citat auctor edicta Henrici III. Caroli VII. Ludovici XII. Francisci I. & Ludovici XIV. Galliarum Regum. Pro Polonia satis fuerit attulisse formulam Juramenti præscripti judicibus Tribunalis Regni per Constit. anni 1726. Tit. Korrektura Tryb. Kor.

Hinc colliges 1mo. Judicem teneri ad restituendum quidquid à paribus litigantibus receperit; tum quia gratis jus dicere tenetur; tum quia receptio cujuslibet doni, mera censetur concussio secundum regni leges; tum quia Clerus Gallicanus an. 1700. propositionem istam, *Possunt Judices accipere munera à litigantibus, nec tenentur restituere quæ acceperint ad pronuntiandam sententiam*, reprobavit ut falsam, perniciosam, verbo Dei contrariam, & Judicium corruptelas inducentem.

Colliges 2do. hæredes Judicis, qui magnam boni sui partem ex receptis muneribus lucratus est, ad ejus restitutionem teneri, & hæc quidem restitutio ei qui rem suam dedit, faciendâ est, sive Judex extorserit, sive litigans spontè dederit, et si eos qui pauperibus restituisent, prout iisdem restituendum censent multi, damnare non præsumam.

Colliges 3tio. quòd licet possit absolute Judex, lite jam dijudi-

dijudicata, munus aliquod accipere à partibus, multiplici tamen hic præcauto opus sit. Si enim munera non tam in animi bene memoris signum offerantur, quàm ut Judex ad favorem in lite prope diem futura inclinetur: utique abjicienda erunt. aut si jam consumpta sint, in æquivalenti restituenda.

Colliges 4to. Judicem Ecclesiasticum qui se muneribus corrumpi sinat, gravius peccare quàm Secularem, ratione statûs sui. Imò *spiritualis Judex vendendo verum judicium, simoniam committit* ex S. Thoma in 4. dist. 25. a. 3. Quod intelligo de Judice negotia spiritualia tractante; alioqui non video cur Senator Clericus, plus simoniæ reus sit quam Secularis, si de negotiis purè civilibus sermo sit.

Quares 5to. an Judex munus Collectoris vectigalium recusare possit.

R. non posse nisi ab eodem sit immunis ex Officii sui privilegio. Aliàs debet reparare damnum, quod concubivus suis inulit, communia cum iisdem onera non pariendo.

CONCLUSIO III. Judex in dicendo jure nullam debet habere rationem personarum.

Prob. quia Judex nec pauperis rationem habere potest, nec divitis. Non imò. pauperis; etsi enim, ut solidè ait S. Thomas 2. 2. q. 63. a. 4. ad 3. *Judex debet pauperi subvenire quantum potest, at id tamen facere debet sine lesione justitiæ: alioquin habet locum illud quod dicitur Exodi 23. Pauperis quoque non misereberis; non 2do. divitis, cum Deus severè admodum animadversurus sit in Judices, qui potentatum seculi muneribus aut timore labefactati, causam viduæ non judicaverunt, causam pupilli non direxerunt, & judicium pauperum non judicaverunt.* Jerem. 5.

Hinc, ait S. Raimund. si Judex humani favoris servus, nullo modo voluit sententiam ferre, & propter hoc pauper aliquis, vel alius amittit jus suum, debet idem Judex restituere litis astimationem ei, qui propter ejus negligentiam latus est. Ulterius progreditur S. Thomas, & docet quòd quantumcumque scandalum debeat sequi, Judex debet facere quòd jus suum unicuique privato reddatur; licet ab illatione peccatorum scelesto cuipiam inferendarum abstinere debeat, seu mitigando, seu etiam prætermittendo severitatem juris, si videt ex earum inflictione majus incommodum Republicæ proveniaturum esse.

CONCLUSIO IV. Judex debitam in examinandis ac terminandis litibus diligentiam tenetur adhibere.

Prob. Debita diligentia duo requirit 1mo. maturum rei judicandæ

candā exeamus; 2do. celeritatem in ferenda sententia, quantam cum prædicto examine conciliare licet; atqui utrumque debent Judices subditis suis: 1mo. quidem rei totius examen maturum; cum alioqui in rebus sæpè intricatissimis non omnes scrutari possint rerum facies, quarum tamen si vel una elabatur, mutabitur judicium, excedetque sive à bonis possessor legitimus, sive ab honore & vita homo innocens: 2do. debent & celeritatem, nè, ut toties evenit, vel ambo litigantes omnem erogent substantiam, priusquam judicium obtineant; vel pauperes tot sumptibus ferendis impares, ad iniquam transactionem, & fortè aliquid deterius miserè adigantur, intendant ergo Judices in exemplum Sancti Job, qui cap. 29. de se ait: *Pater eram pauperum, & causam quam nesciebam, diligentissimè investigabam.*

Hinc colliges ad restituendum teneri, 1mo. Judices qui ante discussam, ut decebat, causam, judicium iniquum tulerunt: imò gravis adhuc peccati conscii essent, si in hoc casu non recessissent à iustitia, quia non nisi materialiter bene judicassent; 2do. & eos etiam qui dilato de die in diem rerum examine, causa sunt, cur rebus jam mortuis, aut aliò perfectis, desint probationes, cur pupilli, quibus protectores suos mors abstulit, hæreditatis suæ jacturam fecerint, &c.

CAPUT QUARTUM.

De obligationibus eorum qui ad Judicia concurrunt.

DD judicia suo modo concurrunt Advocati, Referentes, Procuratores, Notarii, Scribæ, & Apparitores.

Advocatus ille est qui in jure Licentiatas, & causidicorum matriculæ inscriptus, suum in negotiis forensibus litiganti parti auxilium præbet, consilio, scripturâ, vel vivâ voce causam ipsius agendo.

Procurator is est qui litigantis mandato & nomine, causam in judicio prosequitur; differt ab Advocato, quòd Advocatus non eodem modo agere censeatur partis nomine.

Referens ille est è Judicibus cui litis vel instantiæ committitur examen, ut illud Judicibus aliis referat, quò deinceps ad judicium deveniatur.

Notarius ille dicitur qui legitimâ institutus est autoritate ad scribenda acta seu instrumenta, quæ in judicio, vel extra judicium fidem faciant.

Scriba

Scriba is est qui scribit Magistratum judicia, & scripta tradit partibus.

Apparitor, quem alii licitorem vocant, est iustitiæ officarius, cui incumbit assignationes & vadimonia deferre & exhibere pro lite inchoanda. De iis omnibus dicendum, sed paucis.

ARTICULUS PRIMUS.

De obligationibus Advocatorum.

ADvocati plerumque vocantur *iustitiæ satellites, judiciorum athletæ, tutela privatorum, quin & Reipublicæ salus*; hinc uno quasi intuitu produnt se præcipuæ eorum obligationes, quæ ut magis innotescant, sit.

CONCLUSIO. Advocati scientia plurima, fidelitate, diligentia, iustitia, & charitate & probitate conspicui esse debent.

Prob. 1. pars. Advocatus vel causas agere, vel consultus de jure respondere debet: atqui ad utrumque scientia non mediocri opus est. Cum necessum sit ut apprimè teneantur Regum nostrorum Sanctiones; consuetudines sapius variæ; innumeræ juris formalitates & ipsum jus Cæsareum, *legum mater*, præsertim verò Justinianæ Institutiones, quæ œconomiam totius juris complectuntur; ac demùm generalis artium omnium notitia, cum non tantum de jure, sed & *de rebus sacris, de agro colendo, &c.* agere tenentur, ut docuit Oratorum principes.

Prob. 2. pars. Fidelitatis nomine hic intelligitur, tum ipsa secreti fides, tum sincera ea ingenuitas quâ Clientibus res apeririuntur nudè & ut se habent; atqui utrolibet accepta sensu fidelitas, est Advocato supra modum necessaria. Alioqui enim Clientum negotia subvertit, nedum juvet; siue eorum arcana parti adversæ revelando; siue suadendo ut incipiant litem iniquam perinde ac ruinofam: utrumque porro legibus naturæ adversatur; primum autem expressè prohibitum est à Carolo VII. anno 1453. secundum à Carolo IX. anno 1560.

Prob. 3. pars. imo. Quia Advocato, ut vel respondeat de causa, vel eandem agat, necesse est ut & omnes rei aliquando intricatissimæ circumstantias cognoscat, & eandem omnibus, quibus moraliter potest, sustinet motivis, non iis solum quæ peremptoria sunt, sed & iis etiam quæ quandoque minutiora sibi videntur; cum ista ut fatentur artis periti, Judices nonnullos potentius flectant, quàm quæ plus nativi roboris habere creduntur: atqui munia hæc absque ingenti diligentia præstari non possunt; ergo.

2do. Quia nihil non moliri debent patronis ut Clientum suorum negotia, quàm primùm moraliter fieri potest, terminent; cùm mora & sumptus augeat, & ad iniquas transactiones redigar, & causa sit cur pereant probationes; ac demum familias etiam nobiles ad xenodochium non rarò conducant.

Prob. 4. pars. Iustitia est virtus quæ suum unicuique tribuit: atqui hæc virtus, si cui unquam, certè causarum patronis necessaria est: 1mo. relativè ad se ipsos, nè plus exigant, quàm sibi permissum sit; nè contra leges transigant *de quota parte litis*, v. g. de dimidia aut tertia parte; nè scripturas multiplicent; nè litem, quam primò justam crediderant, detectâ ejusdem iniquitate, tueri pergant; 2do. relativè ad clientes, nè quos amicè componere possunt, ad litem mille modis periculosam stimulent, nè impensis onerent, aut fatigent dilationibus; 3tio. relativè ad adversas clientum suorum partes, nè dolo, artibus malis, aut mendacio, easdem à jure suo deturbent; ergo.

Prob. 5. pars. Charitas duos è multis effectus parit, 1mo. ut pauperum, viduæ præsertim & pupilli pares simus; 2do. ut proximi famam non violemus temerè, sed tunc solum perstringamus cùm absolute necessum erit: atqui neutrum præstabit, sed oppositum, Advocatus cui defuerit vera & Christiana charitas: 1mo. quidem non juvabit viduam & pupillum pauperes, præsertim cùm adversus divites mundi hujus juven-di erunt. Una enim est charitas, quæ non quærens quæ sua sunt, iis sponte opem ferat, à quibus nihil expectat retributionis; 2do. nedum parcat proximi famæ, eandem carper, quo asperiori dente poterit, & innumera quæ ad rem non faciunt convicia jacet in miseros, eos præsertim quibus non arriserit multitudo; prout testatur frequens experientia de tot Advocatis, qui ut cum Apuleio loquar, *linguæ suæ venenum vendunt*; ergo.

Prob. 6. pars: Quia si probitate destitutus sit Advocatus, nihil implebit eorum, quæ hætenus dicta fuere. Consultus respondet pro nummo; utrique parti consilia dabit, utramque impeller ad inchoandam litem, &c.

Hinc colliges graviter ex natura rei peccare, & ad restituendum teneri Advocatum, 1mo. quoties ex malitia imprudentia, aut etiam ignorantia, causa fuit, cur cliens vel malam litem inchoaret, vel à justa causa excideret; vel indebitas impensas faceret. Neque ut Advocatus restituere debeat, requiritur negligentia crassa, sed sufficit levis, ut colligere est ex iis quæ dicantur in Tract. de Iustitia.

2do. Cùm adversæ parti, ejusve Procuratori secretum clientis revelat, & arma contra eundem præbet, & tunc ultra

Moral. Tom. I.

K k

peccatum

peccatum iniustitiæ & proditiōis tenentur ad omne damnum & interesse læso, prout cum communi docet S. Anton. 2. part. tit. 6.

3tio. Cū rem iudicio maturam iniquis artibus protrahit, siue in clientis, siue in adversæ partis præjudicium.

4to. Cū causam, quæ primò iusta videbatur, etiam comperta ejusdem iniquitate non deserit; atque in hoc casu tamen retinere possit stipendium ei debitum labori, quem bona fide præmisit, nihil deinceps recipere valet, alioqui recepturus in stipendium iniustitiæ. Debent ergo, ait S. Thomas 2. 2. q. 71. art. 3. ad. 2. *Causam deserere; vel eum cujus causam agunt, ad cedendum inducere, vel ad componendum sine adversarii damno: neque tamen tunc licitum est Advocato prodere secretum partis suæ, ut aliam partem juvet.* Nihilominus censet Lugo eam S. Thomæ doctrinam limitari debere, imo. si reus capite damnandus sit, nisi Advocatus revelet actoris iniustitiam; 2do. si ageretur de celeberrima fama, honore & statu personæ illustris. In his tamen casibus antea monendus esset actor ut ab iniustitia desisteret, quàm prodendus. Quin & expendere deberet Advocatus, an non sibi tantum nociturus esset, quàm alteri profuturus; an non procreaturus grave scandalum.

Quòd si patronus iniquæ litis actor, causam vincat, leges abrogatas citando, eas quæ subsistunt alienum in sensum detorquendo; producendo falsos testes, vel falsa instrumenta, tenetur de damno partis immeritò condemnata.

5to. Cū ea detegit adversæ partis crimina, quæ ad rem non faciunt: putà si à Judicibus obtenturus, ut qui puellam decepit, prolem nutriat, alios ejusdem in hac vel alia materia lapsus in foro conclamet. Cetera omitto consuetaria, quæ attendenti cuilibet sponte se offerent.

Quæres imò. An Advocatus causam dubiam aut minus probabilem agere possit.

R. ad 1. Advocatum tueri posse causam dubiam. Ratio est imò. quia clientes rem quæ tam sua esse potest quàm alterius, alteri dimittere non tenentur; ergo de ea Judicem interrogare possunt, si aliter inter se convenire non possunt; ergo & eis coram Iudice ministerium suum præbere possunt Causidici: si tamen eos antea moneant rem verè esse dubiam; si enim eam pro certa & indubitata darent, & cliens sic affectus esset, ut compertâ dubietate abstinere à litigando, jam Causidici essent efficax causa litis, & damnorum quæ sequuntur ex lite; 2do. quia nisi Advocatis liceret in causa dubia patrocinari, supprimi possent universa Orbis tribunalia; cū lites ut plurimum sint de causis dubiis.

Hæc

Hæc tamen locum non habent imo. in causa capitali quia sicut graviter peccat actor qui vult mortem affici hominem, cuius culpa & innocentia æquale dubium habent, sic & peccat Advocatus eidem actori deserviens; 2do. neque etiam juxta multos, cum agendum est contra possessorem, qui eo ipso quoddam in dubio versatur, melioris est conditionis secundum leges. Si tamen actoris motiva verè dubiam facerent possessionis validitatem, jam uterque ejusdem conditionis esse videretur.

Ceterum si res ut Advocato, sic & Judicibus dubiæ videantur, non video quâ æquitate totum uni, alteri nihil assignare queant. Unde censéo necellum esse, ut Judex vel litigantes componat, vel rem dividat inter illos; vel si ea dividi nequit fructuum partem alterutri assignet, aut aliter compenfer.

R. ad 2. Advocatum nec consulere nec patrocinari posse pro parte minus probabili contra probabiliorem. Ratio est quoddam nemo alium juvare possit in actione, quam is sine peccato exequi non potest: atqui cliens non potest exigere, ut sibi adjudicetur res, quam probabilius judicat alienam esse, non suam; neque hanc ipsi sine injustitia tribuere possunt Judices; ergo.

Hæc nostra opinio non obtinet solum in causa sanguinis, vel omnium bonorum, sed in iis etiam quæ levioris sunt momenti: cum nemo ut suum repetere possit aliquid etiam leve, quod probabilius judicat esse alterius.

At, inquires, medicus ægro jam desperato subvenire potest, ergo & Advocatus causæ minus probabili.

R. neg. consequ. Medicus enim neque ægro nocet, neque alicui tertio: at verò Causidicus clienti suo nocet, si eum non monuerit; aut saltè adversæ ejus parti quam adigit ad molestiam & impensas pro re jam satis sua. Atque hinc denud colliges Advocatum teneri deserere causam, quæ primò dubia sibi vel æqua videbatur, deinceps verò visa est minus probabilis, nisi fortè prudenter æstimet, id quod sibi in tali materia videtur minus probabile, Judicibus probabilius visum iri. Quanquam & in hoc casu malim Advocatum clienti liberum facere ut recurrat ad alios, qui de re aliter sentiant, quam ipse sentiat: nisi tamen exuat conscientiam quam de re proposita gerit, existimando scilicet præ modestia quæ non semper fallit, se aliorum judicio magis quam suo inniti debere. Hic addo non omnem causam quæ secundum humanas leges indubia sit, ab Advocato suscipiendam esse. Sic quem norit alteri summam debere, quam creditor defectu chirographi sibi debitam esse satis probare nequit, debet ut malæ fidei hominem repellere.

lere, absolvendum quidem ab hominibus præsumptione deceptis, sed à Deo condemnandum.

Quæres 2do. An Advocatus debeat agere causam pauperis, à quo nihil præmii expectare possit.

R. Cum S. Thoma 2. 2. q. 32. art. 5. ad 3. & q. 71. art. 1. Advocatum teneri gratis opem ferre pauperi, *cum apparet evidens & urgens necessitas, nec apparet in promptu qui ei subveniat.* Unde quod alibi dicemus de Eleemolyna pauperi facienda à divite in præsentì locum habet, eique merito applicatur à Sylvio in eand. q. 71. sed & hic urget in Proverb. 24. *Erue eos qui ducuntur ad mortem; & qui trahuntur ad interitum liberare nè cesses.* Quod si nemo pauperis hujus causam agere velit, debet is ad Judices recurrere, qui eidem de Advocato providere tenentur.

ARTICULUS SECUNDUS.

De obligationibus Procuratorum, &c.

NE quod in materiis affinis contingit, eadem sapiùs repetere cogamur, præcipua hinc recensere sufficiet peccata, quæ à Procuratoribus, Notariis, & similibus committuntur: inde enim possimæ eorum obligationes intelligentur. Itaque

Peccant Procuratores 1mo. cum aliquid faciunt eorum, quæ Causidicis prohibita esse diximus sive erga clientes, sive erga adversas clientulorum partes; ut cum scripta inaniter multiplicant: 2do. cum clientes vel ad compositionem inquam inducunt, ut faveant adversæ parti; vel à justa compositione retrahunt in lite dubia, quam certam esse jactitant: 3tio. cum majus accipiunt stipendium quàm lege, aut recepta proborum consuetudine sibi permissum sit; 4to. cum stipendium accipiunt pro scripturis lite jam judicata confectis; aut pro præambulis inventariorum: quod veritum est Constitutione Ludovici XIV. anno 1667. tit. *des Dépens* art. 11. 5to. cum partium sacculos, ea qua par est diligentia non custodiunt; cum earum secreta, vel ex garrulitate, vel quia ab iis revocati sunt, propalant: 6to. cum causam primò acceptam, primò non procurant, servato tamen Juris ordine qui quandoque exigit ut gravia negotia, levioribus præcurrant, &c.

Peccant Referentes 1mo. cum rem cui referendæ impares sunt, referendam suscipiunt: 2do. cum partium instrumenta per se non legunt, sed excerpta solùm aliena manu exarata, nisi manus hæc sit admodum perita, & fidelis; 3tio. cum rem referunt tardius quàm decebat, ita ut ex mora crescant litigantium

gantium impensæ; 4to. cum in referendo, aliquid omittunt substantiale, unde contingit litigantem excidere causa saltē ex parte; 5to. cum jus unius magis quam alterius exponunt; 6to. & idem de ceteris Judicibus dicendum, cum revelant quis uni vel faverit, vel adversatus fuerit suffragando: quæ secreti proditio malorum ferax, pluribus Regum nostrorum Edictis severè prohibita est.

Peccant Notarii ac Tabelliones, 1mo. si ex imperitia, vel iniquitate instrumenta ritè non conficiant; aut ambiguas apponant clausulas, quæ lites sint periturae.

2do. Si testimoniis testium, aut partium dictis vel factis, aliquid addant vel detrahant; neque res sincerè scribant ut se habent, aut saltē sincerè, ac proinde ab homine in iis rebus abundè versato scribi curent.

3tio. Si conficiant acta legibus reprobata; putà si excipiant testamentum hominis ratione destituti, si simoniacum, confidentialem, aut usurarium recipiant contractum, eo etiam in casu, in quo licitum est mutuanti mutuum petere sub usuris.

4to. Si extorquendæ pecuniæ animo differant instrumentorum expeditionem; aut denègent acti transumptum ex cujus defectu non possit quis sua sibi jura vindicare.

5to. Si loco veri Testamenti quod casu interierit, aliud simile confingant: itē si ex pōst facto testamentum interpreterentur; minuendo aut addendo.

6to. Si ab officio suo interdicti pergant, ut antea instrumenta conficere.

7mo. Si instrumenta non custodiant cautè; iis enim sua culpa perditis, tenentur de damno.

8vo. Si juratum secretum violent, putà si aliis quàm contrahentibus instrumenti exemplar largiantur, absque prævia Judicis sententia.

9no. Si scribant solutam coram se fuisse sumam, quæ in rei veritate non fuerit persoluta.

10mo. Si suadeant alicui ut mutuum det pecuniam homini, quem solvendo imparem cognoscant: nedum enim id facere possint, debent admonere clientem, cum aliquid norunt; quod vergat in damnum illius: hinc Toletus Lib. 5. cap. 62. docet Notarium, qui confecerit Testamentum, quo quis Legatarius instituitur, eundem monere debere, ut rebus suis consulat, postquam tamen eos monuerit qui legatum tradere debent, & ex culpa sua non tradunt.

Quæres 1mo. Quid de iis sentiendum sit Notariis, qui contenti servare breve quoddam instrumenti summarium, extensa instrumenti exemplaria partibus tradunt. R. Si protocolla hæc

vel eo modo, vel in iis regionibus fiant, ubi in iudicio fidem facere non possint, peccare Notarios, quoties præsertim per longum tempus differunt plenam & integram instrumenti confessionem. Ratio est; quia moriente Notario partes, quæ nihil habent unde se tueantur in iudicio, grave hinc damnum percipiunt. Debent ergo Confessarii urgere Notarios, ut omnia quamprimum in forma debita reponant; illisque absolutionem negare, nisi spes affulgeat futurum ut huic malo citius mediantur: quod de iis non præsumunt, qui hoc jam semel & iterum promiserint, nec steterint promissis: aut qui ex lucri fame, tot quotidie instrumenta recipiunt, ut omnia ad extensum perducere non possint.

Quæres 2do. Quid facere debeat Notarius qui falsa cudit instrumenta, nec imminente jam morte, habet unde restituat. R. Debet efficere, quantum in se est, ut pars cui nocet instrumentum, servetur illæsa, sive exigendo, ut ille, in cujus gratiam cedit dolus, sibi restituat instrumentum, sive minitendo se rem totam ut est, aperturum esse; sive tradendo Confessario schedulam qua declaret falsitatem instrumenti. Sed quia Notarius bonum habens nomen non magis tenetur se infamare quam mulier adultera, idcirco expendendum est, an tanti sit damnum quod feret quis falsi instrumenti occasione, ut debeat illud reparari per jacturam boni ordinis superioris, qualis est fama. Hæc igitur ex circumstantiis pensari debent.

Quæres 3tio. An semper ad restituendum teneatur Notarius, qui scienter fecit instrumentum pro mutuo usurario.

R. 1mo. Si contractus manifestè usurarius sit, nullam esse restituendi obligationem; quia nemo est usurarius qui tale instrumentum in iudicio proferre audeat; nemo iudex, qui regulariter loquendo ullam ejus rationem habere possit. Si tamen alicubi Iudices usuras solvi præciperent, teneretur Notarius de damno in defectum Iudicis, ut & Iudex in defectum usurarii. Idem dico si mutans eò usque simplex esset, ut crederet se vi ejusdem contractus posse in usuras conveniri.

R. 2do. Si contractus palliatam sub alterius debiti nomine usuram contineat; vel contractus sit invito mutuuario, & in gratiam usurarii, vel sit ad preces mutuarii, qui eundem à Notario efflagitat, nè non obtineat summam qua indiget. Si primum, constat Notarium ad restitutionem teneri; quia hominis invito damno cooperatur. Si secundum, 1mo. Notarius peccat mortaliter contra juramentum quo spondit se talia instrumenta nusquam conditurum esse; 1mo. incurrit excommunicationem latam in Clemen. de Usuris, si hæc vigeat in loco ubi conficitur instrumentum. An autem obnoxius fiat re-

stitutioni,

stitutioni,
vult 1. 2.

juris mutui
Notarium,

Dices: 3
de usurariis
vult.

R. neg.
debet se a
lam infert
2do. mutui
re: Nota
gendi ab i
cendum.

Quantu
tra juram
ea revelat
sententiam
tradunt p
qui jus ha
tibus non

Appar
1mo. C
eum pl
dere, to
cum acc
maneris
occupatio
queant n
sibi com
damnum
sux oper
constitut
emptorib
ea prove
causa dis

De
per te
puar
dendum

stitutioni, contròvertitur; negant Tolet, Lugo, Navarrus, Sylvius 2. 2. q. 78. art. 3. quia volenti & consentienti non fit iniuria; mutuans autem ex hypothesi est volens; cum sollicitè Notarium, qui plerumque importunitati cedit.

Dices: Si valeat hæc ratio, immunis etiam erit à restitutione usurarius; cum ei mutuatarius usuras promittat sciens & volens.

R. neg. maj. 1mo. Quia mutuatarius promittit *interesse*, ut liberet se à vexatione iniqua mutuantis: at verò Notarius nullam infert vexationem, à qua mutuatarius se redimere teneatur; 2do. mutuans intendit deinceps pactas usuras exigere à nolente: Notarius verò non habet animum quidpiam deinceps exigendi ab invito. Quod hic de Notario, idem de Testibus dicendum.

Quantum ad Scribas seu Graffarios atinet, peccant ii contra juramentum à se præstitum, & contra justitiam, 1mo. cum ea revelant, quæ silentio premere debent; 2do. cum Judicis sententiam in Registrum fideliter non referunt, aut falsificatam tradunt partibus; 3tio. cum instrumenta exhibere nolunt iis, qui jus habent, ut ea sibi exhibeantur; cum in distribuendis libris non sequuntur ordinem juris.

Apparitores, pluribus modis & quidem graviter delinquent 1mo. cum aliquid ultra justum stipendium exigunt; ut si cum plures eadem die assignationes in locis paulò distitis dedere, tot computant diarias, quot executiones confecerunt, 2do. cum accepto mandato hominem ejusve bona apprehendi, spe muneris moneant ut is sibi, suisve rebus caveant; 3tio. cum in occupatione bonorum durius agunt, minantur, &c. ut extorqueant munera; 4to. cum metu aut pretio corrupti, munus sibi commissum non exequuntur tempore præscripto, unde damnum partibus evenit; 5to. cum extra limites, jurisdictionis suæ operantur; 6to. cum in supellectilium venditionibus, vel constitutum ad licitationem tempus non largiuntur, vel certis emptoribus favent; 7mo. cum finitâ venditione pecuniam ex ea provenientem iis, ad quos eadem pertinet, remittere sine causa differunt.

CAPUT QUINTUM.

De obligationibus Dominorum temporalium.

PER temporales Dominos, eos hic intelligimus, qui præcipuam ratione feudi in Parochia auctoritatem habent. Videndum quid Ecclesiæ, quid vasallis suis debeant. Sit

CONCLUSIO I. Domini, seu ut aiunt, Dynastæ, Ecclesiam ejusque Ministros verbo & facto tueri debent.

Prob. Quia rota quæ in Dynastis residet authoritas, à Deo est, ac proinde juxta Dei intentionem exercenda; atqui ea authoritas melius exerceri nequit, quam in Ecclesiæ, & Ministrorum ejus tutamen; ergo. 2do. quia Magnates sunt primarii Ecclesiæ filii; ergo ei omnem præstare reverentiam debent: non præstant autem nisi & à vassallis suis præstari curent.

Hinc colliges gravis peccare Dominos qui Ecclesiam non frequentant, qui ceremonias ejus derident, qui Pastores ejus pro vilibus mancipiis habere videntur, qui eosdem, cum suam pro Dei honore open implorant, abjiciunt & dedignantur; qui Officiorum tempus, frequenter & notabiliter invertunt, non sine gravi fatigata multitudinis præjudicio, qui festivas dies saltationibus, aut lugiis inhonorari patiuntur, cum impedire possent; qui forenses causas in Ecclesiæ vestibulo, aut cœmeteriis actitari patiuntur, & ad eas vocant campanæ sonitu; item & qui contra Regni hujus Jurisprudentiam, colligunt Campi partem Gallicè *Champart*, priusquam Parochus collegerit decimas, qui demum decimas ipsas usurpant, nisi ex sint infœdæ; aut qui metu vel minis prohibent, nè vassalli sui conducant Ecclesiæ, vel Monasteriorum decimas aut prædia, ut hæc ipsimet viliori pretio conducant; quod Regiis Constitutionibus severè interdictum est.

Sed & hic notandum graviter peccare Parochos, qui improvidâ agendi ratione Dominorum animos à se abalienant; qui iisdem honorifica jura tribuere renuunt; qui contra eorum excessus quasi nominatim è suggesto invehuntur, &c. Hæc enim turbant concordiam, qua semel Parochos inter & Dynastas labefacta, res Dei feliciter promoveri non possunt.

CONCLUSIO II. Dynastæ vassallis justitiam debent, & immunitatem ab oneribus indebitis.

Prob. Quia alioqui Dynastæ vel justitiam per se ipsos violant, vel ab Officiariis suis violari patiuntur: utrumque autem æquitati repugnat.

Hinc colliges 1mo. peccare & ad restitutionem teneri Dominos, qui Judices imperitos, dubiæ aut inexploratæ probitatis constituunt: Qui enim occasionem damni dat, damnum videtur dedisse, cap. fin. *De injur.* Si Ballivi * plus exigant, quam sibi legibus remissum sit, tenentur Domini ex Officio hisce concussionibus, si graves sint, manifestæ, & frequentes obistere pro virili. Quin & Ballivos destituere, vel agere ut restituantur.

* Judices oppidorum & pagorum Polonicè
Woytowic y Sołtysi.

Colliges
ben. ju. g
na unj
quid nu
guis il
ex offic
ne oppri
in malef
rant. A
loco esse
Quin
decipian
rio suo
an. art.
Collig
qui oner
gravant
sua def
non sit
titulo sp
eam no
gentes,
eam pe
difficul
premar
qui co
fallor
con/ben
lumbaru
2do.
bent, q
debet.
3tio.
sequi e
deben
runt à
no persi
indigent
tamen l
pecunia
versioni
4to.

Colliges 2do. * *Lethalis violentiæ reos esse nobiles, qui habent jus gladii, si maleficos ac sceleratos penis legum sanctione constitutis plecti non curent, sive ut sumptibus parcant, sive, quod multò deterius, ut commodum aliquod ex patrocinio flagitiosis illis hominibus impenso consequantur.* Ratio est, quia ii ex officio vasallorum tuitioni incumbere debent, & obstarè nò opprimantur; aliunde verò ex condemnatione jus habent in maleficorum bona, sicque præstitos à se sumptus recuperant. Adde quòd ex vasallis multa percipiant, quæ stipendii loco esse videntur.

Quin & Domini curare debent nò vasalli sui etiam volentes decipiantur: unde Bohemos, ** magos, & fatidicos è territorio suo abigere debent, prout eis injungitur Sanctione Aureliani. art. 104.

Colliges 3tio. Restitutioni obnoxios etiam esse Dominos, qui onèribus quoad substantiam aut modum indebitis vasallos gravant. Tales sunt 1mo. qui vasallos cogunt ut frumenta sua deferant molenda ad pistrinum suum, etsi illud banale non sit, seu ex consuetudine, seu, ut alicubi necessum est, ex titulo speciali; aut qui servitutem hanc exigunt ab iis qui ad eam non tenentur, quales sunt Parochi in Presbyterio suo degentes, & ceteri qui nimium à molendina distant aut qui ad eam pervenire nequeunt sine gravi dispendio propter viarum difficultatem, &c. Idem est de iis qui rusticos cogunt ut uvas premant in torculari suo, vel ad furnum panes coquant. Itè qui columbaria sine jure construunt, neque ii niri possunt vasallorum silentio, cum illud non approbatio sed metus parere consueverit. Unde Domini restituere debent pro numero columbarum, jurerum suorum paucitate, & sterilitate locorum.

2do. Qui molendinas ad punctum, ut aiunt, quadratum habent, quando ex locorum usu ad punctum rotundum habere debent.

3tio. Qui corvada Gallicè *Corycès*, *** id est, operarum obsequi exigunt, vel quæ non debentur, vel quæ tali modo non debentur: ut si Domini qui pluribus annis nihil operæ exegerunt à vasallis, omnes præteritorum annorum operans uno anno perfici velint; Itè qui operas sibi debitas, & quibus non indigent, in vicinorum suorum gratiam præstari volunt, nisi tamen locorum consuetudo aliud ferat. Itè qui in summam pecuniæ etiam modicam onera sibi debita convertunt, nisi conversioni huic consentiant vasalli.

4to. Qui in locis non circumseptis herbas colligi verant, nò abigan-

* Nat. Alexand. ** Polonicè: *Cyganom.*

*** Polonicè: *Gwałty, Tłoki, Szarwarki.*

abigantur perdices, quasi privata hominis unius voluptas publica necessitati ante ferenda sit.

5to. Qui garenam * autoritate privata constituunt, vel jam pridem extinctam, renovant; aut è loco in locum ubi multò plus nocitura sit transferunt; aut eò usque cuniculos multiplicari patiuntur, ut inde gravis subsequatur vicinarum segetum, aut vitium strages.

6to. Qui vasallos cogunt ut in ipsam Domini domum transferant ea quæ transferre non tenentur.

7mo. Qui exigunt ut vasalli census in alia solvant specie; quàm qua constituti sint, v. g. in grano quæ pecunia solvi debent, aut vice versa. Ubi nota graves hîc ex Dominorum parte irrepere abusus: ut 1mo. cùm granum recipere nolunt, quasi deterius, cùm tamen tale sit, quale colligitur in fundo censuarii; 2do. cùm iis annis granum rejiciunt, quibus viliori pretio venit, & exigunt cùm valor plurimum increvit: quo in casu censuarius etiam in mora, non debet pretium quo actu venduntur frumenta, sed quo venundabantur vel anno vel saltè tempore quo persolvi debuerant.

Cogit brevitatis studium plures omittere Dominorum injustitias præsertim in iis, quæ ad talliarum *assisas*, ** ut aiunt, seu, tributorum impositionem pertinent; ut cum toparchæ villicis suis parcituri, vel potius commodo proprio consulturi, in pauperiores refundi præcipiunt, quæ à ditioribus solvenda erant; & tunc Domini primo loco, tum deinde Collectores qui ex metu aut assentandi animo cooperati sunt injustitiæ, damnum illarum reparare tenentur, neque illis vel istis absolutionis beneficium impendi potest.

Si graviter peccant Domini in vasallos, graviter nec rarè in Dominos peccant vasalli. Quod ut intelligatur, sciendum est Dominis quædam competere jura, 1mo. ex contractu, ut census dominici, jus relevii, jus certos à rusticis labores exigendi; 2do. ex communi Provinciarum jure, sic competit jus columbarii, jus in thesauros, in animalia expavesfacta; 3tio. ex præscriptione, sic rursùm competere potest jus columbarii; 4to. ex privilegio, sic competit jus venandi, piscandi, &c. 5to. per modum pœnæ, & sic iisdem competit jus inducendi multas, & confiscationes.

De postremo hoc jure certum est illud non deberi ante Judicis sententiam debitè significatam. Cetera verò jura in conscientia debentur, unde alibi colligam eos qui columbas occidunt, qui inventum thesaurum quem cum Domino partiri debuerant, totum asservant sibi, qui cuniculos apprehendunt teneri ad restituendum.

At nul-

* *Krolikarnia*. ** *Podymne, Pogłowne*.

At nullum est fortassis genus in quo gravior peccetur, quam in solutione Laudimiorum, Gallicè *Lodos & ventes*; quod ut saltim generatim intelligatur.

Quares 1mo. quando prædicti census debeantur.

R. Laudimia deberi in triplici casu, 1mo. cum prædium venditione acquiritur; 2do. cum acquiritur conductione sub censu redimibili, 3tio. cum acquiritur per commutationem.

Quares 2do. an vasalli hosce census antequam à Domino requirantur, solvere debeant.

R. affirmat. Unde & instrumentum contractus eidem Domino exhibere debent; quia vasallus suum vendendi jus habet à Domino, qui illud ea solum conditione indulgit, ut sibi certa in mutationibus portio reddituum solveretur.

Quares 3tio. an si venditor censum persolvere nolit, ad id teneatur emptor in solidum.

R. affirmat. Si, ut fieri solet, emptor iniquitati illius quicum contraxit, fuerit cooperatus. Idem de venditore respectu emptoris dicendum, si ex pacto, vel loci consuetudine emptor de Laudimio teneatur.

Quares 4to. quid juris si duo in dubio an deberent censum, contraxerint in aliena Provincia.

R. Eos cogi non debere ad solvendum id quod fortè non debent, sed cogi debere ad exhibendum Domino contractum; quod si in ambiguo casu jus suum exegerit Dominus, recurrendum erit ad Iudices.

Quares 5to. sed quid, si contrahentes sine honoris & fortè boni dispendio, contractum suum jam exhibere nequeant; purà, quia juraverint se non contraxisse.

R. Consulendos esse Advocatos, qui definiant an debeatur census. Si Advocatorum alii ab aliis dissentiant, ita ut dubium perseveret, adigendi sunt contrahentes ad solvendum secundo censu dimidium, pro rata dubii, quod expendi non potuit à Domino contractum ignorante propter malam contrahentium fidem.

CAPUT SEXTUM.

De obligationibus Studentium.

Circa Studentes videndum quid Deo, quid Professoribus, quid sibi, debeant.

CONCLUSIO I. Juvenes qui studiis vacant, pietatem & virtutem impensius sectari debent.

Prob.

Prob. Ut juvenes studio dediti virtutem impensus sectari debeant, duo sufficiunt, nempe ut ad id teneantur qua juvenes, & qua Scholastici; atqui ad id tenentur 1mo. qua juvenes. Id enim iis præcipit Scriptura pluribus in locis. Eccle. 12. *Memento Creatoris tui in diebus juventutis tuæ, antequam veniat tempus afflictionis.* Thren. 3. *Bonum est viro cum portaverit jugum ab adolescentia sua.* Proverb. 22. *Adolescens juxta viam suam, etiam cum senxerit non recedet ab ea;* 2do. & ad id tenentur qua Scholastici, tum quia pluribus indigent gratiis, cum & communes ætatis suæ passionēs, quæ etiam in Academicis potentiùs grassantur; & tentationes statûs sui proprias, acediam præcipuam, tedium, & vanitatem debellare teneantur. Tum quia recipiendæ sapientiæ idoneos se & pares efficere debent: atqui * *in malevolam animam non introibit sapientia, nec habitabit in corpore subdito peccatis;* ergo eniti debent ut de se dicatur quod de Tobia dictum est: *Cum esset junior omnibus, nihil tamen puerile gessit in opere.*

Erit autem optima pietatis colendæ ratio, 1mo. frequens & fervens Sacramentorum Pœnitentiæ & Eucharistiæ susceptio; 2do. quotidiana eaque devota auditio Missæ per quam, si aliter fieri potest, ut potest ferè semper, duas ad summum minores Horas ab iis qui Officio addicti sunt, recitari velim, alteram initio, alteram sub finem, ita ut pars potissima Sacrificii ab Offertorio ad Communionem Sacerdotis, animo & corde teneatur; 3tio. tenera in Deiparam propensio, quæ singulis diebus, aliqua fusione precum quas approbavit Ecclesiæ, se se prodât. Illa scilicet est virgo virginum præclara, quæ mites facit & castos. *Ipsam sequens non devias; ipsa tenente non corrui, ipsa protigente non metuis, ipsa duce non fatigaris, ipsa propitia pervenis* S. Bernard. Homil. 2. super *Missus est* n. 17. 4to. lectio bonorum Librorum, & consequenter recessus ab iis, qui ut Comœdiæ complures, Romanenses item libri, amorem, vindictam, & omne libidinum genus spirant; 5to. plurima cum juvenibus bonæ frugis necessitudo, ceterorum fuga: *Fili mi, si te lactaverint peccatores ne acquiescas eis.* Proverbior. 1.

CONCLUSIO II. Scholastici debent Professoribus assiduitatem, docilitatem, reverentiam, & animum bene memorem.

Prob. 1. pars. De assiduitate, 1mo. quia *sapiens corde præcepta suscipit,* Proverb. 10. Porro non suscipit præcepta sed abjicit, qui iisdem assiduus non est; 2do. quia se ferè habent variæ scientiarum partes sicut annuli catenæ quorum primum nisi teneas, vix unquam poteris allequi secundum, 3tio. quia si

* Sapient. 1.

quia si Discipulis assiduas debent lectiones Magistri, assiduum Magistris debent attentionem Discipuli.

Prob. 2. pars. De docilitate, quia indocilitas nimiam proprio sensui adhesionem redolet; & scandala, disputationesque sapius otiosas inducit. Et id tamen satis familiare est vitium juventutis, quæ confidens se Magistris suis callidiorem esse, responsa eorum temnit & aliquando tandem labitur in errores à quibus revocari nequeat. Interim Professori qui opiniones ab Ecclesia proscriptas tradiderit, neminem assentiri velim: prima enim docilitas Ecclesiæ debita est.

Prob. 3. pars. Tum exemplo Theodosii magni qui filios suos coram Arsenio stantes loqui præcepit; tum quia non ineptè dixit Philosophus, accipere nos à parentibus esse, ab institutoribus bene esse; ergo utrosque pro patribus habere, ac proinde specialiter revereri tenemur.

Prob. 4. pars. Quia animam bene memorem iis debemus, qui grande nobis obsequium præstant, idque non facili negotio, sed in sudore vultus, & in patientia multa: atqui ea est erga nos conditio Professorum, qui suo, ut par est, Officio fungi volunt: quot enim die noctuque libros terere, secum invicem conferre, ac meditari debent, priusquam è suggestu loquantur: quot auditorum tarditatem, ac duriciam vel pati vel frangere necessum est? &c.

CONCLUSIO III. Qui Scholas adeunt, serium sibi meritis laborem ac studium debent, & si omiserint graviter peccant.

Prob. 1mo. Quia Scholaris, qui studium abjicit, vel segniter amplectitur, officium suum negligit in materia gravi; & cuius neglectus multa invehit peccata contra Deum, contra parentes, contra Ecclesiam, prout diximus supra.

Prob. 2do. Quia sola temporis jactura, cum ad certam excrevit quantitatem, quæ definiri facile non potest, sufficit ad peccatum latale, ut patet in servo inutili, qui nec ludo, nec comestationi, nec impudicitia se se dederat: atqui temporis jacturam facit Scholasticus, qui studio non vacat; idque verum est, etsi aliunde rebus de se licitis exerceat animum, quod rarum est; quia ab eo studium exigitur, non ea quibus vacat.

Prob. 3tio. Qui amat periculum peribit in illo: atqui juvenes, qui studium negligunt, amant periculum præcipue duplex: 1mo. nempe criminum omnium quæ parit otiositas; 2do. amplectendi officia quibus præ imperitiâ obeundis, ex parte vel ex toto impares sint; ergo meritò dixit Salomon Proverb. 17. *Qui evitat discere, incidet in mala.*

Hæc porro in studiis servare debent Candidati præsertim Theologiæ, quos hic potissimum intuemur: 1mo. non ante ad studium

studium accedent, quàm brevi & efficaci oratione imploraverint Spiritus Sancti lumen, ut fuget tenebras mentis, & revelet *occulta sapientia*.

2do. Non ita scientiæ cupidini se permittent, ut nihil aliud cogitent quàm studium. Diuturnior enim animi contentio spiritum pietatis imminuit, ingenii vires hebetat, & frangit corpus.

3tio. Multò plùs cavebunt nè omnia simul addiscere velint, ut ii faciunt qui Mathesi, Theologia, &c. simul incumbunt; nihilque aliud è studiis reportant quàm confusas rerum imagines, & nescio quam scientiæ farraginem, quæ fastidium parit non lucem.

4to. Dum studia auspicantur, paucissimis utentur libris nè dicam uno; memores triti hujus: *Cave ab homine unius Libri*. Profecto qui authorem unum probatæ notæ callet, pugnat efficacius & difficilius vincitur. Ubi Paulò profecerint, aliquot oppositarum partium scriptores evolvunt, quos non eligent proprio Marte, sed ab iis accipient qui studia eorum moderantur.

5to. A lectione Librorum hæreticorum abstinebunt, donec in fide radicati, nihil hinc sibi discriminis impendeat. Ad id autem oportet ut præcesserint, duorum ad minus annorum studia, prout dicemus agendo de Fide.

6to. In Libris id præsertim prosequuntur quod ad fidem, regimen conscientiarum, veterem & novam Ecclesiæ disciplinam pertinet: hæc nempe solidè eruditum faciunt; cetera, quæ quibusdam ingenium acuere videntur, discussores insulsum, seu alterum, ut aiunt, Palamionem efficiunt.

7mo. Ante omnia veritatem diligunt, quam *diligit Deus*, & diligere præcipit, Psalm. 83. sed nusquam obliviscuntur verum non esse quidquid reprobatur Ecclesiæ. Imò in Metaphysicis ubi quisque suo in sensu abundare posse magis videtur, cavebunt nè juveniliter lacebant eos, qui secus sentiunt.

Ex dictis colliges graviter peccare eos qui ex inertia vel fastidio, non dies tantum sed & hebdomadas quandoque, vel sine studio, vel cum studio multò minore quàm opus esset, miserè transigunt. Quid ergo de iis dicendum, qui propria negligentia minimè contenti, alios retrahunt à studendo.

Atque utinam intra solius negligentia terminos sisterent Adolescentes minimè studiosi: sed quia *multam*, vel omnem *malitiam docuit otiositas*, * nullum penè est crimen, impudicitia potissimum & comestationis, in quo se se turpiter non voluerunt, idque sapius dum Pater, Mater, & fraus tenuem & angustam domi vitam agunt, portantque *pondus diei & astus*, ut impensas & pecuniam præstent homini, quem sibi & Ec-

* Proverb. 33. 29.

clesiæ

clesia utilem futurum esse inaniter confidunt. Interim nullus dubitat, qui hujusmodi adolescentes ad restituendum teneantur, siue Patri, aut Matri, siue fratribus; cum tota eorum agendatio, sit quædam latrocinii species. Adde eosdem, si vi gradum quos in Academicis consecuti sunt, Beneficium obtineant, absque eo quod Scholas cum assiduitate morali frequentaverint, teneri ad cedendum eodem Beneficio.

CAPUT SEPTIMUM.

De obligationibus Medicorum, &c.

Honora Medicum propter necessitatem, ait Sapiens Eccli. 38. *Disciplina Medici exaltabit caput illius, & in conspectu magnatorum collaudabitur; si nempe officium suum obierit, ut decet; de quo sit.*

CONCLUSIO I. Medici, singulari peritia, diligentia, charitate, pietate, propriæ utilitatis neglectu, ac fidelitate præditi esse debent.

Prob. 1^{mo}. Quidem Medici scientia fulgere debent, cum absque ea nec morbum à morbo, nec remedia idonea ab inutilibus aut noxiis secernere valeant. Et verò sua sunt eaque magni momenti Medicis privilegia; quorsum verò, nisi ut peritam ægris manum admoveant? Porro scientiam Medici modestam esse oportet, nè temerè rejiciat id, quod aliis etiam junior, & quandoque sagacior proposuerit, &c.

2^{do}. Uti debent diligentia singulari, siue in investigandis morbi principiis, progressibus & natura; siue in inviscendis ægris, circa quos mori quacumque funestis animæ ac corpori exitus habere potest. Hinc Medicum sicut & Sacerdotem quacumque diei & noctis hora paratum esse oportet ad ferendam opem morienti: ac consequenter procul & perpetuò ab iis distare vitiis, quæ, ut crapula & ebrietas mentem heberant, & corpus torpidum efficiunt.

3^{rio}. Magna esse debet Medicorum charitas; tum erga concives suos in genere, tum erga egenos, qui nihil præter animum bene memorem rependere possunt. Unde graviter peccant tum ii qui precibus victi imperitum Collegio suo adscribunt, cum gravi multitudinis dispendio; tum qui æneam animam gerentes ab inviscendis pauperibus eo uno quod pauperes sunt, abstinere; contra id S. Antonini 3. pag. tit. 7. cap. 1. *Medicus pauperibus non valentibus solvere, gratis mederi debet; & non se ab eorum cura subtrahere; quia hoc esset indirectè occidere.*

cidere. Haud tamen irregularis fuerit Medicus, qui quempiam invilere noluisse; (nisi à Communitate, aut alio quovis conductus esset ad invilendos omnes certi loci incolas) quia tunc solam charitatem laxasset.

4to. Medicum pietate commendari oportet: 1mo. ut aegros, quam primò necessarium erit, de recipiendis Ecclesiae Sacramentis sive per semetipsum, sive per eos quibus infirmi cura incumbit, commoneat; 2do. ne iisdem faciliùs indulgeat usum carnis, aut à jejuniò prescripto avertat; 3tio. ne remedia præbeat contra Dei legem, putà quæ generationi obestent, aut abortum pariant.

Quòd spectat ad necessitatem aegros quamprimùm admonendi ut ad Sacramenta recurrent, extat celebris Innocentii III. Constitutio, cap. 11. *De penitentiis & remiss.* ubi sic: *Districte præcipimus Medicis corporum, ut cum eos ad infirmos vocari contigerit, ipsos ante omnia moneant & inducant, ut Medicos advocent animarum; ut, postquam infirmo fuerit de spirituali salute provisum, ad corporalis medicinae remedium salubriùs procedatur, cum causa cessante cesset effectus.* Sux hujus legis rationem hanc reddit Pontifex, quòd ubi pessima viget aegrotos tardissimè commonendi consuetudo, illi de se actum esse ex ipsa admonitione suspicantes, in desperationis articulum incidunt, unde faciliùs mortis periculum incurrunt. Si quis autem Medicorum hujus nostræ Constitutionis, postquam per Prælatos locorum fuerit publicata (ut à Parisiensi Concilio jam ab anno 1429. publicata est) transgressor extiterit, tandiu ab ingressu Ecclesiae arceatur, donec pro transgressione hujusmodi satisfecerit competenter. Hinc Medicus qui præ pusillanimitate, aut pietatis defectu infirmum non monet, cum monendus est, peccat mortaliter prout docet S. Antoninus.

5to. Nec lucrum inhiare, nec commodis suis impensius servire debent Medici, sed iusto contenti esse stipendio. In Gallia Medicus non est capax legati cujuscumque vel donationis, si fiant in eo, quo quis decesserit morbo. Quin & refert Peleus Arestum quo in irritum ducta est donatio, filio Medici facta ab aegrotante. Si tamen Medicus ab agro quidpiam receperit titulo consanguinitatis, vel necessitudinis antiquæ, nulla erit restituendi obligatio.

Ceterùm non peccat Medicus accipiendo stipendium de cura aegritudinis, quam per principia medicinae credit esse incurabilem, nisi fortè malitiosè, non indicando illis qui illius curam habent, vel superfluos sumptus faciendo, vel eum curare omnino promittendo; sed indicata veritate quam novit de aegritudinis cura.

cura, tandiu jussè potest accipere stipendium suum, quandiu exhibet in cura fidele ministerium. Ità S. Antoninus ubi supra c. 2. §. 6. Hinc etiam post ægroti mortem jus habet Medicus ad stipendium labori suo proportionatum.

6to. Requiritur in Medicis ea probitatis species, quam fidem dicere consuevimus. nè scilicet pudendos infirmorum morbos detegant, contra Facultatis suæ Decreta. Et verò quoti perire mallent, quàm quosdam sui morbos propalari? Unde, nisi aliud suadeant circumstantiæ admodum speciales, nè ipsum quidem venereæ luis morbum detegi velim, ut innocens puella à nuptiis deterreatur: quia satius est unius dispendium permittere, quàm fiduciam adimere multitudini.

Ex dictis colliges peccare Medicum, imo. cum absque sufficienti peritiâ morbos curare aggreditur. Si tamen nemo alius præsto sit, non videtur arguendus qui modeste indicat remedium aliquod nec in se, nec relative ad ægri conditionem periculosum; hoc enim & ii faciunt, qui medicinam non profitentur. Si quis verò ut moris est, peritum se jactet cum non sit, & ægro vel impensas vel mortem afferat, tenetur ad restituendum.

2do. Si operam ægritudinis gravitati parem non impendat; ac multò plus si infirmos invisat, cum præ vino non est satis animi compos.

3tio. Si medicamenta minùs certa, minusve probabilia relictis iis quæ certiora sunt, aut magis probabilia adhibeat. Itèm si dubia vel inexplorata præbeat, *ad faciendam ut aiunt, experientiam in anima vili.* Ratio est, quia dubium censetur medicamentum, quoties incertum est: sitne nociturum, an profuturum; porrò hujusmodi remedia applicare non licet; quia necare possunt eum, qui fortè sanandus sit, si non applicentur.

Si verò unicum suppetat remedium, imo. debet Medicus ex variis circa idem remedium opinionibus sequi tutiorem, eam nempe cui frequentior experientia suffragatur; 2do si rebus, ut decet, expensis pergat dubitare de bono vel malo effectu remedii, tunc si desperata sit infirmi salus, consent viri graves illud in quemcumque eventum applicari posse, imò & debere; quia melior est salus incerta, quam mors certa.

4to. Si lucri causa protrahat curationem morbi, sæpiusve & inutiliter ægrum visitet. Itèm si optet frequentiam morborum; aut de aliis Medicis detrahat, ut solus laboret.

5to. Si remedia suadeat divinis legibus prohibita, putà si consulat ægro ut illicitè coëat, aut ut se inebriet, vel abortiat.

tiat, etiam si id est ex ignorantia consulat: imò si non consulat, sed his utatur verbis: *Non tibi consulo, sed si tale quidpiam faceres sanareris.* Ità Navarrus c. 25. Man. n. 61.

6to. Si egenis graviter agrotantibus non medeatur gratis. Quin & avarum divitem solvere nolentem etiam in periculo vitæ, repellere non deberet, sed misericorditer invisere; postea laboris sui stipendium in iudicio repetiturus.

CUNCLUSIO II. Pharmacopolæ quorum est parare medicamina; Chirurghi item quibus competit, ut medeantur arendo, incidendo, calvariam terebra perforando, iisdem qualitatibus præditi esse debent, quas in Medicis requisimus.

Prob. quia Pharmacopolæ & Chirurghi veram medicinæ partem exercent, nec minus utilem, si sagaciter; nec periculofam minus, si imprudenter exerceatur.

Hinc peccant Pharmacopolæ, 1mo. qui absque sufficienti simpliciū notitiā artem suam exercent; 2do. qui evanida remedia præbent, etiam si descendunt in pretio, nisi qualitatem compensent quantitate, si compensari potest; 3tio. qui pro nutu remedia instruunt, non ex Medici præscripto, cui inhærere debent, nisi in eo errorem deprehendant; quo in casu Medicum admonere tenerentur, &c.

Quod spectat ad Chirurgos, ii præter obligationes hæcenus recensitas, geminam hanc habent, 1mo. ut maturè consulant de amputando membro, quod semel abscissum reparari nequeat; 2do. ut in certarum corporis partium inspectu grassantem malæ voluptatis sensum coercerent pro virili: nè dum alieni corporis curant vulnera, profundiorē animæ suæ plagam inurant.

CAPUT OCTAVUM.

De Moderatoribus & Collectoribus tributorum.

TRIBUTUM, quod *Talliam* vocant infimæ Latinitatis scriptores, definitur, Pensio imposita subditis ad Principis dignitatem, impendiæve communia sustinenda. Tributum strictiori hoc sensu acceptum differt 1mo. à vectigali, quod penditur pro rebus in Provinciam aut civitatem investitis, vel e-vestitis; 2do. à Portorio quod solvitur pro mercium transvectione per pontes ac flumina; 3tio. à Pedagio quod pro viarum custodia & refectione exigitur.

Tri-

Tributum dividitur in reale, quod solvitur ratione prædiorum; & personale quod cadit in personas ratione industriæ, & lucri ex eadem percepti.

Certum est 1mo. tributa iusta à principibus imponi posse; & à subditis deberi in conscientia. Patet id ex dictis ubi de Legibus cap. 5.

Certum est 2do. non omnes obnoxios esse legi tributorum. Ab ea siquidem in Galliis immunes sunt tum Clerici, tum Nobiles, tum qui vel apud Regem certa Officia exercent, vel quædam in gratiam civium munia gerunt. Nè verò si Clerici & Nobiles prædia sua non locarent, sed suis servorumve manibus incolerent, plebs infima nimium gravaretur, sanxit Ludovicus XIV. an. 1667. ut utrique non nisi unum prædium, quatuor aratris constans, idque in eadem Parochia per se exercerent; cetera verò vel locarent rusticis, vel tributis plebeiis more obnoxia haberent.

Certum est 3tio. tributorum moderatores in id unum eniti debere, ut proportionatam uniuscujusque facultatibus taxam imponant. Hoc enim iis præcipiunt Regiæ Constitutiones, & æquitas naturalis, quæ publica onera proportionatè imponi jubet, ita ut debiliores onera potentiorum non ferant. Quapropter hic servandæ sunt quatuor regulæ sequentes.

I. In distribuendis tributis habenda est ratio bonorum tum privati cujuslibet, tum etiam totius Communitatis, ita ut per Censuram relevetur, qui relevari ob paupertatem debet, & plus ferat, qui plus bonorum habet.

II. Neque tamen boni solius ratio habenda est, sed & onerum personarum annexorum. Unde inspiciendum quot quis liberos habeat, an alieno ære gravatus sit, an non grandine, vel morbis oppressus, an non sæpius Collectoris Officium peragere debeat, quod aliqui totis ferme quinquenniis subeunt non sine dispendio 300. aut. 400. libellarum.

III. Inspiciendum non modò quantum quis hoc in loco habeat boni, sed & quantum alibi possideat; nisi tamen ex bonis alibi positis tributum solvat; quia non bis in idem.

IV. Ut onera sic onerum sublevatio dividi debent. Unde patet quàm graviter delinquant, qui concessam à principe immunitatem, sibi suisque solum applicant. Quanto autem peccarent gravius, si taxam imposerent Regia majorem.

Quoniam verò tam facile est errare in conspectu, quàm facile est non errare in principiis; & sæpe dubium est an non certis in casibus restringi debeant principia, quæ primo intuitu generalia videntur, idcirco varios hic proponam casus,

qui non minimam viris ceteroqui doctis difficultatem fecerit. Ex his porro casibus alii spectant immediate Collectores; alii locorum dominos, aut Magistratus impositioni tributorum præpositos, aliosve similes, qui metu vel dolo causa sunt cur tributa iniquè distribuantur. De utrisque seorsim dicemus.

ARTICULUS PRIMUS.

De Collectoribus.

Materiam hanc in se tota practicam interrogationibus & responsis, comprehendere & dilucidare visum est. Itaque Quæres 1mo. quid sentiendum de Collectoribus qui Titium virum divitem minùs gravaverunt, quam debuissent, his de causis, 1mo. quòd ei multum debeant, & actu solvere non possint; 2do. quòd majore anni parte pro eo laborarent, & sic lucrentur unde vivant; 3tio. quòd qui antea tributum collegerunt, non plus eum gravaverint; 4to. quòd minetur Titius, se si plus solito gravetur, aliam in Parochiam recessurum; quòd si faceret, oneraretur Parochia ea tributii portione, quam Titius solvit; 5to. quòd Collectores quoriam tributii partem singulis distribuendo, agant nomine Communitatis; quæ cum sciat mitius agi cum Titio, id approbare censetur; 6to. quòd si cui hac in re incumbat obligatio restituendi, hæc incumbat Titio, cui soli prædicta indulgentia cedit in lucrum; non Collectoribus, qui nihil inde percipiunt emolumentum.

Respondet Pontas v. *Taille* cas. 1. prædictos Collectores obnoxios esse restitutioni; quia nulla unquam ratio efficere potest, ut alterum cum alterius præjudicio exonerare liceat multò minùs divitem cum dispendio pauperis.

Nec nocet quòd hinc fortè eventurum sit, ut Collectores vel opprimantur à Titio cui plurimum debent; vel deinceps ab eo non admittantur ad solitum laborem. Quia nemini, ut rebus suis consulat, alias expoliare licitum est.

Nec nocet 2do. quòd qui antea tributa collegerunt, perciperint Titio; quia aliena iniquitas, iniquitatis meæ excusatio esse nequit.

Nec nocet 3tio. quòd minatur Titius recessurum se à Parochia; tum quia multa minitantur homines, quæ non præstant; tum quia dispendium, quod quis sine culpa sua peperit, imputari eidem non debet. Hæc utcumque infrà limitabuntur pag. 538.

nihil

Nec nocet 4to. quòd Collectores qui Titio pepercerunt, nihil inde lucri receperint. Neque enim ad contrahendam restituendi obligationem necessaria est iniqua acceptio, sed sufficit iniqua damnificatio quæ, in præfenti contingit. Attamen Collectores nonnisi in defectum Titii restituere debent.

Multò majoris est momenti id, quod quinto loco objiciunt Collectores, nempe communitatem censeri approbare, ut mitius agatur cum Titio. Sed neque ea ratio peremptoria est: imò. quia deberet constare de consensu totius Communitatis, ac eorum præsertim, qui, ut pauperes plus gravantur ex remissione Titio facta: secundum hanc Juris regulam 29. in 6to. *Quod omnes tangit, debet ab omnibus approbari*; 2do. quia Regia Constitutio an. 1614. consensum in pari casu ab ipsa etiam Communitate datum irritat: utique quia timendum, est nè consensum hunc extorqueant viri potentes, præsertim à pauperioribus, qui plus ab iisdem dependent. Quòd si aliquam sibi stragem metuant Collectores à Titio, debent qua meliori via poterunt, rem totam aperire Magistratibus, qui pensum Titii facultatibus proportionativum imponant ex officio: quod gallicè dicimus, *taxer d'office* Hactenus Pontas.

Si tamen vir dives multò plus in gratiam Parochiæ totius impenderet, quàm perciperet ex imminutione tributii, tantumquæ ex quadam animi pertinacia, & nè rusticianis Collectoribus perinde ac alii subjici videretur, pensum suum augeri nollet: damnare non auderem Collectores, qui summam justa minorem eidem imponerent, vel semel à prædecessoribus suis impositam servarent, modò tamen id fieret de Communitatis totius consensu.

Quæres 2do. quid Juris in hoc casu. Petrus omnium cuiusdam pagi incolarum ditissimus, ab annis jam 15. tributii pensum singulis partitur, de consensu totius Communitatis. Contingit autem ut Petrus quibusdam parceret an 1742. Joannes & Marcus pro eodem anno Collectores designati, tenenturne de hac Petri injustitia.

R. affirmat. quia ambo Collectores per se ipsos censentur intulisse damnum, quòd ab alio; quem poterant & debebant prohibere, inferri permiserunt.

Addit Pontas pauperem rusticum qui, ad laborem necessarium peregrè profecturus, * tributorum impositioni quempiam ex amicis suis pro viro frugi habitum præficit, de culpa ejus non teneri: quia qui virum probum constituit, persuadere sibi debet, id quod iniquè factum est, non ejus culpa sed sociorum contigisse.

* *Ibidem* fac. 3.

Hæc decisio indubia videtur si Communitas substitutionem approbaverit; quia hic intervenit virtualis electio novi Collectoris: si verò substitutio inconsulta Communitate peracta sit. tunc substitutus vices gerit Commissarii: atqui committens de Commissarii gestione tenetur, & ejus injustitiam reparare tenetur; ergo. Ità judicarunt an. 1731. Doctores Sorbonici duo. Quia propter si erraverit Collector eum substituendo, quem falsò crediderat virum frugi: videtur obnoxius restitutioni. Sed in dubio præsumere potest virum probum omni quo potuit modo restituere iniquitati.

Quæres 3tio. Collectoris, cujus tempore pauperes inique gravati sunt, ad restituendum teneatur.

R. id ex defuncti Collectoris bono vel malo nomine esse definiendum. Si Collector, pro viro timorata conscientia habitus fuit, dum degeret in vivis; nulla est obligatio restituendi. Si è contra habitus sit pro homine ad injustitiam converso, restituendum est pro rata. Si dubia sit defuncti fama, vel dubia est positivè, & tunc pro ratione dubii restituendum est; vel dubia est negativè, & tunc dubiam facile potest excuti. Tunc tamen salubrius est, ut hæredes Collectoris defuncti, saltèm elemosynam largiendo, paternam iniquitatem, si quæ extiterit, refarcire cogitent.

Quæres 4to. an Joannes Collector, qui viva voce injustitiæ obstitit, cum facta est tributorum partitio, sed filius coram Verificatore, teneatur ad restituendum, cum codicem Chirographo suo non munivit,

R. si spes erat futurum ut Verificator aliorum Collectorum injustitiam coërceret, debuit de ea conqueri Joannes; secus si nihil à Verificatore boni sperabatur: ut sæpius evenit: cum Verificatores & tributorum receptores non rarè prima sint iniquitatis origo; quatenus à Collectoribus exigunt, ut quibusdam præ aliis consulant. Ità prædicti duo Doctores, qui definierunt idem dicendum esse, etiam si Joannes Codici subscripserit: quia nimirum subscriptio hæc solum ostendit partitionem eâ qua decet forma peractam fuisse; sic enim Judices omnes sententiæ à majori numero latæ subscribunt, non ut denotent se eam habere pro vera, cum quandoque eandem detestantur; sed ut declarent servatas fuisse Juris formalitates.

Hæc decisio iis difficilis videbitur, qui nobiscum credent, eum qui iniquitati jam irrevocabiliter sufficienti Senatorum vel Canonicorum suffragio decretæ non obstitit, teneri ad restituendum, prout dicemus in tractatu de Justitia, ubi de Consentiente & Palpone. Eam tamen retulimus tum quia tradi-

traditam à viris doctis; tum ut intelligant Confessarii sibi in his materiis timidè procedendum esse; tum quia aliud fore si non conquiri inutiliter, aliud positivo assensu declarare nobis id æquum videri, quod iniquum judicamus. Sequens decisio eidem penè subjacet difficultati.

Quæres 5to. an obnoxii sint restitutioni Collectores, qui quosdam ex Officio, ut aiunt, taxatos, sed non satis, in eodem statu relinquunt. Ratio dabitur est; quòd Provinciarum Præpositi, permittant Collectoribus, ut eos qui ex Officio taxati fuerint, sed non satis, penso majori onerent.

R. Collectores sic bono publico consulere debere, ut sibi gratis non noceant: quapropter ad Præpositum recurrere debent, eique res indicare ut sunt, ejusque mandata expectare. Quod si id omiserint, quandoque ad restitutionem adigendi erunt, quandoque non; prout spes erat. rem benè vel malè succelluram fuisse. Quanquam si præpositus nullam hujusmodi *repræsentationum* rationem habere solet, non est quòd de iis faciendis solliciti sint Collectores: quia ad actum inutilem nemo tenetur.

Quæres 6to. an Simon Collector, bonorum inops, nec ingenio dives, quam Communitas socium dedit viris divitibus à quibus contemnitur, debeat restituere si præ metu, ac pudore quodam eorundem injustitiæ non obstiterit.

R. 1mo. in tributorum partitione, morali quadam justitia opus esse, non arithmetica: neque enim fieri potest ut vitetur excessus quicumque vel defectus. Si ergo Simon in hisce solùm casibus siluerit, non tenetur ad restituendum.

R. 2do. si socii Simonis justitiam verè leserint, videtur is ad restitutionem teneri, quia *facientem & consentientem par pena constringit*, præsertim cùm consentiens tenetur ex Officio resistere. Nec nocet quòd inutiliter reclamasset, quia impedisset saltèm nè injustitia de exteriori suo consensu inferretur. Quæ ratio utcumque confirmat dubium supra tactum ad calcem quasi tertii.

R. 3tio. si Simon Parochiam non satis noverat, nec aliunde animadverit socios suos passione moveri, potuit eorum acquiescere judicio: quanquam optandum erat, ut modèstè in casu particulari suam ipse opinionem aperiret. Ex quibus obiter colliges quanti Parochorum interit, ut ea de re Parochianos suos, non in genere solùm, sed & in specie commoneant.

Quæres 7mo. an Collector cui Receptor tributorum minatus est carcerem aut graves impensas, quæ in totam Com-

muniatem recident, possit ut mala hæc avertat consentire iniquitati quam proponit idem Receptor.

R. generatim non esse facienda mala ut eveniant bona; unde si Receptor hunc vel illum in particulari iniquè gravari velit, non erit consentiendum. Fieri tamen potest quòd gravamen eo usque modicum sit, ut quisque illud ex charitate pati teneatur ad avertendam ceterorum perniciem. Quòd si Receptor aliquid exigeret toti Communitati noxium possit illud ex formali vel præsumpto Communitatis consensu acceptari ad redimendam iniquam, eamque graviolem vexationem.

Quæres 8vo. an Collector pro sale constitutus, qui centum salis mensuras recepit, iisque æqua lance distributis, aliquot modios superstitis habet, excessum hunc restituere teneatur.

R. teneri, si prout fieri consuevit, excessum hunc malis artibus obtinuerit, putà distributorem primarium muneribus corrumpendo. Sin autem, non videtur obnoxius restitutioni; quia spectari id potest tanquam liberalitas Principis, eorumve qui vices Principis gerunt; vel potiùs ut compensatio, quâ utrumque juventur viri sub omni arummarum genere fatiscientes. Adde quòd cum ob temporum varietatem decrevit massa salis, damnum in Collectores cadat.

Quæres 9no. an Collectores licitoribus uti possint ad exigendam tributi solutionem.

R. posse quempiam in gratiam Regis, id quod pro rebus suis potest, præsertim cum ex mora imminant sibi carceris ærumnæ. Hic tamen servandæ sunt charitatis leges præsertim erga eos, qui majore penuriâ premuntur & ii tamen asperius tractari solent. Quin eo usque deveniunt furoris Collectores aliqui nequam, ut cum licitoribus sine mora adductis, lucrum dividant, aut militibus gravent unum aliquem, quem oderunt, intactis ceteris qui cum in eadem sint mora, idem onus ex æquo ferre debuerant.

ARTICULUS SECUNDUS.

De Moderatoribus & aliis qui in negotio tributorum iniquè agunt.

Certum est peccare Præpositos qui vel imponunt summam ea majorem quàm Princeps exegerit; vel præduritia faciliùs addicunt carceri Collectores; vel iis parcunt quos taxant ex officio. His ergo prætermisiss.

Quæ-

Quæres 1mo. quid sentiendum de distributoribus qui agros solos, non autem pecora subicientes tributo, ut antea fieri consueverat, causa sunt cur pauperes gravius onerentur.

R. vel id Superiorum autoritate factum est, vel secus. Si 1. non est quod redarguantur; quia rem quæ culpa caret, in damnum vocari non convenit. Si 2. vel egerunt ex pravo Communitatis consensu; tuncque nihil merentur vituperii; vel autoritate propria; tunc inspicendum an egerint ex bonâ fide, & intuitu publici boni, an solum ut rebus suis consulerent, quia v. g. gregem numerosum habent. In priori casu censent Sambovius & ex eo Pontas liberos videri à restitutione qui sic egerint; quia si quos læsere, per accidens læserunt, & in gratiam boni publici, quod privato antefferri debet. In posteriori casu, ut evidens est injustitia, sic & evidens obligatio restituendi.

Hæc decisio quatenus eximit à restituendo eos qui proprio Marte solitam imponendi tributi formam immutant, sub obtentu etiam majoris boni, quod tamen in pauperum gravamen cedit, dubia mihi videtur. Hic enim subest quædama publicæ potestatis invasio, quæ & in se & ratione gravaminis inde subsecuti, auctoribus suis imputanda videtur. Crediderim ergo res ad priorem statum revocandas esse, aut curandum saltè ut quod divitibus cedit in lucrum, egenis non vergat in perniciem.

Quæres 2do. an dominus qui precibus egit ut in Parochia cui præest imminueretur tributum, possit exigere à Collectoribus ut Villicos suos multò minus onerent, quàm ii ferre possint.

R. negat. quia mens eorum qui tributum minuunt, ea est ut omnes ex æquo, vel pauperes magis sublevantur. Nec obest quòd gratitudo exigere videtur ut Collectores Villicis benefactoris sui indulgeant; cessat enim obligatio gratitudinis ubi strictior viget justitiæ obligatio; nec decet Toparcham ab hominibus experere pretium charitatis, quod à Deo plenius accepturus sit. Charitatis dico, quia si dominus, Parochiæ suæ, cum vicinarum Parochiarum iniquo dispendio consuleret, actum ederet injustitiæ, nedum virtutis.

Eadem de causa peccant Collectores qui Notariis parcunt eò quòd Codicem & Parochiæ instrumenta gratis conficiant, si remissio tributi operam laboris longè excedat, ut solet. Iis præsertim in locis ubi rarò conficiuntur instrumenta.

Quæres 3tio. ad quid teneantur vel Nobiles qui plebeia bona subtrahunt tributo, vel plebei qui fingunt se certam

boni sui partem dare filiabus suis, quæ nobiles viros ducunt in matrimonium.

R. ad 1. viros nobiles qui serva prædia habent, si proportionatam iisdem prædiis taxam solvere renuant, & ceteros incolas quos lapsis retro annis gravaverunt, indemnes facere recusent posita facti evidentia à Sacramentis esse abigendos, tanquam alienæ rei detentores. Ità casum hunc solverunt Doctores triginta ab Alecensi Episcopo consulti.

R. ad 2. dubium non esse quin plebei illi ad restituendum teneantur quia *fraus & dolus alicui patrocinari non debent.*

Quæres 4to. an Principes à Regia stirpe possint aliquem tributorum oneri subtrahere, eidem honorarium domestico nomen tribuendo.

R. eos solum à Principum regionum domesticis à tributo liberos esse, qui actu iisdem principibus famulantur, & libellarum sexaginta stipendio donantur: unde qui alia conditione famulorum albo inscribuntur, in fraudem inscribi censendi sunt, & ad restitutionem adigendi.

Quæres 5mo. an Andreas vir dives cui tanquam exempto nusquam impositum est onus tributum, licet eidem revera subjaceat, teneatur petere tributarium catalogo inseribi.

Responderunt prædicti duo Sorbonici Doctores, eidem curandum esse ut & deinceps tributum solvat, & pro eo quod hactenus non solvit, restituat ad iudicium viri probi. Hæc decisio tenenda videtur, ut ut qua sola constitui possit æqualitas; non enim pauperibus solis nocet, qui tributum portionem debitam non pendit, sed & ipsis etiam divitibus, qui plus gravantur quam gravarentur. Quin & si Andreas tributo obnoxius, obnoxius sit tributum ejusdem collectioni, erit & illud gravamen, quod in alios cadit, proportionaliter resarciendum.

Quæres 6to. an qui prædium locat sub ea conventionis specie, quæ gallicè dicitur, contractus Medietatis *Bail à moitié*, possit totum tributum onus in Locatarium transferre.

R. conventionem de qua sermo est licitam esse, modo cum Locatario descendatur in pretio propter impositum eidem tributum solvendi onus. Ideo autem descendendum est in pretio cum hujusmodi Villicis, quia tenentur, ii non eam solum pendere tributum portionem, quæ mediæ prædii parti, sed quæ toti prædio correspondeat; cum & de eo convenisse supponantur, & alioqui gravaretur Parochia ea tributum parte quam solveret Proprietarius, si fundum ipse suum exerceat.

Quæres 7mo. an viri Nobiles vel Clerici exigere possint ut minor Villicis suis imponatur taxa; eo prætextu quod præ-

dia

dia sua per se exercere possint; quod si facerent onerarentur incolæ quantula ea portione quam eisdem prædiis percipiunt Collectores.

R. gratiam non prodesse nisi sub conditionibus quibusal- ligata est. Unde cum Princeps ea solum prædia tributo subduxerit, quæ Nobiles per se tenerent, æquum est ut sub- blata privilegii conditione communem sortem subeant. Si tamen sentiant Collectores, quorundam Nobilium animis ferio fixum esse, ut prædia sua locare desinant, nisi cum Villicis suis mitius agatur, possunt & debent de Communi- tatis consensu istorum taxam imminuere, quia id necessum est ad bonum Communitatis.

Quod spectat ad Clericos, crederem distinguendum. Vel enim bona quæ locant sunt purè Ecclesiastica, vel si ita lo- qui fas est, non sunt Ecclesiastica nisi per accidens, quate- nus à Clericis possidentur, dum à Laicis possideri possunt, ut patet in bonis patrimonialibus. Si primum, bona hæc utpo- tè proprium Crucifixi patrimonium se ipsis libera sunt, so- lisque Cleri impositionibus subdita: unde duplici titulo age- re possunt Clerici ut hæc sive propriis sive alienis manibus gerantur, non graventur tributo. Si secundum ejusdem vi- dentur esse conditionis ac bona Nobilium de quibus pro- xime actum est; quia à solo principum favore suam ha- bent immunitatem, quæ certis conditionibus alligari potuit. Hæc resolutio iis in locis inservire posset; ubi quæcumque Clericorum bona à tributo sub prædicta conditione exime- rentur.

Ob rationem mox propositam, qui decimas locaro habent, minus gravandi esse viderentur.

Quæres 8vo. quam agendi rationem servare debeant Con- fessarii cum Collectoribus, quos quandoque publica vox ini- quitatis reos facit; & qui tamen constanter declarant se in- tra æqui limites stetisse.

R. hic si usquam sapientia & præcauto opus esse. Qua- propter viderit Confessarius, nè quem in specie assignet qua- si non satis taxatum. Hoc enim statim propalant Collecto- res, unde Parochum inter & Parochianos oriuntur, jurgia, quæ grave Ministris & Ministerio nocumentum inferant. Hic ergo generalibus utendum motivis; interrogandum an si im- mineat articulus mortis, id velint fecisse quod fecerunt; pensandum ex tota agenditatione, num ex bona vel mala fide egerint. Si præsumatur bona fides, absolvendi erunt, præsertim quia nec in materia tributi, nec in alia quacum- que idem esse potest capitum omnium sensus. Si verò aperta

sit iniustitia; satius fortè fuerit, ut remittantur ad extraneum qui secretò de iniustitia publicè nota commoneatur; & quem pœnitens multò faciliùs iudicabit ab omni partium studio alienum esse, quàm proprium pastorem.

Quæres 6to. an Collector qui non æqua lance tributa divisit, absolvi queat, si non aliter quàm per eleemosynas pauperibus loci incolis distributas restituere velit.

R. non dimitti peccatum nisi restituatur ablatum, iis scilicet quibus ablatum est; & verò an eleemosyna Pètro collata iniustitiam Joanni illatam resarcit? neutiquam sanè, nisi à Joanne approbetur, tanquam nomine suo erogata, aut eroganda. Hic ergo casus ex generalibus circa restitutionem principiis resolvi deber.



TRA.



TRACTATUS

DE

VIRTUTE RELIGIONIS.

TRACTATUS hujusce, quo vix quisquam practicè utilior, tres erunt partes. Prima erit de Religione secundum se; Secunda, de præcipuis ejusdem actibus; Tertia, de vitiis Religioni oppositis.

PARS PRIMA.

De Religione secundum se spectata.

PRIMAM hanc partem dividemus in duo Capita. Primum erit de nomine, essentia, & objecto Religionis. Secundum ejusdem affectiones & actus explicabit.

CAPUT PRIMUM.

De essentia & objecto Religionis.

RELIGIONIS nomen alii deducunt à *relegendo*, quòd ea quæ ad DEI cultum pertinent, sæpius sint animo volvenda, ac veluti relegenda. Alii, à *religando*, eò quòd nos religio DEO astringat & alliget.

Religio definitur: Virtus moralis inclinans mentem ad exhibendum cultum & Honorem DEO debitum, tanquam supremo rerum omnium domino.

Dicitur 1^{mo}. *virtus*: Actus enim honestus & laudabilis ad aliquam virtutem pertinet, ex S. Thoma hîc art. 2. atqui religionis actus, honestus est & laudabilis, cùm ad DEI cultum ordinetur : ergo.

Dicitur

Dicitur 2do. *virtus moralis*; quia creaturæ mores juxta rationis præscriptum componit & aliunde non attingit immediate DEUM, ut infra dicemus.

Dicitur 3tio. *ad exhibendum cultum, &c.* Quæ ut intellegantur, hæc tria distingui debent, honor, cultus, & gloria. Cultus est honor cum submissione; sive est testimonium excellentiæ alienæ, & propriæ submissionis. Honor propriè est signum nostræ de excellentia aliena æstimationis, sed abstractus à submissione. Hinc Deus amicos suos honorat, quos tamen, si strictè loqui velis, non colit. Gloria, juxta Augustinum, est frequens de aliquo fama cum laude; seu, ut vulgò aiunt, est clara cum laude notitia: unde gloria differt tum à cultu, à quo præscindit; tum ab honore, quatenus honor formaliter consistit in quacumque testificatione de aliena excellentia, sive fiat per laudem, sive per alia quæcumque signa, ut genuflexionem, &c. In definitione nostra honoris nomine, honores intelligitur & gloria, quæ Deo maximè competunt, juxta id I. Timot. 1. *Soli Deo Honor & Gloria.*

Dicitur 4to. *cultum Deo debitum.* Hic porro Deo debitum esse dicitur, tum illud quod Deus strictè exigit, ut cultum patriæ, tum illud quod soli Deo fieri potest ut vota.

Dicitur 5to. *tantum supremo omnium rerum Domino*: Ac proinde numeris omnibus absoluto. Supremi enim hujusce domini contemplatio efficit ut creatura agnita vilitate sua, sese coram Deo profundè submittat, & internam hanc submissionem exterius profiteatur, sive verbis, corporis gestu, aut similibus, si de hominibus agitur; sive spiritali locutione, aut alia quam non capimus via, si de Angelis sit sermo: atque is ille est cultus, & majestati divinæ & substantiæ nostræ nihilo tam conveniens, quem prosequitur religio. Unde submitio, quæ pertinet ad humilitatem, si fiat quia utile nobis est, ut intra miseriam nostræ limites contineamus nos; pertinet ad religionem, si eo animò fiat, ut divinæ Majestatis excellentiam profiteamur, & eam submissione nostra honoremus.

Etsi ex allata definitione utrumque intelligitur objectum religionis, sit tamen majoris claritatis gratia.

CONCLUSIO I. Deus est *objectum cui* religionis.

Prob. Ille est objectum cui religionis, cujus gloriam & honorem intendit religio, atqui religio Dei gloriam & honorem intendit; ergo sicut homo est objectum cui justitia quia justitia mediante restitutione hominem attingit, sic & Deus religionis objectum est. quia religio DEUM attingit mediantribus actibus suis.

CONCLUSIO II. Objectum materiale religionis sunt actus omnes honesti quibus debitus Deo. honos exhiberi potest.

Prob. Illud est objectum materiale alicujus virtutis, circa quod ea ita versatur, ut alia virtutes circa ipsum etiam occurrant: atqui 1mo. religio versatur circa actus quibus debitus Deo honor exhiberi potest, cum tota velit adorationem, sacrificium, devotionem, & alia quibus & supremi Numinis Majestas, & hominis vilitas agnoscitur: 2do. Alia quoque virtutes circa hos eisdem actus versantur; cum Missa quæ ex religione audiri potest, possit etiam audiri ex obedientia; cum item qui se submittit, actum præstet, qui ad religionem vel humilitatem pertinere potest: ut statim dictum fuit; ergo.

CONCLUSIO III. Objectum formale religionis est specialis illa honestas, quæ est in cultu divino; seu est ipse Dei cultus, prout excellentiæ divinæ & nostræ submissionis signum est.

Prob. Objectum formale virtutis, est specialis ea ratio sub qua virtus in objectum materiale tendit: atqui ratio specialis sub qua religio cultum Dei tendit, hæc est quod honestum sit & conveniens; ut talis honor & cultus supremo Numini exhibeatur: neque ulla assignari potest virtus ex his etiam, quæ ad Dei honorem aliquo modo ordinantur, quæ cultum ejus eadem ratione attingat; ergo.

Obj. Formale objectum religionis est ipsa Dei excellentia; ergo non illud quod adstruimus.

R. neg. ant. Nam se habet religio ad Deum, sicut justitia ad hominem: sicut ergo quamvis jus injustitia respiciat hominem; cui jus illud reddi debet, non ipse tamen homo, sed jus reddendum, est objectum justitiæ; sic & licet in religione cultus respiciat Deum cui deferitur, non ipse tamen Deus, sed Dei cultus, est religionis objectum.

CONCLUSIO IV. Religio non est virtus Theologica.

Prob. 1mo. Actus elicitus virtutis Theologicæ immediatè versatur circa Deum: atqui actus elicitus religionis non versatur immediatè circa Deum, sed tantum circa cultum Dei; quomodo justitia non versatur immediatè circa hominem cui jus reddendum est, sed circa jus ipsum quod homini reddi debet; ergo ait, S. Thom. hic art. 5. *religio non est virtus Theologica, cujus objectum est ultimus finis; sed est virtus moralis, cujus est esse circa ea quæ sunt ad finem.*

* Prob. 2do. Virtus Theologica Deum proximè & immediatè attingere debet ut objectum quod, ut patet in spe, quæ ita aliquid à Deo sperat, ut ipsum præcipue Deum speret: atqui religio licet excellentia divina nitatur, eam tamen non attingit immediatè ut objectum quod. Ad hoc enim necesse foret ut religio suam Deo excellentiam velleret: atqui Deo excellentiam suam velle non est religionis, sed charitatis, quæ

Deo

DEO bonum omne tum intrinsecum tum externum vult. Religio igitur tota hæret circa testimonia interna vel externa, excellentiæ divinæ reverenter exhibenda: hæc verò testimonia non sunt DEUS ipse, sed sunt aliqui actus nostri, in quos, ut in objectum suum fertur religio, quosque respicit per proprios actus internos, qui non alii sunt quàm affectus colendi DEUM; ergo.

Prob. 3tio. Si religio sit virtus Theologica, vel est quid idem cum fide, spe, aut charitate; vel aliquid ab iis diversum: atqui neutrum dici potest. Non 1. religio enim nec assentitur revelatis, ut fides, nec æternæ vitæ bona expectat, ut spes; nec circa DEI propter se, aut proximi propter DEUM, amorem occupatur, ut charitas. Non 2. quia tres tantum Theologicas virtutes agnoscunt omnes Theologi, quas his expressit verbis S. Paulus. 1. Cor. 13. *Nunc autem manent Fides, Spes, & Charitas, tria hæc.*

† Obj. 1mo. Ea virtus à Theologicis non distinguitur, quæ idem habet officium quod ceteræ virtutes Theologicae, præsertim verò charitas; adeoque & eandem habet cum ipsis essentiam: atqui religio.... Nam illud est religionis officium, ut DEUM colat: atqui cultum DEI præstant virtutes theologicæ, ex S. Augustino, qui Enchir. cap. 2. & 3. dicit DEUM coli à nobis *Fide, Spe, & Charitate*; & Lib. 1. de Civit. DEI cap. 9. *Hic est Dei cultus, hæc vera religio*, nempe DEI amor; ergo.

R. ad 1. neg. min. Virtus enim theologica DEUM primario & directè internis suis actibus attingit: atqui religio non attingit directè DEUM; sed aliquid DEO exhibendum ob recognitionem excellentiæ ipsius; ergo.

R. ad 2. dist. Virtutes Theologicæ cultum DEI præstant causaliter, quatenus mens prævio fidei lumine, DEI excellentiam cognoscens, movetur ad ejus cultum volendum, C. colunt formaliter, N. actus enim fidei v. g. tendit præcisè ad credendum DEO, non ad ipsi volendum cultum: nisi cultus nomen latius sumatur, nempe pro omni actu, qui sacrificii instar DEO acceptus sit, quo sensu sumitur nomen Religionis Epist. S. Jacobi cap. 1. *Religio munda & immaculata hæc est, visitare pupillos & viduas, &c.* Hæc solutio textibus Augustini applicari potest. Nihilominus.

R. dist. Colitur DEUS fide & spe, tanquam actibus quos religio imperat, C. tanquam actibus quos ipsa religio per se eliciat, N. Ut solutio constet, duo sufficiunt: 1mo. ut religio imperare possit actus virtutis Theologicæ; 2do. ut iidem actus proportionem habeant & aptitudinem ad finem religionis: atqui 1mo. potest religio imperare actus virtutis Theologicæ. Tum

quia

quia id po
riate ori
gio est iur
actus virtut
gionis finem
fides v. g.
tissima est
quidquid
cellentia,
idem serva
* Obj.
DEO & ex
est religio
R. neg.
minis jus
nem ut o
fic à pari
ximè non
objecto cui
riò verlet
gionem n
Inst. A
mediate
elicit rel
gunt ut o
R. ad
sunt actus
quam me
eò & eun
imperat.
simplex co
intentio;
atqui nul
occupetur
finiri poss
tem religi
vini; ergo
verò cultu
magis DE
habeat pr

Moral.

quia id potest & facit pœnitentiæ virtus, quæ doloris ex charitate orti actus dirigit ad satisfaciendum Deo; tum quia religio est juxta S. Thomam *virtus universalis in impetrando*; 2do. actus virtutum Theologicarum proportionem habent ad religionis finem, qui est cultus Dei, & hominis submissio. Nam fides v. g. per quam intellectus captivatur in obsequium, apertissima est quæ submissione testificetur; spes quoque, quæ quidquid expectat boni, à Deo expectat, tum in divinæ excellentiæ, tum in dependentiæ nostræ signum assumi potest: idem servata proportionem de charitate dicendum.

* Obj. 2. Illa virtus est Theologica, quæ exhibet cultum Deo & excellentiæ divinæ immediatè propter se: atqui talis est religio; ergo.

R. neg. maj. Sicut enim justitia licèt immediatè reddat hominis jus suum, non tamen immediatè versatur circa hominem ut *objectum quod*, sed circa jus ipsum homini reddendum: sic à pari religio, licèt reddat cultum Deo, Deum tamen proximè non vult, sed cultum creatum Deo increato tanquam *objecto cui* reddendum. Unde cum virtus Theologica primariò versetur circa Deum ut *objectum quod*, evidens est religionem non esse virtutem theologicam.

Inst. Actus proprii & elicitii religionis Deum proximè & immediatè attingunt. Nam oratio & laus, sunt actus proprii & elicitii religionis: atqui laus & oratio Deum immediatè attingunt ut *objectum quod*; ergo.

R. ad 1. neg. ant. ad 2. neg. maj. Oratio enim & laus sunt actus imperati religionis, quatenus hæc iisdem utitur tanquam mediis quibus divinam excellentiam testetur; quomodo & eundem in finem ipsos Theologicarum virtutum actus imperat. Actus ergo elicitii religionis alii non sunt quam 1mo. simplex complacentia circa cultum divinum; 2do. efficax ejus intentio; 3tio. spes ejus futuri; 4to. gaudium de eo præsentis: atqui nullus est ex hisce actibus qui circa Deum immediatè occupetur, ut per se evidens est; undè religio non ineptè definiri posset: Virtus *volitiva* seu studiosa cultus divini. Si autem religio sit per se & essentialiter virtus volitiva cultus divini; ergo cultum divinum pro *objecto immediato* habet: si verò cultum Dei pro *objecto immediato* habet; ergo non magis Deum pro *objecto* habet, quàm justitia hominem ipsum habeat pro *objecto*.

CAPUT SECUNDUM.

✠ De affectionibus & actibus Religionis.

Affectiones religionis duæ sunt: prima est ejus ad ceteras virtutes comparatas ordo, & dignitas; secunda est ejusdem unitas; sit

CONCLUSIO I. Religio virtutibus Theologicis est dignitate inferior.

Prob. Virtus eò dignior est, quò DEUM propius attingit: atqui virtutes theologicæ DEUM propius attingunt quàm religio; cùm illæ DEUM pro immediato habeant objecto, religio non itè; ergo.

CONCLUSIO II. Religio primum morales inter virtutes locum tenet, estque ceteris præstantior.

Prob. Quia nobilior est ea virtus quæ propius attingit DEUM: atqui, ut docet S. Thomas q. 81. art. 6. *Religio magis de propinquo accedit ad Deum quàm aliæ virtutes morales*; cùm pro objecto formali mediato & indirecto divinam habeat excellentiam, & pro fine cui ipsum DEUM; ergo.

Obj. 1mo. Obedientia & pœnitentia DEUM tam prope attingunt quàm religio; ergo non est cur hæc illis anteponatur. Et verò sacrificium est præstantior religionis actus: atqui tamen Scriptura obedientiam sacrificio præfert; cùm ait 1. Reg. 15. *Melior est obedientia quàm victimæ*; ergo.

R. neg. conseq. Quemadmodum enim fides, licèt immediatè DEUM attingat sicut charitas, non ideo tamen est charitati æqualis, quia non ità digno modo eum attingit: sic etiam obedientia & pœnitentia religioni non æquiparantur, quia religio DEUM nobiliori modo attingit. Religio enim nec præceptum expectat ut obedientia nec peccatum supponit ut pœnitentia; sicque nobiliori modo in objectum suum fertur.

Ad confirmat. dist. Scriptura præfert obedientiam actibus religionis inordinatè & sine pietate factis, quale fuit sacrificium à Saule oblatum, qualis etiam est eorum cultus de quibus dicitur Matth. 15. *Populus hic labis me honorat, cor autem eorum longè est à me*. C. præfert iisdem actibus factis ea qua decet pietate, N.

Obj. 2do. Ea virtus aliis est inferior cujus actus dimittuntur, ut aliarum virtutum actus exerceantur: atqui dimittuntur actus religionis, &c. juxta id Matth. 5. *Relinque manus tuam ante Altare, & vadè prius reconciliari fratri tuo*; ergo.

R. neg. maj. In practicis enim fieri potest ut dignioris virtutis

rutis exercitium omittatur, cum urget exercitium alterius minus dignæ; aut cum ea quæ nobilior est, dignè exerceri nequit, nisi ea antè exerceatur quæ minus est digna: hoc autem contingit cum quis necdum fratri suo reconciliatus, sacrificij oblationem mediatur.

* CONCLUSIO III. Religio una est specie virtus.

Prob. Virtutes specificantur ab objecto præsertim formalis; ergo ubi idem est objectum formale, ibi una est specie virtus: atqui religionis unum est & idem objectum formale; nempe cultus DEO exhibitus ob summam ejus excellentiam; ergo.

Obj. Cultus qui redditur per sacrificium, specificè differt ab eo qui redditur per votum; ergo religio quæ circa omnem cultum versatur, habet objecta formalia specificè diversa.

R. diff. Differt ratione actûs & materialiter, quia aliud est actio votendi, aliud actio sacrificandi, C. differt ratione principii à quo procedit, & motivi propter quod producitur, N. Votum enim & sacrificium ab eadem religionis virtute, & eadem de causa, nempe propter honorem DEI producuntur, vel potius imperantur; ergo materialiter quidem differunt, non autem formaliter. Sic licet potus & cibus à se distinguantur, una tamen est temperantiæ virtus quæ utrumque dirigit.

† Quod spectat ad actus religionis, ii dividuntur imo, in *internos* qui in animo consummantur, nec transeunt exterius: in hoc ordine sunt oratio & devotio, & *externos* qui aliquo corporis organo perficiuntur, ut sacrificium, & sæpius juramentum, &c. utroque actuum genere DEUM colere possumus, & data occasione tenemur; utpotè qui spiritûs nostri & corporis principium sit.

2^{do} Dividitur in elicitos, qui immediatè a religionis virtute procedunt, iique, ut dixi, consistunt potissimum in seria divini cultûs volitione. Et *Imperatos* qui immediatè ab aliis virtutibus eliciuntur; sed ex imperio religionis, quæ ipsos ad cultum divinum ordinat.

Ex imperatis alii *per se* tales sunt, qui nati sunt immediatè per religionem imperari, ut adoratio, sive spiritalis, sive corporea; alii *per accidens*, quales sunt actus fidei, misericordiæ, aliarumque virtutum quibus uti potest religio.

PARS SECUNDA.

De actibus Religionis in specie.

Tot erunt hujus partis Capita, quot actus à religione primario imperati: nam de elicitis nulla est difficultas. Itaque dicemus 1mo. de adoratione & devotione; 2do. de oratione; 3tio. de horis; Canonici; 4to. de juramento; 5to. tandem de voto.

CAPUT PRIMUM.

De Adoratione & Devotione.

Adorationis nomen sumitur latissimè & latè. Adoratio latissimè sumpta est quæcumque veneratio alteri exhibita in signum excellentiæ ejus, quæcumque ea sit. Genes. 23. *Abraham adoravit... Filios Heth.* Hæc adoratio merè politica est & civilis. Adoratio latè sumpta est veneratio alteri exhibita propter excellentiam ejus supernaturalem. Sic * *Josue cecidit pronus in terram, adorans Angelum.*

Adoratio latè sumpta dividitur in dulia, hyperdulia, & latriam. Dulia est veneratio quæ Sanctis Angelis vel hominibus, iis præsertim qui cum Christo regnant, impenditur. Hyperdulia est veneratio quæ Virgini Deiparæ ob singulare divinæ ejus maternitatis privilegium exhibetur. Latria quæ sola est verè & strictè dicta adoratio, est actus quo & infinitam entis increati excellentiam, & supremum ejus in res omnes dominium, & nostram erga ipsum submissionem testificamur, juxta id Matth. 4. *Dominum Deum tuum adorabis, & illi soli servies.*

Triplex hæc adorationis species dividitur 1mo. in *absolutam*, quæ rei propter excellentiam ejus intrinsecam exhibetur; sic adoratur Verbum caro factum; & *relativam*, qua aliquod adoratur vel honoratur ob excellentiam rei alterius ad quam aliquam habet habitudinem aut conjunctionem, & sic adoratur Crux, de quo alibi.

Dividitur 2do. In internam, & externam. Prima ea est quæ fit animo & corde, juxta id Christi Joan. 4. *Veri adoratores adorabunt Patrem in spiritu & veritate.* Secunda ea est quæ fit exterioribus signis & hæc, si interior desit, mortua

* Cap. 5.

est perinde ac corpus sine anima. Cetera pertinent ad Tract. de Incarnatione.

Devotio definitur à S. Thoma, *Voluntas promptè tradendi se ad ea quæ pertinent ad Dei famulatum.*

Dicitur 1mo. *voluntas*; id est efficax & expedita intentio, unde devotio non consistit in sensibili gustu & cordis teneritudine quæ aliquando inter orandum sentitur, sed in pio animi affectu, & prompta Deo famulandi voluntate.

Dicitur 2do. *tradendi se* totum scilicet, non aliqua tantum ad se pertinentia. Unde non dicitur devotus qui unum aut alterum duntaxat actum ad cultum Dei alacri & fervida mente refert, sed qui se totum divino cultui consecrat.

Dicitur 3tio. *promptè*: qui enim etiam abdicatis negotiis secularibus se divino cultui mancipant, ut Clerici & Religiosi, devoti non sunt si segniter circa Dei cultum se gerant, sed poena digniores sunt quam præmio, juxta id Jerem. 48. *Maledictus qui facit opus Dei fraudulentè.*

Dicitur 4to. *ad ea quæ pertinent ad Dei famulatum.* Unde sequitur devotionem esse actum religionis, eumque præstantissimum, ac quasi ceterorum animam, ut potè cujus auxilio promptè & ardentè executioni mandentur ea quæ sunt cultus divini.

Porro ut falsa devotio à vera distinguatur, quæ distinctio summè est necessaria, ponderandæ sunt veræ devotionis causæ, ejusdemque effectus.

Causa devotionis duplex est juxta S. Thomam, extrinseca scilicet, & intrinseca. Causa extrinseca & principalis, est *Deus*, qui, quos dignatur, vocat, & quem vult religio sum facit... Causa autem intrinseca ex parte nostra oportet quòd sit meditatio seu contemplatio, partim divinæ bonitatis & beneficiorum ejus; quia hæc consideratio excitat dilectionem quæ est proxima devotionis causa; partim defectuum nostrorum, quos qui seriò perpendet, levabit oculos suos in montes, unde veniet auxilium sibi.

Tria hic monet Angelus Scholæ: 1mo. vitandum esse subtile illud genus meditationum; quæ intellectum, ita occupant, ut aridam reddant voluntatem, & lac pietatis exsugant; 2do. quòd licet ea quæ sunt divinitatis sint secundum se maximè excitantia devotionem, iis tamen, ob humanæ mentis debilitatem, inhærendum sit meditationibus quæ pertinent ad Christi humanitatem, præcipuè verò ad ea quæ pro nobis fecit & passus est; 3tio. quòd scientia & ingenium quandoque & sæpè sapius devotionem occasionaliter impediunt; unde in simplicibus & mulieribus devotio abundat, rarè autem in iis qui scientiæ totos

Mm;

se dedunt,

se dedunt, juxta id Augustini Lib. 3. Confess. cap. 3. *Surgunt indocti, & Cælum rapiunt; & nos cum doctrinis nostris sine corde, ecce ubi volutamur in carne & sanguine?*

Effectus devotionis iidem duplex: 1mo. spiritualis læticia ex consideratione infinitæ Dei bonitatis, juxta id Psalm. 76. *memor fui Dei, & delectatus sum;* 2do. salutaris quædam tristitia, ex infirmitatis nostræ, & exilii à Cœlesti patria, meditatione procedens. Unde author Libri *De spiritu & anima* cap. 50. *Devotio, inquit, pius est & humilis affectus in Deum: humilis ex conscientia infirmitatis propriæ, pius ex consideratione divinæ clementiæ.* Quam procul ergo à vera devotione distant, qui nihil nisi mali in ceteris inveniunt; qui suo iudicio non sunt *sicut ceteri hominum;* qui iustitiam Dei ita ob oculos ponunt, ut misericordiam quæ super omnia ejus opera est, reticeant, &c.

CAPUT SECUNDUM.

De Oratione.

Octo nobis hoc in capite veniunt explicanda, 1mo. quid & quoruplex sit oratio; 2do. an necessaria sit; 3tio. & 4to. an, & quatenus efficax; 5to. 6to. & 7mo. quis orari, quis orare, quid orari debeat; 8vo. pro quibus orandum sit.

ARTICULUS PRIMUS.

De essentia, divisione, & necessitate Orationis.

Oratio propriè sumpta, est petitio decentium à Deo.

Dicitur 1mo. *petitio*, id est, intimatio desiderii ad obtinendum aliquid ab eo quem precamur; & sic exprimitur oratio Matth. 7. *Petite & accipietis.*

Dicitur 2do. *rerum decentium*. Impium enim esset id petere quod nec Deus posset dare, neque nos citra piaculum accipere: certè petitio rei malæ non tam oratio esset, quam execratio.

Dicitur 3tio. *à Deo*. Etsi enim oratio non semper immediate ad Deum dirigatur, sed aliquando ad amicos Dei, Sanctos nempe; petitio tamen propriè fit soli Deo, à quo solo *omne donum* descendit.

Hinc patet orationem sub uno respectu ad religionem pertinere,

vinere, & ad spem sub alio. Ad religionem quidem, quia per orationem testamur DEUM esse authorem bonorum nostrorum, & nos ipsos inferiores esse, eoque indigere. Ad spem verò, quia oratio aliquid sperat & expectat à DEO; nec quisquam est qui ad alium supplex accedat, si certò noverit eum nunquam ad vota sua flectendum esse.

Oratio dividitur 1mo. in mentalem, & vocalem. Prima fit sola mente. Secunda corporis vocem mentali locutioni superaddit. Et si enim non prodest strepitus oris muto corde, meritò tamen mentali orationi juguntur voces: 1mo. quia homo secundum animam & corpus Honorem DEO pendere debet; 2do. quia non solum corde credere, sed ore confiteri oportet DEUM esse omnis boni fontem; 3tio. quia multi sunt quorum mens minus evagatur cum orant vocaliter.

2do. Oratio mentalis dividitur in meditationem, & contemplationem.

Meditatio est pia veritatis alicujus investigatio ad concipiendum devotionis fervorem.

1mo. Quidem est investigatio *pia*, non autem mera speculatio Philosophica, quæ fervorem minuere, nedum adaugere solet; 2do. est investigatio *veritatis* occultæ scilicet aut cognitæ, quia subjectum meditationis, desumi potest tum ex rebus quas jam multoties meditati sumus; tum ex iis etiam mysteriis quæ de se minus nota, fiunt meditatione notiora; 3tio. demum investigatione hæc ordinatur *ad concipiendum devotionis fervorem*; quia is esse debet meditationis scopus, ut ex ea exurgat sacer ignis quo voluntas ad fugam mali, & boni persecutionem excitetur.

Contemplatio describitur à Mysticis: *Mentis in Deum suspensa elevatio, eternæ dulcedinis gaudia degustans*. Meditatio & contemplatio non tam sunt distinctæ orationis species, quàm ejusdem partes. Meditatio petit, & pulsât ut sibi aperiatur, contemplatio gustat & fruitur. Illa est animi labor & motus; hæc fruitio est & quies.

3tio. Oratio vocalis dividitur in *publicam*, quæ fit à publico ministro, ad id deputato, Ecclesiæ nomine, & pro salute populi; & in *privatam* quæ fit à persona particulari ut tali.

Jam quæritur utrùm & quæ oratio sit necessaria. Circa quod duo, illic satis oppositi prodierunt errores. Primus fuit Messalianorum, qui tantam orationi vim attribuebant, ut eam solam etiam absque Sacramentis ad salutem sufficere dicerent; unde etiam Euchitæ seu precatores dicti sunt. Secundus fuit Michælis Molinòs, Hispani Presbyteri, cujus inter 68. propositiones ab Innocentio XI. anno 1687. damnatas

extat hæc num. 14. Qui divinæ voluntati resignatus est, non convenit ut à Deo rem aliquam petat, quia petere est imperfectio... & est velle quod divina voluntas nostræ conformetur; & illud Evangelii: Petite & accipietis, non est dictum à Christo pro animabus internis. Sit

CONCL. I. Oratio necessaria est ad salutem, tum necessitate præcepti; tum etiam, saltem communiter, necessitate medii.

Prob. 1mo. Ex Scriptura, Lucæ 18. Oportet semper orare, & non deficere. Matth. 26. Vigilate & orate ut non intretis in tentationem. Jacobi 4. Non habetis, propter quod non postulatis, &c. atqui hæc verba: Orate, oportet orare, præceptum indicant; cætera verò ostendunt, multa esse ad salutem necessaria quæ sola orationis via haberi possint, ut victoria tentationum; ergo:

* Prob. 2. Ex Patribus: S. Augustinus Lib. de Domino Persevy. cap. 16. Constat, inquit, alia Deum, danda etiam non orantibus, sicut initium fidei; alia nonnisi orantibus præparasse, sicut usque in finem perseverantiam. S. Celestinus in Epist. ad Gallia Episcopos. In omnibus actibus, causisque, cogitationibus, motibus adjutor & protector orandus est; superbum est enim ut quidquam sibi humana natura præsumat; ergo oratio necessaria est, tum ut Deus perpetuo nobis adsit, tum ut ea median- te magnum perseverantiæ donum consequamur. Est etiam necessaria ut fratres nostros à veritate devios ad eam reducamus, juxta id Augustini Serm. 1. de S. Stephano: Si Stephanus sic non orasset, Ecclesia Paulum non haberet.

† Prob. 3tio. Quod necessarium est necessitate medii, est etiam necessarium necessitate præcepti; præcipit enim Deus ut mediis necessariis utamur: atqui oratio necessaria est necessitate medii. Prob. minor ex his Tridentini verbis: * Deus impossibilia non jubet, sed jubendo monet, & facere quod possis, & petere quod non possis, & adjuvat ut possis. Unde sic: Illud est necessarium necessitate medii ad salutem, sine quo salus, positus à Deo rebus ut sunt, obtineri non potest: atqui sine oratione obtineri non potest salus. Hæc enim non obtinetur nisi per gratiam: atqui ex citatis textibus oratio medium est ad obtinendam gratiam necessarium; ergo.

Dixi, communiter, quia, ut docet S. Thomas, Deus nobis multa præstat ex sua liberalitate, etiam non petita. Quisquis ramen benedictionibus non petitis prævenitur, ut S. Paulus, suam statim coram Deo infirmitatem agnoscere debet, & gratiam ad perseverandum supplex exorare, nè Deo faciem averte- rent, fiat conturbatus.

Obj. Oratio ad id tantum utilis esse potest, ut vel patefaciat
* Sess. 6. cap. 11.

ciat Deo indigentiam nostram; vel ipsius benevolentiam nobis conciliet: atqui neutrum præstare potest oratio. Non 1. Deus enim omnia novit. Non 2. Dei enim voluntas planè est immutabilis, nec fieri potest ut velit in tempore quod ab æterno noluit; aut quod semel voluit, velle desinat. Ergo oratio nedum utilis sit, impia est, ut quæ Deum vel ignorantia, vel mutationi obnoxium supponat.

R. ad 1. neg. maj. Utilis enim est oratio, non quasi per eam cognoscat Deus quod ante ignorabat; sed quia efficit ut homo verissimam nihili cognitionem acquirat, peccata sua coram Deo humiliter confiteatur, & Cœleste imploret auxilium. An non quotidie prodigius filius coram patre qui totam ejus agendi rationem novit, utiliter in hæc erumpit verba: *Peccavi in Cælum & coram Te, miserere mei?*

Neque etiam per orationem mutatur divina voluntas, sed potius impletur, secundum id Gregorii Lib. 1. Dialog. cap. 8. *Non propter hoc oramus ut divinam dispositionem immutemus, sed ut impetremus quod Deus disposuit per orationes esse implendum.*

Quæres quo tempore urgeat orandi præceptum?

R. 1mo. Nos non teneri singulis momentis orare. 2do. quia certa quædam dari debent tempora quieti aliisque innumeris negotiis, quæ cum oratione non compatiuntur; 3tio. quia nullum est præceptum quo ad faciendam singulis momentis orationem adstringamur.

Nec nocet illud Lucæ 28. *Oportet semper orare, &c.* Quia ex Augustino Epist. 130. sensus est quod orandum sit per certa intervalla horarum & temporum... nè quod tepescere cæperat, omnino frigescat, & penitus extinguatur, nisi crebrius inflammetur. Unde, ut notant interpretes, vox *semper* opponitur intermissione ex tædio & desperatione, quapropter, addunt iidem, *semper orare, est orare assidue, omni tempore opportuno, statis precationum temporibus nunquam prætermisissis.*

R. 2do. Quamvis definiri non possit quo præcisè tempore, & quoties orandi præceptum obliget, cum id pendeat non solum ex Dei ordinatione; sed etiam ex cujusque dispositionibus, tentationibus, aliisque circumstantiis, certum tamen est sapius esse orandum, eumque in salutis suæ discrimen venire, qui illud religionis opus diu omittit.

Prob. 1mo. Ex citato Lucæ textu, cui consonat alius S. Pauli I. Thessal. 5. *Sine intermissione orate...* & Eccli. 18. *Non impediari orare semper;* atqui hosce textus de crebra & frequenti oratione intellexerunt, tum fideles qui Actor. 1. *erant unanimiter perseverantes in oratione;* tum patres, qui, ut S. Augustinus,

gustinus, citata Lucæ & Pauli verba dixerunt *sanissimè* sic accipi, ut nullo die intermittantur certa orandi tempora.

Prob. 2do. Tria nobis præcipue sunt obtinenda, 1mo. ut mundet nos Deus à peccatis nostris, & gratiam sanctificantem annexaque ei dona infundendo, spiritum rectum innovet in visceribus nostris; 2do. ut nos semel iustificatos de virtute in virtutem progredi faciat, quia non progredi, regredi est; 3tio. demum ut in accepta iustitia usque ad finem perseveremus. Atqui tria hæc sine oratione & quidem crebra haberi non possunt. Non 1. quare enim delictorum suorum veniam obtinuit publicanus, nisi quia humiliter oravit Deum sibi propitium fieri? quare verò *destructi* sunt antiqui Gigantes, nisi quia *non exoraverunt pro deliciis suis*? Non 2. cum ad proficiendum in virtute fragendi sint rugientis leonis imperus, & superandæ mundi, carnisque illecebræ ac tentationes, quod solum ab iis fieri potest qui induunt se *armaturam Dei, per orationem & obsecrationem orantes omni tempore in spiritu* Ephel. 6. v. 11. & 18. Non 3. quia *non nisi orantibus præparata est perseverantia* ut suprà docebat Augustinus, & non obscure docet Salvator, cum ait Lucæ. 21. *Vigilate omni tempore orantes, ut digni habeamini... stare ante filium hominis.*

Ceterum ii etiam qui negant hominem divino aut naturali præcepto teneri ad sapius orandum, fatentur tamen multos esse casus in quibus orandum sit ex necessitate; & quidem 1mo. cum quis deficiente Confessariò debet ob celebrationem Sacri ad gratiam se disponere per actum contritionis; 2do. cum iis præsertim qui sunt in peccato mortali imminet evidens mortis periculum; 3tio. cum ingruit tentatio, & illud dæmoniorum genus quod *non ejicitur nisi oratione*; 4to. cum Missa audienda est, Sacramenta suscipienda, &c. 5to. cum proximus in ea constitutus est necessitate in qua potest & debet precibus juvari. Unde censent Navarrus & Sylvester, orandum esse pro iis qui jam jam duello conflicturi sunt, neque aliter possunt ab eo retrahi. Et verò ut tunc orare teneamur, satis est ut uni è centum millibus prodesse possit oratio nostra. Et quis novit an quod aliis nihil profuit, non sit huic uni profuturum.

CONCLUSIO II. Oratio mentalis, sive meditatio, videtur etiam omnibus Fidelibus necessaria.

Præquam probetur Conclusio, notandum est meditationem dupliciter sumi: 1mo. secundum se, quatenus est studiosa investigatio eorum quæ ad salutem conducunt; 2do. secundum circumstantias, puta locum, temporis diuturnitatem, methodum, &c. De meditatione priori sensu sumpta loquimur, fatentur

tentur en
esse, non

Prob.

lucem e

necessario

bus indige

agnoscat

firmitatem

am divin

mer: Sal

qui luce

qua med

viro cons

vit enim

livio in

natio nug

tran/verti

tationi in

rit, ejusq

mentis c

bitur, &

sed deter

Prob.

illa cogi

nis terra

tur hæc

juxta ill

causa Day

de cum o

Et S. Ber

mendand

salute ej

sui revoc

tia justos

gravissim

verbi, &

status ni

Dices:

sunt; erg

R. im

serviendu

quidm er

bolo, qu

R. 2d

rentur enim omnes eam, si posteriori modo accipiat, utilem esse, non verò necessariam.

Prob. 1mo. Oratio ut sic, eaque viva & vehemens, ad salutem est necessaria: atqui talis oratio aliquam meditationem necessario requirit. Ad vivam enim & efficacem eorum quibus indiget homo postulationem, necessum est ut idem homo agnoscat animæ suæ plagas, tenebras intellectus sui, cordis infirmitatem, occasionum virtuti funestarum pericula, perpetuam divinæ protectionis necessitatem, ut cum Propheta exclamet: *Salvum me fac, Deus: de necessitatibus meis erue me*: atqui luce clarius est hæc practicè cognosci non posse sine aliqua meditatione & reflexione; cum ea seclusa, similes sumus viro consideranti vultum nativitatis suæ in speculo: *consideravit enim se, & abiit, & statim oblitus est qualis fuerit*: quæ oblitio in hoc corruptæ naturæ statu facillima est, quia *fasciatio nugacitatis obscurat bona, & inconstantia concupiscentiæ transvertit sensum*. Unde nisi homo seria & profunda meditationi incumbat, bonum quidem speculativè cognoscere poterit, ejusque notitiam aliorum animis instillare; at in vera mentis cæcitare & practica veritatis ignorantia semper versabitur, & ex eorum numero erit, qui meliora vident & probant, sed deteriora sequuntur.

Prob. 2do. Ex Scriptura. Eccli. 3. *Quæ præcipit tibi Deus, illa cogita semper*, & Jerem. 12. *Desolatione desolata est omnis terra, quia nullus est qui recogitet corde*. Ergo ut tollatur hæc terræ desolatio, recurrendum est ad meditationem, juxta illud Isaïæ 46. *Reddite pravificatores ad cor*. Ea de causa David etsi tot negotiis pressus, *Meditatus sum*, inquit, *nocte cum corde meo, & exercitabar, & scopebam spiritum meum*. Et S. Bernardus in Libris de Consideratione, totus est in commendanda Eugenio III. meditationis necessitate, scribitque de salute ejus actum esse; nisi seria reflexione dispersiones cordis sui revocet & congreget. Et verò quotidiana docet experientia justos facile labi, cum à meditantis Dei eloquiis cessant; gravissimos verò peccatores ad Deum converti, cum in se reversi, & pristinam à qua exciderunt justitiam, & præsentis sui status miseriam animo & corde revolvunt.

Dices: Idiotæ & peccatores, meditationis prosus incapaces sunt; ergo meditatio iis necessaria esse nequit.

R. 1mo. Hujusmodi homines satis invenire temporis ad serviendum ebrietati, ad fovendas corde malas cogitationes: quidni ergo ab iis exigamus ut qui tot horas consecrant diabolo, quædam Deo consecrare momenta assuescant?

R. 2do. dist. Sunt incapaces meditationis diuturnæ & sublimis,

limis, C. cujuscumque; N. Quandiu enim rationales sunt, tenentur coram Deo ingemere, eidem animæ suæ vulnera de-
regere, quod aliquam requirit meditationem, cujus idiota sæpe
capaciores sunt quàm literati. Hinc nulla est conditio quæ
cœlo; cives non pepererit; nulla negotiorum abundantia quæ
penitus prohibeat, nè homo vocaliter oret, & sic orando ea
quæ labiis voluit, animo verset, illque idèntidem immoretur;
nulla actio in cujus initio & progressu mens ad DEUM levare
non possit, ut eam DEUS dirigere & sanctificare dignetur: & si
Pastores ad hanc meditationis speciem, ipsos etiam rusticos dis-
sponderent & adhortarentur, multum ex ea, non dico oneris,
sed solatii perciperent, quia crux unctiōe mixta, sit jugum
leve.

At, inquires lectio & auditio verbi divini, meditationis locum
tenere possunt; ergo.

R. Eam solam lectionem, divini quæ verbi auditionem pro-
desse, quam comitatur aut sequitur mentis affectus; alioqui
Semen verbi cadit in petrosa, & statim rapitur ab avibus Cœ-
li: porro seclusa meditatione quis esse potest mentis affectus?

Ex his facile colligetur quanta sit meditationis necessitas re-
spectu Religiosorum & Clericorum.

Circa Religiosos iis habenda est fides qui Religiosæ vitæ obli-
gationes melius norunt. S. Bonaventura Lib. de perfect. cap. 5.
*Reverè, inquit, Religiosus orationem non frequentans assidue,
non solum est miser & inutilis, quinimò coram Deo fert animam
mortuam in vivo corpore, & Cajetanus hic q. 83. art. 3. Nec Re-
ligiosus, nec Religiosus nomine vocari potest, qui saltè semel in
die ad hujusmodi se non confert. Ergo etiam, ut vult Na-
varrus, oratio non sit Religiosis ex vi statuts, seclusa speciali lo-
corum lege, necessaria sub mortali, certum tamen est quòd
vix per aliquot dies absque peccato omitti possit, cum ut bene
Salmanticenses; Sit valdè conducens ad tendendum in perfe-
ctiōnem, quam sub mortali Religiosi conari tenentur.*

Et hæc omnia longè validiùs adstruunt orationis necessitatem
pro Clericis, qui quò periculosius ministerium tractant, eò plu-
ribus ac potentioribus indigent gratiis; ut & semetipsos & ple-
bem sibi commissam sanctificent.

ARTICULUS SECUNDUS.

An & qua conditione efficax sit Oratio.

Orationis multiplex est effectus; quod ut magis innotes-
cat, sit,

CONCLU-

CONCL
debet, tri
endi, &
Prob.
nes omni
quistas;
meritorium
pernatur
denique
gruo req
ne viator
conditio
posterior
sive etia
quand
sivevi?
Imò a
dienda h
sed & p
petita p
rum O
neralia,
catores
nulla e
non se
chiel, c
men no
Prob.
olus, cu
atqui or
est, ut d
carnis e
enim p
nali, q
unde T
catis q
satisfieri
pietatis
Pro.
satis eff
exauditu
Plalm.
16. Si
go fide
Tob

CONCLUSIO. Oratio, si omni ex parte talis sit, qualis esse debet, triplicem habet efficaciam, merendi scilicet, *satisfaciendi*, & *impetrandi*.

Prob. 1. pars. Ille actus est meritorius, qui habet conditiones omnes ad meritum sive de condigno, sive de congruo requisitas; atqui talis est oratio legitimè facta. Ad actum enim meritorium de condigno, requiritur & sufficit ut sit bonus, supernaturalis; liber, ab homine iusto & in statu viæ elicitus, ac denique ut ei promissa sit merces: ad meritum verò de congruo requiritur actus bonus, liber, supernaturalis, & ab homine viatore procedens; atqui oratio legitimè facta, eas omnes conditiones habet, si fiat ab homine iusto; & saltè quatuor posteriores, si fiat à peccatore. Si enim pia hominis sive iusti, sive etiam peccatoris opera prædictas habeant conditiones, quantò magis oratio, cui Deus cetera quæcumque dare concessit?

Imò admodum probabile est promissiones à Deo de exaudienda hominum oratione factas, non respicere iustos solos, sed & peccatores: imò. quia orationi legitimæ annexa est rei petitæ promissio his Christi verbis: *Petite & accipietis*, & iterum *Omnis qui petit accipit*. Hæc autem verba utpotè generalia, & dicta ad turbas in quibus permixti erant iusti peccatores, non debent restringi sine necessitate, quæ in præsentia nulla est; 2do. quia aliunde certum est meritum de congruo non semper excludere promissionem DEI. Deus enim Ezechiel. cap. 18. veniam promittit peccatori pœnitenti, qui tamen non meretur nisi de congruo.

Prob. 2. pars: Actus ex gratia procedens, pœnalis, laboriosus, cui promissa est pœnæ remissio, verè est satisfactorius: atqui oratio facta ut fieri debet, procedit ex gratia; pœnalis est, ut docet experientia, & id Eccli. 12. *Frequens meditatio, carnis est afflictio*; aliunde promissa est ei pœnæ remissio. Hæc enim promissa est generaliter omni operi supernaturali & pœnali, qualis est potissimum * oratio cum jejuniis & elemosynis unde Tridentinum. Sess. 14. can. 13. *Si quis dixerit pro peccatis quoad pœnam temporalem minimè Deo per Christi merita satisfieri.... jejuniis, orationibus, elemosynis, vel aliis etiam pietatis operibus.... anathema sit*.

Pro. 3. pars: Ut oratio sit certò & infallibiliter impetratoria, satis est ut Deus promiserit se eam, cum legitimè fiet, esse exauditurum: atqui Deus id frequenter promisit in Scripturis Psalm. 49. *Invoca me in die tribulationis, & erit te*. Ioan. 16. *Si quid petieritis Patrem in Nomine meo, dabit vobis*. Ergo fide certum est orationem legitimè factam suum infallibiliter

* Tob. 12.

liter habere effectum. Unde Augustinus in id Psalmi 65. *Benedictus Deus qui non amovit orationem meam, & misericordiam suam à me*, sic habet: *Cum videris non à te amotam deprecationem tuam, securus esto, quia non est à te amota misericordia ejus.*

Quæres, an tres isti orationis effectus à se se invicem aliquando separentur.

R. affirmat. Aliquando enim oratio impetratoria est, non tamen meritoria, aut satisfactoria, ut oratio Sanctorum pro nobis; quia non procedit à gratia viæ. Aliquando impetratoria est, & satisfactoria, non tamen meritoria strictè, sive de condigno, ut oratio poenitentis nondum justificati quæ non solum impetrat; sed etiam juxta Scôstas aliosque plures, satisfacit. Aliquando meritoria est, non tamen impetratoria, ut cum justus pro se petit id quod non ei expedit assequi: quomodo * Apostolus non obtinuit à se auferri stimulum carnis; & tamen ejus oratio, utpotè ab homine justo per gratiam operante procedens, fuit opus æternæ vitæ meritorium. Aliquando demum oratio unum impetrat, & aliud meretur: sic justus qui per orationem bonum aliquod temporale obtinet, non tam illud meretur, quam impetrat; sed verè meretur vitam æternam, quæ boni operis à charitate imperari præmium est & merces: contra qui vitam æternam aliis postulat, eandem impetrare potest, non condignè mereri; si verò eam sibi petat, illam meretur & impetrat; se dandam suo tempore, si in gratia perseveret.

Ex dictis colligere est, promissionem de exaudiendis hominum orationibus à Deo factam, non esse absolutam; sed pendere à certis conditionibus, quæ si defint, oratio infallibilem effectum non habet. Hinc verba hæc Christi: *Omnis qui petit accipit*, quæ absoluta videntur, in aliis Scripturæ locis restricta sunt, ut Jacobi 4. *Petitis & non accipitis, eo quod male petatis.* Superest igitur ut eas condiciones declaremus; ex porro quatuor requiruntur à SS. Augustino & Thoma: 1mo. ut quis pro se petat; 2do. ut petat necessaria vel conducentia ad salutem; 3tio. ut piè petat; 4to. ut petat perseveranter. Verùm prima conditio, quod quis pro se petat, à multis rejicitur, & quidem cum fundamento: 1mo. quia facta videtur promissio de exaudiendis orationibus in gratiam proximi factis: *Hæc est*, ait S. Joannes Epist. 1. cap. 5. *hæc est fiducia, quam habemus ad Deum, quia quodcumque petierimus secundum voluntatem ejus, audit nos*; atqui quando pro fratribus nostris oramus, maxime petimus secundum voluntatem Dei; hoc enim præcipuè mandat Scriptura. Sic Jacobi 5. *Orate pro invicem*

* 1. Corint. 12.

vicem ut salvemini, multum enim valet deprecatio iusti assidue. Et 1. ad Timoth. 2. Obsecro igitur primum omnium fieri obsecrationes, orationes, postulationes.....pro omnibus hominibus. Ergo cum Deus in promissis suis verax sit, certum videtur orationes pro aliis factas, si obicem non ponant, certo exaudiendas esse.

2do. Quia S. Joannes citato loco non obscure tradit certum esse effectum orationis quam pro fratribus nostris fundimus. Qui scit, inquit, fratrem suum peccare, peccatum non ad mortem petat, & dabitur ei vita ejus; ergo.

Ceterum oratio ne iis quidem est deneganda qui effectibus ejus obicem ponunt; quandoquidem docet experientia, utiliter orari pro conversione peccatorum etiam impoenitentium: sic Ecclesiae donavit Deus & Saulum precibus S. Stephani & Augustinum lacrymis S. Monicæ.

Secunda orationis infallibiliter impetratoriæ conditio est ut sit de re quæ directè aut indirectè ad salutem ordinetur: quod enim aliò tendit, sistit in creatura, & proinde Deo acceptum esse nequit.

Hinc 1mo. non exaudiretur, sed Deo injuriam faceret oratio qua mali quidpiam peteretur; & talis petitio, licet esset rei non nisi venialiter malæ, esset peccatum mortale sicut & omne perjurium assertorium in materia etiam levi. Ratio est, quia majorem Deo injuriam irrogat, qui eum putat peccati etiam levissimi autorem esse posse, quam qui eum in mendacii etiam levis testem invocat.

Hinc 2do. peccaret defectu legitimi finis, qui ludendo, v. g. lucrum, ex solo lucri intuitu postularet: quia petere à Deo rem quæ ad eum nullatenus referatur, sed sub omni respectu indifferens sit, est quid non indifferens sed malum. Hic tamen, quantum opinor, quidam advertentiæ defectus, & bona fides, à gravi excusare possunt.

Neque verò sufficit ut res quæ petitur bona sit, sed etiam oportet ut boni majoris non sit impeditiva: bonum enim est liberari à stimulo carnis; neque id tamen obtinuit Apostolus, ne revelationum magnitudine extolleretur.

Tertia conditio est ut oratio piè fiat: ad quod duo necessaria sunt, & duo excludenda.

1mo. Itaque necessaria est fides ex qua procedat oratio, secundum id Matth. 21. Omnia quæcumque petieritis in oratione credentes, accipietis; & Jacobi 1. Postulet in fide, nihil hæsitans. Et verò promissio orationi facta, per se primo ordinatur ad assecutionem vitæ æternæ: juxta id Matth. 6. Quærite primum regnum Dei atque fides fundamentum est salutis; ergo oratio ut sit efficax, fidei initi debet. Por-

Porro non requiritur fides, qua quis certo credat se id obtenturum esse quod petit: (orabat enim Apostolus ex fide, ut auferretur sibi stimulus carnis; nec tamen certus erat se exaudiendum esse) sed requiritur ut qui sufficientem divinæ promissionis noticiam habent, eidem tanquam certæ credendo assentiant. Tum quia id indicant verba hæc Christi apud Marcum cap. 11. *Omnia quaecumque orantes petitis, credite quia accipietis.* Tum quia quisque credere tenetur Deum veracem esse, suisque in promissis fidelem. Idiotis verò qui promissionem hanc distinctè non didicerunt, satis esse videtur, si firmiter credant Deum ita potentem esse, ut quod petitur conferre valeat; ita misericordem, ut idipsum largiri velit, si ad nostram salutem expedit, & obicem non ponamus.

2do. necessaria est spes firma, seu fiducia quæ impellit ad opus, efficitque si sit vehemens, ut cum affectu & efficacitate postulemus; cum contrà fiduciæ defectus munificentiam Dei retardet. * *Abeamus ergo cum fiducia ad thronum gratiæ, ut misericordiam consequamur* ** Sequamur exemplum Abraham qui contra spem in spem credidit..... & non infirmatus est fide in repromissione etiam Dei non hæsitavit diffidentia.

Atque hinc ex consequenti procul ab oratione esse debet, imo diffidentia & hæsitatio; qui enim hæsitat, ait S. Jacobus cap. 1, *similis est fluctui maris qui à vento movetur: circumfertur: non ergo asimet homo ille quod accipiat aliquid à Domino;* 2do. & abesse debet præsumptio: *Respexit enim Deus in orationem humilium, & non sprexit preces eorum,* Psal. 101. *Oratio humilientis se nubes penetrabit,* Eccli. 35. *Deus superbis refutit, humilibus autem dat gratiam,* Jacobi 4. ea de causa rejecta est oratio Pharisei, & aliorum qui in se confidebant tanquam justii, Luc. 18.

Quarta conditio requisita ut oratio exaudiat, est perseverantia. Exaudimur quidem aliquando statim ac petere incœpimus: sic Daniel * *ab exordio precum suarum* exauditus est, neque id mirum, cum sæpe etiam non orantes præveniat Deus: sed sæpius contingit ut obtineat perseverantia, quod prima petitio non obtinuit. Hinc illud Christi: *Oportet semper orare & non deficere;* quod quidem confirmat Salvator duplici exemplo, ** uno viduæ, quæ per importunas preces vicit tandem duritiam iniqui Judicis; altero hominis, qui à vicino suo repulsam passus, *propter improbitatem,* id est, suam in petendo perseverantiam obtinuit panes quotquot habebat necessarios.

* Hebr. 4. ** Rom. 4.

Porro Deus perseverantiam in orationibus nostris exigit, 1mo. ut doni quod postulamus capaciores efficiamur, atque ut illud ardentius desideremus, avidius prosequamur, pluris aestimemus, & sollicitius conservare enitmur. Unde S. Augustinus * *Cum aliquando tardius dat, commendat dona, non negat. Diu desiderata dulcius obtinentur, citò autem data vilescunt.* Et verò veniæ obtinendæ facilitas, quædam est peccandi occasio; difficultas verò & labor hominem efficiunt cautiorem; 2do. ut per propriæ indigentia & infirmitatis experientiam in humilitate contineamur. *Putatis, ait S. Bernardus Serm. 4. in Psal. 90. quia avarus aut inops factus est Deus, impotens aut inexorabilis? Absit hoc, prorsus absit, sed ipse cognovit figmentum nostrum; quod ita miserum est, ut superbiæ vermis in nobis facile generetur, cum facile potimur optatis; 3tio. ut Deus non sibi magis devinciat; quia, ut ait S. Chrysostomus: Oratio cum eo colloqui assuescit, & ad sapientiæ studium nos deducit.*

Quares quandiu perseverare debeat oratio, ut infallibiliter impetret.

R. 1mo. non esse nostrum ** *nosse tempora vel momenta quæ Pater posuit in sua potestate.* Satis est ut noverimus semper orandum esse, & non desiciendum.

R. 2do. id ex iis quæ petuntur ut cumque judicandum esse. Vel enim temporalia petimus; vel ea quæ proximè magis ad salutem conducunt, ut sunt tentationum victoria, præceptorum adimpletio, magnum & insigne perseverantiæ donum.

Si primum, cum Deus postulatis annuit, oratio in gratiarum actionem convertenda est. Si e contra id amiterimus quod nobis servari enixè precabamur, imitandus est ille hominum infelicitissimus, simul & patientissimus, qui crudelissima quæque suorum fata singulis momentis accipiens, in has piæ voces erupit: *** *Dominus dedit, Dominus abstulit; sicut Domino placuit ita factum est, sit nomen Domini benedictum.*

Si secundum, id est, si ea postulamus quæ ad salutem conducunt, orationi perpetuò instandum est, non solum donec optata consequamur, sed etiam postquam ea consecuti fuerimus: Amalec enim adversarius noster semper stat in acie, vincitque si manus extendere cessamus. Dicendum ergo cum Psalte: *Persequar inimicos meos, & non convertar, seu non desinam persequi, donec deficiant.* Cumque in hac vita nunquam deficiat, sed ad extremum usque vitæ hali-

Moral. Tom. I.

Nn

tum

* Serm. 61. de verb. Dom. ** Att. 1. *** Job. 11.

tum insidientur, omnia operum sanctorum genere insequendi sunt, vigilantia potissimum & oratione.

Hæc de orationis conditionibus prolixius dixisse non piget, quia **verè novit rectè vivere qui rectè novit orare:* ait vetus autor apud S. Augustinum.

ARTICULUS TERTIUS.

An Deus solus debeat orari.

Questionem hanc paucis perstringemus, quia de Sanctorum invocatione, quæ præcipuam hinc difficultatem movet, alibi disserunt Theologi. Generalia ergo fidei nostræ principia evoluisse sufficiet; sit

CONCLUSIO I. Solus Deus orari debet, ut principalis causa honorum omnium, gratiæ præsertim & gloriæ, quæ in oratione petuntur.

Prob. tum quia solus Deus *gratiam & gloriam* dat, ex Psalmo 83. tum quia solus ipse est honorum omnium fons & origo.

CONCLUSIO II. Soli Deo ea impendi debet oratio, quæ cultum latriæ continet.

Prob. quia sic alium quemcumque præter Deum orare, manifesta esset idololatria.

Quæ de Deo diximus, ad Christum Dominum extendenda sunt. Si enim adorari potest Deus homo, potest & orari.

CONCLUSIO III. Licitum est homines. etiam dum vivunt orare ut pro nobis precentur.

Prob. imo. ex Apostolo II. ad Thessal. 3. *Fratres orate pro nobis, ut sermo Dei currat, &c.* 2do. ex Baruch 1. ubi Judæi in Babylone captivi, eos qui Hierosolymis erant sic deprecantur: *Pro nobis ipsis orate ad Dominum Deum nostrum.*

CONCLUSIO IV. Rectè & utiliter invocantur Sancti qui cum Christo in cœlis regnant. Ità Catholici omnes contra Vigilantium, Pauperes de Lugduno, Wiclefsum, Lutherum, Calvinum, &c.

Prob. Si enim licitum sit ad Sanctos, dum in terris infirmitatibus circumdati versantur, confugere, ut apud Deum pro nobis intercedant; quanto magis ad orum eopem confugere licitum est, qui jam à mortalitatis vinculis soluti, teneriori nos charitate complectuntur, plusque apud Deum favoris habent & gratiæ?

** Serm. 15. in Append.*

Et

Et ver
no ab har
ut in p
singula
efflagiare
regnante

At, inc
ut nos p
responsio
stras San
lorum n
perire p
aperire n

Quare
Sanctos,

Affirm
ad salu

Verum
simplicit

supplicite

quar, ut

positione

ensis i

2. lect.

cessaire

une acti

de blâm

elle étoit

Quare

constitut

R. affi

Medina,

gorius i

adhuc in

ses quod

vium i

2do.

rare qui

mercium

ma qua

ergo.

pio.

quia eum

* Pap

Et verò, ait Isaac Papin, * vir summo suo & Ecclesie bono ab hæresi ad fidem conversus, si Sanctorum aliquis, nunc, ut in passione Christi hominibus appareret, quis vel honore singulari eum non prosequeretur, vel ab eo multa supplex efflagitare hæsitaret? Quidni ergo eundem in cælis cum Deo regnantem precari liceat?

At, inquit Calvinus, Sancti non habent aures tam longas, ut nos precantes audiant. Verùm frigida est & misera hæc responsio. Quasi verò desint Deo media quibus preces nostras Sanctis manifestet, sive per se immediatè, sive Angelorum ministerio. Certè qui Prophetis res longè distitas aperire potuit, mirum est si servorum suorum gemitus Beatis aperire nequeat.

Quares 1mo. an extet præceptum aliquod interpellandi Sanctos, ** ut orent pro nobis.

Affirmat Sylvius, quia inquit, constituit Deus ut inferiores ad salutem perveniant, impleraro superiorum subsidio.

Verùm sedula verborum ponderatrix Synodus Tridentina simpliciter docet Sess. 25. *bonum atque utile esse Sanctos suppliciter invocare*; cujus decreti moderationem, ut ita loquar, urget & commendat illustr. Possuet in sua fidei expositione. Idipsum docet J. Petrus Canus Episcopus Bellicensis in Libro cui titulus, *L'avoisinement des Protestans*, tit. 2. sect. 11. n. 17. hæc ille: *Les Romains n'obligent pas nécessairement ceux de leur communion de prier les Saints, à une action absolument nécessaire à salut; mais ille leur défend de blâmer ceux qui ont recours à leur intercession, comme si elle étoit vaine, inutile, & offensante Dieu.*

Quares 2do. an justos purgantes, id est, in Purgatorio constitutos orare liceat.

R. affirmat. cum Bellarmino Lib. 2. Purgatorio cap. 15. Medina, Sylvio, & aliis pluribus: 1mo. quia refert S. Gregorius Lib. 4. Dial. cap. 40. animas Paschalis & Severini adhuc in Purgatorio commorantes, miracula in tarris edidisse; quod probabiliter suadet easdem ad Fidelium preces divinum ipsis auxilium impetrasse.

2do. Quia pie credi potest animas purgantes, pro iis orare qui pro ipsis orant; hoc enim mutæ charitatis commercium, valdè conveniens est, nedum repugnet: atqui animæ quæ pro viventibus orant, à vivis implorari possunt; ergo.

3tio. Ideo negant adversarii animas illas pro nobis orare, quia eum careant visione Dei, precum nostrarum notitiam

Nn2

non

* Papin. Tom. 2. p. 33. ** Sylv. p. 83. art. 4.

non habent: atqui hæc ratio nulla est: imo. quia fieri potest ut orationes viventium manifestentur defunctis sive per Angelos eorum custodes, sive per nostros; cum hoc Angelica custodia consentaneum sit; 2do. quia etsi defuncti preces nostras non cognoscerent, sufficeret ut Deus vel Angeli qui eas norunt, ipsos moverent ad orandum pro nobis; quomodo fortè movebatur Jeremias necdum visione beatifica fruens, ad orandum pro populo suo, juxta id Machab. II. c. 17. *Hic est qui multum orat pro populo, & universa sancta civitate, Jeremias Propheta Dei.* Et verò an non possunt saltem generatim orare pro Ecclesia militante, pro amicis suis si adhuc sint in via, pro iis quorum suffragiis juvantur? &c. Equidem sancta ille anima precibus nostris indigent, sed non ideo non possunt orare pro nobis, sicut viuentes pro viventibus orant, etsi alii ab aliis juvari indigeant.

Quares 3tio. an invocari possint infantes è vivis statim post Baptismum sublari.

R. eos invocari posse privatim, cum & Dei in æternum amici sint, & tenerà in nos quos in agone certantes vident charitate pleni. Non possunt tamen invocari publicè, quia neminem publicè, colì permittit Ecclesia, nisi Deus hanc esse suam voluntatem demonstret per miracula. Hinc Servi Dei etiam post beatificationem non inferuntur fastis Sanctorum; nisi novis prodigiis saltem duobus manifestetur voluntas Dei.

ARTICULUS QUARTUS.

Qui orare possint.

Quares imo. an Deus orare possit.

R. neg. quia oratio est indigentis ad non indigentem, adeoque ad superiorem: atqui Deus nec eget, nec superiorem habet; ergo.

Dices imo. Rom. 8. *Spiritus sanctus postulat seu orat pro nobis gemitibus inenarrabilibus.*

R. dist. postulat id est postulare facit, C. postulat ratione sui, & formaliter, N. non ergo gemit ipse Spiritus sanctus, sed *adjuvat infirmitatem nostram*, ut utiliter gemamus.

Dices 2do. Exodi 32. orat Deus Moïsen his verbis: *Dimitte me ut irascatur furor meus*, ergo.

R. neg. conseq. & dico Deum hic loqui humano more, ut ostendat quantum apud se valeant servorum suorum preces. Certè enim si voluisset, non orasset Moïses, aut etiam

eo orante Israëlitas perdidisset: quis enim *voluntati ejus resistit*?

Christum de facto orare & interpellare pro nobis, docent Theologi ubi de Incarnatione.

Quæres 2do, an homo orare possit in omni statu.

R. duplex est status: alter hujus vitæ, alter futuræ; & hic triplex, beatorum, damnatorum & purgantium.

Certum est 1mo. Beatos orare posse, tum pro nobis, tum pro beatitudine corporis sui; quod utique faciunt sine molestiâ & anxietate.

Certum est 2do. damnatos veræ orationis incapaces esse: tum quia non possunt pios habere motus, cum omni gratia careant: tum quia nimis noverunt se nihil orationibus suis consequi posse. Unde petitio licentiæ tentandi Job, non erat vera oratio, cum nec ad cultum religiosum pertineret, nec ex pio affectu procederet.

Certum 3tio. viderur multis, animas purgantes orare posse, tum pro nobis, de quo supra, tum pro se ipsis; sunt enim iusti, & multa ex pio affectu petere possunt. Aliunde verò licet jam non sint in statu merendi, possunt tamen imperrare; neque enim ad impetrationem requiritur status viæ, cum Sancti multa nobis impetrent: possunt autem à Deo petere, ut eam nobis charitatem tribuat, qua pro ipsis oremus & satisficiamus.

Certum est 4to. iustos orare posse & debere: 1mo. quia ad eos sicut ad ceteros homines diriguntur verba Christi, ex quibus orationis necessitatem supra probavimus; 2do. quia ii etiam qui stant, videre debent nè cadant.

Quæstio igitur præcipua volvitur de peccatoribus & impiis. Inter 101. Quenelli propositiones extat hæc numero 59. *Oratio impiorum novum est peccatum, & quod Deus illis concedit, est novum in eos iudicium.* Hæc propositio adeò mala est, ut Hyppolitus de Bethune Virodunensis Episcopus, etsi ex eorum numero qui ad futurum Concilium appellavère, eandem *pessimam* esse declaverit: & reipsa prædicta propositio quæ doctrinalis est, æquævalet utpotè indefinita propositioni universali. Quæ verò doctrina exitioris fingi potest, quàm quæ omnem indistinctè orationis speciem à peccatore profectam, peccatis annumerat? Sit itaque.

CONCLUSIO. Impii & peccatores sapissimè orant utiliter; nec proinde oratio impiorum novum est peccatum.

Prob. 1mo. ex Scriptura II. Esdræ cap. 9. *Fecerunt blasphemias grandes & in tempore tribulationis clamaverunt ad te, & tu de cælo exaudisti.* Psal. 106. *Exacerbaverunt eloquia*

eloquia Dei..... & clamaverunt ad Dominum cū tribularentur, & de necessitatibus eorum liberavit eos. Ex quibus sic: Ii de quibus loquuntur citati textus, bene & utiliter oraverunt quando quidem à Deo exauditi fuere: atqui iidem in statu habituali impietatis & injustitiæ maximæ erant, eo etiam tempore quo Deum orabant. Ex eo enim statu translati non fuerunt antequam à Deo exaudirentur: atqui antequam exaudirentur, utiliter oraverant; prius enim est orare, quàm exaudiri, quia prius est quàm esse esse tale; ergo.

Nec dicas eorum orationem piam fuisse. Quis enim unquam negavit piam esse orationem quæ Dei gratiam allicit; sed oratio hæc tamen pia ratione actūs, erat tamen impiorum, qui necdum ab impietatis & peccati statu revixerant. Sic peccata venialia in quæ decidunt iusti, etsi ratione sui mala sint, sunt tamen hominis quoad habitum iusti opera.

Prob. 2do. ex Patribus. Origenes Homil. 5. in Isai Et si, ait, peccatores estis, orate Dominum. Peccatores exaudit Deus. Quid si timetis illud quod in Evangelio dicitur: Scimus quia peccatores non exaudit Deus; nolite pertimescere, nolite credere: cæcus erat, qui hoc dixit.

Augustinus Serm. 135. n. 6. Ait cæcus cui oculi aperti sunt, Scimus quia peccatores Deus non exaudit..... Date mihi qui roget, ecce est qui exaudiat..... Qui dixit, propitius esto mihi peccatori, verum dixit, an, falsum? Si verum dixit, peccator erat, & tamen exauditus est lava interiorem faciem tuam, & videbis quia peccatores Deus exaudit.

Magistro suo concinit Angelus Scholæ hic q. 83. art. 16. Si, ait, peccator orando aliquid petit, in quantum peccator, id est, secundum desiderium peccati, in hoc à Deo non exauditur ex misericordia, sed quandoque auditur ad vindictam. Orationem verò peccatoris ex bono naturæ desiderio procedentem Deus audit, non quasi ex iustitia; quia hoc peccator non meretur, sed ex pura misericordia.

Prob. 3tio. Impiis quibuscumque præceptum est ut orent, & dicant: De necessitatibus meis erue me: sed quod præceptum est, peccatum esse nequit.

Prob. 4to. Si oratio impiis in peccatum verteretur tenerentur ab omni oratione, omnibusque orandi occasionibus, ac proinde à Templis & à Missa abstinere; sique nulla superesset eis quæ ad Deum reverti possent: atqui impium consequens, & Ecclesiæ totius praxi contrarium; ergo.

Obj. 1mo. cum Hexaplista Proverb. 28. Qui declinat aures suas ne audiat legem, oratio ejus erit execrabilis. Ibid. cap.

cap. 15. *Victimæ impiorum abominabiles Domino.* idem habes Plal. 65. ergo impia est quælibet impii deprecatio.

R. dist. cum S. Thoma. Impia est deprecatio impii, si fiat vel secundum desiderium peccati, vel labiis tantum & sine ullo religionis sensu, C. si fiat in ordine ad conversionem, N. Itaque fatemur procul rejici orationes non solum impudici, qui voluptates à Deo requirit; sed & eorum omnium, qui sine devotione, & ex labiis tantum Deo honorant; quales ii erant de quibus loquuntur objecti textus. Sed negamus malas esse eas impiorum orationes, quæ median- te gratia a pio motu procedunt quales eæ sunt de quibus sermo est in probationibus nostris.

Quod spectat ad hæc verba: *Scimus quia Deus peccato- res non audit*, quæ à quibusdam obtruduntur, dicendum cum S. Augustino Tract. 44. in Joan. ea esse verba cæci adhuc inuncti, & nondum intus illuminati, id est, necdum in rebus divinis plenè instructi, ut post S. Thomam docet Silvius hic art. 16. Quanquam, ut addit idem Theologus prædicta verba in hoc sensu verificari possint, quod non exaudiri peccatores qui miracula petunt, ut eorum ope probent se bonos esse ac sanctos; unde tacitè concludit cæcus, Christum esse virum sanctum & justum, utpotè qui à Deo constanter exauditus innumera perperraret miracula.

Obj. 2do. S. Augustinus in Plal. 108. *Oratio, inquit, quæ non fit per Christum, non solum non potest delere peccatum, sed etiam ipsa fit peccatum.* S. Hilarius in Plalm. 54. *Ubi operatio iniquitatis extabit, illic despicitur oratio deprecantis.* S. Ambrosius Lib. 2. de Cain & Abel c. 9. *Avertit se Deus à precibus impiorum.* Unde sic: Oratio quæ despicitur, à quâ se Deus avertit, uno verbo quæ peccatum est, non est utilis, non exauditur: atqui talis est impiorum oratio ex citatis Patribus.

R. neg. min. & ad Augustinum dico eum, nedum doceat nullam impii orationem per Christum fieri, contrarium supponere in objecto loco: *Si per Christum oraret, inquit, spem haberet, &c.* sed oratio ejus fiat in peccatum illi; quia non fit per Christum quem noluit sequi, sed persequi. Non est autem mirum si oratio hominis qui Christum vult persequi, novum sit peccatum.

Ad 2. solutio est in textu. Loquitur enim S. Hilarius de orationibus quæ leves sunt dissidentes, &c. has autem à Deo despici fatemur: sed negamus tales semper esse peccatorum orationes; cum alioqui eradenda essent è Litaniis verba hæc: *Peccatores, te rogamus audi nos, ut nobis parcas; ut nobis indul-*

indulgeas; ut ad veram penitentiam nos perducere digneris, &c.

Ad 3. advertit quidem se Deus à precibus impiorum, sed impiè factis, qualis erat Cæini oratio quam in objecto textu exagitat Ambrosius; quæque spe destituta erat, ut indicant hæc verba *Major est iniquitas mea, quàm ut veniam merear.* At nullibi docuit S. Ambrosius quæcumque impij orationem impiè fieri.

* Quæres an reipsa senserit Quenellus omnem impij orationem, novum esse peccatum.

R. omisâ secreta Theologi hujus intentione, quæ soli Deo nota est, in principiis ejus omnem peccatoris orationem verum esse peccatum.

Prob. Oratio impij, vel nascitur ex gratia vel ex solis naturæ viribus: si ex gratia, tunc, juxta Quenellum, non est oratio peccatoris sed justij: 1mo. quia ex propositione 28. *Prima gratia quam Deus concedit peccatori, est peccatorum remissio;* 2do. quia oratio quæ est ex gratia, eo ipso est ex fide, quandoquidem ex propositione 26. *Nullæ dantur gratiæ nisi per fidem;* & ex propositione 27. *Fides est prima gratia, & fons omnium aliarum;* atqui oratio quæ est ex fide, supponit justiciam; qui ex propositione 51. *Fides justificat quando operatur,* &c.

Quodd si oratio ex gratia & fide non oritur, necessariò peccatum est; quia ex propositione 38. *Peccator non est liber nisi ad malum sine gratia Liberatoris;* & ex propositione 40. *Sine gratia nihil amare possumus nisi ad nostram condemnationem ergo.*

Confirmatur ex propositione 45. *Amore Dei in corde peccatorum non amplius regnante, necesse est ut in eo carnalis regnet cupiditas, omnesque actiones ejus corrumpat.* Quæ propositio affinis est 16. quam proscripsit Con. Constant. Sess. 15. *Si homo est vitiosus & agat quidquam, tunc agit vitiosè. quia peccatum mortale insicit universaliter actus hominis vitiosi:* atqui in corde impij non amplius regnat amor Dei; ergo necesse est ut in eo regnet carnalis cupiditas omnes actiones corrumpi. Ex Quenello; ergo & ipsam orationem quam proinde in peccatum mutat.

Quod addunt aliqui Quenellum variis in locis docuisse utiles quandoque esse peccatorum orationes, imò & propositionem 59. ab eo restrictam fuisse & immutatam; hæc inquam, tantum ostendunt 1mo. autorem sibimetipsi contradixisse; 2do. propositionem citatam ita eidem, potius iis qui Libri ejus editionem curaverunt, malam visam fuisse, ut de ea modificanda cogitaverint.

† A R T I -

NOTA. non
bus ut be
Nor. 2
absolutè
Nor. 3
nihil dete
tati divini
virtutes o
beat, &
verò si de
Conclu
solutè per
Prob. 1
num quo
obtinere
runt glo
illens; e
Quod
poralibus
jactura, q
possunt.
sibi sic &
mæ salu
cies eoru
simul m
mum sp
& invidi
Obj.
non eni
impendit
R. neg
est actus
boni sui:
vitiosus
porale b
fir aliqua
nisi ad d
* Gala

† ARTICULUS QUINTUS.

Quid Orandum sit.

Not. 1mo. bona duplicis esse generis: alia quibus abuti non possumus, ut charitas & virtutes infusæ; alia quibus ut bene, sic & malè uti possumus, ut divitiæ & honores.

Not. 2do bonum quodlibet dupliciter à Deo peti posse, absolute nimirum, & conditionatè.

Not. 3tio. nonnullos fuisse qui docuerint cum Molinos, nihil determinatè esse à Deo petendum; sed omnia voluntati divinæ sic esse remittenda, etiam circa beatitudinem & virtutes quibus ea comparatur, ut homo veluti passivè se habeat, & paratus sit hæc accipere, si largiatur Deus, privari verò si denegat. Sit.

CONCLUSIO I. Bona quibus abuti possumus, non sunt absolute petenda: sed conditionatè tantum.

Prob. quia, ex hypothesi, possumus iisdem abuti: sed bonum quo abuti possumus, absolute peti non debet; quia si obtineretur, fortè noceret salutì æternæ: multi enim perierunt gloria circumdati, ut Saül, qui egeni fortè non perisissent; ergo.

Quod de temporalibus bonis dictum est, de malis temporalibus dictum intelligi debet, ut ægritudine & bonorum jactura, quæ ut ad salutem conducere, sic & eidem nocere possunt. Docent autem Theologi, hominem mala hæc ut sibi sic & aliis petere posse, posito nempe quòd iis ad animæ salutem profutura sint, juxta id Psalmi. 80. *Imple facies eorum ignominia, & quærent nomen tuum, Domine.* Sed simul moment in hujusmodi petitionibus, prout ad proximum spectant, cavendum esse nè oratio nostra odii potius & invidiæ quàm charitatis proles sit.

Obj. 1mo. Licitum est bona prædicta possidere absolute; non enim peccat quis quia ea possidet, sed quia ea malè impendit; ergo & absolute petere licet.

R. neg. conseq.* Possidere enim bonum temporale non est actus humanus; unde hæres etsi parvulus, dominus est boni sui: at verò *petere*, actus est humanus qui proinde, nè vitiosus sit, sic ordinari debet ut objectum ejus nempe temporale bonum, non noceat salutì æternæ. Quòd si possessio sit aliquando actus humanus, simul etiam erit actus malus, nisi ad debitum finem referatur.

* Galat. 3.

N n 5

Obj.

Obj. 2do. Frustra additur in oratione hæc conditio, *si bona hæc sint profutura ad salutem*; quia Deus ea non concedet si non sint saluti profutura.

R. neg. ant. & ejus probationem: quia, ut ait Augustinus Tract. 73. in Joan. *Metuendum est, ne quod Deus possit non dare propitius, det iratus*. Ergo nè bona hæc à Deo ut irato tribuantur, petenda sunt sub conditione quòd eorum usus ad salutem proficiat.

CONCLUSIO II. Bona quibus abuti non possumus, ut charitas & beatitudo, petenda sunt absolute & determinate.

Prob. contra novos Mysticos. Licet eo modo orare, quo Sancti utriusque Testamenti oraverunt: atqui Sancti utriusque Testamenti multa absolute & determinate à Deo petierunt, & præcipue vitam æternam; unde in Davidis Psal. 26. *Unam petii à Domino, hanc requiram, ut inhabitem in domo Domini, &c.* Idem jubente Christo fecerunt Apostoli. *Sic vos orabitis*, aiebat Salvator Math. 6. *Pater noster qui es in caelis; sanctificetur &c.* In hac autem oratione dominica, quæ, ex Augustino Epist. 157. *omnibus necessaria est*, absolute & determinate petimus, ut sanctificetur nomen Domini, ut adveniat regnum ejus, &c.

* Respondent se quidem bona hæc petere, sed conditionate, si nimirum Deus ea largiri voluerit; quia nempe voluntas humana divinæ præire non debet.

Sed contra. Condicio hæc apponi non potest, nisi supponatur dubium esse & incertum an Deus iis qui petunt, ut oportet, salutem & media ad eam assequendam tribuere velit: atqui hoc dubium esse non potest. Cum Deus passim in Scripturis præcipiat ut ad salutem per media nobis oblata tendamus; & non præcipiat nisi quod vult à nobis fieri.

Instant. Fides tria docet: imo. neminem salvandum esse nisi sit prædestinatus; 2do. paucos esse prædestinatos, 3tio neminem absque speciali revelatione certum esse de prædestinatione sua; ergo re ipsa dubium esse debet animæ fidei, an Deus salutem ejus velit; ergo ut in hoc dubio voluntatem suam divinæ conformet, conditionate solum salutem suam petere debet.

R. neg. conseq. Nemo enim est Fidelium, qui * firma fide credere non debeat, Deum salutem ejus velle, & Christum ex sincera ejusdem salvandi voluntate, suum effudisse sanguinem; ergo quò certius est paucos esse qui salvi fiant, eò magis oranda est & inquirenda salus nostra, juxta id II. Petri c. 1. *Magis satagite ut per bona opera, certam vestram vocationem & electionem faciatis*. Contemplantes, ait Apostolus Heb. 12. *ne quis desit gratiæ Dei*, Obj.

Obj. 2
dimittit po
libro tuo
anathema
Dei amor
ipfi etiam
fuerit.

R. neg.
bus sigilla
Ad 1.

viventium
fit: si no
ra, quale
Ita S. H
Lib. 10.
simili lo

..... ut in

Augusti
quitar Mo

sis hyper
similis qu
ret: Occi

Hac rec
idem er

& Paul
que

Quod
co eum

adducta
suorum

expiation
simam n

nomen
expositus

Equid
solumus

ant, ne
quam ex

Ambrosi
& separa

cato opt
Sed n

ham, ide
solumus

* Hic

Obj. 2do. Moïses Exod. 32. sic Deum alloquitur: *Aut dimitte populo hanc noxam, aut si non facis, dele me de libro tuo quem scripsisti.* Et Paulus Rom. 9. *Optabam, inquit, anathema esse à Christo pro fratribus meis;* ergo perfectus Dei amor ac proinde perfecta oratio, sic institui debet, ut ipsi etiam aeternæ salutis renuntiet homo, si sic Deo vitium fuerit.

R. neg. conseq. quæ non sequitur ex allatis textibus, quibus sigillatim respondendum est.

Ad 1. Nonnulli Patres verba Moïsis intelligunt de libro viventium non in cœlo, sed in præsentī vita, ita ut sensus sit: si non parcis populo huic, exscinde me morte immatura, qualem præparas impiis *qui non dimidiabunt dies suos.* Ità S. Hieronymus in Epist. ad Algasiam, & S. Gregorius Lib. 10. Moral. cap. 7. eaque solutio confirmari potest ex simili locutione quæ habetur Num. 11. *Sin aliter obsecro ut interficias me.*

Augustinus verò & alii qui cum ipso, librum de quo loquitur Moïses, intelligunt de libro vitæ aeternæ, in verbis Moïsis hyperbolem agnoscunt, & expressionem maximi affectus, ei similis quo mater, ad placandos mariti filio irati animos diceret: *Occide me, si hanc proli meæ offensam remittere nolis.* Huc redeunt solutiones ad Pauli textum mox afferendæ: idem enim est utriusque loci sensus, quia idem erat *Moïsis & Pauli affectus*, ut ab Hieronymo ibid. notatum est. Itaque

Quod spectat ad textum Apostoli, Hieronymus citato loco eum post Origenem exponit eodem sentu quo superius adducta Moïsis verba: adeò ut S. Paulus optet pro fratrum suorum salutē anathematizari à Deo, id est, instar victimæ expiationis dura quæque ac horrenda, ac demum immanissimam mortem perpeti; sic enim sæpe in scriptura sumitur nomen anathematis, ut animadvertit S. Doctor. Textus sic expositus nihil nobis nocet.

Equidem expositionem hanc eo usque infestatur S. Chrysostomus, ut dicat eos qui verba Pauli ad hunc sensum flectunt, non magis *Paulum agnoscerè, quam cacos quemquam ex Solis radiis.* Unde censet S. Doctor, & cum eo Ambrosius, Paulum desiderasse esse anathema, id est, abesse & separari, non quidem à charitate Christi, quod sine peccato optare non poterat, sed ab ejus præsentia & fruitione.

Sed neque hæc interpretatio Mysticis prodest, quia optabam, idem est ac *optarim*, vel *optarem*, ut habent tum Chrysostomus, tum Lectio Syriaca & Æthiop. Optasset ergo S.

* *Hic Serm. 16.*

Pau-

Paulus anathema esse si hoc licuisset, ut notat S. Thomas in hunc locum: non optavit autem de facto, quia sciebat id nec licere, nec fieri posse, præsertim pro Judæis, quorum futuram reprobationem noverat. Sic jubebat idem Gentium Doctor, dici anathema Angelo de cælo, si extraneam inveheret doctrinam, quam sciebat à spiritu cœlesti afferri non posse.

Multò minus iisdem Mysticis prodest expositio S. Anselmi & Toleri, qui vocem *optabam*, referunt ad tempus quod S. Pauli conversionem præcessit, ut is sit sensus: Meum erga Judæos fratres meos zelum nemo inficiari potest. Certè eo usque fidem Christi detestabar olim, ut ab eo ejusque religionem perpetuò separari exoptarem, quam proinde si nunc annuntio, non ex præjudiciis, sed ex intima convictione annuntio. Ex textu autem tam obscuro, totque sensuum capaci, quid inferre possunt Mystici?

† Quæres quanam oratio ceteris præstet, & ut sic frequentius sit populis inculcanda.

R. orationem Dominicam, ceteris præstare; & quidem, 1mo. *authoritate*, quia a Christo Domino tradita est & instituta; 2do. *brevitate*, quia paucissimis verbis complectitur & docet, non solum quid petendum sit; sed etiam quid credendum, sperandum, diligendum, & fugiendum, unde vocatur a S. Cypriano: *Compendium doctrinæ cœlestis*; 3tio. *efficacia*, quia nihil Patri cœlesti acceptius esse potest, quàm si ipsum ea formula invocemus: quæ ab unigenito ejus Filio præscripta est; 4to. *necessitate & ordine*; quæ duo paulò latius sunt exponenda.

Primò quidem adedò necessaria est oratio Dominica, ut omnes eam scire teneantur, ac frequenter recitare. Patet id 1mo. ex distinct. 4. cap. 105. ubi citantur hæc S. Augustini verba patris alloquentis: *Ante omnia Symbolum & Orationem Dominicam & non ipsi tenete, & illis quos suscipiſtis de sacro fonte ostendite*; 2do. ex Pontificali Romano ubi monentur susceptores, ut quos ad Confirmationem tulerint, Orationem Dominicam doceant cum Salutatione Angelica, utpotè qui ad hoc sint obligati. Hinc in II. Synodo Provincia Cameracensis tit. 11. c. 6. statutum est ut ad matrimonium non admittantur, qui ignorant Orationem Dominicam, Salutationem Angelicam, Symbolum, Decalogum, & quinque Ecclesiæ Præcepta.

Si quis tamen tam hebes foret, ut nequidem orationem hanc posset ediscere, non ideo extra salutis portum locandus esset, cum ad impossibile nullus obligetur.

Secun-

Secund
Oratione
petuntur
ne quo
desiderio
tineantur
sualet, nihil
juice fidei
Nam
ba hæc,
in calis.
magna e
ibique u
prema e
poni non
æqualis
Tertio.
bet omni
dupliciter
gloriz bu
latus pe
lebreur
sequenti
nos aliq
tione m
Quarto
dum hui
mandator
va mand
petimus
ea Sancti
solicitud
2do.
ceteraſq
Dei con
Panem
subsidio
exponat
rali intel
in prece
facere vo
3tio. I
dine con
cata scilicet
* Tertu

Secundò, Oratio Dominica ordine suo commendatur. In Oratione Dominica, ait S. Thomas hic art. 9. *non solum petuntur omnia quæ desiderare possumus, sed etiam eo ordine quo desideranda sunt.....manifestum est enim quod cadit in desiderio nostro finis: deinde ea quæ sunt ad finem; quæ obtineantur, necessaria est illa fiducia quæ facit ut quis possulet, nihil hæsitans: atqui & finis, & media, & motiva huic fiduciæ in Oratione Dominica reperiuntur.*

Nam primò quod ad fiduciam attinet; hanc excitant verba hæc, quæ præambuli locum tenent: * *Pater noster qui es in cælis.* Si enim pater sit, adèd ut tam pater nemo; ergo magna ejus in nos filios suos benevolentia. Si sit in cælis, ibique ut Rex supremus, dominetur; ergo magna est & suprema ejus potestas. Porro majus fiduciæ motivum proponi non potest, quàm impenfa benefaciendi voluntas, & æqualis huic voluntati potentia.

Tertio. Eadem oratio continet finem in quem tendere debet omnis affectus noster. Is enim finis Deus est in quem dupliciter ferimur: 1mo. volendo Deo gloriam ejus; 2do. gloriæ hujus fruitionem nobis exoptando: atqui primum volumus per hæc verba: *Sanctificetur nomen tuum;* id est celebretur ab omnibus. Secundum verò intendimus per subsequencia: *Adveniat regnum tuum;* per quæ petimus ut Deus nos aliquando faciat regni illius participes, quod à constitutione mundi nobis præparavit.

Quarto. Eadem oratio media nobis suppeditat ad assequendum hunc finem. Hæc enim media sunt, 1mo. observatio mandatorum juxta id Christi; ** *Sivis ad vitam ingredi, serva mandata:* atqui cùm dicimus: *Fiat voluntas tua, &c.* id petimus unum ut Dei mandata observemus in terra, sicut ea Sancti & Angeli servant in cælo, id est ea omni cura & sollicitudine qua poterimus.

2do. Præsentis vitæ subsidia, quæ ad victum, vestitum, ceterasque vitæ necessitates pertinent, & instrumentaliter ad Dei consecutionem juvant; hæc autem petimus his verbis: *Panem nostrum quotidianum dā nobis hodie:* quæ licet de subsidio spirituali, & Eucharistia, à SS. Patribus non paucis exponantur, optimè tamen & fortè melius de pane temporali intelligi possunt; quia alioqui hæc petitio includeretur in precedenti, cùm ex Joan. 4. spiritualis animæ cibus sic facere voluntatem Dei.

3tio. Demum remotio obstaculorum, quæ nos à beatitudine comparanda impedire solent. Hæc verò tria sunt, *peccata* scilicet, quo ad culpam & poenam, quibus plenè non

* Tertull. ** Matth. 15.

remif-

remissis nullus regnum Dei possidebit; *tentatio quæ nos à Deo retrahit, & ad malum sollicitat; ac denique malum, seu pænalitas præsens, ut fames, bellum, pestis, & quidquid peccandi occasio esse potest.* Ab his autem liberari petimus his verbis: *Dimitte nobis debita nostra nè nos inducas in tentationem libera nos à malo.* Additur ut epilogus *Amen,* quæ vox passim idem est ac *fiat vel utinam omnia hujusque postulata eveniant nobis, sicut petita sunt.*

Ne autem effectu suo frustretur oratio tam salubris, cavendum nè eam recitando, aliud verbis, aliud opere & corde loquamur. Qui enim peccata levia spernit, qui cupiditates coercere non curat, qui non satagit an alii Deum timeant, necne, an seridè & verè satis dicit: *Sanctificetur nomen tuum: fiat voluntas tua, sicut in celo, &c. ne nos inducas in tentationem?* Similiter injuriarum memor, & proximi defectus impatienter ferens, an non iram Dei sibi imprecari videtur, cum ait *dimitte nobis sicut dimittimus; an non reipla postulat eadem à Deo severitate excipi, quâ fratrem suum excipit ipse?*

ARTICULUS SEXTUS.

Pro quibus orandum.

Eorum pro quibus an orare liceat, ambigi potest, alii sunt viatores, alii extra viam positi. Sit

CONCLUSIO I. Orandum est pro viatoribus omnibus, sive justis sive justis sint, sive amici, sive inimici, sive Fideles, sive non.

Prob. 1mo. ex Apost. 1. ad Tim. 2. *Obsecro primum omnium fieri obsecrationes, orationes, postulationes, gratiarum actiones pro omnibus hominibus. Pro Regibus, qui ethnici erant, & omnibus qui in sublimitate sunt..... hoc enim bonum est acceptum coram Salvatore nostro Deo qui omnes vult salvos fieri, &c. Jacobi 5. Orate pro invicem ut salvemini. Et Matth. 4. Orate pro persequentibus & calumniantibus vos: atqui hi textus adstruunt necessitatem orandi pro omnibus sine exceptione, & pro iis etiam de quorum salute parum sperabatur; ergo.*

Prob. 2do. ex Patribus, quorum instar in re tam clara sit S. Cyprianus in expositione Dominicæ Orationis: *Noluit pacis Doctor ut quis pro se tantum precetur: non enim dicimus: Pater meus; nec, panem meum da mihi, &c. sed: Pater noster, panem nostrum da nobis, &c.*

Prob.

Prob.
mus pre
nobis, se
proximu
Obj.
certum e
minibus
futura sit
leratis, c
dus mut
quia ut
cit judic
pauperer
R. pr
graves h
adhuc ta
orare ter
Quia an
ut docet
sperari po
que con
ex prace
sibilitate
riur.
Obj.
tem, no
orare pro
quibus or
R. im
telligunt
tali pecc
R. 2do
quidem
audeo pe
elles; &
ta spe i
Quod
pro popu
tendis ab
decreto P
Obj. 3o
econtra i
Delectant
omnium
* Jerem.

Prob. 3tio. Quod aliis optare debemus, hoc & aliis debemus precari: atqui ex charitate tenemur multa non solum nobis, sed etiam aliis exoptare; alioqui jam non diligimus proximum sicut nos; ergo.

Obj. 1mo. Pro iis orandum non est, quibus moraliter certum est inutilem fore orationem: atqui de innumeris hominibus moraliter certum est quod oratio iisdem inutilis futura sit. Minor patet potissimum de tot infidelibus & sceleratis, qui non magis converti possunt, quam possit * *pardus mutare varietates suas*. Major non minus certa est: quia ut v. g. non tenearis dare Petro eleemosynam, sufficit judicium moraliter certum quo judices Petrum non esse pauperem; ergo à pari.

R. pratermissa majore, neg. min. 1mo. quia quantumvis graves habere quis possit de reprobatione sua conjecturas, adhuc tamen ex charitate quam sibi debet, pro semetipso orare tenetur; quidni ergo alii pro ipso orare debeant? 2do. Quia *ante finem hujus vitæ de aliquo desperandum non est*, ut docet Augustin. L. 1. de Cor. & Gr. c. 15. ergo pie sperari potest Deum qui tot sceleratos, convertit, & hunc quoque conversurum. Nec simile est de eleemosyna, quæ ut ex præcepto fieri debeat, non sufficit judicium de mera possibilitate paupertatis, sed aliquid certius ac fundatius requiritur.

Obj. 2do. 1. Joan. 5. sic habetur: *Est peccatum ad mortem, non pro illo dico ut roget quis*. Et Jerem. 7. *Noli orare pro populo hoc*. Ergo quidam sunt peccatores pro quibus orandum non sit.

R. 1mo. si per peccatum ad mortem, intelligatur, ut intelligunt multi, impenitentia finalis, mirum non esse si pro tali peccato, nec oretur, nec orari debeat.

R. 2do. sensum hujusce versûs istum esse, non prohibeo quidem nè pro eo oretur qui talis peccati reus est: sed nec audeo polliceri id quod pro ipso postulabitur, impetrandum esse; & ideo *non dico ut roget quis*, nimirum cum ea certa spe impetrandi, de qua sermo est in præcedenti versu.

Quod spectat ad textum Jeremiæ, non prohibuit Deus ne pro populi salute oraret Propheta; sed nè oraret pro aver-tendis ab eo temporalibus miseriis, quæ eidem efficaci Dei decreto præparatæ erant.

Obj. 3tio. Sancti nedum pro omnibus orarent in bonum, econtra iis sæpissimè malum imprecari sunt, ut Psal. 68. *Deleantur de libro viventium*; ergo non est orandum pro omnium conversione.

R.

* Jerem. 3.

R. imprecationes illas meras esse prädictiones, ita ut deleantur, &c. idem sit ac certissime delebuntur. Alii tamen verba hæc sic intelligunt: Deleantur quamprimum de libro viventium, si futurum sit ut peccata peccatis ingenerent; factis enim est ut cito pereant minus rei, quam ut diutius peccent, crudelius in inferno puniendi. Alii denique per librum viventium intelligunt hominum memoriam, unde Chald. vertit: *Deleantur e libro memorie viventium*; quia æquum est ut nomen impiorum putrescat. Prov. 10.

CONCLUSIO II. Neque pro beatis qui sunt in cœlo, neque pro iis qui in inferno sepulti sunt, orare licitum est.

Prob. 1. pars, quia, ut fert vulgatum illud S. Augustini Serm. 17. de verbis Apostoli: *Injuriam facit Martiri qui orat pro Martyre.*

Cum hoc tamen stare potest quod oremus pro accidentali aliqua Sanctorum gloria, quam & ipsi sibi à Deo postulare possunt. Et hoc sensu intelligunt aliqui orationes quibus petit Ecclesia ut quod offert Sacrificium, *prosit Sanctis ad gloriam, sicut prodest nobis ad medelam.* Vide Innocent. III. in cap. 6. de celeb. Missar.

Prob. 2. pars. Pro iis orandum non est, qui precibus nostris juvari non possunt: atqui damnati, &c. unde receptum illud: *In inferno nulla est redemptio.*

Prob. 2do. ex S. Gregorio Magno, cujus autoritas sola hic dubium movet. Sic ille Lib. 34, Moral. c. 16. *Si quandoque finienda sunt supplicia reproborum, quandoque finienda sunt ergo & gaudia beatorum. Per semetipsum namque veritas dicit: Ibunt hi in supplicium æternum, justi autem in vitam æternam.* Unde sic: Pro iis orari non potest, qui statim ac damnati sunt, non ad tempus sed in æternum damnati sunt, adeoque qui nulla possunt oratione liberari: atqui tales sunt reprobi, ex S. Gregorio.

Obj. 1mo. Docet S. Damascenus Trajanum ab inferis eductum fuisse per preces S. Gregorii Magni; ergo utile est pro reprobis precari.

R. 1mo. Supposita hujus historiae veritate, id unum sequitur fieri posse de absoluta & extraordinaria Dei potentia, ut quis ab inferis revocetur. At inde non sequitur pro reprobis orandum esse, cum Joannes Diaconus, qui ex quibusdam Anglorum codicibus, suscitati Trajani historiam finxit, expresse asserat S. Gregorium post obtentam hujus Principis salutem, monitum fuisse ne ulterius pro ullo pagano post ejus mortem oraret.

R. 2do. Hæc liberati ab inferis Trajani narratio, & preces

ees pro ipso ad Deum fusa à S. Gregorio, mera sunt feriantis ingenii commenta: imo, quia probabile non est S. Gregorium orasse pro Principe flagitiosissimo, Christianorum persecutore, infami puerorum amori dedito, qualis fuit Trajanus; 2do. quia Bedà quem S. Gregorii studiosissimum fuisse constat, & ipse S. Gregorius qui suis in Dialogis multa longè minoris momenti refert, nihil unquam hac de re tradiderunt; 3tio. quia ubique S. Pontifex docet non magis licere viventibus orare pro damnatis, quàm pro *Diabolo, Angelisque ejus aeterno supplicio deputatis.*

Equidem salvati Trajani fabula extat in orat. de Fidelibus defunctis; verum oratio hæc non est S. Damasceni, sed imperiti alicujus Scriptoris, qui eam erroribus compegit: imo, enim autor hujus orationis supponit preces & Missæ sacrificia pro damnatis etiam offerri posse, & ait eum esse Catholicæ & Apostolicæ Ecclesiæ sensum: atqui in errorem addè scèdum non impegit S. Damascenus, qui Lib. 2. de Fide Orthod. c. 4. disertè docet quòd *hominibus postquam ex hac vita migraverunt, præclusa jam sit omnis respiciendi facultas*; 2do. Pseudo Damascenus ibidem docet ethnicos Philosophos, qui providentiam, non tamen sine erroris labe fuerant venerati, à Christo ad inferos descendente, fidei radiis fuisse illustratos, & solutos à vinculis inferni. Quis verò tam insulsam opinionem vero Damasceno attingere auserit? 3tio. Docet idem autor eos *omnes* qui Christo crediderint, *salutem consequi*, quod erroneum est, & supponit vel habitam semel justitiam nunquam amitti, vel semper recuperari.

Inst. Euchologium Græcorum hæc habet cap. 96. *Quemadmodum Trajanum per intensam servi tui Gregorii intercessionem flagro solvisti, exaudi etiam nos te orantes, &c.*

R. imo. cum Nat. Alexandro, *Ecclesiæ Græcæ Romanam opponimus, ceterarum Ecclesiarum matrem & magistram, ex Concilio Lateranensi IV. hujus Pontifex omnium Christianorum pater est & doctor*, ut Græca ipsa Ecclesia in Concilio Florentino professæ est: hæc namque Ecclesia fabulam illam jam ab ipso Joannis Diaconi tempore explodebat, & in piacularibus precibus canit: *In inferno nulla est redemptio.* Neque verò mirum est fabulam hanc adoptatam esse à Græcis, qui ab eo præsertim tempore quo per schisma à Latinis recesserunt, in tot prolapsi sunt errorum monstra.

Inst. 2do. Trajani liberatio ab inferis revelata est Sanctæ
Moral. Tom. I. O o Bri-

Brigitæ, Lib. 4. Revel. c. 13, ergo pro fabula haberi nequit.

R. Si Augustino dicere licitum fuit, * *Evangelio non credentem, nisi me Catholica Ecclesiæ commoveret autoritas*, à fortiori licere non habere fidem revelationibus Ecclesiæ auctoritate non comprobatis. Atque id magis est verum, cum hujusmodi revelationes vergunt in destructionem legis à Deo constitutæ qualis ea est quæ cruciatibus æternis omnes prorsus reprobos alligat.

Sunt tamen qui credant S. Brigitæ verba intelligi posse de liberatione non quo ad substantiam, sed quo ad aliquam mitigationem; unde censent potuisse fieri ut S. Gregorio non quidem orante pro Trajano, sed velleitatem aliquam habente ut damnatus non esset, si id Justitiæ Dei, & statutis ab eo de mala reproborum æternitate legibus non repugnaret, mitigata sint hujus Imperatoris supplicia: certè enim, inquit, sunt ex SS. Patribus, qui probabile putant minui aliquando, aliquando augeri damnatorum pœnas. Opinione hanc proponit & permittit Augustinus Enchir. cap. 112. his verbis: *Pœnas damnatorum certis temporum intervallis existiment, si hoc eis placet, aliquatenus mitigari: etiam sic quippe intelligi potest manere in illis ira Dei hoc est ipsa damnatio ut in ira sua non tamen contineat miserationes suas, non æterno supplicio finem dando; sed levamen adhibendo, vel interponendo cruciatibus.*

CONCLUSIO III. Orandum est pro Fidelibus in charitate defunctis, quibus aliquid expiandum superest.

Prob. ex Tridentino sess. 6. can. 30 & sess. 25. ubi doctrina Purgatorii meritò dicitur sacris literis, antiquæ Patrum traditioni, & Conciliis consentanea. Verùm hæc fusiùs non prosequimur, nè actum agamus.

Quæres imo. quomodo sacrificia, orationes & indulgentiæ mortuis applicentur.

Resp. hæc applicari non per modum judicii & absolutio- nis, sed per modum suffragii.

Prob. 1. pars, Quia Ecclesiæ judicium exercere non potest in eos qui jurisdictioni suæ non subiacent: atqui tales sunt mortui qui solius Dei foro subditi sunt; ergo.

Prob. 2. pars, quia suffragium Ecclesiasticum est *opus bonum, satisfactorium*, adeoque Pœnale, remissionis pœnæ proximi impetratorium; ergo si orationes, sacrificia, indulgentiæ mortuis prosunt, ut docet fides, non iis prosunt nisi permotum suffragii.

Quæres 2do. an oratio pro pluribus defunctis facta æque
* Cap. 5. contra Epist. fundam. n. 6. prosit

profit omnibus, ac si pro uno tantum fieret. R. si agatur de oratione secundum quod est satisfactoria, eam non æquè prodesse omnibus, quia ut sic est finita; finitum autem inter plures divilum, minus singulis contingit. At si agatur de oratione prout impetratoria, censent multi eam perinde prodesse omnibus, sive paucis, sive multis applicetur. Impetratio enim nititur tantum, aut saltem nititur præcipue Dei misericordiâ: atqui Dei misericordia non minuitur eò quod oratio fiat pro multis; imò potius videretur augeri, quia major est misericordia ex parte Dei, ubi major est charitas ex parte hominis: hæc autem eò major est, ceteris paribus, quod ad plures extenditur.

Quæres 3tio. quanto tempore orandum sit pro mortuis, & an diu remaneant in Purgatorio.

R. Qui fundationes pro mortuorum salute implendas habent, easdem etiam post mille annos implere tenentur; quia ignota sunt judicia Dei; unde meritò proscripita est ab Alexandro VII. hæc propositio n. 43. *Annuum legatum pro anima relictum, non durat plus quam per decem annos.*

Quæres 4to. quid sentiendum de Presbytero qui tot accipit Missarum stipendia, ut easdem non nisi longo post tempore celebrare possit.

R. cum omnibus, æum graviter peccare utpotè qui sit notabiliter in mora satisfaciendi debito iustitiæ, cui tenebatur intra modicum tempus satisfacere: hoc enim regulariter intendunt, hoc exigunt qui stipendium dant. Et ideo S. Congregatio prohibuit nè accipiantur elemosynæ pro Missis, nisi intra modicum tempus omnibus satisfieri possit. Porro ex multò communiore sententia, cui adharendum est, non censetur intra modicum tempus satisfacere, qui intra duos circiter menses non satisfacit: unde graviter peccat, qui ultra hoc tempus differt, nisi is qui dat stipendium, expressè aut virtualiter consentiat in dilationem, ut consentire censetur, cum uni Sacerdoti extra Communitatem constituto ducentarum Missarum stipendia largitur.

Dixi, *extra Communitatem*; quia cum Communitas multis constat Sacerdotibus, præsumunt qui pro multis Missis elemosynam præbent, futurum ut ex inter omnes distribuuntur, quod citius celebrari possint. Videant ergo aliqui quâ conscientia, sub prætextu ne sibi Missæ deficiant, tot accumulæ, ut nequidem anni unius spacio easdem exsolvere possint. Et quidem si Missæ in solatium & levamen mortuorum petita sint, videant an ad medium annum in igne devorante commemorari velint.

CAPUT TERTIUM.

De Horis Canonicis.

UT materiam hanc, quæ multa scitu necessaria completur, clariori methodo pertractemus, videndum 1mo. quid sint Horæ Canonicae, & qui ad eas teneantur; 2do. quo Breviario utendum sit; 3tio. quis ordo & tempus in privata Officii recitatione servari debeant; 4to. quomodo Officium debeat recitari; 5to. dicendum de publica, quæ fit in Choro, Officii recitatione; 6to. & 7mo. discutiendæ sunt tum causæ quæ ab Officii recitatione dispensant, tum obligationes eorum qui non recitaverunt.

ARTICULUS PRIMUS.

Quid sint Horæ canonicae, & qui ad eas teneantur.

HORÆ canonicae sunt quædam preces vocales ex Canonum præscripto regulariter recitandæ à personis ad id deputatis. Preces illæ vocantur Horæ, Breviarium, & Officium canonicum. Horæ quidem, quia certis horis, nocturnis & diurnis, juxta locorum consuetudinem sunt persolvendæ. Breviarium verò sive quia utrumque Testamentum, Patrum sententias, & vitas Sanctorum, compendiosè continent; sive quia Officium ut nunc recitatur, non est nisi compendium Officii multò longioris quod primis temporibus recitabatur. Denique Officium divinum, canonicum & Ecclesiasticum: canonicum quidem, quia ad Dei cultum juxta Canonum regulas institutæ sunt, & à viris canonicè seu regulariter viventibus persolvi debent; Ecclesiasticum verò, quia Ecclesiæ nomine persolvuntur: unde preces sunt publicæ, etiam cum privatim recitantur; adeoque & eas Clerici non pro se ipsis solis, sed & pro tota Fidelium multitudine fundere tenentur.

Horæ Canonicae sunt septem scilicet Matutinum cum Laudibus, Prima, Tertia, Sexta, nona, Vesperæ & Completorium. Quòd autem Matutinum & Laudes unam tantum horam constituent, hinc patet quòd unà solùm Oratione terminentur. His porrò septem horis representantur & honorantur tum septem Spiritus sancti dona, quæ recenset Isaias cap. 11. tum

tum præcipuè septem Dominicæ Passionis mysteria, hisce
versibus contenta.

*Hæc sunt septenis propter quæ psallimus horis.
Matutina legat Christum, qui crimina purgat:
Prima replet sputis, dat causam tertio mortis;
Sexta cruci necit, latus ejus Nona bipartit.
Vespera deponit: tumulo Completa reponit.*

Quares quo tempore institutæ sint horæ canonicæ.

R. Horas spectari posse, vel secundum substantiam, vel
secundum formam quam nunc habent.

Si Horæ spectentur secundum substantiam, nempe pro
precibus quæ quotidie statis horis à Fidelibus persolveban-
tur, credibile est eas ab Apostolis emanasse: imo. enim le-
gitur Act. 2. quod nascentis Ecclesiæ Fideles erant perseve-
rantes in fractione panis, & orationibus; seu, ut ait Apo-
stolus Ephes. 5. in Psalmis, Hymnis, & Canticis spirituali-
bus; 2do. Tertullianus Horas vocat Apostolicas. Quare au-
tem, nisi quia ab Apostolis emanarunt? 3tio. Constitutiones,
quæ licet, falsò Apostolis attribuantur, magnæ tamen sunt
antiquitatis, sic habent Lib. 8. cap. 40. *Preces vestras facite
diligulo, tertia hora, sexta, nona, vespere & in galli cantu.*
Ex his porrò orationibus, psalmis & canticis, temporum lap-
su efformatum fuisse Breviarium, probabile est; atque hoc
orandi genus tam regulariter observabatur, ut * S. Germa-
nus Parisiensis, referente Fortunato: *Equitans, cursum: id est
Horas, nudo capite diceret, etsi hiems, aut nix urgeret*

Quod spectat ad Breviarii formam, refert Radulphus, De-
canus Tongrensis, ineunte seculo XIII. brevium fuisse in
Æde sacra Pontificia Officium, quod ideo dicebatur *Offi-
cium brevium Curiae Romanæ vel breve orarium.* Addit
idem discipulos S. Francisci hanc brevioris Officii formam,
prout in Ecclesia Lateranensi usurpabatur, amplexos fuisse;
eum autem eorum unus, Haymo nomine, Breviarium, in eo
in quo nunc est statu reposuisset, præcepit Nicolaus III. ut
ab omnibus Ecclesiis assumeretur. Ea de re legi utiliter po-
test Thomassinus Discip. Ecclesiast. pars. 4. Lib. 1. cap. 4.
ubi & obiter probat precem *Dominus vobiscum*, non esse omit-
tendam, vel mutandam ab iis qui Officium privatim reci-
tant, cum ii & uniti & maximè præsentés sint toti Ecclesiæ
corpori.

Jam videndum quinam ad horas teneantur. Triplex est
eâ de re difficultas: prima, de Clericis, qui sacris ordinibus

* *Obiit. ann. 576.*

O o 3

sunt

sunt initiati; secunda, de Beneficiariis; tertia, de Personis Religiosis. De Religiosis dixi Tom. I. pag. 486. De aliis sit.

CONCLUSIO. I. Clerici omnes in sacris constituti; etiam si Beneficarii non sint, sub mortali tenentur ad Officii recitationem, etiam extra Chorum.

Prob. 1^{mo}. quod ad Presbyteros ex concilio Agathensi * *Presbyter, inquit, manè Matutinali Officio expleto, pensum servitutis suæ, videlicet Primam, Tertiam, Sextam, Nonam, Vesperam, ut exolvat.* Hic porro agitur de privata recitatione, cum idem Canon præcipiat, ut ille Presbyter curet Officium publicè recitari, si fieri potest.

Prob. 2^{do}. ex Sess. 21. Concilii Basileensis ** quæ antè schisma celebrata est, en ejus verba: *Quoscumque Beneficiatos, seu in sacris constitutos, cum ad Horas canonicas teneantur, admonet Synodus, &c.* ubi non conditur nova lex, sed condita supponitur.

Prob. 3^{io}. quia consuetudo ubique recepta, vim legis habet: atqui dudum in Ecclesia tum Occidentali, tum Orientali recepta est consuetudo, ut Clerici in sacris, ad Officii recitationem teneantur; unde hîc dici potest quod in similibus dictum est à Tertulliano: *Harum & aliarum ejusmodi disciplinarum.....traditio tibi prætenditur autrix, consuetudo conservatrix, & fides observatrix.*

Dici 1^{mo}. Clerici in sacris, quia ex universali consuetudine manifestum est, onus Officii recitandi minoribus Clericis non incumbere.

Dixi 2^{do}. omnes, nè iis quidem exceptis, qui suspensi, excommunicati, aut etiam degradati, & depositi fuissent: quia nemo ex improbitate sua debet reportare commodum. Quæ ratio probat Sacerdotem irremediabiliter damnatum, Officio teneri, si ipsum absque notabili dedecore sui statûs, & verberum periculo persolvere possit. Idem dicendum de incarcerato, de capto à Piratis, imò de eo qui dispensante Papâ uxorem duxisset, nisi simul ab Officio dispensatus esset.

Si quis tamen coactè ordinatus fuisset, non teneretur ad Officium, nisi voluntariè postmodum uteretur Ordine suscepto. Ratio est, quia tale opus nemini invito imponi potest. Et hoc extendunt multi ad eum qui ordines ante pubertatis annos suscepisset.

Idem dicendum de eo, qui ex metu modò gravi Beneficium recepit; nisi vel de novo in Beneficii hujus acceptionem consentiat, vel ejusdem fructus percipiat; fructus enim non dantur nisi propter Officium. Ceterum si metus esset, tenetur Clericus ille quamprimum Beneficio renuntiare.

* Annò 506. ** Annò 1435. 9. Junii.

Dixi

Dixi 3tio. *sub mortali*; quia fatentur doctores omnes, legem in materia tam gravi, & ob causas adeo graves sanctam, obligare sub mortali; & id ex infra dicendis uberius confirmabitur.

Quæres. an Subdiaconus teneatur ad totum Officium ea ipsa die quâ Ordines suscipit.

R. eum non obligari, nisi ad partem quæ respondet tempori quo Subdiaconatus Ordine insignitur: unde si ordinem hunc recipiat horâ circiter nonâ matutinâ, tenebitur solum ad Tertiam & sequentes hujus diei Horas. Ratio est quia Ecclesia variarum Officii partium recitationem, variis diei partibus alligavit, & nulla lex vim habeat retroactivam, nisi aliter expresse declaret. Unde si quis ad Subdiaconatum promovendus, ante ordinationem Officium suum recitaverit; teneretur idem repetere quia Officii recitatio quam à Subdiaconis exigit Ecclesia, ejusdem nomine persolveri debet: porro non potest quis Ecclesiæ nomine Officium recitare, antequam Subdiaconus creatus, fuerit; quia non est Minister ab Ecclesia deputatus, nisi cum Subdiaconatum suscipit, aut Beneficio donatur.

An rigore teneantur Clerici ad eas preces quæ post ordinationem ab Episcopo injunguntur, disputant Theologi. Negant plures, quia, inquit, onus illud non est à consuetudine acceptatum saltem sub peccato. Fatendum tamen in iis qui pensum hoc omittunt non nihil esse negligentiam, & inobedientiæ, quod vix ab omni culpâ eximi possit. De cetero Nocturnum quod tunc imponi solet, est ipsius sabbati Nocturnum, etiam si fiat de Sancto, nisi aliud expresse rit Episcopus ordinator: & quia non imponitur recitatio Matutini, sufficit Psalmorum ejusdem feriæ recitatio.

Quod ad Beneficiarios attinet, eorum alii vel sufficientes, vel non omnino modicos redditus à Beneficiis percipiunt; alii vel nullos, vel admodum mediocres. De utrisque dicendum sit igitur.

CONCLUSIO II. Beneficarii ad Officii divini recitationem tenentur.

Prob. 1mo. iisdem argumentis præsertim secundo & tertio, quibus supra probavimus Clericos in sacris ad Officii divini recitationem teneri.

Prob. 2do. ex Concilio Lateranensi V. sub Leone X. Sess. 9. ubi sic: *Statuimus & ordinamus, ut quilibet habens Beneficium cum cura, vel sine cura, si post sex menses ab obtento Beneficio divinum Officium non dixerit, legitimo impedimento cessante, Beneficiorum suorum fructus suos non faciat pro rata omissionis recitationis Officii & temporis; sed eos*

fructus tanquam injustè perceptos, in fabricam hujusmodi Beneficiorum, vel pauperum elemosynas, erogare teneatur; si verò ultra dictum tempus in simili negligentia contumaciter permanserit, legitima monitione præcedente, Beneficio ipso privetur, cum propter Officium detur Beneficium. Decretum hoc confirmavit & explicuit Pius V. an. 1571. in Bulla 135. de quâ in decursu loquemur, quàmque sponie laudant Gallicani Theologi.

Prob. 3tio. ad id tenentur Beneficarii, cujus, onus iisdem impositum est jure naturali: atqui recitandi Officii onus impositum est Beneficariis ipso jure naturali. Tum quia id saltem virtualiter sponderunt Beneficarii, ex quo Beneficia propter Officium dantur. Tum quia est non dubitandum quin Fundatores, si qui ante Horarum institutionem vixere, consenserint ut in sui gratiam quodcumque rationabile onus ab Ecclesia Beneficariis imponeretur: porro omnibus nunc Beneficariis imponit Ecclesia recitandi Officii obligationem; nisi fortè insufficiens sit Beneficii redditus, de quo infra.

Quæres 1mo. an quis teneatur ad Horarum recitationem, priusquàm Beneficii sibi collati possessionem inierit. R. non teneri, nisi aliud exigat Ecclesiæ suæ consuetudo: 1mo. quia ante initam possessionem, non censetur quis perfectè Beneficium consecutus, multaque occurrere possunt quæ impediant, ne *provisus* possessionem sumat; 2do. qui ante possessionem, Beneficiarius nullum Beneficii jus exercere potest, nullas functiones obire; ergo æquum non est ut ejus onera anteferat juxta Reg. 55. Juris in 5. *Qui sentit onus, sentire debet & commodum.*

At inquires, durum est quòd Ecclesia debito careat servitio.

R. mirum non esse si Beneficium vacans Officio privetur, porro vacat Beneficium quandiu actu non possidetur.

Sed hic duo notanda: 1mo teneri ad Breviarium eos qui culpa sua differunt Beneficii vacantis possessionem inire; quia ex Regulâ 25. in 6. *Mora sua cuilibet est nociva*; 2do. eos qui ante initam possessionem magnos quòsdam fructus actu percipiunt, ut in certis quibusdam Beneficiis contingit, ad Officii recitationem teneri, quia jam fruuntur præcipua Beneficii parte.

Quæres 2do. an duo qui de Beneficio contendunt ambo teneantur ad recitationem Officii.

R. si jus utriusque verè dubium, sit neutrum ad Officium etiam post aditam possessionem teneri: talis enim possessio nec pacifica est, nec jus certum tribuit, porro onus certum ex jure admodum incerto sequi non potest. At si verò al-
teru-

terutri de jure suo certò constet, ex jurisperitorum quos eà de re consuluit, sententiã, vel aliter; tunc longè probabilius est eam teneri Officii lege, qui ex tali possessione, licet nondum pacifica, sequitur jus moraliter certum.

Pari de causa ad Officium ii etiam tenentur, quibus, tametsi de litis successu certi non sint, adjudicata fuit recedentia, seu *per interim* Beneficii possessio: quia ii de facto Beneficii redditus percipiunt; atque etiã, causã excidant in peritorio, eam servare possunt fructuum perceptorum partem quæ labori suo correspondet.

Quæres 3tio. quid de iis dicendum qui sine sua culpa vel nullos omnino fructus vel admodum modicos percipiunt.

R. ad 1. vel deinceps aliquid sufficiens percipient, putã si cesser sterilitas, si pax bello succedat; vel nihil unquam percepturi sunt, ut si domus aquis abrepta perierint.

Si primum, non sunt à recitatione immunes: tum quia nulla est ratio quæ ipsos ab Horis excuset; tum quia cum fertilioribus annis abundantiotem percipiunt redditum quàm qui ipsã fundatione constitutus est, non plùs pro fundatoribus precum effundunt; ergo ut perfecta sit æqualitas, non minùs orare debent, si uno aut altero anno, nihil aut parum percipiunt. Hinc Canonici qui studiorum causã per plures annos non resident, nihilque percipiunt, eò quòd totus Beneficii redditus in distributionibus manualibus consistat, non eximuntur ab Officii recitatione, quia per ipsos stat quòd non recipiant fructum Beneficii.

Si secundùm, etsi divisi sunt Theologi, censeo; ut & alii longè plures, Beneficiarium ad nihil omnino teneri: quia Beneficiarius neque ex sua, neque ex Fundatoris intentione ad ullum se Officium obligat nisi aliqua sibi persolvantur stipendia. Est enim Beneficii fundatio quidam contractus *do ut facias*: ergo si unus partes suas non impleat, nec tenetur alter suas implere.

R. ad 2. in casu tenuis Beneficii, consulendum esse Episcopum, rebusque eidem ut sunt expositis, ejus decisioni parendum, aut saltem videndum esse, quid ferat locorum consuetudo cùm Prælati non resistant. huic porro consuetudini obsequendum erit si totius Officii recitationem præcipiat; si secus præsumendum erit generalem officii recitandi legem cum hâc restrictione iis in locis fuisse receptam: *Nisi Beneficia admodum tenuia sint*. Neque hæc consuetudo censeri debet contraria: tum quia Officium parvum B. Mariæ, aut majus Officium certis diebus recitandum, censeri potest servitium exiguis redditibus respondens; tum quia Benefi-

Beneficarii illi, præter communem bonorum Beneficii curam, quæ pretio æstimabilis est, ordinariè tenentur ad certum numerum Missarum; quæ prædictæ recitationi conjunctæ tenues illos redditus satis compensant. Si tamen Beneficium adæquet summam ad titulum Ecclesiasticum Dioecesanâ lege requisitam, adigendus videtur Beneficiarius ad Officii magni recitationem, nisi ætas junior Officium majus in Officium B. Virginis commutari permittat, de quo dicam art. 6. sequenti.

Quæres 4to. an ad Breviarii recitationem obligentur ii qui pensionem habent clericalem, super Ecclesiastico Beneficio constitutam.

R. eos teneri sub peccato & pœnâ restitutionis ad dicendum Officium parvum B. Mariæ Virginis, nisi magnum Officium recitare malint: 1mo. quia ita decrevit Pius V. jam citata Bulla 135. quæ in hoc puncto ubique recepta est; 2do. quia pensio hodie datur propter Officium, sicut Beneficium. In hoc verum est de eo etiam Clerico qui consensisset in pensionis suæ redemptionem: neque ei satis esse putem, ut solum reciter pro rata annorum quorum anticipatas solutiones accepit; quia cum semel totum recipere, idem sit in æstimatione communi, ac singulis annis recipere per partes, perpetua debet esse recitatio, ubi æquivalenter perpetua est solutio.

Quæres 5to. an qui Præstimonias habent, eâdem recitandi Officii lege teneantur.

Nota. Præstimonias sunt portiones quædam à redditibus Beneficiorum abstractæ, ut juvenibus per modum subventionis ad peragenda studia conferantur, aut personæ habili donentur ad serviendum Ecclesiæ. Duplex est Præstimoniarum genus, aliæ sunt perpetuæ, aliæ ad nutum revocabiles. His positis.

R. stando. in jure communi, habentes Præstimoniam tenentur ut alii Beneficarii ad Officium: 1mo. quia ita sancit S. Pius V. in Constitutione pluries laudata; 2do. quia Præstimonias perpetuæ ceteros Beneficii characteres habent: dantur enim ab Episcopo, non dantur nisi Clerico, dantur sine pacto, & tituli Ecclesiastici locum habent, præsertim in Armorica; ergo cum qui sentit commodum, debeat & onus sentire mirum est si ab Officio immunes sint, qui Præstimonias habent perpetuas.

Nihilominus cum olim eos consulissem, qui plenioris rei hujus noticiam habere poterant; responsum fuit hanc esse in Armorica consuetudinem, ut Præstimoniarum ad nihil teneatur.

neatur. Docet tamen Charioteau Præstimonarios obligari ad recitandum quinque singulis diebus *Pater & Ave*: quapropter ut occuratur scrupulis, videndi sunt si fieri possit, tituli fundationum, & consulendi locorum Præsules, è quorum re esse videretur ut generali sanctione declararent quid factum opus esset. Certè vix sibi quisquam persuadeat, Fundatores Præstimonias, quandoque Beneficiis æquivalent instituisse; absque eo quod intenderint ut præstimoniarii pluries eorum coram Deo recordarentur. Unde qui nullas unquam preces pro iisdem funderent, non possent culpæ omnis, illius præsertim quæ ingratum animum arguit, expertes judicari.

ARTICULUS SECUNDUS.

Quâ formâ recitandum sit Officium.

U explicetur quâ forma recitandum sit Officium, duo nobis præstanda sunt: 1mo. videndum quo Clerici divinis Officiis adstricti, uti debeant Breviario. 2do. quod & quale ejusdem Breviarii Officium singulis diebus recitare debeant.

Ut expediatur prima difficultas, sciendum est imprimis Pium V. an. 1568. abolevisse quæcumque alia Breviaria præter Romanum, illis tantum exceptis Ecclesiis quas ab ipsa prima Institutione à Sede Apostolica approbata vel consuetudine, quæ vel ipsa institutio ducentos annos antecedit, aliis certis Breviariis usos fuisse consulerit: & statuisse neminem ex iis quibus hoc dicendi, psallendique munus necessario impostum est, nisi hac sola formula satisfacere posse. Ut variæ circa hoc Decretum elucidentur difficultates.

Quæres 1mo an post eam Pii V. Constitutionem teneantur Clerici ad Breviarii Romani recitationem.

R. Clericus vel alicui Ecclesiæ actu mancipatus est titulo Beneficii, aut aliter, vel non.

Si primum tenetur recitare Officium Diocesis in qua vel Beneficium habet, vel servit, non autem Officium Romanum. Ratio est 1mo. quoniam, ut rectè norat S. Thomas, *quemadmodum Clericus quia Ecclesiæ mancipatus atque addictus est, ad Officium Ecclesiasticum obligatur; sic etiam quia tali Ecclesiæ ratione Beneficii addictus est, talis Ecclesia Officium recitare debet: quæ S. Doctoris verba indicant gravem esse eam quæ Beneficiariis Choro addictis incumbit, Diocesano Breviario inhaerendi obligationem; 2do. quia nemo ex Bullâ Pii V. collegit melius esse ut qui Ecclesiæ particulari quæ

Officio

* Quod. I. 6. art. 8.

Officio Romano non utitur, addicti sunt, Romanum proprio neglecto Officium recitarent: unde cum scripseret Cajetanus Clericos aut Monachos posse *sine peccato mortali* * Romanum Breviarium proprio Dioecesis suæ aut Ordinis Breviario antepone, respondit Bellarminus, cui ignota non erat Piana Constitutio *non esse id usque adeò certum vel tutum*. Idipsum sentiunt Navarrus, Tolerus, Pontas infra *cas.* 31. Hæc decisio, ut patet, non tangit Beneficiarios simplices, qui cum non teneantur Choro interesse, uti possunt Breviario Romano; quod & satis probari videtur usu ferè universali. Excipe tamen, nisi Episcopali lege sancitum sit, ut qui etiam privatim recitant, Dioecetano Breviario utantur; prout Mediolani sanxit S. Carolus, teste Bonacina.

Si secundum, id est si Clericus nec actu certæ Ecclesiæ serviatur, nec Ordini Religioso addictus sit; ei liberum est ubicumque sit, Ecclesiæ Romanæ, omnium mundi Ecclesiarum matris Officium sequi. Idem dicendum de canonico extra Dioecesim suam degente, Rectè tamen & ordinatè se geret tum indigena, tum qui extra propriam Dioecesim ad tempus notabile morari debet, si Dioecesis in qua actu versatur, Officium recitet, juxta hoc S. Augustini consilium: ** *Nec disciplina ulla est in his melior gravi prudentique Christiano, quam ut eo modo agat, quo agere viderit Ecclesiam ad quancumque fortè devenerit.*

Sed possunt ne advenæ uti Breviario Dioecesis ex qua sunt oriundi, si illud Romanum non sit?

Negant aliqui. Facile tamen non credam eos qui ad natale solum, etiam post tempus notabile reversuri, propriæ suæ Dioecesis Breviario uti pergunt, peccare, quandiu ei in qua actu commorantur Ecclesiæ, non sunt specialiter mancipati.

Unde colliges Canonicum Senonensem, qui Senonis degit, solo Dioecesis suæ Breviario, non autem alio quocumque in conscientia uti posse; eundem verò si Parisiis longum tempus transigere teneatur, & Senonensi & Parisiensi ad melius, & Romano absolutè uti posse.

Quares 2do. an qui in alia Parochia, vel Dioecesi, per breve tempus versatur, ibique loci Officium recitat, teneatur privatim repetere loci sui Officium.

R. salvo meliori judicio, hîc aliqua opus esse distinctione. Si quis enim, ut vicino suo Parroni festum, aut quodvis aliud peragenti opem ferat, aut aliâ justa de causa aliud à proprio Officium recitet, putà quia diem transigit in Monasterio, vel in Parochia, quæ magnam eadem die solemnitatem

* *Lib. 1. de bonis oper. in parr. cap. 18.* ** *Epist. 34. n. 2.*

tatem habet, non debet ad repetendum obligari; quia nemini pietas sua incommodum afferre debet: qui verò absque necessitate ulla aliquam alterius Officii partem recitasset, tutius ageret repetendo, aut id quod de Propriis Horis omisit supplendo.

Quæres 3tio. an Monialium Director secularis, vel regularis, possit, se ad illarum Officium conformare. R. affirmat. si de iis sermo sit qui Missam conventualem celebrant. Ratio est 1mo quia fatentur omnes Missam quantum fieri licet, Officio conformem esse debere; ergo cum ille Sacerdos Missam canere debeat conformiter ad Officium Monialium, potest & utcumque debet, earum Officio se conformare; 2do. quia Regularis, qui ad tempus notabile seculari Ecclesiæ præficitur, potest imò & teneri videtur ad dicendum hujus Ecclesiæ Officium; ergo à pari.

Quæres 4to. quid dicendum de eo qui Officium de Sancto, pro Officio de Feria; vel Officium unius Sancti pro alterius Officio recitavit.

R. vel hoc fecit cum advertentia, vel incogitanter. Si primum, communior & melior sententia docet eum mortaliter peccare, & non satisfacere præcepto; idque magis adhuc indubium est de eo qui recitaret Officium notabiliter brevius, vel notabiliter difforme. Ratio est 1mo. quia Ecclesiæ præceptum nec quo ad modum implet, ut evidens est; nec quo ad substantiam. Ecclesia enim non præcipit solum recitationem divini Officii in genere, sed etiam in particulari, ut scilicet tali die, tale recitetur Officium, cujus obligatio utpotè diei affixa, cum ipsâ die transiit; ergo qui tale Officium non recitat, substantiam præcepti non adimpler: atque etiam si eam impleret, posset mortaliter peccare, omitendo aliquid quod ad præcepti integritatem notabiliter pertinet; prout peccat mortaliter qui Missam celebrando, pusillum aquæ vino non immiscet: & tamen hæc mixtio non magis perinet ad substantiam sacrificii, quam qualitas aut quantitas ad substantiam Horarum.

2do. Quia alioquin sequeretur eum nonnisi venialiter peccare, qui Officium idem valdè breve singulis diebus recitaret, relicto alio multò longiori quod identidem occurreret: atqui hoc falsum est; is enim tam graviter peccaret, quam qui magnam singulis diebus pecuniæ summam solvere coactus, nonnisi levem exsolveret. Hæc doctrina certior nunc esse debet post censuram hujus propositionis * *In die palmarum recitans Officium Paschale satisfacit præcepto.*

Dices: Non peccat qui sciens & volens unam Missam legit

* 34. *Alexand. VII.*

pro

pro alia; ergo nec qui unum pro alio Officium recitat.

R. 1mo. neg. ant. si generaliter sumatur. An non enim gravissimè peccaret qui Missam pro defunctis diceret in Festo Sanctorum omnium, aut qui Missam de Sanctis diceret in die defunctorum.

R. 2do. neg. conseq. sicut enim Ecclesia aliquando libertati nostræ relinquit omissionem Missæ, sic eidem libertati relinquit ut Missa celebretur, vel votiva, vel de festis, vel pro defunctis; & id probat piorum consuetudo: at verò probari non potest hanc ab Ecclesia libertatem relinqui circa Officii recitationem; imò contrarium patet ex probationibus nostris.

Si quis verò incautè & inadvertenter, (modo inadvertentia hæc culpabilis non sit, ut esse potest in iis qui præ negligentia *Ordinem* non consulunt) unum officium pro alio recitaverit, communior & probabilior opinio docet eum non teneri ad repetendum, si errorem admadvertat nisi post peractam totius Officii recitationem. Si verò post recitatum, v. g. Matutinum errorem deregat, probabilius crediderim cum Lugo, & Ethica amoris residuum ex istius diei Officio posse & debere recitari ex benigna interpretatione mentis Ecclesiæ.

Quòd si Officium jam recitatum longe brevius esset eo quod recitandum erat, facienda est compensatio. Unde qui loco Officii Dominicæ octodecim Psalmos continens, Officium fecisset de Sancto, deberet Psalmos novem primi nocturni Dominicæ recitare, nè tanta subsit inæqualitas. Imò, melius fuerit totum repetere, si Officium totaliter differat; vel saltem id supplere quo ambo Officia magis inter se differunt, hymnos v. g. capitula, lectiones, responsoria, modò tamen id sine gravi incommodo fieri possit: id quidem sub poenâ peccati necessarium non esse judicant viri scientia & pietate conspicui; sed dissentiunt Toletus & Navar.

Quæres 5to. an qui hodie legit de Sancto postridie occurrente, teneatur adhuc die sequenti Officium ejus recitare. R. affirmat. 1mo. quia primus error non dat jus intervertendi ordinem Officiorum Breviarii; 2do. quia per Ecclesiæ legem tale Officium pro tali die determinatum est. Unde ulterius sequitur, Officium de Sancto quòd die suo omisum est, non debere prima die non impedita recitari, quia Officia sicut jejunia diebus suis alligata sunt, neque ex privatorum nutu mutari debent.

Quæres 6to. an qui Breviarium Romanum recitant, teneantur ad Psalmos Graduales, Pœnitentiales, Officium defunctorum, & alia similia quæ pro certis diebus præscribuntur.

tur. R. no
sua consti
Tenent
defunctor
Marci. &
hæc cent
satis prob
firmat re
ferendo o
non abste
bus, vel
Quære
non reci
nibus no
citant, s
præcepto
Affirm
mum re
cessionem in
bligatus
cessionem
facit qu
hinc co
Processio
qui Pro
dicta fu
Ego
verba leg
personar
Canonic
plus obli
ni non
git possi
gislato
ligant v

Circa
lius
re id sic

tur. R. non teneri extra Chorum, prout declaravit Pius V. sua constitutione 64.

Tenantur tamen iidem, & quidem sub mortali ad Officiū defunctorum die 2. Novembris; itē ad Litanias in festo S. Marci. & diebus Rogationum si Processioni non interfint: quia hæc censentur esse partes Officii harumce dierum; atque id satis probat tum unanimis consuetudo; tum quod exceptio firmat regulam pro casibus non exceptis: porro Pius V. auferendo obligationem Officii B. Virginis, Defunctorum, &c. non abstulit obligationem, vel Litaniarum in prædictis diebus, vel Officii defunctorum die 2. Novembris.

Quæres 7mo. an qui prædictæ Processioni assistunt, sed non recitant nisi preces quæ ab iis dicuntur qui Processionibus non interfunt, ceteras verò vel omittunt, vel non recitant, satis piè, quæres inquam, an ii satisfaciant Ecclesiæ præcepto.

Affirmat Bonacina, tum quia nemo ex diligentia sua damnum reportare debet: reportaret autem, si eo quod Processioni interesse velit, ad plus obligaretur quam privatim obligatus fuisset: tum quia censetur huiusmodi Clericus Processioni non interesse formaliter: tum denique quia id omne facit quod Ecclesia sub pœna peccati fieri præcipit. Atque hinc colligit idem Theologus, eum qui Jubilæi tempore Processioni interest, & non præstat ea quæ præscribuntur iis qui Processioni interfunt, benè verò ea quæ absentibus indicta fuere, Jubilæi gratiam consequi.

Ego quidem existimo duo hîc esse consideranda; 1mo. verba legis quæ certas preces imperat; 2do. conditionem personarum, quæ huic legi subjacent; fieri enim potest ut Canonicus aut Pastor qui Processioni interesse teneretur, ad plus obligetur quam ille cui liberum est quidem Processioni non interesse. Si lex non ita apertè loquatur, ut colligit possit an strictè præcipiat, vel non; consulendus est legislator, aut videndum quo sensu eam intellexerint & intelligent viri docti perinde & timorati.

ARTICULUS TERTIUS.

Quo tempore & ordine recitandum sit Officium.

Circa tempus tria inquiri possunt: 1mo. quo tempore melius sit & perfectius Horas recitare; 2do. quo tempore id fieri debeat, ut vitetur peccatum etiam veniale: 3tio. demum

demum quando recitanda sint ut saltem vitetur mortale peccatum, quæ ut solvantur.

Dicendum 1mo. optandum quidem fore, ut Horæ suis temporibus & intervallis etiam extra Chorum recitarentur; inde enim *Horæ* dictæ sunt, quia certis diei partibus alligari debent. Matutinum ergo media nocte, vel sub crepusculum diei recitandum esset, Prima, inter ortum Solis & nonam matutinam; Tertia, inter nonam & meridiem; Sexta, meridiem, vel circiter; Nona, circa tertiam vespertinam; Vesperæ, ad Solis occasum, unde dicebantur Hora lucernaria; Completorium, sub finem diei. Sed quia perperam tentaretur renovatio hujusce consuetudinis, cui olim viri & femina principes intentissimi erant.

Dicendum 2do. cum S Antonino, * quòd non videtur de se esse mortale, quandocumque quis tardè dicat Officium, dum non transeat dies, qui quantum ad hoc videtur terminari circa mediam noctem. Ratio est quia sic recitans, etsi minùs perfectè implet tamen substantiam præcepti.

Malè tamen docuerunt aliqui, eum qui incipit hodiernum Officium paulò ante mediam noctem diei sequentis, recitandi præceptum implere, etiamsi notabilem hujusce partem, post noctem mediam prosequatur & absolvat. Nam ex communi Ecclesiæ & Doctorum sensu, si pauculos excipias, totum diei hujus Officium sub mortali absolvendum est ante finem hujus diei Mathematicè sumptum: unde qui aliquam Officii partem transacta media nocte recitat, non magis satisfacit quo ad illam partem, quàm satisfaceret quo ad totum, si totum post mediam noctem recitaret.

Dicendum 3tio. Quòd ex usu & sententia communi vitetur peccatum etiam veniale, si Horæ parvæ quavis ferè hora ante meridiem privatim recitentur. Sexta post meridiem dici potest; sic tamen ut non multum differatur. Vesperæ à meridie ad Solis occasum extra Quadragesimam recitari debent: satiùs enim est, prout docet Nat. Alexander, ut ii etiam qui Quadragesimali tempore Officium privatim recitant, Vesperas ante refectionem persolvant, prout faciunt Canonici, & Regulares, qui Officio publico defunguntur: tum quia semper expedit ut minor Ecclesiæ pars ei quæ præcipua est concordet; tum quia sic admonentur juniores Clerici, nè prandii horam anticipent, tum demum quia hoc modo aliquid servatur veteris disciplinæ, quæ jejunium nonnisi post Vesperas solvi permittebat Completorium ad occasum Solis laudabiliter differtur, haud tamen necessariò ut patet ex timoratorum praxi.

Matuti-

* 3, p. tit. 13. cap. 4.

Matutin
ter tempo
ridiem, i
edita est
Gallicanis
pore Offic

20.
13.
1
18
4
20
10
8
30
28
7
24
13
20
18
1

Dicen
eum pec
multum
omnes rec
is qui iter
di, prævid
in diei de
propriis
ait S. A
providen
sive tard
mortale.
dali fieri
quæ ad p
Quare
cum sube
& totius
& Laudes
die sequen
das non t
Moral.

Matutinum cum Laudibus pridie recitari potest, ab eo circiter tempore quo Sol propior est ad occasum, quàm ad meridiem, juxta Tabulam sequentem, quæ anno 1706. Romæ edita est typis Cameræ Apostolicæ, quamque hic exhibemus Gallicanis horologiis accomodatam, ut quisque norit quo tempore Officium pro die sequenti inchoare possit.

20. Januarii,	hora secunda cum quadrante.
13. Februarii,	hora sequi-secunda.
1. Martii,	hora secunda cum tribus quadr.
18. Martii,	hora tertia.
4. Aprilis,	hora tertia cum quadrante.
20. Aprilis,	hora sequi-tertia.
10. Maii,	hora tertia cum tribus quadr.
8. Junii,	hora quarta.
30. Julii,	hora tertia cum tribus quadr.
28. Augusti,	hora sequi tertia.
7. Septemb.	hora tertia cum quadrante.
24. Septemb.	hora tertia.
13. Octobris,	hora secunda cum tribus quadr.
20. Octobris,	hora sesqui-secunda.
18. Novembris,	hora secunda cum quadrante.
15. Decembris,	hora secunda.

Dicendum 4to. Cum Bellarmino & aliis penè omnibus, eum peccare, qui in Officii recitatione à tempore Canonico multum recedit; ut qui Vesperas manè, aut vespere Horas omnes recitat. Censeo tamen Vesperas manè recitari posse ab iis qui iter facturi aut magnis per diem ambagibus implicandi, prævident se nonnisi ægrè, aut parum devotè Officio suo in diei decursu functuros esse. In genere, quando *Officium propriis horis dici non potest, propter occupationes, melius est, ait S. Antonin. prævenire, quàm tardare; quia prævenire est providentia, tardare verò est negligentia.* Sive verò prævenias, sive tardes, non videtur, ait S. Doctor, *de se esse peccatum mortale.* De se, inquam, quia ratione contemptus aut scandalum fieri, posset mortale. Ut tollantur ceteræ difficultates quæ ad præsentem materiam pertinent.

Quæres 1mo. an Horæ parvæ possint pridie dici, saltè cum subest causa. R. negat. obstat enim communis sententia, & totius Ecclesiæ praxis quæ solum permittunt ut Matutinum & Laudes pridie persolvantur. Hinc qui prævidet futurum ut die sequenti Horas recitare nequeat, ad easdem pridie recitandas non teneretur.

Quæres 2do. an major studendi commoditas, legitima sit ratio cur Horæ in tempus vespertinum differantur. R. Posse id tolerari si agatur de studio quod admodum urgeat, ut puta concionis sacræ quæ paucos intra dies memoriæ mandanda sit. Si verò de studio communi sermo sit, aliter sentiendum; quia non decet ut tempus aptius studio detur, & minus aptum tribuatur Dño, cui optima quæque in sacrificium impendi debent. Atque id evincit historia Sancti Coloniae Antistitiis Severini, qui Clerico apparuit post mortem, eique confessus est se ardoris purgatorii supplicium ferre, eò quòd regionum negotiorum pondere oppressus * *Canonica sinaxis Officia per distincta horarum spatia non persolvisset, sed malè omnia coacervans*, omnes uno tractu Horas recitasset. Ex quibus obiter colliges, 1mo. quanta sit jam pridem in Ecclesia recitandi Officii necessitas; quantum allucinentur qui sine ullo scrupulo Officium vel nimis differunt, vel anticipant, quasi nunquam satis citò ab immmani onere immunes esse possint.

Jam dicendum de Horarum ordine, quis is est, ut Matutinum uno cursu simul cum Laudibus, & utrumque sive ante Missam, sive ante Primam recitetur. Dubium est autem an non aliquando ab ea Officiorum dispositione recedi possit; quod ut distinctè magis expendatur.

Quæres 1mo. an liceat Horarum ordinem invertere. v. g. Laudes ante Matutinum recitando.

R. Id si sine causa fiat, esse quidem peccatum, sed veniale duntaxat; quia talis inordinatio, ex communi doctorum sensu, non est notabilis; & ordo *Horarum non est de præcepto rigorofo*, ut ex Sylvestro ait Pontas, v. *Office*, cal. 23.

Nullatenus autem peccat, qui ordinem hunc ex legitima causa invertit, ut si religiosus qui media nocte surgere non potuit, Primam (quod certè melius est) cum aliis canat, & deinde Matutinum recitet privatim; vel si quis ab infirmo, aut viro gravi, cui resisti non conveniat, quive differre non possit, invitetur ad dicendum cum eo Matutinum diei sequentis, nondum lecto Completorio diei præcedentis. Idem dicendum tum de eo qui Sextam recitando, meminit se oblitum Tertiæ; tum de Clerico, qui actu Breviarium non habens, aut legere non valens v. g. in rheda publica, scit memoriter Horas minores: is enim eas, cum venit ipsarum tempus, recitare potest, ** & deinceps Matutinum. Ità author Theoriæ & praxis Sacram. qui idem dicit de eo qui etiam culpa sua Breviarium non haberet.

Quæres 2do. possintne Matutinum à Laudibus separari. R. affirmat. 1mo. quia certum est hæc à se invicem olim separata

* Baron. ad anno 1062. ** Tom. 3. d. 167.

rata fuisse ut patet ex regulis S. Benedicti & Ordinis Cisterciensis, quas approbavit Ecclesia; 2do. qui nulla fiat lex aut consuetudo, quæ divisionem hanc prohibeat sub peccato, saltem cum subest rationabilis causa, ut puta studendi; 3tio. quia licet Matutinum & Laudes una eademque oratione terminentur, habent tamen distincta initia, ut norunt omnes; 4to. quia cum Rubricæ Romanæ jungunt Laudes Matutinis, supponunt utraque præscripto antiquitus tempore persolvi; non attendunt autem ad concessionem postremis temporibus factam, Matutinum Officium tam longo intervallo anticipandi; 5to. quia melius utcumque videtur Laudes separari ab iis qui Matutinum sero præcedenti recitant; pleraque enim Laudum verba Matutino tempori magis congruunt, ut ista. *Deus, Deus meus ad te de luce vigilo, &c. Ecce jam noctis tenuatur umbra. Aurora jam spargit Polum.*

Circa hanc separationem, tria notanda; 1mo. quod tunc Matutinum debeat oratione concludi; 2do. quod Laudibus permitti debeat *Pater noster*; 3tio. quod cum in Vigiliis aliisque Adventus & Quadragesimæ temporibus recitandæ sunt preces flexis genibus, eadem post Matutinum, si separatim à Laudibus legatur, dicendæ sunt, quæ post singulas minores Horas. Ità monet *Ordo Parisiensis*.

Quæres 3tio. an Nocturni Matutinorum ab invicem separari possint.

Affirmat Henricus à S. Ignatio cum aliis quos citat, quia antiquitus Nocturni à se invicem separabantur. Idem docet Collegator Rupellensis q. 6. post Durandum. Eadem est opinio S. Thomæ in I. ad Corinth. cap. 14. Lect. 6. Unde reprehendere non ausim, qui ob justam causam Nocturnos à se invicem dividunt; modo, aiunt, aliqui, separatio hæc non plus quam tribus horis perduret, quia primitiva Nocturnos separandi consuetudo, eosdem ultra tres horas non dividebat.

Excusantur etiam à nonnullis, qui cum actu Breviarium non habeant, nec proinde Lectiones recitare possint, recitant tamen alias Matutini partes, Lectiones postea recitaturi. Hoc equidem facere malim in itinere, quam totum Officium differre in multam noctem, illudque inter diversorii tumultus, & somni gravitatem exsolvere. Extra huiusmodi casus qui raro eveniunt, Ecclesiæ praxi constanter inhaerendum est. Certè cum hæc deordinatio sit gravior, gravior quoque ad eam requiritur causa.

Quæres 4to. an peccet qui Matutino & Laudibus nondum persolutis Missam celebrat.

R. 1mo. Fatentur omnes non peccare eum qui iusta de causa

causa Missam Officio præponit, ut si Missa dicenda sit, nè Vaticum infirmo desit; ne plebs diutius expectet; ne ipse Sacerdos statim profecturus, omittat Missam in die Festo; aut si eam debet ex iustitia.

R. 2do. Seclis huiusmodi casibus non posse Missam sine peccato celebrari ante recitationem Matutini & Laudum, saltèm de iure communi.

Prob. 1mo. Ex majorum Traditione: siquidem, teste Azorio omnes ad unum veteres Theologi ac Canonistæ eum peccatum dixere, qui absque rationabili causa, Missam celebrat ante Matutini & Laudum recitationem.

2do. Ex generali & diuturna omnium, qui Deum timent, Sacerdotum consuetudine.

3tio. Ex Rubricis Missalis Romani, & validius ex Constitutione Innocentii IV. emissâ anno 1254. ubi sic: *Sacerdotes, tum Græci, tum Latini, dicant Horas canonicas more suo; sed Missam celebrare, priusquam Officium Matutinale compleverint, non præsumant*: quæ quidem constitutio pluribus Gallorum Præsulum statutis confirmata est.

Obijciuntur duo, 1mo. quòd Matutinum inter & Missam nulla sit connexio, præsertim hoc nostro tempore, quo Matutinum cum pridie recitari queat, haberi non potest ut præparatio ad Missam; 2do. quòd olim etiam constitutum sit ut prima diceretur ante Missam; quod tamen hodie non est in usu. Sed hæc non nocent. Unde

Ad 1. etsi nulla Matutinum inter & Missam sit connexio ex natura rei, est tamen sufficiens ex Ecclesiæ consuetudine quæ vim legis habet, majorum Traditione, & Theologorum saniorum consensu. Adde quòd serotina ad Missam præparatio, non debeat pro nihilo computari.

Ad 2. si Ecclesiæ disciplina quibusdam in punctis læsa est, non ideo in aliis infringi debet, cum præcipuè pii magis & docti resistunt.

Quæres 5to. Quale committat peccatum qui Missam absque rationali causa celebrat nondum lecto Matutino. R. non deesse qui hominem hunc mortalis peccati incusent. Ità inter alios S. Antoninus, cujus opinio satis confirmatur ex pœna suspensionis aut excommunicationis quam variæ Ecclesiæ decernebant, aut saltèm comminabantur iis qui Missam ante Matutini Officii lectionem celebrabant.

Hæc tamen decisio pluribus videtur rigidior, unde hic non nisi veniale peccatum agnoscunt Soto, Sylvester, Toletus, Navarrus, Belarminus, Suarez, Henricus ipse à S. Ignatio, doctus neque is laxior Casuista Rupellenfis: 1mo. quia opinio quæ
hic

hic pecca
qui vim
quæ gra
minaban
in quibus
ligant qu
rest ea ja
tùm ad p
ante solis
perfolvis
2do. C
nores Ho
num; si
ras, quan
3tio. I
Matutinu
hæc ratio
dicit post
tra totius
cati infirm
Ob ha
sed fateo
farebitur
communi
redargui
sum Pri
rare debe
Quære
Officium
R. Du
gar, idque
peritur o
quoties
citatione
utramque
2do.
laudem
clesiam
fia' ut fi
auditis S
ret gener
pates su
Sacro ad
uias vider
* Cab

hic peccatum mortale subesse dicit, nullo nititur juris textu qui vim legis generalis obtineat: Statuta verò particularia: quæ gravem suspensionis aut excommunicationis pœnam comminabantur, ad summum non obligarent, nisi in Diœcesibus in quibus edita fuere: imò neque iis in Diœcesibus magis obligant quoad Matutinum quàm quoad Primam; unde dici potest ea jamdudum absolvisse, & quantum ad pœnam, & quantum ad peccati gravitatem. Imò Parisiis si celebretur Missa ante solis ortum, sufficit hodie Matutinum etiam sine Laudibus persolvisse.

2do. Quia non peccat mortaliter qui Matutinum post minores Horas recitat; ergo nec qui dicit Missam ante Matutinum; si quidem major est connexio Matutinum inter & Horas, quàm inter Matutinum & Missam.

3tio. Idem mortaliter peccare Sacerdos qui Missam dicit ante Matutinum, quia communi Ecclesiæ consuetudini resistit: atqui hæc ratio, peccatum mortale non probat. Qui enim Missam dicit post recitatum totum hujus diei Officium, agit etiam contra totius Ecclesiæ consuetudinem; neque tamen mortalis peccati infimulatur.

Ob hæc momenta propendet Pontas in partem mitiorem; sed fateatur tamen, quod & cum eo quilibet Deum timens fatebitur, satis gravia esse alterius partis momenta, ut quia à communi Ecclesiæ consuetudine sine rationabili causa recedit, redargui mereatur. Unum addo, Sacerdotem qui post elapsam Primæ aut Tertiæ tempus Missam celebraturus est, id curare debet ut jam utramque Horam Deo persolverit.

Quæres 6to. An peccet, qui diebus Dominicis aut Festis Officium recitat per tempus Missæ.

R. Duplex est ea de re Theologorum opinio. Prima negat, idque triplici de causa. Et quidem imo. quia * hic reperitur corporis & animi præsentia quæ ad Missam exigitur, quoties per devotas preces mens ad Deum erigitur, ut sit in recitatione satisfactorie penitentiae aut Officii divini, cum ad utramque obligationem una eademque attentio possit sufficere.

2do. Quia illi actus ad unum ordinantur finem, nempe ad laudem Dei gratiam ejus implorationem, & præcipit per Ecclesiam impositi adimplerionem. Nam enim præcipit Ecclesia ut fideles verbis Missæ intendant, sed ut verbis etiam non auditis Sacrificio piè & devotè intersint; alioqui non sufficeret generalis tamen vera ad Deum attentio, cujus solum capaces sunt idiotæ, muti, sique omnes qui è loco remotiori Sacro adsunt, unde Sacerdotis verba nec audiunt, nec ceremonias vident.

Pp3

Hæc

* Cabassut. Tit. 2. cap. 32.

Hæc momenta tum ab intrinseco, tum ab extrinseco satis gravia sunt, ut non ausim eos tanquam Ecclesiastici de audienda Missa præcepti transgressores haberi, qui Officium per Missæ tempus recitassent: hinc enim facilis est bona fides. Existimo tamen graviter monendos esse qui in tali consuetudine versantur, ut ab ea recedant; cum hæc magnam tepiditatem & parum amoris in Deum exhibeat: quod adhuc verius apparebit, si attendas huiusmodi Ecclesiasticos, qui omnibus eodem momento Officiis fungi vellent, solitos esse tempus cui pepercissent, in otio, nugis, & aliis etiam pejoribus miserabiliter fallere.

ARTICULUS QUARTUS.

Quomodo recitari debeat Officium divinum.

Quatuor afferri possunt Officii recitandi conditiones: ex verò sunt ut Officium distinctè, integrè, devotè & attentè recitetur.

Certum est Officium recitandum esse distincta voce, non gutture, inter dentes, & sincopando, ut loquitur Concilium Basileense; unde ulterius constat, eum qui sola mente legeret seu solis pervolveret oculis, non esse satisfacturum.

Etsi porrò docent multi Officium voce tam clara recitari debere, ut qui recitat, semetipsum audire possit, si nihil obster, ut si non sit surdaster, aut positus in loco in quo propter strepitum, semetipsum audire nequeat: censent tamen Sylvius in Resol. v. *Horæ*, 3. & alii plures eum qui attentè & distinctè loquitur, tamen si semetipsum non audiat, verè satisfacere: 1. mo. quia nullo jure probatur recitantem Horas, teneri ad se audiendum, cum præceptum obliget ad dicendum, non ad audiendum Horas; 2. do. quia oratio potest ore & voce fieri, etiam si non audiatur ab ipso recitante, & ex se est sonus quidam formatus ex allisione aëris ad dentes & labia; 3. tio. * quia viri doctiores & sapientiores, modò distinctè recitent, & attentè, parum curant an ab aliis vel à semetipsis audiantur.

Quod spectat ad 2. conditionem de integritate.

Dico 1. mo. Nihil ad Officii integritatem referre, an quis solus Officium recitet, an alternis versibus cum alio, imò erit in alternis recitandi modus melior, utpotè Chori similior.

Dixi, *alternis versibus*: quia non satisfacerent duo qui sic Officium partirentur, ut alter legeret Psalmos, alter, Lektionen; aut primus Psalmum primum, secundus secundum. Neque etiam quatuor recitantes, quorum primus primum versum

* Sylvius.

diceret,

diceret, secundus secundum, tertius tertium, &c. quia id repugnat totius Ecclesiæ consuetudini; quæ Hymnos & Psalmos quoad versus & strophas duplici Choro dici præcipit. Aliud est de Lectionibus ut statim dicam.

Næque etiam interest, an socius tecum recitans ad Officium obligatus sit, necne: unde cum Scholari, cum famulo recitari potest, modò distinctè loquantur, & desit scandalum periculum. Nec minùs satisfacies si alter recitando non attendat, quia obligationem tuam implet partim dicendo, partim audiendo; benè autem audiri potest quod malè ab alio recitatur: sed integrè percipi debet quidquid dicitur ab alio. Unde peccant juxta materiæ quantitatem, sive in Choro sive extra, qui resumunt necdum finito socii versiculo: peccaret itè, nec satisfaceret surdaster, qui socii secum recitantis verba non audiret.

Aliter, juxta Henno, sentiendum de surdis qui Choro intersunt: tum quia præsumi nequit velle piam Matrem Ecclesiæ, ut ii vel Officium privatim repetant, vel submissè recitent id omne quod ab aliis dicitur; aliàs enim vix possent inter psallendum respirare: (quæ ratio efficax est pro iis Officii horis quæ pleno & celeri ductu canuntur) tum quia oratio Chori, utpotè corporis mystici, censetur moraliter oratio privati cujusque, qui nullum culpabiliter obicem apponat. Unde etiam satisfacit qui vel involuntariè distractus vel ob exurgentem strepitum, vel propter exilitatem vocis illius qui legit, non id omne percipit, quod dicitur ab aliis. Hæc Dei & Ecclesiæ pietati consona videntur: sed neutiquam eos juvare possunt, qui quoquo versum oculos movent ingredientiæ, & egredientes intuentur, &c. & quibus proinde quidquid excidit, sua culpa excidit.

Si plures simul recitent, Lectiones omnes ab omnibus successivè, vel ab uno solo ceteris audientibus dici possunt, ut in Choro frequenter evenit.

Dico 2dc. Conveniunt omnes quacumque ex septem Horis etiam minimam, esse regulariter loquendo, partem sufficientem, ut ejus omisso sit leralis. Ratio est, quia reipsa per hanc omissionem Officium notabiliter mutilatur.

Addit Navarrus, in unaquaque Hora dimittere notabilem ejus partem, grave esse peccatum: notabilem verò partem eam censet cum S. Antonino, quæ tertiam Horæ partem facit, quia hæc tertia pars, est quid notabile respectu uniuscujusque Horæ. Verùm doctrina hæc etiam de media Horæ minoris parte intellecta, æquo rigorosior videtur Pontasio v. *Officè*, cas. 5. Verius igitur apparet habendam hîc esse rationem non partis ut est pars, sed secundum quantitatem suam absolutam

confide-

considerata. Unde si Matutinum cum Laudibus una sit Hora, omissio unius Nocturni, etiam si vix sit quarta pars, ad mortale peccatum satis esse meritò judicabitur: è contrario autem primarum Paschæ Vespèrarum omissio, etiam si sit Horæ totius, culpæ venialis lineam non excedet. Sed quidquid sit, vir pius nullam usquam Officii partem eo prætextu omittet, quòd ejus omissio non nisi venialem reatum importet. Unum addo omissionem dimidiæ vel tertiæ partis Horæ, longè, faciliùs argui peccati mortalis in Choro, quàm extra Chorum.

Sed quid factò opus, si quis dubiter an Officium aliquamve ejus Horam recitaverit?

R. Eum si ex probabili aliqua ratione dubium deponere non possit, ad hujus Horæ recitationem teneri quia, ex jure, *dubius semitam debemus eligere tutiorem*. Si quis verò de aliquo Psalmo, Lectione vel Antiphona dubitat, an ea recitaverit, non tenetur ad repetendum; 1mo. quia sufficiens est ratio depoenendi dubium nempe quòd non soleat facilè prætermitti Psalmus, vel Lectio; 2do. quia alioqui daretur occasio infinitis scrupulis, cum multi nolentes mente evagentur. Hic tamen pensanda sunt circumstantiæ: faciliùs enim præsumet se aliquid omisisse, qui interruptus fuit; qui tam parum sui compos est; ut errante oculo à pagina in paginam evoler, &c.

Quæres an qui totum omittit Officium, tot committat peccata mortalia quot sunt Horæ.

R. 1mo. Eum qui interius multoties renovaret propositum non recitandi, multoties peccatum esse.

R. 2do. Quòd apud DEUM, si cetera sint paria, non minùs peccat, nec minorem poenam meretur iste transgressor, sive semel dicatur peccasse; sive septies: quia unicum quod admisit peccatum septem distinctis peccatis æquivaler; unde in confessione exprimi debet quot Horæ omisæ fuerint, & quoties recurreret propositum easdem omittendi: porrò peccatum hoc omissionis non consummatur exterius nisi quando jam transit Officii recitandi tempus. Unde censura quæ adversus non recitantes lata esset tunc demum incurreretur, cum jam recitare non possent; quamvis multoties iterassent consilium non recitandi.

Ut intelligatur quæ devotio ad Officii recitationem necessaria sit: Notandum devotionem esse triplicem: externam, quæ in reverenti corporis compositione consistit; internam, quæ sita est in pio mentis ad DEUM affectu; & mixtam, quæ utramque complectitur.

Fatenitur omnes requiri devotionem externam. Cui enim præcipitur oratio, eidem etiam præcipitur, ut se habeat per modum

modum orationis
tione orationis
um allocutionis
Quæritur
recitandum
R. Dupli-
tentione
pingat, aut
ait S. An-
stare pos-
assuetudin-
unt nè qu-
nus lavar-
citare.

Quæritur
Breviario
fiscularis;
id Rubricis

R. 1mo
Non est pr-
dummodo
& stantes
bat; & f-
tes sicut

R. 2do
quis Offi-
ei magis
dam esse
xis genibu-
non tamen
ri sui par-
bilo cani-
um eleva-
to flexis
solvi deb-

Esti au-
porelli; c-
per indec-
tione loci
ut opinor,
à Concilio
Quæritur
citationem

* In Ecce-
aut audiant

modum orantis; quod non facit qui cum exteriori indevotione orat; ut faciunt tot Clerici, qui eodem situ & tono Deum alloquuntur, & famulos suos. Hac occasione

Quæritur 1mo. an Officii penso verè satisfaciant, qui inter recitandum exterioribus actionibus vacant.

R. Duplex esse actionum exteriorum genus. Aliæ cum attentione ad Officium requisita non compatiuntur, ut si quis pingat, aut coquinam faciat; & his vacare videtur mortale, ait S. Antoninus. Aliæ cum prædicta devotione & attentione stare possunt, ut ambulare & similia, quæ propter faciendi assuetudinem, attentionem non dividunt, & hæc non impediunt nè quis Officii obligationi satisfaciatur. Hinc Sacerdos manus lavans, & ornamentis se induens certas debet preces recitare.

Quæritur 2do. quis convenientior sit in recitando privarim Breviario corporis situs. De recitatione publica, nihil est difficultatis; standum est enim, sedendum, flectendum genu, cum id Rubricis aut locorum consuetudine præscribitur.

R. 1mo. Cum Augustino Lib. 2. ad Simplicianum, q. 4. *Non est præscriptum, quomodo corpus constituatur ad orandum, dummodo animus Deo præsens peragat intentionem suam. Nam & stantes oramus, sicut scriptum est: Publicanus de longè stabat; & flexis genibus, sicut in actibus Apostolorum; & sedentes sicut David & Elias.*

R. 2do. Cum Collatore Rupellensi, melius tamen esse ut quis Officium stans dicat: 1mo. quia hæc corporis dispositio ei magis congruit, quàm Synodi plures * in Choro servandam esse sanxerunt; 2do. quia licet dispositio illius qui flexis genibus precatur, plena sit humilitatis, adeoque laudanda, non tamen satis convenit recitationi Psalmorum quibus majori sui parte coalescit Officium; quia Psalmi in læticia & ut jubilo cani debent, quod melius fit si mente & corpore ad Deum elevatis recitentur. Hic notandum eas preces quæ in Choro flexis genibus recitantur, eodem extra Chorum si tu persolvi debere.

Etsi autem Officium etiam sedendo aut ambulando recitari potest; cavendum tamen, nè scandalum detur astantibus, seu per indecentem corporis situm, seu per ambulationem quæ ratione loci aut festinationis attentionem excludere videatur. Quia ut opinor, de causa recitatio inter ambulandum prohibita est à Concilio Trevirensi, anno 1549.

Quæritur 3tio. quid de iis dicendum qui Horæ alicujus recitationem interrumpunt.

R. 1mo.

* In Ecclesia cum timore & veneratione stantes aut orent, aut cantent, aut audiant. Concilium Aquisgran.

R. 1mo. Cum omnibus interruptionem hanc si sit notabilis, & sine rationabili causa; non fieri sine peccato, 1mo. quia ex Ecclesiæ sensu unitas Horæ cujuslibet ad ejus ritum & formam pertinet; ea autem unitas tollitur, aut saltem multum minuitur per hanc interruptionem; 2do. quia qui colloquium cum Deo habens, illud levi de causa interruptit multo se gerit irreverentiùs, quàm qui gravem cum terreno Principe sermonem habens, eum levi, vel nulla de causa abrumperet, ut v. g. cum homine plebeio confabularetur.

R. 2do. Interruptionem hanc majus aut minus esse peccatum prout major aut minor est mora, habita ratione 1mo. illius partis Officii quæ dicitur: nam interruptio in recitatione Tertiæ, notabilior censetur, quàm si fiat in recitatione Matutini; 2do. rei propter quam fit interruptio; qui enim Officium interruptit ut vana, vel mala cum alio misceat colloquia, longè graviùs peccat, quàm si interrumperet ob quædam quæ licet haud necessaria, nihil tamen haberent mali.

R. 3tio. Si interruptio fiat cum rationabili causa, cum quis à persona multum superiore invisitur, nullum esse peccatum, nec obligationem repetendi, si rigorosè loqui velis, nisi fortè interruptio longo tempore ut una & ampliùs hora perdurasset; quo in casu, si non absolutè necessarium, ut non pauci putant, saltem tutius esse repetere: excepta tamen interruptione qua Nocturni Matutinorum à se invicem divisi essent; de quo suprà.

R. 4to. Eum qui sine rationabili causa per notabile tempus, etiam una hora brevius, Officium interrupisset, graviter peccaturum, & fortè mortaliter si non repeteret. Fateor multos esse qui hîc nonnisi venialem culpam agnoscant, quia talis defectus non est in substantia, sed solum in modo accidentario, cum singuli Psalmi, Lectiones, aliæque preces per se suam habeant completam significationem: at potest incertum videri, an ex Psalmis & Lectionibus divisim ea exurgat Officii species quam requirit Ecclesiæ.

Quod spectat ad devotionem internam, non minùs certum est eam Clerico necessariam esse, nè in se adducat hoc Christi improprium, Matth. 15. *Populus hic labiis me honorat, cor autem eorum longè est à me.* Porro ad hanc devotionem quatuor requiruntur: 1mo. preparatio; 2do. intentio; 3tio. attentio, qua distractiones excludantur; 4to. talis animæ status qui orationem nostram non faciat in peccatum.

Et quidem 1mo. opus est aliqua preparatione ut Officium dignè persolvatur. Tum quia id docet Scriptura Eccli. 18. *Ante orationem præpara animam tuam, & noli esse quasi homo qui*

qui tentat
magni præ
quanto ma
greditur
Ad hanc
postuland
precum, q
fundè cre
um * de
cium laud
lucri amo
Si, inquit
crificas D
scio quid
doctrinan
Second
parte vol
implicite
recitatio
est, acqui
tione seu
non verò
qui per
as legere
mo dixer
Nemo
ad eam
Officii rec
vam, vel
Nunc
taria anim
vel ration
tur.
Attent
habitua
animi ap
tentio vi
sed virtu
quæ ante
subilem r
test qui
ea est in
ferè plus
tis impos
* Jere

qui tentat Deum. Tum quia qui aliquod aggreditur opus magni præsertim momenti, non ab abrupto in ipsum fertur; quanto magis igitur indiget præparatione, qui opus Dei aggreditur?

Ad hanc porro præparationem varia præstanda sunt: 1mo. postulandum est à Deo ut in nos effundat *spiritum gratiæ & precum*, quem Fidelibus suis promisit, Zachar. 12. 2do. profundè credendum est eum quem oraturi sumus non esse Deum * *de longè sed è vicino*, 3tio. & id cavendum, nè sacrificium laudis quod Deo offerimus, inordinato retributionis & lucri amore corrumpatur: unde S. Augustinus in Psalm. 53. Si, inquit, propter pecuniam laudas Deum, non voluntariè sacrificas Deo, sed ex necessitate sacrificas; quia præter illum nescio quid aliud amas. Neque hic deest labes simoniaca juxta doctrinam Angeli Scholæ; de quo alibi.

Secundò ad implendum Officii præceptum, requiritur ex parte voluntatis intentio actualis vel virtualis, explicita vel implicita ejusdem præcepti adimplendi. Ratio est quia Officii recitatio præcipitur prout ad debitum Dei cultum ordinata est, atqui ut impleatur quatenus talis, aliqua opus est intentione seu Deum laudandi, seu obligationi suæ satisfaciendi; non verò sufficit omnis recitatio quæcumque ea sit; alioqui qui per modum studii Psalmos, Lectiones, & Patrum Homilias legeret, Officii recitandi præcepto faceret satis, quod nemo dixerit.

Nemo autem circa hanc intentionem sollicitus esse debet; ad eam enim sufficit ut quis ex consuetudine velit actionem Officii recitandi, tanquam muneris sui & obligationis expletivam, vel eam velit facere ut solet.

Nunc de attentione dicendum: est autem attentio, voluntaria animi applicatio ad id quod agitur; eaque spectari potest, vel ratione subjecti in quo est, vel ratione objecti in quo fertur.

Attentio ex parte subjecti, dividitur, in actuale, virtuale, habituale, & interpretativam. Attentio *actualis*, est præsens animi applicatio ad opus quod agitur, ut ad orationem. Attentio *virtualis*, est animi ad opus applicatio, non quidem actus sed virtute remanens; nempe propter attentionem actualem quæ antè habita est, nec per actum contrarium aut impossibilem revocata vel interrupta. Talis attentio in eo esse potest qui distrahitur, modò involuntariè. Attentio *habitualis*, ea est in præsentia, qua quis Officium legit ex habitu, nihilo ferè plus ad illud advertens, quàm attenderet ebrius aut mentis impositus. Attentio *interpretativa* est animi dispositio qua quis attendisset,

* Jerem. 23.

attendisset, si advertisset esse attendendum: talis in eo supponi potest qui cum alio recitat Horam, quàm à se jam recitatam fuisse credens, non satis attendit.

Attentio considerata ratione objecti esse potest, 1mo. ad verba; 2do. ad sensum verborum; 3tio. ad DEUM, aut res quas orando petimus; ut cum inter orandum contemplamur DEI misericordiam, propriam nostram egestatem, aut generatim volumus aliquod fidei mysterium. His præmissis,

Dico 1. ad debitam Horarum recitationem necessaria est attentio interior.

Prob. 1mo. Ex Concilio Lateranensi IV. ubi sic: *Districte præcipimus, ut divinum Officium nocturnum & diurnum, quantum, eis dederit Deus, studiosè pariter celebrent & devotè; atqui studium illud & devotio sine seria attentione consistere non possunt.* Devotio enim purè externa, non est devotio, sed hypocrisis, juxta id Matth. 15. *Hypocritæ, benè prophetavit de vobis Isaias, dicens: Populus hic labiis me honorat, &c.*

Prob. 2do. Qui tenentur ad Breviarii recitationem, eo ipso tenentur ad orandum: atqui oratio essentialiter involvit & importat attentionem; est enim oratio ex natura sua, ascensus mentis in DEUM, & petitio decentium legitime facta. Merito igitur Clerus Gallicanus anno 1700. hanc Caramuelis propositionem: *Præcepto satisfacit, qui voluntariè labiis tantum, non mente orat,* damnavit ut *absolutam, verbo Dei contrariam, hypocrisim inducentem, à Prophetis & Christo damnatam his verbis: Populus hic labiis, &c.*

Obj. 1mo. Ecclesia non præcipit actus internos, neque enim judicat de internis: atqui attentio actus est interior; ergo.

R. neg. maj. Quin etsi supponeretur Ecclesiam actus internos directè non præcipere, certum est quòd eos saltè indirectè præcipiat, cum præcipit actus quosdam exteriores, qui sine interioribus subsistere non possunt. Sic Ecclesia cum præcipit ut Fideles peccata sua saltè tempore Paschali confiteantur, præcipit indirectè examen interius conscientia. Et verò qualis esset sponsa Christi, cujus præcipua gloria *ab intus* est, si potestas ejus ea tantum quæ foris parent, attingeret?

Ceterum Beneficarii adhuc tenerentur ad attentionem, tametsi supponeretur eam ab Ecclesia imperari non posse. Potest enim quis obligare se ad actus internos, v. g. elemosynam accipere, cum pacto orandi pro iis qui eam largiuntur: sed qui Beneficium acceperunt, obligaverunt se ex pacto saltem virtuali, ad fundendas orationes pro Fundatoribus quæ iisdem utiles esse possint: ergo ad attentionem internam, si non Ecclesiastico, saltè naturali jure obligantur.

Obj.

Obj. 2o. cadit: atq
ergo.
R. neg.
ceptum ca
cem solū
Hinc co
tariè distr
peccare &
omitteret.
exercet, n
propter d
tum esset.
Distract
stractio tu
extraneis
homo Hor
cubiculo v
que recoll
sunt circu
facilius d
si quod li
Distract
esse nolle
bus secur
nia cum
pecuniam
& imprec
os meum.
inviti men
enim ea l
suscipiunt
num elige
quam Off
scrupulosi
recedent
petitiones
ma; tum
quantur i
quando ne
dispenser
nem suam
luntaria f
Dico 2o
bitalis; f

Obj. 2do. Ex vulgari axioma, modus legis, sub legem non cadit: atqui attentio modus est legis quæ Officium præcipit; ergo.

R. neg. maj. Modus enim legis, si legis anima sit, sub præceptum cadere debet; neque enim lex rejecto spiritu, corticem solum imperat.

Hinc colliges eum qui per notabilem Officii partem voluntariè distrahitur, nisi quod malè recitavit repetat, mortaliter peccare & ad restituendum teneri, perinde ac si partem illam omitteret. Ratio est, quia sic distractus nec religionis actum exercet, nec verè orat. Fieri tamen posset ut talis distractio propter defectum perfecti voluntarii, non nisi veniale peccatum esset.

Distractio voluntaria esse potest in se, vel in causa. Distractio tunc in se voluntaria est, cum homo sciens & volens extraneis cogitationibus mentem pascit. Idem ferrè est cum homo Horas recitat in loco distractionibus exposito, puta in cubiculo vel rheda ubi habentur disputationes, cantilenæ, aliaque recollectioni interiori inimica. Hic tamen spectandæ sunt circumstantiæ personarum, temporis, &c. Alii enim aliis facilius distrahuntur; alii negotiis necessario immersi, tempus si quod liberum occurrit, arripere tenentur.

Distractio voluntaria est in causa, cum quis etsi distractus esse nollens, quod pauci volunt, ea tamen liberè facit ex quibus securam distractionem videt. Sic peccant qui post inania cum omni personarum genere colloquia; post ludum & pecuniam in eo deperditam; post apertum pluries murmuri & imprecationi os: in hæc erumpunt verba: *Aperi, Domine, os meum.* Aliter de iis sentiendum qui labori necessario dediti, inviti mente revolvunt dum orant, quæ ante didicerunt; neque enim ea Deus in culpam vertet, quæ nonnisi propter eum suscipiuntur: & isti tamen tempus orationi magis opportunum eligere debent, & ad cor suum paulisper reverti antequam Officii pensum aggrediantur. Ceterum nec iis, neque scrupulosis permittendum est ut Officium repetant, etiamsi non recordentur se hunc vel illum Psalmum dixisse: tum quia repetitiones illæ nihil profunt, cum secunda non sit melior prima; tum quia ex repetitionibus scrupulosorum, innumera sequuntur incommoda, angor conscientiæ, capitis dolor, & aliquando necessitas recurrendi ad Pontificem qui eos ab Officio dispenset. Interim qui se distractos esse advertunt, attentionem suam suscitare & revocare debent, alioqui distractio voluntaria fieret.

Dico 2do. Non requiritur attentio actualis: non sufficit habitus; sed requiritur & sufficit virtualis.

Prob.

Prob. 1. pars. Tum ex unanimi Doctorum saniorum consensu, tum quia attenta humanæ mentis levitate, vix ac nè vix quidem fieri potest ut homo ad id quod agit semper actu cogitet, & imaginationem constanter coerceat.

Prob. 2. pars. Attentione merè habitualis, prout sumitur in præsentia, ea est qua quis ex habitu solum fundit preces, nullo præmissio actuali proposito, vel saltem eo moraliter extincto, sive quia revocatum est actibus contrariis, sive quia renovatum non est: atqui hæc attentionis species non sufficit ad actum religionis, qualis est Horarum recitatio; ergo.

Prob. 3. pars. Ex præcedentibus. Si quæ enim requiratur attentio & non sufficiat habitualis, nec pœnes non sit actualis, superest ut sufficiat virtualis. Intentio enim interpretativa, vel ad virtutalem reduci potest, vel si non possit, locum hic non habet.

Dico 3tio. Non requiritur attentio *literalis*, seu ad sensum verborum; sed requiritur & sufficit attentio spiritualis, seu attentio tum ad verba ut debite & integre recitentur; tum etiam ad DEUM, aut rem ab eo postulatam cum respectu ad ipsum.

Prob. 1. pars. Quia multi ad Officium tenentur, ut juniores Clerici & Moniales, qui verborum sensum intelligere non possunt.

Prob. 2. pars. Quia Officii recitatio debet esse vera oratio vocalis: atqui ad hoc duo requiruntur, 1mo. ut qui recitat, verba debite pronuntiet; 2do. ut mentem ad DEUM, * *quantum* ipse *Deus dederit*, elevatam habeat. Neutrum autem fieri potest absque interiori attentione tum ad verba, tum ad DEUM minus aut magis explicitè consideratum.

Quæres an Beneficiarius qui in habituali ad mortale peccatum affectu constitutus, Officium recitat, satisfaciatur Ecclesiæ præcepto, adeoque faciat suos Beneficii fructus.

R. 1mo. Fieri posse ut satisfaciatur, quia fieri potest ut homo peccator pie oret, licet non meritorie de condigno, ut supra dixi pag. 565.

R. 2do. Vel ille Beneficiarius aliquod tamen adhuc debile habet desiderium à peccato suo exeundi, & ad DEUM revertendi; vel actuale habet propositum peccandi ut antea. Si primum, utiliter & pie orat; talisque oratio Spiritu DEI non quidem inhabitantis, sed moventis & pulsantis animatur. Si secundum, ad minus dubium est, an satisfaciatur; quia ad minus dubium est an verè & pie oret, qui nedum aliquid Sancti desiderii animo gerat, flagitium & iniquitatem actu meditatur in corde.

* Cap. Dolentes.

corde. It
casu inter
qui in hac
rant, ad i

D Ue l
ma,
nabili cau
an non
prout pos

CONCL
non inter
& ad restit

Prob. 1
quod à Co
ut distribu
Canonici
rum, qui
tur. Qu

rit, excep
ralis nece
sic accept
imò ad on
etiam pro
observand

Prob. 2
actionem
tuendum
canere; &

Dixi, n
ense Seli.
statuunt u
Matutinis

ris, ante
eleison, u
verisimile
fuisset, si f
nialis culp
potest, no

* Sg.

corde. Ità censerunt Sorbonici quidam Doctores, quos eo de casu inter juniores Clericos non satis raro consuli; & à quibus qui in hac perpetuæ impietatis dispositione Officium recitaverant, ad restituendum obligati sunt.

ARTICULUS QUINTUS.

De Officii recitatione in Choro.

DUæ hîc non levis momenti proponuntur quæstiones. Prima, an peccent Beneficarii Choro addicti, qui sine rationabili causa absunt à Choro dum canitur Officium. Secunda, an non solum Officio interesse, verum etiam & cum aliis, prout possunt, psallere teneantur. Sit.

CONCLUSIO I. Canonici, alique Choro addicti, qui Officio non intersunt, nisi materiæ levitas excuset, graviter peccant, & ad restituendum tenentur. Ità omnes.

Prob. 1mo. Ex cap. unico *De Clericis non residentib.* in 6. quod à Concilio Trident. renovatum est, ubi sic: * *Statuimus, ut distributiones quotidianæ, in quibuscumque rebus consistant, Canonicis ac aliis Beneficiatis, & Clericis ipsarum Ecclesiarum, qui iisdem Officiis in ipsis Ecclesiis adfuerunt, tribuantur. Qui verò aliter de distributionibus ipsis quidquam receperit, exceptis iis quos infirmitas, seu justa & rationabilis corporalis necessitas, aut evidens Ecclesiæ utilitas excusaret, rerum sic acceptarum dominium non accquirat, nec faciat eas suas; imò ad omnium restitutionem teneatur. De distributionibus etiam pro defunctorum anniversariis largiendis, idem decernimus observandum.*

Prob. 2do. Qui ex Officio & propter stipendium aliquam actionem facere debet, peccat si eam non fecerit, & ad restituendum tenetur: atqui Canonici ex Officio tenentur Horas canere; & propter id stipendium accipiunt; ergo.

Dixi, nisi materiæ levitas excuset, quia Concilium Basileense Sess. 21. art. 1. & Pragmatica Sanctio Caroli VII. tit. 11. statuunt ut ii solum pro tota Hora absentes reputentur, qui in *Matutinis ante finem Psalmi Venite, exultemus; in aliis Horis, ante finem primi Psalmi; in Missa, ante ultimum Kyrie eleison, usque in finem divino Officio non interfuerint.* Porro verisimile non est negligentiam hanc à multa liberam futuram fuisse, si foret mortale peccatum: quanquam hic subtilis venialis culpa, quia partem Officii sui omittere cum impleri potest, non vacat à peccato. Imò, ut scire annotat Suarez.

* *Si** *Sess. 24 cap. 12.*

* Si quis haberet formale aut virtuale propositum semper omit-
tendi in singulis Horis partes illas quas sine multa omittere po-
test, certè non videtur securus in conscientia, tum quia illud ob-
jectum simul sumptum grave est; tum etiam quia ille affectus
ostendit quendam servilem animum inserviendi Choro solum
timore pænæ, vel affectu lucri, quandoquidem quoties sine jactu-
ra lucri omitti potest, ex deliberato animo omittitur.

Quanta verò requiratur à Choro absentia ut quis mortaliter
peccet, definiri facile nequit. Censet contra Suarem Haber-
tus eum qui die una aut altera abesset à Choro, non peccatu-
rum mortaliter; quia hæc omissio levis est si comparetur cum
assistencia per ducentos & ultra dies continuata. Ceterum
gravius peccat Canonicus ex cujus absentia grave damnum
patitur Ecclesia, v. g. quia Officium eo absente cadit, aut longè
segniùs perficitur: quod de iis præcipuè & indubiè verum est
qui ratione muneris sui specialem Chori curam gerere te-
nentur.

Hinc colliges 1mo. Peccare & ad restituendum pro rata
teneri Canonicum, qui non solum ab omnibus Horis minori-
bus, sed etiam ab una integra abest. Et id verum est etiam si
per hujusdem Horæ tempus, Missam celebret; nisi celebret ob
aliquam necessitatem; aut ex præcepto eorum ad quos id præ-
cipere pertinet, aut demum nisi à Sede Apostolica aliter con-
cessum fuerit. Ita Concilium Mediol. IV. part. cap. 13.

Colliges 2do. Pessimè alicubi sancitum esse ut Canonicus
lucretur diei totius distributiones, modò ex septem Horis, tri-
bus intersit; vel ut una per hebdomades singulas die abesse
possit, ultra tempus à Concilio Tridentino, aut speciali loco-
rum lege, eaque approbata constitutum, tum quia inde minu-
itur cultus DEI; tum quia Synodus Tridentin. hoc prohibuit
Sess. 24. De Reform. cap. 12.

Colliges 3tio. Irritum pariter esse Statutum quo Capitula
quadam Belgii & Galliarum constituerunt, ut Canonici jubilati,
seu qui per annos 30. Canonicatum in aliqua possident Ec-
clesia, ab omnibus dispensentur Officiis, præterquam in diebus
Dominicis & Festis. Ratio est, quia nullum Capitulum per
Statuta sua derogare potest juri communi quo sancitum est,
ut Canonici omnes extra tempus induciarum Choro accuratè
intersint, nisi obster infirmitas, seu iusta & rationabilis corpora-
lis necessitas, aut evidens Ecclesiæ utilitas.

Colliges 4to. Archidiaconos, Theologales, Pœnitentiarios
eosque Canonicos qui sunt de comitatu Episcopi, & ut tales à
Chori præsentia eximuntur, peccare, nec fructus facere suos, &
Officio

* Lib. 4. Hor. cap. 13. n. 7.

Officio non
intento Ec-
defectum
Obj
se obitus
tur: ergo n
R. Vel
troducta, f
tur ex spe
fundationi
luerint, m
adelle nol
spensant,
citare tene
docet S. T
dem Cano
quæ Offici
quit eos pa
nici sint, u
Obj, 2
quo temp
ad assiste
onus iude
R. neg
intento, q
posset mo
Canonici
nabili cau
Et certè
verant mu
tari deserv
vixerunt q
Saltem
non tene
an Offici
pater ex
Missas pe
R. Ea
DEI lauda
tentioni,
Omnes ve
substitutos
anno 156
nes. p
Moral.

Officio non interfint, quoties non sunt legitimè impediti: quia intentio Ecclesiæ non est, ut ii percipiant redditus, qui Officii defectum, labore non compensant.

Obj. 1mo. Fatentur omnes Canonicum non teneri interesse obitibus ut aiunt, id est, iis Officiis quæ pro mortuis dicuntur: ergo nec ceteris adesse tenetur.

R. Vel Officium mortuorum, ex consuetudine legitimè introducta, facit partem Officii diei, vel non facit, ut cum dicitur ex speciali gratia pro aliquo ad preces ejus, vel ratione foundationis sic acceptata, ut Canonici qui Officio adesse voluerint, manuales percipiant distributiones, iisdem privandi si adesse nolint. Si 1. peccant Canonici quia tali Officio se dispensant, & qui sine iustâ de causâ absunt, idem privatim recitare tenentur, etiam studiis vacent in Universitatibus, prout docet S. Thomas quodlib. 6. art. 8. Si 2. non tenentur quidem Canonici interesse prædictis mortuorum Officiis, utpotè quæ Officii Canonici partem non faciant; at inde colligi nequit eos pariter abesse posse à ceteris Officiis, cum ideo Canonici sint, ut ea decenter persolvant.

Obj. 2do. Multi fundatores Ecclesiam redditibus auxere, quo tempore noverant persuasum esse Canonici se non teneri ad assistendum Horis illis; ergo nunquam intenderunt hoc onus iisdem imponere.

R. neg. consequ. Ea enim fuit & esse debuit Fundatorum intentio, ut Canonici Officium celebrarent meliori quo fieri posset modo, conformiter ad Canones; ergo & intenderunt, ut Canonici à nullo se dispensarent Officio absque vera & rationabili causa.

Et certè fuerunt qui foundationes fecerint quo tempore noverant multos esse à Clero, qui nec piè, nec attentè satis altari deservirent: an ergo non peccabit Canonicus, qui viveret ut vixerunt qui hujusmodi foundationes acceptavere?

Saltem, inquires, Canonici qui Cantores habent conductitios, non tenentur in Choro cantare, quia nihil Fundatorum interest an Officium divinum per hunc aut per illum impleatur; ut pater ex iis qui Beneficia simplicia habent, quibus satis est si Missas per alios celebrari faciant.

R. Eam agendi rationem quæ Cantoribus quæstu conductis Dei laudandi curam dimittit, repugnare tum Fundatorum intentioni, tum æquitati naturalis; 1mo. repugnat Conciliis, Omnes verò, ait Trident. ubi suprâ, divina per se, & non per substitutos compellantur obire officia. Concilium Camaracense anno 1565. In Choro, inquit, cum psallitur, Canonici omnes.... psallant; nec putent se sanctos Officio, si vicariâ tantum

tum operâ cultum divinum celebrari curent. Idem Præceperunt Concilia Burdigalense & Turonense anno 1183. cum aliis pluribus: certè non desunt hic Canones, sed Canonum executores; 2do. expressè repugnat Fundatorum intentioni, quæ fuit, prout ex actis foundationum penè omnium liquet, ut divinum Officium ageretur decenter & dignè Deo: an verò dignè Deo peragitur Officium, quod cum à viginti & amplius personis celebrari deberet, peragitur à quatuor aut quinque Clericis, imò Laicis, vitæ aliquando parum integræ, & qui tam rapidè currunt, ut juxta Concilii Trevirensis verba, non tam laudare Deum videantur, quàm insanire? 3tio. Demum æquiritati repugnat hæc Officii divini per mercenarios obeundi ratio. Si enim meritò proscripita sit ab Alexandro VII. propositio hæc: *Potest Sacerdos cui Missæ celebrandæ traduntur, per alium satisfacere collato illi minori stipendio, alia parte stipendii sibi retenta*, ut favens avaritiæ, turpi lucro, & injustitiæ; quid dicendum de Canonicis qui retento sibi pingui stipendio, vix ullum Ecclesiæ obsequium præstant?

Nec juvat quod additur de possidente Beneficium simplex: cum enim Fundatores, hæc Beneficia conferre soleant juvenibus, qui per se eorum onera implere non possunt, satis indicant sibi sufficere si munia hæc per alios impleantur, donec à Titularibus impleri possint. Aliud porro est de Canonicis, nisi publicè doceant, vel studeant in Scholis. * Unde colliges Punctatorem cui cura incumbit eos notandi qui vel seriùs ad Officium accedunt, vel citiùs egrediuntur, si quibusdam parcat, teneri ad restituendum ** *tantundem de suo, pro prætermisæ, omisæve cujuscumque notæ aut punctationis ratione*. Idem sancit Concilium Mediolanense 1. part. 2. cap. 42. de Thesaurario, *si distributiones eorum, qui errati vel absentia causa notati fuerint, persolvat*. Indubiè autem & Punctator, & Thesaurarius ad restituendum de suo tenerentur, si vel is aliquem immeritum notaret, vel iste eidem scienter debitum stipendium denegaret.

CONCLUSIO II. Non sufficit ut Canonici modestè & assidue Choro assistant, sed & necessarium est, ut psallant quantum possunt, & nisi faciant, ad restituendum obligantur.

Prob. 1mo. Ex Concilio Basileensi Sess. 21. cap. 3. ubi sic: *Cum Canonici in Chorum psallendi gratia conveniant, juncta & clausa labia tenere non debent, sed omnes, præsertim qui majori funguntur honore, in psalmis, & canticis Deo alacriter modulentur...* Nemo ibidem, dum Horæ in communi publicè cantantur, legat vel dicat privatim Officium; sic enim obsequi-

* Trident. Sess. 5. cap. 1. ** Trident.

um quo

um quo obnoxius est, Choro subtrahit... horum autem transgressores, illius Horæ in qua circa prædicta excesserint, vel alia majori, prout transgressionis gravitas exegerit, plectantur pænæ.

* Atqui verba hæc quæ in Pragmatica Caroli VII. Sanctione reperuntur, vim legis in Gallia & alibi habere debent; ergo.

Prob. 2do. Quia vera imposita est Collegio Canonicorum Officii canendi obligatio, ad hoc enim redditus percipiunt: atqui obligatio hæc ita totum corpus afficit, ut afficiat singulos nec est cur unus potius obligetur quàm alter. Ergo sicut Parochi non præsentiam solum, sed & ministerium suum Beneficio suo impendere tenentur; sic & Canonici servitium suum Choro debent, & contra iustitiam peccant, si se ab eo dispensent.

Nec dicas consuetudinem in hoc puncto, sicut in aliis pluribus, juri communi derogasse. Nam 1mo. nulla consuetudo præscribere potest contra jus naturale: atqui jure naturali qui stipendium recipit propter aliquod munus, munus illud implere tenetur; 2do. non usque aded invaluit prætensa hæc consuetudo, ut Canonici quotquot sunt pietate, & doctrina graves, eandem non improbaverint velut abusum; atqui consuetudo cui pars senior resistit, pro vera consuetudine haberi nequit. Quod autem multi pro ea certent, non nocet; quippe ** non minus peccat qui cum multis peccat; nec minus ardebit qui cum multis damnabitur; 3tio. quia consuetudinem hanc semper impugnaverunt Concilia, ut patet ex iis quorum verba citavimus, & aliis pluribus quæ congerit Pontas v. *Chanoine* cap. 6. Ergo tenendum in praxi cum Paludano, Majore, Adriano, Cajetano, Navarro, Comitolo, Covarruvia, & aliis pluribus, eos qui Choro muti interfunt, distributiones non facere suas, adedque pro ratione culpæ ad restituendum obligari.

Quæres. Quid de iis sit sentiendum qui tam præcipitanter canunt, ut alii versum sequentem inchoent, antequam præcedens ab aliis fuerit absolutus. R. cum S. Antonino, eos mortalis peccati reos se facile constituere: 1mo. quia sæpè grave Laicis scandalum ingenerant; 2do. quia hæc recitandi ratio magnam continet irreverentiam adversus Deum, ad quem homo pulvis & cinis eo loquitur modo, quo terrenos Principes alloqui non auit.

ARTICULUS SEXTUS.

De causis ab Officii recitatione excusantibus.

Prima causa est impotentia, seu *Physica*, cum quis absolute Officium recitare nequit, puta quia caret Breviario, nec

memori-

Q 92

* Cap. 10. Pragm. ** Albert. Magn.

memoriter scit; seu *moralis*, cum Officium persolveri non potest, sine magna difficultate, puta sine magno capitis vel corporis incommodo aut dolore. Idem est si inter Infideles degens, graves ab ipsis cruciatus probabiliter metuas, si ex Horarum recitatione agnoscat te Sacerdotem esse vel Religiosum. Ad pleniorē primæ hujus causæ intelligentiam.

Quæres 1mo. An qui ex gravi febre, vel morbo convalescit, teneatur statim recitare. R. negat. Potest enim prudentis Medici, vel Confessarii arbitrio, Horas per aliquot dies, omittere, ob periculum reincidentiæ, & virium imbecillitatem. Quod si Medicus vel in ejus defectum Superior judicet dubium esse, an Officii recitatio notabiliter nocitura sit, censent Casuistæ etiam stricti, nullam esse recitandi necessitatem, quia pia mater Ecclesia non intendit filios suos notabili periculo exponere.

Quæres 2do. An febris tertiana vel quartana, præsertim si per aliquot menses perduret, sufficiens sit Officii intermittendi ratio. R. negat. & ita fert communis sententia, quia hujusmodi febres nisi multum defatigent, satis relinquere solent intervalli & virium, ut quis Horis suis perfungi possit. Tandiu porro infirmitas vel febris non censetur ab Officio dispensare, quandiu non impedit ne homo alia negotia gravia pertractet.

Hinc quædam notanda, 1mo. eum qui totum præ morbo Officium persolvere nequit, teneri ad eam partem quam potest: hinc damnata fuit ab Innocent. XI. hæc propositio: *Qui non potest recitare Matutinum & Laudes, potest autem reliquas Horas, ad nihil tenetur; quia major pars trahit ad se minorem;* eum qui non potest Horas legere ipsa accessus die, regulariter teneri ad recitationem aliis diebus quibus febris non corripitur, quia tunc cessat aut suspenditur causa non recitandi; 3tio. tutius, & probabilius, ac consequenter necessarium esse, ut qui prævidet futurum ut propter febrim aut aliud impedimentum, die sequenti recitare non possit, pridie recitet Matutinum & Laudes: qui enim ad munus aliquod strictè obligatur, eo fungi debet cum potest; 4to. eum qui non potest solus recitare, teneri socium sibi adsciscere, si commodè possit. Idquæ verum etiam si non teneatur ad Officium nisi vi Ordinis aut Professionis. Tunc tamen non tenebitur stipendio, nisi modico quoddamque sibi grave non sit, socium conducere. Major est sanè Beneficarii cacitate aut alio impedimento laborantis obligatio. Unde tenetur conducere socium quicum recitet, si sufficientes ad hoc fructus ex Beneficio percipiat. Quia qui socium non ita difficile habere potest quicum recitet, verè potens est ad recitandum. Ceterum qui socium habere non potest, eam debet partem recitare quam memoriter tenet: quia præceptum quod ex toto nequit, saltè ex parte impleri debet.

Ex his
dum &
ter orat
licet cum
rel, & n
qui Brev
pensare o
teneatur
tentionem
Secund
occupati
ferri vel
confessio
at: si q
ponendu
quia cha
dere deb
pore Iubi
nibus fin
men Co
unt, plu
ni vacet
Quæ
licem a
fin.
R. ne
beat in
infamia,
nequeat,
mortis n
citet. I
illud ter
ita conc
memori
Terti
de causis
jor est
quidem
quod ra
quid ma
cobareat
recitatio
conscien
pericul

Ex hisce principiis colligunt aliqui 1mo. Canonicum surdum & cæcum, adhuc teneri Choro interesse, ibique mentaliter orare, aut ea quæ memoriter tenet, secum recitare: quia licet cum aliis canere nequeat, cum aliis Choro interesse potest, & magnam ædificationis exemplum præbere; 2do. eum qui Breviario careret, nec sciret memoriter, debere id compensare oratione vocali, aut piis meditationibus, quia quisque tenetur facere id quod potest, ut Deo secundum Ecclesiæ intentionem servitium præster.

Secunda causa est charitas, seu quælibet gravis & honesta occupatio, quæ sine notabili sui vel proximi incommodo differri vel omitti non potest; ut si quis periculose ægrotantis confessionem ad medium noctis protrahendam excipere debeat: si quis ad concludendam pacem, & finem seditioni imponendum vocatus, per diem totam impediatur. Ratio est, quia charitati, ut quæ virtutum regina sit, ceteræ virtutes cedere debent. Idem est de eo, qui in magni Festi die, vel tempore Jubilæi tanta obruitur Pœnitentium multitudine, ut iis omnibus simul & Breviario satisfacere non possit. Caveant tamen Confessarii, nè qui recitandi Officii tempus non inveniunt, plusquam par sit temporis inveniant ut somno & refectioni vacent.

Quæres, an Concionatores, ii præsertim qui memoriam felicem à natura sortiti non sunt, ab Officii recitatione immunes sint.

R. negat. Nisi fortè quis paulò post concionem habere debeat in die admodum solemni, eamque sine notabili tum sui infamia, tum affluentis populi murmure & scandalo omittere nequeat, & ipsam ob gravia quibus obrutus est negotia memoriarum mandare non possit, nec mandaturus sit si Officium recitet. Et is quidem casus satis est Metaphysicus; cum parum illud temporis quod ad privatam Officii lectionem sufficit, vix ita concionis studio necessarium esse possit, ut aliqui concio memoriarum committi nequeat.

Tertia causa, est dispensatio: hæc à Romano Pontifice iusta de causa concedi potest ipsis etiam Beneficiariis de quibus major est difficultas; quia non desunt casus in quibus nè ipsi quidem Fundatores ab iis exigent Officii recitationem, ut si, quod rarissimum est, Beneficiarius in gratiam fidei debeat aliquid magnum aggredi, quod cum recitatione Horarum non cohæreat: aut si oculorum debilitas, dolor capitis, vertigines, recitationis cessationem postulent; item, si Clericus evaserit conscientiarum tam scrupulosæ, ut nisi ab Officio cesserit, amentiarum periculum incurrat; & tamen ad victum suo opus habeat Beneficio.

neficio. Extra hos aut similes iustæ necessitatis casus non prodesset Breviarii dispensatio etiam à Romano Pontifice concessa.

Episcopi verò ab Officii recitatione dispensare non possunt; quia inferior in lege superioris non dispensat, nisi de ejusdem consensu; porro Ecclesia, Romanusve Pontifex, nullibi leguntur hujusce dispensationis facultatem Episcopis concessisse. Possunt tamen iidem junioribus Beneficiariis permittere, ut studiorum causa parvum B Virginis Officium loco majoris Breviarii recitent; prout contra Pontas docet autor Collat. Andeg. ob communem Episcoporum Gallie praxim, quos nemo* nisi imprudens temeritatis transgressionisque insinulaverit. Sed duo addit idem Scriptor, 1^{mo}, commutationem hanc non concedi ordinariè nisi iis qui Beneficia habent redditus tam modici, ut non adequet summam ad titulum Ecclesiasticum dioecesana lege requisitam. [Si non idem titulus cunctis constitutus sit, in computando Beneficii redditu habetur ratio minoris taxæ [2^{do}. eandem commutationem non concedi iis qui jam annorum 15. aetatem atigerint, idque si interim studiis vacent & hæc est Curie Romanæ praxis; quanquam dispensatio concessa juniori Beneficiario, qui valetudine fati infirma uteretur, eidem etiam si annos 15. excederet, continuari posse videretur.

ARTICULUS SEPTIMUS.

Ad quid teneantur qui Officium omiserunt.

Dico 1^{mo}, qui hodie Officium etiam culpabiliter omisit, non tenetur idem cras legere. Ratio est, quia Officii hujus obligatio, huic diei est affixa; ergo transactâ hac die nulla est obligatio recitandi: superest tamen magna peccati hujus per poenitentiam reparandi obligatio. Monet autem S. Thom. quod l. 3. q. 13. non esse à Confessario injungendum ei qui omisit dicere divinum Officium, quòd Horas easdem repetat, quia ex sæpius tempori non congruerent, sed aliquid ad laudem divinam pertinens, putà ut dicat septem Psalmos, vel unum psalterium, vel aliquid amplius secundum qualitatem delicti.

Dico 2^{do}. Qui Horas canonicas uno vel pluribus diebus intermisit, omnes Beneficii seu Beneficiorum suorum fructus, qui illi vel illis diebus responderent, si quotidie dividerentur; qui verò Matutinum, tantum dimidiam; qui ceteras omnes Horas, aliam dimidiam; qui harum singulas, sextam partem fructuum ejusdem diei amittere debet. Ita Pius V. Constitutione Ex proximo. Quæ ut melius intelligatur.

* Tom. 2. de Contract. p. 375.

Quæres 1mo. An qui Officium omittit, ratus inculpabiliter se ipsum recitasse, teneatur ad restitutionem pro ratâ partem quam omisit. R. negat. 1mo. quia meritò præsumitur Fundatores non intendisse eos ad restitutionem obligare qui aliquam Officii partem inculpate omiserent, cum pœna quæcumque iusta culpam præsupponat; 2do. quia Pius V. eos solùm ad restituendum teneri decernit. *qui legitimo cessante impedimento* Officium omittunt: porro oblivio naturalis, quæ ignorantie invincibili comparatur, legitimum est & non culpabile impedimentum; sicut legitimum est impedimentum illius cui fures Breviarium arripuere, & qui aliud invenire nequit. Quod si oblivio culpabilis foret, puta quia prævideri debuerat, ut quæ jam non semel contigisset, tunc omissio recitandi, esset veri nominis peccatum; adeoque restituendi obligationem induceret.

Quæres 2do. An qui hodie omittit Officium, faciat fructus suos si cras utriusque diei Officium recitet. R. neg. Ratio est, quia talis reverà non satisfacit, cum Officii sicut & jejunii onus diei affixum sit.

Nec dicas Capellanum qui feriâ terciâ Missam in aliquo Sacello celebrare debet, esse à restituendo immunem, si eam die sequenti celebret. Nam 1mo. Id falsum erit, si legitimâ de causâ stipulatus sit Fundator ut Missa tali prorsus die celebretur. Sic qui stipendium recepit, ut pro obtinendâ moribundi sanitate Missam celebret, teneatur ad restituendum si eam differat donec aliter è vivis excesserit; 2do. si Capellanus in casu proposito à restitutione eximatur, utique quia censetur Fundator Missam huic præcisè diei non necessariò alligare voluisse: atqui officium de hoc Sancto, vel de hac feriâ huic diei annexum est ex communi sententiâ; ergo.

Quæres 3tio. An Beneficiarius ad restituendum teneatur ante Judicis sententiam. R. affirm. quia obligatio restituendi in iis qui pacto suo desunt Officium non recitando, juris est naturalis; ac proinde ex naturâ rei, & independentè ab hominibus adimplenda. Hinc meritò proscripta fuit ab Alexandro VII. propositio ista, *Restitutio à Pio V. imposita Beneficiariis recitantibus, non debetur in conscientia ante sententiam declaratoriam Judicis, eò quòd sit pœna.* Et verò quor Beneficiarii nunquam restituerent?

Hic obiter repeto quod jam dixi, & plurimos terrere debet, parem esse conditionem illius qui non recitat; & qui non eo recitat modo quo recitandum est v. g. sine attentione actuali vel virtuali, &c.

Quæres 4to. An is etiam Beneficiarius qui primis sex mensibus non recitat, teneatur ad restituendum. Ratio dubitand-

desumitur ex citatâ Pii V. Bullâ, quæ restitutionem iis solùm imponit, qui post sex menses ab obtento Beneficio Officium non dixerint.

R. Tamen affirmat. 1mo. quia Beneficiarius recitationem debitam omitens peccat contra iustitiam commutativam; cùm Stipendiarius illud ex iustitiâ facere teneatur pro quo stipendium accipit: porrò qui iustitiam commutativam lædit, eo ipso tenetur ad restituendum; 2do. quia Bulla Pii V. non excusat positivè à restituendo Beneficiarium de quo agitur, sed negativè tantum, quatenus nihil contra ipsum decernit; ergo relinquit res in eo statu in quo antea erant; ergo non minus post eam Bullam quam ante, restitutioni subjacet, qui Officio deest.

Quæres 5to. An Beneficiarius qui omisit Officium, sed alia Beneficii sui munera implevit, Parochus, v. g. qui Sacramenta ministravit, ægros invisit, temporalium Beneficii bonorum curam egit, ad eandem obligetur restitutionem, ac si nihil horum effecisset.

R. Negat. quia partem laboris quem debet, præstitit, partem stipendii retinere potest, nisi eâ privetur per legem quæ firin vigore: porrò Bulla Pii V. quæ Beneficiarium Horas omittentem toto Beneficii reditu privare videtur, cum tanto rigore recepta non fuit, ut docent saniores Theologi, Quotam vero pro obsequiis suis partem sibi retinere possit Beneficiarius ex eorumdem obsequiorum naturâ, & quantitate judicari debet.

Quæres 6to. Unde & cui facienda sit prædicta restitutio.

R. Ad 1mum. Eos qui Beneficii redditus consumpserunt ex bonis patrimonialibus, si quæ habeant, restituere debere; quia quidquid percipiant, detractâ legitimâ sustentatione, stricto jure pauperibus debitum est; ergo si restituerent ex fructibus Beneficii, restituerent ex eo quod jam debent, quæ restitutio non valet. Quod si nullos habeant redditus nisi ecclesiasticos, impensis etiam legitimis parcere tenentur, ut obligationi huic, quantum poterunt, faciant satis. Si verò modici sint eorum redditus, à restituendi onere immunes erunt, satisque erit si culpam admissam congruâ poenitentia reparent: v. g. plus orando pro Fundatoribus, Missas ad quas non tenentur celebrando pro iisdem, &c.

R. Ad 2. restitutionem pauperibus locorum in quibus sita sunt Beneficia, faciendam esse, vel eorumdem Ecclesiis, si reparationibus indigeant, &c.

Duo hic addenda: 1mo. Damnatam fuisse ab Alexandro VII. hanc Casuistarum propositionem, *Restitutio fructuum omissionem Horarum suppleri potest per quascunque elemosynas, quas antea Beneficiarius de fructibus suis Beneficii fecerit*; 2do. Id quod dictum est de restitutione pauperibus faciendâ non habere

bere locum in Canonicis, qui distributiones sibi indebitas receperunt: ii enim tenentur ad restituendum aliis Canonicis, qui bene & ut par est Officio interfuerint. Hi verò si illis remiserint jus suum, remissio illa, [nisi quod rarum est, concedatur Canonico absenti tanquam pauperi] non eximit à restitutione denuò faciendâ, * Canonicis qui præsentes fuerint, nisi eam ipsi pauperibus fieri consentiant. Ratio severitatis hujus fuit necessitas vitandæ collusionis: facile enim qui interfuit Officio, multam remitteret ei qui abfuit, ut is vicissim tibi remitteret, cum voluerit abesse.

CAPUT QUARTUM.

De Juramento.

Hujusce Capituli septem erunt Articuli. In primo, juramenti essentiam & divisiones expendemus. In secundo, videmus an juramento uti licitum sit. Tertius, juramenti conditiones, & peccata quæ ex earum defectu contingunt, expendet. Quartus dicit de juramento cum amphibologiâ & restrictione mentali. Quintus juramenti obligationem indagabit. Sextus erit de interpretatione juramenti. Septimus de causis quæ ejus obligationem impediunt aut tollunt.

ARTICULUS PRIMUS.

De essentia & divisione juramenti.

Juramentum, quod & Sacramentum dicitur, definiri potest, *Invocatio Dei in testem eorum quæ asseruntur aut promittuntur.*

Dicitur 1mo. *Invocatio Dei*, id est, actio quâ Deus prima veritas, vocatur quantum est in eo qui jurat, ut testis omni exceptione Major, rogaturque ut infallibili suo testimonio veritatem latentem aperiat: non quidem hic & nunc, hoc enim esset tentare Deum: sed quando ei visum fuerit, & saltè in die judicii, cum illuminabit abscondita tenebrarum, I. Corint. 4.

Dicitur 2do. *invocatio in testem*; unde ex voces *Coram Deo loquor, Deus scit ita esse ut dico, &c.* non sunt juramenta, si enuntiative tantum proferantur, quia significant duntaxat, veritatem rei quam asserimus, Deo cognitam esse: si verò invocative dicantur, ut sæpius contingit, veri sunt nominis juramenta, quia

* Nat. Alex.

ta, quia tunc adducitur Deus in testem. Hinc illud Pauliad Galat. 1. *Ecce coram Deo quia non mentior*, pro juramento haberi solet.

Dicitur 3tio. in testem eorum quæ afferuntur, &c. quia juramenti finis est ut confirmetur ea quæ enuntiantur, vel promittuntur.

Quæres an ad juramentum requiratur intentio jurandi, id est, non solum proferendi verba quibus Deus in testem adducitur, sed & ea proferendi ex motivo Deum vocandi in testem.

R. affirmat. 1mo. quia non magis juramentum sine jurandi intentione, verum est juramentum, quam votum sine votendi intentione: atqui sine votendi intentione, votum non subsistit, etsi exterius exprimat; ergo 2do. quia juramentum debet esse actus humanus, non solum quatenus est quædam locutio materialis, sed etiam quatenus est juramentum: atqui juramentum non potest esse actus humanus in ratione juramenti, sine intentione jurandi; 3tio. quia ex communi sententiâ prolatio ejusdem verbi, aliquando juramentum est, aliquando non, ut patet ex iis qui aliquid asserunt per suam fidem; ergo juramentum ab intentione pendet.

Ex dictis colliges quasdam esse loquendi formulas, quæ juramentum discretè continent; quasdam quæ dubiæ sunt, & nunc juramentum sunt, nunc non sunt pro loquentis intentione.

1mo. Juramentum continent istæ, *Deum testem invoco; Deus mihi testis est; vivit Deus; Sic me Deus adjuvet, &c.* particula in ad juramentum sufficit, ut Rom. 9. *Veritatem dico in Christo.*

2do. Dubiæ sunt istæ, *Coram Deo loquor; Deus videt conscientiam meam*, quæ si enuntiativè proferantur, juramentum non erunt; secus si invocativè dicantur.

3do. Istæ juramentum esse non censentur, *profectò, certissimè, sine dubio, verè seu in veritate aut in veritate mea*; secus si dicatur, *in veritate Christi, aut Dei*. Hic tamen consulenda est loquentis intentio quæ plerumque est jurandi; & optimi est consilii ab iis loquendi modis abstinere: tum quia periculosi sunt; tum quia exponunt scrupulo, unde mulierculæ quibus familiaria sunt hæc verba, solent se facti juramenti accusare.

Negant multi hæc verba; *in fide, per fidem meam*, juramentum esse; quia ex voces, si nudè & simpliciter proferantur, de fide tantum humana intelligi solent: & verò nullus putat id sibi sub juramento promissum fuisse, quod quis promiserit in fide sua. Res adhuc clarior est, cum aliquid additur quo fides fixæ ad humanum determinetur, ut si dicas, *In fide viri probi; In fide regia, vel viri nobilis*. Si quis verò etiam interius dicat, *in fide Dei, in fide Christi, vel christiana*, aderit juramentum secundum

secundum omnes, quia christiana fides est res valde sacra, porro attestatio per rem sacram, eo ipso est juramentum, utpote quæ per se involvat habitudinem ad DEUM.

Verba hæc, *In fide hominis christiani*, verba item Presbyteri *per sanctam consecrationem*, interrogati, possunt non esse juramentum, quia intelligi possunt de fidelitate qualem esse decet in homine christiano, vel consecrato; & tunc in his non interponitur divina autoritas, sed sola fidelitas ipsius jurantis, prout majorem quandam credibilitatem participat ex eo quod est in homine christiano. Eo sensu dicit Clericus, *in fide Clerici*, & Religiosus *in fide Religiosi*, non ut denotetur fides divina, sed ut commendetur credulitas ex circumstantia personæ. Hæc tamen, etsi in rigore vera sunt, consulenda semper est intentio loquentis; & multò satius est hos loquendi modos devitare, qui dubium relinquunt, scandalum generant, & in foro exteriori pro juramentis haberi possent.

Horrendæ ex voces quibus nimium utuntur & plebei & nobiles, *Caput aut venter Dei*, *Deum nego*, potius sunt blasphemiae quam juramenta.

Juramentum dividitur 1mo. ex parte materiæ in assertorium & promissorium. Primum illud est quo interposita DEI attestatio asserimus aliquid esse vel fuisse. Secundum vero illud est quo confirmamus id quod pollicemur, unde juramentum hoc necessario futurum respicit. Sub promissorio continetur comminatorium quo poenam minamur, & alteri infligendam promittimus.

2do. Juramentum ex parte modi dividitur in explicitum, quo DEUS disertè invocatur in testem, ut *Testor Deum*, & implicitum, cum quis jurat per creaturas. Quod fit 1mo. cum considerantur prout in iis specialiter elucet, vel apprehenditur Numen divinum; 2do. cum considerantur ut aliquid nostri bonum, quod sub hoc respectu DEO obligari velimus, & tunc est juramentum execratorium, ut dum juravit Joseph Genes. 42. *per salutem Pharaonis*: cujus juramenti is est sensus, Conserve DEUS Pharaonem, si verum, non conserve, si falsum dico; 3tio. cum falsò existimatur inesse creaturis divinitas, & tunc non tam est juramentum, quam blasphemia aut quædam idololatriæ species.

4tio. Juramentum dividitur in simplex & solomne. Simplex illud est quod fit per simplicem DEI invocationem, verbis, signisve æquivalentibus expressam; solemne verò, quod fit peculiari ritu aut ceremonia secundum legem aut consuetudinem verbis addita. Tale est juramentum quod fit actis Evangelii, Ara, Cruce; vel etiam coram Notario, testibus, &c.

4to. Juramentum aliud est judiciale quod præstatur in judicio, seu coram Judice legitime interrogante; aliud extra judiciale quod fit extra judicium.

Juramentum judiciale vel est voluntarium, quod ex partium conventionione præstatur; vel necessarium, quod à lege vel à Judice præcipitur ad finiendam litem, ad purgationem criminis, ad probandum tesatisfacisse debito quod exigitur. Hoc juramentum deferri solet reo, nisi res agatur apud Mercatorum Consules, ii enim solent juramentum deferre auctori,

Rursus juramentum judiciale vel præstatur initio litis, & tunc vocatur juramentum *calumnie*, quo nempe protestantur ii qui inter se litigant, se litem non suscipere, nisi quia existimant justitiam è partibus suis stare; vel præstatur in litis progressu, vocaturque *decisorium*; & tanti est ponderis, ut transactionis vim habeat, unde judicium quod consequenter laum est, sub nullo etiam perjurii prætextu rescindi potest.

5to. Juramentum aliud est verbale, quod verbis exprimitur; aliud reale quod fit adhibitis signis vice verborum; aliud mixtum, in quo verbis adjungitur actio corporalis, ut si verbis accedat Actus, vel Evangeliorum tactus; quæ solemnitas adhibetur ut quis majori cum deliberatione, & reverentia juret.

6to. Juramentum dividitur in contestatorium, & execratorium. Contestatorium illud est in quo Deus simpliciter vocatur in testem, sine sui vel alterius obligatione ad poenam, ut *Testis est mihi Deus*. Execratorium, illud est quo Deus vocatur non in testem duntaxat, sed & in punitorem nostri, vel alterius ad nos pertinentis, si verum non loquimur; & hoc juramenti genus vel fit explicitè, ut si quis dicat, *Si mentior, moriar in loco*; vel implicitè ut cum quis jurat per vitam suam, aut alterius sibi chari. Hujus juramenti exemplum habes. I. Reg. 14. *Hæc faciat mihi Deus & hæc addat*. II. ad Corint. 1. *Testem invoco Deum in animam meam*.

7mo. Dividitur juramentum in absolutum & conditionale; sincerum & dolosum; apertum & ambiguum; quæ per se intelliguntur.

Quæritur an juramenta præcedentibus divisionibus assignata, à se invicem specificè differant.

R. negat. quæ enim conveniunt in eadem ratione formali, specificè conveniunt: atqui prædicta juramenta conveniunt in eadem ratione formali, cum in his omnibus Deus sub eadem ratione invocetur, nempe ut prima veritas. Quòd autem in juramento execratorio Deus invocetur ut vindex, item quòd in promissorio invocetur ut fidejussor, materiale est ad rationem juramenti; sicut ad rationem voti materiale est quòd Deo promittantur paupertas vel continentia.

ARTICULUS SECUNDUS.

De Juramenti usu.

Juramenti usum licitum esse negavit post alios plures Wiclefus, cujus error 43. in Concilio Constantiensi proscriptus is erat, non esse licitum jurare ad firmandos humanos contractus. Idem sentiunt exorti seculo XV. Anabaptistæ: contra quos omnes sit.

CONCLUSIO. Juramento uti licet, si adsint requisitæ conditiones. Est de fide.

Prob. 1. Quod Deus ipso fecit, cujus faciendi modum præscripsit; quod viri sancti tum in antiquo, tum in novo testamento fecisse leguntur, quod demum Traditio & Ecclesia licitum esse docent illud pro malo & illicito haberi non potest, sed è contra pium & sanctum reputari debet: atqui tale est juramentum. Prob. minor per partes.

1mo. Quidem juravit Dominus, uti docet Rex Propheta Psalm. 109. & Apostolus Hebr. 6. his verbis: *In quo ... volens Deus ostendere immobilitatem consilii sui, interposuit juramentum.*

2do. Juramenti modum præscripsit Deus Jerem. 4. *Jurabis, Vivit Dominus, in veritate, & in judicio, & in justitiâ.*

3tio. Juramento uti sunt Sancti, non solum tempore legis naturæ, vel scriptæ, ut constat de Abraham, Isaac, & Jacob, Genes. 21. 26. & 32. & de Prophetis, quibus familiaris fuit hæc formula, *Vivit Dominus*; sed etiam tempore legis evangelicæ, de quâ major est difficultas. Sic S. Paulus Rom. 1. ait: *Testis est mihi Deus.* II. Corint. 1. *Testem Deum invoco in animam meam.* Merito igitur S. Augustinus Serm. 180. *Invenimus, inquit, jurasse Sanctos, jurasse ipsum Dominum in quo non est peccatum Non ergo est peccatum jurare, sed magis pejorare.*

4to. Denique licitum esse juramenti usum docet Ecclesia, quæ sæpe juramenta exigit vel in judiciis ut constat ex titulis *De jurejur.* & *De testib.* vel ad ejurandam hæresim, ut patet ex Conciliis Ephesino, & Constantiensi, ex Bulla Martini V. ex Formulario Alexandri VII. &c.

* Prob. 2do. Quia principium, finis, & materia juramenti, bona sunt, si debitæ occurrant conditiones. Nam juramento utimur, 1mo. Ob nostram de divina infallibilitate existimationem: hoc autem principium liquet optimum esse; 2do. ut controverſis finem faciamus, prout dicitur Heb. 6. & is etiam finis

nis bonus est; 3tio. demum, ut ea confirmemus quæ cognosci aut confirmari expedit, ergo juramentum nullo ex capite reargui potest.

† Prob. 3tio. Actus pertinet ad cultum Dei, & servitutem ipsi debitam, est actus religionis, ac proinde actus bonus: atqui juramentum est actus ad latrariam & servitutem Deo debitam pertinet, ut indicant citata Deuteronomii verba, *Dominum Deum tuum timebis, &c.*

Obj. 2do. id Matth. 5. *Audistis quia dictum est antiquis: Non perjurabis, reddes autem Domino juramenta tua. Ego autem dico vobis, non jurare omnino, &c.* Idem expressissime docet S. Jacobus cap. 5. *Ante omnia, inquit, nolite jurare, neque per cælum; neque per terram, neque aliud quodcumque juramentum. Sit autem sermo vester, Est, est; non, non; ut non sub judicio decidatis: atqui hæc verba omne prorsus & quodcumque juramentum prohibent.*

R. Ad 1. neg. min. & dico Christum non prohibuisse juramentum simpliciter, sed facilitatem adedque & temeritatem juramenti. Salvator enim duos Phariseorum errores arguit. Primus erat juramentum per creaturas, non esse juramentum, cujus vinculo quis obstringeretur; *Vae vobis*, ait Chrystus Matth. 23. *duces cæci, qui dicitis, Quicumque juraverit per Templum, nihil est.* Secundus erat, verba hæc, *Non perjurabis, reddes autem Domino juramenta tua*; ab iis solum violari, qui falsum jurarent: unde pessima leviter & sine causâ jurandi consuetudo passim inoleverat apud Judæos. Utrumque errorem refellit Christus, ostendendo & verè jurari per creaturas, & non esse ulla ratione, aut ullo juramenti genere *leviter jurandum*. Christum verò horum errorum confutationem sibi proposuisse, patet ex ipso sermonis ejus initio, *Nisi abundaverit justitia vestra plus quam Scribarum & Phariseorum, &c.* Porro Christus hæc opinioniones confutare, absque eo quoddam omne juramenti genus prohiberet; satis enim fuit ei, si juramenta quæ leviter & sine causa fiunt, prohiberet.

* Inst. 1mo. Christus illud verat juramentum, quod permixtum erat antiquis: atqui solum juramentum ex causâ & necessitate permixtum erat antiquis; ergo hoc ipsum prohibet Christus.

R. Dist. maj. verat Christus illud juramentum quod antiquis permixtum erat, secundum Traditiones Pharisaicas, C. quod permixtum erat in rei veritate, N. Christus itaque non intendit eo loci revocare concessam Judæis jurandi licentiam, quæ in ipso naturali jure fundatur, & ad latrariam pertinet, sed vel aliquas tollere imperfectiones quæ in ipsis *ad duritatem cordis*
hactenus

hactenus

pravas cir-

gere. Si

veris, coll-

italceretur

vobis, ait

rit judicio

dum: No

omnino, o

autem dico

omnem p

tamenti q

libent; &

ciratis Ch

quocumq

Hæc l

* Thom

mentum

ait, S. Hi

narabantur

† Inst

non, non

tum esse

R. ne

d malo q

ratur, tu

mento si

essent. I

imò & q

stam. S

te cap. 1

* Obj

lum esse

refertur

lege con

quodd me

nus Lib.

do nec je

Respo

puncto i

joris mo

huiusmo

Itaque.

* p

hactenus tolerata fuerant, non secus ac libellus repudi; vel pravas circa quædam præcepta expositiones Phariseorum abigere. Sic ex eo quòd dictum esset, *Non occides, non machaberis*, colligebant Pharisei, eum non peccare qui vel simpliciter irasceretur, vel à crimine exteriori abstineret: *Ego autem dico vobis*, ait Christus, *quia omnis qui irascitur fratri suo, reus erit judicio*, atque hinc nova nobis exoritur probatio in hunc modum: Non magis hæc verba, *Ego autem dico vobis, non jurare omnino*, omne prorsus juramentum prohibent, quàm ista, *Ego autem dico vobis, quia omnis qui irascitur... reus erit judicio*, omnem prorsus iram prohibeant: atqui posteriora hæc verba, tamen si quo ad literam generalia, non omnem prorsus iram prohibent; * sunt enim qui irascuntur & non peccant, ergo nec ex citatis Christi verbis inferri potest omne prorsus juramentum quocumque in casu prohibitum fuisse.

Hæc solutio sufficit ad textum S. Jacobi. Addit tamen S.

** Thomas non hic prohiberi juramentum simpliciter, sed juramentum per creaturas, tanquam per numina. *Judæi* enim, ait, S. Hieronymus, *per Angelos & cetera jurantes, creaturas venerabantur Dei honore*.

† Inst. 2do. Juxta Christum quidquid dicitur *ultra est, est; non, non, à malo est*: atqui quod à malo est, in nullo casu licitum esse potest; ergo.

R. neg. min. juramentum enim non dicitur esse malum, sed à malo quia supponit infirmitatem, tum ex parte illius cui juratur, tum ex parte illius qui jurat: neque enim opus esset juramento si homines hinc quidem satis creduli, illinc satis fideles essent. Porro quod à malo est, sensu mox exposito, licitum, imò & quadantenus necessarium esse potest in hoc infirmitatis statu. Solutio est Augustini Lib. 1. de Serm. Domini in monte cap. 17.

* Obj. 2do. Multi Patres docuerunt juramentum in se malum esse. Ità inter alios S. Hieronymus in cap. 5. Marth. & refertur can. 8. XXII. q. 1. *Judæis*, ait, *quasi parvulis fuerat lege concessum ut jurarent non quòd rectè hoc facerent, sed quòd melius esset Deo id exhibere quàm dæmonibus*. Tertullianus Lib. De idololatria cap. 11 *Taceo de perjurio*, inquit, *quando nec jurare quidem licet*; & alii apud Suarem cap. 2. n. 2.

Respondent aliqui apud Suarem, nonnullos Patres hoc in puncto materialiter errasse, ut aliis in capitibus & aliquando majoris momenti erraverunt S. Papias, S. Cyprianus, &c. Verùm hujusmodi solutiones admitti non debent, nisi sint necessariae. Itaque.

R. Cum

* P salm. 4. ** 2. 2. q. 575. art. 6.

R. Cum aliis, existimasse Hieronymum juramentum etiam frequens & sine magna necessitate, aliquando Judæis fuisse permissum, ut minus malum, nè nempe per idola jurarent: quo posito citatus locus nihil habet difficultatis; permissio enim non cadebat in juramentum purè & simpliciter sumptum; sed in ejus modum, frequentiam scilicet & crebriorem utunt: hunc autem jurandi modum non recipit Lex Evangelica, ut ibidem docet S. Hieron.

Quod ad Tertullianum attinet, is loquendo moraliter, illicitum dixit, quod rarum esse debet, multumque exigit circum-
spectionis.

Obj. 3tio. Si juramentum sit actus religionis, melius quis faciet quantò plus jurabit; ut melius facit qui sæpius orat; at-
qui falsum consequens.

R. 1mo. neg. maj. quia juramentum bonum non est, nisi comites habeat veritatem, justitiam & judicium: quæ difficilè admodum occurrerent in juramento frequentiori.

R. 2do. neg. min. reipsa enim melius facit qui jurat, quàm qui abstinet à jurando; unde peccaret, qui noller jurare, cum juramentum exigit legitima autoritas. Neque tamen sæpe ju-
randum est, quia una è conditionibus ad juramentum legitimum requisitis, est ut nunquam juretur nisi cum vera adest jurandi necessitas.

Quod additur melius facere eum qui sæpius orat; 1mo. ve-
rum non est: nisi oratio fiat in debitis circumstantiis; malè enim faceret, qui diutius vacando orationi penè omnem rei domesticæ curam omitteret; ideo melius est orare, quàm non orare, quia non orare non est actus virtutis; non jurare autem actus est virtutis, simplicitas nimirum quam sæpe commendat Scriptura. Porro inter varias quæ secum pugnare videntur virtutes, ea aliis præferri debent, quæ minùs habent periculi: sic matrimonio licèt bono anteferri debet virginitas, ut quæ hominem minùs dividat, eiq̃ue majorem uni Deo placendi libertatem largiatur.

† ARTICULUS TERTIUS.

De conditionibus ad licitè jurandum requisitis, ubi de peccatis in juramento contingentibus.

UT undique licitum sit juramentum, varix requiri solent conditiones: 1mo. ex parte illius qui jurat; 2do. ex parte illius per quem juratur, 3tio. ex parte tum modi, tum materiæ; 4to. & ex parte eorum à quibus exigitur juramentum. De hoc ultimò agemus §. 2. de ceteris §. 1.

* 1. Cor. 7,

§. I.

§. I.

Ad licitè jurandum, sufficit ex parte jurantis, si solum jus naturale spectes, ut is & rationis usum habeat, & juramenti gravitatem non ignoret: utrùm verò hæc sufficiant in judicio, eorum est expendere qui juramenta exigunt. Certè non una est aut semper fuit eà de re Jurisprudencia.

Quod spectat ad eum per quem juratur, necesse est, ut is sit verus Deus, quia jusjurandum est actus patriæ; actum verò patriæ cuiquam impendere nisi Deus sit, lèrale est peccatum.

Sed hinc nascitur difficultas, an scilicet & quo modo liceat juramentum ab eo petere qui per falsos Deos juraturus est?

R. 1mo. nunquam licet petere determinatè ab aliquo ut per falsos Deos juret: tum quia qui hoc facit, consulit ac petit actum malum; & sic est ejus causa, quod nunquam licet: tum quia non licet ab aliquo petere, quod is licitè præstare nequit; nulli autem per falsos Deos jurare licitum est.

R. 2do. licitè peti posse juramentum ab eo quem constat per falsos Deos juraturum; modò intercedat necessitas, vel gravis utilitas; & non petatur determinatè ut per idola juret, ut statim dictum est.

Prob. quia tam licet petere juramentum ab aliquo, quamvis prævideatur ipsum jurando peccaturum esse, quàm liceat mutuum ab usurario petere, quamvis constet eum non daturum esse mutuo nisi sub usura, idèdque cum peccato: atqui posterius licet: ergo & prius. Ratio ulterior est, quia in utroque casu petitur ab altero res in felicitate, & quæ sine peccato præstari potest; quòd autem res ea malè fiat, vitium est non petentis, sed agentis. Certè ne idololatra quidem unius Dei existentiam invincibiliter ignorat; atque atiam si eam ignorasset, desineret ignorare cùm testis est juramenti per unum verum Deum a Christiano emissi.

Jam dicendum de conditionibus, quæ necessariæ sunt ut juramentum ex parte modi & materiæ licitum sit; ex his porrò aliæ præcipiuntur jure ecclesiastico, quas omitemus quia obsoleverunt; aliæ jure divino & naturali, & ex tres recensentur à Jeremia c. 4. ubi sic: *Jurabis: Vivit Dominus, in veritate, & in judicio, & in justitia.* Enim verò si ex conditiones desint, jam assumitur nomen Dei in vanum, dum ejus invocatione confirmatur id vel quod non est, vel tali confirmatione non indiget.

Ad veritatem juramenti requiritur, ut jurans credat certò & prudenter, non autem ex levibus conjecturis illud verum esse quod jurat: unde perjurus non est qui falsum jurat bona fide, & postquàm inquirendæ veritati diligenter incubuit. Contra

Moral. Tom. I.

Rr

verò

verò perjurus erit, 1mo. qui quod reipsa verum est jurat, si id falsum esse ex errore crediderit, aut si verum credat, sed ex levioribus conjecturis; 2do. qui dubius de rei veritate, rem jurat ut certam; qui ultra periculum perjurii cui se exponit, falsò jurat in actu exercito, cum juret se certò scire id de quo dubitat, aut * quod non nisi probabiliter cognoscit; 3tio. qui præsertim in judicio interrogatus jurat se id non fecisse, quod per alium fecit; quia quis dicitur fecisse, quod per alium fecit; 4to. qui jurat sine certitudine requisita, ut si jures aliquid esse, quod non videris fieri, cum tamen ejus qui viderit juramentum requiratur.

Ut juramentum fiat cum *judicio*, oportet ut non nisi ex necessitate, christiana prudentia, & pro re gravijuretur. ut autem fiat cum *justitia*, debet esse de re licita & honesta. Juramentum cui deest veritas, est & vocatur strictè perjurium: juramenta verò quibus deest iudicium & justitia, non nisi latiori sensu ut plurimum, perjuria dici possunt.

Certum est juramentum omne cui deest aliqua è recensitis conditionibus, esse peccatum; quia in eo saltèm irreverenter assumitur nomen DEI. Sed quæritur, an peccatum illud semper sit mortale; sit

CONCLUSIO I. Juramentum solo iudicii defectu vitiosum, non est nisi veniale peccatum, modò absit contemptus, scandalumve, & periculum jurandi falsum. Ità omnes.

Prob. Quod levem duntaxat irreverentiam contra DEUM continet, non est peccatum letale, atqui tale est juramentum cui non deest nisi iudicium. Hoc enim juramentum id solum habet vitii, quòd in eo divina autoritas interponatur ad confirmandam rem parvi, vel nullius momenti, non verò ad confirmandam falsitatem: atqui irreverentia hæc non videtur esse omnino gravis; ergo.

Nec nocet id Exodi 20. *Non habebit in fontem Dominus eum qui assumpserit nomen Domini Dei sui frustra*: 1mo. quia frustra & in vanum, idem est hic ac mandaciter, ex communi interpretum sensu; 2do. quia Dominus non habet in fontem eum qui etiam venialiter delinquit; & nemo est qui nesciat peccatum etiam veniale gravissimis in hac vita, & æternis in altera pœnis aliquando puniri.

Dixi, modò absit contemptus; quia ratione contemptus, solent peccata fieri mortalia. Idque adhuc evidentius est in præsentem, ubi contemptus in ipsum DEUM per quem juratur, directè cadit; contemptus enim DEI est gravissima illius injuria.

Dixi 2do. & scandalum; gravis enim peccati fontes sunt qui

Fig. 15. ff. De in. jur.

qui quod
langumen
ba quæ in
donibus re
rum. calu

Dixi 3

graviter p

Hinc co

tudine jur

ramenta c

statu veni

tò facilis

ado. qui

jurat, & f

non jurat

ter, & qui

tur *sacram*

quid ex a

facile perc

cior ferè

esse, qui p

Dixi, si

tia invinci

retractavit

inadvertent

veniali.

non retrac

se avolta n

inde iis qu

consuetudi

CONCLU

de re mal

Antequa

mala, vel

vel promi

vel est de

misforium

sine eodem

Dico 1

rem etiam

Prob. q

tellem fal

infra dican

Dico 2

qui quod est in Religione sacratissimum, ut Christi mortem & sanguinem, sive per iram, sive in joco pronuntiant. Itē, verba quæ in Laicis non multum arguuntur, in Religiosis & Sacerdotibus scandalum parere solent: de quo vide cap. 1. de jurum. calumn.

Dixi 3tio. *si absit periculum jurandi falsum.* Quia periculum graviter peccandi, jam grave est peccatum.

Hinc colliges quid de iis sentiendum sit qui ex pravâ consuetudine jurant. Nam 1mo. si mentiri non consueverint, sed juramenta confirmandæ veritati applicent sine necessitate, sunt in statu venialis peccati, secluso ut diximus contemptu, qui multò facilius quàm credunt multi, irrepit in iis quæ sunt ex habitu; 2do. qui, ut sapius evenit, promiscuè & indifferenter verum jurat, & falsum, is si advertentia sufficiens adsit, sine mortali non jurat. Tales & ii judicari debent qui mentiuntur frequenter, & quibus, ut cum Salviano loquar, nomen DEI non videtur sacramentum esse, sed sermo. Tales & ii utcumque sunt, quia ex animo aliquid promittunt, ut si plusculum attenderent, faciliè perciperent se non servaturos esse promissum: sic mercator ferè statim jurat se mercem pretio viliori traditurum non esse, qui paulò post judicat e re sua esse ut tradat.

Dixi, *si adsit advertentia sufficiens.* Nam 1mo. inadvertentia invincibilis, qualis censetur in eo qui jurandi consuetudinem retractavit, & de eâ serio dolet, ab omni peccato excusat; 2do. inadvertentia leviter culpabilis, excusat à gravi peccato, non à veniali. At inadvertentia verè voluntaria, qualis est in iis qui non retractant jurandi consuetudinem, ex qua advertere possunt se multa miscere perjuriam, nullatenus à mortali excusat: ac proinde iis qui illa detinentur, negari debet absolutio, nisi pravam consuetudinem pro virili minuere satagant.

CONCLUSIO II. Juramentum cui deest justitia, seu quod fit de re mala & illicita, sapissimè est peccatum mortale.

Antequam probeatur Conclusio, notand. juramentum dere mala, vel esse assertorium, ut si jures Titium mentitum esse; vel promissorium, ut si jures te mentiturum esse. Utrumque vel est de re mala venialiter; vel de re mortaliter mala. Promissorium autem vel fit cum animo rem malam implendi, vel sine eodem animo. Ut Conclusio per partes probeatur.

Dico 1mo. Qui sine intentione faciendi jurat se facturum esse rem etiam venialiter illicitam, mortaliter peccat.

Prob. quia is strictè perjurus est, utpotè qui DEUM vocet in testem falsi: atqui strictum perjurium est peccatum mortale, ut infra dicam; ergo.

Dico 2do. Qui jurat se rem mortaliter malam esse facturum,

rum, sive cum animo, sive sine animo ejusdem implendæ, mortaliter peccat.

Prob. 1. pars, quia qui adducit DEUM in testem voluntatis efficacis quam habet, mortaliter peccandi, se habet sicut servus cui non satis est transgredi grave domini sui mandatum, nisi insuper eum vocet in testem transgressionis suæ: atqui hæc agenditatio, quæ rebellionis addit contumeliam, à gravi noxa excusari nequit; ergo.

Prob. 2. pars, quia qui jurat sine animo id exequendi quod jurat, strictè perjurus est, Deumque omnimodè assumit in testem falsi; ergo ex hoc capite graviter delinquit.

Dico 3tio. probabile est eum qui jurat se peccatum veniale facturum, non nisi venialiter peccare, si animum habeat promissum implendi; alioqui enim esset strictè perjurus & mortaliter peccaret. Ita S. Antonin. 2. p. tit. 10. cap. 4. & alii multo contra multò pauciores.

Prob. quia tale juramentum nec infert gravem divinæ veritatis injuriam, cum supponatur factum ex intentione ejus implendi. Nec divinæ bonitati graviter adversatur: cum qui sic jurat, solum velit interposita DEI autoritate testari se veram habere intentionem id faciendi quod jurat; quam quidem intentionem exequi potest sine peccato mortali; cum econtra qui juravit se mortaliter peccaturum, non possit id sine letali culpa exequi, adeoque fit strictè & necessariò perjurus.

Dices: Qui jurat de re venialiter illicita, tenetur habere vi juramenti propositum peccandi venialiter; alioqui jurando contra veritatem mortaliter peccaret; atqui gravis est irreverentia in eo quòd divini nominis assumptio hominem cogat ad habendum peccandi propositum; ergo.

R. dist. Qui jurat, tenetur habere, id est re ipsa habere tale propositum, illudque vult per juramentum exhibere, C. tenetur habere, consequenter ad juramentum, N. porro cum inordinatio talis propositi sit solum venialis, exhibitio ejus per juramentum, venialem malitiam superare non videtur. Quòd si quis veller se in tali proposito per juramentum confirmare, ut si solent qui execratoriè jurant, tunc utique videretur mortalem culpam admisisse.

Duo hic notanda, 1mo. etsi juramentum de re venialiter mala non pertingat ad malitiam peccati mortalis, certum est tamen illud intra latitudinem peccati venialis, grave peccatum esse: longè enim pejus est jurare de re mala, quàm de honesta vel indifferenti sine necessitate; quod tamen non fit sine peccato veniali; 2do. juramentum hoc multis in casibus à mortali excusari non potest: quia proferri solet ex impotenti iræ

imperu

imperu;
tur, cum
sedam i
que strict
soleant cu
peccato, u

Dico 4
rei morta

Prob. c

à proxim

gravi inju

trachenti

Dixi, si

rem leven

mo grave

caula con

peractum

revelaret

post ad or

Conclu

id est perj

est peccat

summi est

tim in con

Prob. 1

peccatum

Prob.

de quibus

supponunt

Prob. 3

ter veniale

mortale e

bonum, i

le: atqui

quia pe

gnoscat,

jocose per

Prob.

xit Innoc

non est tar

re hominer

Dixi, m

* S. T.

impetu; porro homo iratus facile judicat leve esse quod minatur, cum revera grave sit: deinde sæpe advertere posset se post sedatam iram non esse illaturum malum quod minatur, adeoque strictè perjurus est. Adde quòd hæc juramenta proferri soleant cum verbis blasphemiarum; quæ nunquam sunt sine gravi peccato, ut docet Concilium Trecentum anni 1427.

Dico 4to. Juramentum cui deest justitia, si sit assertorium rei mortaliter malæ, est peccatum mortale.

Prob. quia qui jurat ut asserat illicitè rem mortaliter malam à proximo peractam, assumit nomen Dei ad cooperandum gravi injustitiæ, nempe ad efficiendum ut sibi de fratre suo detrahenti plena fides habeatur; hoc autem est grave peccatum.

Dixi, si sit assertorium rei mortaliter malæ: si enim asserat quis rem levem, non peccat mortaliter; utpotè qui nec Deo nec proximo gravem inferat injuriam. Imò nec peccaret, qui iusta de causa confirmaret juramento hoc vel illud crimen à proximo peractum fuisse; nec graviter delinqueret, per se loquendo, qui revelaret cum juramento grandem proximi culpam; quæ paulo post ad omnium notitiam deventura sit.

CONCLUSIO III. Juramentum assertorium cui deest veritas, id est perjurium propriè sumptum, semper & in omni materia est peccatum mortale, nisi excuset inadvertentia. Conclusio summi est momenti, quia nihil perjurio frequentius est, præsertim in commercio.

Prob. 1mo. ex S. Augustino, Serm. 180. *Perjurium*, inquit, *peccatum esse & grande peccatum nemo dubitat.*

Prob. 2do. ex gravibus quæ in perjuros sancitæ sunt poenæ, de quibus statim; ex enim gravissimam esse perjurii culpam supponunt.

Prob. 3tio. Si perjurium esset aliquando peccatum simpliciter veniale, maximè cum est in materia levi, atqui tunc etiam mortale est. Quod enim ex genere suo veniale est, aut etiam bonum, illud si in Dei contemptum fiat, est peccatum mortale: atqui perjurium de sui ratione importat contemptum Dei; quia per hoc datur intelligere, vel quòd Deus veritatem non cognoscit, vel quòd falsitatem testari velit. Ergo ille etiam qui jocosè perjurat, non excusatur à peccato mortali.

Prob. 4to. ex censura hujusce propositionis quam perstrinxit Innocentius XI. *Vocare Deum in testem mendacii levis, non est tanta irreverentia, propter quam velit aut possit damnare hominem.*

Dixi, nisi excuset inadvertentia, quæ sicut alia peccata, sic perjurii

Rr 2

* S. Thom. q. 98. art. a. & 3.

perjurii peccatum notabiliter minuire potest, & intra venialis culpa limites coercere.

Apriora vero remedia quibus fieri potest ut quis deponat in veteratam jurandi consuetudinem, sunt ex parte jurantis, frequens confessio, elemosyna, oratio brevis pro singulis juramentis quæ temerè prolata fuerint. Ex parte confessorii prudens absolutionis dilatio.

Quæres quibus subiaceant pœnis perjuri.

R. has statui in Jure canonico: 1^{mo}. qui pejeravit, aut alios sciens in perjurium duxit, *quadraginta dies* pœnitere debet *in pane & aquâ*, * *septem sequentes annos, & nunquam esse sine pœnitentiâ*. 2^{do}. perjurus debet Beneficiis quæ jam habet privari per Judicem, & ad futura judicari inhabilis, ex cap. 10. & 11. *de jurejur.* in quibus agitur de perjurio promissorio; 3^{tio}. perjurus nequidè post peractam pœnitentiam admittitur ad ferendum testimonium, licet admitti possit, qui in alia cecidit crimina, si de iis pœnitentiam egerit, cap. 54. *de testibus, &c.* 4^{to}. perjurus incurrit infamiam, si crimen ejus sit notorium.

CONCLUSIO IV. Perjuriæ promissorium est vniùs peccatum mortale; siue absit intentio jurandi, dum exterius profertur juramentum: siue jurans non habeat actu intentionem implendi id quod promittit: siue intentionem quidem hanc habeat de facto, sed eam postea mutata voluntate adimplere nolit, etiam in materia levi.

Prob. 1. pars, quia gravis est irreverentia, quòd quis DEI nomine utatur ad alios decipiendos, & DEUM exterius in mendacii testem adducat; merito igitur Innocentius XI. hanc anno 1679. reprobavit propositionem. n. 25. *Cum causa licitum est jurare sine animo jurandi, siue res sit levis, siue gravis.*

Hæc nostra assertio vera est, siue juramentum legitime postuletur, siue non: quia semper verum est quòd Deus exterius vocetur in testem falsi, quod sine gravi piaculo fieri non potest.

Prob. 2. pars. Peccat mortaliter qui stricte perjurus est, & DEUM vocat in testem mendacis: sed qui jurat sine intentione id quod juravit adimplendi, stricte perjurus est, etiam si materia levis fuerit, ut patet ex dictis de perjurio assertorio.

Prob. 3. pars, quia ex dictis mortaliter peccat, qui in re etiam levi DEUM quantum in se est, facit testem falsi: sed qui non implet juramentum promissorium de re licita, quantum acumque ea sit, facit quantum in se est DEUM testem falsi. Sicut enim Deus efficitur testis falsi, quando sub ejus testimonio asseritur ut actu existens, id quod non est actu; ita efficitur te-

stis

stis falsi, quando non impletur, id quod sub ejus testimonio affirmatum fuit. esse aliquando licitè implendum; quia DEUS, quantum fuit in voluntate jurantis, jam testatus est hoc esse suo tempore implendum. Ergo sicut qui jurando asserit id esse actu quod actu non est, peccat mortaliter, etiamsi materia levis sit, ita à pari peccat mortaliter, qui non implet id quod quantum in se fuit, DEUS ab ipso esse implendum testatus est.

Obj. 1mo. ex S. Thoma. q. 89. art. 8. Major est obligatio voti quàm juramenti: atqui hoc non esset, nisi juramentum saltèm in materia levi sine gravi peccato violari posset; cùm voti obligatio nonnunquam ad veniale peccatum decrescat, ob materiæ levitatem; ergo fieri etiam potest ut juramentum sub peccato solum veniali obliget.

R. dist. maj. Major est obligatio voti extensivè, quia in voti violatione semper occurrunt irreverentia & infidelitas, cùm in perjurio sola occurrat irreverentia, C. major est intensivè. N. Irreverentia enim perjurii gravior est, quàm irreverentia & infidelitas, quæ violationi voti connexæ sunt, parum enim læditur DEUS, si factum ei parvi momenti promissum non servetur: at vero quis eum leviter lædi dicat, si nomen ejus *sanctum & terribile* ad mendaciam etiam minutim confirmationem assumatur? imò quò facilius erat promissum implere, & non mentiri, eò gravior est in DEUM irreverentia, ut docet S. Thomas.

Obj. 2do. Juramentum de peccato veniali faciendo, non est probabiliter peccatum mortale, ut diximus; ergo nec violatio juramenti de re levis momenti facienda; non enim major est in uno quàm in alio irreverentia.

R. ad 1. neg. conseq. ad. 2. neg. ant. qui enim jurat se facturum rem licitam etsi levem, DEUM invocat non solum ut ostendat actuale quod habet propositum rei hujus faciendæ; sed etiam ut se se per auctoritatem DEI obliget ad hujus rei executionem si possibilis remaneat, & de facto interponitur divina auctoritas: qui verò jurat se venialiter peccaturum, id unum vult ut actualem quam habet peccandi voluntatem significet unde nec intendit se per auctoritatem DEI obligare ad peccandum, nec reipsa interponitur in ejus promissione divina auctoritas, quia juramentum, iniquitatis vinculum esse nequit ergo longa est inter utrumque disparitas.

Obj. 3tio. Quotidie contingit ut pater juret se filium poena aliqua, v. g. flagris mulaturum esse, itèm ut ex duobus qui in ingressu domus honore se præveniunt, juret alter se non ingressurum priorem, qui tamen alterius importunitate victus prior ingreditur: atqui vix credi potest in materiis tam levibus esse perjurium mortale; ergo. Et verò quis aureos centum

debens, astinet se etiam post juramentum de solvendo, mortaliter peccare si summam hanc uno asse minorem solvat?

R. 1mo. hominem non minus damnari, quia damnatur cum multis; nec minus peccare, quia cum multis peccat. An ergo innoxii sunt qui falsum jurant, eò quòd tot sint hodie qui falso jurant?

R. 2do. eos qui juramenta sua non implent excusari nunquam à peccato mortali; non propter materiæ levitatem, sed quia juramenta hæc vel tacitam habent conditionem, cujus defectu necesse non est ut impleantur, vel fiunt in favorem tertii qui ea impleri non curat. Sic pater malum aliquod filio minitans, hanc censetur conditionem apponere, nisi alioqui pax domus turbetur, nisi se opponant parentes vel amici; tunc enim juramenti executio esset utcumque illicita. Sic qui jurat se non ingressurum priorem, subaudit, cum probis omnibus, nisi importuniores mercedem: pariter qui minimam summæ partem non solvit, sæpe præsumere potest creditorem id non esse curaturum. Ità Cajetanus, nec repugnat Habert, qui tamen meritoro advertit multò tutius esse ut quis vel non juret, vel nè minimam quidem hujus quod juravit partem omittat.

§. II.

Supereft ut dicamus de iis qui à proximo juramentum exigunt: qua de re certum est 1mo. graviter peccare qui ab alio petit ut pejeret; unde Concilium Matifconense I. * *Si quis convictus fuerit alios ad falsa testimonia, vel perjuria attraxisse .. ipse usque ad exitum vitæ non communicet.* Et id verum est, etiam si jurans putet se verum jurare; quia qui eum ad perjurandum sollicitat, causa est cur Deus vocetur in testem alicujus re ipsa falsi; quod sine gravi Numinis injuria fieri non potest.

Certum est 2do. non peccare, qui juramentum ab eo petit quem nescit pejeraturum esse. Ratio est, quia non debet malum de quopiam præsumi sine legitima causa. Peccat tamen qui juramentum sine necessitate petit, sicut peccat qui jurat sine necessitate.

Tota igitur difficultas est an peccet, qui juramentum exigit, ab eo quem probabiliter credit pejeraturum esse? Sit

CONCLUSIO I. Non potest privata autoritate exigi juramentum ab eo qui certò vel probabiliter creditur pejeraturus.

Prob. 1mo. ex S. Augustino Serm. xi. de SS. ubi sic: *Scribite in cordibus vestris quod dico. Ille qui hominem provocat ad jurationem, & scit eum falsum esse juraturum, vincit homicidam, quia homicida corpus occisurus est, ille animam.*

Prob.

* XXI. I. Q. I. 6. 7.

Prob. 2do. Quia qui juramentum exigit, aut recipit ab eo quem scit aut probabiliter judicat esse pejuraturum, offert ei peccandi materiam, ut satis patet; eamque offert sine causa, cum nihil inde sit emolumenti percepturus, ut supponitur & evidens est. Si enim exigas ut debitor tuus juret, & prævideas eum juraturum esse nihil ab eo tibi deberi, non magis debitum tuum recuperaturus es, quàm si non jurasset; ergo.

Porro censetur quis scire alium esse pejuraturum, cum vidit eum hoc vel illud facientem, quod tamen paratus est jurare, à se factum non fuisse. Item cum certus est debitorem suum sic affectum esse ut velit jurare se nihil debere, vel solvisse quod debebat. Censetur verò opinari alium esse pejuraturum, qui scit eum non multi facere perjerium, aliàs perjurasse, largioris esse conscientiae.

Saltèm, inquires, non peccabit qui juramentum petet ab eo qui jam ad pejerandum dispositus est.

R. neg. antec. 1mo. Quia utcumque falsum supponit, & saepius supponere potest. Plerique enim homines etiam corrupti, actualem pejerandi voluntatem non concipiunt, nisi dum actu urgentur ad jurandum; unde qui juramentum exigunt, sunt saepe causa totius peccati quod alter admittit; 2do. quia qui petit juramentum ab eo etiam qui paratus est ad jurandum, est saltèm causa cur nomen Dei exterius violetur: sicut ergo mortaliter peccat qui parato ad adulterium, adulterii exterius consummandi materiam & occasionem præbet; ità & in proposito.

CONCLUSIO II. * *Si aliquis exigit juramentum tanquam persona publica, secundum quod exigit ordo juris ad petitionem alterius, non videtur esse in culpa, si ipse juramentum exigit: sive sciat eum falsum jurare, sive verum; quia non videtur ille exigere, sed ille ad cujus instantiam exigit; & is proinde solus peccat.*

Obj. Non magis inservire potest perjerium respectu Judicis, quàm respectu privati; ergo sicut non potest privatus, sic nec potest Judex juramentum exigere à perjuro.

R. neg. confeq. Judex enim ostendere tenetur, se sententiam servato juris ordine tulisse, ad quod requiritur ut juramentum exigit, cum adversa pars id juridicè petit; ergo legitimam habet exigendi juramenti causam, quam non habet homo privatus.

Debet tamen Judex seridè monere juraturum nè pejeret, actoremque urgere ut juramentum remittat, si videat eum esse certum de futuro alterius perjurio: debet insuper testes ad pejerandum dispositos à testimonio quantum poterit repellere.

* Thomas.

Et si

Esti verò censent aliqui, iudicem de alterius perjurio mortaliter certum, peccare juramentum exigendo: ad instantiam actoris; quia sic acquiescit petitioni quam scit divinæ Majestati injuriosam esse: hæc tamen doctrina, non videtur facile posse conciliari cum citatis S. Thomæ verbis. Non docet S. Doctor posse iudicem, exigere juramentum ab altero, *sive sciat eum falsum* juraturum, sive nesciat: docet insuper in hac hypotheli non peccare iudicem, sed eum *ad cuius instantiam* exigitur juramentum; ergo supponit utrique constare de futuro alterius perjurio. Quidquid sit, raro exigere videtur *ordo juris* ut iudex petat juramentum ab eo, quem tum ipse, tum actor pejeraturum esse præscirent.

Hic duo notanda: 1mo. non esse licitum iudici in ulla causa juramentum exigere ab utraque parte: * hæc enim consuetudo *impia est*, quia *sine dubio ex duobus contra se jurantibus, unus perjurus efficitur*.

2do. Aliquos esse gravis necessitatis casus in quibus possit etiam privatus juramentum ab eo exigere quem scit pejeraturum: puta si in aliquo contractu exactio juramenti necessaria sit vel utilis, ut contrahens per iudicem cogi possit ad standum contractui. Si verò nulla similis causa sublit non est exponendus quispiam periculo perjurii. Hinc merito veritum est cap. 3. *De cohabit. Clericorum, &c.* nè Episcopi à Clericis exigant juramentum de dimittendis concubinis, cum vehemens præsumptio, sit futurum ut non stent juramento: unde improbanda est agenditatio Confessariorum, qui compellunt poenitentes ad jurandum se ab iis abstinenturos delictis in quæ facile labuntur.

ARTICULUS QUARTUS.

De Juramento cum amphibologia, & restrictione.

Amphibologia, seu æquivocatio, est sermo ambiguus, sive est locutio habens sensum duplicem, v. g. *Aio te Æacida Comanos vincere posse.*

Restrictio mentalis, est sermonis externi determinatio ad alium sensum quam quem præferunt verba nudè & absolute prolata. Duplex est restrictio: altera strictè, altera larè mentalis. Prima residet in sola mente, nec exterius verbis, signis, aliisque circumstantiis manifestatur; ut si mutuum petenti respondeas, *Non habeo pecuniam*, subaudiendo interius, *quam tibi dare velim*. Secunda, vel ex modo loquendi, vel ex circum-

* Concilium Valent. III.

circumstantiis, vel ex usu percipi potest ab audiente; ut si interroganti an poenitens tuus tale crimen commiserit, respondeas, *Nescio*. Jam quaeritur an æquivocatio licita sit.

CONCLUSIO. Usus restrictionum purè mentalium semper & pro quocumque casu est illicitus, sive in judicio, sive extra; & qui iis utitur cum juramento, perjurii reus est. Idem dicendum de juramento cum amphibologia.

Prob. 1mo. Ex Scriptura Psalm. 14. *Domine, quis habitavit in tabernaculo tuo? qui loquitur veritatem in corde suo... qui jurat proximo & non decipit.* Psalm. 23. *Quis ascendet in montem Domini? ... qui non juravit in dolo proximo suo.* Sed qui jurat cum amphibologia & restrictione, proximum decipit, & jurat in dolo; ergo perjurus est, cum perjurium sit nequitur decipere credentem. ex Can. 1: XXXII. q. 2.

Prob. 2do. Ex Patribus. S. Augustinus Epist. 125. aliàs 224. *Perjuri sunt, qui servatis verbis expectationem eorum, quibus jurandum deceperint: atqui expectationem hanc decipiunt, qui ità ambigue jurant, ut aliud sentiant, aliud ab aliis intelligi velint; ergo.*

* Item S. Doctor Lib. contra mendacium, cap. 18. hunc sibi casum proponit, *Ecce gravi morbo periclitatur ægrotus, cujus jam vires ferre non possint, si ei mortuus unicus & charissimus filius nuntietur; à te quaerit an vivat, quem vitam finisse tu nosti. Quid respondebis? quando quidquid aliud dixeris, præter unum de tribus, aut mortuus est, aut vivit, aut nescio, nihil aliud credit ille quàm mortuum...* Ex aliis autem tribus duo falsa sunt, vivit, & nescio, nec abs te dici possunt nisi mentiendo. Illud autem unum verum, id est, mortuum esse si dixeris, & perturbati hominis mors fuerit subsequuta, abs te occisus esse clamabitur. Atqui si Augustinus licitum credidisset restrictionis mentalis usum, saltè eum agitur de impedienda hominis morte, non dixisset, ex tribus illis duo esse falsa, vivit, & nescio, eaque dici non posse nisi mentiendo; jam enim falsa non essent, si finè mendacio dici possent cum restrictione mentali: verè enim diceretur moribundo patri, *Vivit filius tuus, intelligendo secundum animam*; verè diceretur, *Nescio*, subaudiendo, *ut tibi dicam*; ergo æquivocationum subtilitatem nesciebat Augustinus, cujus responsio ad propositum casum tota hæc est: *Non me movet.... quodd, nobis mentiri nolitibus, & hominibus vero audito morientibus, homicida dicatur veritas.*

Prob. 3tio. Ex censura adversus sequentes propositiones lata ab Innocentio XI. anno 1679. & à Clero Gallicano anno

1700. Prima sic habet: Si quis vel solus, vel coram aliis, sive interrogatus, sive propria sponte, sive recreationis causa, sive quocumque alio fine, juret se non fecisse aliquid quod revera fecit, intelligendo intra se aliquid quod non fecit, vel aliam viam ab ea in qua fecit, vel quodvis aliud additum verum, revera non mentitur, nec est perjurus. Secunda hæc est: Causa justa utendi his amphibologiis, est quoties id necessarium, est aut utile ad salutem corporis, honorem, res familiares tuendas, vel ad quemlibet alium actum virtutis, &c. Tertia sic habet: Qui mediante commendatione, vel munere, ad Magistratum, vel Officium publicum promotus est, poterit cum restrictione mentali præstare juramentum, non habito respectu ad intentionem exigentis. Prædictæ verò propositiones sunt juxta Clerum Gallicanum, temeraria, scandalosa, perniciose, erroneæ, mendaciis, fraudibus, & perjuriis viam aperiant, & sacris Scripturis adversantur. Hanc quoque Sanderi propositionem, Patriarchæ & Prophetæ, Angeli, ipse Christus, amphibologiis & restrictionibus mentalibus usi sunt. Sic notavit idem Clerus Gallicanus: Hæc propositio scandalosa est, temeraria; mysticè, propheticè, parabolicè dicta, vel tacita; cum vulgaribus gestus confundit, SS. Patrum acta ludibrio vertit, ipsis etiam Angelis injuriosa, erga Christum contumeliosa & impia.

Prob. 4to. ratione. Mendacium nullo in casu licitum esse potest: atqui restrictiones purè mentales vera sunt mendacia. Nam ex S. Augustino Lib. De mend. cap. 3. Ille mentitur qui aliud habet in animo, & aliud verbis, vel quibuscumque significationibus enuntiat: sed qui restrictionibus mentalibus utitur, aliud habet in animo, &c. imò non utitur restrictionibus, nisi ut alter aliud concipiat, quàm ipsemet concipit.

Confirm. Quia' usus hujusmodi restrictionum non minùs societati, & vocum institutioni adversatur: quàm ipsummet mendacium. An non enim æquè me fallit qui dicit: Non habeo pecuniam, subintelligens, tibi dandam, quàm qui rotundè & palam dicit: Non habeo pecuniam.

Obj. 1mo. Illud licitum est, quo usi sunt viri Sancti Deo non redarguente; quòdque usurpatum est ab ipso Christo: atqui... Prob. min. 1mo. enim. * Cum Abraham prope esset ut ingrederetur Ægyptum, dixit Sarai uxori suæ: Dic, obsecro te, quòd soror mea sis, ut bene sit mihi propter te, &c. Idem fecit Isaac Genes. 26. Ne fortè interficerent eum Ægyptii: atqui hic Abraham & Isaac in ambiguo sororis nomine ludunt. Abraham enim prævidebat quod reipsa evenit, futurum scilicet ut sua hæc verba: Soror mea est, alio ab Ægyptiis sensu intelligerentur quàm quo ab ipsomet proferebantur: nec præ-

* Genes. 12.

videbat modò, sed & intendebat, nè ab Ægyptiis interficeretur. Neque tamen hanc servi sui agendirationem improbat DEUS, sed è contra *flagellavit Pharaonem plagis maximis.... propter Sarai quam tulerat.*

2do. Genes. 27. Jacob Matris consilium secutus, ut benedictionem Esau arriperet, dixi Patri suo: *Ego sum primogenitus tuus Esau: feci sicut præcepisti mihi: comede de venatione mea &c.* atqui hæc nonnisi æquivocationis & restrictionis mentalis ope, à mendacio excusari possunt. Jacob enim nec erat Esau primogenitus Isaac: nec impleverat præceptum Patris, cum nihil ei ab Isaac imperatum fuisset, nec ullam attulerat venationem.

3tio. Idem exemplum sæpius à Christo datum est. Marci 13. interrogatus à Discipulis de die Judicii, respondet: *De die illo, vel hora nemo scit, neque Angeli in Cælo neque Filius, subaudiendo mentaliter ad prodendum, ut ipse interpretatur Augustinus: quidni ergo interrogatus homo à sicario qui alium ad mortem querit respondere queat, se nescire ubi sit, subaudiendo, ad manifestandum?*

Joan. 11. Dixit Jesus: *Lazarus amicus noster dormit, sed vado ut à somno excitem eum:* atqui hæc propositio æquivoca est, & sciebat Christus eam aliter à Discipulis suis intelligendam esse, ac ipse intelligeret. Loquebatur enim *de morte ejus; illi autem putaverunt quia de dormitione somni diceret.*

Joan. 2. *Solvite Templum hoc, & in tribus diebus excitabo illud.* Porro vox hæc *Templum*, in significatione obvia tam ad minus significabat Templum Hierosolymitanum, quo sensu eam accepere Judæi, quo ipsum Christi Corpus.

R. Generatim 1mo. hisce argumentis grande hinc creari præjudicium quòd iisdem prorsus uterentur Priscilianistæ, strenui mendaciorum defensores; prout docet S. Augustinus Lib. contra Mendacium cap. 2.

2do. Ex factò Abraham, & Jacob, nihil firmi concludi posse, quia certum non est eos ab omni etiam veniali mendacio immunes fuisse. Non desunt quidem Patres, ut Augustinus, qui hos Patriarchas nihil admisisse male contendunt; sed neque etiam desunt, qui cum SS. Chrysostomo & Ambrosio, eos plus aut minus deliquisse putent.

R. 2do. Agendirationem Abraham posse à mendacio excusari. Non enim mentitur, qui reticet aliquid veri, sed qui falsum dicit: atqui Abraham solum suppressit aliquid veri: *Neque enim, ait Augustinus Lib. 23. contra Faustum cap. 3. utrum ejus uxor esset interrogatus, non esse respondit; sed cum ab eo quæreretur quid ei esset illa mulier, indicavit sororem,*

non

non negavit uxorem: quod tam facere potuit illasâ veritate, quam possit qui *incognitò* peregrinatur, se Marchionem dicere, cum sit Marchio non autem se Regem profiteri, licet Rex de facto existat.

R. 3tio. Ad factum Jacob, illud nè ipsis quidem adversariis intervire posse; quia si res literaliter intelligatur, Jacob Patrem suum in materia justitiæ decipere voluit, quod omnes illicitum farentur. Necesse est igitur ut in tota Jacob agendatione grande agnoscant mysterium, prout agnoverant SS. Patres & ipse Isaac, qui benedictionem à Jacob quasi subreptam, eidem eis confirmavit verbis; *Benedixi ei, & erit benedictus.* Sed quare in his mysteriis nihil suberit mendacii? Quia ut homines verbis nunc naturali, nunc figurato sensu utuntur sine mendacio; sic Deus ipsâ Patriarcharum persona, atque eorum actionibus tanquam rerum futurarum figuris utebatur: & has quidem figuras Israëlita spirituales à Domino edocui facile intelligebat. Hæc si mendacia dixerimus, omnes etiam parabola ac figura... in quibus aliud ex alio est intelligendum, dicentur esse mendacia; quod abest omnino, ait Augustinus Lib. de Mend. cap. 10. Verè igitur & æquè sentiunt qui docent ex rebus adeò sublimibus & prophetice gestus nihil colligi posse in gratiam eorum quæ sunt in commercio civili; prout docuit Clerus Gallic. anno 1700. Et verò an non simplex Judæus credidisset mentiri Davidem, cum aiebat Psal. 21. *Foderunt manus meas, & pedes meos... diviserunt sibi vestimenta mea, &c.*

Quod spectat ad textus ex Evangelio desumptos, nego ex iis quidquam colligi posse quod amphibologiis, aut restrictionibus mentalibus faveat.

Quod dicit Christus se nescire Judicii diem, quia scilicet non expediebat ut eum manifestaret, nè umbram quidem haberet restrictionis mentalis, quia horumce verborum sensum statim intelligere debuerunt Apostoli, utpotè qui scirent nihil esse quod Christum lateret; quemadmodum cum dixit Deus ad Abraham: *Nunc cognovi quod times Deum*, statim sentire debuit ille Patriarcha, non tunc tantum Deum notum fuisse amorem quo ipsum prosequabatur.

Nihilo validius est argumentum quod desumitur ex Joan. 2. Christus enim dicendo, *Templum hoc*, Corpus suum aliquo signo, ut manu ad pectus admota demonstrabat, ut notant Interpretes.

Quod attinet ad verba Christi de Lazaro, 1mo. nihil à consuetò Judæis sermone recessit Christus, quia Hebræi mortem dormitionis nomine exprimere solebant; hinc illud frequens in Scriptu-

in Scriptu-
clara era-
an eni-
longu-
excitaret
ligi ab
Tunc er-
se gerar-
nes qua-
minuet
Obj.
innume-
1mo. C
sione au-
2do, pe-
præcipit
mant, ve-
non poss-
erat ead-
& is qu-
quam se-
nisi æqu-
non acce-
simplicit-
R. Di-
que inc-
spectat
Dico
confessio-
etiam in-
mum, c
debet se-
do men-
res ex
hoc uni-
etiam si
qui con-
Dico
usu con-
Domini-
eos actu-
mentiren-
gant; ut
exultent,
lisset.

in Scripturis: *Dormivit cum Patribus suis*; 2do. usque adeo clara erant Christi verba, ut mirum sit hic aberasse Discipulos: an enim probabile videri poterat Christum confecturum esse longum & periculosum iter, ut hominem à communi sonno excitaret? 3tio. Statim ut sensit Christus verba sua non intelligi ab Apostolis eo quo dicebat sensu, mentem suam aperuit: *Tunc ergo dixit eis Jesus manifestè, Lazarus mortuus est.* Ità se gerant adversarii, & eas tantum permittant æquivocationes quæ statim explicentur, difficultas præsens multum imminuetur, vel potius nulla erit.

Obj. 2do. Doctrina quæ restrictiones mentales prohibet, innumera invehit incommoda. Nam v. g. ex ea sequitur. 1mo. Confessarium interrogatum de crimine quod in confessione audivit, peccare si respondeat se nihil de hac re audivisse; 2do. peccare feminam nobilem, quæ cum vult manere sola, præcipit famulis ut dicant eam exiisse domo, subintelligendo, *manè*, vel *heri*; 3tio. innocentem qui morte damnandus est, non posse negare se tali noctis hora fuisse tali in loco, ubi erat cadaver, subaudiendo se hic non fuisse ut occideret; 4to. & is quoque culpæ reus erit à quo repetitur certa summa quam solvit, quique ad hanc iterum solvendam damnabitur, nisi æquivocè dicat se mutuum non accepisse, intelligendo se non accepisse ad mentem Judicis qui non interrogat de mutuo simpliciter, sed de mutuo quod adhuc restituendum sit.

R. Doctrinam quæ mendacia officiosa verat, magnis quoque incommodis obviam esse, & tamen tenendam. Quod spectat ad incommoda in objectione recensita.

Dico 1mo. Confessarius vel interrogatur ab homine, qui confessionis sigillum tangere nolit, vel ab impio, qui de iis etiam interroget quæ in confessione audiri poverint. Si primum, quod quidem inter Catholicos supponi debet, negare debet se quidquam de tali crimine audivisse; neque id negando mentietur, quia nec interrogatio, nec responsio attingunt res ex sola confessione cognitæ. Si secundum, confessarius hoc unum respondere debet, se nihil respondere posse, idque etiamsi pœnitens tale crimen confessus non esset. Quia alioqui consentiret impiæ interrogationi.

Dico 2do. Nunc saltè in his patribus, inter viros probos usu communi & omnibus noto receptum esse, ut hæc verba, *Dominus*, vel *Domina domi non adsunt*, hoc solum significant eos actu videri non posse. Quod si hoc receptum non esset; mentirentur tum domini, tum famuli qui dominos adesse negant; ut & dubio procul mentiuntur qui ut dominos magis excusent, addunt eosdem in hunc vel illum locum se contulisse.

Dico

Dico 3tio. Hominem mori potius debere quàm mentiri; * mentitur autem qui dicit se tali hora tali in loco non fuisse quia uritur restrictione purè mentali, quam Judex ex nulla potest circumstantia deregere. Eadem de causa non licet injecta in peram manu dicere non esse hîc eum qui ad mortem quaritur.

Dico 4to. Perjurum esse eum qui accepto Mutuo, jurat se mutuum non accepisse, quia illud reddiderit; non enim interrogatur an reddiderit sed an acceperit. Cùm autem negat simpliciter se recepisse, nulla est circumstantia quæ restrictionem ejus Judici manifestet.

Quod spectat ad restrictiones latè mentales, eas Theologi etiam strictiores, pro licitis habent, quia nempe vel ex consuetudine, vel modo loquendi, vel ex circumstantiis deprehendi possunt, unde non impediunt quominus sermo exterior, attentis omnibus circumstantiis omnino verus sit, & cum animo consentiat. Hic tamen cavendum 1mo. nè in praxi nimia hujusmodi restrictionibus detur extensio, & nè latè mentales dicantur quæ sunt verè & strictè mentales; 2do. ut qui interrogat possit reipsa deregere ex circumstantiis, putà ex modo quo jocosè vel ironicè loqueris aut personæ circumstantia, nolle te nudè aperire quid sentias; 3tio. ut non passim, sed gravibus ut plurimum de causis ad eam artem confugas; quia facilius in materia levi deciperes, quàm in graviore; ubi qui interrogat statim advertere potest curiositatis suæ injustitiam; 4to. & ut aliter extricare te nequeas; simpliciter enim accipiuntur verba illius qui qua voluerit via elabi potest.

ARTICULUS QUINTUS.

De causis & obligatione Juramenti.

Certum est 1mo. causam finalem juramenti esse; tum DEI cultum, quia qui per DEUM jurat, proficitur DEI testimonium omni testimonio majus esse, quod in DEI honorem vergit; tum veritatis confirmationem, quia ex Hebr. 6. *Omnis controversia hominum juramento finitur.*

Certum est 2do. juramenti causam efficientem esse tum DEUM, qui, quoniam neminem habuit per quem juraret majorem, juravit per semetipsum, Hebr. 6. tum Angelos bonos, qui Apocal. 10. jurant per viventem in sacula. Tum homines, ut hodierna, eaque frequentior experientia docet. Athei tamen, si qui sint, & Pagani, ratione statûs in quo sunt, non jurant,

quia

* Henno.

quia veri DEI nomen invocare non possunt; unde nec verè perjuri sunt, sed tantum ratione conscientiae erroneæ.

Certum est 3tio. nec verba, nec alios speciales ritus ad juramentum absolute requiri; quia hæc neque necessaria sunt in ordine ad DEUM qui mentium inspector est; neque in ordine ad hominem, cui sufficiunt signa verbis æquivalentia.

Certum est denique, juramenti materiam esse aliquid contingens, & non manifestum: res enim necessaria, aut evidentes, non indigent confirmari juramento.

Supereft igitur ut dicamus de obligatione, præcipuo juramenti effectu. Hic verò non agitur de juramento assertio, quod solum obligat ad dicendas res ut sunt vel fuerunt; sed de promissorio circa quod quæritur, 1mo. quâ ex virtute obliget; 2do. in quâ materia; 3tio. an etiam obliget cum sit ex metu, errore aut dolo; 4to. an obliget eum qui juravit sine intentione se obligandi, vel rem juratam exequendi; 5to. demum an obligatio juramenti sit personalis nec ne. Quæ antequam solvantur.

Not. 1mo. Juramentum promissorium duplex secerni; unum quod dicitur *confirmatorium*; aliud quod dicitur *per se stans*. Primum supponit aliquam obligationem præviam, ut cum quis juramento confirmat votum quod emisit; secundum nullam præviam supponit obligationem, ut cum quis jurat se executurum id quod simpliciter proposuit, aut id ad quod aliunde non tenetur, ut v. g. se soluturum usuras.

Not. 2do. Materiam triplicem hic distingui; malam scilicet, bonam, & indifferentem.

Not. 3tio. Metum justè vel injustè incuti; errorem esse vel circa rei substantiam, vel circa accidentia, Vide Tomo II. Tract. de Contract. Par. 1. cap. 3. art. 2. & 3.

Not. 4to. Triplex in juramento promissorio distinguitur intentio, prima est jurandi; secunda, se obligandi; tertia, exequendi. Sit jam

CONCLUSIO I. In juramento per se stante unica solum reperitur obligatio; in confirmatorio autem duplex aut triplex.

Prob. Quia prius juramentum obligat solum ex virtute religionis; posterius verò obligat ad aliquid ad quod jurans jam antea obligabatur; ergo in hoc juramento, vel potius in actu de quo juratum est, multiplex occurrit obligatio.

CONCLUSIO II. Juramentum de re bona obligat; secus si sit de re mala, vel indifferenti, nisi hæc vergat in commodum tertii.

Prob. 1. pars. Quia juramentum vel nunquam, vel in saltem in materia bona obligat; ergo.

Moral. Tom. I.

§s

Porro

Porro materia bona quæ jurata est, aliquando, in meliorem pro jurantis voluntate mutari potest; aliquando non. Potest quidem, si juramentum cadit in promissionem Deo factam; quia juramentum cadens in votum, debet sequi naturam actûs cui jungitur, ex cap. 15. *De jure-jur.* votum autem mutari potest in quid melius, ut infra dicam. Et vero meritò præsumitur Deum prioris voti & juramenti obligationem relaxare, ut aliquid sibi gratius & melius præstetur. Non potest verò si promissio jurata cedat in commodum tertii, & ab eo acceptata sit, quia promissio simplex statim ac fuit acceptata, ita obligat ut sine peccato violari non possit; ergo à fortiori obligabit si juramento fuerit confirmata. Hinc qui juravit se certam alicui daturum esse pecuniæ summam, non potest hanc negare, ut eandem pauperibus conferat licet hoc in se melius sit; quia jam alii strictè debita est.

Quod si promissio jurata, acceptata non fuerit, ea utique non obligabit, quia juramentum eandem patitur exceptiones, ac ipsa res quæ eo confirmatur, ergo cum promissio semper fiat sub hac conditione, *si acceptetur*, non potest obligare cum acceptata non est; ergo nec obligat juramentum eidem promissioni superadditum.

Prob. 2. pars. Tum ex Reg. 58. Juris in 6. *Non est obligatorium contra bonos mores præsitum juramentum*; tum quia si juramentum de re mala obligaret, jam obligaretur quis ad peccandum saltè venialiter; quod repugnat.

Obj. 1mo. Levit. 5. præcipitur ut *anima quæ juraverit ut malè quid faceret, vel benè si non fecerit, agat poenitentiam pro peccato*; ergo juramentum de re mala obligat.

R. neg. conseq. Hæc enim verba; *ut malè quid faceret*, non intelligunt de malo culpæ sed de malo poenæ, ita ut sensus sit poenitentiam ab eo faciendam esse qui sibi metipsi aut aliis, puta filiis, domesticis, peccatoribus, justam quam juraverat poenam non intulit.

Obj. 2do. Juramentum à Josue factum in fœdere cum Gabaonitis inito, erat de re mala, & à Deo prohibita Deuter. 7. atqui tamen Josue existimavit se eo juramento teneri; ergo.

R. neg. maj. Neque enim prohibitum erat Israëlitis fœdus omne cum Gentibus, sed cum iis tantum quæ populo Dei resisterent; tales autem non erant Gabaonitæ, qui ad Dei cultum parati erant.

Eodem modo solvitur argumentum quod aliqui depromunt ex facto Israëlitarum, qui Judicium cap. ult. se se jurejurando obligant ad non dandas filiis Benjamin filias suas in uxores: dici enim potest vel juramentum hoc fuisse de re licita, ut sentiant

sentiunt multi; vel si fuerit de re illicita, graviter peccasse eos qui illud emisérunt; nec reipsa, sed solum ex erronea conscientia, ad illud implendum fuisse obligatos.

Ex his colliges non obligatum iri juramento 1^{mo}. eum qui promississet latroni se eum non esse Judici denuntiaturum, si eum denuntiare præcepti esset; quia non denuntiare furem quem lex justa denuntiari jubet, verum est peccatum; 2^{do}. qui juramentum emitteret contra votum aut juramentum præcedens; nisi tamen posterius, juramentum esset de re Deo magis accepta; 3^{tio}. qui jurasset contra leges in gratiam boni publici conditas, quales ex sunt quæ vetant nè arma ad hostes deferantur, aliter dicendum si lex non nisi in favorem privatorum introducta fuerit, quia potest quisque iis quæ in gratiam sui constituta sunt, renunciare. Hinc tamen mulier quæ pro alio fidejubet, non obligetur, quia id vetat Senatusconsultum Velleianum, obligabitur tamen si fidejussionem ipsam juramento confirmaverit.

Prob. 3. pars. Juramentum de re indifferenti, id est, quæ honestum finem non habet, est eo ipso de re mala, ut docet sanior opinio: atqui tale juramentum non obligat ex dictis; ergo.

Confirmatur; quia ut juramentum non est vinculum iniquitatis, sic neque rerum vanarum vinculum est; nec velle potest Deus eas ob sui nominis reverentiam fieri; ergo.

Aliud esset, si res in se indifferens, bona esset ex fine. Sic qui juravit se alterius ædes non ingressurum, nè in eisdem peccet, juramento tenetur. Idem est si res ex se indifferens, cedat in favorem tertii, ut si jurasti te nullas merces empturum nisi à Titio, quia honestum est servare promissionem proximo factam quæ eidem utilis & grata est: porro juramentum de opere honesto obligat.

CONCLUSIO III. Juramentum non obligat, si fiat ex errore vel dolo circa rei substantiam.

Prob. Non valet juramentum cui deest consensus substantialis; sed ubi est dolus aut circa substantiam rei.... quia jurans non habet intentionem jurandi rem circa quam errat, sed aliam diversæ naturæ. Unde si jures te daturum vas quod æneum credis, cum sit aureum, non teneris juramento: & id verum est si error sit antecedens, quo nempe sublato non jurares; si vero sit concomitans, quo etiam sublato jurares; quia uterque error tollit consensum actuale.

Error verò circa circumstantias communiter non irritat juramentum, sicut nec irritat contractus. Si tamen circumstantia aliqua intenderetur per modum intrinseci, tunc irritum

esset juramentum, quia deesset consensus in aliquid primario intentum. Hinc licet divitiæ & virginitas sint circumstantiæ quarum defectus matrimonii contractum non irritat, si quis tamen eas circumstantias ita intenderet, ut iis sublati nollet valere contractum, reipsa & coram Deo non staret talis contractus, etiam juramento confirmatus.

CONCLUSIO IV. Juramentum sine intentione jurandi non obligat per se; obligat verò si adsit intentio jurandi, quamvis absit intentio se obligandi, vel implendi id quod juratum est.

Prob. 1. pars. Quia, ut supra diximus, juramentum sine jurandi intentione, non est verum juramentum, sed fictio juramenti. Ergo reipsa non obligat; sicut non obligat *promissio quæ Deo fit ore & non corde* quia talis promissio apud Deum non est votum, ut docet S. Thomas in 4. dist. 38. q. 1.

Dixi, non obligat per se seu in ratione juramenti verè interioris: quia plerumque obligat ex alio capite, nimirum ut vitentur injustitia & scandalum. Imò tale juramentum ex virtute etiam religionis impleri debet, hoc sensu quòd præceptum naturale religionis obliget ad tuendum Dei honorem; quod non fiet, nisi præstetur quicquid rationabiliter ab aliis credi potest divino testimonio confirmatum fuisse.

Prob. 2. pars. Qui vult causam necessariò vult ejus effectum, si effectum hunc impedire non possit; sed qui jurat, ponit causam à qua sive velit, sive nolit, sequitur obligatio. Qui enim jurat cum vera jurandi intentione, eo ipso adducit Deum in testem assertionis suæ de futuro: atqui eo ipso quo Deus adducitur in testem assertionis alicujus de futuro vera incumbit obligatio faciendi assertionem hanc veram; ergo nemo ab hac obligatione liberari potest per quamcumque voluntatem se se non obligandi.

Confirm. Qui vult jurare assertionem de præsentī vel præterito, reipsa perjurus est, quantumcumque obligari nolit ad dicendum verum; ergo & qui jurat assertionem de futuro, non potest non obligari ad eam faciendam veram, etiam si maximè velit ad id non obligari.

Obj. Homo per proprios actus non obligatur, nisi voluntate sua; ergo si voluntas resistit, non potest induci obligatio.

R. dist. antec. Homo non obligatur nisi voluntate sua, si de iis agatur contractibus, quorum substantia consistit in ipsamet obligatione, & qui consequenter sine voluntate se obligandi subsistere non possunt, C. si sermo sit de iis actibus quorum ratio & substantia non consistit in obligatione, & ex quibus obligatio sequitur tanquam effectus, N. Tales enim actus obligationem inducunt, etiam renitente hominis voluntate: sic

qui

qui vult
contral
obligat
rare, vul
ca oblig
jurament
Prob.

qui jurat
hit cui s
quia sicut
desit inte
quamvis
Conc

redes, al
Prob.

ni possun
minis inv
ta & acc
succedan
jurantem
qua tale
eti pacta

Quære
R. aff
per seip
tam jura
monium.

Hic n
mandato
rator, ni
mine ju
An &
iis quæ

Circa
gul
Prima
do habet
quia jura
det. Int

qui vult proximo damnum inferre restituendi obligationem contrahit etiam invitatus; qui vult peccare; eo ipso, velit, nolit, obligationem contrahit poenitendi; ergo & à pari qui vult jurare, vult reipsa obligari: nequè verò voluntas ejus quæ circa obligationis fundamentum non resistit, circa consecretaria, juramenti resistere potest.

Prob. 3. pars: 1mo. Quia si veram contrahit obligationem qui jurat cum animo se non obligandi; à fortiori eam contrahit cui solum deest voluntas id quod juret adimplendi; 2do. quia sicut contractus emptionis non definit obligare, quamvis desit intentio solvendi; ita nec definit juramentum obligare, quamvis desit intentio exequendi.

CONCLUSIO V. Aliqua juramenti obligatio transit ad hæredes, aliqua non transit.

Prob. In juramento promissorio de quo agimus, duo secerni possunt: 1mo. ipsa promissio alicui facta; 2do. divini nominis invocatio ad faciendam fidem. Atqui promissio si licita & acceptata fuerit, transit ad jurantis hæredes; ut qui succedant in onera realia defuncti: invocatio verò DEI quæ jurantem obligat ex religione, est vinculum personale, quod qua tale ad hæredes non transit; unde si hæredes jurata defuncti pacta non servant, perjuri non erunt, sed injusti duntaxat.

Quæres an per procuratorem jurari possit.

R. affirm. 2do. Quia potest quis per aliam quod potest per seipsum, nisi lex resistat, ut nulla hic resistit; 2do. quia tam juramentum per procuratorem fieri potest, quàm matrimonium, cum hujus obligatio maximè sit personalis, atqui, &c.

Hic nota procuratorem juramenti non posse sine speciali mandato, quod mandans non revocaverit. Ceterum procurator, nisi doli particeps sit, non erit perjurus, si is cujus nomine juravit, juramentum non servet.

An & prout obliget juramentum conditionale, inferes ex iis quæ dicam de Voto art. 6.

ARTICULUS SEXTUS.

De Juramenti promissorii interpretatione.

Circa juramenti interpretationem quasdam trademus regulas cum Suare cap. 32.

Prima. Quoties aliquis certus est de intentione quam jurando habuit, nulla opus est interpretatione in conscientie foro; quia juramenti obligatio potissimum à jurantis intentione pendet. Interpretatio igitur tunc tantum necessaria est, cum ju-

rans satis explicare non potest quam habuerit intentionem; runcque verba quibus inter jurandum usus est, pensari debent, & intelligi prout statim dicemus.

Secunda. Juramentum explicandum est juxta naturam actus cui adjungitur. Ratio est, quia juramentum non facit ut obligatio ad plura se extendenda objecta, sed solum ut sit intensivè major circa objectum, quod promissum est; ergo illud objectum, easdem post juramentum conditiones & exceptiones habet quas ante juramentum habuit: unde si sponsalia juraveris, non magis teneris ad ea si sponsam postea fornicari contingat, quàm si non jurasses. Si juraveris te soluturum, * quod debes, imple juramentum utendo iusta compensatione, qua ante juramentum uti potuisses. Excipe nisi intus aut exterius compensationi cuilibet renuntiasses, nisi etiam sponsa ante sponsalia in fornicationem tibi notam incidisset, quia, qui probavit alterius mores, non potest postea reprobare, ait Glossa.

Hic notanda duo: Primum, si promissio cedat principaliter ad cultum Dei putà si agatur de dandis Ecclesiæ ornamentis, aut de servanda inter conjuges castitate, nullam esse subintelligendam, conditionem, sed debere servari juramentum, licet vel Parochus malè se gerat erga promittentem, vel alter conjug castitatem non servet. Secundum, id quod dictum est, juramentum sequi naturam actus cui adjungitur, non ita intelligi ut si actus in se nullus sit, juramentum etiam sit nullum, sed ita ut actus qui nudè sumptus certas habet conditiones easdem pariatur etiam cum juramento confirmatus est. Quod autem valere possit juramentum, etiamsi non valeat actus circa quem interponitur, parebit ex iis quæ dicam Tomo II. Tract. de Contract. cap. 4. art. 2. Concl. 5.

Tertia Juramentum quoad obligationem suam strictè interpretandum est, quantum materia ejus & verba promissionis peraverint. Ratio est, quia onera quantum fieri potest restringenda sunt; porro magnum est onus juramenti, ob perjurii periculum.

Hinc colliges, 1mo. juramentum servandi statuta Communis, intelligi tum de iis quæ vigent actu, aut necessariò vigere debent, tum de iis quæ jam edita sunt, non de edendis, nisi aliud aliundè constet: hæc enim restrictio rationi & prudentiæ consentanea est, cum futura valdè incerta sint. Si tamen novum statutum ad solam statuti veteris declarationem concederetur; tunc novum, utpotè quoddam reipsa novum non esset, eadem qua vetus religione servari deberet. Aliud esset de statuto, Superioris vel consuetudinis autoritate renovato, esset enim verè novum statutum, ejusque conditionem sequi deberet.

* Cap. 25. Dejurej.

2do. Eum qui jurat se alteri pariturum, non teneri ad illi-
cita, vel ad ita difficilia, ut verisimiliter cadere non potuerint
in jurantis intentionem.

3tio. Eum qui juravit residentiam abesse posse in casibus ju-
re concessis, ex cap. 13. *De Clericis non resid.*

4to. Juramentum de servando secreto in Capitulo, vel Con-
ventu, intelligi si materia secretum postulet, vel si secretum
servari possit sine gravi alterius detrimento. Unde qui gestam
in Capitulo rem gravis momenti pervulgar, graviter, qui le-
vem, leviter delinquit: non quod leviter solum in levi mate-
ria obliget juramentum; sed quia cum sit in favorem tertii,
pro gradu voluntatis ejus & non aliter obligat.

Quarta. Juramentum interpretandum est juxta conditiones
eidem ex communi prudentum sensu affixas, ut sunt ista: Hoc
faciam si potero; si licitum sit, si juramentum non relaxetur ab
eo in cujus gratiam factum est: si servari possit salvo superio-
rum jure: si materia notabiliter mutata non fuerit, &c.

ARTICULUS SEPTIMUS.

*De causis quæ Juramenti obligationem impediunt
vel tollunt.*

CAusarum quæ impediunt ne juramenti obligatio contraha-
tur, alia se tenent ex parte materiae ut si res de qua ju-
ratur sit impossibilis, indifferens, aut conjuncta peccato; de
quibus supra: alia se tenent ex parte personæ: & hæc duæ
sunt, nempe defectus libertatis, & resistentia legum.

Defectus libertatis impedit ne juramentum promissorium
obligationem inducat, quia obligatio illa, utpotè quæ fit sub
peccato mortali; requirit deliberationem quæ ad peccandum
mortaliter necessaria est. Sed quia voluntarium & libertas ad
peccandum mortaliter necessaria, subsistere possunt cum vi &
metu; sequitur juramentum quod à latrone v. g. per vim vel
metum extortum est, impleri debere, nisi ejus relaxatio à su-
perioribus obtineatur, ut obtineri facile potest. Quod si fur
solers exegerit juramentum, quo sponderetur ullam unquam
petitum iri dispensationem, sequendum est id quod docui in
Tract. de Contractibus, loco citato.

Resistentia legis impedit etiam ne juramentum obliget, quia
efficit ut juramentum sit de re legitime prohibita, sive juranti,
sive illi cujus in gratiam juratur. Sic Trid. Sess. 25. cap. 16.
De Regularibus, vult ut nulla renuntiatio aut obligatio antea
facta, etiam cum juramento, vel in favorem cujuscunque cau-
sæ pia

sa pia, valeat, nisi cum licentia Episcopi, sive ejus Vicarii fiat, intra duos menses proximos ante professionem, &c.

Quod spectat ad causas quæ efficiunt ut juramentum obligare desinat, ex solent quinque recenseri.

Prima est notabilis mutatio materia; porro materia notabiliter mutata præsumitur, quoties verisimile est ex communi sapientum judicio, hominis prudenter jurantis intentionem se se non extendisse ad eam pro statu in quo nunc est. Quapropter cum in his facilis sit error, jurans nihil determinabit inconsulto viro prudente; quin & Confessarius ipse in dubio recurrat ad Episcopum cujus est juramenta interpretari. Interim generaliter loquendo, materia notabiliter mutata dici potest, si facta sit impossibilis physice aut moraliter, si illicita, aut majoris boni impeditiva. Unde non tenetur juramento, qui promissit summam, quam largiri non potest sine notabili sturûs sui diminutione: nec is item cui prohibetur à Superiore juramenti executio; nec demum pater qui poenam filio comminatus erat, si is ita mores emendaverit, ut jam punitio plus noicitura quam profutura merito judicetur. Quod si materia ex parte impossibilis evaserit, & ex parte possibilis remaneat, observari debet juramentum qua parte materia ejus possibilis manet, si tamen hæc ab alia separari possit; quia *utile non debet per inutile vitiari*.

Secunda causa juramenti obligationem perimens, est remissio etiam tacita, modò injustè extorta non fuerit, & de remittentis intentione constet. Verùm remissio hæc locum non habet, si quod juratum est cedat in utilitatem tertii; unde si duo sibi mutuo juraverint se tantum lucri in eleemosynam daturos, non possunt hujusce promissionis onus sibi remittere.

Sed disputatur, an locum habeat condonatio, cum alicui jurata est promissio intuitu DEI.

R. Vel promissio facta est principaliter intuitu DEI, & secundario respectu hominis, vel è contra. Si 1. non potest homo condonare, cum res de qua juratum est DEUM magis respiciat, quam hominem; si 2. potest propter rationem oppositam. Sic si duo sibi invicem juraverint Psalterii recitationem pro mutua sua utilitate, possunt eam sibi invicem condonare; secus si eam ob DEI honorem primariò intentum juraverint: unde hujusmodi casus non aliter quam ex circumstantiis resolvi possunt.

Tertia causa est commutatio, quæ sub eodem juramenti vinculo unam pro alia materiam subrogat; Sic tamen ut si materia juramenti Papæ reservati mutaretur in aliam quæ eodem reservata non esset; juramentum posterius, etsi prioris locum

cum

cum tenens, ab Episcopo relaxari posset, prout in simili dicitur de voto. Porro circa commutationem juramenti hæc notanda:

1mo. Juramenta in Honorem Dei facta, non possunt in quid minus mutari alia quam superioris autoritate; quia hæc mutatio aliquid habet dispensationis: dispensare verò solius est superioris. Verùm in aliquid apertè melius, modò non sit aliunde præceptum, mutari possunt solo jurantis arbitrio; quia Deus id quod melius est gratum habet. Aliud est de juramentis factis in gratiam proximi, quæ [modò ab eo extorta non sint: tunc enim possunt omnino relaxari] non possunt in melius mutari, cum acceptata sunt, nisi id extraordinaria causa exigat.

2do. Summus Pontifex in tota Ecclesia, Episcopus verò in sua Diocesi juramenta in quid minus commutare possunt, nisi hæc sint Apostolicæ Sedi reservata; qualia sunt 1mo. ea quæ reservantur Papæ peculiaribus locorum, Academiæ, Collegiorumve Statutis; 2do. juramenta quæ sunt in quinque materiis in quibus vota sunt eidem Romano Pontifici reservata, & quas recensemus Cap. seq. Art. ultimo. Qui solum delegatam habet potestatem vota commutandi, ut simplex Confessarius, non ideo juramenta commutare potest; & vicissim: unde duæ istæ potestates juxta Curia Romanæ stylum seorsim conferuntur.

Quarta causa est irritatio facta autoritate illius qui jus habet in alterum. Sic pater filii, tutor pupilli, maritus uxoris juramenta irritare possunt; quæ an & quousque vera sint, expendam Cap. seq. Art. ult.

Quinta causa est relaxatio, seu dispensatio.

Quodd autem potestas dispensandi in juramentis fuerit Ecclesiæ concessa.

Prob. 1mo. quia ad hoc duo sufficiunt, 1mo. ut hæc potestas Ecclesiæ necessaria sit; 2do. ut Christus Ecclesiæ suæ in necessariis non desit: atqui 1mo. Ecclesiæ necessaria est potestas dispensandi in juramentis, sicut & in votis. Ideo enim Respublica civilis proprias suas relaxandi leges potestatem habet, quia eadem leges sine gravi aliquorum incommodo quandoque observari non possent, cui quidem incommodo per dispensationem providam occurritur atqui pariter quandoque contingit ut juramenta sive paulò imprudentius, sive etiam prudenter emissæ, sine gravi vel multitudinis, vel privatorum incommodo servari non possint, ob circumstantiarum mutationem quæ ab initio prævideri non potuit; uti quotidiana probat experientia; ergo Deus dispensandi in juramentis facultatem debuit

buit Ecclesiæ suæ largiri: si autem debuit; ergo & de facto largitus est.

Prob. 2do. ex Matth. 18. *Quæcumque solveritis super terram, erunt soluta & in cælis*; ex quo Ecclesiæ, legitima Scripturæ interpres, semper collegit se juramenta, cum iusta subest ratio, relaxare posse. Unde Alexander III. cap. 8. *De iurjur.* dicit à pluribus prædecessoribus suis dispensatum fuisse in iuramentis per metum extortis.

Confirm. Citata Christi verba, cum generalia sint & Ecclesiæ admodum favorabilia, tantum extendi debent quantum possunt, salva verborum proprietate: atqui salva verborum proprietate extendi possunt ad astringendam Ecclesiæ potestatem dispensandi in iuramentis, cum etiam extendi possint ad facultatem remittendi peccata, quæ sanè major est facultate relaxandi iuramenta; ergo.

Neque sic tamen efficit Ecclesiæ ut Deus vocetur in testem falsi. Sicut enim Deus in testem falsi non vocatur, quando ob promissarii condonationem non impletur promissio iurata, sic nec vocatur in testem falsi, cum eadem promissio ob Ecclesiæ dispensationem non adimpletur: quia tunc Deus per Ecclesiæ dicit, Permitto vel volo ut iuramentum mihi factum non exequaris.

Circa dispensationem iuramenti hæc notanda: 1mo. non est valida, nisi iusta adsit ejusdem concedendæ ratio. Quia inferior, qualis est omnis homo respectu Dei, in lege superioris dispensare non potest sine causâ; 2do. si iuramentum confirmet promissionem tertio factam, non valet dispensatio, sicut nec valet commutatio in eodem casu, ut dictum est. Fieri tamen posset in gratiam boni communis, ut promissio alicui facta relaxaretur à superiore: sic dispensari potest cum eo qui iuravit se non denuntiaturum esse reum, quando ex ejus denuntiationis defectu sequi posset impunitas criminum & audacia ad scelus.

Pauca hîc addemus de adjuratione, est autem adjuratio, Contestatio seu interpositio rei sacræ, cujus reverentia intendimus aliquem permovere ad aliquid præstandum: unde adjuratio non vocat Deum in testem; sed ejus reverentiam interponit, ut homo ipsius amore vel metu commotus, ad aliquid faciendum adducatur.

Adjuratio duplex, deprecativa quæ fit per preces, ut Rom. 12. *Obsecro vos per misericordiam Dei*; & præceptiva quæ fit cogendo, ut Matth. 26. *Adjuro te per Deum vivum ut dicas*, &c. Nemo est qui non possit adjurare etiam dæmonem, sed privatim: adjuratio enim publica solis Ecclesiæ ministris com-

petit;

petit; nec
cialiter al
Adjura
fit de re
2do. si fi
metem;
4to. si d
sed ad d
re non l
quirant;
utiùs pro
peccata
si certa
mendac

Circa
quo
vovere p
um, etia
quem d
centur;

VOr
bu
Dicir
quis i
fecerit,
vi cuius
debent
tum cu
stiganda
quid R

perit; nec jam in usu est ut simplex Exorcista adjuret, nisi specialiter ab Episcopo approbatus sit.

Adjuratio multiplici modo peccatum esse potest; ut 1mo. si sit de re illicita, quia tunc DEI nomen assumitur in vanum; 2do. si fiat per eum per quem fieri non debet, ut per Mahometem; 3tio. si superiores per modum coactionis adjurentur; 4to. si dæmones adjurentur deprecativè; vel coactivè quidem, sed ad obrinenda ab eis auxilia, quia ad eorum opem recurrere non licet; 5to. si qui eos adjurant, vana ab iis & curiosa requirant; neque hæc colloquia à gravi vacarent peccato, si diutius protraherentur; 6to. si præbeatur dæmoni occasio aliorum peccata revelandi, quia proximi famæ consulendum est; 7mo. si certa verbis ejus fides habeatur: est enim ipse mendax & mendacii pater, Joan. 8.

CAPUT QUINTUM.

De Voto.

Circa arduam votorum materiem videndum, 1mo. quid, & quotuplex sit votum; 2do. quæ ejus materia; quis item vovere possit; 3tio. sitne votum opus meritorium & obligatorium, etiam cum sit ex metu, dolo, &c. 4to. quando, & per quem debeat impleri; ubi quædam de interpretatione voti dicentur; 5to. tandem quotuplici via tollatur obligatio voti.

ARTICULUS PRIMUS.

Quid sit Votum, & quotuplex.

Votum definitur, *Promissio deliberatè Deo facta de meliori bono.*

Dicitur 1mo. *promissio*, hoc est, spontanea fidei obligatio qua quis irà se ad aliquid faciendum constringere vult, ut si id non fecerit, peccet: unde patet votum distingui à simplici proposito, vi cujus non intendit homo tam arctè obligari. Et id advertere debent confessarii propter poenitentes qui quandoque propositum cum voto confundant; & quorum intentio attentè investiganda est, juxta illud cap. 3. *De voto. Proponens in animo quoddam Religionis habitum esse aliquando suscepturus si plus non est*

non est in voto processum, transgressor judicari non poteris, si non impleas quod dixisti.

Dicitur 2do. *deliberatè facta*: votum enim est lex, eaque gravis qua quis se ligat; nemo autem sine deliberatione sufficienti sese obligare censetur: unde ad votum eadem requiritur & sufficit deliberatio quæ ad peccatum mortale nisi majorem exigit Ecclesia. Quapropter rejiciendum est quod aliqui dicunt, eos quos voti pœnitet, statim ac illud emiserunt, censendos esse absque sufficienti deliberatione vovisse: tum quia ea est hominis inconstantia, ut hunc sæpe pœniteat eorum etiam quæ cum plena deliberatione sibi proposuit; tum quia plena deliberatio uno momento haberi potest, seu circa bonum, seu circa malum, unde rarò admodum contingit ut vota ex defectu deliberationis non obligent.

Hic duo notanda, 1mo. eum qui vover cum ea solùm deliberationis specie, quæ ad peccatum veniale sufficeret, non obligari hocce voto saltèm sub pœna peccati mortalis; 2do. eum qui vover absque examine, rei quam vover proportionato, peccare, & aliquando mortaliter, haud tamen tunc definit voto obligari, cum, ut supponimus, ex ea voverit deliberatione quæ ad peccatum mortale sufficit.

Dicitur 3tio. *facta Deo*; votum enim est actus latria, qui soli Deo exhiberi potest. Hinc qui regulæ suæ observantiam voveret Sanctis, intendunt vovere Deo coram Sanctis, quos in promissionis suæ testes adducunt; alioqui non fieret votum, sed solùm promissio quædam religiosa.

Dicitur denique *de meliori bono*; id est, de actione quam melius est fieri, quàm non fieri. Ratio est, quia promissio non fit alicui, nisi ut ei gratificemur: porro gratum non est id quod habere melius non est quàm non habere.

Hinc validè non vover, 1mo. qui vover nuptias; quia matrimonium minus est bonum quàm continentia; 2do. qui rem indifferentem aut æqualem vover, ut quòd hanc ducat prax alia. Si tamen voveres hanc ducere ob remunerandam ejus virtutem, ob consiliandam pacem familiæ, ob subtrahendam periculo virginem, &c. valeret votum, non quidem absolutè, [nisi fortè in raris casibus, quia alioqui statum Religionis aut continentia, matrimonio meliorem excluderet] sed comparatè, & quatenus esset de meliori bono ob circumstantiam pietatis.

Ceterùm vota de meliori bono esse censentur, quoties obligant ad aliquid quod melius sit opposito suo, licet non sit melius quocumque alio quod fieri posset. Hinc voveri potest donatio calicis ab eo qui totam Ecclesiam construere posset: quia licet

licet mel
us tamen
rùm hac
Votum
pl.x est
di, Religi
secratio
facta, &
generis v
num, &
probata.
Differ
ex cap.
contrahe
in Societ
contrahe
per prop
in partes
Potior
solemnit
tis & cu
tos effec
ne callit
pertatis;
obedient
emittunt
statis v
trahendi
Prob.
expres
est inven
te Domi
stantiali
prou: m
tas subst
ralis est,
pender.
Prob.
acceptat
posse in
atqui op
Hinc
tialiter q
formali
* Cap

licet melior sit Ecclesiæ constructio quam donatio calicis, melius tamen est calicem dare, quam ejusdem donum omittere. Verum hæc ex infra dicendis elucescent.

Votum dividitur 1^{mo}. in simplex, & solemne. Votum *simplex* est nuda promissio sine solemnitate Deo facta, ut jejunandi, Religionem ingrediendi. Votum *solemne* est traditio & consecratio sui ipsius divino cultui, cum præscriptis solemnitatibus facta, & DEI nomine ab Ecclesiâ acceptata. Duo sunt hujus generis vota, castitatis scilicet in susceptione sacrorum Ordinum, & professionis in Religione per Sedem Apostolicam approbata.

Differunt hæc vota tum à posteriori, scilicet ab effectu, quia ex cap. 6. *Quid Clerici*. Votum simplex matrimonium impedit contrahendum, non tamen dirimit jam contractum, præterquam in Societate Jesu: votum verò solemne, non solum impedit contrahendum, sed & contractum irritat; tum à priori, scilicet per proprias rationes quas explicare arduum est, unde hic varias in partes scinduntur Theologi.

Potior nobis videtur opinio Scotistarum, qui reponunt voti solemnitatem in statuto Ecclesiæ, per quod qui in circumstantiis & cum formalitatibus ab Ecclesiâ præscriptis vovet, ad certos effectus inhabilis redditur: scilicet ad validè nubendum ratione castitatis; ad habendum rei alicujus dominium ratione paupertatis; ad se aliis quam superioribus obligandum, ratione obedientiæ: quam inhabilitatem non contrahunt qui simplicia emittunt vota; quandoquidem qui simplex paupertatis, vel castitatis votum emittit, nec domini, nec matrimonii validè contrahendi incapax efficitur. Hæc autem opinio

Prob. 1^{mo}. quia Bonifacius VIII. cap. unico. *De voto* in 6. expressè dicit quod voti solemnitas ex sola constitutione Ecclesiæ est inventa; idque repetit Gregorius XIII. in Bulla *Ascendente Domino*: atqui prædicti Pontifices loquuntur de vera ac substantiali solemnitate quandoquidem loquuntur de solemnitate prout matrimonii diremptiva, quæ sanè ipsissima est solemnitas substantialis. Ergo solemnitas voti non ex ipsa rei natura talis est, ut docent Thomistæ, sed à sola Ecclesiæ voluntate pender.

Prob. 2^{do}. quia si voti solemnitas consistat in traditione & acceptatione, quæ sit de jure naturæ, dicendum est Papam non posse in voto solenni dispensare, quod docent iidem Thomistæ: atqui opinio hæc falsa est, ut infra evincemus; ergo.

Hinc colliges votum simplex & solemne non differre essentialiter quia idem habent objectum, & illud sub eadem ratione formali attingunt: * Unde ex Celestino III. *Simplex votum*

* Cap. 6. *Qui Clerici.*

apud

apud Deum non minus obligat quam *solemne*. Gravius tamen intra eandem speciem peccat, qui *solemne* votum transgreditur; unde circumstantia voti *solemnis* in confessione aperire debet.

Dividitur 2do. votum in *personale*, reale: & *mixtum*. *Personale*, est promissio actionis vel omissionis quæ ipsum voventem afficere debet: tale est votum castitatis. *Reale*, est promissio rei per se vel per alium efficiendæ. *Mixtum*, ex personali & reali coalescit, ut votum eundi ad templum aliquod, ibique, calicem offerendi.

Dividitur 3tio. in *temporale*, quod ad certum tempus durat, ut votum jejunandi per mensem; & *perpetuum*, quod per totam voventis vitam durare debet, ut votum perpetuæ castitatis.

Dividitur 4to. in *absolutum*, quod fit simpliciter ac sine conditione, ut Voveo castitatem; & *conditionatum*, quod fit sub conditione, ut voveo Rotarium, si sanitas restituatur patri.

Dividitur 5to. in *morale*, quod spectat ad mores, ut stimulus virtutis; & *pœnale*, quo promittitur, aliquid faciendum in pœnam criminis; sive jam admissi, ut voveo jejunium, quia temerè juravi; sive illud admitti contingat, ut voveo jejunium si juravero. Votum pœnale aliquando duplex est, ut cum extenditur tum ad pœnam, tum ad fugam criminis: v. g. Voveo me non amplius inebriandum, & si contra fecero, à vino obstitenturum; aliquando simplex est, ut si ad pœnam solam extendatur.

ARTICULUS SECUNDUS.

De causâ materiali & efficiente Voti.

Constat voti materiam esse debere rem possibilem, bonam, & quæ melioris boni impeditiva non sit; quia non potest Deus rei vel impossibilis, vel malæ aut indifferentis, vel quæ majoris boni impeditiva sit, promissionem acceptare. Sed

Quæritur 1mo. circa materiæ possibilitatem, an valeat votum cujus materia partim possibilis est partim impossibilis.

R. 1. votum obligare quoad partem possibilem, si talis sit hujusce voti materia ut dividi possit & soleat. Ratio est tum quia vovens censetur nunc partes illas divisim promisisse, id est, se obligasse ad id quod facere posset; tum quia ex citata Juris regula, *Utile non debet per inutile vitari*.

Hinc 1mo. * si non potes centum aureos quos vovisti, pauperibus

* S. Thom. hic q. 88. art. 3.

peribus dare, teneris dare decem quos potes. Si voveris jejuni-
um in pane & aqua, teneris, si potes, ad jejunium ordinarium,
&c.

Hinc 2do. puella quæ virginitatem vovit, si corrupta est, quam-
vis non possit virginitatem reddere, tamen potest continentiam; &
idcirco ad hoc remanet obligata: quia dum simpliciter & sine
restrictione vovetur virginitas, vovetur abstinencia ab omnibus
venereis.

Hinc 3tio. qui post emissum castitatis votum nuptias contra-
xit &c. consumavit, quamvis debitum reddere teneatur, debet
tamen nec illud exigere, nec reddere, si compars jus ejusdem
exigendi amittat; & à secundis nuptiis abstinere, si uxor ante
ipsam è vivis excedat. Pari de causa, qui intravit Monasteri-
um invita uxore, * etsi ratione voti, utpotè invalidi, post uxoris
mortem ad monasterium non tenetur redire, ulterius tamen non
poterit uxorem accipere, nec à sua dum viver debitum exigere:
promisit enim se non exigere debitum, quod in ejus potestate erat;
& ideo quoad hoc votum ejus tenuit, &c.

Hinc denique quoties in objecto unum est per modum prin-
cipalis, aliud per modum accessorii; principale servari debet,
si possibile remaneat, etsi accessorium impossibile factum sit,
quia ex jure accessorium principale ad se trahere non debet.
Excipe nisi accessorii impossibilitas, principale ità difficile red-
dat, ut vovens illud solitariè sumptum vovere non intenderit.
Sic qui vovit Romam ire in equo vel rheda, iis deficientibus
ire non tenetur.

R. 2do. Si partes materiæ non divisim sed collectivè promif-
sæ sint, nulla remanet obligatio si earum pars altera fiat im-
possibilis, quia vovens non intendit ad unam se obligare sine
altera.

Hinc colligunt multi eum qui vovit Ecclesiæ ædificationem,
si sola jacere possit fundamenta ad nihil teneri; quia censetur
ædificium totum vovisse per modum unius. Hæc tamen reso-
lutio dubia est; unde censent Navarrus, Sylvester, &c. eum qui
votum hoc emiseric, vel Capellam in illo vel alio Templo, vel
saltèm fundamenta quæ potest, ædificare debere, quia fieri solet
ut alij viso Ecclesiæ principio ad eam perficiendam accendantur.
In hoc ergo casu, nisi aliud ferat specialis intentio illius
qui vovit, vel sequenda est pars tutior, vel recurrendum ad
Episcopi judicium. Iisdem de causis abstinenciam præciperem
ei, qui jejunium vovit & solùm à carnibus abstinere potest.

Nihilominus comunis opinio tenet eum qui vovit se in sacco
peregrinaturum, non teneri induere hoc pœnitentiæ vestimen-
tum

* Cap. 3. De convers. conjag.

tum si peregrinari non possit: quia votum non fuit de eo emissum, nisi ratione itineris. Sic etiam qui vovit se tali die jejunaturum, si diei huic jejunium affigere voluerit, puta in Sancti alicujus honorem, & eadem jejunare nequeat, non tenetur in die sequenti jejunandum. Ratio est, quia nisi obstit, quæ hic plurimum consideranda est, specialis voventis intentio, id quod impleri non potest in prædictis casibus, se habet per modum principalis, ac ferè per modum totius: porro qui ad principale non tenetur, nec ad accessorium tenetur.

Quæres 2do. an qui voto disjunctivo promissit Ecclesiæ bovem vel equum, voto suo teneatur, si una materia possibilis sit, altera putà non quia perierit equus, non verò bos. R. Si jam perierat equus quo tempore votum factum est, votum ab initio non valuit; quia fuit de materia impossibili secundum intentionem voventis, cum vovens intenderet unum præ alio eligere; quod non poterat. Si autem emissio jam voto perierit equus, & necdum electio facta fuerit, tenet votum quoad eam partem quæ possibilis remansit; quia promissio quæ ab initio valida fuit, servari debet quantum potest. Addo voventem, ejus rei quæ periit pretium dare posse, quia hanc si superesset præ alia dandam eligere potuisset, nisi tamen res ea voventis culpa perierit tunc enim eam prorsus dare tenetur quæ superest. Quod si vovens rem quæ periit dandam elegisset, ad nihil teneretur: quia idem tunc est ac si promississet rem unicam, quam falsò penès se esse crediderat.

Quæres 3tio. si quis voti prioris immemor, aliud emiseric cum priori incompatible, ut votum serviendi infirmis ea die qua peregrinationem voverat, quid faciendum? R. Votum quod est de re meliori servandum esse quia est validum, cum liceat votum in melius commutare: si verò posterius votum sit de æquali bono, adhærendum est priori, quia votum prius in aliud æquale mutari nequit. Idem est si dubitetur an posterius votum sit de bono meliori, quia possessio stat pro voto prius emissio.

Quæres 4to. an votum non peccandi censeri debeat, de materia possibili.

R. imo. votum de vitando omni prorsus mortali peccato, esse de materia quæ homini sine speciali privilegio possibilis est. Hæc tamen vota consulenda non sunt, nisi viris timoratisimis, qui se per plures annos probaverint: aliàs enim viris fragilibus aut scrupulosis, novam lapsus aut scrupuli occasionem indubiè procrearent; unde in iis haud difficile dispensandum esset.

R. 2do. votum de vitando aliquo genere peccati venialis, v. g. mendacio jocosio, esse de re cum communibus gratiæ auxiliis possibili, adeòque validum; quanquam nec istud votum in qui-

quibusdam saltem materiis, in quibus difficile est non labi, facile permitti debet. Quis enim ab omni otioso verbo abstinere possit, absque gravi & jugi poenâ sicque cum crebro & gravi violandi voti periculo?

R. 3tio. votum omnia venialia vitandi videri invalidum: non enim valet votum nisi acceptetur à Deo, non acceptatur autem votum: & inutile & nocivum, atqui tale esset votum de quo loquimur: quòdque singulis diebus, ingeminandi peccati occasio foret, ergo.

Circa bonitatem materiæ voti, quæres 1mo. an valeat votum de rejâ præcepta. R. affirmat. Ut enim res jure naturali præcepta aliquando de novo præcipit Ecclesia, ita & easdem sibi de novo præcipere possunt homines, ut firmius persolvant id ad quod jam tenentur: hinc voveri solet abstinencia ab illicitis voluptatibus etsi aliundè imperata.

Quæres 2do. an valeat votum de re indifferenti.

R. Negat. & hoc verum est etiam si vovens rem illam ad Dei cultum referre intendat: unde non valet votum non nendi, aut unguës non abscindendi die sabbati in honorem B. Virginis. Ratio est, quia materia voti ad Dei cultum referri debet; at res indifferentis ad Dei cultum verè referri nequit imò tale votum non vacat à culpa cùm superfluum cultum contineat.

Aliud erit si res ex se indifferens honesto fine vestiatur: ut si mulier à nendo abstinere velit die sabbati, ut expeditior sit ad recitandos sapius. B. Mariæ calculos: item si vestes albas gestare voveat, vel ut in se specialem singularis quæ in Maria emicuit virginitatis memoriam excitet, vel quia ex locorum usu eadem vestes certam Mariani cultûs professionem continent.

In dubio an voti materia indifferens sit, an bona, votum impleri debet; quia non implendo, incurreretur peccandi periculum. Aliud esset in dubio an voti materia illicita foret, nec ne: quia qui operatur antequam tale dubium deposuerit; facit id quod peccatum esse posse putat; & id nunquam licitum est.

Sed quid juris, si res voto promissa, ab initio indifferens, deinceps bona evaserit; puta jam honestum est non ingredi domum, quam ingredi indifferenserat cùm vovi nie eam non ingressurum esse, valène nunc votum istud?

R. Negat. quia. ex Reg. 18. Juris in 6. *non firmatur tractu temporis quod ab initio non subsistit.* Valeret tamen hoc votum, si vovens ex errore credidisset ingressum certæ domûs actu & de facto aliquid habere periculi; & tunc sublato periculo, cessaret votum; eodèmq; resurgente revivisceret.

Quæres 3tio. an votum de re bona ratione objecti, sed indifferenti ratione finis, sit validum, puta votum jejunandi, vel non

ludendi ad parcendum sumptibus. R. negat. quia actio indifferens ratione finis eo ipso est mala, ut docet S. Thomas: votum autem de re mala non tenet. Aliud sanè foret, si quis in ordine ad Deum parcere vellet sumptibus, puta ut uberiorem egenis stipem erogaret.

Quares 4to. an valeat votum de re bona, sub conditione mala & turpi.

R. conditionem malam voto rei bonæ multis posse modis adjici. Et quidem imo. ad obtinendam rem malam, aut quia ea jam obtenta fuit, ut Voveo preces ut obtineam. vel quia obtinui ultionem de inimico; & tale votum non valet, seu quia in eo ordinatur opus bonum ad finem malum; seu quia Deo aguntur gratiæ tanquam peccati auctor extiterit, quod blasphemiam sonat.

2do. si contigerit res mala, ut Voveo eleemosynam, si juravero; & tale votum tenet, quia nulla est mala circumstantia unde corrumpatur.

3tio. si ex re mala quæ non voveretur, boni aliquid contingat, ut voveo eleemosynam, si ex duello victoriam reportem; si ex fornicatione filium suscepero. Atque hoc votum valere censent Suarez, Toletus, &c. quorum opinio falsa mihi videtur: quia vovere eleemosynam si victor ex duello redeas, nihil aliud est quam vovere si, & ea conditione ut impium de hoste triumphum reportes, sicque ut Deus crimini tuo benedicat quod pessimum est. Si tamen malum esset mera conditio, non autem finis à vovente intentus, imò si dubium foret an vovens habuisset malum pro fine, votum adimpleri deberet.

4to. si malum quod tibi proponis non sit finis operis seu voti, sed finis solum operantis, valet votum; ut si coram pluribus quorum laudes aucuparis, voveas Religionem, tenet votum; quia non refertur ad rem malam, licet res mala te ad vovendum impulerit.

Quod spectat ad ultimam conditionem, ut nempe votum sit de meliori bono, quares imo. an valeat votum ingredi Religionem laxiorem.

R. valere; posito quòd status Religionis illius melior sit statu communi qui relinquitur, ut melior esse solet: non ita est de matrimonio, quia, ut diximus, matrimonii votum melius bonum excluderet, continentiam scilicet aut Religionem.

Quod spectat ad causam efficientem voti, sit.

CONCLUSIO I. Omnis & solus homo rationis compos vovere potest.

Prob. quia ad votum requiritur actio humana, cujus incapax est, quisquis est rationis impositus. Hinc vovere non possunt ebrii, amentes

amentes, &c. possunt verò, ut statim dicam, infantes post adeptum rationis usum, & quicumque mortaliter peccare possunt.

CONCLUSIO II. Omnia omnino vota simplicia, etiam de amplectanda Religione, ab iis emissà qui, ratione utuntur, sive aliis subditi sint, sive non, videntur esse de se valida.

Prob. quia hæc vota neque irrita sunt ex natura rei, cum fiant ab homine qui id quod voverit intelligit, saltè quoad substantiam; neque actu irritantur ulla lege positiva, cum nullum exeret ius quo huiusmodi personæ ad vota simplicia inhabiles reddantur.

Dixi 1mo. *vota simplicia*: quia Trid. Sess. 25. cap. 15. *De Regular.* statuit ut *professio in quacumque Religione ante annum 16. expletum facta: nullam inducat obligationem ad quoscunque effectus*: adeoque non valeat etiam in ratione voti simplicis.

Dixi 2do. *etiam vota de amplectanda Religione.* Neque verò me fugit dubios esse circa hanc controversiam Theologos; sed opinio nostra præferenda videtur: 1mo. quia tutior est saluti voverentis, cum in dubio tutius sit dispensationem petere ab Episcopo; 2do. quia pueri necdum puberes peregrinationis Hierosolymitanæ votum etsi arduum emittere possunt, ex cap. 2. *De voto &c.* ubi Alexander III. votum prædictum *in puerili ætate* emissum elemosynis redimi mandat, quæ commutatio præviam voti validitatem supponit; 3tio. quia ut quis sufficienti ad votum ratione præditus censeatur, necesse non est ut quasi in balance trutinæ quæcumque ad vovendum promoveret, vel à vovendo detertere possunt; neque itè ut omnem quæ votum subsequi possit difficultatem prævideat; alias quæ vota, vel matrimonia starent? satis ergo est ut rei substantiam, ejusque difficultates intuitu generali prospiciat; hujus autem intuitus capaces sunt qui verum rationis usum habent: vident enim v. g. RR. PP. Capucinos nudo pede gradi, à Superioribus pendere, exauriri calore, uri gelu, &c. quòd autem hæc minus intueantur quàm alii, solum efficit ut facilius dispensari debeant.

In dubio an puer sufficientem haberet rationis usum, censent Sanchez videndum esse, an infans septennium explevisset, necne: in priori casu obligare votum, & cujus eadem ratio est, juramentum: in posteriori autem præsumi defectum rationis, nisi illo constet: sicque nullam esse voti aut juramenti obligationem. Si verò, idem Theologus, dubium sit an puer esset septennis tempore voti, *credo in voti favorem præsumendum: quia de illo constat, excusatio autem dubia est. Item quia ra-*

*rissimè aut nunquam ante septennium emittuntur vota aut jura-
menta promissoria.*

Dixi 3tio. vota hæc esse *de se* valida, quia per accidens con-
tingere potest, ut sint vel fiant nulla, prout scilicet à parenti-
bus irritata fuerint vel antè, vel postquam emissã sunt; de quo
infra Artic. 6. Sect. 3.

ARTICULUS TERTIUS.

An Votum sit opus bonum, meritorium, & obligatorium.

Quæstio est an vota de rebus alijs non præceptis in nova
lege fieri queant, & facta obligent. Negavit Lutherus,
tum Lib. *De votis Monach.* tum exemplo suo, cum Cathari-
nam de *Bore* Religiosam, Religiosus ipse & Sacerdos in uxore
duxerit. Sit

CONCLUSIO I. Votum actus est honestus, & Legis Evan-
gelicæ statui conveniens.

Prob. 1mo. ex Apost. qui de viduis quæ sunt castitatis vo-
tum non servabant, sic scribit I. ad Timot. 5. *Habentes dam-
nationem, quia primam fidem irritam fecerunt:* sed si votum es-
set aliquid Evangelicæ Legis statui repugnans, non haberent
damnationem qui ipsum violant, sed econtrà; ergo.

Prob. 2do. ex Concilio Illiberitano an. 305. Can. 3. *Vir-
gines, inquit, quæ se Deo dedicaverint, si pactum perdidit
virginitatis ... placuit nec in fine dandam eis esse communio-
nem.*

Prob. 3tio. ex SS. Partibus, quos inter in re evidenti sufficit
Augustinum adduxisse. Sic ille verba hæc Psalmi 79. *Vovete
& reddite*, Christianis applicans: *Benè vivere secundum com-
munem modum ... hoc totum omnes vovere debemus. Sunt
etiam vota propria singulorum: alius vovet Deo castitatem; &c.*
ergo ex S. Doctore voveri possunt, tum ea quæ sunt in præce-
pto ut *benè vivere*, tum ea quæ consilii sunt, ut castitas.

Obijciuntur duo, 1mo. quòd vota libertatem nobis à Chri-
sto assertam tollant; 2do. quòd qui vover majoris se peccati
periculo exponat, & sapius poeniteat voti sui sed hæc non
nocent. Unde

R. ad 1. Libertas Evangelii est libertas à peccato, non au-
tem ab eo quod majoris perfectionis vinculum esse potest.

R. ad 2. eos qui prudenter voverent, & Domini verborum mè-
minerunt, *Oportet semper orare*, magnis subtrahi periculis, &
nunquam voti sui poenitere: & verò adversariorum ratio pro-
barer

barer præcepta Dei non expedire: ubi enim non est lex, nec prævaricatio. Rom. 4. v. 15.

CONCLUSIO II. Opus quod fit ex voto, melius est eo quod fit sine voto, & magis meritorium.

Prob. tum quia tale opus habet bonitatem quam non haberet sine voto, jungit enim bonitatem actus v. g. castitatis, bonitati voti; tum quia opus quod fit ex Religionis virtute inter morales præstantissima, melius est eo quod fit ex alia virtute morali, castitatis, v. g. vel misericordiæ; ergo tale opus melius est tum extensive quia à pluribus virtutibus proficiscitur; tum intensive, quia à virtute perfectiori emanat.

Prob. 2do. Gravius peccat qui castitatem Deo promissam violat, quam si non novisset; ergo à contrario, melior est actus castitatis quæ vota est, quam quæ vota non fuit.

Obj. Quod fit ex necessitate minus habet meriti, quam quod fit voluntariè; sed quod fit ex voto fit ex necessitate; ergo.

R. neg. maj. si agatur de necessitate non naturali quæ meritum tollit, sed morali quam quis sibi imponit. *Felix enim necessitas*, ait Augustinus Epist. 127. *quæ in meliora compellit*, Et verò quis credat Deum aut superiores eo quod quidpiam præcipiunt, meritum minuere? Dicendum igitur id quod ex parte libertatis deesse videtur, abundè compensari per motivum nobilioris virtutis ex qua operantur qui legem sibi vel à Deo, vel à semetipsis impositam adimplent.

Quod spectat ad obligationem voti, quinque circa eam expendenda sunt, 1mo. an votum ut sic voventem obliget; 2do. an semper obliget sub gravi; 3tio. & 4to. an etiam obliget cum vel metu extortum est, vel dubium est an emissum fuerit; 5to. an & quatenus obliget votum conditionale. De quibus sit

CONCLUSIO III. *Hæreticum est asserere votum non obligare.*
Ita S. Thomas quodlib. 3. a. 12.

Prob. 1mo. ex Scrip Eccl. 5. *Si quod vovisti Deo nunc moris reddere; displicet enim ei infidelis & stulta promissio. Sed quodcumque voveris redde, multoque melius est non vovere, quam post votum promissa non reddere.* Deuter. 13. *Cum votum voveris non tardabis reddere, quia si moratus fueris, reputabitur tibi in peccatum* Psal. 75. *Vovete & reddite.* Unde sic: Hæretica est opinio quæ apertis Scripturæ textibus repugnat: arqui talis est opinio, quæ votorum obligationem negat.

Prob. 2do. ex S. Augustino Epist. 127. *Quia vovisti, jam te obstrinxisti aliud tibi facere non licet.*

Prob. 3tio. Magis obligatur homo Deo, quam homo homini: sed

ni: sed homo tenetur in conscientia promissionem alteri homini factam exequi; ergo à fortiori factam Deo.

CONCLUSIO IV. Votum obligat graviter in materia gravi, leviter in levi. Ità communior opinio.

Prob. 1. pars de qua nemo ambigit, tum ex Apostolo qui damnationi obnoxias esse dicit viduas, *quia primam fidem irritam fecerunt*; tum ex S. Augustino qui ibid. sic loquitur: *Quia tenetur apud Deum sponsio tua, non te ad magnam iustitiam invito, sed à magna iniquitate deterreo.*

Ea porro in votis censetur gravis materia, quæ per se vel ex circumstantiis ad honorem Dei, vel spirituales voventis utilitatem notabiliter conducit, quæque si ab Ecclesia præciperetur, obligaret sub mortali. Hinc qui vovit semel se jejunare, peccata confiteri, Missam audire, mortalis peccati reus est si hæc omittat; nisi omittat in circumstantiis in quibus non peccaret Ecclesiæ præceptum omittendo.

Prob. 2. pars. 1mo. quia votum est privata lex quam vovens sibi imponit, & quidam cum Deo contractus: porro lex & contractus non obligant graviter in materia levi; 2do. quia levis infidelitas, levis est injuria: sed violatio voti in materia leviori, levis est infidelitas 3tio. quia votum non obligat nisi ut acceptatur à Deo: atqui probabile non est quòd Deus rem levis momentiacceperet cum obligatione sub mortali, talis enim obligatio irrationabilis videtur; ergo.

Obj. Juramentum falsum in materia etiam levi semper est mortale; ergo à pari.

R. neg. conseq. qui enim Deum invocat in testem falsi gravem semper injuriam Deo irrogat: sed aliud est de voto, quod cum obliget per modum legis, non obligat sub mortali; nisi quando lex rationalis sub mortali obligare potest.

Hinc non peccat letaliter 1mo. qui omittit *Pater & Ave* quæ semel recitanda voveret: 2do. qui singulis diebus alium unum pauperibus largiri debet, semel aut iterum non dat; secus si toties omitteret, ut inde coalesceret gravioris materia omisso; 3tio. qui leve aliquod peccatum facit; nisi peccatum illud valde indecens foret personæ voventi, ut in Episcopo certa verba quæ malè sonant, etiam in ore secularium; quia cum tunc votum fieret ob gravem causam, obligaret sub mortali, ait Henno.

Quæres an vovens possit se sub culpa solum levi obligare in materia gravi. R. Affirmat. 1mo. quia actus agentium non operantur ultra intentionem eorum; ergo qui non vult se obligare sub gravi, non nisi sub levi obligatur; 2do. quia vel possibile est materiam gravem vovere sub obligatione levi, vel non; si

1. votum

1. votum obligat sub levi, si 2. non fiat votum, cum sit dere impossibili. Graviter tamen obligant, velis, nolis, vota quæ fiunt in Religione; tum quia ita decernit Ecclesia, tum quia vota hæc obligationem utrinquè onerosam pariunt, nempe in proficiente qui se Religioni, & in Religione quæ proficenti se obligat; cumque hæc se graviter obliget, debet & vovens ei se graviter obligare ut servetur æqualitas.

Dices: Votum pendet quidem à vovente ut fiat, at non pendet ab eo ut obliget sed à Deo qui vult voventem sibi obligari. Ergo si materia gravis sit, vovens voti sui obligationem restringere nequit.

R. dist. ant. non pendet ab eo ut obliget simpliciter, quia nulla est vera promissio quæ veram non importet obligationem: C. non pendet ab eo ut plûs aut minûs obliget; N. Sic lex superioris jure naturali & divino obligat; & tamen fatentur aliqui adversariorum, pendere ab intentione legislatoris ut rem gravem leviter præcipiat.

CONCLUSIO V. Votum emissum ex gravi metu ad idem extorquendum injustè incusso, non obligat.

Prob. Votum non valet cum ab Ecclesia reprobatum; atqui vota ex metu gravi injustè ad eadem extorquenda incusso, ab Ecclesia reprobantur, ut patet ex titulo *De his quæ vi, &c.* cap. 1. & 2. ergo si puella emiserit Religionis votum ob timorem patris, non solum mortem, sed alia morte longè minora minantis, votum ejus non tenet; quia injuriæ v. g. graves, sunt quid magnum respectu puellæ.

Valet tamen votum 1. mo. si metus levis sit, quia tunc nec ex rei natura, nec ullo jure irritum est 2. do. si metus gravis quidem sit, sed justè incutiatur: ut si Judex mulierem adulteram adiगत ad vovendum, nisi mortem pati malit; quia non tam illi metus incutitur ut voveat, quàm ei ostenditur evadendi supplicii via 3. tio. si metus injustè quidem incutiatur, sed non ad extorquendum votum: hinc si metu mortis tibi statim à latronibus inferendæ, voveas Religionem, tenet votum; quia nemo te ad vovendum compellit; non teneret tamen si te à facie hostis ad Monasterium confugientem, Superior intra domum recipere noller, nisi voveres; idem enim est ac si te traderet in manus inimici, quod gravem ac iniquum metum importat. Imò etsi Superior, ob imminens sibi damnum posset aliquid exigere titulo compensationis, non tamen posset exigere ut voveres, quia votum liberæ electionis esse debet.

Porro metus gravis & injustus jure solum positivo, non autem naturali vota irritat. Ratio est, quia metus injustè incussus: aliquando non tam est gravis, & ideo minûs libertati no-

cet quàm metus iustè, vel naturaliter iucullus & is tamen non tollit voti obligationem.

Jam ut intelligatur an votum dubium obliget, notandum est, duplex de voto dubium haberi posse. Vel enim dubitatur an votum emissum fuerit; vel certò constat emissum fuisse votum, sed dubitatur an hoc vel illo modo. Circa primum, de quo potior hic movetur quæstio, & cujus resolutio, resolutionem posterioris utrumque importat, sit

CONCLUSIO VI. Votum de quo legitimè dubitatur an emissum fuerit, impleri debet.

Prob. 1^{mo}. in dubiis tutior pars est eligenda, cum nullum occurrit fundamentum vi cuius pars altera possit eligi prudenter: atqui cum de voto agitur, pars tutior est adimpletio voti, ut per se patet: aliunde verò nullum est fundamentum vi cuius pars altera prudenter eligi possit. Si quod enim tale hic esset fundamentum, utique libertatis possessio, ut adversariis placeret: atqui id gratis asseritur, cum qui dubitat an votum emisserit, eo ipso dubitet de hac sua libertate; uti fùlius dictum est in Tract. de Conscientia; ergo.

Fatendum est tamen, dubium voventis excuti posse in hunc modum ratiocinando: Certum est mihi ex diuturna experientia, me non oblivisci rerum quas maturè proposui, ergo si tale emissem votum, hujus recorderer, ut aliarum meminisse soleo rerum quas maturè deliberavi; ergo non feci, quia ejus non memini.

Prob. 2^{do}. Si quis indubio de voti emissionem, posset votum non servare, posset quoque in dubio de valore matrimonii sui debitum petere; falsum consequens. Minor patet ex cap. 44. *De sent. excom.* Prob. maj. Ideo in dubio matrimonii conjux debitum petere nequit, quia se exponeret periculo faciendi quod non licet: atqui eadem ratio militat in materia votis; cum enim certa detur lex de non violando voto, hoc ipso quòd quis dubitat an votum emisserit, dubitat an non servando votum, violaret eam legem; ergo in hoc dubio votum servare debet, nè periculo transgressionis se objiciat.

Prob. 3^{tio}. tum ex S. Thoma, in 4^{to}. dist. 38. q. 1. a. 3. tum ex S. Antonino 2. p. tit. 11 Cap. 2. *Existentem*, inquit *in dubio, an transgrediatur votum & per consequens peccet mortaliter, tenetur se ponere in tuto, ut scilicet votum non transgrediatur*

Hinc colliges eum qui certus est de substantia voti, sed dubius manet de qualitate ejus aut quantitate, debere votum strictius interpretari: unde qui certus se vovisse Religionem, dubitat an rigorosam voverit, non debet laxiorem ingredi, quia exponeret se periculo non adimplendi votum. Idem est de eo qui

qui dubi
septenni
mentur
impuberu
Quod
Aliud en
sub conc
Aliud su
datione
ab alien
mus, qu
Regu
de præ
Prob.
ergo n
rursus v
debet,
cessaria;
particula
ingressu
tempore
Regul
nisi poli
Prob.
usque vi
Debet
teria ej
itinere
dem sed
ipso pri
adjecta,
Deo acc
In du
tum im
restring
voverit
ant in p
Duo
condicio
sub conc
valenti i
vovit au
ret & is
vir Relig
monitor

qui dubitat an satis deliberatè voverit; modò non voverit ante septennium, quia tunc defectus rationis & deliberationis præsumitur ex communiter accidentibus, cap. 4. & 5. *De despons. impuberum.*

Quod spectat ad votum conditionale, variaz ejus sunt species. Aliud enim fit sub conditione de præterito, aut presenti; aliud sub conditione de futuro, quæ vel necessaria est vel contingens. Aliud sub conditione honesta, aliud sub turpi, aliud sub conditione cujus exitus pendet à vovente, aliud sub conditione quæ ab aliena voluntate pendet. De his generales regulas statuemus, quæ etiam juramento applicari poterunt.

Regula I. Votum emissum sub conditione de præterito, vel de presenti, statim obligat.

Prob. quia res de factò est, vel non est; fuit vel non fuit; ergo nihil est tunc quod voti obligationem suspendat; ergo rursus votum illud non conditionale, sed absolutum censeri debet. Idem est cum conditio est quidam de futuro, sed necessaria; ut Voveo castitatem si sol oriatur. Aliud est cum particula si æquivaleret particulæ quando: sic filius qui Religionis ingressum vovet si pater suus obierit, censetur eandem vovere pro tempore mortis ejusdem.

Regula II. Votum sub conditione contingenti, non obligat nisi posita eadem conditione.

Prob. Quia ea est hujus conditionis natura, ut ad eventum usque vim actus suspendat quoties suspendi potest.

Debet autem conditio impleri secundum se totam, etsi materia ejus sit dividua. Unde qui Religionem vovit si frater ex itinere sanus redeat, non tenetur voto, si frater revertatur quidem sed infirmus. Si tamen conditio sanitatis, non fuisset in ipso prioris voti actu, sed deinceps, uno etiam post instanti adjecta, deberet votum impleri; quia novas promissioni jam à Deo acceptatz condiciones addere non licet.

In dubio an secunda conditio incontinenti adjecta fuerit, votum impleri debet, quia constat de voto, non autem de causa restringente. Unde colliges, eum qui dubitat an quidpiam voverit sub conditione disjunctiva, puta si frater aut soror redeant in patriam, posito alterutrius reditu teneri ad votum.

Duo hic inquiruntur. 1. mo. ad quid teneatur qui vovit sub conditione quam nesciebat jam impletam esse; 2. do. qui vovit sub conditione quæ non in propria quidem forma, sed in æquivalenti impleta est. Sit in exemplum prioris casus: Joannes vovit aureos decem dando pauperibus, si pater ex Praga rediret & is jam redierat. Sit in exemplum posterioris: Petrus vovit Religionem, si soror quæ eo indiget, decenter nubat, & illa moritur.

R. in

R. In priori casu ruit votum, quia tota votendi ratio erat ut Deus incolumem reduceret eum, qui jam sospes redierat. Aliud esset, si alia fuisset votantis intentio.

R. In secundo casu stare votum, nisi etiam repugnet intentio votantis. Ratio est, quia Petrus vovit Religionem si sororis cura sua indigentis obex, eum in seculo non retinere: porro extinctâ sorore sublatus est obex. Eadem de causa si eleemosynam voveris, posito quoddam hac navis certum tibi lucrum afferet, quod ex alia percipisti, tenet votum: quia censeris vovisse, si commodè eleemosynam largiri posses. Hic tamen ut ubicumque, circumstantiâ & speciem & decisionem variant. Si enim voveris occasione navis cui ob periculosum mare plurimum verebaris, alia redeunte, sed non ista, votum cessat, quia in hujus, si ita loqui fas est, naviculæ gratiam voveras.

Regula III. Votum emissum sub turpi conditione de futuro, non valet, nisi conditio intelligatur in sensu poenali.

Prob. Quia in hac promissione: Voveo eleemosynam si vindictam sumptero, si fornicari possim, &c. conditio regulariter induit finem voti, & res promissa habetur ut medium ejusdem finis obtinendi: atqui nec valet, nec valere potest votum cujus finis est ipsum crimen: ergo prædicta vota non valent, nisi res promissa assumatur in penam criminis, ut sensus sit: Voveo eleemosynam, si fortè eò usque miser sum ut fornicationi consentiam.

Quod dictum est de conditione turpi, idem de impossibili dicendum. Neutrius quidem habetur ratio in matrimoniis & ultimis voluntatibus; quia sic sanxerunt publicæ leges; sed aliud est in voto, quod totum à votantis intentione pender.

Regula IV. Cum votum sit sub conditione de futuro, quæ ab alterius voluntate pender, duo ut plurimum præstanda sunt: 1mo. expectandus est conditionis eventus; 2do. proinde nec vi nec dolo impediendum quominus impleatur conditio.

Prob. 1. pars: Quia alias qui vovit Religionem, si futurum sit ut pater suus in id consentiat, perinde se haberet ac si nihil vovisset; quandoquidem non expectato patris dissensu, posset ad nuptum ducere uxorem: hæc autem quàm Dei irrisoria sint, nemo est qui non sentiat.

Prob. 2. pars: Quia si vovens conditionis eventum, seu consensum patris expectare teneatur, à fortiori eundem fraudulenter non impedire tenetur. Liceret tamen eas, præsertim quæ supervenissent rationes exponere patri, ex quibus inferre posset, satius esse tum sibi, tum filio, ut omnem denegeret consensum.

Hæc nostra regula procedit de conditione honesta. Patre enim

enim qu
pro viri
condicio
vir elem
ctioem
ris boni
Quæ
pellant.
consent
Afferun
bona fi
moralit
itane v
quam
tos pro
Postula
ad exte
possit:
hibere
Regu
te, han
vel pec
Prob.
profitea
fiteri te
netur
Prob.
ret, &
peccare
teras di
uterque
à prom
se veni
Quin
non sin
vit: 1o
2do. q
detur i
moni u
qui excl
in casu
spenati
etiannu
qui ext

enim qui vovisset Religionem si filius suus crimini se dedat, id pro virili impedire debet: quin & aliquando impediri potest conditionis honesta eventus, intuitu majoris boni. Sic qui vovit elemosynam si neptis sua Titio nubat, potest ei perfectiorem statum suadere; quia votum non obligat cum maioris boni proprii vel alieni impedimento.

Quæres an si pater, vel communitatis superior aliquem repellant, is liber maneat à voto, ita ut iisdem ex pòst facto consentientibus, possit, quam aliam volet, partem amplecti. Afferunt plures quos sequi non ausim. Quia quisquis, serio & bona fide agit cum Deo, censetur polliceri se facturum quod moraliter penes se fuerit, ut tandem voti compos evadat: itane verò se gerit, qui tranquillus manet ex priori repulsa, quam à patre a quo diligitur, & à superioribus qui candidatos probare amant, expectare debuerat. Fatendum tamen nec Postulanti peragrandas esse omnes Ordinis domos, nec ideam ad exterarum terras transeundam esse, ut tentet an in iis recipi possit: quapropter sufficiet ut moralem quam vir prudens adhibere solet, diligentiam adhibeat.

Regula V. Qui vovit sub conditione à semetipso dependente, hanc aliquando impedire potest; aliquando si impediat, vel peccat graviter vel etiam tenetur voto.

Prob. 1. pars: Qui enim vovit se, si Religionem unquam profiteatur, Carthusiensem professurum, haud utique hanc profiteri tenetur. Quod si aliam Religionem ingressus fuerit, tenetur ab ea ad Carthusiensem transire, nisi jam professus sit.

Prob. 2. pars: Qui enim vovit aliquid si sanitatem recuperet, & nò recuperet, noxiis utitur alimentis, in fraudem voti peccare censetur: idem est de eo qui vovit Religionem si literas discat, & nò discat, de industria studium omittit; ergo uterque & reus est voti, & voto teneri pergit. Et verò an à promisso liber esset, qui pollicitus mutuum Joanni quoties ad se veniret, eundem excluderet à domo sua.

Quin & eum quoque voti reum putem, qui sine dolo, sed non sine negligentia impedit nò ponatur conditio sub qua vovit: 1mo. quia negligentia saltè gravis dolo æquiparatur; 2do. quia vovens finem sub conditione quæ à se penderet, videtur indirectè vovere id quod necessarium est de via communi ut conditio impleatur; neque enim serio voveret finem, qui excluderet media à se dependentia. Ad minus ergo hoc in casu consulendus est Episcopus, & ab eo petenda voti dispensatio; quam & denegare debet, si vovens culpam suam etiamnum reparare possit. Haud tamen facerem voti, eum qui extraordinariis ad implendam conditionem viis usus non esset,

esset, putà qui cariora undecumque remedia non collegisset, qui diu noctuque non impalluisset libris.

Conditionalis voto annexum est pœnale, quod vel est simplex, ut si quis voveat eleemosynam, si luserit; vel duplex, si voverit & abstinentiam à ludo, & eleemosynam si luderet. In hoc ultimo casu, qui dispensatus est à voto priori, à posteriori liber manet, quia sublato principali tollitur accessorium, nisi aliud ferat intentio voventis. Suspecta tamen mihi haberetur prioris voti dispensatio absque posterioris mentione obtenta; quia pœnalitas apposta, prioris voti gravitatem arguit.

ARTICULUS QUARTUS.

Quando, & per quos debeat Votum adimpleri

Dico 1mo. Si vovens nullum sibi præscripserit tempus quo votum impleat, debet illud implere quam primum commode potest.

Prob. Quia promissio omnis quæ limitata non est, statim potest exigi; ac proinde si exigatur, statim implenda est: atqui Deus statim requirit voti executionem, ut patet ex cit. cap. 23. Deuter. ergo culpabilis est omnis mora quæ rationabili causa non cohonestatur. In hac tamen mora occurrere potest materiæ parvitas quæ à mortali excuset: imò nè veniale quidem erit peccatum, si mora sit adeò brevis, ut viri prudentis arbitrio pronihilo debeat reputari. Hinc qui vovit Religionem, differre potest donec vel satis habeat virium ut Religionis labores ferat, vel satis scientiæ, ut munia ejus exercere possit; hic tamen consulendi essent locorum Superiores, aliive prudentia commendandi.

Dico 2do. Votum impleri debet præscripto tempore, si quod præscriptum fuerit.

Prob. Quia tempus illud est veluti pars materiæ voti, ergo cum votum quoad omnes partes impleri debeat, debet & impleri quoad tempus. Hinc qui vovit jejunium die Sebbati, peccat moraliter quasi die ab Ecclesia statuto non jejunaret, nec potest jejunium aliam in diem trasferre.

Quæres 1mo. An possit præveniri tempus voto præscriptum. R. vel tempus præfixum fuit ut voti adimpletio non ultra differretur; vel res promissa huic diei affixa est in honorem ipsius diei, v.g. ob festivitatem alicujus Sancti. Si primum, potest tempus præveniri, quia votum etiam ante illud tempus obligat; nam qui in hac suppositione dicit, *Voveo me mea tali tempore peccata confessurum*, æquivalenter dicit, non differam

ram ultra tale tempus. Quòd si ultra præfixum tempus confessionem differat, debet postea confiteri; sicut debitor cui præfixus est mensis terminus ut solvat, debet postea solvere, & communiter pœnitens cui impositum est à Confessario jejunium die Veneris, debet postea jejunare, si die præscripta non jejunaverit. Si secundum, tempus præveniri non potest, quia promissio habet tunc pro objecto tale tempus, prout ab alio quovis tempore distinguitur: unde qui executionem voti tempore suo omisit, non tenetur illud postea implere, sicut qui die festa non interfuit Sacro, non tenetur eidem die sequenti interesse, tamen si peccati sui pœnitentiam agere debeat. In dubio an tempus præfixum sit hoc vel illo modo, judicandum est in favorem voti.

Quæres 2do. An qui prævidet fore ut præfixa die votum implere nequeat, debeat tempus prævenire.

R. Si votum certæ sit affixum diei in honorem ejus, necesse non est diem præveniri; idem dicendum quando terminus præfixus est ut obligatio voti ad hunc usque diem suspendatur: quia in utroque casu votum est de re prout tali tempore faciendæ. Si verò tempus præfixum sit nè obligatio ultra illud differretur, præveniendum est; quia tunc votum obligat pro toto tempore, & singulis ejus partibus disjunctivè sumptis. Sic qui prævidet se tempore Paschali impeditum iri à confessione, tenetur antea confiteri.

Quæres 3tio. An vovens ea quæ vovit per semetipsum implere teneatur. R. votum personale ab ipso vovente impleri debet; reale verò per alium impleri potest.

Prob. 1. pars: Quia materia voti personalis, est propria voventis actio, v. g. jejunium: atqui propria unius actio per alium fieri nequit.

Prob. 2. pars: Quia votum reale non requirit actionem, sed rem voventis: hæc autem per alium dari potest, ut patet in eleemosyna. Non solum autem votum impleri potest per alium qui è tuis sed etiam qui è suis rebus voto tuo satisfacere intendar: sicut enim si sine voto calicem Ecclesiæ debeas, nihil debebis si alter calicem hunc pro te donet; sic si eundem debeas ex voto, nihil debebis cum alter eum pro te tradiderit. Ex iis colliges votum mixtum quatenus personale est, per alium impleri non posse, posse verò quatenus est reale.

Hinc inferes hæredem, licet teneatur de voto reali, non teneri de eo quod personale est. Excipe tamen 1mo. si ei consenserit; 2do. si hæredes non necessaria ea conditione instituantur, ut institutoris sui votum impleant: tunc enim ad illud tenentur, non quidem vi religionis, cum non voverint ipsi,

ipsi, sed vi iustitiæ; 3tio. si votum quod emissum est, tale sit, ut à posteris illius qui ipsum emisit, debeat continuari ex usu recepto, ut votum pium à Parochia factum, cui non resistat Episcopus.

Circa id quod dixi, teneri hæredem ad implendum auctoris sui reale votum, duo notanda: 1mo. eum teneri solum ex eo quod deductis debitis & expensis funerum superest; 2do. eundem solum teneri salvâ legitimâ; quia hæc est proprium hæredis bonum; hæres autem non tenetur ad implendum defuncti votum ex propriis.

Quatuor circa interpretationem voti proponuntur regulæ.

Prima, votum interpretandum est juxta intentionem quam vovens habuit; vel habere debuit: Votum enim utpotè privata lex, non obligat ultra intentionem legitimam vovens.

Hinc qui vovit aliquod Monasterium ingredi; si principaliter intenderit Religionis ingressum, & secundario solum intenderit locum hunc: quamvis in eo recipi non possit, debet tentare alia, tum ejusdem, tum alterius Ordinis Monasteriâ, tali numero, tali distantia & diligentia, ut id prudentis judicio sufficere videatur. Si verò principaliter intenderit hanc Religionem, vel huncce numero Conventum, liber erit à voto si in illa, vel in isto recipi non possit. Quòd si eum ut Laicum recipere velint, non tenebitur, si ex ejus conditione, & vitæ cursu appareat eum statum hunc non intendisse.

Si quis verò vovit indistinctè Religionem non satisfaciet voto, ingrediendo Communitatem in qua dissolutè vivitur, & non servatur regula; nisi sit spes quòd brevi introducenda sit reformatio: debet ergo aliam ingredi Religionem; & si hanc laxiorem expressè voverit, non debet votum servare, utpotè quod ratione materiæ quodammodo illicitum sit.

Secunda, si clara non sit vovens intentio, votum interpretandum est secundum communem intelligentiam verborum quibus expressum fuit: quilibet enim præsumitur juxta communem usum loqui, si vim linguæ intelligat. Hinc qui vovit Sacrum, non satisfacit si pro eodem stipendium accipiat, quia quod vovetur, gratis dare solet: hinc etiam qui vovit jejunium qualibet feria sexta, jejunio tenebitur si Nativitas Domini in feriam sextam inciderit.

Tertia, votum ut juramentum strictè interpretandum est. Unde qui vovit susceptionem Ordinis sacri, non ex tunc tenetur ad castitatem aut ad Horas; qui vovit jejunare pluribus diebus, satisfacit jejunando duobus: qui vovit eleemosynam, implet votum dando modicam, si majorem non intenderit, etsi cogitaverit de majori; quia obligatio non ex cogitatione nascitur,

scitor, se
nam sua
quæ vov
suendini

Quarta
teria leg
legis: u
sine atte
sufficiant
nibus ob

Voti
gat

induci

quatuor

tatione,

mutatio

duntaxat

promissa

ut ea res

deatur, si

de votu

cato, sine

Idemque

ter mota

consuetu

ta est ea

gibus co

Hinc

no, quen

ex comm

fit vir fr

tum em

haud tar

potest.

Hinc

peris sub

egeno fia

si ipse ex

ret eroga

scitur, sed ex intentione. Videndum tamen nē itā elemosynam suam minuat, ut hæc habitā ratione qualitatis personæ quæ vover, aut rationis quæ ad vovendum impulit, aut consuetudinis locorum, quasi ad nihilum redigatur.

Quarta, voti materia eo debet modo poni, quo poneretur materia legis divinæ aut humanæ; quia votum habet naturam legis: unde qui vovit Horarum recitationem, non satisfacit si sine attentione recitet: quodd si cui præcedentes regulæ non sufficiant, debet is virum prudentem consulere, & ejus decisionibus obsequi.

ARTICULUS QUINTUS.

Quotuplici modo tollatur Obligatio Voti.

VOti obligatio iisdem tollitur modis quibus aufertur obligatio juramenti, unde aliquando ita tollitur ut nequidem induci possit; aliquando jam inducta aufertur; & id quatuor modis contingit, scilicet materiæ mutatione, commutatione, irritatione voti, & dispensatione. Quod spectat ad mutationem materiæ, sequenda est hæc regula, Toties & tunc duntaxat votum deobligat, cum mutatio tanta supervenerit rei promissæ, ut eam in statu moraliter diverso constituat; adeo ut ea res ab illa quæ promissa fuit, moraliter diversa esse videatur, seu ratione difficultatis, seu ob alias circumstantias: unde votum jam non obligat cum impleri non potest sine peccato, sine periculo vitæ, honoris, aut alterius gravis detrimenti. Idemque erit quoties res quæ promissa est, judicatur moraliter mutata fuisse, vel ex communi hominum consensu, vel ex consuetudine vel ex aliqua Juris regula; vel cum talis & tanta est ea quæ supervenit mutatio, ut si eadem in humanis legibus contingat, ea viros etiam timoratos obligare desinant.

Hinc 1mo. qui vovit se singulis diebus daturum stipem egeno, quem virum frugi, sui que partibus addictum existimabat, ex communi sententiâ adhuc dare tenetur, etsi pauper ille nec sit vir frugi, nec voventi addictus: quamvis enim vovens, votum emitturus non fuisset, si cognovisset res ut se habebant; haud tamen voti materia in statu moraliter diverso censeri potest.

Hinc 2do. Quia quisquis vover elemosynam, vover pauperis sublevationem, si is cui elemosynam voto promissit, ex egeno fiat locuples, jam ad nihil tenetur: sicut nec teneretur, si ipse ex divite factus inops, Physicè vel moraliter impar fieret erogandæ eidem quam solebat elemosynæ, quamdiu nimirum

mirum subsisteret is mutata fortuna status, quia res jam forent in statu, non utcumque, sed moraliter diverso.

Hic tamen tria notanda, 1mo. fieri posse ut quis cum ipso etiam mortis periculo, votum suum exequi teneatur, ut si executioni ejus annexum sit legitima de causa vitæ stipendium. Unde qui vovit se pestis tempore infirmis servitutum esse, resistere nequit, sicut nec miles stationem suam ingruente hoste deserere potest in conscientia; 2do. in dubio an materiae mutatio, tanta sit ut voti obligationem perimat, votum adimpleri debere: quia dubia excusatio vinculum certum extinguere nequit; 3tio. quæ de notabili materiae mutatione, voti vinculum, aut perimente, aut suspendente ad tempus, dicta sunt, ad votum simplex esse limitanda: aliud enim est de voto solemni, quod moraliter loquendo firmum esse debet sicut matrimonium. Idem de prioribus Jesuitarum votis docet Sanchez. His positis dicendum de commutatione, dispensatione, &c.

SECTIO PRIMA.

De Commutatione Voti.

Suppono 1mo. votum propria voventis autoritate posse mutari in aliquid evidenter melius; ut patet ex cap. 1. *De jurejur.* Sed 1mo. melius illud non debet esse aliunde præceptum; aliàs omnia penè vota facile eluderentur; 2do. melius non dicitur id quod est dignius, sed quod inspectis personæ, temporis & loci circumstantiis magis ad salutem congruit; unde vix unquam jejunium aut eleemosyna in orationem mentalem, licet hæc per se nobilior sit, mutari possunt.

Suppono 2do. necessariam esse superioris auctoritatem, etiam ut votum mutetur in quid æquale: tum quia etsi mutatio hæc nullam Deo injuriam facere videtur, est tamen contra Ecclesiæ jura, quæ nullibi hanc mutationis libertatem concessit; tum quia facile contingit ut homo in propria causa decipiatur, & id æquale putet, quod revera minus est. His prænotatis,

Quæres 1mo. quis possit vota commutare. R. id posse eos omnes, qui potestatem habent dispensandi, sive ordinariam, sive delegatam; quia ex Reg. 53. Juris in 6. *Cui licet quod est plus, licet utique quod est minus*, præsertim in eodem genere: sed plus licet ei qui dispensare potest, quia potest totum remittere; ergo.

Quæres 2do. an mutato semel voto reservato. v. g. castitatis perpetuæ, in materiam non reservatam, v. g. in jejunium, possit jejunium istud commutari ab iis qui non habent potestatem dispensandi in votis Papæ reservatis. R. affirm. quia tunc

nihil

nihil superest quod non possit tolli ab Episcopis, aut qui eorum auctoritatem habent. Et id pater 1mo. quia votum hoc non erat reservatum nisi ratione materia; ergo sublata materia, tollitur reservatio; 2do. quia si votum non reservatum commutaretur in reservatum, jam fieret reservatum Papæ; ergo à contrario votum de quo loquitur, soli Episcopo reservatum erit. Ità Sylvester, Sayrus, Suarez, Habert, & alii communiter contra Azor.

Quæres 3uo. an liberum sit ei cui votum commutatum est, ad prius redire R. affirm. quia commutatio quidam est favor, cui renunciari potest; *quod enim ob gratiam alicujus conceditur non est in ejus dispendium retorquendum.* * Si tamen commutatio in melius facta sit, & à vovente acceptata, non licet ad prius votum reverti; quia acceptatio hæc novum virtualiter efficit votum, quo melius quid promittitur Deo; porro nè ipsè quidem Superior votum melius in minus commutare potest absque causa.

Quæres 4to. an ad commutationem requirantur causæ. R. requiri. Commutatio enim voti, non est apud Deum rata & valida, nisi ab eo acceptetur: non acceptatur autem si fiat sine causa.

Causæ commutationis hujus sunt 1mo. notabilis molestia & difficultas in executione voti; 2do. levitas & perturbatio ex qua emissum est votum; 3uo. fragilitas voventis qui votum violabit nisi commutetur; 4to. id omne quod viro prudenti videbitur idonea esse commutandi ratio; 5to. juxta plures sufficit major devotio ad aliud æquale præstandum; quia quod æquale est, & majori cum pietate fiet, Deo acceptius esse videtur. Ceterum si Superior bona fide crediderit ad commutationem sufficere causam, quæ reipsa non sufficiebat, consensit multi commutationem valere; quia bona Superioris fides est pro causa, nec Deus rigidior est exactor.

Quæres 5to. an facultas commutandi vota in Jubilæo, se extendat ad vota post Jubilæi concessionem, vel ipso Jubilæi tempore emissæ. R. affirm. tum quia ex Reg. 15. in 6. *favores convenit ampliari*, præsertim cum hæc ampliatio nemini præjudicat; tum quia facultas, absolvendi à peccatis reservatis aut censuris, ad eas etiam extenditur, in quas quis Jubilæi tempore inciderit. Quin etiam Confessarius qui votum non commutasset, quia perpendere voluisset an & quo pacto commutaret, posset illud etiam elapso Jubilæi tempore commutare; quia causa quæ tempore habili inchoata est, elapso eodem tempore finiri debet. Sic etiam qui expresse non memine-

Moral. Tom. I.

Vv

rat

* Reg. 61. in 6.

rat votorum omnium quæ emiserat; & transacto Jubilæo, eorundem meminisse incipit, adire potest eundem Confessarium cui in genere vota sua declaraverat, & ab eo petere ut sigillatim declararet quam in materiam eadem commutari vellet. Imò prudens confessorius qui animadverit poenitenti non occurrere omnia quæ emisit vota, hæc non nisi generatim commutare debet hoc scilicet modo: commuto omnia vota tua quæ commutari debebunt, in id quod ego postea aut vir prudens æquum judicaverit.

Si verò voti commutatio, Jubilæi tempore nullatenus inchoata est, non potest votum deinceps commutari ab eodem, aut ab alio Confessario qui specialem commutandi licentiam non habeat. Ratio est, quia finiente Jubilæi tempore finitur iurisdicctio ad huiusmodi commutationes necessaria.

Quæres 6to. quid observare debeat Confessarius qui votum aliquod commutat. R. Debet attendere 1mo. ut quantum moraliter fieri potest commutatio fiat in bonum æquale; idque sub pœna mortalis peccati necessarium esse docent Cajetanus, Suares & plures alii. Hæc tamen æqualitas non consistit in indivisibili, sed ad arbitrium viri prudentis judicanda est. Unde tamen satius est votum reale in reale, perpetuum in aliud perpetuum commutari, res tamen aliter absolūtè fieri potest; cum pensatis omnibus personæ, operis, loci, temporis, finisque cuius intuitu votum emissum est, circumstantiis, judicatur materiam quæ in alterius materiæ locum substituitur, nec Deo acceptam minùs, nec minùs utilem voventi futuram esse. Hinc facillè credidero peregrinationes non solum rectè commutari in largas eleemosynas, sed etiam in jejunia, vel crebram confessionem, si hæc à poenitente non illubenter acceptetur, & adimplenda speretur; quia hæc plerumque Deo gratiora sunt, & voventi magis salutaria. Porro cùm peregrinatio in eleemosynam commutatur, curandum est juxta cap. 7. *De voto*, non tantum ut itineris labores aliis piis laboribus compensentur, sed & ut itineris totius expensæ in eleemosynas immutentur, numeratis etiam reditibus impensis; imò habita ratione tum damnorum quæ viator in re domestica passurus erat, tum tributorum quæ infidelibus aut publicanis persolvenda fuissent; detractis tamen sumptibus quos vovens domi peracturus erat, sed iis computatis quos in famulis & equis juxta statum suum decentiam, & modestam consuetudinem facturus fuisset.

2do. Si commutatio fiat Jubilæi tempore, attendere debent Confessarii ad Bullæ verba; unde si facultas detur ut vota in eleemosynam commutent, non possunt in aliud pium opus commutare: Cavendum insuper nè quid commutatio pariat scandali.

Quæres

Quæres 7mo. an si materia in quam prius votum commutatum fuit, impossibilis fiat, aut indifferens, teneatur vovens ad prius votum reverti. R. negat. si votum in aliquid melius mutatum sit; quia tunc prius votum absolute desit, unde nec licitum erat ad illud reverti.

Aliter censeo contra plures, si materia sit solum æqualis; 1mo. quia vovens non plus post commutationem debet habere libertatis circa votum, quam antea; haberet autem multò plus; cum posset reverti ad prius votum si vellet, & non teneretur posterius implere, in casu præsentis; 2do. quia (& hoc saltè ad melius curare debent Confessarii) videtur commutatio sub hac conditione fieri, ut prior materia si possibilis remaneat, impleatur, posito quòd secunda impleri non possit.

SECTIO SECUNDA.

De Dispensatione Voti.

Dispensatio est relaxatio seu condonatio voti, Dei nomine facta a superiore legitimo, id est, ab eo qui Ecclesiasticam jurisdictionem habet in foro exteriori. Quod autem habeat Ecclesia potestatem in votis dispensandi, pater tum ex perpetuo ejusdem Ecclesiæ usu tum ex argumentis quibus paulò pòst probabimus Ecclesiam dispensare pòsse in ipsis votis solemnibus, quæ omnium sunt relaxatu difficiliora; tum ex iis quibus probabimus juramenta relaxari posse.

Potestas dispensandi in votis, competit 1mo. Romano Pontifici, qui constanti usu in iis etiam dispensat votis, quorum difficilior est relaxatio, ut votum perpetuæ castitatis; 2do. Episcopis; 3tio. iis qui Episcopali Jurisdictione gaudent; quales sunt non quidem Parochi, sed Capitulum Sede vacante, Vicarius generalis & Pœnitentiarius Episcopi; item & Prælati Religiosorum, ut Abbates Generales, de quo consulenda sunt Ordinum Statuta.

Episcopi in votis omnibus dispensare possunt, præterquam in iis quæ Sedi Apostolicæ reservata sunt: hæc verò sunt quinque, nimirum 1mo. castitatis perpetuæ, 2do. ingressus in Religionem approbaram; 3tio. 4to. & 5to. peregrinationis ad litora Apostolorum, ad S. Jacobum Compostellanum; & in Terram sanctam. Circa hæc quædam annotanda sunt.

Primo, Episcopus non potest dispensare peregrinos v. g. Scholasticos extra propriam Diocesim studentes, à voto, à juramento & similibus; sed tantum hæc suspendere, ex urgente aliqua necessitate spirituali. Nec nocet quòd possit Episcopus peregrinum à peccatis & censuris absolvere: est enim id tax-

pissimè necessarium ad subveniendum conscientia; non itè dispensatio à voto, quod si præsens foret occasio peccandi, sufficeret auferri ad tempus, donec ad proprium Episcopum recurreretur.

Secundò, votum peregrinationis ultra mare, Papæ reservatum est, quamvis ex devotione solum non autem in subsidium Terræ sanctæ emissum sit.

Tertio, votum castitatis non est Papæ reservatum, nisi sit perpetuum, certum & absolutum abstinendi ab omni re venerea; tam licitè quæ conceditur in matrimonio, quàm illicita. Ratio est, quia reservatio odiosa est & communi Episcoporum juri contraria; ergo strictè intelligi, & ad ea solum debet extendi vota quæ perpetua sunt, certa, & absoluta.

Hinc non reservantur Papæ, 1mo. votum castitatis, ad tempus; 2do. votum non petendi debitum à conjugè; 3tio. votum non nubendi quod reipsa discrepat à voto perpetuæ castitatis; unde illud violat quæ nubit, non autem quæ fornicatur. Excipe, nisi persona vovendo abstinentiam à nuptiis, intenderit vovere castitatem perpetuam; hic enim præcipuè ponderanda est voventis intentio; 4to. votum mulierem non tangendi; 5to. Votum sacros Ordines suscipiendi, quod oblique solum castitatem includit; 6to. votum ingrediendi Religionem strictiorem, quod qui emisit dispensari potest ab Episcopo, non quidem simpliciter, sed ut ingrediatur mitiorem; quia hoc non est dispensare in voto Religionis, sed in modo & qualitate illius.

Quarto, votum ipsum perpetuæ castitatis ab Episcopo multis in casibus relaxari potest; ut 1mo. cum ad Papam recurri non potest, nisi difficilè; sive quia vovens pauperior est, & dispensationis sumptus impendere nequit, sive quia bellum aut locorum distantia impediunt nè suprema Sedes adiri possit; sive, ut ait Sanchez, quia in mora magnum imminet incontinentiæ periculum, aut gravis scandalum, aut damni tertiæ personæ. Ratio est, tum quia ex recepto axioma, *Casus Papalis superveniente impedimento fit Episcopalis*; tum quia Papa nunquam adversus Episcopos præscripsit jus in hujusmodi impedimentis dispensandi, ut ex constanti eorum agendi ratione patet.

2do. Cum votum est conditionale, & nondum impleta est conditio; vel impositum in poenam alicujus culpæ, vel facti, quæ nondum commissæ sunt. Ratio est, quia votum non reservatur Papæ, nisi cum perfectum est & absolutum: votum autem quod pender à conditione nondum impleta, nondum perfectum est, ergo.

An autem poenale votum impleta conditione reservatum sit, disputa-

disputatur. Placet opinio affirmativa, quia tutior est nec minus probabilis: votum enim licet pœnale sit, est nihilominus perpetuum; & absolutum postquam impleta est conditio. Sicut ergo fatetur sanior opinio, votum castitatis quod quis emisit posito quoddam sanitatem recuperaret, esse obtenta semel sanitate reservatum, licet secluso sanitatis desiderio emissum non fuisset, & proinde non ex puro castitatis amore processerit; sic etiam fatendum est votum pœnale esse reservatum, cum impleta est conditio.

3tio. Neque etiam juxta multos reservatum est votum emissum ex dolo, aut metu etiam levi, & injuste incusso, item nec illud quod emissum est cum advertentia vel deliberatione imperfecta; vel cum intentione se sub veniali tantum obligandi, vel cum dubium est an quis voverit satis advertenter, aut cum intentione se graviter obligandi, (quamvis in hoc ultimo casu præsumi debeat intentionem fuisse sub gravi,) vel an voverit absolute castitatem perpetuam, an solum abtinentiam à conjugio. Uno verbo reservatum non est Papæ votum omne de quo dubitatur an eidem reservatum sit; & ita sentiunt omnes ferè Doctores, ait Cabassarius.

4to. Idem est de voto vovendi castitatem, aut Religionem: quia votum vovendi aliquid, non est votum hujus alicujus actus emissum.

Quæres an ad dispensandum in voto requiratur causa legitima, & quænam ea sit?

R. ad 1. affirm. Et id patet 1mo. ex S. Bernardo. *Si necessitas urget*, ait Lib. 3. De confid. n. 18. *excusabilis dispensatio est, ubi utilitas provocat, dispensatio laudabilis est... cum nihil horum est, non planè fidelis dispensatio, sed crudelis dissipatio est*; 2do. quia dispensatio voti, est relaxatio promissionis ipsi Deo factæ, & quæ proinde ut valida sit, debet a Deo acceptari, non acceptatur autem, si fiat absque causa rationabili; 3tio. quia potestas à Deo Pastoribus concessa, non est in destructionem, sed in ædificationem, esset autem in destructionem, si pro libito eâ absque ulla ratione uti possent.

R. ad 2. Votum castitatis quintuplici præcipue de causa relaxari solet, & quidem 1mo. cum per matrimonium sedanda sunt lites, quæ familias dividunt; 2do. cum aliqui conservari nequit Illustris Familia, cujus tamen salus Reipublicæ splendori & bono plurimum profutura sit; 3tio. cum votum potest esse vovendi gravis & periculosa occasio ruinæ: sive ab intrinseco, ut si vovens longa experientia cognoverit vix fieri posse ut contineatur; sive ab extrinseco, ut si puella quæ vovit, sit pauper & decora, vel orbata parentibus, qui eidem invigilant;

lent; 4to. si puella patre orbata matrem ætate provecam nutrire nequit, nisi nubat viro alimenta utique prælituro; 5to. generatim facilius dispensatur in votis quæ ex metu, aut ex fervore passionis alicujus emissæ sunt.

Quod spectat ad dispensationem à voto amplectendæ Religionis, præter causas quæ mox allatæ sunt, afferi solent duæ istæ: 1mo. notabilis difficultas exequendi votum, ut si quis propter morbum quo elanguit; vel quia voti executionem multis annis distulit, jam meritò dubiter an vires Religionis oneribus pares habeat; 2do. dubium an materia voti, vel materia, vel majoris boni impeditiva, vel saltè inutilis non evaserit: ut si dubites an non melius sit manere in seculo, ut consanguinei, post emissum à te votum, parentibus orbari, Christianè magis educentur; itè an tuta sit saluti tuæ Religio quam medicinabaris & in quam irrepserunt jurgia, errores, & similia.

Præcipua quæstio est an. R. Pontifex in voto solemnī castitatis vel Religionis dispensare possit. Negant Thomistæ complures, sed multò verior videtur opinio contraria, quam etiam multi tenent cum S. Antonino: 1mo. quia potest Papa in iis dispensare quæ juris sunt Ecclesiastici: atqui ex dictis suprà, voti solemnitas juris est solum Ecclesiastici; ergo.

2do. Quia non minùs potest Papa dispensare in voto solemnī Religioforum, quam in voto solemnī castitatis Subdiaconorum: atqui in isto dispensare potest, prout fatetur ipse S. Thomas; ergo & in illo. Prob. maj. quia votum à Subdiaconis emissum non est minùs solemnne, nec minùs sui traditionem continet, quàm quod à Religiosis emititur; ergo si in uno dispensare possit Pontifex, potest & in alio.

3tio. Quia quòd Papa cum homine Monasticam vitam professio dispenset, ut uxorem ducat, necessarium esse potest ad commune bonum Ecclesiæ, vel regni, putà ad propagandam fidem, ad avertendas quæ alioqui regno imminet, turbas & hæreses, &c. Aliunde verò quòd in hoc casu dispenset Pontifex, nec rationi repugnat, nec divino jure cautum invenitur: 1mo. quidem non repugnat id rationi; cui e contra maximè congruit ut voti solemnitas, eadem possit autoritate tolli, qua constituta fuit, ac proinde tolli ab Ecclesià, à qua posita est: 2do. neque dispensatio hæc jure divino interdicta reperitur; imò potiùs concessa his Christi verbis: * *Quaecumque solveritis super terram, erunt soluta & in Cælis*; quæ cum generalia sint, & Ecclesiæ admodum favorabilia, tantum extendi debent quantum possunt salva verborum proprietate; ac proinde ad relaxationem cujuscumque voti.

4to. Quia Romanus Pontifex sæpè hac dispensandi potestate usus

* Matth. 18.

te usus
menti en
enum
Obj.
habetur:
est an ne
tifex po
spensare
fare po
tio III.
tatis &
R. d
voto pa
posito i
talem
sam, N
tur ver
Hæc er
adeoqu
stiatu
Papa t
Inst.
in aliqu
quo us
toto Mo
R. n
prorsus
nachatu
gatio ab
sarium,
casibus
Inst.
consecr
sionem
aliud sit
R. n
ne mo
nomine
potest r

Iritati
tem

re usus est: atqui durum est obicere quodd in re tanti momenti erraveris; idque à reverentia Sedi Apostolicæ debita alienum videtur.

Obj. Cum S. Thoma Caput 6. *De statu Monach.* ubi sic habetur: *Abdicatio proprietatis sicut & custodia castitatis adeo est annexa regulæ monachali, ut contra eam nec summus Pontifex possit licentiam indulgere;* unde sic: Qui non potest dispensare in voto castitatis vel paupertatis, multò minùs dispensare potest in tota professione religiosa: atqui ex Innocentio III. summus Pontifex non potest dispensare in voto castitatis & paupertatis.

R. dist. min. Summus Pontifex non potest dispensare in voto paupertatis durante Monachatu, ac veluti in sensu composito illius, C. non potest in sensu diviso, id est, auferendo talem personam à statu in quo erat per professionem religiosam, N. Sensus objecti loci evidens est ex ipsis quæ obijciuntur verbis, *Abdicatio proprietatis adeo annexa est regulæ, &c.* Hæc enim ratio tota fundatur in connexionione unius cum alio, adeoque probat stante regula non posse auferri custodiam castitatis vel paupertatis: non autem probat Monachatum ipsum à Papa tolli non posse.

Inst. imo. Plùs est dispensare in toto Monachatu, quàm in aliquo usu ejus; ergo si Papa non potest dispensare in aliquo usu Monachatus ipso durante; nec à fortiori poterit in toto Monachatu dispensare.

R. neg. antec. Sicut enim stante voto simplici castitatis, prorsus necessarium est continentiam servare; sic stante Monachatu servari debent castitas & paupertas, quia harum obligatio ab ipso Monachatu fluit: at verò non est absolute necessarium, ut qui semel est Monachus, talis permaneat in iis etiam casibus in quibus periculosum id judicaret Ecclesia.

Inst. 2do. Non potest efficere Ecclesia, ut res Deo semel consecrata, non maneat consecrata, sed Religiosus per professionem consecratur cultui divino; cùm Religiosum esse nihil aliud sit quàm esse Deo consecratum.

R. neg. maj. Intellectum ut intelligi debet de consecratione morali, quæ fundatur in promissione per Ecclesiam Dei nomine acceptatæ: hæc enim cùm id exigit honor Dei ipsius potest relaxari.

SECTIO TERTIA.

De Irritatione Voti.

Irritatio voti est ejusdem annullatio facta ab eo qui potestatem habet in eum qui vovit. Irritatio duplex, directa seu propria

propria; & indirecta seu impropria. Prima est annullatio voti facta ab eo qui habet potestatem dominativam, sive in ipsam voventis personam, ut habet pater in personam filii impuberis; sive in materiam voti, ut habet superior in bona Monasterii quæ Religiosus aliquis pauperibus donanda vovisset. Irritatio indirecta non tam est annullatio, quàm suspensio voti facta ab eo qui aliquam in alium potestatem habet, vi cuius non potest vovens implere votum sine alterius consensu.

Duo sunt præcipua inter utramque irritationis speciem discrimina. Primum, quod irritatio directa votum omnino perimat, ita ut nè de ipso quidem irritantis consensu reviviscat, nisi à vovente renovetur; indirecta verò solum suspendat, licet per accidens fieri possit ut suspensio hæc diu, imò per totam voventis vitam perduret. Secundum, quod irritatio directa, utpotè quæ dominativam potestatem prærequirat, non competit ad summum nisi patribus in filios, superioribus in Religiosos, conjugibus in conjuges, dominis in mancipia: at verò irritatio indirecta competit 1mo. iis qui in alios potestatem habent jurisdictionis spiritualis aut temporaneæ; 2do. & iis qui licet nullam propriè jurisdictionem habeant, habent tamen jus imperandi; 3tio. & iis qui tamen potestatem habeant dominativam, haud tamen ea utuntur ad irritandum, sive quia irritare nolunt, sed solum suspendere; sive quia votum ab alio factum nescientes, eidem aliquid præcipiunt, cui dum vacat, votum exequi non valet.

Ad valorem irritationis directæ nulla requiritur causa; quia cum votum quod irritatur necessariò emissum sit sub tacita conditione assensûs superioris, eo dissentiente tota voti obligatio se ipsa corrui debet. Eadem tamen irritatio non esset à peccato immunis, 1mo. quia non posset ad DEUM referri; 2do. quia non debent superiores inferiorum provectum gratis & temerè impedire: ergo si secus fecerint, rei videntur; sed peccati ordinariè solum venialis, ait Sylvius. Valet tamen hæc irritatio, sive inferiores consentiant, sive non; sive superiores in specie cognoscant votum quod irritare volunt, sive solum in genere sciant inferiorem votis esse gravatum. Jam tria hîc nobis investiganda sunt, 1mo. an pater filiorum; 2do. an inferiorum superior; 3tio. denique, an conjuges conjugum vota irritare valeant. Priora duo §. priori, ultimum §. posteriori exequemur.

§. I.

Not. 1mo. Filii vel sunt impuberes, vel jam pubertatem attingerunt.

Not.

Not. 2do. Religiosi vel sunt Novitii, vel professi. His præmissis, sit

CONCLUSIO I. Pater omnia prorsus filiorum impuberum vota, etiam de amplectenda Religione, etiam de peculio castrensi, &c. irritare potest. Ità S. Thomas.

Prob. 1mo. ex Num. 30. 6. *Si contradixerit pater, vota & juramenta in ætate adhuc puellari emissâ, irrita erunt.* Idem sanxit Concilium Triburiente anno 895. ubi sic: *Puella, si ante duodecim annos ætatis sponte sua sacrum sibi velamen assumpserit, possunt statim parentes ejus, vel tutores id factum irritum facere, si voluerint.*

Prob. 3tio. Quia maximè expedit ut filius non voveat firmiter, nisi de consensu patris, ea ætate qua ob imbecillem rationis usum non satis cognoscit voti obligationem; ac proinde ut ejus vota ex patris arbitrio rescindi possint.

Idem cum patre possunt qui gerunt patris vicem ut 1mo. avus, si pater decesserit, aut longè distet; 2do. tutor, ut qui in locum patris succedat; 3tio. horum defectu mater, etiam si non sit tutrix, quia ad ipsam pertinet cura, si non sit alius qui impuberis imbecillitati consulat.

An autem pater vota ante pubertatem edita irritare queat, si puer jam pubertatem atigerit, æqualibus ferè momentis disputatur. Quapropter ob dubium semper consulam ut irritationi paternæ adjungatur dispensatio superioris Ecclesiastici.

CONCLUSIO II. Parentes non possunt personalia puberum etiam sub patria potestate existentium vota irritare nisi paternæ potestati præjudicent, seu domûs regimen impediant. Ità S. Thomas.

Prob. Quia homo post pubertatem præsumitur eam quæ ad vivendum necessaria est discretionem habere, adeoque nulla ex parte personæ adesse potest irritationis causa, sed solum ex parte materiæ quæ promittitur.

Hinc pater irritare non potest emissum à filio castitatis, Religionis, moderati jejunii votum: bene verò vota realia filii, qui necdum sit emancipatus, ut essent vota de danda ex paternis bonis elemosyna: aut etiam personalia quæ paternæ potestati præjudicium inferrent, ut votum longæ peregrinationis, etiam alieno sumptu faciendæ: aut jejunii quod cum familiæ usu non congrueret, aut filium laboribus patri debitis imparem faceret. Vota verò piè disponendi de iis bonis quæ quoad dominium tum directum, tum utile ad filium pertinent, neutiquam irriari possunt à Parentibus.

Quæres an pater possit irritare votum quod filius solum vult exequi cum erit sui juris.

R. Vel

R. Vel votum emissum est ab impubere, & tunc irritari potest, modo neque à patre post pubertatem filii, neque ab ipso filio confirmatum fuerit: vel idem votum emissum est à pubere; & tunc probabilius videtur non posse illud irritari. Ratio quia vota sic emissà non nocent paternæ potestati: nec plùs iis læditur pater, quàm læderetur si voveret filius se daturum stipem ex bonis castrensibus, si quæ deinceps possideat.

CONCLUSIO III. Omnia prorsus Religiosorum vota ab eorum Superioribus irritari possunt; si sint, ut esse solent, in materia Superioribus subiecta.

Prob. Quia Religiosus se Superiori quoad nolle & velle subiecit: ergo non vovet nisi sub hac conditione, *si Superior non contradicat*.

Dixi, *Si vota inferiorum sint in materia Superioribus subdita*. Superiores enim nihil possunt 1^{mo}. in votum transendi ad Religionem strictiorem: tum quia non habent à Deo potestatem impediendi majus bonum: tum quia id definiit Innocentius III. cap. 18. *De Regularibus* 2^{do}. in vota essentialia: quia alioqui funditus evertere possent Religionem, cujus conservationi studere debent: 3^{io}. nec in vota quæ licet Religioni ut sic essentialia non sint, sunt tamen vel essentialia huic Religioni, vel ejusdem essentialibus votis annexa absolute, simpliciter, & absque ullà à Superioribus dependentia, ut est apud Patres de Mercede, votum redimendi captivos.

Etsi autem non potest Superior noviti vota irritare, quia hujus voluntas ab illius voluntate non pender; potest tamen ea suspendere quæ Novitiatus exercitiis repugnarent, aut quæ Novitium nimis gravarent. Consulunt aliqui sapienter, ut vota hæc in aliqua Novitiatus exercitia commutentur: est enim commutatio hæc in aliquid pro tunc evidenter melius: sed & simul injungi debet, ut si Novitius seculum repetat, ad prius votum regrediat.

Cæterum docent Regulares posse Superiorem vota de suo consensu facta, deinceps irritare: quia qui consentit non intendit se privare jure consensum revocandi, nec vota quibus consentit absolute firma reddere; alias à successore ejus irritari non possent: adhuc ergo manet tacita conditio, *nisi Superior aliquando contradicat*. Hic porrò nomine Superiorum intelliguntur Generales in toto Ordine, Provinciales in Provincia sua; Priores, Guardiani, & qui iis absentibus domum regunt, ut Vicarii. Eadem Abbatissis competit potestas, iis enim Moniales ut matribus filiarum subditæ esse debent.

Conjugum vota vel non habent ordinem ad matrimonium, ut votum de recitandis semel Pœnitentiæ Psalmis; vel è contra, ut votum servandæ continentia. De utrisque, sed magis, de posterioribus differendum. Sit

CONCLUSIO I. Neuter conjux potest irritare alterius vota quæ non sunt in ipsius aut familia præjudicium: puta neuter impedire potest quin alter voveat castitatem post mortem alterius servandam, eleemosynas de bonis sibi propriis, &c. Ità multi contra multos.

Prob. Quia efficaciter non probatur permisisse DEUM ut maritus irritet ea etiam uxoris vota, quæ nec sibi nec alii cuiquam præjudicant. Sapiens enim provisor nihil contra jus suum centeretur permittere gratis & sine causa: atqui facultas omnia prorsus vota irritandi, & esset contra honorem DEI, cui eorum multa placere possunt; & gratis concederetur, cum pro iis etiam concederetur casibus in quibus nihil inde damni marito contingere supponitur; & aliunde malè ut plurimum exerceretur; quia mariti plures phantasiam, pauci religionem in iis quæ præcipiunt aut vetant, consulere solent; ergo.

At inquires, Apostolus Ephes. 1. vult ut *sicut Ecclesia subiecta est Christo; ità & mulieres viris suis in omnibus subditæ sint*: atqui hæc comparatio omnimodam uxoris ad virum subjectionem importare videtur. Unde S. Ambrosius Lib. *De Parad.* cap. 10. sic loquitur: *Evidentiſſimè apparet ità virum esse caput mulieris, ut nulla vota abstinentiæ, vel religionis conservatiōis, liceat sibi, sine ejus licentia Deo offerre.*

R. Hos textus de subjectione quantum ad aliquid intelligi posse; ità ut maritus ea uxoris vota suspendere valeat, quæ sibi aut proli bono nocerent, quale sapius esse potest votum abstinentiæ, de quo loquitur Ambrosius.

CONCLUSIO II. Potest uxor irritare vota mariti quæ sibi vel familia bono præjudicant: puta votum *de gestando habitu Religioso*, * *de servanda castitate* omnimoda. Idem de marito dicendum; qui tamèn, utpotè mulieris caput, plura potest quàm uxor, v. g. longiores peregrinationes vovere.

Prob. Quia vota de quibus loquimur, alterius conjugis juri præjudicare supponuntur; ergo ut firma sint necesse est ut alter cedat juri suo: non cedit autem nisi consentiat; ergo.

CONCLUSIO III. Neuter conjux omnimodam continentiam, vi cujus scilicet nequidem debitum reddat, vovere validè potest, absque alterius consensu.

Prob. invicta ratione quam exhibet S. Thomas in 4. dist. 32.

* Sylvius.

art. 4.

art. 4. *De illis tantum bonis potest esse votum, quæ nostræ subjacent voluntati, qualia non sunt ea in quibus unus alteri tenetur .. undè cum conjuges sibi invicem teneantur in ratione debiti, per quod continentia impeditur, non potest unus absque consensu alterius continentiam vovere; & si voverit peccare, nec debet servare votum, sed agere penitentiam de malo voto facto.*

CONCLUSIO IV. Emissum ab alterutro votum de non petendo debito conjugali, validum est; illicitum tamen, præsertim si fiat à viro.

Prob. 1. pars: * *Quilibet ad renuntiandum juri suo liberam habet facultatem, nisi leges resistent: atqui non resistunt in præsentis casu, sed econtra. Prob. min. ex Alexandro III. c. 3. De conversi. conjugat. ubi postquam de aliquo, qui intraverat in Monasterium invita uxore, dixit eum ratione voti, non teneri ad Monasterium redire post mortem uxoris, addit eum ulterius non posse uxorem accipere: promisit enim inquit, se non exigere debitum, quod in ejus potestate erat, & idèd quoad hoc votum tenuit, non reddere autem; non erat in ejus, sed mulieris potestate.*

Prob. 2. pars ex S. Thoma ibid. ad 3. quia, inquit, si alter nunquam peteret debitum, ex hoc alteri matrimonium onerosum redderetur, dum oporteret unum semper confusionem petendi debiti subire, idèd alii probabilius dicunt quod non potest unus absque alterius consensu vovere: quæ S. Doctoris verba si significant invalidum esse votum de non petendo debito, credendum est mox citatam Alexandri Decretalem eidem ignotam fuisse; si verò significant votum hoc illicitum esse, nostram responsionem stabiliunt.

Prob. 3. pars Idèd improbat S. Thomas votum de non exigendo debito, quia ex hoc matrimonium nimis onerosum redderetur: porro hæc ratio non valet communiter loquendo pro viris, qui minùs in hoc casu verecundiæ habent.

Dixi, communiter, quia si vir pusillanimis foret, aut mulier magnæ autoritatis, tunc eadem esset ratio. Generaliter tamen loquendo, votum hoc ab uxore facilius emitti potest quàm à viro, cui minùs inde timendum est. Sed quia hic non nihil peccati agnoscit post S. Thomam Sylvius, etiam cum de muliere agitur, satis est ut à talibus votis abstineant conjugati.

CONCLUSIO V. Votum castitatis quod ab uno conjugum emissum est, ab alio irritari nequit.

Prob. 1mo. ex c. 3. *De conversi. conjug.* Nam verba hæc, *Promisit non exigere debitum, &c.* indicant votum non utcumque validum, sed firmum omnino.

Prob. 2do. quia vir v. g. non potest irritare vota uxoris nisi indirectè, scilicet ratione materiæ quæ viro subjecta sit: arqui
* *Cap. 9. De crimin. falsi.*

quòd

quòd mulier debitum petere nolit, non est materia viro subdita neque enim vir ei præcipere potest ut debitum petat, neque ea ad aliud se obligavit, quàm ad reddendum: si autem vir hoc præcipere non potest, non potest etiam prohibere quominus petere nolit; ergo.

Prob. 3tio. quia constat apud omnes, virum æqualem habere potentiam circa vota uxoris ante vel post matrimonium emissã: atqui constat iterum quòd vir votum de non perendo debito ab uxore ante nuptias emissum irritare non possit: idque indicat Ecclesiæ usus quæ semper credidit hic opus esse dispensatione, quæ tamen non fuisset necessaria cùm facilius occurreret remedium; ergo.

At inquires, hoc onerosum est. R. 1mo. esto, modò non sit injuriosum, non enim omne onus tollitur per matrimonium; 2do. conditio hæc onerosa includitur in contractu matrimonii, quatenus qui contrahunt, nolunt tollere sibi libertatem boni hujus quantum poterunt exequendi.

Major est difficultas, an post datum ab altera parte de voto emitendo consensum, possit pars quæ vovit, alteri debitum exigenti persolvere.

R. eum qui voto continentie à comparte sua edito consensit, 1mo. graviter peccare si consensum suum sine causa revocet 2do. nec hoc votum posse deinceps irritare 3tio, neque voventem posse eidem reddere debitum.

Prob. 1. pars, quia graviter peccat qui rem de suo consensu Deo dicatam revocat ad usus profanos: atqui sic se habet qui post datum uxori, vovendæ continentie consensum, eandem ad matrimonii actum revocat. Faver Script. Num. 30. v. 15. & 16.

Prob. 2. pars ex iis quæ mox dicta sunt: si enim continentie votum quod ab uno conjugum simpliciter emissum est, ab alio irritari non possit, à fortiori irritari non potest cum de alterius conjugis consensu emissum fuit.

Prob. 3. pars: Peccat qui votum violat: sed qui omnimodam continentiam vovit de alterius licentia, votum suum violat, eidem debitum reddendo. Ille, enim votum violat, qui contra votum aliquid tribuit alteri, ad quod nullum alter jus habet sed qui voto consensit, nullum jus habet ad exigendum deinceps debitum quando quidem juri suo cessit, non ut superior qui semper aliquid retinet autoritatis in res quarum abdicationi consenserat, sed ut Socius, qui in hac re socio suo planè est æqualis, ut docet S. Paulus ergo.

Nec nocet cap. 11. *De convers. conjug.* Nam ibi agitur de Rege Sueviæ, qui *ad tempus*, non verò in perpetuum consenserat voto uxoris, unde hæc elapso tempore sibi concessio, cogi poterat ad reddendum debitum.

Obj.

Obj. Si maritus uxori castitatis votum non emittenti, dedit-
set licentiam non reddendi debitum posset licentiam hanc re-
vocare: atqui tamen licentia hæc fuisset quædam juris cessio;
ergo eadem juris cessio in casu voti revocari potest.

Confirm. 1mo. cum maritus permittit uxori ut voveat se
datam Ecclesiæ calicem, potest adhuc is licentiam à se datam
revocare ergo à pari.

Confirm. 2do. Alexander III. cap. 1. *De convers. conjugat*
permittit marito, qui vovere non vult, & in periculo constitui-
tur, ut à Religione revocet uxorem cui Religionis ingressum
permiserat ergo si maritus revocet licentiam vovendi quam
uxori concesserat, hæc parere tenebitur saltè quoad reddend-
um debitum.

R. neg. maj. Etsi enim maritus, qui uxori fecit licentiam
non reddendi debiti in ordine ad emittendum ab ipsa votum,
possit ex communiore sententia, revocare licentiam hanc quan-
diu ipsa uxor votum hoc nondum emisit, quia renuntiatio
juri maritali, pendet à conditione quæ nondum impleta est:
non potest tamen qui absolute & simpliciter jure suo cessit,
cessionem hanc revocare quia hæc cessio, cum vera sit juris sui
donatio, tam irrevocabilis est quàm quilibet contractus mutu-
us: unde non magis in hac hypothesi tenetur mulier ex vi ju-
stitiæ ad reddendum debitum, quàm si mutuo pacto uterque
conjugum cessisset jure suo.

Ad 1. confirmationem, neganda est paritas quia maritus
per licentiam datam non abdicat à se dominium, sed manet
superior, cum agitur de iis quorum administrationem habet;
at in voto continentiæ maritus non se gerit ut superior, sed ut
æqualis cedens jure suo adeoque jam non habet jus revocandi
id quod semel circa continentiam concessit.

Ad 2. censent non pauci decisionem Alexandri III. intelli-
gendam esse de licentia per vim aut metum extorta, vel sal-
tè concessa à conjugē qui nesciebat legibus sancitum esse, ut
conjugum alter profiteri non possit absque eo quod alter aut
castitatem voveat, aut ipse Religionem ingrediatur. In hoc
tamen difficili casu consulendus esset Episcopus.

PARS TERTIA.

De vitiis Religioni oppositis.

CUM religio virtus sit inter morales præstantissima, haud
dubium est quin peccata eidem opposita, aliis sint, cæteris
paribus,

paribus,
stat, dup
& hoc po
vitiolus
tur & ha
Irreligi
cris inho
phemia,
simonia
Super
ris colit
præcipu
magia,

Blaſp
qui
dixit in
tumello
sentem
in se, ve
vina san
sumante
latè sum
illos ...
Blaſp
in eam
3tio. qu
alia in
dit, quæ
præserti
manifest
phemia
dchoneſ
Blaſp
de Deo,
ut si dic
regi. I
impreca
Blaſp

paribus, graviora. Cum autem eadem virtus in medio consistat, dupliciter contra eam peccari potest, scilicet per defectum, & hoc peccati genus *irreligiositas* dicitur & per excessum, quia vitiosus est aliquando & inordinatus cultus qui Deo impenditur & hæc peccati species *superstitio* nominatur.

Irreligiositas est peccatum quo Deus in se, vel in rebus sacris inhonoratur. Quinque sunt ejus species, nempe blasphemia, tentatio DEI, sacrilegium, perjurium de quo supra, & simonia de qua alibi.

Superstitio est cultus perversus, quo vel creatura loco Creatoris colitur, vel Creator ipse modo indecenti. Superstitionis præcipuæ species sunt idololatria, divinatio, vana observantia, magia, & maleficium. De his sigillatim dicemus.

CAPUT PRIMUM.

De Blasphemia, Tentatione Dei, &c.

Blasphemia definitur Locutio contumeliosa in Deum. Locutio quidem, sive externa & oris; sive interna & animi, ut cum dixit *insipiens in corde suo, non est Deus*, Psalm. 13. *Contumeliosus*, quia fit contra Deum, in quem utpotè ubiquè præsentem omnis maledictio vera est contumelia. In Deum, vel in se, vel in creaturis, quatenus DEI sunt, & in eis relucet divina sanctitas, potentia, &c. Quod si creatura in se præcisè sumantur, maledictum in eas prolatum non est blasphemia, nisi latè sumpta: quo sensu dicit Apostolus ad Titum 2. *Admone illos.... neminem blasphemare.*

Blasphemia dividitur imo. in internam, & externam 2do. in eam quæ est contra Deum & eam quæ est contra Sanctos 3tio. quæ contra Deum est. alia est in Patrem, alia in Filium, alia in Spiritum sanctum. prima non tam ex malitia procedit, quàm ex infirmitate: secunda ex ignorantia: tertia ex ea præsertim malitiæ specie, quæ ut olim factum est à Phariseis, manifesta DEI, opera diabolo attribuuntur: 4to. præcipua blasphemiarum divisio est in hæreticalem, imprecativam, & merè dehonestativam.

Blasphemia *hæreticalis*, est ea quæ aliquid falsi pronuntiat de Deo, aut creaturæ attribuit quidpiam solius DEI proprium; ut si dicatur Deum esse crudelem, aut mundum à dæmonibus regi. Blasphemia *imprecativa*, ea est quæ quis Deo malum imprecatur, ut *Pereat Deus, maledictus sit, &c.*

Blasphemia *dehonestativa*, ea est quæ enuntiatur aliquid in Deo

D^{eo} vel Christo existens, sed indecenter & per modum contumeliæ, talis ea est quæ Juliano Apostata tribuitur, *Vicisti Galilæe*; talis & eorum, qui indignabundi nominant Christi caput, viscera, &c.

Blasphemia omnis peccatum est mortale in quacumque materia quia qualibet D^{ei} contumelia, utpotè D^{ei} majestatem positivè deprimens, gravem D^{eo} injuriam infert. Hinc ea lex Levit. 24. *Qui blasphemaverit nomen Domini, morte moriatur.* Undè S. Hieronymus Lib. 7. in Isai. c. 48. *nil horribilius blasphemiâ, quæ ponit in Excelsum os suum.* Ad hoc autem non requiritur formalis intentio D^{eum} inhonorandi, sed sufficit virtualis, cum quis v. g. ex ira aut indignatione, imò etiam ex joco ea profert quæ ex communi intelligendi modo, aut ex circumstantiis D^{ei} inhonationem continent.

Quares quomodo gerere se debeant Confessarii adversùs blasphematores.

R. 1mo. expendere debent an blasphemia eorum fuerit hæreticalis: tunc enim duplex peccatum continet aliud contra religionem, aliud contra fidem, aut saltem externam ejus professionem, 2do. inquirent quòd blasphemix genus prolatum fuerit: tum quia aliquando rudes se blasphemasse dicunt, cum solummodo jurarunt in vanum, aut quædam in belluas convicia jecerunt; tum quia facilius intelligent Confessarii gravitatem peccati à pœnitente admissi, an v. g. unâ cum D^{eo} Sanctos impetierit, quod peccatum dulci simul & religioni adversatur; an D^{eo} maledicere intenderit an ex ira, tardio, indignatione in blasphemiam proruperit 3tio. non excusabunt à mortali eos qui sine pravo in D^{eum} affectu, sed in jurgio, Christi mortem, caput, aut sanguinem apellant cum hæc vix dici possint sine D^{ei} contemptu, vix audiri sine scandalo & piarum aurium offensione.

Qui singulis ferè verbis nomina D^{ei}, Jesu, aut Sanctorum, ex quadam animi levitate, & sæpe ex impatientia proferunt, & si quid novi contingat, exclamant, *Jesu! Deus bone*, non sunt ab omni peccato immunes; 1mo. quia id prohibet Scriptura Eccl. 23. *Nominatio Dei non sit assidua in ore tuo & nominibus Sanctorum non admiscearis, quoniam non eris immunis ab eis*, id est, à peccato irreverentiæ contra eos 2do. quia nomen D^{ei} sanctum sine ullo religionis sensu usurpare ut aliquid commune & profanum, vera est irreverentia.

Tentatio aliquando sumitur pro inductione ad peccatum, ut Jacobi. 1. *Deus neminem tentat*; aliquando pro peccato quò aliquid sit aut dicitur ad capiendum experimentum potentix, sapientiæ alteriusve divini attributi; per extraordinarium effectum

atum ab
imo. ex
jecit, ra
quo per
aur aqua
tinendum
tant, qui
dignè D
nem.

Tentat
& Mart
creatura
ur pro
peretur.
tam, ut
tentatio
Spiritus
Genel.

Sacri
us, & sic
cultum
cale, &
ut Cleri
sacra, s

Perfo
perculsi
legium.
culari
onerib

cam. 4
Huc res

dicatur,
Locu

luitur,
nis hun

ejus ran
tia Jud

comesti
viam inf

luis spo
Res f

tractat
cer, ut
Mora

Etiam ab eo temerè expectatum. Et id fieri dupliciter potest, 1mo. expressè, ut contigit monacho illi, qui se in puteum projecit, ratus sibi ad futuros Angelos qui cadentem exciperent; quo pertinent probationes quæ olim fiebant candenti ferro, aut aquâ fervente, vel duello. 2do. implicite, cum quis ad obtinendum finem ordinariis mediis non utitur: sic Deum tentant, qui remediis uti nolunt ad sanitatem, studio ad tractandum dignè Dei verbum, præparatione ad Officii divini recitationem.

Tentatio grave est peccatum: 1mo. quia prohibetur Deut. 6. & Matth. 4. *Non tentabis Dominum Deum tuum*; 2do. quia creatura sine gravi irreverentia præsumere non potest futurum ut pro ejus arbitrio leges suas immutet Deus, & miracula operetur. Fieri tamen potest ut tentatio non sit nisi veniale peccatum, ut si quis nec intendant, nec cogiter actionem suam ad Dei tentationem pertinere. Imò non peccaret, qui ex vivo S. Spiritus impulsu peteret miraculum à Deo, ut fecit Abraham, Genes. 15.

Sacrilegium vel strictius sumitur pro furto rei sacræ: vel latius, & sic idem est ac quævis violatio rei Deo dicatæ, & ad ejus cultum pertinentis: undè triplex est sacrilegium, personale, locale, & reale; quia triplex est species rei sacræ, nempe *persona*, ut Clericus; *locus* ut Ecclesia; & *aliæ res Deo dicatæ*, ut vasa sacra, sacri Codices.

Persona sacra quadrupliciter violari potest. 1mo. si injusta percussio, aut actio contumeliosa in eam exerceatur, contra privilegium. *Si quis suadente diabolo*. 2do. si subjiciatur foro seculari contra privilegium fori: 3tio. si irrationabiliter publicis oneribus ut tributis subjiciatur contra immunitatem ecclesiasticam. 4to. si ipsa peccet contra castitatem aut alii cum illa. Huc refertur violatio cujuslibet voti, quia per votum res Deo dicatur, nec ad alios usus sine impietate destinari potest.

Locus sacer tripliciter violatur: 1mo. per actus quibus polluitur, quales sunt effusio illicita & publica sanguinis, aut seminis humani, &c. 2do. per actus qui licet eum non polluant, ejus tamen sanctitati adversantur, quales sunt mercatus, sententia Judicis secularis præsertim criminalis, confabulationes, & comestio sine necessitate; 3tio. per actus qui ipsi materiali loco vim inferunt, ut si Ecclesiæ fores effringantur; si Tempia bonis suis spoliuntur.

Res sacra dupliciter violatur: 1mo. positivè, cum indignè tractatur; 2do. negativè, cum ea non custoditur cura qua deceat, ut si vasa sacra, pallæ, corporalia præsertim non teneantur.

tur satis munda; si permittantur species in pixide corrumpi; si Eucharistia sub clavi non asservetur.

Sacrilegium est peccatum ex genere suo mortale: 1^{mo}. quia DEUM inhonorat in rebus sacris quæ cum ejus cultui consecrata sint, violari non possunt quin ipse contemni censetur; 2^{do}. quia graves ab Ecclesia contra sacrilegos decernuntur pœnæ, ut excommunicatio contra percussores Clericorum, contra eos qui infringunt & spoliant Ecclesias, &c. Potest tamen sacrilegium esse veniale, tum propter inadvertentiam, tum propter tenuitatem materiæ, quæ non ita pugnet cum sanctitate loci, ut si quis in transitu per Ecclesiam vendat aliquid aut emat sine mora in paciscendo. Qui in Cæmeterio mercatus & nundinas exercent non sunt immunes à peccato, nisi instet magna necessitas. Cum autem sanctitas quæ per sacrilegium violatur non ejusdem sit naturæ, quia aliter persona DEO dicata, sancta est; aliter locus DEO consecratus, debent pœnitentes exprimere speciem sacrilegii.

CAPUT SECUNDUM.

De Superstitione.

Superstitio est inordinatus cultus veri vel falsi numinis, unde duplex est, una ex parte rei quæ colitur cum non debet coli; alia ex parte modi quo colitur res cultu digna, nempe DEUS verus.

Superfluus veri DEI cultus triplex; nimirum, falsus, turpis, ac simpliciter superfluus. *Falsus*, ut si quis DEUM judaicis & remoniis colere velit. Ad falsum cultum pertinet falsas reliquias Fidelium venerationi exhibere, falsa miracula prædicare. *Turpis* seu indecens: ut si quis hominem DEO immolet: item si musica & organa, quæ in officio divino adhibentur, lasciviam sapiant. *Simpliciter superfluus*, cum quis ex indiscreta devotione, novas Missæ vel Officio preces aut caeremonias addit; cum sperat se aliquid à DEO consecuturum, si tot & tanti ponderis cereos accendat: si tot & tali situ orationes fundat.

Superstitio ex parte rei quæ colitur quintupliciter contingit vel enim impenditur creaturæ honor soli DEO debitus, & est idololatria; vel quæritur à dæmone rerum occultarum scientia, & dicitur divinatio; vel expectatur ejus auxilium ad quosdam effectus obtinendos, & est vana observantia, ad quam magia & maleficium revocari solent.

Idolo-

Idololatria in præfenti,* est peccatum quo divinus honos creaturæ tanquam Deo exhibetur.

Peccatum illud gravissimum est, 1mo. quia prohibetur Exod. 2do. *Non habebis deos alienos coram me; & infra Non adorabis ea, neque coles;* non adorabis inquam, exterius nec coles interius: unde qui tempore persecutionis, etiam ex mortis metu, idola exterius veneraretur, tamen interius servaret fidem, non esset à gravi peccato immunis; 2do. quia honorem soli Deo debitum ad viles creaturas transferre, peccatum est læsæ majestatis divinæ, quo vix gravius ullum concipi potest.

Divinatio, est inquisitio cognitionis rerum occultarum ope dæmonis.** Cùm enim occulta, ut sunt cogitationes cordis, res alibi gestæ, non possint hic & nunc naturaliter cognosci; nec eorum cognitio expectetur à Deo, qui ea vel ignorari vult, vel viis solum naturalibus cognosci; superest ut hæc cognitio expectetur à dæmone; sive expressè invocetur, ut solent eum invocare magi; sive tacitè, cùm observantur ea quæ ad talem notitiam naturaliter non deducunt, ut faciunt, Genethliaci, qui ex hora nativitatis & syderum inspectione, futuram hominum conditionem præfagiunt; Chiromantii & Physionomi, qui ex manu aut faciei lineamentis, vitæ diuturnitatem, morbos, animi indolem colligunt; Augures, qui ex animalium vocibus futura prædicunt.

Divinatio gravissimum est peccatum. Quia qui eam exercent, præcipua divinitatis insignia sibi arrogant, juxta id Isaïæ. 41. *Annuntiate quæ ventura sunt in futurum, & sciemus quia dii esis vos.*

Quæres 1mo. ***an cognitio quælibet ex syderibus petita ad divinationem pertineat. R. Duplex est Astrologia: alia *naturalis* & licita, quæ ex syderum concursu prænuntiantur eclypses: venti, pluvia, & alii similes effectus, qui cum istis connexionem naturalem habent, ut frugum ubertas & sterilitas. Alia *judiciaria*, quæ ex astrorum aspectu, prædicuntur ea quæ à sola hominis libertate pendent, ut matrimonia, dignitates, &c. Hæc prorsus illicita est, prohibetur 1mo. Scriptura Jerem. 10. *A signis cæli nolite metuiere quæ timent gentes;* 2do. Jure canonico, multisque conciliis, præsertim Toletano I. an. 400. cujus hæc sunt verba: *Si quis Astrologiæ vel Mathefi existimat esse credendum, anathema sit.* Hinc peccat qui ex eo quod hic vel ille sub Veneris planeta natus sit, certò conjicit eum lubricum fore: quia contra inclinationem celestium corporum homo potest per rationem operari, ait S. Thomas 2. 2. q. 95. art. 1.

Sed si cui prædictum sit eum gladio moriturum, aut Veneri

X x 2

debitum

* Idololatria. ** Divinatio. *** S. Thom. Opus. 26.

debitum fore, peccabunt is inde actiones suas regendo & moderando?

R. 1mo. eum peccaturum, mortaliter si infallibilem hisce prædictionibus fidem adhibeat; sequitur ex dictis; 2do. eum adhuc graviter peccaturum esse, qui sine credulitate infallibili, sed cum timore aut spe pronuntiatorum actiones suas dirigit, ut si submersionis metu domo non exeat, quia cum tales eventus ab astris ferè expectari non possint, non nisi à dæmone sperari possunt, quod sine mortali peccato fieri nequit; 3tio. qui conjecturaliter credit se vel ex astrorum influxu, vel aliunde ad rixas aut luxuriam proclivem futurum esse, non peccabit occisiones vitando, implorando humiliter Dei gratiam: si enim actus omnem, & quemlibet Christianum decent.

Quæres 2do. an licita sit divinatio per sortes.

R. sortes triplicis sunt generis, 1mo. *divisoriae*, quibus discernitur cui aliquid tribuendum sit, & ea licitæ sunt, si in partitione bonorum, cum consentiunt qui ad ea jus habent; si in pœnis, ut cum è reis pluribus unus aut alter puniendus est, si in functionibus onerosis, ut cum designandi sunt Sacerdotes qui pestis tempore Sacramenta ministrent. Attamen, sortes *divisoriae* vel *consultoriae* in ecclesiasticis electionibus prohibita sunt cap. 3. *De sortilegiis*. Undè si electi duo paria habeant vota, & neutra pars cedere velit, non licet ad sortem recurrere; imò juxta plures electio esset nulla.

2do. *consultoriae*, quibus inquiritur quid in aliqua re obscura sit agendum; & ea sunt illicitæ, quia saltem continent tentationem Dei, & diabolicæ deceptionis periculum; solet enim dæmon iis se immiscere, unde sub anathemate prohibentur cap. *Sortes* 26. q. 5. Licitæ tamen esse possunt, si hæc concurrant: 1mo. necessitas, & humani consilii defectus; 2do. ut effectus à Deo solo expectetur; 3tio. ut reverenter consulatur, & nusquam in materia circa quam prohibitum sit uti sorte. His conditionibus *sortes à Domino temperantur*, Prop. 16.

3tio. *divinatoriae*, quibus inquiritur rei occultæ vel futuræ cognitio, ut cum ex cribri versione divinantur fures, aut ex taxillorum projectu prædicatur qui victoriam obtenturus sit, & hæc superstitiosæ sunt & graviter illicitæ; sunt enim medium vanum & ad tales effectus improporionatum, idèdque tacitam dæmonis invocationem continent.

Ex his colligi potest quid sentiendum de divinatione per somnia, per avium volatus, motusve animalium, quæ sunt auguria & auspicia. Etsi enim ex iis quidem naturales effectus colligi possint: non tamen effectus liberi. Et idèd divinationes illas prohibet scriptura Levit. *Non augurabimini, nec observabitis somnia*

somnia. Hinc peccant, qui quòd canis larratum medià nocte, aut corvi crociturum audierint, colligunt aliquem è suis aut vicinis prope diem esse moriturum.

Observantia vana, * est superstitio quâ quis ad finem obtinendum utitur mediis vanis, & improporionatis, seu quæ ad talem effectum nec à Deo nec à natura, nec ab Ecclesia ordinantur, non differt à divinatione, nisi quòd hæc ad occultorum cognitionem ordinetur, illa verò ad alios effectus, relativè ad quos observantia vana in tres species dividi solet.

Prima est *Arts notoria*, qua quis scientiam vult acquirere sine studio & per media inutilia, v. g. per quasdam orationes, inspectiones figurarum, &c.

Secundua dicitur *Observatio sanitatum*, cùm quis homines aut animalia sanare, aut in iis aliquid operari conatur vanis mediis; putà si quis vulneribus mederi, & hominem ensibus impervium reddere velit, per caremonias inanes, vel characterum impressionem; item si eos effectus producere intendat per media naturalia, aut etiam supernaturalia, sed quibus tanquam necessaria adjunguntur circumstantiæ frivola, vel apocryphæ; ut quòd remedia componi debeant ex herbis tali die collectis; quòd jumentis aperiatur vena die alicui Sancto dicata; quòd animalibus detur panis benedictus contra Ecclesiæ usum; quòd prece tali numero & ordine recitentur; quòd qui easdem tali tempore recitat, aut Scapularium gestat, non sit sine confessione moriturus. Notant tamen aliqui, non statim accusandas esse superstitionis certas quasdam familias quæ solo tactu morsum canis rabidi sanant; quanquam hæc inconsulto Episcopo fieri non debent.

Tertia est *Observatio futurorum eventuum*, cùm quis ex eventu fortuito bonum aliquod aut malum sibi vel aliis eventuum ominatur, & inde actiones suas dirigit; ut si quis pede ad limen offenso malum aliquod sibi portendi credat.

Circa hæc & alia superstitionis genera, observandam credo hanc Sylvii regulam: ** *Dum aliqua fiunt ad eos effectus habendos, ad quos neque valent naturaliter, neque ex Dei aut Ecclesiæ instituto sunt ordinata, procul dubio sunt superstitiosa & magica.*

Hic ergo semper & in quacumque materia subest peccatum mortale, ob expressum vel tacitum cum dæmone commercium. Et verò qui se per certa verba morbos sanare putant, plus istdem verbis tribuunt efficaciam, quàm Sacramentis: ista enim non prosunt ponentibus obicem; ex verò superstitiones à quocumque etiam impiissimo observentur, infallibilem effectum habent

X x 3

* Observantia. ** Resolut. v. sortileg.

bent, ut aiunt, incendia extinguunt, morbos fugant, &c. Notant tamen Doctores, personas simplices aliquando excusari per bonam fidem inadvertentiam & similia.

Magia* quæ generatim est ratio mirabiles quosdam & insolitos effectus operandi, duplex distinguitur; alia *naturalis* cum ea quæ fiunt, naturæ vires non superant, & hæc licita est; alia *superstitiosa*, quâ magus mira quædam operatur ope dæmonis, saltem implicite invocati, ut cum quis ad aliquid faciendum utitur mediis quæ nullam cum effectu proportionem habent, & naturæ legibus repugnant, ut si hic pungiur figura, & homo alibi dolorem sentit.

Magia ob commercium cum dæmone, grave est peccatum, & aliquando multiplex: unde interrogandi sunt à Confessariis magi, an non dæmoni preces fuderint, quod est idololatria, an non Deo aut Sanctis renuntiaverint: quod est apostasia; an non in Deum aut Christi humanitatem convicia pronuntiaverint, aut Sacramentis abusi sint, quod est blasphemia & sacrilegium, &c.

Neque verò qui renuntiant omni pacto cum dæmone, à peccato immunes erunt: quia renuntiatio factò contraria, non excusat, sed est mera illusio: qui autem discit se omni pacto renuntiare, reipsa facit contra testificationem suam, cum mediis vanis & improporionatis utitur. Hinc cap. 2. *De sortilegio*. præcipitur ut Sacerdos qui non eâ intentione ut vocaret dæmonium, sed ut inspectione astrolabii furtum cujusdam Ecclesiæ posset recuperari furem detegere voluerat ab altaris ministerio per annum suspendatur.

Maleficium est superstitio quâ quis dæmonis ope nocet alteri. ** vel in se, vel in suis. Quod autem existant malefici, sagæ, forciarii, patet, 1mo. ex Scriptura Exod. 22. *Maleficos non patieris vivere*; 2do. ex Conciliis plurimis à Niceno I. Can. 20. ad nostra usque tempora 3tio. ex praxi Ecclesiæ quæ nefariam hanc hominum pestem diebùs Dominicis anathemati devovet; 4to. id evincit celebre exemplum Magorum Pharaonis, Pythonissæ quæ suscitavit Samuelem, Simonis magi, qui prodigia adeo stupenda edebat, ut pro Deo à populis haberetur.

Maleficium duplex distinguitur. Aliud est *amatorium*, quo flectuntur homines ad amorem venereum, non quasi dæmon voluntatem cogat, [undè qui tentationibus ab eo per philtia inductis consentiunt, mortaliter peccant, quia ex quantumvis importuna per Dæi gratiam vinci possunt] sed quia spiritus immundus phantasiam concurit, adeoque exponit ruinæ, nisi ad orationem, jejun. & Sacramenta recurratur. Aliud dicitur *veneficium*,

* Magia. ** Maleficium.

ficiū, quō mors, morbi, dolores inferuntur: eo referri potest maleficiū circa copulam carnalem. Utrumque malefici genus grave est peccatum, quia pugnat 1mo. contra religionem, utpote continens commercium cum diabolo; 2do. contra iustitiam, 3tio. quia sæpe annexam habet hæresim, apostasiam, sacrilegia, &c. undè magi, & alii id genus nunquam absolventi sunt, nisi omnem cum dæmone societatem abjurent; artis magicæ instrumenta, libros, schedas comburant; illata proximo damna reparent. Si tamen dæmoni chirographum dederint, necesse non est ut illud repetant sed satis est si pænitentia lacrymis ipsum delere moliantur.

Quæres an, & quibus remediis uti liceat ad dissolvendum maleficiū.

R. licet uti 1mo. remediis *naturalibus* quæ petuntur ex herbis, &c. imò remedia hæc ab initio tentari convenit, nè quod naturæ opus est, dæmonis opus esse temerè credatur; 2do. remediis *supernaturalibus*, ut sunt confessio, Eucharistiæ susceptio, Aquæ benedictæ usus, Reliquiæ Sanctorum, frequens nominis Jesu, & B. Virginis invocatio, signum Crucis, cujus vis magna est contra satanæ laqueos.

Gravior est questio, an uti liceat remediis moralibus, iis nempe quæ amovendo aut destruendo signa magica quorum ope nocet diabolus, ejusdem pactum dissolvunt. Qua dere.

Dico 1mo. Non licet petere à malefico etiam parato, ut maleficiū per aliud maleficiū tollat. Ratio est, quia maleficiū per aliud destrui bene & licitè nequit, eò quòd posterius maleficiū includat expressam vel tacitam dæmonis invocationem quæ semper illicita est; ergo licet destructio maleficii sit aliquid in se bonum, prout tamen fit per commercium cum dæmone, est aliquid pessimi. Undè colliges non licere ab alio malefico qui prioris maleficiū non novit, petere ut illud solvat, quia tunc illud aliter quàm per maleficiū solvere non potest.

Dico 2do. Licet petere à malefico ut tollat maleficiū modò licitò; quia licet ab eo petere ut injustè nocere desinat, cum ad id teneatur.

Quod si maleficus licitum maleficii destruendi modum ignoret, nihil ab eo petendum est; quia tunc licitè maleficiū destruere nequit.

Sed quid, si dubium est an maleficus licitò vel illicitò mediò usurus sit ad maleficii solutionem.

R. 1mo. Hortandus est, imo & minis cogendus ad utendum mediò licito, si qua sit spes eum usurum esse.

2do. Si Probabilius sit eum usurum mediò licito; peterit ab eo peti

peti ut maleficium solvat, quia cessat tunc periculum morale ex parte personæ & hoc verum est, quamvis etiam à dæmone modum illum licitum accepisset, quia eo uti malum non est. Sic si diabolus thesaurum absconditum indicasset, liceret eum querere, cum non videatur illicitum uti scientiæ quæ in se nihil habet mali, modo sine ope dæmonis exerceri possit.

3^{io}. Denique si probabiliter credas, aut etiam certus sis moraliter, maleficium, illicito potius quam licito modo destructum iri, adhuc potes ejus destructionem petere: quia tunc petis rem quam habes jus perendi, & quæ à mago licite præstari potest; ergo non magis peccas, quam cum juramentum petis à Gentili, quem scis per idola juratum esse; 2^{do}. quia licet ex charitate teneamur proximi peccatum vitare, non tamen cum peccatum hoc ex malitia solum operantis provenit, & alias nobis grave damnum salutis imminet: atqui in præsentī casu grave nobis imminet etiam salutis damnum; quorū enim expositi peccatis qui, v. g. matrimonium consummare nequeunt? Aliunde vero quod maleficium maleficium peccando solvat, ex ejus solum malitia provenit, cum supponamus eum posse via licitā maleficium solvere faciemur enim eum qui scit aut dubitat an maleficus licitum cognoscit maleficium destruendi modum, non posse sine peccato maleficium dissolutionem ab eo petere.

Dico 3^{io}. Licitum est destruere & comburere signa maleficium ut ligaturas, imagines, capillos.

Probat^{ur} 1^{mo}. quia non solum licitum est, sed & meritorium destruere opera diaboli: atqui hæc destruuntur, cum evertuntur signa quibus malitiam suam alligavit. Unde nulla est hic cum dæmone societas, sed potius destructio societatis quam dæmon prædictis signis alligare solet. Prob. 2^{do}. quia sæpè præcepit Scriptura, ut idolorum statuae, aræ, & luci subvertantur, ut Exod. 34. Deut. 7. atqui perinde est signa magiæ destruere, ac tollere idola, præsertim cum idola hæc maleficium plena essent, ergo.

Obijciuntur duo: 1^{mo}. autoritas S. Hieronymi, juxta quem cum ad S. Hilarionem adducta esset virgo, à dæmone quo obsidebatur liberanda, *Noluit Hilarion, signa jubere perquiri, ne aut solitis incantationibus recessisse dæmon videretur, aut ipse sermoni ejus accommodasse fidem*. Ergo duo occurrunt in auferendis istis signis mala, unum quia dæmon per incantationem recedit; aliud quia eidem fides datur.

2^{do}. in hisce signis duplex virtualiter pactum cum dæmone invenitur hoc modo: *Nocebo si tale signum tali in loco ponatur: si verò auferatur nocere desinam*; ergo ut peccat qui hoc signum ponit, quia commercium habet cum diabolo, ita & qui illud auferit eadem de causâ.

R. ad 1. non dicit Hieronymus *ne solitis incantationibus recederet*, sed *recessisse videretur*, quæ verba indicant Hilarionem timuisse aliquid scandalī; & ne astantes putarent dæmonem non potuisse à viro DEI expelli invitum præsertim cum dæmon dixisset se non exiturum nisi ablatis signis, quorum idcirco locum indicaverat.

Ad 2. 1^{mo}. qui tollit signum à dæmone positum scire nequit, an factum sit duplex pactum, necne; 2^{do}. etiam si id sciret, non ideo commercium habet cum dæmone; quia nec petit, nec expectat à dæmone sanitatem, quod est effectus positivus, sed ut nocere desistat, quod est effectus privativus; hunc autem effectum expectare sine pacto, & ex destructione signorum, non magis illicitum est, quam illicitum sit expectare dæmon s. fugam ab obsessio.

FINIS TOMI I.

Ex Bibliotheca Cameracensis

Martini Regii

par-
lum
the-
idea-
ope

iter,
dhuc
s jus
eccas,
ratu-
acum
antis
ui in
enim
Ali-
plum
cium
in co-
eficii


ii ut


de-
igna
pone
gnis
rum
per-
dola

cum
ur li-
ioni-
dem.
mon

reni-
fera-
com-
ausa.
eret,
quid
Der
nisi

e. 2m
ideo
de-
istat,
pa-
lici-








Biblioteka Jagiellońska



stdr0025058



INSTITUTIO
THEOLOGICA

PETRUS SCOTUS
TOMUS PRIMUS